



47901/B

EX BIBLIOTHECA



CAR. I. TABORIS.























IN FERRO SALVS



PERFICIT NON OFFICIT



MARCI  
AURELII  
SEVERINI

Tharsienfis  
Philosophi  
de


RECONDITA  
ABSCESSUM  
NATURA

LIBRI. VIII.

EDITIO  
ULTIMA

1724


ASPERA LENIT



FRANARE MINACIA



FIT VIA VI



Apud JOH. a KERCKHEM.



THE  
LIBRARY  
OF THE  
MUSEUM OF  
COMPARATIVE ZOOLOGY  
AT HARVARD UNIVERSITY  
CAMBRIDGE, MASS.

RECEIVED  
JAN 10 1900  
FROM THE  
LIBRARY OF THE  
MUSEUM OF  
COMPARATIVE ZOOLOGY  
AT HARVARD UNIVERSITY  
CAMBRIDGE, MASS.

6.  
1900



# MARCI AURELII SEVERINI

*Apud Neapolitanos Medici ac Philosophi Regii*

D E

## ABSCESSUUM RECONDITA NATURA, LIBRI VIII.

- I. DE ABSCESSU CRITICO, CUM CONSULTATIONE SINGULARI.
- II. DE ABSCESSIBUS PER CONGESTUM,
- III. DE ABSCESSIBUS ANOMALIS.
- IV. DE NOVISSIME OBSERVATIS ABSCESSIBUS.
- V. DE PAEDARTHROCAE, ABSCESSU PUERORUM PROPRIO.
- VI. DE GIBBIS, VALGIS, VARIS, ET ALIIS AB INTERNA VI VARIE LUXATIS.
- VII. DE EPINYCTIDIBUS, ROSEOLIS SALTANTIBUS ET PERNIONIBUS.
- VIII. DE ΠΑΙΔΑΓΧΟΝΗ ΛΟΙΜΩΔΕΙ.

*Editio novissima, multis Iconibus aere incisis ornata,  
ac locupletiori rerum, verborum, & historia-  
rum, indice donata.*

Accedunt & Clarissimorum Virorum judicia super hunc de  
recondita Abscessuum natura Tractatum.



*Jak. Houbraken sculp.*

LUGDUNI BATAVORUM, *Sum. Canajora Cont.*  
Apud JOANNEM à KERCKHEM, *Corayra - Jacob* 1724.

MANUSCRIPTS  
A B C D E F G H I J K L M  
N O P Q R S T U V W X Y Z

THE  
HISTORICAL  
MEDICAL  
LIBRARY  
WELL  
COM  
E



1871  
1872  
1873  
1874  
1875  
1876  
1877  
1878  
1879  
1880  
1881  
1882  
1883  
1884  
1885  
1886  
1887  
1888  
1889  
1890  
1891  
1892  
1893  
1894  
1895  
1896  
1897  
1898  
1899  
1900



V I R I S

CLARISSIMIS ET EXCELLENTISSIMIS

VARIA DOCTRINA ET EXIMIA

ERUDITIONE INSIGNIBUS

PER ORBEM TERRARUM CELEBERRIMIS

ARTIS MEDICAE PRINCIPIBUS

D. HERMANNO BOERHAAVE

A. L. M. PHIL. ET MED. DOCTORI

MEDICINAE BOTANICES CHEMIAE

ET COLLEGII PRACTICI

IN ACADEMIA LUGDUNO BATAVA

PROFESSORI

COLLEGII CHIRURGICI PRAESIDI

D. H. OOSTERDYK SCHACHT

A. L. M. PHIL. ET MED. DOCTORI

MEDICINAE THEORETICAE ET PRACTICAE

PROFESSORI.

D. BERN. SIEGFRIED ALBINO

MEDICINAE DOCTORI

ANATOMES ET CHIRURGIAE

IN ACADEMIA LUGDUNO BATAVA

PROFESSORI.



H O C

MARCI AURELII SEVERINI

THARSIENSIS PHILOSOPHI MEDICI

REGIO IN GYMNASIO NEAPOLITANO ANATOMES

ET CHIRURGIAE

PROFESSORIS

DE RECONDITA ABSCESSUUM NATURA

ERUDITISSIMUM

MULTIS NOMINIBUS PRAESTANTISSIMUM

MEDICINAE HINC CULTORIBUS UTILISSIMUM

A LONGO TEMPORE LAUDATISSIMUM

O P U S

QUAM POTUIT NITIDISSIME ET ORNATISSIME

EORUM EXHORTATU PRAESIDIO

AB INTEGRO EDITUM

IN OBSERVANTIAE EORUMQUE NOMINUM

EXISTIMATIONIS TESSERAM OMNI QUAE

PAR EST ANIMI REVERENTIA

HUMILLIME OFFERT ET DEVOVET.

JOANNES à KERKHEM.

# ARTIS MEDICAE CULTORIBUS

S.



Lectorumque jam Vestrum, qui, illorum, quae ad Vestram, generi humano in primis salutarem, summe excolendam & omnibus numeris ampliandam Scientiam spectant, avidi, hocce Magni SEVERINI, omnium quae nobis legavit praestantissimum, Opus exoptastis, voto & desiderio respon-

detur. Comperta quippe vobis Artis Chirurgicae praestantia & nobilitate; quod suo industrio & dextero cultu terricolis, alias saepe perituris, adeo feliciter opituletur; tum quod accurato ejus perspectu ad externa attendens mala animus veritatibus hisce, quibus internas, & abditas, corporis nostri laesiones cognoscet, imbuatur; tanti Viri operam arripere, & in usum convertere Vestros, cupivistis, cui in hac arte par Vobis non innotuerat. Sed obstabat Vestro scopo Operis hujus exemplarium penuria; cum plus semel licet excusus liber, venalis amplius reperiri non poterat, nisi hinc inde, & magno pretio, forte arcessendus, praesertim qui Francofurti editus, A. 1643; verum, quod pessimum, propter enormes mendas, numero certe non facili creditu, Tyronibus vix usum praestans, & aliis maximum movens taedium. Neapolitana insuper editio, forte paulo purior licet, commodis Vestris neutiquam sufficiebat; pauciora longe equidem haec, quam illa modo indicata, ab ipso Auctore tum adaucta, octavo



simul addito libro, egregio opusculo, referebat. *Aliae* porro, si existent, editiones, ut *Patavinæ una A. 1651.* & altera *A. 1668.* adeo certe latent, ut, potius quam quis has adipiscatur, harum in libro de Script. Med. *A. van der Linden*, modo superesse videantur Tituli. Quae jam omnia remota incommoda; ubi *Neapolitana* nitidior, & locupletior multo, atque *Francofurtensi* squalida castigatam magis, obtinebitis. Decoram *Summi Viri* effigiem, qua *aliae* carebant editiones, *Operi* praepositam non despicietis; cum simul, eo, gratum *Viri* vultum, dum acutissimum ejus evolutum Opus praedicat ingenium, mirari occasio detur! Accipite ergo Opus, in *Vestram* quod prodit gratiam! nec *Vestrū*, fidem habeatis, frustrabitur expectationem. Placebit admodum, praeter *Romanae Linguae* puritatem, omnium fere *Tumorum*, caeterorumque malorum, exquisitissimus describendi modus; placebit sedula adeo, & vix expectanda, omnium phaenomenon & circumstantiarum, in perscrutandae mali naturae tendentium investigationem, adnotatio. Miraturi estis acutissimi, simulque dexterrimi, in malis debellandis *Viri* methodum, faustumque successum. Et, quod iis in primis, qui artis suae certa fundamenta jacta volunt, pergratum erit, quam plurimum *Tumorum*, *Ulcerum*, &c. variis in corporis partibus repertorum, selectissimi exhibentur *Casus* & *Historiae*. Quid pluribus? ubi adeo excellentium omnium, doctorum, ore pervulgata huc usque *Viri* fama; ultroque de ejus meritis *Vobis* certi testes, *Praeclari Viri*, quorum auspiciis, denuo exit Opus, esse poterunt. Valete!



PRIORIS EDITIONIS DEDICATORIA.

*Illustrissimo, ac Excellentissimo, Domino,*

D. FERDINANDO ENRIQUEZ


RIBERAE,

ALCALANORUM DUCI, &c.

*Consilii supremi ordinis apud Regem Hispan. Consiliario,  
nunc in Siciliae Regno Proregi,*

MARCUS AURELIUS SEVERINUS.

F.



I quod argumentum ad scribendum, hoc tempore accommodatum, aut aliis, aut mihi, multis nominibus aggrediendum fuit; illud est unum, quod Generosa tua filia natu minor, Princeps Excellentissime, male valens hisce diebus exhibuit. Nam hoc plurimis ex causis peropportunum visum est. Prima enim dignitas est

rei, quae plane admirabilis, & multis ab hinc annis, ne seculis dicam, nova visa est. In morbo, inquam, phoenomena quaedam, quorum adeo occultae causae, ut in singulares & arcanos gubernantis naturae conatus referre opus fuerit multis; itemque varias, difficiles, ac perplexas, opiniones comminisci, quo exitus enodationi pateret. Altera causa est personae claritas, atque splendor; cujus, ut in Illustrissimo loco consistentis status, quicumque cognitus omnibus sit oportet: nec dico tantum genti nostrae ac popularibus, quos tua nunc prudentia moderatur; sed & Tuis Hispanis, aliisque, qui tuas res omnes  
vel



vel ut spectatissimi Principis attentis auribus hauriunt. Ad haec, cum de omni Republica, deque universa ditione Neapolitana, tam egregie, tam prope divine, meritis sis: officii nostri, qui cives sumus, ratio, gratitudinisque obligatio, polcit; ut, quacumque tandem ratione possimus, gratiam aliquam referamus singuli cujusque ordinis. E Medico autem, qui noster ordo est, cum mihi te jam approbante contigerit, ut lepidissimae Heroinae insolenti morbo gravatae meam medendi operam impenderim; cassam hanc equidem nullamque putem, nisi & multum meum in hac re studium ac sollicitudinem, quam Principi bene merentissimo, totaque Europa Clarissimo, debuerim, ad posteros, exterisque quantum liceat, transmittam. Quamquam, quid haec ad tot ac tanta beneficia, quibus seu singulari tua bonitate, seu Patrio exemplo patriam nostram regionem admirabiliter cumulasti, atque in dies cumulas, salutem & libertatem vendicas;

*Res Italas armis tataris; moribus ornas;*

*Legibus emendas;*

Rectos vivendi mores revocas; justitiam, & pietatem caeterasque virtutes, bonasque artes excolendas facis; ita, ut, quod D. Alphonsi tempore factum legimus, id nunc sub Tuis gubernaculis experiamur: quo statu rerum quid optatius? quid praestabilius? quid felicius excogitari queat? Habes jam causas, quae tum ad rem ipsam; tum ad Heroinae filiae personam; tum ad nos ipsos spectantes, modis omnibus ad scribendum jam nos impulere. Utinam autem pro dignitate magno functi munere fuerimus! Verum tamen curationis felicitas una ipsa sit, quae caeteris suppleat, & inelegantiam nostram exaequet; quam quidem tumultuaria scriptio non nutrire non potuit, alias fortasse plenius excolenda. Interim vale, ac diu feliciterque apud nos regna, Princeps regnare dignissime.

*Peril-*



*Perillustri & Excellentissimo*

V I R O ,

D. MARCO AURELIO SEVERINO ,

In Regia Universitate Neapolitana Doctori ac

Professori primario,

Salut. & observ.



*Uasi Genio aliquo impulsore ad Exc. T. scribo. Tametsi enim inter eam, ac me, nondum ulla intercesserit notitia, ullave epistolii transmissio, aut commutatio; rara tamen doctrina tua, quam exasciatissimus Tractatus de recondita Abscessuum natura solibus hisce, ex Italia (ubi triennium fere studiorum gratia ante haec contrivi) allatus, ubertim nobis adaperuit, arcano lentoque vinculo Tibi me conjungit.*

*Rem decumanam, fidem mihi habe, molitus es; nec duntaxat molitus sed & perfecisti, invidendam ocyus quam imitandam. Auribus hic nil quidquam do, cum ab hac re voluntas mea longissime abhorreat, nec eruditissimi desint Viri, qui mihi adhinniant. Sive namque materiem, nondum quartam quidem partem ab alio ullo elaboratam, sive stili elegantiam ac disertitudinem, sive rerum ordinem, sive rationum momenta, seu denique alia coagitata mensura, seduloque intertexta, expenderim; non est, quod singularem ac vere salutarem, ubique praedicabilem, ac vix intermorituram, Te navasse operam, cunctosque expleffe numeros, ullatenus addubitetur.*

*Quo nomine, cum provinciam tuam, tam egregia cum laude & bono publico hic ita sustinueris, hancque tam compte ornaveris Spartam, nemo certe esse debet literarum amans, quin Tuo, mi SEVERINE, assurgere nomini, gratiasque agere & debere immortales, velit.*

*Verum, invidis, quibus  $\mu\omega\mu\epsilon\iota\delta\varsigma$  quam  $\mu\omega\mu\epsilon\iota\delta\varsigma$  facilius, & qui, Te ampiruante, redantruare ignorant, valere jussis, ulteriori commendationi supersedeo, re ipsa,*

*(rumpantur ut ilia Momis,)*

\* \*

*loquen-*



loquente & Poëtae Claudiani in parerg. 6. de Conf. Honor. me re-  
trahente paroenese, dicentis,

Fucati sermonis opes, mens conscia laudis  
Abnuat.

Unum nos qui in umbilico Teutidos agimus, queritamus Exem-  
plarium penuriam! Quocirca ut hic denuo, praelo Chalcographico  
subjiciendi veniam ac licentiam nobis des, simulque ea, quae forsitan  
adjicienda aut inserenda videbuntur, haud gravatim transmittas, no-  
strisque imo cunctorum studiis opituleris, oro ut exorem: hoc namque  
facto, aeternantibus ingenii monumentis Theatrum posteritatis tanto  
uberius, replebis, Tibique eriges

Monumentum aere perennius,  
Regalique situ Pyramidum altius,  
Quod nec imber edax, nec aquilo impotens  
Possit diruere.

Hisce felicissime vive, amussitato opere Tuo, spretis quotquot ad-  
versantibus, secundum abagionem illam:

Ἀκμῶν μέγιστος & φοβεῖται τὸς ψόφος.

GERMANOS, Germanorum amator ac Favitor, exhilara, op-  
timeque vale!

Scrib. Francofurti ad Moenum, prid. Kalend. Novembr. salutiferi  
Virginei partus, Anno 1642.

Nominis & Amplit. T.

Colentissimus

L. AB HÖRNIGK,

U. Juris, Med. & Phil. D.

EDI-



EDITIONIS SECUNDAE DEDICATORIA

*Amplissimo Viro*

Rerum naturae, Medicae Facultatis, Civilis sapientiae

consultissimo, eruditione ac virtutibus

excultissimo,

D. LUDOVICO AB HÖRNIGK,

S. Pal. Comiti, Consiliario Caesareo, Palatino & Solmensi;

nec non Dynastiae Solmejo-Rodelheimensi Praefecto;

MARCUS AURELIUS SEVERINUS

*PROFESSOR Jatrophysicus Neapolitanus, se, suumque*

*monumentum hoc*

D. D. D.



PISTOLA tua mente sagacissima, quasi Pallas in Jovis cerebro concepta, Venere & amoribus fata, inter Charites nata, à Mercurio suscepta, per Suadam dictata, & κέρατο Αμαλθείας donis dictata, h. e. cunctis eloquentiae, prudentiae, officii, studii, candoris, urbanitatis numeris, exornata; tametsi grande quippiam voto suo molita, nullum tamen obtinendae rei negotium, nullum laborem experta est, ut optatum Legationis & postulationis suae fructum referret: non alio sane modo, quam magna beneque instructa classis, vel ingens ac fulminatrix belli machina murorum oppugnatrix, vix in prospectu consistens, vix accedens, modicum ambitum propugnaculum continuo ad deditorem compellit. Nam quod ego non obviis, ut aju it ulnis, animo non exporrecto, monumentum illud meum sic bene auspicato, sic bene feriato, in manus Excellentiae Tuae



## M. AURELII SEVERINI

traderem etiam cum accentario? Nam neque minorem proclivitatem ex me poscit, tum promeriti Tui exuberantia, tum compar officii debitiue mei magnitudo. Taceo, quod summi mihi decori est, incomparabili ornamento, per tantum Virum interpellari, reculam humilem negari, tuaeque nae vivam! honorificentiae fuit potius, quam mea dignitatis, tam multum honori Te meo velificari. Debebamque porro, quod petisti, prior ego quam Tua, LUDOVICE, gravitas contendere; Donum scilicet ac Bonum, quod si plerisque, est utile, mihi sane quam honestissimum cadit. Quemadmodum homini rustico magnum quid contigisse visum est, quod Alexandro Macedoni potum petenti de aquae cyatho licuerit gratificari.

Jam vero, quod ego plurimum hac petitione Tua lucrifecerim, neque ipsa parum es foeneratus. Nimirum pro pisciculo retulisti didrachma: quinimo (amicitiae studio facile tanti feceris) pyropum, h. e. meum de Te flagrans cor, Tibique jam expositam voluntatem atque arbitratum; verum tamen vide, MI LUDOVICE, ne non secus, quam ego, captus & ipse fueris hac piscis fabri captura: nam piscantis jam venati donax & feta cum reliquo apparatu, sic manet operi implicata, piscisque praecordiis illigata, ut neque haec suae tum spontis videantur. Verum captiva restant captivi. Sic igitur cum me meaque obnoxia tute Tibi feceris; & ipse mihi obnoxius factus es; nimirum libro potitus non sic liber evasisti, ut non ejus Tu quoque farcinam tibi aggregaveris atque coëmeris, i. e. tutelam, defensionem, propugnationem, perinde ac (Juris-Consultum alloquor) cum quis adoptivum sibi adsciscit. Ad hunc modum vides irrigatam Nomini tuo praeclaro voluminis istius Dedicationem. Quam cum incautus ipse subjeris; ego non improvidus confirmarim: aequo jam debes animo suscipere nec gravate retinere; seu fato quidem id evenerit, seu sic volentibus maximo tuo erga bonas artes studio, tuaque nos humanitate, comitate, bonitate, caeterisque causis honestissimis; quae omnes in has Te tricas coniecere. Verum, quid dixi tricas? quando suavissima haec Tibi debet esse provincia, nec ab instituto tuo, qui bonas literas ex animo colis, aliena. Accedit, quod decorum & gloriosum putas, bonorum aliorum suscipere clientelas, rerumque bonarum patrocinia; nec non omnia, quae pro-



## D E D I C A T I O II.

probari solent à probatissimis Viris, quaeque noris Superis esse grata: haec amplecti gaudes attentissime, quod enim sic longe peregrinatum Librum meum tam benigne, tam liberaliter exceperis; hospitalitati profecto servivisti; quam Juppiter in terris cum Mercurio praeambulans aureis temporibus primam humano generi commendasse visus est.

Jam vero dum hac inclyta Tua virtute gestis ac vigilas longinquis & ITALIS adjuvandis; videris & ipse Diis coelitibus unice adjutus, qui generis splendore, nominis claritate, praefectura-  
rum dignitate, Imperatoris summi gratia, imperandi in S. Palatiis & Dynastiis potestate, suadendi felicitate, plurima in collegia collegasque auctoritate, amicorum & asseclarum copia sic abundas, ut plane adfluas; ut quid igitur tanti Tua praestantia pari cum nostrarum rerum studio conjuncta, non valeat, aut non debeat hoc sibi dicatu opus amice excipere? res inter suas habere? tutari atque fovere?

Foveas igitur, amplifies, protegas, defendas, & Tuae Magnanimitati proprium & Tua virtute dignum opus! Vale feliciter! Neapoli Idibus Februarii M. DC. XLIII.

ILLUSTRI VIRO  
MARCO AURELIO SEVERINO

Efficacis Chirurgiae instauratori,  
JOANNES BAPTISTA FERRARIUS,  
Medicus Vergianensis, Telesianae Philosophiae  
Professor, de feliciter repertis bene gaudere.



*N*emo verbis complecti queat, Vir Clarissime, quam tibi multum Chirurgia debeat: quae foeda nostrorum temporum inscitia, & miseranda bonarum artium calamitate vilissimo loco habita, ab imperitis detraetata, & multis jam seculis corrupta, & mutila, jacens, Tuo nunc beneficio atque improbo labore instaurata, dignitati integritatique suae, quae multa est, restituta & modis omnibus exornata, redivivae velut Phaenicis modo novissime resurgit. Debent & Tibi Poeoni terrarum nostrarum chiliades hominum liberatorum à doloribus, à languoribus, à morborum exagitatione, à marcore, à desperatione salatis, & à morte: ad minimum certe plurimi sub moerore, & incommodis vitam finivissent, qui nunc integri valent, vigentque. Ex his postremis & me dudum esse vere confiteri possum, qui diu ab accretis intra superiores nares carunculis (polypum majores apte dixerunt) infestatus, dum hujus importunitatem ferre non differo, virili intrepidoque animo periculorum omni metu deposito, id in me ipso praestiti, quod vix in aliis expertus fuisssem. Mea enim ipsius manu forficula in impeditos meatus penitus immissa, non multo profuso sanguine, neque iniquo cum dolore, odibile sarcoma, circumplexum excidi, firmisque de radicibus evulsi: rem sane, quam ne somnio quidem sperassem, tam e voto tamque feliciter eventuram: sed tamen ita re ad optatum exitum perducta comprobavi plane, quod collaborantes adjuvet Deus. Exinde igitur spiritus libertate recepta vixi compos inculpati effatus, & anapnoeae, qui prius secundum utrumque offensus, mihi ipse displicebam. Quod vitae commodum, quamque integritatem, uni Tibi acceptum referam necesse est, SEVERINE praestantissime, qui res omnes, apparatus, & agendi ratio-



tionem, ostendisti, difficultates expedisti, trepidanti animum auxisti, manumque direxisti sic, ut rite recteque rem absolvere quivissem; soluta semel culpa, quod alios medendo juvare contenderem, qui mihi met ipsi succurrere non possem. Accesserunt & ad eam rem adjumenta alia, siquidem te & de efficaci saepe Chirurgia differentem audiverim, & intrepidam hanc ratamque facitantem in plurimis observarim. Porro assuetus ante hac frigidis Medicorum nostratium cautelis, qui languentes prius ad tabem perducere sinunt, quam quidquam adjuvent: primum apud Te, Virum vere Asclepiadam, studium ac rationem medendorum morborum inmanium generosam comperi, vidique mirum in modum ea de re, tamquam de comperto maximo thesauro, laetatus. Bene igitur auspicatum illum diem voco, à quo primum tempore curiosus cognoscendi tui, quem fama erat; jam oblitterata & altis obducta, priscorum Asclepiadarum placita, voce non solum & calamo adserere, verum etiam experimentis, usuque felicissimo, revocare: tum cominus visurus observaturusve medentem adii, ductus, credo equidem à monito genii, qui non poenitendos, sed claros fructus inde promiserat. Qua ipsa fiducia non me frustratum, sed expletum magna ex parte declarant, & quod mihi per me, sine aliorum ope, recuperarim functionis immunitatem, & quod corruptum jam vetus medentium institutum, deseruerim, novae meliorque Tuae methodo adhaerens; quam retenturus equidem sum, donec Apollinaris ars mihi fuerit exercenda. Interim, quod me ad genuinam medendi rationem cognoscendam, excolendamque, auctor fueris, quibus verbis tibi gratias agam, non reperio, immortalem alioqui gratiam habeo, habeboque, dum vivam: nam relaturum, me affirmare non possum; cum merito res non patiatur, ut satis fecerim unquam. Vale! & ad gloriam non tentatarum alicui rerum feliciter perge.



# FRANCISCI ROMANI A CONTURSIO,

In amplissimo Incurabilium Valetudinario , Medici  
Professoris,

*Super hoc opere de Recondita Abscessuum Natura,  
ad ingenuum Lectorem Epistola.*



Orborum omnium , qui miseros mortales infestant , supra trecentos crediti Plinio , duplex est genus : *alterum* quidem est eorum , qui quadam veluti comitate curari se permittunt ; *alterum* est eorum , qui sunt insanabiles putati vulgo. Posteriores hos omnes communis medendimos tamquam feras , quae nunquam cicurantur , nedum non attingit , sed plane destituit ; & sane injuria , quando malis omnibus sua respondere remedia confessum est , & à doctis Viris abunde monstratum. Illud tamen non diffiteor , quod graviore quadam ratione , strenuisque omnino praesidiis , sunt eadem oppugnanda : nimirum ut paria sint obsistendi momenta ; immo major etiam sit in evincendo modus ; ut prudentissimi Viri requisivere. Hoc igitur studium , & has morborum ferme insanabilium vindicias , Marcus Aurelius Severinus Philosophus , & Medicus plane doctissimus , primus & solus jam pridem instituit ; heroico scilicet animi robore , atque consilio ; quale fuit Herculi , felicibus seculis , ad debellanda monstra , atque ad purgandas belluis inmanibus omnes terras , sic in amplissimis Incurabilium Valetudinariis , aliisque sodalitiis , & universo populo Neapolitano , civibus & advenis refertissimo , velut in vasto campo magnanimum hoc suum institutum , & munus , ad hanc diem exercuit , morbos curans , ex internis quidem *vetustas* & *implacabiles cephalaeas* , *manias* , *morbum sacrum* & *attonitum* , *imminentem coecitatem* , *phthoën* , *empyema* , *phthisin* , *hydropem* , & *languores alios*. Ex externis vero vitiis averruncavit *vasta hydro-*



*hydrocephala, horrendas capitis exostoses, spiritum abrumpentes polypos, jam jam strangulantes anginas, coalitos natura digitos, disrupta ulceribus intestina, atque vesicam, rhyadicos, & hoc genus. Quid dicam autem septemplices fistulas, ulcera chironia, telephia, amplivagas phagedaenas, absumentes nomas, theriomata dira, exitiales siderationes, atque gangraenas? quot autem liberavit annuis ulceribus oppressos, frigidis abscessibus confectos, carcinomatis tortos, saevissima Syphilidis lue correptos ac pene corruptos? denique conclamatos ac depositos, quot & quales hac oratione referre non possum: ut haec quidem facta non hominis, sed Indigetis cujusdam, divinitus inter mortales immissi, dicere non dubitem. Equidem, qui saepe illum in arduis, & omni spe orbatis, allaborantem quotidie non tam vidi, quam demiratus sum. At quibus, dices, artibus & modis, insuperabilia tot sunt ab hoc Viro mala superata? instrumentis inquam & operis exquisitis atque magnificis; quae sunt *arteriarum sectio, jugularium & nova venarum apertio, excellens scarificationis ac sectionis usus, paracentesis*, ac denique *ignis*; non ille quidem retorridus solum, sed suavior, ac novis suis repertis tolerabilior: qualem ipse auctor in *Protechnias opere* palam faciet. Est autem agendi ratio nova, & certa quaedam Medicinae forma, quam efficacem ipse primus appellavit; traductam ex primo Hippocrate, atque Asclepiadis; deinde Alexandrinis Medicis, & Latino Celso; tertiis Oribasio, Aretaeo, Aëtio, Paulo, & postremo Albucasi, Arabum primario. Quam Medicinam maleferiati Medici succedentes, tum obscurarunt, tum corruerunt, à sexcentis ferme annis, ut auctor hic supputat, ad hanc aetatem: quanta autem cum artis injuria, quanto cum profitentium detrimento, quantoque cum languentium incommodo, dici sane non potest. Caeterum hanc artem Severinus ruinosam instaurat, mancā integrat, exercitam falso corrigit, concisam amplificat, ac veteri cum suo splendore conciliat; non doctrina solum & scriptis, sed quotidianis etiam observationibus, experimentisque, multiplicibus. Atque adeo praestat suus hic mendendi mos aliis; quantum nugis seria; verbis effecta; ambagibus evidētia; sacris tectis ostensionibus experimenta; testimonium oculatum traditione; scientia opinione. Porro Severini si perpenderis in investigando solertiam, in meditando profunditatem, in scribendo facundiam, in aggrediendis arduis fidu-*

\*\*\*

ciam,



ciam, in evincendis non tam morbis, quam monstris dexteritatem ac felicitatem; profecto non invenies in re Chirurgica parem. Itaque cedunt Severino Guidonii, Vigonii, Fallopii, Vesalii, Tagaultii, Vidii, Fabricii, & qui non hujus farinae Viri? Sed in Anatomica functione, quis hunc pro dignitate praedicet? referat pro me schola Neapolitana, quae jam à Philippi Ingrassiae, Professoris laudatissimi, temporibus dissectionis amissam dignitatem diu quaepta, sub Severino Doctore coepit revisere nobiles observationes: unde Neapolitanum Herophilum saepe declamavit universus sexcentorum spectatorum coetus. Quae hominis observationes, cum multae sint & magnae; illa inter omnes singularis est & maxima, qua via docetur haecenus ignota, per quam collecta in thoracis cavitate suppuratio per urinae canales expurgari queat. Sed haec, & illustra alia, Severini reperta satius est, adpareant non alia demonstratione, quam ejusdem Viri commentariis; qui ipsi quot & qui sint, neque te lateat velim. Enimvero plurimam, ex certa horum expectatione, voluptatem capies, confido. Primum enim hic Vir multis ab hinc annis bonam Chirurgiae formam, quae per Barbaros labefactata, & per juniores infinite concissa fuerat, restaurare ac restituere meditatus, legitimumque ac absolutum hujus Professore informare adgressus; opus de constitutione artis Chirurgicae proposuit, *Chirurgiam illustratam* inscriptum propterea, quod ejusdem principia, partes & proprietates, res non haecenus ab ullo demonstratas, edocuit. Deinde sic doctum, ac praeparatum, Chirurgum, rationem curandorum ulcerum tum recentium, tum vetustorum, plerisque voluminibus erudiit; id est, tum in Hippocratem, & Celsum, scriptis; tum aliis privatim *de Vulneraria restituta* compositis, & *de inermi Chirurgia* & *de chirurgicis adjumentis*, quae diaeta sunt & pharmacia. Tertio *Chirurgicam* ipsam medendi rationem *efficacem* à se vocatam condidit, opus plane divinum; in quo de sectione, atque unctione, cumulate pertractatum est sic, ut in hac re desiderari nihil possit. Accedit ad haec *Zootomia Democritea*, quo opere ad exercitationem anatomicam nil videris, optaverisve, praestantius. Opera, inquam, quae quoniam ipse vidi, perlegique omnia; propterea mira quidem de his affirmare, at non omnia, quae subsunt, attingere nunc ausim. Tantum habeto, certusque esto, minimum Severineo-

rum



rum *Operum* esse hoc, quod nunc primum editum *de Recondita Abscessuum Natura* legis: primum inquam, evulgatum, vel quod Alcalaea occasio sic tulit; vel quod compendiosissimum excusum volumen; vel quod auditorum, qui rogaverant, usui sensuique accommodatissimum visum est. Caeterum *Opus* est tale, ex quo satis ingenium Severini vel probaveris, vel expenderis. Vale.

---

CLARISSIMORUM VIRORUM

D E

M. AURELIO SEVERINO,

Operis de Recondita Abscessuum Natura

Auctore, judicia.

**J**Oannes Rhodii, in *dissertatione de Acia ad Corn. Celsi mentem* pag. 119. Horum sententiam cum Fabricio ab Aquapendente probavit accuratus juxta ac ingeniosus vir Marcus Aurelius Severinus Neapoli Primarius Anatomes & Chirurgiae Professor.

Petrii Castelli in *l. de optimo Medico*, sect. 6. pag. 12. Ego, si Deo placuerit, typis edam Sepulchretum, sive Anatomicas observationes, quas in centum Cadaveribus Romae sectis adnotare licuit: quod opus M. Aurel. Severinus, in Neapolitano Liceo Anatomicus peritissimus, pluries tum privatim exposulavit, tum publice in aureo suo *Tractatu de Recondita Abscessuum Natura*.

Idem Castellus, in *l. Epistolarum medicinalium* eruditissimo Severino, unam epistolam de Ciborum in ventriculo fermentatione nuncupavit pagina 139.

Idem Castellus, in *Tripode Delphico*, quem librum auditorum suorum, alioquin ingeniosorum, nomine publicavit; pag. 61. Quam honorifice de Castello nostro loquatur, in Neapolitano Gymnasio Anatomes & Chirurgiae Professor eximius, & Medicus insignis, M. Aurel. Severinus, legere est in *libr. de noviss. observatis Abscessibus* cap. 23. &

in historia Anatomica Cadaveris Illustrissimi Marcelli Sacchetti &c.

Pauli Zacchiae, Medici Romani, Quaestionum Medico-legalium lib. VI. pag. 9. Exstat hujus erroris exemplum apud Amatum Lusitanum, Curat. medicinal. Cent. VI. Curat. 82. relatum ex ipso Amato à doctissimo viro Marco Aurelio Severino, in opere vere recondito, cui titulum fecit de Recondita Abscessuum Natura, l. 4. c. 7. &c.

Meminit & saepius auctoris nostri M. Aurel. Severini, recensuitque hunc inter Illustres aetatis nostrae Scriptores, in Syllabo Apium Urbanarum, id est, virorum Illustrium, qui ab An. 1630. per totum 1632. Romae adfuerunt, ac typis aliquid ediderunt.

Meminit & Severini, & per antonomasiam plurium numero nominati, Polyhistor gravissimus Julius Caesar Capacius, in Opere de regni Neapolitani praerogativis, cui titulum fecit Compendium del Forestiere.



# JOANNIS BAPTISTAE CARNEVALIS

*Doctōris Medici Carmen , exponens quae septem primis  
libris singulis traduntur.*

**A**Mplis ex opibus , Chironis in arte magistri,  
Lecta Severini arcana recludit opus.  
Morborum scatebras collecto tubere in altum  
Pulsas, natura vindice, Primus habet.  
Alter congestos, per longa silentia, succos  
Dat Liber oppresso viscere tabificos.  
Tertia multiplici foetos ratione tumores:  
Abscessusque novos pagina Quarta docet.  
Quinta utero primum exortam causantia labem  
Mollia, quae caries attigit, ossa refert.  
Eluxos sponte articulos pars Sexta retexit:  
Postremo roseus codice languor abit.  
Vin aliud? foret ars Marci num cognita? tantum  
Versa opus: ars Marci sic erit inde tibi.

*Ejusdē aliter summo compendio.*

Sub criticis congesta leges , & anomala, post haec  
Sorte nova Abscessus, puerorumque ossa peresa:  
Mox gibbos, & ducta rosis ulcuscula noctu.  
Audieris graviore nota quandoque tumores?  
Videris hisce magis Cedro vel Apolline digna?

*Ad Momum pro libri Auctore.*

Naturam & superos suetus reprehendere Mome,  
Pones in nostris improbe perfidiam?

JULII CAESARIS CAPACII

*Musagetae Neapolitani.*

Mira docet Marcus, scribit mira, atque medendo  
Mira agit, ingenio prodita mirifico:

\*\*\* 3

Quae

Quae non audita Heroum melioribus annis,  
Quae neque sunt ulli tempore visa novo.  
Ut ne mireris posthaec Asclepion, ambos  
Natos, Chironem, & Paeona Parthenope.

HIERONYMI GENUINI,  
*Jurisconsulti Neapolitani, De Domina Joanna Ribera, Alcalanaeorum  
Ducis, & Proregis Neapolitani, filia à Severino persanata.*

Johanna è Ribera Alcalanaeorum Ducis & Proregis filia.

*Anagramma purum.*

Clara, fulgida Heroina ob opem Clari Severini rite sana.

*Quod sic hexastico explicatur.*

Paeone vir major raptos languoribus artus  
Scribit, & una manus nomen opemque parit.  
Sic Ob Opem Clari Heroina haec Sana medentis  
Rite Severini est Fulgida Clara magis.  
Quis non ergo manu curari hac languidus optet?  
Protinus ex qua una lausque, salusque, venit.

*In Marci Aurelii Severini, Physicochirurgi clarissimi, mirificum  
opus de Abscessibus.*

Hieronimi Genuini Jurisconsulti Neapolitani.

*Anagramma purum.*

Marcus Aurelius è Severino Tharsienfis:  
Vir mirus re sanas: vae sine te ulcerosis.

*In haec, endecasyllabum.*

Aegris depositis salus es una;  
Doctas sive adhibes manus ad ulcus,  
Abscessus, & hians malum omne, & ictus;  
Et languentia membra vis fovere:  
Scriptis tubera seu doces fovere.  
Re sanas subito applicans medelas:

Atptas



Aptas & miseris doces medelas.  
Re mirus calamo, manuque mirus.  
Vae cunctis sine, Marce, te ulcerosis.

CAESARIS MONITII

*Calabri Doctoris medici.*

*De Marco Aurelio Severino, morborum insanabilium  
extirpatore, carmen.*

Morborum tacitos fluxus, non cognita seclis  
Tubera, caeca luis semina prompta legis.  
Sed praelusa puta haec: nam stant majora sub istis,  
Gesta manu magni, ac tradita Philliridis.  
Ut numeres heroa, novas qui contudit hydras,  
Thiriaque imposita contumulavit humo.  
Ergo alter surgit nostris Tirynthius oris:  
Qui face, qui ferro, turpia monstra domet.  
Sic tamen amborum in terris praestabile robur:  
Crathigena immensis transvolat hunc spatiis.  
Biffena Alcides preffit capita alta ferarum,  
Myriadas vicit noster Alexicacos.  
Ille semel quondam praesenti contulit aevo;  
Hinc cunctis nullo fine paravit opem.  
Ille neci obstrictos dedit auras carpere vitae,  
Hic etiam aeternum vivere post cineres.

FABII ALBINI,

*Poetae disertissimi, carmen.*

Cöus ope excellit medica, ingenioque Galenus:  
Dives Aristoteli mens sociata Sopho est.  
Arte Archimedes manet immortalibus annis:  
Vis fuit Alcidi corporis, atque animi.  
Chironem manus importavit in aethera Divum:  
Ante omnes Plinium grandia scripta ferunt.  
At simul exornant unum te, Marce, medelae,  
Ingenium, mens, ars, vis, manus, & calamus.

# INDEX CAPITUM

Eorundemque contentorum

## LIBRI I.

### DE ABSCESSU CRITICO.

CAP. I.	<i>De variis Abscessus appellationibus atque earum usibus.</i>	Pag. 2
II.	<i>Quid Hippocrati multiplex Abscessus usus &amp; quis ex multis unus nobis accipiendus.</i>	4
III.	<i>Quot &amp; quae considerata sint circa Abscessum.</i>	5
IV.	<i>De causis effectricibus &amp; principiis Abscessuum.</i>	6
V.	<i>De materia Abscessus.</i>	8
VI.	<i>De terminis unde &amp; quo tendat defluxio in Abscessu.</i>	9
VII.	<i>De viis per quas dimittitur humor.</i>	11
VIII.	<i>De forma duplici Abscessus, interna scilicet &amp; externa.</i>	12
IX.	<i>De multiplici naturae fine, &amp; in hoc assequendo delectu.</i>	14
X.	<i>De differentiis, &amp; primo de critici symptomaticique Abscessus discretionem.</i>	15
XI.	<i>De aliis Abscessus differentiis.</i>	17
XII.	<i>De Abscessus definitione.</i>	19
XIII.	<i>De causis speciatim.</i>	20
XIV.	<i>De quibusdam Abscessus proprietatibus.</i>	22
XV.	<i>De promiscua dignoscendorum Abscessuum ratione.</i>	24
XVI.	<i>Dignotio Abscessus per decubitus.</i>	26
XVII.	<i>Dignotio aetatis, anni, temporis, Abscessus.</i>	26
XVIII.	<i>Dignotio situs partium, aetatis, Abscessusque specierum ex J. Sylvio.</i>	27
XIX.	<i>De methodo dignoscendorum situs &amp; partium obnoxiarum Abscessus communi.</i>	28
XX.	<i>Dignotio situs explicatio, seu ratio privata.</i>	29
XXI.	<i>Dignotio partium explanatio.</i>	30
XXII.	<i>De ratione praesagiendi circa Abscessus.</i>	31
XXIII.	<i>De lege salutaris Abscessus.</i>	32
XXIV.	<i>Praesagia &amp; Signa Abscessuum perfecte judicantium.</i>	34 & 35
XXV.	<i>Praesagia eventus boni.</i>	35
		XXVI.



## I N D E X C A P I T U M.

XXVI. <i>Praesagia Abscessuum male judicantium.</i>	37
XXVII. <i>Praesagia eventus mali.</i>	ibid.
XXVIII. <i>Praesagia Parotidum futurarum.</i>	39
XXIX. <i>Praesagia Parotidum salutarium.</i>	40
XXX. <i>Praesagia Parotidum malarum.</i>	41
XXXI. <i>Curandi ratio.</i>	42
XXXII. <i>De Parotide maligna.</i>	44

Consultationis singularis, sive Alcalae superiorum Epe-  
xegeſis , ordinata contentorum ſeries.

1. <i>Praefatio cum annexu hiftoriae.</i>	47
2. <i>Adumbratio craſis &amp; habitus Illuſtriſſimae aegrotae.</i>	51
3. <i>De ſede affectus atque ejusdem noxa opiniones quatuor.</i>	52. 53. 54.
4. <i>Coordination narratarum opinionum.</i>	55
5. <i>Morbi cauſſa , generationis modus &amp; ſedes affecta.</i>	56
6. <i>Adverſantium telorum depulſiones.</i>	74
7. <i>Num puris fuerit ſubſtantia , quae eſt per urinas ejeſta ?</i>	80
8. <i>Affectum hunc vere ac proprie eſſe Abſceſſum appellandum.</i>	82
9. <i>An Abſceſſus frigidus per congeſtionem hic fuerit, an vero per de- cubitum ?</i>	83
10. <i>Criticusne an ſymptomaticus fuerit ?</i>	84
11. <i>Praeſagium.</i>	88
12. <i>Curandi indicationes.</i>	91
13. <i>Curandi ratio.</i>	ibid.
14. <i>Exitus morbi ſupremus.</i>	92

## L I B R I I I.

D E

### ABSCESSIBUS PER CONGESTUM.

I. <i>An ſit aliqua ejuſmodi congeſtio.</i>	95
II. <i>Congeſtus aliquot genera ſive modi.</i>	98
III. <i>De materia congeſtus propria.</i>	100
IV. <i>De effectricibus congeſtorum cauſſis.</i>	102
V. <i>De cauſſis aliis ſpeciatiim.</i>	103
****	VI.



## I N D E X C A P I T U M.

VI.	<i>De forma &amp; charactere hujusmodi Abscessuum.</i>	105
VII.	<i>Degenerationis modo.</i>	106
VIII.	<i>Definitio congestus.</i>	107
IX.	<i>De differentiis hujusmodi tumorum per congestum.</i>	107
X.	<i>Differentiae formales &amp; quantitativae.</i>	108
XI.	<i>De sedibus affectus.</i>	110
XII.	<i>De signis congestus.</i>	ibid.
XIII.	<i>De signis suppurati congestus.</i>	111
XIV.	<i>De Praesagio.</i>	112
XV.	<i>De praeservatione.</i>	113
XVI.	<i>De curatione Tumoris a congestu universali.</i>	114
XVII.	<i>Curatio specialis Abscessus suppurati, tam chirurgica quam pharmaceutica.</i>	115

## L I B R I I I I.

### D E

### ABSCESSIBUS ANOMALIS.

I.	<i>Divisio Abscessuum &amp; qui sint ex his pertractandi.</i>	121
II.	<i>An secundum, an praeter naturam, sit haec affectio?</i>	122
III.	<i>Ad animantium, an ad stirpium naturam accedant hi Abscessus?</i>	124
IV.	<i>De proprietatibus cysticorum Abscessuum &amp; horum definitio.</i>	125
V.	<i>An Melicerides tunicatae?</i>	126
VI.	<i>Quid commune habeant hae tres Abscessus species, &amp; in quo differant?</i>	128
VII.	<i>An praeter tria celebria foetabula sint Strumae Bronchoce- laeve.</i>	130
VIII.	<i>De triplicis Abscessus materia communis scholae placitum.</i>	132
IX.	<i>De naturae consilio in obducendis tunica foetabulis.</i>	133
X.	<i>De procreatione cysticorum Abscessuum opinio Ambrosii Pa- raei.</i>	134
XI.	<i>De materia foetabulorum opinio F. Plateri.</i>	135
XII.		

## I N D E X C A P I T U M.

XII.	<i>De eadem re singularis opinio Gabrielis Ferrarii.</i>	136
XIII.	<i>De procreatione istorum phymatum opinio Auctoris.</i>	137
XIV.	<i>De varia magnitudine istorum Abscessuum.</i>	139
XV.	<i>De varia eorundem forma.</i>	140
XVI.	<i>De enormibus contentis atque foeturis.</i>	141
XVII.	<i>Nullum corporis esse locum, qui hisce tuberculis non sit obnoxius.</i>	142
XVIII.	<i>De caussis externis, quae praenarratos Abscessus interdum inducere solent.</i>	145
XIX.	<i>Normae discretrices anomalorum.</i>	146
XX.	<i>Quae ad futura spectant iudicia.</i>	147
XXI.	<i>Sintne hi Abscessus curandi? Et de curationis necessitate.</i>	148
XXII.	<i>Excisorum aliquot Abscessuum historiae memorabiles.</i>	150 usque ad 160
XXIII.	<i>Indicationes curativae.</i>	161
XXIV.	<i>Curatio Pharmaceutica.</i>	162
XXV.	<i>Curatio chirurgica.</i>	164
XXVI.	<i>Adversiones circa singula istorum genera.</i>	166 Et 167
XXVII.	<i>An, exempta tunica, consuenda sit plaga?</i>	168
XXVIII.	<i>De Nata, Abscessu ex tenuiore basi propendulo.</i>	169

## L I B R I I V.

### D E

### NOVISSIME OBSERVATIS ABSCESSIBUS

I.	<i>De Abscessibus progerminis, ubi tria schemata observatu dignissima, aeri insculpta, oculis subjiciuntur.</i>	173 ad 179
II.	<i>De Abscessibus carniformibus.</i>	179
III.	<i>De Abscessibus mucocarneis, cum annexa historia.</i>	183
IV.	<i>De quassabili quodam Et utriusque cruris Abscessu historia.</i>	185
V.	<i>De Abscessibus adenosis Et aliis reconditis.</i>	186
VI.	<i>De Bronchocele.</i>	193
VII.	<i>De Abscessibus sanguifluis sive Aneurismate, ubi notandae historiae observatu dignissimae.</i>	194



# INDEX CAPITUM.

VIII.	<i>De Abscessu gangrenode.</i>	208
IX.	<i>De certis partium Abscessibus, ubi triplici septenario numero comprehensa exempla proponuntur.</i>	209
1.	<i>Abscessus ventricosi.</i>	ibid.
2.	<i>Hydrocephali.</i>	210
3.	<i>Capitis ac faciei turgoris fervidi &amp; laxi.</i>	213
4.	<i>Exostoseos.</i>	214
5.	<i>Novae observatae hordeoli materiae.</i>	215
6.	<i>Milioli exterioris palpebrae tuberculi.</i>	ibid.
7.	<i>Variculae oculi.</i>	216
8.	<i>Haemorrhoidum narium.</i>	217
9.	<i>Admirandorum duorum faucium &amp; palati Abscessuum.</i>	218
10.	<i>Strumarum mammarum.</i>	220
11.	<i>Zonae Herpetis sive Ignis Sacri speciei.</i>	223
12.	<i>Abscessus per umbilicum.</i>	226
13.	<i>Varicum infimi ventris &amp; femorum mire implicatorum.</i>	227
14.	<i>Abscessus teretis ac ferme trunculati.</i>	228
15.	<i>Abscessuum artuum mediorum suppuratorum.</i>	229
16.	<i>Flatulentorum artuum Abscessuum.</i>	230
17.	<i>Hydrocelis praeputii.</i>	231
18.	<i>Typocelis sive tophacei scroti Abscessus.</i>	ibid.
19.	<i>Verticilli ani vitii.</i>	232
20.	<i>Terminthorum.</i>	233
21.	<i>Flexus supremi pedis alti ac torosi velut Tuberis torquati.</i>	236
X.	<i>De perdolentibus, Abscessu nullo apparente, impressuris.</i>	236
XI.	<i>De Carunculis ad exulceratos abditos corporis canales adnascentibus.</i>	239
XII.	<i>De rosa capitis, ulcere capitis rotundo, ac plano.</i>	242
XIII.	<i>De ossea tuberculi capitis duritie.</i>	ibid.
XIV.	<i>De oculorum Abscessibus.</i>	243
XV.	<i>De aurium Abscessibus.</i>	254
XVI.	<i>De sclirosarcomatis gingivarum.</i>	257
XVII.	<i>De genuini dentis eruptu eminenti Abscessum.</i>	260
XVIII.	<i>De Lepido sarcomate, seu squamiformi tumore buccae interioris.</i>	261
XIX.	<i>De subatro farcimini simili tumore.</i>	262
XX.	<i>De faviformibus Abscessibus.</i>	263
XXI.	<i>De vastissima Omphalocoele atque Enterocoele.</i>	265
		XXII.

# INDEX CAPITUM.

XXII.	<i>De Abscessibus perinaei, ani, &amp; partium proximarum.</i>	266
XXIII.	<i>De Elephantia privato pedum tumore.</i>	268
XXIV.	<i>Super Syphilide morbo selectae adersiones.</i>	271 ad 296
XXV.	<i>De cornu referentibus Abscessibus.</i>	296
XXVI.	<i>De Abscessibus naturalibus, h.e. inoffensa sanitate inculpatae materiae turgore, venientibus.</i>	297
XXVI.	<i>De Abscessu ἐπί τῇ πύλῃ dicto, morbum originarium elevante.</i>	298
XXVIII.	<i>De Tuberculis lapidicondis.</i>	300
XXIX.	<i>De atro cruento labii Tuberculo.</i>	303
XXX.	<i>De Abscessibus natura fistularis.</i>	304
XXXI.	<i>De Abscessibus forulatis.</i>	307
XXXII.	<i>De Abscessibus qui in partes solidas putredinem invexere.</i>	308
XXXIII.	<i>Steatoma male curatum redditum ulcus cancriforme.</i>	ibid.
XXXIV.	<i>De Abscessibus qui sua vel vi vel mole peremerunt.</i>	ibid.
XXXV. & XXXVI.	<i>Ad finem usque libri sunt anatomicae de Abscessibus observationes.</i>	309 ad 334
1.	<i>De Hydropico, in utero, tum abdomine, tum pectore, collectis aquis.</i>	309
2.	<i>De Phthisi non exulcerati pulmonis, cui annexa alia eviscerati corporis observatio.</i>	311
3.	<i>De coli inflammatione mirabili.</i>	320
4.	<i>De Abscessu putrido, callosoque, vesicae.</i>	ibid.

Haec sequuntur mira quaedam in internis visceribus reperta; estque nempe,

1.	<i>Concrementum gelatinae speciei in cordis utroque sinu.</i>	321
2.	<i>Fungi in hydropici abdomine.</i>	ibid.
3.	<i>De Atheromatis interni corporis.</i>	322
4.	<i>De Syphiliis internis Abscessibus.</i>	323
5.	<i>De hydropicae foeminae cruenta aqua,</i>	324
	<i>Cui annexae duae historiae. Prior est de mirabili Aneurismate interno cujusdam foeminae.</i>	325
	<i>Posterior incredibilis propemodum Anguis bifidi flagellosi in sinistro cordis sinu reperti.</i>	326
	<i>In demortuorum observationes, Peroratio.</i>	333



# INDEX CAPITUM.

## LIBRI V.

D E

### PAEDARTHROCAE, SIVE DE OSSIS CIRCA ARTICULUM INFLAMMATIONE.

	<i>Praefatio, ubi de argumenti dignitate.</i>	335
I.	<i>De notione affectus.</i>	336
II.	<i>De genere affectus.</i>	338
III.	<i>Ossibus apostema suscitari posse.</i>	ibid.
IV.	<i>Articulos proprie longorum ossium apprehendere hoc vitium.</i>	342
V.	<i>Non carnis sed ossis praecipuum esse hoc vitium.</i>	ibid.
VI.	<i>Abscessum hunc esse puerorum proprium.</i>	345
VII.	<i>Generationem hujus Abscessus non esse tam per influxum quam per congestum.</i>	347
VIII.	<i>An corruptio, vel corrosio, sit morbi forma? ubi simul de generationis cariei modo.</i>	348
XI.	<i>Exostosi Venereae similem esse hunc affectum.</i>	350
X.	<i>Ex quanam materia humorum pendeat hic affectus.</i>	351
XI.	<i>Vera affectus natura.</i>	352
XII.	<i>Quod affectus hic non sit occultus, &amp; causae quaesito satisfaciennes exponuntur.</i>	354
XIII.	<i>Definitio. Affectus.</i>	356
XIV.	<i>Num hic affectus Graecis antiquis notus?</i>	357
XV.	<i>An ventositas spinae ab Arabibus auctoribus descripta Paedarthrocacae congruat nostrae.</i>	358
XVI.	<i>Differentiae.</i>	361
XVII.	<i>Symptomata &amp; indicia.</i>	363
XVIII.	<i>Prognostica &amp; judicia.</i>	364
XIX.	<i>De Paedarthrocace vel eementita, vel non consummata.</i>	365
XX.	<i>De praeservatione.</i>	366
XXI.	<i>Decuratione.</i>	370
	<i>Universae demonstrationis Epilogus.</i>	373

LIBRI

# INDEX CAPITUM.

## LIBRI VI.

### Partis Primae.

#### D E

### GIBBIS , VALGIS , VARIS ATQUE ALIIS AB INTERNA VI VARIE LUXATIS.

*Praefatio de perfecta Hippocratis doctrina, & secundum hanc  
ipsam instituta disputatione.* 376

I. *De Gibberis proprio subiecto, multiplicibus modis, appella-  
tionibus, & definitione.* 380

II. *Exactiora & definitiora gibbosis discernicula.* 382

III. *De causis.* 383

IV. *Symptomata & signa.* 389

V. *Judicia & prognostica.* 394

*Disceptatio super aph. Hipp. 46. l. 6.* 395

*Collatio extrinsecus illatae & ductu morbi natae gibbosis* 407

*Alia quaedam Hippocratis de gibbis judicia.* 410

VI. *Praeservatio & curatio partium interiorum.* 414

*Ubi simul curandi opinio Hollerii sub censuram cadit.* 416

*Curatio per externa Medicamenta & per Chirurgiam.* 419

## LIBRI VI.

### Partis Alterius.

#### D E

### VALGIS, VARIS, COMPERNIBUS AC MEMBRIS ALIIS OBTORTIS.

I. *Continuatio ad superiora.* 421

II. *Notio sive nominis explicatio, cum aliquot rei discerniculis.* 422

III.



# INDEX CAPITUM

III.	<i>Cauſſae.</i>	422
IV.	<i>Signa cauſſarum,</i>	424
V.	<i>De naturali oſſium conſtitutione.</i>	426
VI.	<i>De morbi genere, &amp; quod non capitulati oſſis haec ſit affectio,</i>	427
VII.	<i>De ſede affectus propria.</i>	428
VIII.	<i>Definitio.</i>	430
IX.	<i>De judiciis &amp; re prognostica.</i>	ibid.
X.	<i>Curandiratio.</i>	432

## LIBRI VII.

### Partis Primae.

#### D E

### EPINYCTIDIBUS ROSEOLIS SALTANTIBUS ET PERNIONIBUS.

#### De Epinyctidibus.

I.	<i>De notione Epinyctidis; Quaestio.</i>	437
II.	<i>De genere morbi; Controversia.</i>	438
III.	<i>De colore Epinyctidum; Controversia.</i>	439
IV.	<i>De morbi materia secundum priorum opinionem; Controversia.</i>	440
V.	<i>Utrum calidus an frigidus sit hic affectus? Controversia.</i>	440
VI.	<i>Problema disputatum de dolore nocturno.</i>	444
VII.	<i>De parte affecta; Controversia.</i>	446
VIII.	<i>Definitio quae ex pluribus una recipienda; Controversia.</i>	447
IX.	<i>Epinyctides Graecorum an sint Arabum Efferae; Controversia.</i>	450
X.	<i>Epinyctides Graecorum non esse Benat noctis Arabum; Controversia.</i>	454

## LIBRI

# INDEX CAPITUM.

## LIBRI VII.

### Partis Secundae.

#### DE ROSEOLIS SALTANTIBUS.

I.	<i>De earum nomine. Controversia.</i>	456
II.	<i>Roseolas non esse Chymethla Graecorum, aut Perniones Latinorum. Controversia.</i>	457
III.	<i>Roseolas non esse Terminthos. Controversia.</i>	458
IV.	<i>Roseolas non esse latas Pustulas, ab Hippocrate memoratas. Controversia.</i>	459
V.	<i>De formis Roseolarum secundum vulgarium hominum opinionem. Quaestio.</i>	460
VI.	<i>De Charactere Tumoris. Quaestio.</i>	461
VII.	<i>De differentiis Roseolarum. Quaestio.</i>	463
VIII.	<i>Epinyctidas Graecorum Roseolas esse vulgi saltantes. Controversia.</i>	463
IX.	<i>Hypothesis de nocturno Roseolarum dolore experimentis comprobata. Quaestio.</i>	466
X.	<i>Comprobatio coloris, materiae, ac reliquorum indiciorum. Quaestio.</i>	468
XI.	<i>Dubia aliquot discussa. Quaestio.</i>	469
XII.	<i>De causis Roseolarum generatim. Quaestio.</i>	470
XIII.	<i>De causis speciatim &amp; exactius. Quaestio.</i>	471
XIV.	<i>De modo generationis. Quaestio.</i>	473
XV.	<i>Notae discretrices à consimilibus noxis. Quaestio.</i>	474
XVI.	<i>De re prognostica. Quaestio.</i>	475
XVII.	<i>Indicationes curativae, ac therapeutica ratio generalis &amp; particularis. Quaestio.</i>	476

## LIBRI VII.

### Partis Tertiae.

#### DE PERNIONIBUS.

	<i>Praefatio de Tractationis dignitate.</i>	482
I.	<i>De Notione.</i>	483
	*****	
II.	<i>De</i>	



## INDEX CAPITUM.

II.	<i>De genere Morbi.</i>	484
III.	<i>De sede Affectus.</i>	485
IV.	<i>De Pernionum causis, &amp; ortu, Doctorum sententiae.</i>	486
V.	<i>De Pernionum causis &amp; de morbi generatione opinio Auctoris.</i>	490
VI.	<i>Pernionum definitio &amp; quorundam affectuum discretio.</i>	493
VII.	<i>Qui, qualesve sint ad hoc vitium suscipiendum parati, ubi &amp; alia Problemata discutiuntur.</i>	494
VIII.	<i>Notae Pernionum.</i>	497
IX.	<i>Pernionum proprietates ac mores.</i>	498
X.	<i>De curandi ratione.</i>	499
	<i>Appendicula de glandulis vulgo Thureis.</i>	506
	<i>Peroratio, ac de Abscessus nomine per Auctorem usurpato comprobatio.</i>	508

## LIBRI VIII.

Anno 1643. Superioribus innexa.

D E

### PESTILENTE AC PRAEFOCANTE PUEROS ABSCESSU.

<i>Pars I.</i>	<i>Praefatoria.</i>	513
II.	<i>Descriptoria &amp; Semeiotica.</i>	517
III.	<i>Aetiologica.</i>	530
IV.	<i>Praesagitoria.</i>	537
V.	<i>Indicationum inventoria.</i>	539
VI.	<i>Curatoria.</i>	541
VII.	<i>Satisfactoria contranitentibus.</i>	549

AUCTO-

# AUCTORES

## Hoc Opere laudati.

### A.

Abbas (*Hali.*)  
Abbatius (*Baldus Angelus.*)  
Acakia (*Martinus.*)  
Actuarius (*Joannes.*)  
Aegineta (*Paulus.*)  
Aëtius.  
Albucasis.  
Almenar (*Joannes.*)  
Alpinus (*Prosper.*)  
Alfaharavius.  
Altimarum (*Donatus Antonius.*)  
Amathus (*Centius.*)  
Andernacus (*Joannes.*)  
Aponensis (*Petrus.*)  
ab Aquapendente (*Hieronymus Fabricius.*)  
Arantius (*Jul. Caesar.*)  
Archigenes.  
Arculanus (*Joannes.*)  
Aretaeus.  
Argenterius (*Joannes.*)  
ab Argillata (*Petrus.*)  
Aristoteles.  
Avenzoar.  
Averrhoes.  
Avicenna.  
Aurelianus (*Caelius.*)

### B.

Baccius (*Andreas*) Elpidianus.  
Bauhinus (*Joannes.*)  
Bayfius (*Petrus.*)  
Beguinus (*Joannes.*)  
Benedictus (*Alexander.*)  
Benivenius (*Antonius.*)

Bergomas (*Ambrosius.*)  
Bertapalia (*Leonardus.*)  
Bertinus (*Georgius.*)  
Botallus (*Leonardus.*)  
Brasavola (*Antonius Musa.*)  
Brunus Lungoburgensis.

### C.

Cabrolus (*Bartholomaeus.*)  
Caesalpinus (*Andreas.*)  
Cognatus (*Marsilius.*)  
Calvus (*Fabius*) Chirurgus antiquus.  
Camerarius.  
Campegius (*Symphorianus.*)  
Capacius (*Jul. Caesar.*)  
Capiuacca (*Hieronymus.*)  
Carcanus (*Joannes Baptista Leonis.*)  
Cardanus (*Hieronymus.*)  
Carnevalis (*Joannes Baptista.*)  
a Carpo (*Jacobus.*)  
Cassius Problematographus.  
Castellus (*Petrus.*)  
Cataneus (*Jacobus.*)  
Celsus (*Aurelius Cornelius.*)  
Centimannus (*Joannes.*)  
Cicero (*Marcus Tullius.*)  
Claramontius (*Scipio.*)  
Clusius (*Carolus.*)  
Cneulinus (*Thomas.*)  
Codex Basiliensis.  
Codex Graecus Aldinus.  
Columbus (*Realdus.*)  
Constantinus Afer.  
Constantinus (*Robertus.*)  
Cornarius (*Diomedes*) Jani F.  
Cornarius (*Janus.*)  
Costaeus (*Joannes.*)

\*\*\*\*\* 2.

Crassus



# INDEX AUCTORUM.

Crassus (*Junius Paulus*.  
Crollius (*Oswaldus*.  
a Cruce (*Vincentius Alfarinus*.  
Curtius (*Matthaens*.

D.

**D**iocles Caristius.  
Dioscorides Alexandreus.  
Dodonaeus (*Rambertus*.  
Donatius (*Joannes Baptista*.  
Donatus (*Marcellus*.  
Duretus (*Ludovicus*.

E.

**E**lisaëus (*Nicolaus Angelellus*.  
Erasistratus.  
Euchion (*Diodorus*.  
Euclides.  
Euonymus Philiatyus.  
Eustachius (*Bartholomaeus*.

F.

**F**aber (*Petrus Ioannes*.  
Fallopianus (*Gabriel*.  
Fernelius (*Ioannes*.  
Ferrerius (*Augerius*.  
Fidelis (*Fortunatus*.  
Flaccus (*Horatius*.  
Florentius (*Nicolaus*.  
Florentinus (*Thaddaeus*.  
Föesius (*Anutius*.  
Fonseca (*Ioannes Alphonsus*.  
Fonseca (*Gabriel*.  
Fonseca (*Rodericus*.  
Fontanus (*Jacobus*.  
Forestus (*Petrus*.  
Fortunatus (*Hieronymus*.  
Fracastorius (*Hieronymus*.  
Fragosus (*Joannes*.  
Fulginas (*Gentilis*.

G.

**G**alenus (*Claudius*.  
Galterius (*Marcus Antonius*.  
de Garbo (*Dinus*) Florentinus.  
Gariopontus.  
Gesnerus (*Conradus*) Tigurinus.  
Gorraeus (*Joannes*.  
Gravina (*Dominicus*) rerum Theolo-  
gicarum Magister & Scriptor.  
Grossius (*Thomas*) Professor Ferrari-  
ensis.  
Gualterus (*Rudolphus*.  
Guastavinus (*Julius Caesar*.

H.

**H**eurnius (*Joannes*.  
Hildanus (*Gulielmus Fabricius*.  
Hildesheimius (*Franciscus*.  
Hippocrates Cous.  
Hollerius (*Jacobus*.  
Homerus.  
Horatianus (*Octavius*.  
Horatius.  
Hucherus (*Joannes*.

I.

**J**acotius (*Desiderius*.  
Januensis (*Joannes*.  
Jasolinus (*Julius*.  
Jatronices.  
Ingrassias (*Philippus*) Siculus.  
Jordanus (*Thomas*.  
Joubertus (*Laurentius*.  
Isaac.  
Justinianus Imperator.

L.

**L**anfrancus Mediolanensis.  
Langius (*Joannes*.

Largus

# INDEX AUCTORUM.

Largus (*Scribonius*.  
 Laurentius (*Andreas*.  
 Lemnius (*Levinus*.  
 Lexicographa Gr. & Lat.  
 Lobelius (*Andreas*.  
 Longoburgensis (*Brunus Calaber*) Chi-  
 rurgus antiquus.  
 Lusitanus (*Amatus*.  
 Lusitanus (*Zacutus*.

## M.

**M**acer.  
 Maglioccas (*Foannes Dominicus*.  
 Magnus (*Petrus Paulus*.  
 Magnus (*Olaus Nicolaus*.  
 Manardus (*Foannes*.  
 Mannus (*Foannes Jacobus*.  
 Marcellus, Imperatoris Theod. Med.  
 Marinellus (*Foannes*.  
 Marinus, Anatomicus a Galeno me-  
 moratus.  
 Maro (*Virgilius*.  
 Martialis (*Valerius*.  
 Martianus (*Prosper*.  
 Massa (*Nicolaus*.  
 Matthiolus (*Petrus Andreas*.  
 Mercatus (*Ludovicus*.  
 Mercurialis (*Hieronymus*.  
 Mefué (*Foannes*.  
 Minadous (*Ioannes Thomas*.  
 Montanus (*Ioannes Baptista*.  
 Montuus (*Hieronymus*.  
 Mullerus (*Philippus*.

## N.

**N**izolius (*Marius*.  
 Nola (*Franciscus*.

## O.

**O**ribasius.  
 Ovidius.

## P.

**P**acius (*Fabius*.  
 Pandolphinus (*Iosephus*.  
 Pantinus (*Guilielmus*.  
 Paracelsus (*Aurelius Theophrastus*.  
 Paraeus (*Ambrosius*.  
 de Partibus (*Iacobus*.  
 Pedemontanus (*Alexius*.  
 Petronius (*Alexander Trajanus*.  
 Philiatyus (*Euonymus*.  
 Philotheus.  
 Phisiognomes plerique.  
 Piccolhominus (*Archangelus*.  
 Placitus (*Marcus Accius*.  
 Platerus (*Felix*.  
 Plato.  
 Plinius Major (*Cajus*.  
 Plinius Secundus (*Cajus*.  
 Paenotus (*Bernardus*.  
 Pollux (*Iulius*.  
 Priscianus (*Theodorus*.  
 Ptolomaeus.  
 Pythagoras.

## Q.

**Q**uercetanus (*Iosephus*.  
 Quertaeus (*Ludovicus*.

## R.

**R**afarius (*Ioannes Baptista*.  
 Reineccerus (*Fidus Iustus*.  
 Rhazes (*Abubeter*.  
 Rhodoham (*Haly*.  
 Riolanus (*Ioannes*.  
 Romanus (*Franciscus*) de Militari Me-  
 dicinae conditione.  
 Rondeletius (*Guilielmus*.  
 Ronffeus (*Balduinus*.  
 Rubeus (*Hieronymus*.  
 Rudius (*Eustachius*.  
 Ruffus Ephesius.  
 Rulandus (*Martinus*.



# INDEX AUCTORUM.

## S.

a **S**aliceto (*Gulielmus*.  
 Salius (*Petrus*.  
 Sanctorius Sanctorius.  
 Santorellus (*Antonius*.  
 Saxonia (*Hercules*.  
 Scacchus (*Durantes*.  
 Schipanus (*Marius*.  
 Scholtzius (*Laurentius*.  
 la Seine (*Petrus*.  
 Seneca (*L. Annaeus*.  
 Senensis (*Hugo Bentius*.  
 Serapion (*Ioannes*) vetustissimus inter  
 Arabes Medicus.  
 Serenus (*Quintus*.  
 Servius Grammaticus.  
 Sgambalus (*Ioannes Andreas*.  
 Steve (*Petrus Iacobus*.  
 Stempanus (*Hollerius Iacobus*.  
 Soranus Ephesius.  
 Sylvaticus (*Ioannes Baptista*.  
 Synesius.

## T.

**T**agaultius (*Ioannes*.  
 Tamajus (*Andreas*.  
 Theodoricus.

Thucydides.

Tidicaeus (*Franciscus*.  
 Tomitanus (*Bernardus*.  
 Trallianus (*Alexander*.  
 Tursellinus (*Horatius*.

## V.

**V**allefius (*Franciscus*.  
 Varignana (*Gulielmus*.  
 Varolius (*Constantius*.  
 Varro (*Marcus Terentius*.  
 Veccherus (*Joannes*.  
 Vella (*Georgius*) Brixienfis.  
 Vergilius (*Marcellus*.  
 Vesalius (*Andreas*.  
 Vesslingius (*Ioannes*.  
 a Vigo (*Ioannes*) Genuensis.  
 Vidus Vidius.  
 de Villanova (*Arnoldus*.  
 Virgilius.  
 Volateranus (*Raphael*.

## W.

Wierus (*Ioannes*.

## Z.

Zacchia (*Paulus*.

M. AURELII SEVERINI  
 IN LIBRUM  
 DE  
 ABSCESSU CRITICO.

PRAEFATIO.



DE Abscessu critico definito quidem partis cuiuspiam affectu, sed totius corporis valetudinem, vitamque, aut mortem saepenumero decernente, scripturus, equidem video, quod singularem & summam disputationis hujus utilitatem exponere debeam: verum an plene sim hoc facturum haud facile confido. Siquidem vix dici potest, quam plane frugifera, & infinite conducibilis in plurimos usus medendi sit haec tractatio; & sic quidem ampla, ut ipso magis incidente negotio, ac monstratrice pragmatia, quam verbis, & descriptione, sit pernoscentia. Intelligenda insuper ex lectione operum Hippocratis, in quorum plurimis & optimis nil frequentius, abscessuum conceptione ac mentione compereris. Nimirum quando morbus in longis omnibus consueta sit epigenomenon haec species. Quanto igitur ad Hippocraticam illam rerum exercitationem consulturam, & usui futuram speculationem hanc, credis? sive quidem contemplandi, ac judicandi studium excolenti, sive curandi, & sive chirurgica medendi occupatione, sive clinica facultate delectetur quispiam; & in clinica quidem medicinae parte in promptu per haec cognoscere licebit causas, unde proficiatur abscessus, simulque naturae morbique delitigantium conflictus, studia, conatus, vices, dubias, certa decreta, rationes, quibus haec distinguuntur, & quibus natura, vel opus exsequens adjuvetur, vel impedita levetur. Plurima autem parte decretoria haec erit agendi ratio, tum ad acutos, tum ad longos morbos pertinens: quid autem gravius aut medico gravi dignius, quam quae sint, quae fuerint, quae mox



ventura, trahantur in abscessibus, rite, recteque perdiscere. Sed haec ordine lucido Tractatus hic expedit, ac tradit; namque diagnosis, ac prognosis enucleata constabit ex his. Patebit, autem, & difficilis morbi therapia, recta inquam, & legitima, & ad sententiam summi omnium magistri, qui est Hippocrates, exponenda; non qualem hodie tractant, factitantque plerique, genus hoc, quod privatam, & propriam curationem exigit, velut ulcerum promiscuam, & calidorum apostematum communem, transfigentes. Nimirum à paucis, & ab Hippocratis studiosis duntaxat intellectum hoc argumentum: propterea, quod Physiatři curam ejus rei rejecerunt in Chirugos; hi vero latentium causarum, & Hippocraticae doctrinae sunt ignari. Jam ergo quis tertius, nisi physico Chirurgus, & in Hippocrate multum excultus professor? Quae causa certe fuit, ut in hunc nos laborem incumberemus primi, multis & docendi, & medendi negotiis, distracti. Ad summam enim putavimus, quam maxime necessariam aegrotantium saluti, ac medentium gloriae commodoque, futuram hanc explicationem, quae plerarumque omnium, & amplissima, & gravissima est, & usu frequentissima.

## C A P. I.

*De variis Abscessus appellationibus atque harum  
usibus.*

**N**omina rebus accommodata lege quadam naturae, censuit Hippocrates *lib. de Arte*, & hunc fortasse sequutus Plato *in Cratilo*. Quod cum ad omnia promiscue nomina spectet, pleraque tamen hac maxime conditione participant; atque ita, ut disquisita istorum ratio pressam quandam definitionis vim contineat; absit autem oportet homonymia; cujus certe vitio fit perpetuo, ut in ea vel offendatur, vel erretur. Quare ne illa, quae multa quidem est in Abscessus vocabulo, quemquam incautem occupet: hanc nos primum ambiguitatis enarratione, ac distinctione, removebimus.

Hujusmodi sunt duo haec, Abscessus, & Apostema; quorum hoc à Graecis, alterum à Latinis, & horum praecipuo Cornelio Celso, inductum est. Vocabula quidem ad unguem sibi mutuo respondentia, sive secundum compositionem vocularum, sive discretam  
fin-



singularum significationem expendas, ἀφίστασθαι enim ἢ ἀφλάιναι abscedere est: Unde ἀφιστάμενα ἢ ἀφεσποκῶτα οὖλα abscedentes gingivas dixit Galenus *lib. 6. de comp. med. per loc. c. 2. & lib. ad Glauc. cap. 5.* cum, ait, *abscessum esse, ubi intercedente quapiam substantia, humida, halituesa, vel mixta, non amplius se contingunt, quae se contingebant corpora.* Et quia partium haec diductio sub abscessibus est, tum interventu quidem tunicae aliena corpora continetis, ut in atheromate, steatomate, meliceride; tum humoribus partes distrahentibus sine tunica; quod utrumque fit, sive cum solida, sive cum fluida substantia: factum est, ut Abscessus promiscue diceretur de utrisque, licet non sine ambiguitate, nisi discrimen illud notetur; Ego quidem Abscessus sine tunica suppurationes cum Plinio, & Cornelio, vocandos puto: Abscessus vero cum tunica, cysticos, & anomalos, in tractatu peculiari nuncupavi. Atque haec una notio, & usurpatio, est Abscessus vulgata.

Sed & Abscessus, qualem indicavi modo, saepe pro quocunque tumore αὐτωμάτως, i. e. sua sponte erumpente; phymate, inquam, exanthemate, ecchymate, pustula, phlegmone, erysipelate, & caeteris majusculis collectionibus. Ad haec suppurationum sensus est exemplo illo, quod legitur *lib. 1. prog. sect. 1. sententia 36. tumores in ventre minus faciunt abscessum, quam in praecordiis.* Porro abscessus suppurationis est loco, Galeni interpretatione. Insuper ἀφίστασθαι abscedere Hippocrati *lib. de Medico* est alienum fieri *p. n. legem*; Galeno vero *de Medico, sive Isagoges*, qua de Chirurgia τὸ ἰδίως λεγόμενον ἄλλτριον est fere alienum proprie dictum.

Hi sunt usus τοῦ ἀποσήματος, atque Abscessus nominando plurimum consueti. Caeterum nomen est ἀποσάσεως ἢ ἀποσασίας, cujus, & alius usus est secretior, atque apud Hippocratem, & suos observatores, notus, quem ex ejusdem sententia ad hunc modum expono. Natura cum obsessam aliquam partem principem, aut principi servientem humoribus infestis obsessam agnoscit, omni quo potest studio languentem levare meditata, tandem ad id consilii devenit, ut vel universa materia, vel pars aliqua suo labore sit inde transferenda, & longius abducenda. Sic abductionem, ac transmissionem istam molitur ad partes remotiores, viliores, debiliores; Quae traductio duplex est, vel per sinus, & cavitates naturales, aures, inquam, oculos, palatum, & fauces, vesicam urinariam, umbilicum, & cutis denique poros, pure, sanie, lachrymis, sanguine, sputo, menstruis, lotio, sudore, ac superflua qua-



libet materia, foras eductis. Hæc ἐκκρίσις dicta est Graecis, excretio Latinis; alter vero est cum denegato exitu de cavitatibus, finibusque naturalibus, infestus humor de loco uno corporis in alterum, & viliorē transfertur, qui motus & abscessus, apothesis, & metastasis, ab Hippocrate ἀποσκήψις, & ἀποσκήμμα Gal. l. 2. epid. & alibi dicti sunt, qui si sint ad articulos, & coxendices κήδεματᾶ proprie ab Hippocrate, sunt appellata.

Est & alia Abscessus significatio, cum accipitur pro una in alterum morbum transmutatione, ut cum angina transmigrat in peripneumoniam, exemplo tradito ab Hipp. 2. epid. sect. prima, quibus non paucis, ex aliis febribus & morbis, abscessus in quartanas fiebant.

Hæ sunt τοῦ ἀποσκήματᾶ, & ἀποσάσεῃ significationes privatae, & consuetæ: haud tamen dissimulare velim, & apostasin in phlegmones significationem saepenumero ivisse, quod est apud Hipp. l. 6. epid. sect. 2. sent. 7. ubi inquit, ἀποσάσεις οἷον βουβώνες; contra vero ἀπόσημα ἀπόσασιν abisse, commutatis, & confusis hisce vocabulis, ut à Gal. factitatum advertit Laurentius Jubertus l. 1. de diff. morb. dictato 7. F. apud quem, & alia hujusmodi leges; ἀπόσημα vero, & ἀποσκήμμα variarum rerum esse nomina monuit Jo. Andernacus in lib. 4. Pauli cap. 18.

## C A P. II.

*Quid Hippocrati multiplex Abscessus usus, quisve nobis ex multis unus esse debeat in hoc tractatu.*

**H**Arum omnium appellationum, atque usum cum primus auctor fuerit Hippocrates, licet nunc (neque enim importune) perquirere, & quid simplicissimæ doctrinae magister, tam vario Abscessus nomine fuerit usus? Sed neque mirum id esse debet. quamvis enim multiplices sint abscessus hæc notiones, & usurpationes; nihilominus si recte attenderis ad singularem simplicitatem, docendi normam redeunt, quæ est mutatio morbi. Quippe in hanc unice spectare debet quicumque progressus, stationem, & finem morbi praevidere, aut formam alioqui sensus retrusam tenere studet. Tam multi autem hæc momenti videtur propterea, quod legitimam morbi curationem refert, quam affectus anticipata perceptione dependere, quis est, qui nesciat? Adde quod mutatio quaelibet gra-



gravis ad intelligendas, seu morbi, seu naturae vires, accommodatissima est; quemadmodum sane ex his, aut illis apparatus, & conversionibus utriusvis insidiantis exercitus conatus, & praestantiam alterutrius, facile conjecteris. Sed multo clarius hoc quidem didiceris in rebus naturae, quae magis certae, constitutaeque sunt. Igitur mea quidem interpretatione, tam varia, tamque multiplex abscessus acceptio fuit apud Hippocratem ea sola una re, quod inter omnia praecipuo sit usui, pro discernendis agrotantium rebus mutationes singulas in corpore consequi studiose: quod eo notavi libentius, tum ut Hipp. ratio salva constaret; tum ut hanc quoque subtilitatem diligenter observent studiosi.

Nunc ad nos attinet, quem significatum Abscessus sequamur, aperire. Scire licet Abscessus, quos Cous praeceptor perpetuo memoravit, aut cum crisi legitima, aut cum imperfecta, factos; alios vero, qui post inflammationem suppurati sunt, non tanti fecit idem Hippocrates neque illos admodum tradidit; sic nos, ubi cunctorum meminimus, haud quidem Abscessus, qui ab inflammatis tumoribus venire, tractandos hic tantopere suscipimus, quantum eos, qui sunt Hippocrati solemnes, seu cum effluxu, seu cum decubitu. Vetus cum decubitus significatio sit potior auctore Gal. *com. 3. l. epid. 3.* hanc nos potissimum exequemur, itemque eos, qui praecedente nulla inflammatione nascuntur ab aliis causis producta, quam quos phlegmonae inducunt. Porro utrumque genus, & quod ad diagnosin pertinet, & quod ad prognosin, atque therapiam, difficultia, & gravi adversione digna: & eo magis, quod haecenus nemo omnium hominum, quos norim, argumentum hoc ex professo tractavit.

## CAP. III.

*Quot, & quae consideranda sint circa Abscessum.*

**A**D hunc quidem modum summam Abscessus notitiam vi nominis expressam veluti figura quadam adumbravimus. Ab his nunc ad exacte delineandum eundem progredimur: exposituri primum, quae sint in hoc argumento pertractanda: videntur autem haec. Abscessus universim expensi duo sunt tempora, duove modi; dum producitur scilicet, & postquam productus est. Utrumque



fuis affectionibus, circumstantiisve definitur, atque distinguitur, quae & aliqua parte communes esse possunt. Dum procreatur, quia motus, & generatio quaedam est, causas nanciscitur quatuor, effectricem, materiam, formam, finem. Deinde quia motus hic est quidem materiae secundum locum, ut ante apparuit: sunt & termini sub quibus haec loci mutatio perficitur: termini, inquam, à quo, & ad quem dicti, nec non viae. Spectat ad loci conditionem situs, qui est de superioribus ad inferiora, & contra, & a dexteris ad sinistra, vel contra: quo veniunt & partes utraeque considerandae. Praeter haec sunt, & quae Medicus vere phylicus considerat, tempus, & caeli status, itemque regio, quae magis, minusve rem promovent, aut aliquid conferunt boni, malive.

Sunt haec, vixque alia fortasse, quae ineuntem Abscessum circumstant. Perfecti vero, tum substantia, tum accidentia disquisitioni se subjiciunt, & substantiae abscessus parti videlicet concreti; pars est materia, cujus accidentia sunt tactiles, viles, & si quae sunt aliae sensiles qualitates, affectusve; magnitudo, forma, figura, habitus, &c. si quae sunt alia. Equidem praeter haec alia non agnosco, quam quae spectant ad hominem, qui tractatur, proprietates quaedam, & passiones. Omnia sunt igitur nostri haec farrago, libelli, quae singula si placet ordine pervideamus. Utinam autem pari exequendi felicitate, quae methodi absolute descriptione tradere liceat.

#### C A P. IV.

##### *De effectoribus & principiis Abscessus.*

**N**atura, quae vis est insita corpori motus ciens in ipso necessarios, quemadmodum, ut animal vivat, alatur, rite sentiat, progrediatur, in secundo sanitatis statu facit; tam sui, quam ejus, in quo est, diligentissima conservatrix: ita etiam in adversa valetudine utilitatum, & opportunitatum omnium captatrix sollicita est, ut illud ab insidiis, & machinatu luctifici morbi vindicetur. Et vindicat quidem vere, ni materia prorsus repugnet, praestantibus duobus praesidiis spiritus, atque coloris, quorum est materias morborum, partim coquere, discutereve; partim discretas de principiis facultatum, & longe, quam fieri potest maximo, propellere:



re: nocua enim & aliena quaecunque sint, & circa principes partes potissime, non patitur vitae rectrix natura. Jam vero morbus, ut qui ~~κατὰ φύσιν~~ (recte contra naturam Fernelius, & alii scientissimi viri) suas adversas acies opposuit naturæ: atque adeo cum haec contemperamento primorum quatuor corporum instructa, calore nativo se suaque perpetuo tueatur; concoctiones, & nutritiones probatas, talesque ad hæc spectantes excretiones perficiat, unde vivida vis, sensus, motusque partibus inculpatus est. E contrario morbus, ut praesens est, temperamento partis continenter everso, caloreque exsuscitato putredinario, cruditatem, affationem, inquinationem, & corruptelam alimento; at his quae aluntur partibus atrophiam, stuporem, fiderationem, abscessum, facultatibus vero detrimentum quodcunque potest functionum, aut vitae invehit. Ad summam è diametro pugnant morbi conatus, & naturae. Sanitas quippe naturae quaedam est, at hujus corruptio morbus. Adversantiaque item sunt opera morbi semper, & naturae: utque natura procurat, & evigilat, quae salutaria sunt homini, sic morbus, quae sunt incommoda machinatur. Itaque natura, ut morbo, & hujus insolenti satellitio liberet, Criticos quosdam Abscessus excogitavit, qui sunt omnes ad vindicandam optimam valetudinem corporis accommodati. Similiter morbus suos Abscessus admolitur symptomaticos, qui sunt ejusdem, & acris materiae praevalentis indicia, atque effectus. Ad hunc modum constat utramque vim aemulari quidem Abscessus, sed hujus, id est naturae salutiferos esse, cum exempli causa peripneumoniae materiam in crurum abscessus rapit: Morbos vero esse lethales, quos, fatigato nimium & languente homine, vis malignae febris crudos ad posticas aures tumores, parotidas vocant, exsuscitat.

Tam autem adversi, & contrarii cum sint horum duorum hostium in corpore functiones, & motus: dubitari potest num praeter absolute criticum, ac symptomaticum, tertius esse possit. Sed, enim adhuc supposita contrariorum actione, videtur, quod quoddam compositum dari liceat; tum secundum materiae coctionem, & cruditatem, tum secundum formam, tum secundum situm, & alias conditiones; exemplo autem sit pus, quod cum à duobus iisdem adversariis conficiatur, utriusque servat actionis vestigium, & naturam, quemadmodum declaravit Galenus *Com.* 47.



2. *apb.* Haec quidem secundum materiam est consideratio. Verum enim vero si effectorem, ac finem spectemus, à quibus universa rei ratio arguenda est, utpote, qui rem dirimit, ac distinguit; utique docebimur, ab hoc uno non posse duo illa coire: sed quoniam, aut naturae, aut morbi effectus unus est, propterea, vel criticus, vel symptomaticus appellandus, atque censendus erit. Verum ut equidem secundum opificum, & effectae rei spectatas rationes, censeam haud dandam mistam quandam critici, & symptomatici speciem, ubi sive ad terminos, sive ad media, quae vulgo dicunt, & alia, quae intercedunt accidentia spectemus; erit quidem modus qui Criticus simul, & Symptomaticus Abscessus asseri possit. Verum tamen participatione, aut neutra conditione potius quam permissione, ac temperatione, quemadmodum in epexegeſi posterius explicabo.

## C A P. V.

*De materia Abscessus.*

Q Uoniam Abscessus materia defluxionis necessitatem agnoscit inter duos oppositos terminos, quos posterius explicabimus; illa ex humorum genere sit oportet, sive quidem hi sint primi, quod dicunt, generis, sive secundi, & sive alimentitii, sive excrementitii. Possunt autem omnes peccare tum copia, tum qualitate, seu quidem discretis utrisque vitiis, seu conjunctis. Hi porro, qui cum affluxu fiunt, materiam interdum nanciscuntur sola multitudine culpabilem, ut si in plenitudine, seu quoad vires, seu quoad vasa, sanguis è naribus effluat: interdum etiam vitio, ut si homini, seu cacochymia, seu febre laboranti, biliosae dejectiones obveniant. Sed hi, qui cum decubitu sunt, vitiatos semper humores, & superfluitates, agnoscunt. Quod duorum discrimen propterea fit, quia meliores conditiones sunt effluxus, qui propter levandam plurimam è copia sarcinam à natura ordinatur: propter quam causam minime committitur decubitus, sed vitio saepe perpetuo scaturigine proficiscitur. Sunt autem haec, quae dico vitia putredinis, adustionis, falsedinis, nitrositatis, cruditatis, crassitiei, viscositatis, lentoris, virulentiae, malignitatis, & uno verbo dicam, alienae substantiae, sive quidem sint humores ipsi, sive respondentes ichores.

## CAP. VI.

*De terminis Defluxionis in Abscessu.*

**Q**Uoniam, quidem fluidorum corporum, seu copia, seu qualitate, sive utroque nocentium, dispositiones & relationes quaedam sunt Abscessus, item *Ἀφδοχαὶ ἢ Ἀφδεξίαι* sunt quaedam, auctore Hipp. *libr. 2. aph. 27.* id est transitus, & transmigration: ob haec necesse est plane, ut sede una ex qua, atque altera in quam, fiant ipsi, contineantur, interjectis adhuc viis, per quas humor transcurrat, ac defluat: non aliter sane, quam fluxionibus omnibus accedit, de qua re primus Hipp. *6. epidem. sect. 2.* locutus videtur, cum ait, *consideranda autem haec; Quod, & unde, & per quod:* generatim autem nos utrosque terminos Abscessus, ac brevi demonstrabimus, primo dicturi de termino primario, & superiori, deinde de secundo, & inferiori: superiorem enim à quo, inferiorem ad quem intelligi volumus cum Galeno, *in lib. meth. 13.* Locus, unde primo deducitur Abscessus ad effluxum, plane definiri non potest, tam mire multiplex est, & late patens, ut omnis scaturigo, locusque morbi, qui tum intra venas, tum extra, tum in cavitatibus, sinubusque parvis, tum in magnis tribus receptaculis, ac ventribus esse potest, capite, inquam, pectore, & abdomine.

Loca vero ad quem humor devolvi consuevit, aliquanto certior, definitiorque est: sunt enim, aures, oculi, nares, os, sedes, vulva, penis, umbilicus, & universa pervia cutis; item vulnus, ut *4. de morb. 24.* Quamquam autem haec, vere potius emissaria, quam termini defluxus sunt; nihilominus terminos dici licet, utpote per quos, & in quos, fluxio terminatur.

Venio nunc ad Abscessum per decubitum, cujus utraque sedes, & indefinita, & multiplex est, atque adeo relatu non facilis, nisi generatim id fiat. Sunt enim, à quibus transmittitur humor, partes quaeque robustae, aut Principes, aut Principibus servientes, ac necessario aliquo munere nobiles, & quae laesae laederent insigniter, & superiores. Quae vero recipiunt, sunt partes viliores, debiles, laxae, cavae, in proclivi positae, consentientes du-



etibus viae rectitudine, ac syntimoria. Hujusmodi sunt glandulae emunctoria vocata, intercapedines musculorum, articuli, pudenda, crura, loca corporis subcutanea omnia, & inanes cavitates pectoris, & abdominis; quas partes exponit Galenus *Comm. primo in 6. epid. tex. 13.*

Inter haec spectatur, & aliquando situs in transferenda abscessuum materia; nempe de superioribus ad inferiora; & contra, de inferioribus ad superiora: seu via sit ista recta, seu secus. Quorum omnium meminere, tum Hippocrates *in l. 6. epidem. com. 2. tex. 13. ac. 14.* tum Galenus *in ea loca*; Ad haec, ex interioribus ad exteriores juxta illud *Aphor. 25. l. 6.* & cum viscera repurgantur in glandulas; Praeclare autem de his, & brevi tradidit Hippocrates *l. 6. epid. sect. 2. par. 11. & 12.* per haec; *Abscessus velut glandularum tumores, signum quidem sunt earum partium, quae germina habent.* Expedit autem semel declarari, quid rectitudo saepius memorata sit. Explicatque hanc Franc. Vallesius *l. 2. epid. sect. 3.* per haec; *Rectitudo est dextrorum cum dextris, sinistrorum cum sinistris, superiorum cum superioribus, inferiorum cum inferioribus.* Dextera, & sinistra dicuntur secundum hominis: latera superna, & inferna distinguuntur, qua hepar est. Ex inferioribus ad superiora secundum rectum est abscessus, ut ex hepate partis dextera, aut fluxus sanguinis ex dextra, ita & qui ex supernis ad infernas id est infra hepar positas partes. Porro Abscessus secundum rectum, à superioribus ad inferiora, lucida exempla habes apud Hipp. *6. epid. sect. 3. in historia Herophontis*, pro qua re lege Vallesium. Haftenus autem cum una, & simplex apostasis humores sit; etiam plures una translationes à natura fiunt, id quod primo per Hippocratem adversum est *l. 2. epid. sect. 5.* dicentem, *si caput doleat, in pectus descendit, deinde in hypochondrium, deinde in coxam*; ut intelligas monitore Vallesio Abscessus postrema futuros ad articulos.



## CAP. VII.

*De Viis per quas dimittitur humor.*

**T**erminum Abscessus inferiorem etiam si facile sit cognosci, tamen perpetuo neque terminum superiorem, neque vias, quae interjectae sunt, praesertim ubi longum spatium intercedit, cognoscere promptum est. Verum ubi superiorem terminum conjectari detur ab hujus plenitudine, & affectu, & assidentibus aliis; vias, per quas humor deponitur non aequè per noscimus, sed ignorantiam nostram ingenue fatemur, illud afferentes ex Hipp. quod *confluxus unus, conspiratio una, consentientia omnia*; itemque adstruentes illud ex Gal. *com. 55. l. 7. aph. quod natura invenit sibi vias expellendis materiebus*. Nempe, ut ait alicubi Ludovicus Duretus; *in ciendo, & propellendo tanta vis lucet naturae oppressae, ut saepe viam inveniat, qua ducatur ad vacuationem cujusque humoris morbifici, licet ipse crassior sit, & meatus angustiores; modo valeant ejus vires ad fortem in expellendo contentionem*; unde illud Gal. *com. praediçt. naturam abscessus moliri per ossa*: quod ante omnes proposuerat Hippocrates. Difficultas igitur cognoscendi terminum superiorem, ut multa sit; nihilominus inquirendi labor non detrectandus est, & indagatio diligens est adhibenda. Duces autem erunt, & directrices prima, & potissima, & singularis magistra, anatome, quae docet partium singularum nobiles sympathias: ad quam rem adjuvabit traditio de sympathiis proposita à Sanctorio Sanctorio *in com. artis medic. res etiam ex anatome petita*. Deinde serviet observatio propria, atque experimentum saepè comprobatum, quo firmiter ipse ad asseverandum quidpiam accedas. Tertia erit doctrina bonorum Auctorum, qui rem tradiderint, hoc, aut illo modo. Ita quidem Galenus viam aperuit, qua fit expurgatio humorem in renes, & qua ad alvum ab eadem parte, fiat humorum transmissio, *libro videlicet 6. de loc. aff. c. 4.* & post hunc Gabriel. Fallop. *in Observ. Anatom.* atque hujus auditor Hieronymus, Frabricius, *in Opere chirurgicarum Administrationum, & in tract. de Vuln. cap. de suppuratis*; itemque Petrus Andreas Matthiolus *in Epist.*



atque alii apud Joannem Schenckium, in *Opere Medicinalium observationum*.

### C A P. VIII.

*De duplici Forma, tum quidem adspectabili, tum interna.*

**F**ormam Abscessus appello, tum externum omnem partis affectae habitum, tum tumoris dimensum, tum circumscriptionem, ac figuram; horum autem pleraque attigit Hippocrates, qui *libro 4. epid. sect. prima*, prodidit haec; *tubercula extrorsum extumescunt, & acuta, & acuminata, quae & aequaliter maturescunt, & non circumdura, & declivia, & non bifida, meliora: contraria vero mala, & quae valde contraria pessima.* Quod, idem, & in *prognost.* qua de abscessibus repetiit. Porro vides primo propositum in hac dictione tumoris eminentiam, & projecturam. Secundo acumen, & in turbinem gracilescen-  
tiam. Tertio aequabilem maturitatem. Quarto mollitiem. Quinto declivitatem. Sexto simplicem extuberantiam; quae singulae bonae sunt Abscessus notae; Contra vero malae sunt, non elatus; neque foras eminens tumor; passa, & compressa ejusdem forma, inaequalis maturitas, durities, acclivitas, & bifida capitulatio: quorum singulorum causas discere si cupis, en tibi Franciscus Vallesius, qui has tradidit, dicens sc. *quae aequaliter secundum se tota tendunt in suppurationem, nec sunt circumdura, hoc est, quadam parte incipientia suppurare, & circum circa dura; ex materia pendent mitiori & simplici: ut contra, quae inaequaliter suppurantur existentia circum dura, aut etiam bifida, hoc est extuberantia in dubio cacumine, pendent ex materia diversa, & inaequaliter contumaci: commendantur etiam declivia tubercula, id est, quae in declivi suppurantur, nam sive à Chirurgo secantur, sive sponte rumpantur, qua cutis gracilior facta est, ut solent, optime expurgabuntur, scissura in declive spectante: haec bona sunt; contraria vero mala.*

Sed Galenus in eodem com. qui est tex. 13. *Bona acuminata tubercula propterea, quod sub his vigent humores calidi, ac tenuiores, ac proinde celerius suppurantes: nam ex crassis, tenacibusque, constan-*  
tia,

*tia, utpote frigidis, & lata sunt, & aegre coquantur, quin etiam putrescunt, potiusquam coquantur longiori tempore.*

Sed idem Hipp. *com. primo prognost. 40.* contractiore sententia pronunciavit; *suppurationes, quae foras vertuntur aptae sunt, si parvae sunt, maximeque egrediuntur, & in mucronem sunt fastigiatae; si vero magnae sunt, & latae, minimeque in mucronem contractae, pessimae sunt.* Quae declarans Galenus mucronem ejusmodi fastigiatum, ait, indicare robur foras expellentis facultatis, itemque non magnam sedis corruptionem, & erosionem.

Ad has autem Hippocratis conditiones tumoris addendae sunt & eae, quae spectant ad simplices tactiles qualitates. Calidiores nempe bonae, frigidiores vero malae propter humoris, scilicet, abscessusque, contumaciam. Sunt & praeterea spectandae visibiles aliae: nam livor, & fuscado, albor, & concolor species, non parum improbantur, istae, quod longitudinem, & difficultatem curationis ostendant; illae vero malitiam, & discrimen.

Haecenus haec exterior forma censita est: ratio nunc interior evolvenda: quae uno verbo est translatio [*μετάστασις*] humoris partem nobiliorem molestantis, quem crisi videlicet excerni non licuit. Ad hunc autem modum successio est haec crisis: atque haec proinde cognosci secundum suam praestantiam oportet, qua caret Abscessus.

Crisis igitur character (ut brevi delineetur) est eductio alienae, quae morbum faciebat, materiae, quae naturam corporis infestabat. Sic porro natura paratis his, quae necessaria sunt, diebus institutis decernit se morbum soluturam, & finituram; qui veluti triumphus est integrae victoriae. Est autem in excludendo humore magnus apparatus, certaue ratio, ut adsit euphoria, id est, rerum expeditio felix. Primus autem est materiae pepasimus, & concoctio brevi elaborata. Secunda est agitatio vehemens: Inde monitum à Dictatore nostro est; *Quibus crisis futura est, his nox praecedens molesta; tum enim gravitas, vertigo, & caligo, mentis perturbatio, dyspnoea, cardialgia, aestus, anxietudo, jactatio, doloris, symptomatumque, commotio est.*

Ab his omni, quo licet, conatu, materiae totius plena & li-



beralis est effusio per partes exteriores, & per propria emissaria, quae secundum morbi speciem, & viciniam, immo etiam secundum opportunitatem natura delegit; quam exclusionem, ut dixi, liberalem, si semel exhaurire nequit, procuratrix intima corporis frequentes, & oppido repetitas, facit.

Ita quidem plenis, & facilibus excretionibus fit probata crisis, & eo quidem minus, quo minor morbi contumacia, minorque vis naturae fuerit, cum minus secundo rerum consentientium apparatu. Semper autem in qualibet excretionē, & crisi etiam mediocri, micat naturae vigor, morbificique humoris coctio plurima parte, sequiturque hunc eductum continuo euphoria, & levitas corpori placidissima.

Sed haec (ut ad Abscessum jam veniam) cum ipso non conjungitur, quae causa est, ut natura non exclusum materiae molliatur, cui difficilis pepasmus fuit; sed translatum duntaxat. Hic etiam non celeritas, hic non vehementia, non euphoria est, siquidem non conjuncta concoctio est. Ad haec in corpore consistit morbus; licet non interioribus partibus semper, & latens.

## C A P. IX.

*De multiplici Naturae fine, & in hoc assequendo delectu.*

**M**Orbi, ut qui sunt quaedam corporis in corruptionem ab initio, finem boni non agnoscunt: namque dyscrasiae, inflammationes, siderationes, paralyseis, atrophiae, marcores, hydropes, cancri, phagedenae, teredines ossium, & fracturae, mali conditionem, & naturam, ut exuant, soli Abscessus privato quodam naturae privilegio quempiam sibi finem utilitatis adscivere: nimirum qui malo deteriore oppressos liberant, & in vita plerumque nos tuentur.

Quae res, ut fiat, paucis accipe. Naturae calor nativus, & temperatura substantialis est animalium, ideo forma intrinsecus conjuncta cum animante, & inseparabilis substantia viventis ipsius ejusdem. Intelligentissima item boni animantis, cujus & sui conservatio eadem. Hanc autem tuetur facultatibus, viribusque



busque, attrahente, retinente, concoctrice, secretrice, expultrice, tum valetudinis bonae, tum malae, tempore; sed malae tempore morbum abigere valentius curat.

Quoniam autem morbus substantia, vel solida, vel humoribus everfis, animalis integritatem est corruptura; hoc utrumque genus malorum sedula corporis tutatrix accurate corrigit, & castigat: nam & unitatis solutae, malaeque conformationis species omnes componit. Verum quod ad succorum materiam pertinet; natura quidem effectus omnes morbosos, qui crudis humoribus haerentes se offerunt, concoquere, & in consentaneam sanguinis speciem modificare, continuo studet. Verum hoc, ubi non assequitur negotii contumacia, aut impedimento aliquo magno; non proptererea deses, aut pertaesa, sed commodo corporis fervida semper, & nava, rursus alteram rationem aggreditur, quae est Abscessus multiplicis: ac primum, id quod nocuum est e corpore foras expellit, seu totum, seu quamplurima portione fas est. Id si neque permittitur, Hippocrate teste *l. 2. epid. sect. prima*, molitur abscessum per *ὑποθῆσις*, id est, depositionem morbi, seu tota humoris copia, seu parte, quae succedit, transposita. Quod ipsum adhuc si facile non est, morbum alium excitat in eo firma, ut animal levet, omnem lapidem movendum, atque omnem conditionem accipiendam: atque adeo pro toto incolumi corpore fervando, partis commodum nullo loco habet interdum. Sic, ut nocentibus effluxus detur, locum, qui paratior est, certo quodam acris ichoris terebro pertundit, & fistulat, ut *l. 6. epid. com. 3. & lib. de humoribus*. Ita sane mirabile naturae studium in custodiendo, cui praeest; ita diligens ejusdem, & infinita procuratio est.

## CAP. X.

*De differentiis, & primo de critici, symptomatiquae Abscessus, discretionem.*

**I**Nter omnes Abscessus modos, ac differentias, potissima & vulgatissima est critici & symptomatiquae; quam nos dignitate primam ante omnia exponemus. Criticus quidem est, quem paulo ante definivimus, crisis naturam licet imperfecte participans.



pans. Est autem crisis perfecta, quam *com. 20. l. 2. Aph.* declaravit Galenus, collatis ad alteram conditionibus. Prima est melior, quae per vacuationem, quam per abscessum. Secunda, quae instantem, & redundantem humorem, quam, quæ alium evacuat. Tertia, quae e directo, quam quae aliter fit, laudabilior; sic enim expellit, quae recto sit viscerum processu, ac directione. Quarta, quae euphoriam habet, id est, toleratu est facilis. Quinta, quae cum humorum coctione, & die critico. Haec enim omnia si adsint omnibus numeris absolutam, perfectamque crisin fore est necesse: Quum vero &c. Haec Galenus: cujus enunciatione vides non excipi Abscessum à crisi, licet hic non cum evacuatione, neque cum coctione, & hujusmodi aliis, fiat plerumque.

Sed symptomaticus est, qui ad morbum praesubsistentem, velut appendix, & affectus, succedit; unde est symptomatici nomen; germen videlicet morbi ex multo, & valido, hujus apparatu, decisum.

Ad summam si recte perspicias, symptomaticus critici falsa est imago apud imprudentes: quam facile prudens homo dignove-rit ex collatis hujus cum critico conditionibus, & causis: dispares enim, & adversas has omnes invenies. Primo enim symptomaticus fit à morbo, non à natura: haec enim & si intervenire videtur expultrice facultate transferendo; haud tamen pro libito, & arbitrato suo intervenit, & expellit, sed coacta erothismo, id est, humoris acris qualitate, & copia, valentis irritatu; quippe morbis suis aliquibus functionibus, ac viribus, qui accidens est niti vere non potest, sed materia sola est, quae naturam laceffit, in qua item materia non omnino corrupta & natura ex adverso inest: quae si valet ipsa praeest, sin minus transversim agitur, & cum ipsa vellet movere, à materia in qua subest valentiore movetur: ut is scilicet, qui immersus aqua, ut natans hanc commoveat, ab aestu fluenti movetur, id est, vincitur sic, ut obruatur, aut transversus agatur; aut si quis institutus custos domus, pro servandis vastigalibus à furum rapinis, hic interdum ab his, qui viribus sunt superiores, cogatur, ut ipse dilapidet etiam bona, faciatque per vim, id quod instituti sui non erat: ita & natura, quae vis est quaedam ordinans bona corporis, si materia quidem obediat, hanc accomodate disponit,

nit, ac procurat; fin materia praepolleat, vincitur, & à nutu ejusdem trahitur. Sic apparet, quis fit Abscessus auctor symptomati.

Materiam nunc dispiciamus: haec transferendo modificata semper est naturae critice procuranti, id est, etsi omnino non concocta, & subacta, suisque placitis omnino consona: tamen aliquam nacta est commodationem, & mitificatum; ut poma, quæ ni sunt matura, nihilominus non sunt lignosa, & fatua. Quapropter & intrinsecus requisita forma Abscessus critici carebit haec à morbo producta. Quippe confarctu, conculcatuque immitium particularum stupet, riget, livet, & ad suppurationem omnem inepta, atque immobilis, ut lapis est. Caret & modo decumbendi, qui visitur semper in bono Abscessu, qui fit apothesi, i. e. transpositione, hic vero fit epigenesi, i. e. novi effectus additione. Caret etiam fine, qui solvit morbum, qui-que est ad levandum animal cum rerum omnium opportunitate conjuncta. Est autem opportunitas, ut fiat in die critica, praecedentibus aliquot indiciis salubribus, in partes à principibus diffitas, per conferentes vias, & secundum rectitudinem, & secundum rationem boni, salutisque est: at non ita quidem in symptomatiko, neque enim in hoc solutio, sed exsolutio: nulla coctionis, temporis, viarum, loci, situsque partium opportunitas delecta: sed omnia inordinata, praecipitata, recurrentia, irrita, infida, laeva, malaque, sunt. Vides jam quantis intervallis distet à critico symptomatikus Abscessus, & quam adeo exlex & enormis sit ejusdem vastitas.

## C A P. XI.

### *De differentiis aliis Abscessus.*

**A**D causas effectrices relatae accedunt & aliae differentiae: nam Abscessus alii epidemici, alii endemii, alii sporadici, alii pestilentes, alii non pestilentes, alii ad acutos morbos, alii ad diuturnos, alii ad febres, alii ad morbos alios, succedunt.

A materia, alii sanguinei, quos maxime probavit Hipp. in l. de praediēt. num. 6.

A forma, alii foras exstantes, fastigiati, & uno quasi capitulo;



lo; alii vero preffi, & humiles, bifidi, seu bicipites, variciformes, *cyrtomata* ab Hippocrate dicti.

A generationis modo, hi acervatim facti, hi semirepentes, ut vocat Hippocrates, & semiflui. Hi per excretionem, hi per transpositionem sunt.

A fine, alii ut morbum solvant, & aegros levent, & in tuto ponant, comparati sunt à procuratrice natura; alii vero vi morbi, ut hominem praecipitent ipso vitio, & materiae corruptione praevalente.

A quantitate, alii magni, & pro dignitate materiae morbificae provenientes; alii parvi minusque respondentes dignitati morbi. Itemque majores, quam ut praeferri queant; minores, quam ut prodesse valeant. Debent enim abscessus, neque paucitate inutiles, neque magnitudine intolerabiles esse. Atque hi sunt à quantitate continua; à discreta vero alii unitate contenti, alii plures, atque dispersi.

A qualitate, alii calidi, alii frigidi, molles, duri, crudi, maturi, tuti, periculosi, benigni, maligni.

Ab actione, passioneve dolorifici, sedati, anxietudinem, euporiam, inducentes; faciles, contumaces; suppurabiles non suppurabiles; recidivam facientes, & non facientes; morbum judicantes, & non judicantes, sive irriti: cujus posterioris membri exemplum reliquit Hipp. l. primo *Coacarum* dicens, *in febribus dolor bubonis ad diuturnitatem morbi pertinet.*

A tempore alii per initia, & primum insultum morbi, exorti; alii per diadochen & fugaces, ut exponit Duretus l. 2. *Coac.* cap. 11. §. 3. alii breves, alii diuturni, alii medio modo se habentes; hyberni, aestivi, autumnales, verni; quidam sunt sub ineunte, & crudo morbo, nascentes; quidam sub progressu, vel inclinante eodem. Abscessus autem ipsius sunt tria tempora; quod morbum praecedit, quod in morbo est, & quod à morbo subsequitur, id est convalescentiae tempus. Ad haec tardi, citi, Hipp. *Coac.* A situ meteorii, ut Duretus loquitur, & ab diti.

Itemque à locis, & situ corporis, in quibus constiterè sua, sunt etiam Abscessuum discernicula. Nam alii superiores partes, alii inferiores; interiores, aut exteriores; dextras aut sinistras, occupavere; alii ad glandulas, aures, alas, inguina, alii ad



ad articulos, ad caput, pectus, abdomen, erupere. Videtur autem, ut particularis, ita & universalis quidam Abscessus dari per ea, quae scribit Galenus *com. 4. in l. de ratione victus in morb. acutis, particula prima. Si in una quapiam corporis parte affectio ea fiat, in ea solum, qui erysipelas referat affectus quispiam erit. Verum si venae totius corporis supra modum exsiccatae calidae è carnosis partibus humiditates traxerint, in toto corpore fiet affectio, quae causam referet.*

Ad haec Abscessuum alii, qui pus effundunt intro, alii, qui extra viscera, Hipp. *l. 2. Coac. cap. 11. §. 8.*

Ab habitu, alii livescentes, & emortui, alii concolores, aut secus; suppurati non suppurati, pus, saniem, aut ichores crudos continentes; alii non pus quidem habentes, sed aliam quandam putredinem, ut in tempestate pestifera ab Hippocrate descripta.

Abscessus cum febre, sine febre, quam ipsi vel praecedunt, vel comitantur, vel sequuntur. Ad haec inflammatorii, vel secus. Abscessus per decubitus quam plurimum per morbos longos visi consueverunt, qui frigidi sunt omnes; non autem per morbos acutos, & calidos, ut paulo posterius, ubi de proprietatibus explicabimus. Plurimum etiam sine phlegmone praecedenti oboriuntur Abscessus per decubitus: itaque tarde accedunt tardeque suppurantur, atque curantur.

Suppuratorum etiam, quae sursum sunt, alia quidem in tunica stabulantur collecta, alia vero sunt in visceribus ipsis diffusa. Hipp. *sect. 2. Coac. cap. 11. §. 7.*

## C A P. XII.

### *Definitio Abscessus.*

**H**Is quidem omnibus rite tam expositis, productisque causis Abscessus, hunc definire difficile non est; commode autem multiplex simul Abscessus species finiri nequit, nisi prius ambiguitas removeatur lege definitionis ab Aristotele proposita, quae vult, ut omne aequivocum ante sit distinguendum, postea definiendum. Sic qui per excellentiam dicitur, per decubitus ad-



veniens, nunc sumitur. Hic igitur ab eo, qui per effluxum est, differt transpositionis forma: propterea genus ejus nobis erit *translatio*, diadoche dicta Hippocrati ac Galeno. Quoniam autem ea, quae transferenda, non excernenda fuit materia, est (oportet) non calida, neque tenuis, non tamen simpliciter frigida crudaque, quae agitari nequeat: ideo subdetur *humoris frigidi, semicrudi*. Quoniam autem translationis ratio in hac actione desideratur audiri; haec autem est copia, & qualitas simul, sed *copia* magis, quae morbis in longis frequentior est: propterea quod difficilior victu, quam qualitas: ob id addemus *in morbo longo facultati principi nocentis*. Verum quia mentio terminorum intercedat oportet in translatione necessariarum; huc spectantes aliud adjiciemus, quod est *à parte nobiliore ad viliorē*. Postremo, ne causa effectrix exponenda desideretur, supplendum duximus, *naturae consilio comparata*.

Itaque si clausularum omnis summa colligatur, definitionem habebis, quae est; Abscessus est translatio humoris frigidi, semicrudi, copiosi, sub longo morbo facultati principi praegravantis, de parte superiori ad inferiorem, à natura providente facta.

### C A P. XIII.

#### *De Causis speciatim.*

**C**Ausas omnes in homine, qui tractatur, recognoscemus secundum ordinem rerum naturalium, non naturalium, praeter naturam. Quod ad res naturales attinet; humores, qui huic affectus generi suffragantur, sunt in Abscessu quidem per effluxum calidi, qui sunt sanguis, bilis; in decubitu vero frigidi, atque humidi, ut qui morbis longis magis dominantur, quae sunt pituitae pleraeque species.

Similique modo temperaturae ex his humoribus conflatae. Ad haec intervenit facultas expultrix, quae in parte quidem mittente valens sit, oportet; in recipiente debilis: quibus utrisque facultatibus spiritus memorato modo respondeant necesse est: partes vero consentiant munere, consortio, proclivitate, laxitate, imbecillitate. Sanguinis fluorem junioribus potius, quantum & tri-

trigesimum annum agentibus expectandum, docet Hipp. in *Coacis*: etenim, ait Galenus, *per hanc aetatem sanguis plurimus, est facultas validior atque etiam calor exsuperans*; in quibus autem aetatibus magis fiant, legitur in *prognost. com. 3. tex. 24.* Adversum autem est ab Hieronymo Mercuriali in *com. ad prog.* Abscessus in pueris citius, quam in senibus ac viris, citius, quam in foeminis, maturari.

Ex ordine vero rerum non naturalium, aëris status imprimis considerandus, qua nulla frequentior Hippocratis est doctrina: causa hybernus magis, quam aestivus, praeterquam si debeat Abscessus esse per effluxum. Aër vero frigidus, subdialis, & sublunaris, item decubitus in solo per noctem, & locus quicunque udus, & uliginosus, qui incolatur, Abscessus frigidos creat: argumento sunt inopes, & varie peregrinati, qui non admodum se tueri valent. Pestilens item aëris constitutio Abscessus invehere solet externos: quin etiam & internos in ephemeris pestilentibus creat interdum, ut adnotavit Thomas Jordanus *lib. de peste tr. c. 8.* Ex partibus autem anni, autumno maxime fiunt dyscrisiae, praecipue per Abscessus, ut adnotavit Fr. Valles. in *7. epid. 11.*

Post haec ob malos cibos Abscessus putredinosi fiunt, ut scriptum est Galen. *de cib. boni, & mali succi c. 4.* item ob crassos dulcesque cibos, ibidem; sed & crassa vina, limosa, eosdem inducere possunt. Labores item, ac motus nimii, ut *com. 4. aph. 44. & 4. aph. 31.* Repletio etiam multa materiam adferre Abscessibus solet.

E genere praeter naturam, unus & maximus dolor est: cuius occasione fit, ut Abscessus in dolentem ipsam partem incurrat, ut alibi hoc eodem tractatu explicui: unde Hippocrates in *lib. 4. aphorism. 66.* *Abscessus faciunt viscerum dolores.*

Ad haec imbecillitas partis è verbere, & casu priori; mutilatio membri, vulnus, ulcus, fractura, vel ex his cicatrix, an-cyle, apospasma, distensio, paralytis.



## C A P. XIV.

*De proprietatibus quibusdam Abscessus.*

**H**is, quae jam exposuimus de natura deque causis Abscessus, nunc quasdam horum proprietates, vocatasque à philosophis passiones adjicimus eo consilio, ut post substantiae discretionem accidentia quoque patefiant: praesertim quae maxime declarare rem ipsam possunt, atque ad absolutam diagnosin praecordinari. Neque vero nos ineptiae quispiam accuset, quod substantiam, & accidentia morbis, qui in subiecto sunt, & nulli substant, attribuamus. Praeterquam enim hoc docendi studio concedi licet: ad haec nos illa referimus diathesi, & habitudini corporis, male affecti: cujus subiecti virtute fit saepe, ut morbi ejusmodi nomenclaturas bene recipiant. Erit autem haec particula inter omnes locupletissima: quam ex optimis, & principibus viris sic congeessimus, ut tabula quadam descriptae videantur, ad hunc scilicet modum.

Abscessus per effluxum in morbis acutis saepius visuntur, quam in diuturnis: Abscessus vero per decubitum non fiunt per morbos biliosos, sed per longos, *prognost. com. 2. text. 65.* nempe per hos finiunt, judicanturque, morbi crassarum materialium. *progn. com. 2. text. 65. & com. 3. tex. 23. & sequent. & com. 4. Aph. 26. & l. de ratione victus in acutis com. 4. tex. 46.* Hinc autem est, quod hyeme potius accidunt, tardius desinunt, & minus retrocedunt, *progn. com. 3. text. 28.* Addidit Gal. in *com. rationem* dicens; *Abscessus per hyemem potius accidunt, siquidem per excretionem calidi, per Abscessum frigidi, vacuantur humores: tardius desinunt ob ambientis aëris frigus; & ob crassitiem, ac frigiditatem humor aegrius discutitur: ob quas causas, & minus recurrunt, sive retrocedunt, quia frigidus, humor difficilius moveri potest.* Hinc etiam Abscessus quibus recidivae, Hipp. 5. *epid.* Per decubitum Abscessus fit interdum primis diebus, ut erysipelas, & hoc genus. Marinellus in *com. ad Hipp.* sed Gal. l. 1. *de dieb. decret.* ait in morbis, qui subito solvi debent, excretiones, & Abscessus requiruntur.

Abscessus raro fiunt in febribus cum rigore incipientibus, in 6. *epid. com. primo.*



Abscessus cito fiunt in febris cum lassitudine conjunctis, *com.*

4. *aph.* 74. & 36.

Abscessu judicantur febres molliores, 2. *de art. cur. ad Glau.*  
Abscessus in quartanam mutantur, *lib. 1. epid. com. 2. tex. 21.*

Affectus partium judicatione facti multo facilius curantur, quam cum ob multitudinem, & cacochymiam fiunt. Ita morbus regius in febris solutione ortus, per quem urina & dejectio sunt, quales in benevalentibus facillime solvuntur; ac brevi; qui vero ob biliosam fit cacochymiam, non nisi saepe, ac vehementer, expurgato corpore; *Frans. Valles. 7. epid. 11.*

Evenit nonnunquam Abscessum fieri in partem contrapositam, aut effluxum per viam nullius rectitudinis, participem propterea, quod omnia sunt confluxilia. *Ludov. Duretus.*

Abscessibus suppurantibus rigor fit, 6. *epid. com. 3. de qua re lege Vallesium in com. ad 4. epid. text. 124.*

Abscessus ad articulos fiunt aliquando citra articulorum dolores, ac tumores, qui solis effaeminationibus, seu luxationibus, cognoscuntur, *Franc. Valles. l. 6. epid. sect. primae text. 11.* Attingit, & brevi rem hanc *Antonius Santorellus*, scholae *Neapolitanae* novus *Argenterius*, 11. *Antepraxis cap. 6.*

Abscessus raro fiunt lege critica in dominatu biliosi humoris, *Duretus l. 2. in Coac. c. 16.* quod est de pleuritide, & peripneumonia. Ratio autem assertionis est, siquidem Abscessus non fiunt validi quibus rigores veniunt, atque quos excitare frequentissime consuevit biliosae materia dominatus; & ad summam quemadmodum humores crassi procreandis Abscessibus sunt accommodati, sic sane tenues ad excretionem non ad Abscessum sunt nati.

Peracuti, atque acuti, excretionem maxime finem inveniunt. à quadragesima die raro id evenit; nam coctione longa evincuntur, vel languidam, & repetitam excretionem, movent. *Joan. Heurn. Inst. med. l. 11. c. 5.*

Abscessu qui finiuntur morbi, comitem istam perturbationem criticam non agnoscunt: ut nulli longi morbi; nisi postmodum in acutum degenerent morbum. *Idem ibidem.*

Sunt aliquando volubiles Abscessus conversiones, tum ad salutem, tum ad mortem, mutatis vicibus. Ut in angina, cum strangulatio fortis, saevique doloris cruciatus, & orthopnoea, cito



cito venturae mortis causas in promptu testantur: desperatio vertitur in spem, si erysipelas in cervice & sterno, per metaptosin, exortum laryngis deorsum minuat, unaque liberiores faciat spirationem. Eadem spes rursus desperationis habet successionem, si erysipelas intro reversum peripneumoniam faciat, vel anginam. Ita Duretus in *Coacas. l. 2. C. 16.* qui & *l. 1. text. 149.* tradidit haec, non dissimili sententia. Plerumque Abscessus fugaces sunt, id est, de loco uno leviter in alium transferuntur: ut *Histor. 3. libri primi epid.* Herophonti doluit quidem bubo, sed doloris fugacis materia derivationem facilem habuit ad crura, totius morbificae cacochymiae capacia.

Inter omnes, pueri habent saepissime Abscessus, quia ob voracitatem congerunt succos crassos, & habent per eam aetatem magnum facultatis naturalis robur. Vallesius in *progn. Hipp.*

Tres Abscessui per excretionem necessariae sunt oportunitates: libertas meatuum, validae vires, & materiae praeparatio, ut sit meabilis. Duretus in *lib. 1. Coacar. 149.*

Fuit illud Hippocratis iudicium de Abscessibus criticis, ut eos non agnoverit, nisi in febris assiduitate, nunquam vero in febris vacuitate; sic enim ait in *prognostic.* Abscessum porro expectare oportet, si continua est febris; ex Dureto *l. 1. Coacar. text. 149.*

## C A P. XV.

### *De ratione dignoscendorum Abscessuum promiscua.*

**D**ignotionem Abscessuum tradituri primum inquisitionem faciemus differentiarum, quae sunt per excretionem, & transpositionem, excretionem cognoscere docemur ab humorum propensione, & cursu, per meatus sibi evacuandis destinatos: de qua re *Gal. lib. 3. de crisib. sed 3. prog. com. 26.* tradidit normam, morbos a calidioribus succis profectos, cum naturae valenti robore conjunctos, per excretionem judicari; in quibus vero facultas debilis est, & frigidus humor, nec excretionem, nec abscessu levare: verum in corruptionem abeunt, aut vix longinquitate temporis miraculo coquuntur, & finiuntur. Abscessus vero praeterquam cognoscuntur negatione naturalium propen-

sion-



sionum ad excretum, ad haec praesentiri poterunt ex habitudine humorum, qui sint accommodati solum ad translationem, qui vel coctiores debilem habeant transmotricem, vel crassi robustam.

Ad haec spectandus morbus est; nam si calidus, & acutus, primis periodis crisin expectat, excretionem judicandam; si vero frigidus, tardus, & diuturnus affectus sit, urinis tenuibus & crudis. Gal. 3. *Cris. ult.*

Ad dignoscendos vero Abscessus per effluxum, aut per decubitus, haec habe. *Abscessus non validi quibus rigores*, Hipp. 1. 6. *Epid. sect. 1.* Crises fiunt excretionem, vel Abscessu. Si excretionem, id fiet quatuordecim dierum spatio extra vel intro; idque in juvenibus quorum meabiles sunt succi, corpora, & motus naturae juveniles: sed praerepta crisis occasione, & causa per excretam, hoc est, in cruda, & contumaci materia, inclinatio fit ab Abscessum, modo natura viribus integris propugnet. Heur. *inst. med. l. 11. cap. 5.*

Ni sint per effluxum Abscessus, caeteris constantibus, per decubitus erunt. Ita quidem apparet voluisse Hippocr. 1. 2. *de morbis vulg. Sect. 1.* & Galen. in 1. 1. *eiusdem operis, Sect. 2. text. 44.* super illa sententia (maturationes excrementorum omnes undique tempestivae, aut bonae, & decretorii Abscessus sunt considerandi) profitetur apertius ad negatos Abscessus per excretionem, alteros per decubitus succedere.

Didicerunt autem longae fieri hae febres, & Abscessus habere, si frigidae sint partes infernae circa aures, & cervices; si vero non sint frigidae habent alias mutationes fluat autem sanguis ex naribus, & alvi his conturbantur; Hipp. 1. *de ratione vitus*, & Valles. in *com.* Suppurationum umbilicus terminus est, quibus autem rumpi suppurationes debent, ventres his turbantur; Hipp. 1. 6. *epid. 6.*

In cruda, & contumaci materia, & meatuum angustia, non crisis quidem, sed Abscessus potius fiet; modo natura viribus integris propugnet. Si illa fatiscat cachexiam expecta, & corruptionem, nisi tamen post exacerbentur, ut in Cleonactide octogesimo, ex Heurnio 21. *Instit. med. c. 5.*

Abscessuum per effluxum, secundum singulas suas species praenoscendorum, quae sint signa, expositum habes fusc, ac di-



stincte ab Hieron. Montuo *in compendio curatricis*, à Prosp. Alpino *in l. 6. de medicopraesag.* & ab And. Laurent. *l. 1. de crisi- bus*, & ab aliis: instituti porro nostri fuit potius de his, qui ad decubitum pertinent, differuisse.

## C A P. XVI.

*Signa Abscessus per decubitum.*

**S**I febris detinet, & dolor non desinit, excreatio non excernitur ex ratione, neque biliosae fuerint alvi dejectiones, neque solutiores, & sinceriores, nec urina admodum crassa, ac plenius sedimentum; salubriter vero à caeteris partibus ministratur: his tales fore Abscessus sperandum est. Hipp. *com. 2. progn. text. 65.*

Si vigesimum diem excefferit morbus, tunc Abscessus, si nullus dolor affligat ob inflammationem, aut ob aliam manifestam causam. Hipp. *l. prog. sect. 3. text. 23. 24. 25. & 26.*

Quibus inveteratio est morbi, dolorificum imis in partibus expectare oportet, potissimum vero junioribus. Hipp. *In diuturnis febribus, aut phymata fieri solent, aut in articulis Abscessus.*

Quibus febres longae, iis tubercula ad articulos, vel dolores fiunt, Hipp. *l. 4. aph. 44.*

Sunt & Abscessus futuri signa urinae tenues, & crudae, toto morbi decursu, cum salutaribus signis apparentes, *l. 2. Aph. 34.* Si eorum, quae excernuntur, superfit pars aliqua: tunc in Abscessum morbus est facilis.

Per Abscessum futura crisis quomodo cognoscatur, *3. de crisi- bus, cap. ultimo*, doceris.

## C A P. XVII.

*Qua aetate, ac tempore anni, morbique, adveniant Abscessus.*

**A**Bscessus senibus haud eveniunt; hominibus, qui trigesimo sunt anno minores, citius apparent. Jo. Heurnius *inst. med.*



l. II. cap. 5. quamquam Hipp. l. coac. ubi de dolore capitis, ait, maxime, vero triginta quinque annis minoribus profluvia sanguinis; senioribus vero Abscessus expectare oportet; sed enim aliud est senibus non accidere, senioribus triginta quinque annis accidere. Admodum, inquam, senibus Abscessus rarissime accidunt: siquidem robur virium his naturaliter debile. Ad haec, sub diuturnitate Abscessibus solenni, fracta natura ad propellendum nullam vim habet: humoris vero contumacia, & compactorum meatuum ariditate, resistit; quas ob causas sub senectute nil ejusmodi à natura suscipitur, aut ne tentatur quidem. Sicut in minoribus natu, trigesimum annum agentibus, Abscessus consistunt; ita quartanae potius agentibus annum quadragesimum, aut, etiam senioribus accidunt; com. 3. progn. text. 28.

Oportet autem expectare Abscessum per febrem continuam; in quartanam vero discessuram quoties intermittatprehendatque errabilem modum, atque ita agendo autumno propinquet. Com. 3. progn. part. 27.

## CAP. XVIII.

*Dignotio situs partium, aetatis, Abscessusque specierum, ex I. Sylvio.*

	<p><i>Febris salubris, &amp; cum signis salubribus, sed protracta non soluta, ut ad diem vigesimum, &amp; diuturna ac tarda, sine dolore à phlegmone vel causa externa, hyeme magis.</i></p>
<p><i>Inquam- vis par- tem</i></p>	<p><i>Morbus aut calidus, sed cum viribus imbecilibus: aut frigidus, sed cum viribus robustis. Nam si calidus, &amp; vires robustae per excretionem solvetur; si frigidus, &amp; vires imbecillae, aut aegrum jugulat, aut tardissime vix coquetur.</i></p>
<p><i>Signa crisis fu- turae per Ab-</i></p>	<p><i>Aetas minor annis 30. aut 35. Nam senibus minus fiunt Abscessus, ob virium imbecillitatem, etiam si febris sit diuturnior. Infra autem annos 30. magis &amp; citius fit Abscessus.</i></p>



*scessum,  
in febre  
mitiore,  
& diu-  
turniore*

*In arti-  
culos  
vel glan-  
dulas,  
aut alias  
partes.*

*Urinae tenues & crudae longo tempore. Nam multa, & cum plurima hypostasi, paulatim coqui & solvi morbum significant.*

*Superio-  
res, ut  
glandu-  
las colli,  
& quae  
paroti-  
des di-  
cuntur.*

*Morbus praecipue non diuturnus.*

*Somnus gravis.*

*Dolor capitis vehemens.*

*Capitis & temporum gravitas.*

*Surditas repentina & praeter ratio-  
nem.*

*Respirandi difficultas aliquandiu sine  
causa manifesta.*

*Hypochondria semper mollia & indo-  
lencia.*

*Respiratio aliquandiu difficilis, su-  
bita, sine causa manifesta, mox  
quiescens.*

*Morbus diu duravit.*

*Urina tenuis, cruda, multo tempo-  
re mixta.*

*Circa hypochondria aliquid phleg-  
monis & caloris in peripneumonia,  
huc repere humores significat.*

*Gravitas, tensio, phlegmone, dolor  
inferiorum partium.*

*Nullum ex signis parotidum appa-  
ruit.*

*Inferio-  
res.*

## C A P. XIX.

*Methodus dignoscendorum situs, & partium obnoxia-  
rum Abscessus communis.*

**C**onstabit autem partium, quae obnoxiae sint Abscessibus,  
& situs cognoscendorum aliqua methodus, ex conjecto sub-  
sistentis humoris orgasmo, & motu naturae facultate, ac du-  
ctuum sursum, ac deorsum spectantium habitudine, ac situ; si  
succus quidem tenuis substantiae sit, potius ad superiora, si vero  
crassior ad inferiora promptior erit, si valens natura sit, & viri-  
bus

bus cumulata, deorsum & procul ab affecta sede, & morbi dignitate molestum humorem extrudet. Conferet autem, & partium male affectarum dispositio, quae prona sit ad recipiendum, docente Hipp. l. 4. aph. 33. quod si ante morbum pars aliqua laboraverit in eum morbum decumbet. Item conferet vasorum five fursum, five deorsum vergentium commoditas: quippe in rectum proprio quodam naturae nutu levis humor debet adscendere, gravis descendere, si viac sint expeditae.

## CAP. XX.

*Dignoscendi situs ratio privata.*

**E**Xoriuntur ad inferas quidem partes, quibus hypochondria incandescunt, ad superas vero, quibus hypochondrium quidem molle est, ac doloris expers; ipsi vero paulisper suspiriosi quiescunt sine causa; Hipp. com. 2. progn. text. 66. consule autem Galenum in com.

In febribus ad articulos, & circa maxillas maxime Abscessus fiunt: prope sane dolores unius cujusque ad supernam partem magis, & in totum, si vero lentus fuerit morbus, & deorsum tendens; inferne etiam Abscessus fiunt, maxime autem pedes calidi, inferne significant, frigidi superne; Hipp. l. de hum. num. 3. vide autem, quae Gal. in com. scribit scitu plane digna.

Qui tenuem crudamque urinam diutius mingunt, his Abscessus expectari oportet in partes diaphragmate inferiores. Hipp. lib. progn. n. 11.

Qui diutius secure ex febre continua laborant citra dolorem, aut inflammationem, aut aliam causam, his Abscessus expectandus est, cum dolore, ac tumore, ac magis in infernis partibus, lib. progn. com. text. 23.

Abscessus his, qui nyctalopae vocantur profunt insuper apparentes, & ad infernas partes erumpentes: verum non valde accedunt per juventutem. Hipp. l. 2. prorrh. num. 40.

Abscessus autem inferius erupturi cognitio traditur com. 2. prognost. 4. text. 66.

Quibus jam nephriticis ex renibus affectis praedicta signa accidunt,



dunt, doloresque circa musculos spinales fiunt, si quidem circa locos externos fiant, etiam Abscessus intrinsecus futuros expecto, *l. 7. aph. 36.*

## C A P. XXI.

### *Dignotio partium privata.*

**A**bscessus maxime incumbunt in partes dolentes, inutiles, claudas, imbecilles, atque lassatos; ita Hipp. *l. 6. Epid. sect. 7.* dixit; *Tusses laboriosae incumbunt in partes laesas, sed maximae in articulos;* & quidem *sect. 7.* primo qui vocibus amplius, quam par erat, sed fatigarunt, aut riguerunt: in anginam magis inciderunt: qui manibus laboraverunt, manibus ipsis facti sunt paraplecti: qui vero equitaverunt, aut amplius iter fecerunt cruribus sunt fatigati. Idem fere *4. aph. 33.*

Quibuscunque in febribus tremores citra judicationem cessant: his in progressu Abscessus dolorosus suppuratus in articulos fit, & vesica dolorosa, Hipp. *progn.*

Quibus alvus ab initio turbatur, urinae vero paucae sunt, & progressu alvus ficcatur, urina vero tenuis redundat, his Abscessus ad articulos fiunt. Hipp. *l. progn.*

Dysenteria intempestive suppressa Abscessum in costis, aut visceribus, aut articulis, facit. Hipp. *Coacis.*

Quibus ex morbo se erigentibus statim in manibus, vel pedibus, dolores fiunt; in his Abscessus sunt futuri. Hipp. *l. de humor. Aetius Tetrabibl. 2. lib. 1. C. 11.*

Abscessus velut glandularum tumores signum quidem partium, quae germina habent: sed & aliarum maxime vero circa viscera; Hipp. *l. 6. Epid. sect. 2.*

Urinae cum rigore malae, & convulsoriae, tum alias, tum si quidem antea gravi sopore pressus fuit: spes autem in his est Abscessum retro aures futurum. Hipp. *lib. coac. praen;*

Somnus gravis cum dolore capitis, & surditas statim adveniens, parotidum sunt signa: ex eod. Hipp.

Ubi morbus non fuerit valde diuturnus, si subit difficultas, ac halitus laboranti superveniens mox quiescat, eamque gravitas capitis, ac dolor subsequatur, & gravis somnus, & surditas,

huic



huic in glandibus post aures necesse est Abscessus fieri, Gal. l. 3. *de cris. & com.* 75. 76. 77. l. 1. *prorrhet.* & ipse Hipp. l. 1. *prorrhet.* Abscessus circa aurem attollit praecordiorum distensio cum sopore anxioso. Hipp. l. *progn.*

Abscessus juxta aures emergunt ex egestionibus desinentibus spumosas. Hipp. *progn.*

Abscessus post aures significatur colore faciei; *primo prorrhet. com.* 2. *text.* 14. & 6. *epid. com.* 2.

## C A P. XXII.

*De ratione praesagiendi Abscessus.*

**S**upra, qua de fine molientis Abscessum naturae dissertum est, fundamenta jecimus, & summa tradidimus capita bene instituendae praesagitionis; porro quemadmodum se res habet ad esse, ita etiam ad cognosci: praeterquam, quod praenotio nihil ad summam est aliud, quam consilii naturae architectantis praesentia. Quas ob res, quae ibi proposita sunt à nobis, ea nunc in memoriam revocari oportet: atque adeo perpendi num morbus is sit, quem excutere natura concoctione valeat, vel secus. Valebit autem si firmus humo tum aetate, tum viribus, morbo sit faciliore correptus. Facilis autem morbus erit, si calidis, mitibusque succis, sit fultus, quales nimirum è sanguinis genere sunt.

Quod si biliosus sit apparatus, & aliquanto turgidior: robore naturae, sicut dixi, constante, & notis, quas paulo posterius adjiciam, praemonstrantibus; probabile credideris futurum effluxum, seu materiae totius, seu plurimae, prout naturae facultates, & morbi lenitas, se ostenderint. Atque ejusmodi quidem est praesagitio, si calido sit in genere morbus.

Quod si frigidis, crassis, lentisque materiis stipatus sit; hyeme praesertim, & autumnis; doctus proprietates Abscessus, quas suo capite legisti, certus eris hoc genus morbi futurum, ut per decubitus finiatur perfectus, non perfectus; salubris, exitiosus; difficilis, dubius; prout & secuturae te docebunt normae, naturaeque & morbi virium sese exhibuerit aestimatio. Nempe si materia, quae morbum facit, eo redacta sit à natu-



ra, ut educi possit per loca conferentia tempore, & loco expulsionis opportunis: hoc pacto conducibilis erit Abscessus: si morbus, aut materia, aut uterque naturae superiores sint, contra aestimandum. Rationem autem dignoscendi rem hanc fusc docuit Vidus Vidius in *Artis med. tom. 2. part. 1. l. 10.* & hunc imitatus Prosper Alpinus in *l. primo de medico praesagio.*

Haec quidem generalis, & summa fuerit praesagiendi ratio. Caeterum praesagitor ipse per multum, & non vulgariter versatus sis, oportet, in uno Hippocrate, qui mirificentissime, ac diligentissime omnium, qui ad hanc aetatem extitere, rem prognosticam assequutus est: ut qui cum natura, & ejus consilio maxime fuit conjunctus. Non levis autem opera, neque perfunctoria, sed singularis, & exacta, navanda est, ut hujus Viri doctrinam attingere liceat, cujus nos aliqua definitius tradere jam incipiamus.

### C A P. XXIII.

#### *De lege salutaris Abscessus.*

**M**onstratum ante per nos fuit, Abscessum esse metastasin, ac transpositum quendam humoris, naturae gubernantis studio procuratam. In transpositu porro sunt haec; humor transpositus; pars unde migrat, itemque pars quae recipit; viae, per quas humor transfertur; ac finis, cujus gratia transfertur: haec quidem singula recte comparata sint oportet, si salutaris esse debet Abscessus.

Primo quidem humor coctus, aut semicoctus sit oportet; etenim si crudus sit, praeterquam ineptus est transmotioni, & naturam potius vi symptomata irritaret. Ad haec, ut admonet Hipp. *l. 1. epid. sect. 2. cruda, & incocta, & in malos Abscessus conversa, aut morbi longitudinem, aut judicationis vacuitatem, aut recidivas, aut mortem inducunt: & l. 2. prognost. sect. 2. text. 66. si sputum, inquit, non facile excernatur, neque urina hypostasim habeat laudabilem; periculum est, ne ab Abscessu claudicet articulus, aut multum molestiarum exhibeat.* Praeter hanc qualitatis conditionem, est & alia proposita per Galen. *com. 2. progn. part. 65.* quae est, ut succi sint non omnino exitiosi.

Haec ad qualitatem materiae pertinent; caeterum, & quantita-



tate debet esse moderata i. e. non pauca, nec valde multa; quocirca magnus Hippocrates statuit hujus terminos non minorem copiam, quam ut morbum non solvat, nec majorem, quam ut tolerari possit; paucae quidem, & semifluae materiae meminit l. 1. epid. text. 2. cum ait: *exanthemata apparebant parva, nec dignè morborum excretioni respondentia, inde mors rursus evanescentibus*, & l. 2. Coac. c. 15. text. 4. *parotides pravae sunt paraplecticis*. Duretus inter caetera causam ad semifluam translationem humoris refert, quamquam vero com. 1. l. progn. text. 40. parvam abscessionem laudavit dicens, *suppuratio, quae foras vertitur, optima est, si parva* &c. tamen parvitas hic moderata intelligenda, non exilis, & vere paucifera. At vero uberioris plusquam par est effusionis meminit eadem particula, dicens; *multi Abscessus oboriebantur, aut minores, quam ut quicquam proderent, aut majores, quam ut ferri possent*.

Praeter humoris modum ita requisitum, debet & pars, unde is elicitur, rite delecta esse: nimirum, ut sit ea, cujus salus ad universitatem corporis spectet, ac proinde munere praestans, ac digna sit: secus enim nulla esset necessitas transponendi. Est autem animalis corpus qualis civitas, & exercitus, in quo, ut servetur Imperator, & Princeps, expedit vilissimum quemque hominem occumbere: & ad summam is est ordo dignitatis à natura in omnibus demonstratus, ut abjectorum incolumitas perpetuo cedere debeat nobilioribus.

Est & pars Abscessum receptura videnda, quae viribus infirmior, munere inferior, situ corporis humilior, loco remotior, & materiae sufficienter transmissae capax esse debet: quod autem inferna, & diffita pars Abscessui sit oportuna, summus medendi Magister indicavit l. 2. progn. text. 76. dicens, *Abscessus, qui erumpunt ad crura in pulmonia vehementi utiles omnes*: & l. 6. epid. sect. 1. parte 17. *si e superioribus partibus infra umbilicum inferioribus articulis constiterit, bonum*. Enucleatissime vero l. 2. epid. sect. 1. *optimi sunt Abscessus, qui infra fiunt, & longissime infra ventrem, & remotissimi a morbo*. Ita Duretus Hippocratis, ut vocant aliqui, Genius, l. 3. Coac. Appen. de phymatis, quod cap. est 26. ait; *Abscessus non boni nota, prope abesse a morbi domicilio*. Praeterea capax esto pars, quae Abscessui sustinendo destinatur: alioquin is, qui à parte non admittitur, ad interiora recurret



prompto mortis periculo. Inde dictum est, *in prorrhēt. & Coacis; quae apud aures extuberant in paraplecticis suspecta sunt: quia magnitudini morbi non respondent*: est autem legere plures in hanc rem ab Hippocrate descriptas historias. In *epid. Aeger. 9. sect. 3. l. 1.* Crito Abscessum habuit in magno pedis digito nocte deliravit, postridie interiit; & *l. 2. epid. sect. 3.* Calvus Larysseus femur dextrum doluit, quarta die circa meridiem mortuus est celerrime, & acutissime: & *sect. prima l. 2. ejusdem operis*, Temeni neptis ex vehementi, & acuto morbo Abscessum habuit in digito; cumque pars totius materiae capax non esset, recurrente eadem ad superiores, & nobiliores partes, interiit. Itaque & recursus materiae ne fiat, requiritur in optimo Abscessu. Porro semiflui & recurrentes affectus parotidum modo, fere funesti sunt exitus omnes.

Supersunt exponendae viae, situsque transpositionis: nam ubi pars dextra laborarit, in dexterum item latus deducenda materia est; sinistrum vero accipiet à sinistra. Porro qualis in Abscessibus per effluxum, par & in eo, qui est per decubitus, rectitudinis ratio requiritur, τὸ κατ'ἰξιν dicere consuevit Hippocrates, hac re declarata tum in aliis, tum in Hierophonte, *hist. 3. l. 1. epid.* qui jam pessime habens ex lienis amplo tumore, suscitato ad femur, quod respondebat, Abscessu, praeter spem, evasit. Sunt igitur leges Abscessus laudabilis, ipsum fieri pro dignitate, deorsum, sine recurso, cum partium sympathia κατ'ἰξιν: quarum quidem omnium, qui majorem summam participaverit, is utique praestantior futurus est; ex una quidem aut duabus minime bonus affirmandus, sed e quam pluribus: optimus autem qui & consummatus, & numeros omnes expleverit. Lege autem & quae in hanc rem diserte scripsit Vidus Florentinus, *Art. medic. tom. 1. l. 9. cap. 5.* quod est de crisi.

## C A P. XXIV.

### *Praesagia.*

**P**ost communiores istas praesagiendi formulas, subjungemus & alteras speciales, ab omnibus Abscessus locis ante recensitis



fitis repetitas, duplicem ipforum eventum exposituri, secundum Veterum testimonia, singulis capitibus accommadata: exordiemur autem ab his, quae morbos judicant, aut secus.

*Signa Abscessuum perfecte judicantium.*

Decubitus cum deterior sit Abscessus species, hinc interdum effluxus solvit: quod docuit Hipp. l. 4. Aph. 74. qui est, quibus spes est Abscessum fore ad articulos, hos liberat ab Abscessu urina multa, & crassa, & alba, prodiens, qualis in febris laboriosis, quarta die quibusdam fieri incipit: si vero etiam ex naribus sanguis eruperit, brevi admodum solvitur. Ejusdem simile & l. 4. epid. sect. 4.

An judicent autem maturi in morbis Abscessus, signum est; si dum fervida sunt mala, non febricitarint, & dum molesta sunt facile portarint: velut quae in sede accederunt Charioni. Hipp. l. 4. epid. 12. Quibus in febre assidua pustulae toto pullulant corpore, mortiferum: nisi purulento Abscessu, qui his potissimum ad aures assurgit, periculo defungantur. Hipp. in Coac.

Cum Abscessus aliquis suppuravit, ac ruptus est, tum maxime evadit homo, cum ruptura idonea est, ut pus expurgetur nequaquam retrocedens: haec vero est declivis, & deorsum facta, quam Hippocrates solet vocare *εὐπορον*, i. e. facile fluentem. Vallesius in prognost. Hipp.

C A P. XXV.

*Prasagia eventus boni.*

**A**bscessus optimi sunt, qui maxime sanguinei: Hipp. primo epid. & secundo prorrhēt.

Concoctiones celere judicium, & securitatem promittunt, ita quidem Hippocr. alicubi. Est tamen illud pervidendum, sententia Gal. comm. 1. epid. ut, toto morbo concocto simul, fiat: etenim Cratistonaetae, & ancillae pictoris suppurabiles apparuerunt, sub quibus tamen mortui sunt ipsi. Pauca haec quidem ad materiam attinent: Quod vero ad formam, haec habe.

Exitus humorum, qui multos hac, & illac Abscessus faciunt,



optimus esse consuevit multas in partes dispergi, & in quemcunque Abscessum portione aliqua insumpta ita consumi longo tempore. Valles. *in com. lib. de ratione victus in acutis partic. quibus per febres fiunt tubercula*, pag. 569.

Suppuratio, quae foras vertitur, optima, si parva; maxime, quae egreditur, & in sublime resurgit: si vero magna & lata, minimeque in mucronem subducitur, pessima; *com. i. prog. partic. 40.*

Erunt & commendabiles Abscessus, qui interne extrorsum erumpunt; ob id, erysipelas, ab interioribus ad exteriora verti, bonum, ait Hipp. *l. 6. aph. 25.* & ab angina detento tumorem foris in collo fieri bonum. *aph. 37. ejusdem.* Vide autem & quae in hanc eandem sententiam scripta sunt in *l. progn. num. 23.* Veruntamen quod ad posteriorem aphor. spectat, non perpetuam hanc normam primus advertit, & ut intelligendum id sit, enarravit exacte celebratissimus Guastavinus, *in 24. locorum select. tom. 20.*

Abscessus ex superioribus ad inferiores umbilico salubres, *comm. i. l. 6. epid.*

Abscessus ad crura in pulmonis inflammationibus fortibus, ac periculosis, omnes quidem utiles sunt; optimi vero, qui dum sputum in mutatione est, fiunt. *Hipp. l. progn. n. 18. & l. Coac. praenot.*

Quaecunque intro rumpitur, optima est suppuratio; si cum exteriori sede nihil communicet, sed adducta est, nec dolet, & omnis exterior locus unicolor apparet. *Hipp. com. i. progn. text. 41.*

Suppuratio prope canales securior: quia ad expulsionem sola naturali facultate indiget: quae enim concoquere, etiam expellere potest. Cardanus in *Arte parva* 146.

Tubercula foras extumescencia, & acuminata in turbinemque gracilescentia, aequabiliter maturescentia, non circumdura, declivia, & non bifida, meliora; contraria vero mala: & si quam plurimum contraria, pessima. *Hipp. lib. 6. epid. com. i. text. 13.* simile vero protulit, & hoc in *progn. com. i. text. 40.*

Quaecunque exterius vergunt, optima sunt quam maxime extrorsum spectantia, & in aciem turbinata; sed quaecunque in-

Introrsum rumpuntur optima sunt, quae externas partes attingunt. Hipp. *progn.*

Molles boni, crudi vero mali. Hipp. *lib. 5. aph. 67.* Optimi sunt Abscessus, si maxime deorsum, & quam longissime ab aegrotante parte absistant. Galen. *in opere de cris.*

## C A P. XXVI.

*Praesagia Abscessuum male judicantium.*

**A**bscessus ad suppurationem, & circa laterum mollitudines, & inguina, diuturni, atque aegre curabiles sunt. Hipp. *l. 1. de artic. sect. 3. paulo post initia.*

In febre Abscessus, qui ad primas judicationes non solvunt, diuturnitatem ostendunt morbi. Hipp. *4. aph. 51.*

Quibus Abscessus circa aurem, ad judicationem fientes, non suppurantur; his submotis recidiva fit. Hipp. *lib. de judicat.*

Cum in morbo aliquo, judicationis tempore, tumores, priusquam suppurentur, evanescunt, expectari recidivam oportet. Hipp.

Quae relinquuntur post judicationem reversiva sunt: Hipp. *l. 1. epid. sect. 3.*

Quaecunque sine signo judicationis disparent, male judicata sunt; velut ancillae Polemarchi. *2. epid. sect. 3.*

## C A P. XXVII.

*Praesagia eventus mali.*

**N**unc Abscessus malos exitus enarremus: quorum primi sint, quos dat materiae modus: sequentur autem materiae quantitatem salus, aut mors: nam pauca Abscessus quantitas semper mala apud Hipp. qui *primo epid.* inquit de Sileno; papulae cum sudore rubentes, rotundae, parvae, varis similes, permanebant, nec Abscessum efficiebant, & *l. Coac. praenot. dixit;* quibus in febre continua pustulae toto corpore excitantur, lethale, nisi superveniat purulentus Abscessus. Verum & pauca quantitas etiam mala est. Abscessus enim acervatim fluentes, & non semirepentes, si non



pro ratione, & excretionis dignitate fiant, recurrunt; velut Temeni nepti, ex morbo forti ad digitum decubuit, & mortua est, *l. 2. epid. sect. 1.*

Sed & materia cruda semper mala est, de qua Gal. *in com. 1. epid.* haec prodidit; *omnium, quae tum inciderent, incommodorum caput erat, cruditas humorum*; quod si quandoque natura per vim ad aliquos eorum excutiendos aggressa esset, nihil proficiebat; immo vero ab iis superata, aut in profundum recurrere permisit, aut propter paucitatem excretionum Abscessum moliebatur: alias enim à nobis demonstratum est, nullam excretionem, aut Abscessum, fidelem esse, qui cum signis cruditatis apparet, etiamsi ad probam maturationem perveniant.

Deinde, & secundum formae conditiones erunt mali, & insalubres, omnes Abscessus, qui decumbunt diebus non criticis: nimirum non prae se ferunt motum naturae regulatim agitantis humorem; sed hic vincens materiae multitudine, aut pravitate, intempestive praevenit anticipatque pugnam.

Abscessus maligni cum febre continua, exitiosi omnes. Sic Hipp. *in l. 3. epid. com. 3.* scribit ignes malignos multis hominibus vitae finem intulisse, tuberculis, carbunculis, defluxibus, ad pudenda.

Pertinet ad formam etiam constantia, stabilitasque, non fluxa conditio. Nempe maligniora, quae cito disparent, ait Hipp. *l. 2. epid. sect.* exemplum autem *in 7. epid. textu 9.* Timonactis pueri; cui duorum ventrum exanthemata in cruribus, & coxis, & lumbis, & hypogastrio, ac tumores valde rubicundi, quibus sublatis convulsiones, & epilepsia fiebant, sine febre multis diebus, & mortuus est.

Quibusdam in articulos, praesertim in coxendicem, decumbebant, paucis decretorie cessabant, statimque superati, ad priorem statum rediere. In Anaxenore splenico, & mali coloris homine, animadvertit Hippoc. *l. 1. epid.* tumorem coxendicum, quo evanescente mortuus est.

Tumores praeter rationem allevantes, pravum: velut Andronici filio erysipelas recurrit, si non ad eundem locum rediens, bonum quid significet: Hipp. *l. 2. epid. sect. 3.*

In febribus glandularum tumores deteriores, qui in acutis ab initio vigorem remiserunt. Hipp. *l. 2. epid. sect. 3.*

Cum



Cum dixi malos evanescentes tumores, peiores eos intellige, qui postquam apparuerunt, subinde delituere: siquidem hoc ait Gal. *in primum prorrbet. naturam impense languidam indicat; quae ceptam excretionem perficere non valet.* Sic Ephranoris filius, cui exanthemata exorta parum profecerunt, etenim absque ratione disparuerunt; inde mortuus est: ait autem inibi Galenus talium signorum genus deterrimum esse: nempe, quae tubercula, vel pustulae, ex imo ad cutim enata, recurrerunt, gravissima omnium sunt, omniumque maxime, ubi Abscessus non ob humoris fluxus tenuitatem, aut partis laxitatem, aut aëris caliditatem, aut adhibiti medicamenti discutientis potestatem, sed ob virium maxime lapsum, intus recurrunt.

Morbi in alios mutati semper fere necant, siquidem corpus imbecille, morbus alius superveniens nactus illa imbecillitate tollit, priusquam superveniens finiat: ut palam est de ascite, qui hepatis vel lienis affectum consequitur. Hieronymus Montuus *in comp. curatricis scientiae*: quamquam hoc viro prior Actuarius idem censuit, *in libro 2. meth. med.* quem locum alias notavi.

Abscessus mali sunt, si dolorem acerbum, acrisiam, vel diuturnitatem, secum afferant; Jo. Heurnius *lib. 11. instit. medic. c. 5.*

Cum multis signis conjuncti nulli Abscessus esse boni possunt: sunt enim judicatoria non judicantia. Prosper Alpinus *l. 7. de med. praesag. F.*

Non mediocris periculi sunt tumores admodum rubentes, atque omnium maxime liventes, & nigricantes: quem pravam colorem in exanthematis ne mulierculae quidem ignorant. Porro in Critione moribundo pustulas nigras advertit Hippoc. *l. 1. epid. § text. 68.* tubercula secundum aures nigricantes grata, in pestilenti illo statu, descripsit.

## C A P. XXVIII.

### *Praesagia futurarum Parotidum.*

**I**N anxiosis quibusdam vigiliis Abscessus circa aures maxime. Hippocr. *l. 2. prorrb. n. 22.*



Et surditate leniter Abscessus circa aures fiunt, tum alias, tum si anxiosum quidpiam succedat, & soporosis inter hos adhuc magis. Idem *ibidem*.

Quae convulsorio modo exacerbant cum stuporis detentione, Abscessus juxta aures producant. Hipp. *lib. 1. prorrh. n. 23.*

Convulsio, tremor, anxietas cum stuporis detentione, parvos circa aures Abscessus exacerbant. Hipp. *l. 1. prorrh. n. 23.*

Aquosae urinae alba innatantia habentes, & quae varie exalbidae sunt, ac foetidae, Abscessus juxta aures faciunt. Idem *ibidem*.

In capitis dolore sopor, & surditas circa aures, Abscessum aliquem eructat. Hipp. *l. 2. prorrh. Fine.*

Haec, atque alia de Parotidibus, Hipp. *eodem n. 22. & 23.*

## C A P. XXIX.

### *Prognostica Parotidum salutarium.*

**P**arotides, quae suppurant cum signis coctionis, & pus habent album, salutare; Hipp. *in l. Coac.*

Optimae sunt, vel saltem non pravae Parotides, quae praegressis evacuationibus, aut purgationibus, resolvuntur; & praesertim cum bonis urinis, quales fortasse fuerunt, quae Clazomenio extuberarunt. Prosper Alpinus *l. 7. de med. praesag. F.*

Tussiculae, quae sunt cum sputatione Abscessum circa aurem submovent: Hipp. *l. 1. prorrh. Fine.*

Tubercula juxta aures in febrientibus cum dolore oborta, quibusdam febre judicatorio modo deficiente, neque sedantur, neque suppurantur: haec biliosum alvi profluvium, aut dysenteria, aut crassarum urinarum subsidentia solvit. Hipp. *l. 1. epid. constit. 3.*

## CAP. XXX.

*Prognostica Parotidum malarum.*

**T**ubercula circa aurem, quibus circa judicationem exorta non suppurata fuerint, his disparentibus, recidiva fit pro ratione recidivarum. Recidiva verò fiente rursus intumescunt, & permanent, velut febrium recidivae in simili circuitu: his spes est ad articulos abscedere; Hipp. l. 6. epid. sect. 4. Princ.

Ex volvulis graveolentibus, in febre acuta, praecordiis sublimibus, diutius permanentibus, Abscessus circa aures oborti occidunt; Hipp. l. 1. prorrh. num. 22.

Tubercula secundum aures, quae in febre cum dolore extuberant, nonnullis cum febris decretorie sedatur, non resident, neque suppurant. Hipp. l. 1. epid.

Tumores circa aures maxime ex acutis in febribus ardentibus fiunt, si morbum non solvant, neque maturent, aut ex naribus sanguis fluat, vel urinae deponant sedimentum crassum, moriuntur. Hipp. in prorrh.

Quibus humores circa aures facti non suppurantur in ardente febre; hi non valde fervantur. Hipp. in coacis.

Tumores circa aures post expurgata plurima graviter olentia, acuta febre, hypochondrio intento, tardius excitati interficiunt. Hipp. in coacis.

Abscessus circa aures in morbis diuturnis suppurati, non valde albo, & inodoro pure, occidunt, & maxime mulieres. Hipp. progn.

In suppuratis Parotidibus pure non albo effluente lethale. Hipp. in prorrh. Itemque cum urinis parum coctis apparere Parotides, pravam est.

Abscessus juxta aures laeviter syderatis, mali: Hipp. prorrh. l. F.

Abscessus post aures perpetuo sunt suspecti: nam fere superveniunt fractis viribus, & videntur novas morbi causas attexere. P. Alpinus l. 7. de med. praesag. c. ult.

Parotides suspectae, absque signis coctionis, probe suppuratae  
F ipsae.



ipsae. Tales ab Hipp. l. 1. *epid. sect. 2.* in Cratistonaecte, ancilla fullonis, observatae, quorum uterque mortuus est. P. Alpinus *ibidem*.

Dolorosi aurium Abscessus citra judicationem dissipati, mali sunt; Hipp. l. 1. *prorrh. fine*.

## C A P. XXXI.

### *Curandi ratio.*

**I**Ntelligentiae plane non errantis naturae sunt quaelibet operae: quod dixit alibi Philosophus. Abscessus igitur à prima naturae facultate instituti, absolutique, nulla non inconsulta est, quae conficiatur extrinsecus amolitio: neque ad opus criticum dum adornatur, aliqua medentis esse debet admolitio; praeterquam in recurrentis Abscessus metu; quo tempore impedita procuratrix interior nullis conatibus, valet suo munere defungi. Sed desideratur etiam medentis adjumentum, si ab imperio altero Medico praeversus fuerit effluxus, decubitusque ordo, quorum uterque salutare erat: nam hi denuo sunt artis industria provocandi, restaurandique quoad ejus fieri potest. Adjuvandi sunt inquam eodem modo, quo processuri fuerant, Abscessus critici. Itaque si effluxus per vias alvi, & intestinorum, praesentias factururus, tunc praesto debebis esse per clysmos, qui eo pertrahere valeant, & per alvum cientia. Si in renes, & vesicam propendeat humor, continuo per haec, quae offeruntur tum esculenta, tum potulenta urinam movebis. Si ad sudorum eruptiones extenuata materia se ostenderit, crebris infricationibus, & potissime medicatis, cutis forulos praeparabis. Si in mensibus aut haemorrhoidibus spes sit, has item vias providus expedies. Denique purulentas aures laxante suo vaporatu excitabis nares ad haemorrhagiam praeritatas accommodo medicamento percelli curabis; & deinceps aliis alia.

Hac cura quidem effluxus naturae varios promovebis. Caeterum Abscessus alios in parte aliqua designatos pari ratione vel anticipaveris, vel alio tempore irritaveris; ac tantum non currentem incitaveris. Ad hunc quidem modum hoc saeculo nostrae foeminae pueros suos, quibus variolae morbillive instant, pan-



pannis coccyneis undique contegunt in calido conclavi repositos. Ita etiam Medici febrientibus hominibus, qui podagram alias experti sunt, articulos fomentis, & cucurbitulis, & omni qua licet ratione pertentant, prudentes & in hoc consulti, pro servanda corporis incolumitate, membris vilioribus non parcere, quin partem morbi deferre. Ita etiam sub pestilentia nos bubones, accretosque adenes in lue venerea, fovemus; quantae autem, aut quam certe, offensae foret Abscessus hos avertere, retrudereque? Similiter igitur, & Abscessus omnes, qui vel in febribus vel in affectibus aliis longis, serio naturae decreto sunt erupturi e visceribus, non est fas aliquo pacto repellere, revellere, interrompere, interturbare, minuere, inanitionibus labefactare; monente Hipp. *l. 2. epid. sect. 3.* Abscessus horum facere oportet, eos vero, qui item fiunt, declinare: eos autem excipere si prodierint jam: & qualia oportet, & qua parte oportet: qui vero non valde, eos coadjuvare; eos vero avertere, si omnino incommodi fuerint, maxime si hi adfuturi sint: sin minus si jam veniunt.

His multis, & gravissimis, Hippocratis de Abscessu rite curando, praeceptionibus intelligendis, adeas oportet praeclaros suos enarratores, quales fuere Petrus Jacobus Stene, & Franc. Vallesius. Summa est haec, natura morborum medicatrix est, nos administri duntaxat, & contra morbum, & suas adversas motiones, opitulatores: quare, quid cogitamus, quae prae se ferat, aut innuat natura, nos contra aliterque facere? certum sit errare nos haud posse, cum ipsam sequimur: nam quo natura vergit, eo ducere oportet. Utinam autem medendo, tam hanc assuesceremus observare, atque imitari vere, quam verbis profitemur: sed nos in argutiolis, & falsis deceptoriiisque artis subtilitatibus occupati, nil magis vulgare vileve, facimus magis, quam Ducem nostram sequi, quo plus ex nobis sapere videamur, & ut aegros magnificentius occidamus.

Atque haec quidem dicta sunt maxime, si succus transferendus à natura, inclinet in regionem convenientem: secus enim non oportet impetum juvare, sed revellere; avocareque, ut idem Hipp. *6. epidem.* his verbis; *Revellere si quo non oportet, vergant; si autem quo oportet, aperire, ut singula vergant.* Quare si Abscessus fiat ad partes inferas, & adenosas, non est ten-



tanda revulsio; neque enim abscessus pars est incommoda: si vero videtur succus in internam, & principem, partem irruere, revellendus, avocandusque est: de quibus quidem operibus rite recteque perficiendis, scriptum leges uberrime, a Vido Vidio *tom. 2. part. 1. l. 16. cap. 10.* & sequentibus aliis ad libri calcem.

His summis capitibus de Abscessu prophylacticè jam traditis: addo nunc adversionem, & admoneo nostros, hic non exequi me curationem Abscessus jam suppurati, atque perfecti, quando pars haec ad therapiam communem pertinet apostematum, quae plene pertractata est, à primo Gal. *l. 13. meth. med. cap. praesertim 5. & l. 9. ad Glauc. c. 6.* à Cornelio Celso *l. 7. cap. 2.* ab Aetio *Tetrabibl. 4. ser. 2. cap. 32.* & e junioribus optime à Vido Vidio, *tom. 2. part. 2. l. 12. c. 3.* item à Gabr. Fallopio, ab Hieron. Fabriciò, & à quo non scriptore chirurgico? Nos theoriâ Abscessus critici singularem instituimus, quod cum fecerimus in universum, satis huic rei jam fecisse videmur. Recte autem fortasse, si qui hoc exoptent, tradi de Parotide, cuius curationem ex opere nostro de Efficaci Chirurgia, laboris compendio, transtulimus, quae est haec.

## C A P. XXXI.

### *De Parotide maligna.*

UNIVERSIS Parotidis tres esse exitus comperimus: aliis enim febre laborantibus suppurantur, & effuso pure sanescunt; aliis evanescunt, hoc est repente atque insperato, disparent; aliis neque evanescunt neque suppurantur, sed persistunt usque dum homo interit, aut ipsis paulatim resolutis liberatur. Ego quid in huiusmodi aegrotis, quibus per febres malignas Parotides oriuntur, facere soleam, dicere hoc loco non gravabor: quandoquidem censeo multos esse servatos, qui alioquin interissent. Mox ac oriri incipiunt partem laxante oleo foveo, ut chamaemelino: atque si exire cunctentur; loco ipsi curcubitam affigo, ne Abscessus sit minor, quam ut possit conferre; ubi autem satis manifestus jam factus sit, si brevi increseat, plurimum mitto rursum sanguinem, ne sit major quam possis susti-



fustinere: mox vero durum adhuc tumorem, neque ulla sup-  
puratione expectata, ignito ferro aperio, altera quidem in par-  
te, si alteram solum obsederit tumor, in utraque vero si utram-  
que, & cataplasma suppurans appono. Plerumque res cedit be-  
ne: nam brevi computrescente, post inustam escharam tumore,  
manare pus incipit, & per id orificium caput, & reliqua visce-  
ra perpurgantur. Neque hoc cuiquam videri debet atrox; pars  
enim adenosa per sese quidem vilis est, quamque ob id licet  
urere, & secare, & utrumque contemnere. Haec Franciscus  
Vallesius *comm. in l. 7. epidem. particula 92.* quae quidem omnia  
propterea quod efficaci nostrae medicinae mire favent, non du-  
bitavi integre recitare; quemadmodum neque illa, quae scri-  
pta *commentario 6. epidemiorum particula 16.* sunt haec; *Quanti-  
usus fuerit Hippocrati ustio saepe jam animadvertimus, ego quoque  
jam in Parotidibus, quae ex morbis aliis non levibus fiunt, cito,  
vel nulla expectata suppuratione, in ipso tumore; nulla enim melius  
ratione providetur, ne tumor recurrat, sed materia, per ipsum ulcus  
quod infligitur, expurgetur.* Eadem quae Vallesio sententia fuit  
Ludovico Mercato *in l. 7. de febre pestilenti, & maligna c. ult.*  
licet hic fortasse timidius agens candenti auro, vel levi aliquo  
ferramento, eas unico foramine aperit, ut veneni vis, aut im-  
modica humorum copia facilius exspiret: quo sane auxilio pluri-  
mos veluti deploratos sanitati fuisse restitutos, compertum est, inquit.  
Huic ad unguem decreto adhaesit & Thomas Grossius Professor  
Ferrariensis primarius, *in comment. de febribus, ubi de Parotide  
pestilenti.*

### Peroratio.

**H**Actenus multa equidem ex Hippocratis, familiaeque suae  
Virorum optimorum, campo collegi, selegi, digessi. In  
qua re facienda consilii mei ratio, praescriptumque, fuit, ut  
viam quandam sicuti vides, ad singulare exemplum, id est, ad  
Illustrissimae puellae morbum examinandum, praestruerem; non  
ut amplissimam materiam, quantumcumque capit illa, comple-  
cterer, aut curiosorum hominum arduam speculandi cupidi-  
tatem explerem. Caeterum capitum summa necessariorum,  
modica rerum tractatio, lucidus ordo, aequabilis dispositio, res-



que omnis à nobis composita, aut mediocribusingeniis nostrae gentis placitura sit non diffido: quando scilicet primi fuimus, quibus hunc vacuum in medicina locum implere, & particulam hanc ordinare, in mentem venerit.

Jam vero quod plerosque multorum auctorum locos, & sententias, operi interseruimus, vide quaeso lector; praeterquam quod summa ocii egestas, praeceptaque scriptionis festinatio, illud ut efficeretur coegit: ad haec & stabilioris doctrinae gratia, non intempestivum etiam bonorum uti testimoniis visum est. Quibus certe singulis & enarratiunculas addere mens erat, memoratae causae offensioni fuissent. Erit autem fortasse quando supplementa haec ex mea opera desideres. Vale.

F I N I S.





## A L C A L A

SUPERIORUM EPEXEGESIS;  
EODEM SEVERINO AUCTORE.

## P R A E F A T I O.



Hactenus haec de Abscessu per Decubitum ,  
& Effluxum , universali , atque communi om-  
nibus , ratione , per summa sua capita , qua-  
si liberius evagati , repetivimus : his nunc  
( quae occasio praecipua scribendi fuit )  
particularem ejusdem rei disquisitionem , ac  
propemodum Exercitationem subnectemus.  
Quae scilicet erit enarratio , discussioque , Ab-

scessus , quem , communi cum omnium animi aegritudine , per-  
pessa est generosa Domina JOANNA , Illustrissimi , atque Excel-  
lentissimi Proregis nostri , Ducis Alcalaeorum , Domini FERDI-  
NANDI RIBERAE filia natu minima.

Coordinatur autem haec tractatio cum superiore sic apposite ,  
ut quemadmodum haec disputatio generalis , definita exercitatio  
quaedam est ; sic contra illa summam , & amplivagam , com-  
prehensionem causae hujus , & argumenti , continet ; usque adeo ,  
ut nos utrumque complexi , & absolutae rei theorese , & sin-  
gularibus pragmatiae partibus satisfecisse , & communem ho-  
minum usum , cum privato conjunxisse , pretiumque operae fe-  
cisse , videamur.

Domina JOANNA RIBERA decimum annum agens puella ,  
spectatus Hiberiae flosculus ; Charitum cura ; Venerum lepos ;  
Coelestium corollarium ; Sextus columnen ; Aetatis specimen :  
sic annos longe superat delectu morum , judicio , sagacitate ,  
sermonis gratia , elegantiaque in compositione sui , in regiis vir-  
tutibus memorabilis ; filia parentibus digna ; delitium horum  
unicum ; nec satis pro dignitate visa diligi , est haec aulae do-  
mi-



minicae admiratio, necessariorum exultatio: solo in hoc minus felix, quod, sicut in mortalibus rebus omnibus accidit, & compensata sunt aequa lance divinitus omnia, non arrisit huic Hygiea primordio, sed culpatiore processit valetudine corporis: seu quod, ut referunt, exanthemata infantiae solennia parum dextere provenerint; seu, quod minus commode, ut saepe fit, nutrix obtigerit. Post aliquas aetatis praedictae offensiones, Hispani, urbe Hispaniae magnificentissima, decubuit pressa hemitritaea continua, quae gravi, & longa, viscerum obstructione fota, tenuissimum corpusculum ad incredibilem maciem, nec sine tabis suspicione perduxit. Interim, referunt longam ei fuisse perpurgationem urinae luridae, quam profuturam unice praedixerat Doctor Yvannes probatissimus Civitatis ejusdem Medicus. Fuitque vere salutaris longo post tempore, quo vagi dolores erupere per articulos: qui tamen non difficile destitire, ex qua, post haec, urbe Valentiam primum translata meliuscule cepit habere: mox Barcinone hospitata consanescere visa est, & multo plenius etiam Neapoli advecta. In quo loco recidivum videtur habuisse malum; non plane, sicut credi par est, praedictis illis morbi radicibus evulsis, nec recuperata in integrum sanitate. Initium autem aegrotandi fuit in dextero hypochondrio; quem affectum comitata est limosa urina per dies septem. Cessit dolor hic tum, sed post menses quatuor, ad hypochondrium dextrum anterius, orto dolore gravi ad dexterum item latus, qua finis est exterioris thoracis, initiumque hypochondriorum, obortum est puellae Tuberculum pressula forma; quod primum anodynus, mox discutientibus, tractatum, tandem in suppurationem visum est abire: quam plenius per se declaratam suppurationem Doctor Jacobus Sublier, vir annis pariter, & medendi peritia, gravissimus, acuto scalpello leniter aperuit. Qua plaga in dies rite curata, neque post longum tempus siccescere visa, medicamentis siccantibus est tractata, itemque cannulis, & spongiolis, ut exhauriretur continens emanatio: qua re non succedente, praeter Doctorem Lopes Coronel Archiatron, Hippocratis doctrina excultissimum, & D. ante dictum Sublier, Physicochirurgum, etiam Palatinum gravissimum, interfuit, & optabili sorte, D. Antonius Supin, Illustrissimi Comitatus à Montereio, Regis ad



Summum Pontificem Legati, nunc Proregis Excellentiss. Neapolit., Medicus, itemque Regius & Complutensis Professor egregius, quem mirificam ob suam doctrinam audivimus omnes. Aduit & Andreas Tamajus, Serenissimae Ungarum Reginae Chirurgus peritus. Ex universa vero Civitate, atque Academia Neapolitana, acciti celebriores Medici, qui sunt; Marius Zuccarus Comes Palatinus, in profitendo, & medendo, consummatissimus, ejusdemque Gymnasii Professor plane laudatissimus Antonius Santorellus, itemque Professor Clarissimus Balthasar Cannizarius, atque alii; qui, inito consilio coram prudentissimo, ac per Illustri D. Joanne Antonio Hertera, Illustrissimi atque excellentissimi, Alcalaei, Proregis, à secretis, quem quotidiani medicatus nostri spectatorem accuratum, vigilemque omnium provisorum, constituerat Excellentissimus Dominus, sententiam singuli diximus; quorum pars curationem febris expugnatricem, par ulcus spectabat. Et ad ulcus quidem, Abscessum à me vocatum, curandum, conveniebat quidem inter nos omnes ampliandum ipsum, ut effluxus saniei daretur: sed quoniam alii penetrasse jam ulcus ad interiorem vacuitatem affirmabant; alii negabant; pars hominum scalpro viam aperiendam; pars peniculis dilatatoriis ex spongia, radicibus, medullis, corticibus, atque stirpium partibus autumabant: nec defuit ex his, qui balsamelao consideret obtinendam brevi curationem aperti lateris. Quae sententia, ut rerum arbitris fuit plausibilis, retenta est, & quam plurimis diebus servata, sed sine fructu. Itaque ad ulceris caeci sectionem devenire oportuit, qua confecta secundum cutem duntaxat, commodius fuit medicamenta indere, decoctaque ad proluendum infundere: qua medendi ratione diu servata nihilque proficiente, (quod ego constanter & saepe requisieram) necessum fuit dilatato ulceri spongia, fistulam amplam è plumbo imponi, non intermissis inunctionibus; quae curandi ratio supra tentationes omnes alias utilissima fuit; nam & exire sanies liberius, & febriculam plurima parte cedere, & puellam habere tutius; quae servata est, & diu, medicatio. Huc illud non omittendum est, interdum, compresso abdomine, manationem aliquam nunc male olentis saniei; nunc non male olentis prodire; nunc manare per se ipsam saniem, nunc per lotia, puris in modum, excerni. Fuit autem & quan-



do plerisque super hac re confidentibus, & glutinatum meditantibus, ulcus inexpectato erupit, & manatum consuetum alias redintegavit; dum inter haec urina sine pure, sed non sine succo mejeretur. Fuitque certe mirum, ut nunc quidem varie, nunc alternis quasi vicibus, per lotia, perque ulcus pus exiret: quae causa fuit, ut per jocum dixerit aliquando Sublrierius, manationem istam à daemone agitari: vere autem crediderunt omnes nostri in una quadam communi via communicare utrasque excretiones. Ad hunc modum tres jam, & amplius, menses, re perducta, status quidem corporis non deterior, aut commodior etiam: sed nihilominus, neque manationes malae cessasse, neque febricula visa est; quam febriculam hi quidem ad auram saniei morbificam; hi ad latentem aliquem focum putredinis diversum; alii ad aliud retulere: de qua re suum posterius erit iudicium.

Restat enarratio remediorum, quae varia multipliciaque fuere. Primum enim ex ritu suo cathartico praesenti salubrium, insalubrium, & neutrorum conditioni commenso, repurgatum tenue corpusculum, usu *decocti radice Chinae, tum in aqua, tum in jure pulli, Electuario ex diarrhod. ac ptisanæ succo*. Haec per priora tempora; deinde vero postquam urinae purulentae exstiterunt, tum ad harum quidem, tum ad ulceris expurgationem, accommodatissimus à Doctore Sanctorello, excogitatus est usus *Terebinthinae Cypriae, Venetaeve; quae lota multoties aqua Fabarum vel Hordei, in juscùlo dissoluta*, absorberetur, quod oblatum saepe medicamentum non parum expurgationi purulentorum consuluit; post repetitas etiam atque etiam multas doses amaritudine sua fastidio fuit puellae.

Quoniam autem unicuique Physiatrix nostrorum, ad recuperandam sarcosin corporis universi, macie labefactam, in mentem venerat usus lactis: huic tamen refragari visa est nimium in dies fere soluta alvus; praeterquam quod rigentissimae tempestatis adhuc constitutio fuit. Nullus autem non motus lapis, nulla non res excogitata, atque provisæ, quatenus Illustrissima puella proficeret in secundam, & optatam ab omnibus, valetudinem. Sed nihilominus, praeter unas aliquo pacto collectas vires, vigoremque membrorum adauctum, constans tum febricula, tum idem ulceris & lotiorum purulentiae modus, ad haec usque



usque tempora; nihilque insuper tentari placitum est,  
*Donec ver placidum tepidis insurgeret auris,*  
*Queis commota suum reparat natura vigorem.*

*Adumbratio Crasis, & Habitus corporis, Illu-  
 strissimae Heroinae.*

**H**IC quidem ortus, hic progressus, haec universa conditio morbi fuit. Quibus jam relatis, id, quod primum ad causam hanc expendendam, & judicandam, se offert, est constitutio naturalis, crasis, & habitus corporis, puellae: inde enim & nativi roboris & ex hoc facti recessus momenta cognoscere licebit. Transigam autem hanc partem cum Gal. 1. *artis medicae*, qua de signis corporis, ad hunc modum oeconomiam tum universi corporis, tum partium quarundam principum, designans.

Corpus igitur Illustrissimae puellae inter bonam malamque valetudinem neutrum videtur vicissitudinis, ac, sicut Galen. loquitur, tertii significati, utpote aliquando salubre, aliquando insalubre per vices existit, usque ad hanc diem, qua decimum agit annum. Referunt enim varia valetudine fuisse, nec unquam satis firma sanitate, donec Hispali caepit gravius aegrotare.

Nunc partes principes, & officio praestantes, sunt expendendae. Caput pro corporis ratione majore, & insigni projectura anteriore; posteriore vero quantum capilli videre permiserunt, modica; fronte bene ampla, cervicibus exilibus.

Ex his conjectari licet multam, nec optimam, exordio materiam, à facultate insidente non bene formatam fuisse, neque etiam optimam parencephali constitutionem à facultate, & ab eo exortorum spinalis medullae, & nervorum ejusdem motorum, itemque principium imbecillum. Quod autem ad cerebri temperaturam, hanc puto paulo calidiorem, & multo humidiores; quod offensio prompta à calefacientibus, & humectantibus, ut ab austro, declarat, excrementorum interdum ad glandulas colli provenientium copia, vigiliarum longarum impotentia, somnus gravis, interruptusque vigiliis, &c.



Sub haec vero cor temperatum, aut aliquanto calidius ratione qualitatum aliarum: quando placida circa functiones, & viva sit. Sed hepar justo calidius, sicciusque crediderim, quando gracilior habitus, totumque corpus sicciusculum est.

Ut autem indiscussus ventriculus non relinquatur: hic aliquanto frigidior est: quandoquidem appetentia vehementior, quam coctio, siquidem à cibo moderatiore, aut competenti, non satura; dejectiones molles, & aliquanto chylosas admodum expellere consuevit, alio semper ad mollitudinem respondente gaudet cibo, potuque frigido, sed horum usu immodico, & externis frigidis, prompte laeditur.

### *De Sede affectus, atque ejusdem Noxa, Opinio prima.*

JAM vero, quod primum occurrit inquirendum communius, in hac tractatione, est sedes affectus: cujus quidem tametsi locus, situsque, in conspectu positus ambigi non deberet, nihilominus, quia locus is in confinio est spiritalis, nutritoriaeque, officinae, atque etiam quia spectans ad exteriora ulcus ductum non rectum, sed obliquum, habet, qualem, & de vulneris Ducis Terranovae sede, inter Siculos doctos Medicos fuisse, litteris prodidit Phil. Ingrassias: omnibus modis variae super hanc rem extitere sententiae. Nonnulli, & plures non incidisse in cavitatem utramlibet ulcus sed inter cutem, & musculum abdominis transversum, aut obliquos sive adscendentem, sive descendentem, latitare consistereque, sibi persuasere: favetque his (dixi equidem) historia exposita per Galenum, *de loco affect. c. 7.* referens de abscessu Stefiani, cujus affectum opinati fuerant Medici Galeno suppare internam hepatis inflammationem: ipse vero luculenter his demonstravit abscessum inter musculos infimi ventris existere. Quod autem in cavitatem nullam penetrans esset, addebant nostri Medici probationes, quod nulla quantum ad thoracem, tussis, nulla molestia; quod vero ad ventrem infimum, nulla aut alienae rei gravitas, aut circa inguen abscessus, qui accidentem ad has partes humorem subsequi solet.



*Altera Opinio.*

**A**Lii deinde pertusum ulcere abdomen sibi persuadere; quod, compressa sub costis nothis ventris mollitudine, continuo resultaret ulcere sanies, & ea plerumque graviter halans. Ad haec, quod nullus externe tumor appareret, nullaque in superficie nota: prodit enim se visibilibus, tactilibusque, indiciis quaecunque, praeter naturam est, subdita constitutio; compertumque saepe est mihi pustulas miliares, aut alias asperitates, pruriginem, alienum colorem, & fermenti subterioris denique notas, movere.

*Tertia Opinio.*

**S**unt ad hos alii Viri certe gravissimi, qui in thoracis angulos sive vitium contendunt. Suadentes autem sic primo, sunt causae defluxionesque faciles de capite in ventrem medium; unde conflari suppuratio potuit, quae, in thoracis angulo collecta, latus proximum fistulaverit. Deinde, quod haec suppuratio partito solita sit excerni per urinas; quod evenire facile posse, docuit Gal. l. 6. de loc. affect. c. 4. Petrus Andreas Matthiolus l. 1. epist, Amatus Lusit. in centuriis: Andr. Laurent. in histor. anatom. lib. 9. quæst. 12. Gabriel Fallopius, in obs. anatom. partic. de venis; Hieron. Fabricius, in utroque opere chirurgico, atque alii Medici, Anatomicique, praeclari, quorum enarrationem, ut referam nunc non esse necesse. Tertio, anatomica regula docet, septum transversum descendens excurrere ad secundam lumborum vertebam, & ad costarum notharum extrema. hoc autem ulcus in ultima costa patens, ad duas alias superiores adscendit; ut cognoscas sc. sedem affectam à locis spiritus esse. Praeterea contestatur id & febricula, quam extare perpetuam confitentur omnes. hanc enim quae aptius utique causa fovere possit, quam assidens vicinis cordis laribus sanies? maciem quoque corporis, quae clarius alat vitii vim, quam, quae in spiritali subest conceptaculo pectoris?

Haec sic confirmata opinio non sic mihi difficilis, videtur, ut multis: verum maxime consentanea nostris atque probabilis, praesertim in qua reddi problematum, & apparentium rationes pos-



sint magis, quam in ante citatis; ad quam ego si potior alia non occurrat, non illibenter accedam.

Neque vero nos moveat quod nulla vexet puellam tussis. Saepe enim fit, ut cum asperam arteriam, & pulmones longe praetervadat sanies, & aut per arterias laeves transcurrat, aut in fundo thoracis sit, in angulis videlicet septi transversi: sic non infestet tussi suppuratio. Porro sicuti Antipater, referente Galeno, *l. 4. de loc. affect. c. ult.* pulsus actiones depravatas habens, dyspnoea non augebatur propterea, quod per laeves arterias transcurrerat noxia materia, non per asperas: ad eum modum non sentiit tussim puella, quod asperas arterias minime tentavit hic humor. Sed & nos multos curavimus è vulnere suppuratos, qui nullam unquam tussim experti sunt. Imo & suppurati alio quocunque defluxu ad pectus, vivunt hodie, qui fateri vero possunt se nullam ex hoc affectu tussim cognovisse: inter caeteros mihi subit in mentem Tabellio nobilis Neapoli, in foro Charitatis, cui nomen Octavio, quam rem novit & Doctor Petrus Antonius Provensanus, Medicus, qui me ad hominem curandum deduxit, Anno 1620. quo item collegam Josephum Laudatum, ex vulnere empyematicum, curavi, quem nil tussis unquam incessit.

Jam vero quod, compresso vehementer abdomine per manum, propterea resultet ex ulcere sanies: haud certi sint assertores, ex abdomine intro propelli contentam: nimirum hoc signum decipit: namque si abdomen sedes esset, utique delapsa, suo nutu, sanies gravis, ad inferiora, neutiquam ad superiora, recurreret. Verum compressio facta super hepar, & attiguas partes, comprimit, & diaphragma secundum angulos, unde cogitur eructare, quod continet, in proximum emissarium. Atque ita patet non abdomen, & peritoneum, sed thoracem & pleuram corrosam esse, ut sanies hinc evomatur.

#### Quarta Opinio.

Fuit etiam qui diceret, ulcus hoc in regione renum excitatum, ad ipsos tendere; quod ostendunt & praecedens dolor, & situs, & urinarum purulentarum, epiphenomenon: opinio sane, quae vel ipsius Hipp. *oraculo, l. 4. 75.* suadetur, quod est, si quis



*quis sanguinem aut pus mejat, renum aut vesicae exulceratio significatur.*

*Coordinatio modo narratarum Opinionum.*

**J**Am vero nobis summam colligentibus omnium opinionum, hae omnes numero quatuor se offerunt. una quidem, quod intercapedine musculorum abdominis descendendum, adscendentium, transversorumque facta fuerit humoris collectio, suppuratioque. Altera, quod per abdomen quidem sit malum, sed pertuso hujus pariete sit intra cavitatem saniei collectio. Tertia est volentium ulcus esse ad regionem renum quidem exterius, ipsi vero renes exulcerati sint interius. Quarta est dicentium, ex inflammatione pleuritica, infimo thoracis loco factam suppurationem, quae postea per vias à Galeno, & Anatomicis, Medicisque aliis, expositas derivata sit per urinam.

Haec placita omnia quoniam Medicorum arte, & scientia, probatorum sunt, probabile quidem est multo cum judicio prolata, atque sancita. Verum quas conjecturis nostras, de sedibus affectis, opiniones Medici prodimus, hae nisi adamussis normam consentent, haud admittendae. Enimvero amarem equidem, ut has dissensiones vel magnus aliquis Asclepiades componeret, & nisi quidem hoc fieri posset, rem omnem pro veritatis vindiciis judicaret. Quod quia nemo facit, equidem exercitandi mei, non aliorum sensuum gratia, calamum arripui, dicturus candidè id, quod sentiam. Quare candide etiam meum hoc qualecunque judicium accipiant (rogo) collegae, quod doctores quidem meos, & praemonstratores habeo, atque appello; tantum abest, ut praecipiorum intelligentia quicquam mihi arrogem. Quod si quaepiam in re praeclaris viris contradicere videar, amicus Socrates, amicus Plato, sed magis amica veritas; huic uni sicut studia mea omnia nuncupavi, sic & scripta, & enunciata omnia.

Sunt hae omnes opiniones duplicis ordinis: duae priores, sedem nullam, quae affecta sit, enunciant; sed suam edisserunt alterae. Priorum vero altera finem in habitu carnum exteriore docet; interiore vero altera, de quarum omnium judicio posterius equidem dicam, si prius meam sententiam aperiam.



*Morbi causa, Generationis modus, & Sedes affecta.*

**T**Empus est nunc, ut propius ad exponendam opinionem, quae placet, accedamus, rem plane arduam, & laboriosam, in tanta sc. praeclarissimorum Virorum dissensione, in re tam obscura, & comprehensu difficili; in tam multiplici rerum implexu, in negotio naturae tam secreto, quantum cognoscunt & admirantur omnes: unde confessa est toto Medicorum nostrorum collegio res usque quaque gravis, ac nisi quidem insolens, omnino rara, & qua vix alia major in hoc genere produci queat. Puellam accurrate altam, vividam, omni rerum occurfu laetam, atque etiam laetificam (quod commode rationem humorum, & suavitatem ostendunt) tam varie multis ab hinc annis saevo malorum incurfu petitam; febriculis, doloribus, abscessibus, faedis istis lotiorum excretionibus, tentatam; & in his quidem duobus postremo memoratis admiratio nullum finem invenit; quando satis esse poterat excretio primum Hispali facta; sed mox etiam ad nostras oras exiliit, erupitque abscessus: quo neque etiam satisfaciente, lotia jam tres menses extiterunt conquinata, atque adhuc ulcus, febricula, macies non refert pedem: cum tamen, quod ad functiones omnes attinet, incolumis puella adspectu primo, atque immunis à morbo videatur: & ulcus quidem modo siccum, modo madens; & interdum cum aret ipsum, urina tetrior, & cum urina purior, illud suum virus eructat; ita ut vices servant aequas: nunc vero perinde, ut ordinis oblitus uterque sinus, confusis suis momentis manat usque adeo, ut observantes curantesque Medicos in magna opinionum perplexitate, ambiguitate, haesitatione, titubatione contineant. Sed nihilominus difficultas haud inquirendi taedium nobis adferet, neque auferet propterea, sed potius inter haec augebit, philosophandi cupiditatem. Nam quid veritatis fine dulcius? quid praestantius, quam in theorematibus apprimè nobilibus versari cogitatus, ac sensus nostros? At hoc argumento quale aliud hoc tempore charius, exquisitius, illustrius: in quo rei gravitas & personae amplitudo pariter certant.

Verum ne quae mea videatur audacia, quod doctissimos inter Medicos, charissimosque in Academia nostra, Professores, quales sunt Zuccari, Santorelli, Cannizarii; Ex aulicis vero Supini, Coronel-



nelli, Sublierii, quasi anser equidem inter olores obstrepere non dubitaverim: dicam equidem unde & nil arrogasse mihi supra magistros, & studio ductus haec intulisse appaream. Abundant hi quippe gloria Lycei, literis & disciplinis undique sunt clari, quid igitur hoc scribendi aculeo sollicitentur hi, quorum splendor tam multus est? Deinde quid valeant incidentia pleraque commentari, tot medendi profitendique laboribus quotidie distenti atque distracti. Soli igitur mihi, qui sim obscurior & ociosior, haec sparta servata restitit; ego, qui junior, rectissime laborem hunc insumere, & gloriolam venari debui; si qua tamen laus ex his attendenda sit, ac non erga Principem officium tantummodo sit spectandum. Hoc sane potissimum nostrum studium, haec praecipua cura fuit: praeterquam quod omnibus modis Excellentissimae Heroinae casus, atque discrimina, Medicorumque Illustrium, in hanc rem praeclare gesta, manere utique in silentio non debuere, quin longae, quam maxime fieri possit, memoriae commendari. Jam igitur nos ad pensum, & ad exponendam nostram opinionem revertamur.

Generosi Medici est (ait alicubi Galenus) praeteritorum reminisci, praesentia perpendere, futura praevidere. Exsequimur id nos in praesenti quoad nobis licet. Morbus Illustrissimae puellae perquam polychronius est. Principio enim conceptus in patrio Hispalensi solo, jam secundus est annus: deinde resedit Barcinonae: tertio exsuscitatus est in urbe Neapoli jam quartus est mensis; jamque secundus est, à quo tempore productus est altero latere Abscessus, seu natura, seu morbo excitante: sed mea quidem opinione magis auctor fuit morbus, quam natura: siquidem haud vera crisis haec fuit, sed morbi proprius orgasmus prae materiae copia, ut suo jam loco fuit ostensum.

Morbos hos annuos duplici causa semper fieri didicimus, tum ab auctore Hippocrate, tum observatione nostra: vel quod foventur, conservanturque affluxione; vel quod materiam nacti fuerint frigidam crassamque, qualis pituita est. Utraque Illustrissimae puellae morbi causa fuit (nisi mea me conjectura fallit). Fluxionis fomenta suadentur primum cerebri dyscrasia, quam monstrarunt capitis, κατωρόφνη, & magnitudo impar; quamquam & magnitudo per se incommodare potest ad irriganda superfluis inferiora.



Porro cerebrum magnam glandulam dixit Hippocrates, glandulam quidem, quia naturam eam, id est, humidam, & pituitosam, qualis est glandulis, recepit cerebrum.

Igitur quo major ejusdem ubertas, eo capiti laxior excrementorum proventus. Argumento autem est, quod adenum sub cervicibus nonnullum turgorem experta haec Domina fuit.

Sed intemperatura quidem calida incommoda est, propterea, quod attrahat in sese materiam prae calore, ut *l. 1. de morb. sect. 1. vers. 269.* prodidit Hippocrates. Cum quo extrinsecus attracto humore, quae conjuncta proxime est humiditas, proventum exsuperantem colluviei faciunt; quam ipsam non continens neque dirigens caput prae imbecillitate, plurimum deorsum superfluitatis dimittere potuit. Hanc autem, cum non dimississent ad ordinatas vias, & naturalia emissaria, quales oculi sunt, aures, nares, palatum, atque os, caeterum deposuerunt ad loca pectoris, & ventris inferioris media, sicut dixi; nec non ad hujus venas, quae, turgentes ejus humoris copia, revomuerunt eundem in proximos musculos.

Fuit autem locus is, qui thoracem infimum attingit; fortasse, quod ad istum longissimum ejus regionis locum natura cavit ablegari materiam, quam alioquin per infima, & ad artuum loca, non valuit propellere: atque ibi locorum creatum est tuberculum, quod externa parte se prodens, post aliquod tempus supurationem edidit.

Aliud etiam indicium fuit, quod & principio, & Hispali dolor ad manus, digitos, ischia, crura, vagos dolores velut arthritidos persentiit: Neapoli vero digitos manuum, maxime pollices, interdum etiam genua dolere, atque extumescere conquesta est: quae fieri quidem non possunt absque culpa, & rheumate capitis, quod Metropolim pituitae vocavit Hippoc. *l. de carnib. & l. 4. de morb.* Haecenus fluxionis incurfus satis apparere.

Nunc de pituitoso apparatu dicam. Hujus effector potissimus est ventriculus, primus pituitae fons appellatus à Gal. *l. 2. de nat. facult.* quamquam aliter scriptum est ab auctore *l. de atrabile.* Sed haec pars, & haec officina Illustrissimae puellae frigida, & humida, ut suo loco monstravi: a quo promptuario  
pars



pars plurime derivavit in aliquot cavitatulas ventris, & in eam praecipue, quam mox explicabo. Ad quam etiam cavitationem neque non ire colligique potuit eadem pituitae copia; siquidem haec in mesaraei venis, & hepatis cavo, propria sua officina conficitur: quae Joannis Costaei, *l. 4. disquisit. physiol.* fuit opinio. Sed satis est commune placitum, & Galenicum praecipue, sequi.

Ab his autem ad ostensionem animo conceptam pergo, quam sic instituo proponere, ut necessario sit assensus unusquisque vi scilicet inductionis exactae, quam admoliturus sum annuente numine. Primum autem ostendo, quod non in habitu carni, & musculorum externo, sit Abscessus, & saniei sinus.

Primo propterea, quod compressis, longius ab ulceris osculo, partibus, solitum est pus exprimi; circum ulcus vero non item. At necesse quidem esset, has partes unquam doluisse, praesertim ad contrectatum: atqui non doluerunt unquam, vel leviter quidem. Praeterea musculorum haec cavitas quaecunque sit, quae modica est, medicamentis apprime resiccantibus, & discutientibus perpetuo fota, suis adhuc manentibus manationibus fuisset exhausta.

Sed neque periculum aliquod vitae afferret musculorum abdominis suppuratio. Enimvero Galenus ait; tumores hypochondriorum duri, ac dolorifici, mortem haudquaquam brevi futuram denunciabant, nisi partium quoque interiorum aliqua simul affecta fuerit. Interiores vero esse novimus, ventriculum, jecur, lienem. Musculi namque hypochondriorum phlegmone obsessi tollere hominem e vita non possunt; nisi, quod raro accidit, vel magnitudo phlegmones eximia fuerit, vel imbecillae admodum vires, vel perperam aeger curetur à Medicis, vel ipsemet in commoda sua peccarit.

Hac demonstratione peracta, quod non in musculis vitium consistat, secundo sum ostensurus, quod pertusa sit capsula, membranaque costarum interne extrorsum; hoc evidenti signo, quod nisi hoc esset, non constaret reciprocatio puris ad ulcus, dum urina sanie non perfunditur; & vice versa, dum lotium sanie suffunditur, non esset ad ulcus impuritas, ut centies observatum est: praeterea id ostenditur per assidua, perque symptomata gravissima, quae externae suppurationi sunt imparia, id  
H 2 est,



est, longe majora. Tertio quod tussi studiose facta, modo ad extremas ulceris oras pus vilum est saepe sua sponte recurrisse: quod alia causa non evenit, nisi, quod pertusus est utrinque locus. Quarto demonstro, quod non in cavitate magna abdominis exstet. Nimirum si cavitas naturalis saniem contineret utcunque profectam (arguam equidem cum Marino apud Galenum *in com.* 54. *l. aph.* 7.) qui fiat, ut non ad pubis ossa descendat? Atque etiam addam & qui fiat, ut ad superiora licet compressa contendat, ut exeat potius, quam persistet intro? Adhaec ut fiat, ut non Abscessum inguine moveat? ut non dolorem, ut non pondus excitet? ut intestina non abradat quatuor jam mensibus affusum? & postremo qua causa, rogo, ut nunc per urinam, nunc per ulcus exeat sanies?

Sed quod non renis interni sit affectio, neque ulcus, neque per naturalia viscera factus Abscessus interaneus, probandum est; & quidem non in hepate, nam exitiosum id fuisset: reliquum est, quod haec renis regio sit, quae primo doluerit, & nunc fistulata sit; & quod purulenta plurimum urina corrivetur. Quibus addi licet, quod pus naturae quadam expellentis libidine, aut materiae raptu temerario nunc quidem per ulcus, nunc per urinam, feratur. Haec quidem facile probabilia cuiquam adspectu primo, sed non mihi videntur. Neque enim haec ita se habent, ut dictum est; atque nos insuper aliis nominibus falsam hanc rei speciem demonstrabimus.

Primum quidem superior haec reni dextro sedes est ulceris; quod ex anatomica norma monstrari licet. Sed neque dissilientis nunc quidem per ulcus, nunc per urinam, puris conjectatio quicquam facit: atque alia est huius rei causa, quemadmodum paulo posterius enarrabo. Illud si verum esset, utique necessum esset, ut pertusum externe introrsum, & contra, usque ad cavum renis corpus esset: ad quod vitium, & solutionem continui, peragendum, & magna inflammatio, & acerbissimi dolores, ac febres, ac necessario cum virus confusus cruor, apparuissent; quae utique non exstiterent. Quod si, dum primum procreatum est vitium, doluit ren, & nunc, quando ulceratus est, etiam pariter doleret: & eo amplius, quod crescentes in dies sordes, & putrilago, ulcere interno non repurgato, majoris essent doloris causae.



Postremo quae vis, aut quae causa, vitium atque ulcus hoc excitasset, proferri non potest, praterquam inflammatio renis, cujus unquam nullae fuerunt notae.

Sed equidem libenter resciverim, an à rene quidem externo carni habitui, an ab hoc reni vitium & corrosio communicata sit: nam utrumque difficile, cum haec se loca non contingant invicem, qua eadem loci vacui intercapedine neque fieri potest, ut à rene ad externam fistulam pus, aut sanies, transeat, sed evomita de rene eluvies suoapte nutu non in alium, quam in inferum locum, demitteretur perpetuo: quare inutilis est argumentatio super vicissitudine manantis nunc materiae per ulcus, nunc per vesicam, in hac opinione; neque enim inter fistulatum latus, & renem, pons est, per quem ultro citroque manatio illa feratur.

His additur evincens à natura, officioque partis, argumentum, quod non item urina à cavo renis in ipsum illapsa per fistulatum renem exiens, in fistulatum item latus exiliret: nam par utique, quae de sanie asseritur, esset ratio.

Alterum etiam evincens est argumentum, quod ulcere renis constante, nunquam non purulenta descenderet urina, atque quod saepissime visum est, nunc mundam & puram, nunc purulentam observavimus cuncti, qui curando adstitimus: ergo jam aliquando renem neque ulcere affectum, neque fistulatum esse. Ad summam is casus ipse est, quem descripsit Actuarius in l. i. meth. medend. c. ii. per haec; *Nam quod Abscessus alibi collectus per urinam expurgetur accidit quidem varius: atque hi in renibus, & vesica dolorem nullum sentiunt, nisi si aliena quaedam materia eo transfluxerit, neque hoc semper; adhaec, quae antea partem aliquam dolore infestabat, ea pars non amplius dolet; quod qui eam creabat humor, jam sit absumptus.* Haec ille, quae ferme in casu nostro comprobantur omnia; nam nullus unquam decumbentis dolor, & qui primum circa artus, atque articulos, vagabatur, expurgatione purulenta discussus est.

Quod non in thorace pus contentum, jam sum ostensurus: quod non intra testudinem pectoris, & cavitate spiritali sit vomica, pluribus argumentis probatur: quod minora sunt atque fuerunt symptomata, quam, ut vitio magno pectoris haec consentiant, respondeantque. Deinde inflammationem in interno



thorace, tum ante tempus suppurationis, tum postea, nulla signa demonstrarunt: contra autem est Hippocr. qui *progn.* ait, *ad superas quidem partes futurum Abscessum, quibus hypochondrium molle ac doloris expers; & contra si doleat, hoc Abscessum expecturum.* Atqui molle fuit abdomen, sed hoc suprema parte doluit, non ergo pectus, sed epigastrium potius vim mali sustinuit.

His sic constantibus apparet jam, quod supra peritonaei cavitatem, infra septi ac thoracis conceptacula sit sedes Abscessus; atque adeo, quod reliquum est, in medio duorum istorum finium spatium, si tantum aliqua vacuitas sit, ac loci commoditas, ad id rei accommodata; sed si haec exstat, ex una demonstratione anatomes exploremus.

Docuit Galenus *l. 7. de usu part. cap. 21.* diaphragma duabus tunicis constare, superiore quidem pleura, inferiore peritonaeo, tectum: quam nos duarum compositionem, cum non obscuro nec parvo sinu circa medium utriusque membranae occursum, ostendimus, nuper exacto Februario secantes cadaver publicae scholae, praesentibus D. Balthasaro Cannizario Archigymnasii Professore, & Joanne Dominico Maglioccho, & Donato Antonio Stella, & Hieronymo Fortunato, Doctoribus & Professoribus rei medicae selectissimis, atque anatomicae scientissimis; qui novitatis, ut fit, rumore cum suis singulorum discipulis visum rem venerant. Illud autem intelligendum est, quod oesophagus huic septo adnexus, & utrasque tunicas attingens, per venulas, quibus carnosa pars exterior hujus habet, potuit, ad intercapedinem membranarum, aliquam pituitae copiam eructare. Neque difficile id quidem est mihi, quando & in omento videmus saepe tuberculum, vesiculasque concretas; quanto igitur facilius in carnosiore memorata particula? Hoc igitur loco, qui cavus est, qui naturali coquendi officinae proximus, quique venis confectus, facile fieri potuit, ut collecta pituita cruda sanguinis inchoamentum computruerit. Sed audi nunc placiti nostri confirmationes: quot enim & quales, tum ex Hippocrate tum ex Galeno? Hic *lib. 6. de locis affectis cap. 4.* scriptum reliquit, *Abscessus septi transversus per urinas expurgari copiosa puris effusione.* quae res & in nostra causa visae sunt omnes. Facit etiam in hanc rem non leviter, quod scriptum est ab Hipp. *lib. prognost. n. 11.*  
Ab-



*Abscessum scilicet ad septum transversum expectari debere, quibus urinae tenues, & crudeae, mejuntur diuturnae, si alia signa tanquam evasuris adfuerint. Quasi cruditas, inquam, diaphragmate collecta ad proxima ista loca decumbere debeat. Res, quae mea quidem opinione Generosae puellae ad unguem advenit; fuerunt autem & principio urinae tenues, & crudeae, ut audio.*

Verum quamdiu differo singulare, & indubitabile, Hippocratis suffragium? Hic enim *in libr. 7. aph. 54.* pronunciavit; *Quibus inter ventriculū, & septum transversum, pituita reposita est, & dolorem adfert, non habens exitum, neque ad alterum ventrem; in iis per venas ad vesicam, pituita versa, solvitur morbus.* Expendatur quippe hic aphorismus, & cum nostra causa conferantur ejusdem particulae: non erit difficile singula, quae morbus hic offert, ad verum Hippocratis sensum accommodare. Huic autem aphorismo proximum est enunciatum, quod ab Joanne Actuario propositum, *in primo methodi med. cap. 11.* nos paulo superius recitavimus. Sic & opificii naturalis evidenti conspectu, & optimorum medicinae Dictatorum testimonio, jam apparet, hunc locum affectui procreando fuisse satis opportunum.

Praeter has autem ostensiones neque sunt argumenta alia, quae repugnent, & multa sunt etiam, quae maxime persuadeant. Non sunt inquam, quae repugnent, i. e. non situs, non ulcus, non affidentia, non affectus circumstans aliquis, nec symptomatum, nec causarum apparentia aliqua: nam si sint, haec rogo proferantur.

Sed pleraque, quae dixi, atque alia, non item nulla sunt, quae maximopere confirment. Primo quod hac ratione facile solvitur problema sedimenti crassioris per lotia apparentis, sed una illa singularis testificatio videtur, quod Illustrissima puella solita est impuram per lotia excretionem alias pati, cum Hispali decumbebat. Expertus & eandem est Illustrissimus Marchio Tariffae germanus ejusdem frater. Id quod attuli, non quod dicam morbosam eandem his fuisse affectionem; sed, ut inde comprobem familiarem hisce principibus pueris ex cruditate ventriculi perirrhoeam. Ita, ut cognoscatur jam non difficile fieri potuisse, imo fortasse factum esse, ut res extiterit; affectus inquam ab Hippocrate praemonstratus.

Con-



Confirmant & ulceris generatio. Siquidem ab hac intercapedine facto excursu, qui mos est abscessuum non rarus, facile potuit ad partem, quae ulcerata est, è directo respondens humor trajici: quod quidem si est, vides, quam multum convenient tres Collegarum nostrorum opiniones, quamque mirè conciliari dissidia possunt omnia: quam ob causam anceps ego primum quid facerem, ut nemini contradicerem, postquam à fausta hac anatome se modus obtulit: ingentes protinus numini gratias egi, immortales insuper acturus; non minus sane, quam noster Italicus, ut ne Calaber dicam Pythagoras, de illustrato apud Euclidis librum primum Elementorum Theoremate 47.

Confirmant & ptaegressa judicia; quorum unum est dolor, qui hanc eandem partem tentavit, quo tempore adortum est malum. Confirmant & partes, quae affinitate, atque aliqua mali communicatione solent dolere. Interdum enim cumulata intus, & non prodeunte affatim sanie, factum est, ut doluerit pars illorum suprema lateris ulcerati non leviter; nimirum quod musculi ab Hippocrate dicti psoae septi descendentes infime particulam angulo similem attingunt. Fit autem mea sententia dolor alterius psoae, quod distento per puris copiam diaphragmatis isto latere, qui musculo incumbit, distractisque hac causa fibris, non potest hic planè non dolere. Persentitur autem hic molestia magis, quam in diaphragmate: siquidem integrior pars integriores etiam sentiendi vires retinere debet.

Confirmant, & alia, quae consequuta sunt; prius quidem illud, quod compressa hac private parte, continuo pus ab ulceris ore resultat.

Sed & aliud hujusmodi, cujus causam admirantur Medici referam, apud me quidem, secundum meum placitum, non admirabile. Videtur enim comprimendo pus prius quidem ascendere, mox descendere: quod fit, quia comprimens manus sursumdiaphragma, & humorem pellit, quem deinde descendere par est. Adde quod septi ductus situsque is est, ut parte quidem omni anteriori sublimior, qua comprimitur: parte vero exteriori & secundum angulos descendit.

Adde, quod satisfieri problemati de apparente urina nulla prorsus ratione potest, nisi per hanc nostram, uti mox sum ostensu-



furus. Quid enim quaeso requiritur, ut ire, redire, sanies, id est, nunc quidem per lotia, nunc per ulcus possit? certe viae communes, & mediae sunt necessariae. Sed hae non desunt; ipsae nempe venae, quae ad abscessum externe conficiendum, & ad saniem eructandam per ulcus, & per vesicam, aequae patent. Hae sunt mea sententia venae phrenicae, quae per septum ad costas distentum reflexae, sive humorem integrum, sive pus ad externum corporis habitum, expromere, sicut vides, sunt comparatae: deinde vero, & ad inferiora dimittere refluentem humorem, id est, primum ad venam cavam, & hinc ad emulgentes, & hinc ad ureteres, & hinc ad vesicam, & deinceps: sic ut nulla sit amplius haesitatio, & quia sursum, & quia deorsum possit meare, remeareque humor, quicumque sit demum is, sanies, pus, purulentus, virulentus, limosus, crudus, aut secus: & sive hunc consideres antequam corruptus est, sive postea quam corruptus, omnino enim unus idemque videtur, qui & per ulcus, & qui per lotia deducitur. Atque adeo mirum in modum congruit, quod proponit Hipp. *aphor.* 54. l. 7. & quanto hercules exactius pronunciatum ejus ad unguem atque ad literam accipies, eo etiam quadratius congruent omnes pene clausulae. Idem nempe locus est, qui primum à magno Hippocrate mox à nobis, positus est, à quo pituita reposita dolorem principio Heroinae nostrae fecit: quo pituita in alterutrum ventrem exitum non habente, & per venas in vesicam versa, morbi solutio singulariter facta est. Quid igitur in causa nostra desideres, cujus non meminerit Hippocrates? aut quid Hipp. in *aphor.* proposuit, quod nostra hac causa non contineatur?

Neque vero impropria ventris est appellatio, quae peritonaeo tribuitur, voce *γαστήρ*: siquidem haec, cum ventrem maximum, id est, ab infimo sternum ad pubem usque contentum, significet, haec ipsa peritonaei synonymos est, secundum Hippocratem, ut Joannes Gorraeus, Andreas Laurentius, & Anutius Foesius, adnotarunt; sed neque stomachi vulgo dicti, nisi per excellentiam, & antonomasiam est appellatio.

Neque enim te turbet, quod pituitam per vesicam dixit verti Praeceptor, & nostro in hoc affectu purulenta mejitur substan-



tia: materiam quippe magis, quam immutationem ejus, & formam, spectavit Hippocrates. an non autem pituitam hanc nos posuimus? sic ad Hippocraticam normam comprobata restant omnia: ut jam appareat germanus, & genuinus Hippocratis aphorismus, & vera hujus hypothesis, etiam contra sententiam ipsius Galeni, qui favit aperte Marino vetustissimo aphorismorum interpreti, qui impossibile existimavit inter septum transversum, & ventrem pituitae repositum: deflueret enim, inquit, usque ad ossa pubis. En vero quod inter septum & ventrem continetur, neque ad pubis ossa defluit.

Arguendus quoque Marinus, quod putarit impossibile, ut in venas trajiciatur, sicut in hydrope tenuis, & aquosus, humor transsumptus excernitur per venas. Jure autem reprehendit hunc Galenus, quod inter septi corpus carnosum, & interioris membranae abdominis verticem, pituitam locarit is homo; jure, inquam, quod neque sic ullo pacto facilis per urinas humoris effusio est.

Sed neque propterea satisfacit interpretatio Galeni, qui posita pituita in toto abdominis receptaculo, & laxiore spatio ventris, & epigastrii, caecos ductus, caecamque naturae transmittentis industriam, & facultatem proponit nobis. quippe communis est ea ratio, indefinita, & vulgata, quam admittere quidem aliquis aequae possit; sed non, ut acquiescat, & finem dubitandi faciat.

Fallitur item & Joannes Heurnius, qui dolorem flatuosum à pituita elatum interpretatus, non advertit dolorem aperte accidens positum ab Hippocrate, qui de morbi quasi diu praelapsi solutione professus est. Sunt & aliae ambiguitates, & tricae, apud Brasavolam, & expositiores alios omnes; infinita autem aberratio sit oportet, quibus vera via, & veritas una sit ignota. Sed nullius hercle rei mirari licet, quam Viros Anatomicos, qui naturale partium hoc divortium nunquam offenderunt. Nos autem gratias agimus Illustratori Deo Optimo Maximo, qui suam aphorismi auctoritatem restituimus & offensionem omnem sustulimus. Sed neque tamen haec dicimus tam, ut nos una inventa re gloriemur, quam ut profiteamur nostram hominum imbecillitatem, qui in apertis saepe  
cae-



caecutire solemus, & quod pro oculis est, aliquando, non perspiciamus.

Non possum tamen non admirari, quod Galenus & Anatomici omnes, habentes hanc phrenicarum venarum viam, quae brevis, prompta, expedita, facilis, est, nihilominus longinquas, operosas, intricatas, difficiles alias, sunt commenti. Galenus quippe *libr. 6. de loc. male affectis cap. 4. sub finem*, aperte profitetur pulmonis vomica rupta, pus ad levem pulmonis arteriam ingressum, & ad sinistrum cordis ventriculum fusum, hinc ad magnam arteriam descendentem repere, ut inde ad venales arterias, mox ad ureteres, postremo ad vesicam deducatur, ut cum lotio excernatur. Quam opinionem etiam Diocli attribuit Andr. Laurent. *lib. 9. hist. anat. quaest. 12.* similiter & Galen. *5. ejusdem operis*, pus in thoracis vacuitate contentum arbitratus est, primo transfundi in propagines venae sine pari, mox ad cavam venam, & ad dextrum cordis sinum, & inde ad emulgentes: & deinceps sequitur & Galenum Desider. Jacotius *ad aphor. lib. 4. sect. 2. Coac. praenot. Hippoc.*

Sed Gabriel Falloppius, Vir in anatome peritissimus, aliam per azygon viam exposuit, *libr. de obser. anat.* eo proposito, quod pars aliqua venae αζύγης tribus, aut quatuor, ramulis superioribus, posterioribus, & infimis, ad emulgentem adeat, frequentius tamen in ipsam immediate, unico tamen inplantetur: quam ob rem, si aliquando per lotium expurgari pleuritini videris, non amplius dices per venam cavam, inquit. Eadem opinioni adhaesit & Hieronymus Fabricius *libro de oper. chirurg, capit. de thoracis sectione in empyemate*; qui tamen & *tractat. de vulner. cap. 22.* non Fallopium Praeceptorem suum, sed Nicolaum Novocomensem, auctorem ejus inventi fecit.

Verum quod ad Galeni placitum spectat, difficile non solum, verum etiam absurdum, visum est nonnullis acutius insipientibus. Primum enim repugnare videtur dignitas cordis, & sinistri praesertim sinus ejusdem, atque utriusque robur & praepotentia: qua quid potius appropinquantem noxam accipiant, quam expellant? quid autem ut pulmo fervetur, cor gravari debeat? quae autem haec via, quisve locus à natura selectus sit? importunus sc. & minime conveniens, contra rationem omnem



crisis. quidquid puritas spirituum hoc minime consentit. quomodo enim vitalem illum fontem non conspurcabit illuvies purulenta?

At dices non esse, quod vereamur harum partium detrimentum & contaminatum, quod nullum, aut ne quidem dignum commemoratu est à transcurrente tantum, & non confidente humore. Sed insto adhuc, quod fieri non possit, quin spiritus aura tenuis, & substantiae raritas, & possibilis qualitas, proprie afficiatur, perpetiaturque contagionem? potest autem fieri, ut penetrabilis, ac plane liquida utraque substantia non commisceantur & confundantur. An miraculo id faciendum voluit Galenus, qui miraculum in natura nullum admisit?

At memorabis naturam duarum materierum secretionem cum delectu facere. Sed pugnabo rursus, quod in summo illo sanguinis aestu, in tanto vasorum agitato, neque hoc licet: deinde decursus ille in anfractuoso loco pro mora est, qui diuturnus alioquin est, & perennis.

Quae autem non symptomata, quae non mala consequantur ex appulsu puris in arcana penetralia, recessusque cordis intaminatos, & spiritus officinam vitalem? primum enim interrumpatur, ac distrahatur functio pulsifica, discursusque spirituum, oportet; quod si intercidentia sanguinis in arteriis Erasistrataeis phlegmonem, & febrem continuo pariebat, ut *lib. de tumoribus*, & *lib. de sanguinis missione* Gal. refert, quid non longus puris adhaesus in impedito conclavi cordis?

Deinde si obstructio arteriarum apud Petrum Salium *cap. 31. libr. de affectibus particularibus*, tam gravis, & detrimentosa est: quid non etiam purulentae materiae supra plenitudinem sanguinis arterialis infarctus?

Praeterea si fuligines, quae putridae non sunt & a naturali materia creatae, tam multum incommodae sunt spiritibus & vitae ipsi: quid putredo ipsa faciat actiosa? quod si Galenus impossibile putavit ei occurrere putredini, quae est circa cor, quid non difficile sit cor putredinem sustinere, quae intra ipsum fit.

Narrat Philotheus *lib. 2. apb. 41.* ex putri faetidoque intra pericardium contento pure, creberrimas animi defectiones homini fuisse: qui mortuus etiam inde est. Quid igitur intra cor  
ipsum



ipsum faciat purulenta colluvies, & in ejus sinu longa coinquinatio? Audi autem Jo. Fernelium *lib. 5. path. cap. 10.* narrantem, ex pulmonis vomica rupta, & pure ad cor penetrante ejusdemque facultates opprimente, quemdam intra horae quadrantem ex improvise nullis antegressis symptomatibus mortuum.

Haec & aliorum testimonia, & argumenta sunt nostra. Verum anatomica fide compertum est, arteriae magnae vestibulo tres adstare membranulas semilunares, intus quidem apertas, ut spiritui vitali exeunti pateant; foris vero clausas, ne in laevum cordis ventriculum idem remeare possit. quod si penetrabilis, inquam, & naturalis spiritus, in limen aortae penetrare non potest; quid tetra & corpulenta materia? An vero nescius ejus structurae, vel oblitus fuit, Galenus?

Haec, licet & alia possint, contra modo narratam opinionem attulisse sit satis: non parcemus autem his referendis, quae nonnulli produxere pro Galeni defensione quae brevibus fuit haec; aliud esse criticos, aliud symptomaticos, fieri abscessus: atqui est haec expurgatio criticorum. quod cum asserunt hi, videntur quidem aut non advertere, aut oblitos esse criticarum admolitionum verarum adeo, ut de crisi faciant non crisin: & quae sit insuper omnino contraria crisi, cedatque res symptomatica vere, quae putabatur critica; nam quid cieri putredinosum humorem per superiora, perque digniora? majus autem quod memorant (inter hos Andr. Laurentius) eos, quibus ea facta affluxio est, commortuos: neque vident, ut ostendant posse rem evenire, monstrare se, quod evenerit cum morte: quae quae major ineptia sit: quid igitur moliri naturam, quod funeste cessurum sit? ejusmodi igitur opinio sit sequenda, quae tot mala invehat crisis?

Sed Galenica jam recognita opinione secundam recentiorum sententiam dijudicemus. Illa quippe non videtur probanda complures ob rationes: primo, quia cum vena haec singularis ad latus tantum spectet dexterum, non est accommodata haec via, praeterquam in abscessu, & empyemate partis ejusdem privato. par est autem transmittendae materiae viam ad utrasque partes communiter se habere: nam contra in finistris condita materia eo naturae beneficio careret. Secundo non est, neque as-



signari potest, aliqua ratio, per quam venae debeant, aut possint attrahere vel absorbere purulentum illum humorem: vel cum non attrahant illum ad se se, difficile est declaratu, ut pateant ad ingressum, transcursumque humoris.

Tertio neque opportunus venae sine conjuge videtur situs, qui medii thoracis est, & longe superius septo transversi: quem locum pus alioqui grave, quale omnes requirunt, infima petens praetergreditur, super diaphragmatis facie quietem, & consistentiam, habiturum.

Taceo, quod cum Fallopius statuatur propagines hujus venae definere in venam adiposam, & conterminas venas; hae quidem non pertinent ad interiores sinus renis, sed ad exteriores ejusdem tunicas: quapropter via non est, quae satisfaciat. Rectius fortasse fuerit opinari nos ab osculis venae sine pari pus elicitum, hinc transferri ad truncum venae magnae adscendentis, & inde demitti ad descendantem & emulgentes &c. sed hoc neutiquam est à junioribus cogitatum aut expressum.

Restat nunc ut aliam, si quae est, viam nos inveniamus atque tradamus. Est autem mea quidem opinione nobilissima atque accommodatissima per venas phrenicas. Commoditas, inquam, prima, quia descendens ad ima pus, à subtenso diaphragmatis corpore colligitur, & hospitatur, ultima veluti statione & quiete. Secunda quia crassitudo puris extenuari potest ac praeparari sic, ut facile venas subire possit, interveniente motu perpetuo septi transversi.

Praeterea cum in systole dilatatur septum, tunc belle possunt adaperiri venarum oscula quaque parte, atque ad se rapere materiam sive sponte, sive natura procurante, & humoris transmissum admoliente; omnibus autem modis attractus succedere potest, facilius sub perenni diaphragmatis motu. Hunc autem, ut & hoc notem, plurimum adjuvare solet agitated proximi musculi psoae: cujus plerunque causa equidem adverti frigidus Abscessus ad has partes creari. Nempe ad musculos universos polychronii, fiunt Abscessus insignes, quemadmodum in sacro, regioque, Valetudinario Incurabilium experimentis quotidianis observavi.

Objicient fortasse, memorata primum crassitudine puris, minores has septi venas, quam, ut patere transcursum hisce possint:



sint: verum praeterquam, quod non tam parva sunt haec vasa, adjuvat, ut dixi, puris transitum motus. Quid, quod melancholicus humor, qui crassus est, per exiles stomachi venas discurret ad excitandum in ore ventriculi ciborum appetitum? quare cur per haec certe majora vasa discurrere pus non possit? Postremo natura parat quacunque vult sibi vias. Quod si per ossa etiam expedit sibi callem, quid non & per venas septi transversae non obscuras?

Ad has argumentationes, ad has rationes meas omnes (licet Arist. auctore 3. *topic.* à prudentium approbatione rem deduci) accedit & complurium Virorum in Urbe nostra Gravissimorum assensus: quibus communicata primum haec nostra excogitatio digna visa est, quae in lucem exposita iudicium commune multorum, tum medicae, tum anatomicae rei, studiosorum, experiretur. Sunt autem praeter principio memoratos Gymnasii nostri Professores, si se nominari patiantur, hi;

Tyberius Carnevalis purgati Vir iudicii, ac doctrinae.

Martius Schipanus, Vir arte, & facundia, clarus.

Stephanus Rivaldus, qui Caes. Scannapecum Praeceptorem suum celebrem usu medendi refert.

Franciscus à Ponte Philosophus, ac Medicus, profitendo laudatissimus.

Franciscus Nola praeter medicam quidem, & astronomicam rem, egregie professus.

Joan. Dominicus Magliocchus, qui scriptis doctissimis medicinam locupletabit.

Franciscus de Curtis, cujus Epistolas medicinales, vel ab exteris, expeti legimus.

Franciscus Ascellonus, qui Galenicam & Arabisticam doctrinam cum Philosophia conjunxit.

Horatius Thesaurerius antiquissimi Collegii Salernitani Doctor, & Medicus Neapol. excellens.



Est autem Anatomica Demonstratio nostra haec.

A B C *Subtensum praecordiis diaphragma.*

D *Foramen diaphragmatis, per quod excurrit ad superiora elata vena magna.*

E *Lacuna & intercapedo diaphragmatis & peritonaei crudam sanguinis eluviam continens.*

F F *Rami primi assurgentis venae magnae, qui venae phrenicae sunt à loco nominatae, quae & angulares diaphragmatis portiones B C signatas perrigant.*

G *Truncus venae magnae descendens.*

H I *Venae renales emulgentes dictae.*


K L *Urinae ductus.*

M *Vesica.*

**I**Taque patet facile fieri, ut per phrenicas illas venas fluere pus è superioribus delatum ad vias urinae possit; difficile vero & incommode per alias duas superiores vias permeare materia queat.

His alia quaedam pro coronide subnectemus. Propositum enim est indicare, quod ad plerasque multas effluxiones purulentas communis est & haec via; adeo autem communis, ut & totum corpori possit esse, nempe ventribus omnibus etiam, capiti, inquam, pectori, abdomini. neque injuria meo quidem iudicio corporis medium centrum obtinuit haec pars. Itaque si rite possunt suprema, rite possunt & media, riteque etiam infima; si haec & media via opus habeant. Quas ob causas neque angina, neque peripneumonia, neque empyema quodcunque, neque corporis totius cacochymia, cujus meminit Hippocr. *libr. 1. epidem. com. 2. text. 8.* quomodo per vias urinae repurgari possint, dubium nunc est. Quoniam autem peripneumonia crurium abscessu saepe finitur, neque humoris tam longa translatio, comprehensu difficilis erit his, qui norint delapsum pus ad cavam venam per iliacos ramos traductum ad crurales venas posse pervenire. Quam rem statuenti mihi venit in mentem historia Vincentii Canavacioli, qui cum empyematicus ex vulne-











re jam à nobis curatus longo labore fuisset, post aliquod tempus abscessum ad crus dexterum expertus est.

Ex demonstratis autem credere par est, quod reliqua, quae in fundo thoracis & diaphragmate haesere, natura per phrenicas ad iliacas venas transmittit. Quod & Nicolao Angelo ab Elysaëis Medico & Scriptori Neapolitano doctissimo visum est.

Nanciscitur & hac via resolutionem quaestio, cur fiat, ut (quod docuit Hippocrates *in coacis*) abrupta in medio progressu dysenteria transmigret in Abscessum circa costas; humoris quippe facto transcurso: nempe de venis mesentericis, & intestinalibus, ad cavam, & hinc ad phrenicas, ut fiat Abscessus in costis inferioribus, aut ad azygon, ut fiat in superioribus.

Solvitur & hac eadem ratione problema, quod referam, exposita prius observatione frequentissima pariter & certissima, quae est haec. Compertum est pueris impuberibus aut puberibus consuevisse Abscessus ad latus dexterum, praecipue paulo superius cinctum, excitari: ita quidem accedit filio Antonii Bagnes, quem cum egregio Medico Sebastiano Vechiono curavi: itemque filio Josuae Amicangeli, cui cum collega Viro Jacobo Ferraiolo medicatus sum: atque etiam Margaritae Blanchinae, quam in nostra vicinia curavit, à me sectam, minister meus. Passus & ibidem loci suppurationem longam quidam adolescens, cui praestitit operam medicam Petrus Paulus Pinachius genere Graecus: & inter omnes generis claritate nominandus Ferrandus Caracciolus Foroleti Dux Illustrissimus, de quo Viro abunde testificari potest Marius Schipanus, Vir in re medica aequè & in bonis literis excultissimus. Qui omnes vel ad diaphragmatis angulos, vel ad fines ejusdem, abscessum sunt experti: taceo quod eodem loco licet opinari tuberculum lateris, ab Hippocr. *l. 2. de morb.* §8. descriptum atque enarratum. An autem causam ob aliam, quam quod à septi memoratis venis prompte ac facile potuit humor ad proxima derivari.



*Adversantium argumentorum depulsiones.*

**H**Aec nos quidem aliquandiu meditati non approbare atque amplecti sensibus omnibus non potuimus; quando difficultatibus implexa nullis, multa praeter haec probabilitate firmata videntur: sed probabilitatem quidem ostendimus; incommodum autem huic nostro placito nunquid unum sit, jam denuo perquiremus. Fuit quidem, qui diceret & non necessarium hoc afflictae partis excogitatum, & improbable etiam. Non necessarium quidem, quia satis esset effectum, omne referre ad unam causam antecedentem, quae venis contenta, ac bipartita, duas in vias secesserit diversas, altera quidem portio in Abscessum, altera vero per ureteres, & vesicam. Neque inquit, aliquid facit, quod puriore apparente urina madentius sit ulcus, aut contra. Namque dolentem unam partem, per venas factus defluxus alter in alterum accedens, levat, omnesque etiam evacuationes e corpore alia quaecunque minuit, materiam in diversum trahens.

Praeter haec & alio nomine probabilis haec opinio non videtur, propterea, quod ponitur extra venas putris materia nullo argumento aut indicio. Purulentae autem materiae, quae extra venas constitit, perpetua etiam per exteriora fiteductio: empyematis quippe, cujus pars per urinas effluit, nunquam certi essemus, nisi & per expuitionem effusio existeret. Tertia animadversio fuit, quod extra venas positam materiam non dubitavimus intro easdem deducere: rem quae per difficilis & apprimè dura oppugnatore nostro videbatur.

Haec ille: quibus equidem omnibus à nobis & ante provisis ita satisfaciendum censui; inertis ignavique ingenii, paucique & vulgati negotii videri, communibus & universalibus causis insistere contentumque esse, cum definitas, & certas cognoscere detur. Quid autem logiatros & dialecticos speculatores facit magis, quam summa rerum indagine philosophari? quidve justius reprehendit in methodicis Galenus, quam, relicta partis affectae constitutione ac notitia, laxitatem illam consequi causarum? quidve clarum Medicum, praesertim in abditis morbis, facit, quam afflictae sedis inventio? porro Galenus ad Hippo-  
cra-



craticam doctrinam nihil addere dignius visus est, quam locorum, qui male sunt affecti, dignoscendorum artem. Unde nullum sane majus operae pretium in Hippocratica medicina fecit meo judicio, quam suo illo Topognosis opere.

Itaque qua nos prudentia sedem affectam nacti cum fuerimus, & ut credo equidem, praeter meam aliquam industriam, divinitus demonstratam; hanc pro communi & vulgata ratione relinquamus? fatuum hoc quidem & viro sapiente indignum. Quod si viam utramque speculandi commetiamur, incomparabiliter praestantior haec nostra futura est. Tantum enim abest, ut nullum usum exhibeat, ut maxime necessaria sit haec, extra venas consistens, cavitas: quo modo enim putrida in promptu, & in actu, materia, quae alterne per matutinas, vespertinasque horas alternos locos ineat, & commutet? quin immo expressa mane vel vespere sanie multa de ulcere, continuo prima quaeque lotia clariora: ita videtur, tam brevi neutiquam putrefactam intra venas materiam, sed potius extra venas paratam eandem; quid autem, quod tam diu stabulata atque hospitata, non per transmissum discurrens haec, intra venas actualis & confarcta putredo, minime tam debilis puellae sustentari potuisset, calamitosiusque cessisset. Quam enim febrem, & quae symptomata non intulisset?

Adde, quod sub actuali intra venas putredine febre aliquando vacare generosa puella non potuisset: atqui saepe vacavit, utique doctissimorum hominum, qui observarunt, testimonio, atque in praesenti, qui decimus est Martii dies evidenter vacat. Quo tempore cum adhuc urinae purulentae manent; quaeso explices, ut, interim nitidus puellae color est & caro plurima reparata, cum virulentae isti intra venarum sinum putredini jungantur? Interea mitto num intra venas confici pus possit & num ad Hippocratis, Galenique sententiam hoc asseri liceat. Prudentes ergo nos, qui extra venas consistentem hanc virulentiam posuimus, aut verius a natura positam observavimus; e ventriculo scilicet, & ejus ductibus ad eam partem transmissam. In nullo autem loco praeterquam in hoc sane persistere, neque aliunde, quam inde procedere sanies illa potest, ut discurrenti per singulas partes naturales facile patet.

Sed occurrimus argumento, quo adstruitur falsitas opinionis



nostrae propterea, quod nunquam extare possit extra venas materia purulenta, cujus effusio etiam per ductus extra venas positos monstrata non sit: exemplo producto empyematis, quod nunquam adesse monstrabitur per urinas excretum, nisi & tussi rejectum: immo dicimus hoc aperte falsum vel experientia testante, per quam observare licuit vulnere thoracis diu vexatos a me superius nominatos, qui vivunt, remque narrare possunt; empyos aliquando nil tussi rejecisse praeter quos & innumeros alios in valetudinario nostro vidimus, videreque in dies licet vulneratos empyos nil pectore rejectantes. An non autem hi sunt ex vulnere empyematici: sed tales vel ipse Hippocrates, nominavit, *lib. 2. de morbis*.

Quamquam qui ego has rationes produxi paritatem admittens, quippe & multum discriminis intercedit inter cavitatem, quae respondere non potest venis (haec in empyemate thoracis est vacuitas) & inter cavitatem, quae venis respondere potest: certe intercapedo diaphragmatis, & peritonaei à primo Severino observata, ac publica in anatome demonstrata, haec obducta est, nec alias vias, quam venas ad expurgandum habens; illa detecta quae ductus alios, quam venarum nata est: hanc autem Galenus in *lib. 4. de loc. aff.* exposuit: altera ad hanc diem quidem omnes, at Magnum Hippocratem & nos hujus observatores, magno Dei munere, non latuit. Amabunt autem de invento me exteri, sicut confido, si minus populares & Comprofessores nostri quidam: complures autem, qui candide plauderent, comperi; sed longe plurimos qui pedem ferant: futuros alios non diffido.

Sed ad alias argumentationes devenio, quarum illa restat à simili contendens, solam ad rem ostendendam antecedentis materiae rationem esse satis: propterea quod facta in dextris fluxio, vel vacuatio, statim à sinistris avertit; itemque suprema ab infimis revocant; & anteriora à posterioribus, & contra. Ajo equidem etiam si hoc detur, quod saepissime non succedit, ut experimento quotidiano docemur: nihilominus non obstare, quo minus haec nostra reciprocatus investigatio vera sit: estque etiam multa disparitas, quando in causa materiae antecedentis non est ea reciprocatio, saltem tam prompta ac subita. Atque etiam in parte unde fit retractio, remanet semper materiae pars plurima; in nostra vero causa pura saepe apparet urina cum ma-



navit ulcus, siccumque fuit ulcus cum lutulenta fuit urina; prompta scilicet & expedita, quasi vicinorum & affinium vicissitudine; quae necessitudo profecto non est inter partes diversas, quibus materia communicat antecedens.

Sed jam occurrimus tertiae animadversioni, quae contendit humores extra venas non posse remeare. Dicimus enim hoc difficile non esse, rationem ostensuri multorum principum Autorum. 3. *aphor.* 12. Galenus meminit expresse destillationis humorum à capite in venas, & arterias: atque, ait, intelligimus per destillationes omnes fluxiones, quae feruntur à capite per venas & arterias ad partes inferiores: ergo materia extra venas recipitur per venas. Et 3. *progn.* 38. ait Hippocrates, si abscessus deletur, & repetit periculum delirii, & mortis: ubi Galenus per repetere explicat materiam extra venas retrocedere in profundum corporis aut in aliam sedem principem, unde commoti sunt succi per vasa, quia non potest fieri per aliam viam haec transmutatio; imo si in cerebrum, advenit delirium &c. quae seq. Et 4. *aphor.* 75. si sanguinem aut pus mejat; ubi Galenus ait, mingi interdum pus, cum aliquod apostema in superioribus disrumpitur, & pus ad urinae instrumenta emittitur: apostema autem fit extra venas, vel in substantia hepatis, vel septi transversi &c. Ergo potest pus extra venas genitum per venas expurgari à natura. Et 3. *acut.* 10. ait Galenus sanguinem in plegmone contentum, qui demigratus est totus propter partis accensionem vena secta evacuari: ergo potest sanguis extravasatus iterum in venas recipi. Sed satis aperte definit rem hanc Gal. 7. *aphor. comm.* 30. ubi ait, humorem destillantem à capite in asperam arteriam posse expurgari, vel per arterias ad vias urinae, aut alvum. Itaque humor hic transsumitur in venas, & 7. *aph.* 55. ait Galenus, aquam collectam in ventre hydropici purgari posse per vias urinae: ergo nihil prohibet humorem extravasatum à septo per venas emitti. Et 6. *de locis aff.* c. 4. ait, apostema septi transversi suppuratum, & disruptum, per urinas purgatum copiosa puris evacuatione, & quibus aut renes dolebant, aut hepar, cum febre, deinde, rupta vomica in loco dolenti, vidit emitti pus per renes. Ergo nihil clarius, quod apostema sit extra venas. Et paulo infra in eodem capite ait, nos autem pulmonis vomicam sive abscessum per vesicam expurgari



gari vidimus : & ibi statuit Galenus viam per ramos arteriae descendentes ad renes ; pus etiam à thorace per cavam venam mediante vena, quae arboris caudici proportionem respondet, in alvum ducitur : quare nil mirum à septo, à pulmonis vomica descendere pus in venas & arterias. Haec est conclusio Galeni in hoc cap. Verum admirandus est locus Hippocr. 1. *epid. sect. 2. text. 84.* ubi ait, parotides defluerunt ad vesicam, sic tubercula post aures non suppurarunt, sed ad vesicam defluerunt ; & Galen. in *commentario*, exemplum hoc, ait, parum frequens est, & memoria tenendum ; ergo eo magis tuberculum in septo transverso potest ad vesicam defluere : & 3. *epid. sect. 3. textu 29.* etiam in *Coacis praenot.* ait Hippocrates vomicam pulmonis expurgari per alvum lethale : & *ibidem*, abscessus, qui descendunt ad crura in peripneumonicis utiles omnes sunt.

Haecenus jam objectis adversus nostram sententiam argumentantibus satis fecimus. Aliae nunc supersunt, quas nos ipsi praevideamus ; futuros nempe aliquos, qui sedem hanc affectam non admittant propterea, quod spiritale organum non sine discrimine experietur abscessum, nimirum tum inflammatio, aestus, dyspnoea, febris acuta, dolor, & huiusmodi gravia symptomata, non deerunt.

Cui objectioni occurrimus praeterquam, quod haec principio non defuere : ad haec discerni oportet affectus calidos à frigidis : nempe nos abscessum hunc frigidiorum, quam calidiorum statuimus, cum quo alioquin sedato affectu turbulenta illa symptomata non conjunguntur ; praesertim quando abscessus ille non superna, sed inferna parte subortum est. Sed praestabit etiam quaedam, quae Petrus Salius, *l. de partium affect.* scripta reliquit.

Diaphragma cum tumore afficitur, dupliciter hoc pati solet : nam irruentibus excrementis ad ipsum potest tumorem & sine febre, & cum febre pati. Si sine febre afficiatur à principio dolor, & respirandi difficultas, continget ; praeterea pulsus parvulus accedit, & durus. Quod autem ad crebritatem ; quoniam in his necessitas non est adaucta, vel quid vel nullo modo mutatur, ut docet Gal. *l. 4. de praesagitione ex pulsibus cap. de septo transverso* ; & haec excrementa debemus judicare esse cruda, & tenuia ; quoniam crassa non possunt infigi in substantiam nervosam



vosam diaphragmatis. Quoniam autem haec excrementa carent nimia caliditate, hi tumores non possunt esse non tantum longi, sed etiam diuturni sicuti experientia vidi in Nobili aegrotante, cui ex crudiore, & subtiliore sanguine factus est tumor in septo transverso diuturnus; in quo cum dolor, & spirandi difficultas, pulsusque durties, & parvitas, adessent: ad eum tamen non subsequutum est delirium, cum hoc videretur rationabile ex eo, quod haec pars ad mentem, unde phrenes appellata est, plurimum faciat, quasi quod ad sapientiam conferat: quoniam materia & tumor erat frigidus & crudus: ex quo tandem mortuus est, cum prius fere ad tabem decurrisset, & in ultimo disrupto abscessu expuisset cruenta, & cruda, aliquo modo tenuia, & quae nullam coctionem indicarent. Ad hunc eundem tumorem sequitur necessario tensio praecordiorum subvacua, quoniam tenduntur muscoli ad diaphragma nulla existente in hypochondriis inflammatione, vel alio simili tumore. Et ut paucis hanc partem concludam: tumores hi longi, & diuturni, generantur à materia tenui, & frigida, quae tamen temporis diuturnitate in loco affecto crassescit; & ad hos sequitur dolor, difficultas respirandi, pulsus durus, & parvus, qui ad crebritatem vel parum, vel nihil, mutatur, & tensio hypochondriorum, nullo apparente in his tumore ad tactum. Et si his tumoribus aliquando adjungatur febris ut experientia pluries adnotavimus, non tamen acuta, nec delirium necessario subsequitur: quod tamen aliquando in adpropinquante morte vidi accessisse. Et hi tumores cum perseverant, & non solvuntur, patientes ad tabem deducunt: quod licet non fuerit à Galeno notatum, tamen testor ego verum esse hoc accidere. Et haec de tumoribus longis sine febre causatis à materia frigida.

Haec ille; quibus apparet, etiam affecto diaphragmate secundum proprium sui ipsius corpus, placatiora interdum evenire symptomata; quid igitur si illud ipsum secundum contiguum tantum ambitum affectum sit?



*An Puris fuerit substantia, quae per urinas  
excreta est.*

**D**Ubitatum autem est, num pus censendum id sit, quod per lotia solitum est excerni? difficile alioquin & incertum, ubi collectum, & unde ad has vias traheretur. Cum enim necessum esset alicubi scatere longum saniei proventum; pars haec sane, quae vitii fomes esset, nulli se declaravit, aperuitque. In cavitate porro magna & naturali videbatur alienum asservari; in alia vero, praeterquam in abscessu, par non erat, ut quis adstrueret, unde ad vesicam derivaretur: reliquum igitur, ut per venas, per quas ipsas cum insolens sit ferri pus, reliquum est ut saniem, sic enim cum antiquis appello nunc succum crudum, adhaec infrequens per urinae vias puris est expurgatio, ex qualibet vero alias quam purulenta, frequentissima, succus autem crudus, aut limosa & inquinata coctione residentia poterat adspectu primo videri multis, praesertim quando virulentior excretio defisteret. Adde, quod pueris, & mulieribus, & ociosis omnibus hominibus, & qui plusquam coquendo par est, esitant, compertum est subsidere plurimum excrementi, quod quia putredinis vitium non sentit, haud puris nomine detrectandum est leviter.

Haec & alia huiusmodi suaserint quibusdam crudum esse succum, qui per urinas spectatum fuit: verum enimvero, ut non inficiar sub polychronio morbo fuisse cruditatem plurimam, quae & puri alicubi gignendo materiam exhibuerit: & ut non negem etiam interdum succum crudum apparuisse per easdem urinas; quo scilicet tempore pus alio tractum secesserit: tamen iudico pus merum exstitisse, quod cum ulcere reciprocationem habuit. In qua re certum me fecit Galenus *l. 1. de aliment. facult.* qua disputat de tritico, qui notas succi crudioris, & puris discretrices, proposuit has: nempe verum pus, inquit, graveolens est, & lentum: crassus vero succus crassitie, & dolore illi duntaxat est similis, ut qui neque graveolens est, neque lentus. At qui quod nos quotidie spectavimus sedimentum, varia hercle specie se exhibuit: nam gravis halitus per colum transfuso humore saepe nares feriit; reclinato vero eodem ichore,

fun-



fundo adhaerescens visus est lentor quidam, qui productiore reclinato recedebat, alius vero non item.

Praeter haec & aliud signum, quod comprobari haud quidem licuit, Jo. Baptista Donatus proposuit *l. 2. de matur. materiae in morbis cap. 24.* quod est: Pus si noctu depellitur, lumen causa est, ut pus fulvum appareat, id est, eo plane colore praeditum, quo aurum apparet.

Sed de pure in urina nostra haec fuerunt experimenta. Lotium quidem Heroinae inculpatius, ubi accommodata in vasculum filtri ligula destillavit; residuum sedimentum expositum Soli, exilem, & vix adspectabilem, sui portionem reliquit.

Lotium vero virulentius colo transmissum hypostasim reliquit crassiusculam, quae camino supposita calido crassitie ichthiocolae pressa est.

Sanies, quae manare ex ulcere solita est, in urinam puram alius puellae indita, similem ad unguem excretae naturaliter urinae purulentae speciem reddidit.

Ex his igitur omnibus suum de purulentia iudicium elici facile potest.

Sed aliquis nunc objectabit mihi memorans pus, Galeno docente, in *com. 47. l. 2. aphor.* ex sanguine ortum habere, qui humor calidus & humidus, diversa autem ab hac pituita. Cui argumentationi bifariam occurritur. Primum quidem hoc etiam esse pituitam in pus verti apud Hippocratem, qui *libr. de morb. 1. & 2.* ex distillatione à capite suppurationem in inferiore ventre persaepe posuit: quod & Galen. in *commentariis de ratione vitus*, etiam professus est. Joannes vero Fernelius Medicus, quidem non solum doctrinae amplitudine, sed experientia clarissimus, in senibus praesertim pituitosis empyema quoddam ex suppurato in pulmonibus phlegmate colligi affirmavit. Deinde si obtrudant, quod non verum sit ejusmodi pus, neque ego item tale assevero fuisse, sed purulentum & virulentum utrumque, tum ab ulcere, tum ab urina, recrementum appello; nam verum mea sententia pus nusquam existit: aequale autem, aut vix dissimile quod utrinque prodiit, dum corruptitiam eluviem urina retulisset.



*Quod Abscessus vere ac proprie sit hic appellandus affectus.*

**N**ominum usus rectis disciplinis rite tradendis necessarius, nedum conducibilis est. Etenim hae notae sunt rerum: & nisi secundum sensum principio positum usurpentur ambiguitatem longe maximam, & fortasse etiam infinitam parere queunt. Qua causa fit etiam ut unum pro alio nomen accipi non debeat: nimirum ita sensus temere confunderentur, & lux sua rebus, & doctrina non esset. Ob id quidem Graeci, Latinique, cultissimae nationes notas, & momenta nominum, exactissime distinxerunt, distinctosque sensus è vocibus elici voluerunt. Quam legem in medicina, ut servarunt optimi quique, ita non desunt barbari, & solaeci, & minus accurati, qui negligant & contemnant. Cujus rei persaepe notatae facere non possum, ut me non pigeat; atque adeo affectum hunc, qui vere ac proprie Abscessus est, non patior ulcus laxa & vulgari voce dicatur. Equidem nescius non sum ulcus esse, quodcunque praeter naturam hiat: verum haec generalis nimium vox est, ac tyronibus digna. Ulcus vere non est, quod perennem & uberem non ex se quidem, sed ex ambitu manationem eructat, rectius is sinus, qui ulterior est character, appellandus videtur. Verum enim vero placet maxime Abscessum vocari, quo nomine dependens ab alio suus ortus arguatur: id enim (ἀπὸ) vel (ab) praepositio, terminum à quo, & radicem uude propagatus est, non obscure arguit. A qua relatione ut non separantur Abscessus cum sua causa conjuncti: sic etiam voce tenus separari non debent. Quod autem Abscessus hic principio fuit, causae, materia, forma, generatio, per me jam explicata, monstrarunt, ac deinde etiam conditiones Abscessus nunquam abjecit; sed retinet adhuc firme, quemadmodum auctor ejusdem, seu morbus, seu natura, voluere.



*An Abscessus frigidus per Congestionem hic fuerit ,  
an vero per Decubitum?*

**N**on difficile nunc dubitatio cadet in hominis cujuscumque curiosi mentem, num à *Congestu* sit hic Abscessus, quem secundum latus incurrit Illustrissima Puella. Enim vero cum hepatis intemperatum, quemadmodum jam constituimus, illi sit, potuit humor ab ipso genitus crudior à natura repudiatus, in vicino loco paulatim congeri sic, ut demum in aliquam magnitudinem, quantam vidimus, coacervatus fuerit. Non dissentit autem hoc morbi genus à languescente habitu Puellae, quam audii ex Excellentissimo Prorege, jam Hispali morbo gravi correptam in cachexiam, & in tumorem totius ferme corpusculi cruriumque, devenisse. Visitur autem in hisce affectibus hujusmodi Abscessus.

Accedit, quod planus tumor, concolor, indolens, crudus, intime reconditus, ignavus, ut ita dicam, & usque ad extremum sedatus fuit. Praeterea hic Abscessus, (quae superius dictorum omnium symptomatum causa fuit) nullum caloris sensum exhibuit, & nulli inflammationi, pulsationive successit; sed tum se ipsum prodidit, cum in aliquem cumulum acervatus humor tumorem evidenter extulit: quae omnia quidem *Congestus* signa posuit Gabr. Fallopius, in 6. de tumorib. praet. natur. c. 15.

Verum his nil operantibus, tamen Abscessus haud per *Congestionem* evincitur propterea, quod sequutus est febrem, cum qua necessaria conjuncta est inflammatio; materia autem, quae hunc Abscessum produxit, copiosa fuit, & acervatim fluens. Signa autem fuere dolores acres, gravitas circa latus, febris, atque vexatio: atqui singulis hisce symptomatibus caret Abscessus è *Congestu*, nullo neque vigore, neque dolore, sed neque febre, notatus, ut nostra est observatio. Neque tamen haec difficilia videri debent; quando, quod sensim fit, nullam invehit affatu dignam, at neque sensibilem immutationem atque molestiam: sic neque rigor est, quandoquidem is humor fuisse non transcurrit: febris potius à congesto toto succo, quam à paulatim defluente cieri debet. Confirmatur insu-



per haec opinio testimonio magni Hippocratis, qui dixit, Abscessum praecedere labores, dolores, ac lassitudines: quae res quidem non insunt Abscessui per *congestum*. Experta autem principio Generosa Puella fuit nonnullos dolores, ut retuli.

Sed neque aliquid facit, quod nullam externo tumore passa est inflammationem. Porro Galenus *l. de tumor. praet. nat. c. 4.* scripta reliquit haec; *Abscessus non perpetuo inflammationes sequitur; sed ultro etiam gignitur, & à principio, siquidem intro collectus humor temporis processu partes excoriat, ac deducit.* Verum enim vero, ut haec vera sint, suppetit ratio, qua factum utrumque suadeatur; illo primum proposito fieri posse, ut materia uno in loco jam diu collecta sit frigida quidem primo, sed postmodum accessione calida fervefacta, sive quidem calida per se, ut biliosa, sive per accidens reddita calida, ut per infarctum computrescentium humorum, & naturae nunquam vacantis agitatum. Igitur si humoris hujusmodi coacervatio sit circa locum nobiliorem, & principi parti proximum; fieri, inquam, poterit, & non difficile, ut natura partes munere digniores levans, ad viliores alias partes humorem eum transmittat; quod factum alioqui vere demonstraturus sum posterius, ut meam opinionem producam; quae est scilicet coacervatum alicubi diu succum computrescentem, ad aliam minus praestabilem expulsum, atque transmissum.

### *Criticusne an Symptomaticus fuerit hic Abscessus?*

**I**Am autem quando, quid sit hic affectus, expositum est, qualis idem sit, edifferendum succedit; hoc est criticusne, an symptomaticus. *Criticus* autem à nostris dicitur, qui productus à natura materiae translatione, morbum ad salutem determinat, atque praejudicat: non aliter, quam decreto ejus, qui praesidet, reus absolvitur. *Symptomaticus* vero est, qui peculiariter a vi morbi, & ubertate materiae proficiscitur: neque enim natura ad eum producendum intervenit expellendi functione, praeter quam irritata, & ad opus alienum, & quod ad se non attinet, exsequendum per vim, & orgasmo succorum insolentium compulsa; sed nos supra plenius utraque discrevimus: igitur si nunc velimus utrumque dignoscere, cunctas in hoc *critici*



*tici* leges expendamus oportet. Vere autem non videtur opus criticum, aut crisis fuisse, quod ostenditur secundum crisis inculpatae conditiones, propositas à Gal. in *com.* 20. l. 2. *aph.* quae sunt videlicet.

Prima, ut fiat per inferiorem evacuationem magis, quam per superiorem Abscessus. Deinde per quam humor noxius, aut redundans, quam alius quispiam evacuetur. Tertio, quae recto fit tramite, quam quae non recto. Quarto, qui facile toleratur. Quinto, qui fit cum concoctione, & in decretorio die. Hos omnes operum crisis numeros non habuit hic Abscessus. Primo enim est in superiore parte potius, quam inferiore, & partis quidem ulceratae osculum exterius naturalem regionem attingit; interius vero extremum ad angulos adscendit diaphragmatis; locus scilicet à quo putredo exhalans febriculam fovere facile potest. Est autem hic locus opportunus influxionibus pectoris, in quem venae sine pari furculi private disperguntur: unde licet facile suspicari, focum putredinis primarium fuisse circa haec loca; sic locus apparet minime laudabilis, & certe quis non exhorreat perfossam Abscessu latus, in quod digitalis magnitudinis peniculus adaptetur.

Adde quod Franc. Vallesius, in *com. prog.* ad alias Abscessus boni conditiones, requirit promptum effluxum, qui hic certe desideratur, neque haberi potest, ut pote sub cavitatem vidente ulcere, nisi valida, & vehementi abdominis, & subinde diaphragmatis, ut diximus, compressione.

Sed quod ad secundum caput spectat, est & humoris morbifici nulla excussa substantia: etenim & morbum finiisset, & tolerantia sequuta plenior fuisset; febricula abiisset, & omnes aegrae Puellae res meliores jam essent. Quo pacto autem sint haec quando minime cum coctione res acta est. Quinimo si rite summam subducimus, affatim magna cruditas à principio fuit, atque nunc est. Argumento est insignis morbi contumacia; deinde cruditas in pure. Cruditas in excretis, interdum etiam in dejectionibus, sed maxime, in urinis, quas mane ac vespere cum succo crudo visere consuevimus: quid autem, primam Abscessus cruditatem non memoro, per quam unam nulla unquam apparuit in Abscessu coctio; sed immaturatio longa fuit tanta, ut vix se ostendisset Abscessus, nisi post longa tem-



pora. Porro ut dicam, quod sentio, non minus valuisse morbus, quam natura, super hac Illustrissima Domina, videtur: febris; urina cruda, & purulenta; Abscessus; macies; fluxus ventris; & alia. Natura vero nullos aut sudores, aut hujus generis expulsionem molita est; quae poterant apprime conducere.

Sed, ut multitudinem Abscessus expendam; quis quaeso non videt imparem aetatem novenni Puellae fuisse, ad Abscessum tot jam menses inexhaustum? deinde cui non displiceat, quod perirrhaea, quae ad articulos Abscessus, tum quidem futuros, tum factos, tollit; nihilominus in hac nostra Generosissima languente, neque Abscessum anteverterit, neque minuerit? Haec quidem effectores, ac materiam Abscessus prodidimus: forma jam restat, de qua Hipp. l. 6. epid. sect. 1. text. 31. *tubercula foras extumescunt, & acuminata, in turbinemque gracilescentia, aequabiliter maturescunt, non circumdura, declivia, & non bifida, meliora; contraria vero mala.* Atqui tumor minime acuminatus, aut declivis, sed planus, & retusus fuit; ergo malus, & symptomaticus non criticus vere fuit, neque ulceratus. Porro cruda & incocta, ait idem Hippocrat. l. 1. epid. 2. *& in malos Abscessus conversa, aut judicationis ablationem, aut dolores, aut diuturnitatem, aut mortem, aut recidivas denunciant.*

Tertio interna ratio critici Abscessus non adest, quae est, ut ostendimus, humoris translatio. Nempe si verum est, ut verissimum apparuit, sedem mali primam diaphragma fuisse, & infimum hoc quidem, atque ubi primo conceptum est, ibidem etiam consedit, & hospitatum est vitium. Notam autem omnino bonam ostendemus, proximum esse Abscessum morbi domicilio: quare deficit & hac lege alia crisis.

Quarto quod ad finem institutum Abscessus pertinet, neque levasse visus est admodum: quando & febricula eadem & macies persistat, quod si aliquam euphoriam adstruat quis, id quidem non ulceris, sed potius perirrhaeae merito tribuerim; quemadmodum paulo posterius explicabo: deinde si levamentum concedamus Abscessui relatum, id quidem per accidens admitamus oportet: quia manans, extrorsumque effluens colluvies morbosa, se ipsam minuit & exhaurit, non quod naturae fuerit haec procuratio.

Haec



Haec quidem omnia non difficulter suadent Abscessum *symptomaticum fuisse*: quod equidem admittere non dubito, si de Abscessu per decubitum, quo fistulatum est latus, quaestio sit. Verum si effluxum alterum ex adverso spectemus; mea est opinio *criticum* illum esse propterea, quod non aliis quam curatricis naturae viribus factus est: quae vias accommodatas excogitarit ac delegerit; quae per vasa utilis humoris receptacula purulentam substantiam secernat, quae studiose accurateque diu noctuque propellat, & maxime quum exitum per ulcus materia non habuit.

Confirmat autem illud praeclare admodum & singulariter, quod *l. 1. epid. sect. 2.* proposuit Hippocrates; multi urinas profundebant cum dolore biliosas, aqueas, purulentas, abradentes, stranguriosas, quae tamen nephriticae non erant. Quod si plurimi unquam evaserunt ea perirrhaea, quae gravis, & acerbata fuit, sub mala illa tempestate constitutis; quid haec expurgatio, quae nullo cum dolore, neque anxietate conficitur? Vides hoc pacto conspicue *criticum hunc effluxum esse, sicut alioqui symptomaticum decubitum.* Atque adeo tum *criticum*, tum *symptomaticum* Abscessum ἐπικριτικὸν asserere licet, diversa tamen hac, aut illa ratione, sicut audisti: quamquam est contra Ludovicus Duretus, in *l. 2. Coac. praen. c. 4. sect. 45.* per haec; *Natura si sua sponte res gerit Abscessum alterutrum procurabit, non utrumque & decubitu factum & effluxu*: verum non injuria sic Duretus, qui de absoluta & perfecta crisi pronunciatum id voluit, non de optabili quacumque: omnibus autem modis purulentus is effluxus immeritam mali Puellam servavit, ut equidem judico certus, sine ipso succubituram; ut mihi quidem visi sexcenti Neapoli succubuisse salutaris ejus effluxus expertes. Recte igitur Yvannes Doctor Hispanus, qui summam in hac expurgatione fiduciam ponebat, Excellentissimam Puellam curans. Sed en, quod Hippocrates prodidit, modo citato loco *Coacarum sect. 11. Tumores hypochondriorum recens abortos, inflammationis expertes, & inde dolores natos, solvit borborygmus fremens sub hypochondrio; maxime si aut ipse per se secedat, aut cum urinis & dejectionibus: quin juvat is ipse, si modo descendit.* At qui simile habet nostra causa: nam & urinae, dejectionesque, quales diximus, exstiterunt.



*Praesagium.*

**P**Raesagium nos eventus venari volentes, complura suadent, ut deliberate salubrem concipiamus; totidemque etiam sunt, quae spei tutae nonnullam diffidentiam offundunt. Illa quae terrent sunt haec: in morbo longo tum naturae imbecillitas, tum vis morbi; quae morbi virium exsuperantia cognoscitur ex Abscessu symptomatrico, & excretionc symptomatrica, talibus à me iudicatis propterea, quod à materiae morbificae copia videntur profecta; deinde quia neuter Abscessus, id est, cum excretorius, tum per decubitu, inclitam puellam non levarunt febricula, quae & suo etiam nomine periculosa est, ne per hanc longe progredientem dissipetur humidum nativum particularum, atque adeo corpus tabescat. Praeterea Abscessus, & excretioncs istae, per urinam perpetuo majores videntur, quam ut à pusillis naturae viribus tolerari, aut vinci possint. In quam rem Ludovicus Duretus in lib. 3. Coac. praenot. tit. de urinis num. 5. ait; *longa tempora, & multi labores morbi infracti, tum colligatio mala naturae, Abscessuum causae sunt, vel minorum, quam ut prodesse possint, vel etiam saepe majorum, quam, ut perferri queant.* Ipsa autem irrita proritatio in nulla spe crisis, nec iudicata prius, ut certe iudicari non potest sine morbi infractione diebus iudicibus; semper cietur discritice, non raro etiam funeste.

Neque etiam dissimulandum illud est, quod scriptum reliquit Hippocrat. sect. 2. Coac. c. 11. sect. 8. *Abscessuum lethales sunt illi, qui pus effundunt intro.* Namque Duretus ait, hypochondriacarum partium suppurata diffusa, ut omnia fere sunt impura, ac magis à corruptione nata, quam à pepasmo, proptereaque pessima, ut ne dicantur lethalia; sic etiam majore motu terrifica esse solent, effusione non tam purulentae, quam virulentae materiae, quae introrsum delata, non minus ruinosa etiam partibus, quam illis, unde manat, noxam contractam ostendit.

Ad haec sect. 14. de hypochondriorum Abscessibus, ait Hippocrates, *quae cadunt in hypochondrium dolorifica mala, tum alias prava sunt, tum vero si faciunt profusiores alvos; propterea quod ferantur chylosae feces ab inflammatione jejuni, aut saniosa proluvie, cum*  
ab



*ab inveteratione causae morbificae jam taedet hepar sui officii. Ita Duretus in eo loco. Atqui observatum est, saepe Generosam Puellam in dies fere tentatam liquidis fluxionibus alvi, & nunc quidem liquido chylosis, nunc subobscurae. Itaque non contemnendum est testimonium, hypochondriacum Abscessum esse, quo correpta est Illustrissima Puella.*

Verum confirmant nostram spem aliqua ab eodem Hippocrate prolata. Primum ex *Coacis*, etiamnum illud proxime succedens; *sed tamen eorum, quae introrsum feruntur optimum quidem illud, quod neque dolore neque tumore, neque colore conspicuum quicquam foris exhibet; contrarium vero pessimum.* Vide autem, quae in haec Ludovicus Duretus. Deinde Hipp. eod. tit. de *hypoch. sect. 1. hypochondrium esse decet molle, doloris expers, aequale: tale autem semper decumbenti nostrae.* Tertium illud in *l. 4. epid. 22. an judicent autem maturi in morbis Abscessus signum est, si dum fervida sunt mala non febricitarint, & dum molesta sunt, facile portarint.* Videtur simile quiddam evenisse Generosae Puellae.

Cui, quantum ipsa passa est, atque ex functionibus apparet, nullus sibi dolor neque noxa est, praeterquam haec tria modo memorata, id est, ulcus, urina lurida, & febricula, dictant: sed enim febricula putribus haeret humoribus, & crudae illi pituitae redundanti, non solidarum partium ariditati, noctu dormit, & alia signa securissima habet.

Sed illud Francisci Vallesii prognostica exponentis ante omnia placet, quod est; *inter omnes pueri habent saepissime Abscessus; quia ob voracitatem congerunt succos crassos, & habent per eam aetatem magnum facultatis naturalis robur.* Id autem, quod maxime nostros animos in spem erigit, est rei similis eventus, relatus à Marcello Donato in *l. 3. mirabilis historiae medicae c. 9. cujus hominis etsi aliquanto fusiora sint verba, libet, ut Illustrissimo Excellentissimoque Proregi Puellae amantissimo Parenti gratificemur, hoc producere; Vidimus Mag. Domini Romani Aragi amicissimi nostri nepotem, annum duodecimum natum, post diuturnam à capite ad pectus decumbentem fluxionem, in qua in maciem universi corporis indeficienter associante perductus fuit, derepente insaevam pleuritidem delapsus; qua suppurata, per tussim sanies plurima excreta. Nihilominus ejusdem affatu digna quantitas collecta in*



*interiori thoracis cavitate ; ejus expurgationem dum omni ingenio tentaremus, subortus in eadem parte inter quintam, & sextam costam tumor insignis, ab internis partibus ad externas, protuberans, qui suppuratus est: aperto, non solum ex tumore ipso, sed & ab interna cavitate, pus fluere cognovimus: qua de re opportunis medicamentis applicatis, & siphone injectis, liciniisque & turundis, foramine ampliato, & adaperto servato, per multos dies, tandem argentea cannula imposita, sanies quotidie effluxit; qua cessante cannulas demimus: consolidatum sponte foramen, & puer impinguatus pristinam sanitatem non solum recepit, sed & habitum meliorem corporis adeptus est. Haec ille; cui similem etiamnum pueri historiam, feliciter ex umbilici Abscessu sanitati redditi, retulit Dio-med. Cornarius, obs. 31.*

Sunt jam pro spei, metusque, causa relata bina praesagia: verum non ita ut nostram sententiam deliberate aperiremus. Hoc igitur ut libere faciamus, illud primo distinguimus, eventuros casus morborum esse triplices, sententia Celsi, lib. 5. c. 26. insanabiles, promptam curationem habentes, & difficilem. Equidem ajo, è neutro externo genere affectionem hanc, sed aegre curabilem esse sic, ut periculosa sit, ne vires evacuationi tam multae succubiturae sint, & colliquatio sit à febricula sequutura; nihilominus nil vacillans, sed Hippocratis moniti reminiscens statuat; Abscessus ad suppurationem, & circa laterum mollitudinem diuturnos, atque aegre curabiles. Quoniam autem ita tempus definitur, non exitus; si finem atque modum urges enunciem, eo proposito, quod docuit Joannes Heurnius, citato loco, in cruda, & contumaci materia, & meatuum angustia, non crisis quidem, sed Abscessus potius fit, modo natura viribus integris propugnet: si illa fatiscat cachexiam expecta & corruptionem, nisi tamen postea exacerbentur, ut in Cleonactide octogesimo. Revoco in memoriam Puellam hanc ad augmentum properare virium, & ad caloris nativi modum acutiores. Itaque fieri poterit, ut adveniente majori robore naturae crudiusculam hanc materiam subigat, concoquat, expellat. Adjuvabit autem ad hoc rei proximum ver, quod hoc nostro coelo est tepidissimum, & suavissimum. Favebunt & remedia, quae mox referam annuente numine. Sed prius indicationes inveniamus.



*Indicationes curandi.*

**Q**Uoniam quidem principio constitutum fuit, caput, & ventriculum huic Illustrissime Puellae non nihil à mediocritate qualitatum, & aequa temperie recessisse, debilitatemque nonnullam adscivisse, unde cerebrum quidem fluxiones ad subjectas partes saepe mittit; ventriculus vero, & naturalis haec oeconomia diminute concoquit; unde è caeliaca interdum, & crudum in urinis excrementum emanat: interea vero sic ulcus, & febriculam obstructions in infero ventre, fovent. Ob haec consentaneum rationi fuerit, & maxime requisitum, ut caput & ventriculus roborentur; quo vividior redditus calor nativus, alimentum & primum, & secundum, tertiumque, concoquat, emundet superfluitatibus ventres ductusque; ut quae inde alitur febris retrosublabatur ac deleatur.

At ulcus interim ut coalescat, debent exhauriri fomenta, purgari ambitus eidem, & intemperies omnes eximi.

*Curandi ratio.*

**H**I quidem omnes scopi multa, & gravia remedia postulant. Verum quia tenuissimo corpore viribusque pusillis est, quassata bienni malo Puella: commodum fuerit, & maxime commendabile, si & paucae numero sint medelae, & sine vi praestabiles & efficaces: adhaec magis ut naturam defatigatam & languidam instaurent, reficiant, roborent, atque confirment, quam conturbent, vacuent, fastidiant, & humores cum vi percellant. Sunt quidem assumenda per os pharmaca, quae crassa incidant, obstructa reserant, superflua vacuent: sed lenia sunt, & quae à natura non inique ferantur. Hujusmodi fuerint *Serapium Nicol. Florentini, compositum e Cichorio, &c.* qui omnibus nostris votis satisfaciet. Hoc ad omnia vix aliud inveneris praestantius: poterit autem si libeat duplicata dosi commisceri *rhobarbarum*, quod tam probatum est, & à doctissimo nostro Archiatro audio tam impense laudari. Hoc, in hebdomada bis aut semel, modica licebit offerri portione, dum interim *aquam decoctae rad. Chinæ* & ad febriculam, & ad maciem



tum in prandio, tum in caena potarit. Roborabitur caput interne *Jalapio Myrobalanorum, vel Myrobalanis ipsis, conditis Chebulis*. Externe ad *stephanaeam emplastro Dialimacum Alexan. Tralliani*: stomachi regio *gummi Tacamahacae emplastro*, quod miris laudibus exornant rerum Indicarum scriptores. Hisce medicamentis transiget hyberna, quae restant, tempora. Appetente autem jam vere, & mense Majo, & Junio, cum erumpent Aenariae remedia, ad haec accedito; Puella mergenda in multos dies Balneo Gurgitelli, cui mirae sunt dotes restituendi lapsa corpora, vindicantque à malis multiplicibus. Porro naturalia non immerito dicta sunt haec remedia, tum quod naturales vires habeant instaurandae salutis humanae, tum quod naturam corporis languentem ab omni periculo tueantur. Has ob res confidenter his uti praesidiis debebit: fiet enim per haec rite recteque adhibita, ut optatam opem sentiat.

Post haec in balneum, quod dicitur fontanae, triduo se demerget: cujus aquae natura medicatae, corporis omnem intemperantiam coaequare creduntur.

Hanc equidem confido futuram rationem, qua dignissima salute Puella plenissime convalescat, & sua Parentes Illustrissimos, Excellentissimosque, & nos omnes addictissimos suos homines, compleat immensum duratura laetitia.

### *Exitus morbi supremus.*

**H**OC quidem universum nostrum affectionis examen, iudiciumque fuit, nulla fui parte, sic me Deus amet, immutatum, neque recusum hoc tempore, quae inclinatio est morbi. Cujus ejusdem status praesens ne in ancipiti relinquatur, docendus est quisquis historiam curiose legit. Scire igitur licet Excellentissimae Puellae hodie, qui decimus est Martii, post multa quidem, abiit febris, obductumque est ulcus sua sponte, neque impeditum propterea, quod nil ad dies viginti duos maneret, contractumque in se apparuit, sed nihilominus lotia nec dum hypostasim abjicere limosam, interdumque violentam: quam rem advertens doctissimus Santorellus, & expurgandum residuis superfluitatibus corpus, & *lac Asininum, serumve Caprinum*, propinandum proposuit; aliis volentibus totum naturae negotium per-

per-



permittendum, cauteriumque excitandum. Sed hi quidem in tibia, hi vero in brachiolo, capiti consulentes, excavandum volebant. Ego praeter haec usum *Aloës lotae in catapotia*, quod praestantissimum adversus urinarum virulentiam, à Carolo Clusio, historiae stirpium exoticarum scriptori, positum est medicamentum plane mirificum; nec non *decoctum Rusci*, quod ad ducendas urinas, à Dioscoride propositum est, laudavi; caeteris omnibus ad primam meam sententiam remissis.

Atqui his extremis diebus saturnalibus status fuit, usque ad nonas Aprilis, quae mensis aut paulo amplior intercapedo fuit; quo tempore non adhuc plene obducta cicatrice (quod equidem aliquando suspicatus fueram, sed ne malum ominarer aperire abstinui) dirupit ex improvise nocturna manatio, qua fasciolae & interula non leviter maduere; verum tamen sine ulla vel praecedente, vel subsequente febricula, vel dolore: & quae vetus non tam admiratio, quam observatio, nostra fuit, purissima & inculpata urina mane prodiit; non sic autem postridie, ac deinceps, quibus diebus non tantopere manavit ulcus, quod tamen expresso ambitu non nihil reddidit exili forulo, ac vix adspectabili. Interim Puella nil ulla parte mutari, vel quid incommodi sentire, sed quasi nihil obtigisset, laeta vivere, colludere cum suis, & joculari, salire etiam rithmice & curfitare, sicut animi gratia fit, & agilis esse, quod Excellentissimis Parentibus nullo non solatio fuit.

Adeo scilicet ex crudis superfluitatibus; & e locis ventriculo affinis, manatio haec subputrida proficiscitur, ut equidem principio statui: neque aliquid in dies novum apparet aut fit, quod nostram de affectus sede, deque affectus generatione, opinionem etiam atque etiam non confirmet.

F I N I S.




# DE ABSCESSU PER CONGESTUM

Liber Unus, qui est Operis de Abscessibus II.

MARCO AURELIO SEVERINO

A U C T O R E.

*Commendatoria Libri Praefatio.*



Criptores, qui de re medica, miseraque aegrotantium forte bene mereri student, eos maxime affectus enarrare, recteque curandos docere debent, qui plurimum seu gravitate, seu contumacia torquent: de mediocribus malis satis esse possunt, quae vel unusquisque tradiderit. Non est me iudice leviter, & obvia quaque mentis cupidine, inficienda pagina. Quae plurimi momenti sunt, ea duntaxat ad posteros sunt transmittenda. In re medica chirurgicaque qualem hodie faciunt, vitium est solenne multorum in his, quae perviae sunt notitiae, laborem, & operam, ponere; quae remotiora sunt à vulgata plurium comprehensione non attingunt. Itaque tumores secundum quaternionem unum humorum ordinaria ratione conscribunt, atque disceptant: selectiores, & usu vel dignoscendi vel curandi difficiles, minime pervestigant, aut tradunt. Calidos igitur unusquisque versat, &, qui sunt per influxum, frigidos: at vero qui private creantur congestu, neque norunt omnes, neque aliis noscendos est qui curet. Desideratur autem haec contemplatio non parum, tum quod obscuri sunt hi, tum quod mediocri diligentia tractati, vix elevantur quicquam, & infringuntur; nimirum obsistentiore causa nituntur. Horum igitur comprehensio cum tanti referat curando, visi nobis sumus opera epitetium facturi, si quae comperta sunt nobis e re ista, nostros homines, qui dignarum rerum studio tenentur, non celarem, verum accommodate quantum licet, rem aperirem; licet autem brevi & simpliciter: nam satis est indicasse neces-



M. AURELIUS SEVERINUS DE ABSCESSU PER CONGES. 95  
necessaria. Porro non mea fuit unquam scribendi ratio, quae non summopere in rem faciunt undique corradere, & comportare; veluti, qui stomacho, & gulae quaecunque sapiunt, immittit vorax: sed faciam, ut qui sobrie tantum accipit, quantum est fatis.

## C A P. I.

### *An sit ejusmodi Congestio.*

EST nostrum argumentum Tumor à Congestu, cujus thesis particula prior quantum exploratissima est, tantundem obscura est altera; quae, judicio meliorum, est coacervatio humoris vitiosa paulatim in aliqua parte corporis facta, dum tumorem creet; res, inquam, adeo incomperta, ut fictitiam & imaginariam censuerit Joan. Argenterius: cujus quidem rationes nisi nos audiamus principio, frustra fortasse nostrum totum opificium exstruamus: praesertim quando sunt ejusdem firmamenta tam solida, ut rem videantur evicisse; praeterquam quod haec controversia, & alio nobis utilitatis usu, cernenda est: nam quemadmodum ex chalybe, ac filice, collisis invicem salit ignis, sic ex discussa plurimum, & exercita, duarum opinionum ambiguitate, vivida quaesiti veritas elucescit.

Est Argenterii prima ratio descripta in *commentariis artis medic.* quod novus hic in partem casus tumoris, non à parte oriri, vere censendus sit; quando quidem haec sibi similis fuit: nisi autem fuit perpetuo, ac paulo etiam ante similis, unde quaeso nova illa labes fuit? Si ergo constans diu sibimet ipsi fuit pars, huic extrinsecus aegrotandi fuit occasio, non intrinsecus. Igitur ab affluxu, non à congestu. Rursus si vitio corruptae nutritionis sit tumor parti, quomodo idem non & interiori substantiae partis innascitur, sed externe inducitur? Item quomodo non excrescit in immensum, si non emendatum est semel nutritionis ejusdem vitium? Has ob res contendit hic vir figmentum hoc esse rationis, non constans opus: à quo errore maxime cavere jubemur monito Hippocr. *lib. de decenti ornatu, & l. de praeceptis.*

Haec, & alia quaedam, congestionis evertunt modum. Ni-  
hilo-



hilominus Galen. 2. *diff. febr. c. ult.* & 13. *meth. c. 3.* & in *c. de therapia per sang. mission.* & 1. *de causis morb. c. 7.* in primis vero in 1. 2. *ad Glau. c. 10.* perspicue profitetur, & congestione, & defluxione procreari tumores, his certe verbis; siue inflammationibus etiam Abscessuum affectio constitit ex multitudine quorundam humorum, aut spirituum vaporosorum, siue in ipsis patientibus partibus generentur, aut ex aliis confluat ea ratione, qua fiunt illa, quae decubitus vocant.

Nec tantum Galenus, sed & exteri, & contrariae factionis viri, congestionis rationem tuentur. Primum nomino Fernellium virum, qui Galeno nulla in re parcit 1. 7. *pathologiae cap. 1.* haec scribentem. *Congestio* praeter naturam sensim fit ex humoribus in partem alimenti vice distributis. Quum enim pars vel ita imbecilla est, ut id ipsum corrumpere, nec genita excrementa à se propellere queat; necessario praeter naturam congestio quaedam fit. Meminit & per congestum tumoris Ludov. Duretus gravissimus enarrator Hippocr. *coacarum praenot. l. 11. c. de hypoch. §. 2.* cum tumorem definiens ait; Moles contra naturam, vel quae humoris affluxu vel congestione assurgit. Hujus etiam sententiae videtur, & Avicenna *c. 1. sen. 2. doct. 2. & c. 1. sent. 4. do. 5. c. 25.* & hunc auctorem sequuti enarratores omnes, Dinus, Gentilis, Jacobus de Partibus, Nicolaus & Thadeus, in *artis medicae l. 3. text. 155.* Petrus Aponensis in *commentariis ad probl. Aristot.* sed quid Medicos nomino, quos possem numerare quam plurimos? Favent & ipsi Philosophi; primus Averrhoës qui 1. 7. *colliget c. 5.* inquit, apostemata generari in membris duobus modis; uno modo quando expellitur vel defluit ad aliquod membrum humor; alio modo generantur apostemata, quando membrum non potest dirigere cibum, quod ei mittitur, nec ipsum permutare in quantitate, aut qualitate, nec ipsum potest expellere: tunc materia augmentatur in membro illo taliter, vel accipit dilatationem in omnes tres dimensiones, & extinguatur ejus calor naturalis ejusdem membri; & generatur in eo calor praeternaturalis, propter necessitatem materiae extraneae.

Sed & ipse Aristot. *sect. 9. problem. ult.* ut & Nicolaus Florentinus interpretatus est, collectionem humoris citra defluxum confirmavit apertis verbis, quae non erit abs re plenioris testimonii



monii gratia recitare. Cur ictus (ait Philosophus) tumorem livoremque suscipiunt? An quod de loco percusso humores disjecti in loca proxima ruunt, in quibus offendentes retorquentur? Itaque conjuncta, conglutinataque humorum copia, tumor per collectionem exsurgit, &c. In quo loco Petrus Aponensis tradidit & suam sententiam, quae est. Fit tumor in parte vulnerata, quia cum membrum fit infirmum, fit aliorum membrorum superfluitatum receptivum. Rursus, quia suum non potest dirigere nutrimentum, & sibi assimilare, convertitur in superfluitatem apostemantem &c. Ejusdem ferme sententiae fuit & Jul. Guastavinus Professor Pisanus, Philosophus & Medicus aetatis nostrae praecipuus. Habes jam Philosophorum, Medicorumque, suffragia: quibus omnibus constabilitam de necessitate congestionis opinionem, velis ipse propter unum dissentientem Argenterium non amplecti? objecta autem hujus viri dilues facile, si non dubitaveris illud firme tenere, quod est; non e partis vitio praecise humoris evenire generationem, sed ex adveniente etiam alimento, aut recremento ejusdem tum modice, tum etiam maxime, peccante, fieri Congestum. Conficeret autem argumenti vis, si quando nos à parte tantum formaliter vitium evenire statuissimus: ad illud autem, quod excitaretur intimae partis substantiae tumor, equidem dico, & ita interdum evenire, ut in Abscessibus ossium, quae & apostema pati controverti quidem acute, sed non negari vere, potest. Ph. Ingrassiam legite ea de re *l. de tumor. praeter natur.* sed & *Conciliatorem diff 96.* Demum quod ad illud attinet, quod excresceret in immensum tumor, similiter & hoc aliquando fieri concedimus. Nempe videre licet Neapoli *naptam* in illo cujusdam egeni, quae utrem ex arietis corio aequat.

Caeterum Argenterius neque meminisse videtur ejus Congestus, qui debilitato jam, sed sano post ictum membro, diutissime succedit. Hunc autem si inficietur, nemo est, qui pervicaciae intolerabilis hominem non insimulet.



## CAP. II.

*Congestus aliquot genera, & Tumorum ejusmodi plurimorum enumeratio.*

**H**Aec pro defendendo communis sententiae Congestu produxi; jam non dubius, quod impar tot Virorum testimoniis unius Argenterii apparuerit opinio. Quod si quis homini suffragatus obstinate placitum ejus retineat, anne igitur ex toto, rogaverim, Congestus nomen est abolendum? An vero secundum idem nomen non displicebit fortasse quod possit esse Congestus quidam cum paucifluo aliquo, sed longo, defluxu: ad hunc modum Hippocrati, 3. *epid.* & Lud. Dureto, *in lib. 2. coac. c. 11. §. 10.* duplex est fluxus, ἰσχυρὸν & ἡσυχίαν, id est, concitatus, & consistens: concitatus quidem est, qui paulatim & sensim, sed neque sensibilibiter fit adeo, ut post multum temporis tandem, non ante, adspectabile cognoscatur ejusdem incrementum. An igitur hos ex lento affluxu Congestus concesserimus? quid ni, inquam? sed appellativos, & ut dicunt denominative generationis via productos tumores plane quam plurimos, quos postea recensebimus, admissos, ut videtur à Fallopio, *l. de tumor. c. 15.* Joannes quoque Heurnius *in comment. aph. 60. l. 6.* congestionem mucorum in Ischiade cognoscit.

Post hos erunt & alteri proprie dicti: id est, quos legitimus, & evidens Congestus, constituit.

Tertii autem erunt utriusque, id est, tum Influxus, tum Congestus veri participes, & promiscui.

Quarti dubii quidam fuerint, id est, num hujus, num illius soboles.

Haec equidem ita distribuere visum est, ut cunctis medicae rei studiosis unum quemlibet istorum ordinem, veniente usu, distinguere, discernereve, sit facile. Placuit autem eadem doctrinae perspicuitate, atque evidentia, singulorum digestis quasi tabulis seriem aliquam exponere ad hunc modum.



*Ex paulatino, quem dicunt, influxu.*

Rhaeas.

Palpebrarum scirrhi, verrucae, chalacia, ordeoli.

Polypus, & verrucae, narium.

Strumae, glandulae, bronchocelae.

Haemorrhoides vulvae, condylomata, mariscae.

Therminthi, tophi articulo- rum.

Unguium fici.

Scirrhi, & verrucae partium extremarum.

Ganglium Aeginetae.

Tubercula in ulceribus subnascentia per hyperfarcosin quandam: cum quibus ulceribus tum fistulas, tum vulnera, comprehendo.

Verrucae unguium

Cornua.

Cercosis, nymphomegethos, mola scirrhusa à crebro, taedio quoque, partu.

Perniones, & calli pedum.

Luis Venereae gummi.

*Proprie dicti.*

*Promiscui.*

Tumores ex imbecillitate partitis etiam post longum tempus ictae.

Atheroma, steatoma, meliceris, ut sentit Fallopius, *Tr. de tumor. capit. 4. & cap. de nodis, quod est ordine XV.*

Tinea.

Parylis, epulis, ventositas spinarum.

Napta vastissima.

Thymia.

Varices.

Scroti recidiva ad hydrocelem, & farcocelem.

*Dubii.*

Hydrocephalon.

Talpa, & testudo.

Abscessus frigidi vulgo dicti



## C A P. III.

*De materia Congestus propria.*

**Q**uidam opinati sunt Congestionis nullam esse materiam formam gaudentem humoris, sive nutrititii, sive excrementitii naturalis; sed omnino esse superfluitatem improbam, quum reduci tamen possit in formam humoris analogi ad alimentum, cujus est superfluitas: secundum quam analogiam quaedam superfluitas dicetur biliosa, quia refert naturam bilis; decisa scilicet de alimento maxime bilioso. Alia superfluitas est sanguinea, quae referet naturam sanguinis; decisa scilicet de alimento maxime sanguineo. Alia est superfluitas pituitosa, quae referet naturam pituitae; decisa scilicet de alimento maxime pituitoso. Alia demum est superfluitas melancholica, quae referet naturam melancholiae; decisa quippe ab alimento maxime melancholico. Profecto scripsit alicubi Avicenna superfluitatem omnem referre semper id, cujus est superfluitas.

Alii voluerunt, materiam congestam esse superfluitatem unam è tribus humoribus; puta biliosam, pituitosam, melancholicam, at non certe sanguineam: ex hac enim materia nequaquam dant fieri congestionem phlegmonem. In quam rem, inquit, inspiciens Galenus, 13. *meth. med.* dixerat, phlegmonem omnem ex defluxu fieri sanguinis. Quem locum ex adverso interpretantes alii, quorum primo facta est mentio, dicunt id intelligi secundum plurimum fieri phlegmonem ex defluxione; raro autem congestionem.

Alii tertio crediderunt congestionis omnem materiam esse pituitosam superfluitatem, persuasi ab eo, quod potissime congestionis causa est imbecillitas partis, quam imbecillitatem copia sequitur pituitae, non aliorum humorum. Interim non advertunt hi materiam, quae in cavitatibus & conceptaculis corporis communibus acervatur, postquam adaucta capi ab his aut contineri non potest, refundi statim ad cavitates, & poros loci particulares, & huc conjectam excitare larga congestionem tumorem. Horum mihi sententia omnium probatissima videtur.



Hae materiae sunt Congestus secundum sententias aliorum; qui tamen haec asserentes, intellexisse videntur ichores humorum, qua autem causa certum non est; at fortasse, quia tenuiore substantia minime videntur accommodati, ut loco consistent, & compingantur: ad quem effectum crassities, & lentor, apprimere facit, sed enim possunt ichores ex crassis humoribus deducti, tum consistere, tum adhaerere; praesertim cum extra locum proprium refrigerint: dicuntur autem hi tenues non simpliciter, sed ad suas primigeniorum humorum substantias comparati; nam & sudores crassi sunt interdum, etiamsi dicantur ichores: itemque puerorum achores, ceria, favique, sunt quidem sanguinis, & humorum ichores; tamen crassi sunt ita, ut crustulas, & squamulas, producant. Denique ichores humorum mali ad externum habitum corporis propulsi, cutaneos affectus, graves, & contumaces parere consueverunt; qui non fierent utique, nisi crassitiem nonnullam haberent iidem. Jam igitur si crassities requiritur Congestibus, & haec ichoribus non deest, potest & ex ichoribus Congestum esse materia. Atque haecenus naturalis omnis humorum systasis substrata jam apparuit Congestibus, & comparata.

Praeter haec autem & spirituosam horum affectuum interdum dari materiam, non est quod vetet; deprehendi autem hujus rei notitiam, quod ex ictu debilis reddita pars restat inflata diu, atque etiam in longam aetatem, & perpetuo: quae res evenit Reverendo Sacerdoti Benedictino, D. Petro Neapolitano, cui ex fortuito casu diruptum transversum mentum, qua dentium & barbae confinium est, coalito jam ulcere, post multos annos restitit aedemate sic, ut multis remediis tractatum insigni perduret extumescencia notabile.

Superfunt humores à natura alieni, & jam putres, quos dubites, num ad Congestum facessere possint; sed videtur tamen affirmandum propterea, quod tubercula exfurgentia in ulceribus ex Congestu saepe, non ex influxu videntur profecta. Item eorundum ulcerum sordes, quemadmodum observatione quotidiana comperimus & ipsi, in tubercula coalescit: ad haec, humores Venereae luis inquinamenta etiam in Congestum, abductumque mediorum ossium, abire fassus est Gabriel Fallopius, princeps nostri saeculi Physicochirurgus.



Est & inter haec ventositas spinae connumeranda; tumor ex congestione nascens humoris putridi, partim pituitosi, partim sanguini respondentis. Argumento est, quod vitium pueris est familiare, de quo, si dabitur, etiam post haec tractabo.

His ostensionibus omnibus constat, vix aliquem esse succum à natura alienum, qui congestionem ad eum, quem dixi modum, committere non possit.

#### C A P. IV.

##### *De Causis effectricibus.*

**H**UC usque de his fere, quae pertinent ad materiam pleraque disputavimus: succedit nunc, ut causas effectrices explicemus, quas effectrices, quoniam quidem ante dixeramus facultates particulae malae affectae praesidentes. Tempestivum erit in praesenti definire, quarum vitio fiat Congestus; neque enim omnes auctores una in re consenserunt, & in varias sententias abjecerunt. Galenus enim primus, & hunc sequutus Avicenna, locis à me principio recitatis, causas non agnoverunt alias, quam imbecillitatem concoctricis, & expultricis facultatis, ad particulam incubantis. Alii vero, inter quos est Jacobus Vecherius, *in pract. medic. generali*, vitium retulerunt ad alteratricem. Alii vero ad assimilatricem, incerta suorum sententia an se creverint has potentias à concoctrice. Sed & Gabriel Fallopius, *lib. de tumor. praeter nat. c. 3.* causam aliam recensuit angustiam meatuum, qui non pateant excrementis excutiendis; atque ita, inquit, extumescere comperti sunt testes obstructione meatuum naturalium; atque, addit ad deficientem transmissum excrementi crassitiem, exemplum ponens seminis, quod, cum sua ineptitudine non expellitur, testium excitat tumorem. Ad haec numeravit & validam retentricem, quae non solum id quod utile, sed etiam id, quod inutile retineat. Verum ego Fallopium quaero, quare & non validam attractricem accensuerit pariter, cum nullum sit inter utrasque discrimen; neque major ratio sit unius, quam alterius? Mea brevibus est opinio, cum antiquis sentiendum, id est, in concoctrice & expultrice consistendum: viae autem ad expultricem referri commode possunt.



## CAP. V.

*De Causis aliis speciatim.*

**H**Aec de praedictis causarum generibus satis sunt, quae communio-rem & promptiorem habent apud omnes contemplandi rationem; secretiores enim & exquisitiores sunt, quae mox sequuntur. Enimvero una est cachexia, quae veluti fons uber solet plerumque materiam subministrare crebrorum abscessuum, siue sit vitio male affecti pulmonis, ventriculi, jecinis, lienis, uteri; quam unam causam attigisse visus est Hippocr. l. 2. *proorrh.* 17. Porro ex phthisi observavi equidem multos, tuberculis externo pectore infestatos, inter quos unus quidam adolescens auditor meus, cui mirum quam multi hinc atque hinc exurgerent: propterea crede, quod aura illa venenata quocunque exspiraret, humores, carnesque inficeret, & suo veluti fermento sublevaret: mirum enim ut nulla unquam in abdomine atque inferioribus artibus *Phymata*, sed solo thorace anteriore, posterioreve, & brachiis, creberrima spectarentur; usque adeo ut esset miserabile, ut uno vix finito mox erumperet alterum. Quam Abscessuum facilem eruptionem etiam observare solitus sum ex vitiis internorum ossium, seu brachiorum, seu crurium, ad exteriores horum partes obrepere. Intima quippe mephitis continuo exspirans, similem ad suam putredinem exteriora trahit; neque potest una pars corporis praecipua communitate, quam cum universitate habet, reliquum sanguinem non inficere; ex quo adiecto pro nutrimento partis & minime commodo, sed alieno, movetur jam fervescente suppuratio. Itaque partim halitus virulenti coinquinatione, partim sanguinis & humorum putrium materia, ut & malus corporis habitus, isthaec *Phymata* procreare potest. Item potest, & causa est, sanguis infectus à lue Venerea confirmata, cum quo marcescens etiam corporis habitus conjungitur proprius.

Ad haec & veneni, quod non occidit quidem residua vis, sed, quod corporis intimi statum dexterum evertit: potest sinistre coaffectum alterum externum pravorum succorum affusu, & fer-



fermento, *Phymata* fuscitare; sic & morticinae carnes, & cibi cacochymi, cacochymiam parientes.

Postremo, quando causae omnes hae desint, est una & à paucis ( ut à nullo ne dicam ) observata, quam primus Hippocrates docuit, sui que studiosi comprehendunt; tradux, inquam, à parentibus character, quibus scilicet genitura fuit humidior & vitiosa: quemadmodum enim figuram partium communicant genitor, genitumque, ita & aliis conditionibus, quae ad bonam malamque valetudinem, robur & infirmitatem, spectent; ad summam enim semen materia est, quae manet, & à mala semente non est laeta seges expectanda: quo Mantuanus Poeta posterior,

*Qui viret in foliis, venit ab radicibus humor;*

*Sic patrum in natos veniunt cum semine morbi.*

Fit tamen interdum, ut cum neque pater apostemosus fuerit, tamen apostematum patiendorum materiam filio tribuerit; cacochymo alioqui spermate. Et fieri etiam potest, & cum apostemosus sit parens, talem etiam filium produxerit: quam utramque rem observavi quidem non semel.

Praeterieram, quae tamen affinitate rerum subiit, causam aliam, neque etiam à nostris animadversam, aut saltem nunquam, quod audierim, memoratam, male perpurgatorum exanthematum i. e. variolarum & morbillorum, itemque superfluitatum, quae pueris & infantibus solennes sunt, naturae valentis excretiones: quas, qui non experiuntur, eorum nemo peculiare quosdam Abscessus ( poedarthrocacen à nobis vocatam affectionem ) evadit: tamque mihi certa & explorata res est, ut cum pueri offeruntur hisce malis vexati, continuo divinare possim, certus easdem vel paucas vel relapsas intro sensisse huiusmodi excretiones: fit autem ut, suppressis hisce putridis excrementis, coinquinatus sanguis, cum à natura vividior percipitur est & adversus, dissimulari non possit labes; sed e verriculo quodam ad habitum carniū, coacta congestionis aliqua summa, tradatur.



## CAP. VI.

*De Forma, & Proprietatibus istorum Abscessuum.*

**A** Vicenna *l. 4. fen. 4. tr. c. 1.* cum ad differentias tumorum descendit, hanc Abscessus divisionem prodidit; nobis Apostemata omnia aut calida sunt, aut non calida; quasi volens quidem Abscessum omnem esse, aut ex humore calido, aut frigido, extremis istis qualitatibus absolute ornatum: verum quod equidem adverti velim, dicere maluit non calidum, significans, ut metipse *l. 1. fen. 2. doctr. 1. cap. 5.* declaravit, Apostemata omnia non calida; quidem per essentiam, sed ex continenti frigida causa profecta non sic omnino esse frigida, ut putrescendo ac suppurando nequeant reddi calida; quemadmodum multa temperamento quidem frigido, vetustate fiunt rancida, atque adeo calida: quippe sicut haec materiae ratione sunt frigida, ita accidens nomine sunt aliquo pacto calida. Sic porro admisit ex accidenti calidos, & eos, qui perpetuo perdurant frigidi, non exclusit e tumorum genere.

Porro nos congestiles hos Abscessus frigidos natura ponimus; quippe qui diuturni perpetuo frigidas causas agnoscant, oportet. Deinde videtur & ipsorum propria peculiarisque ratio frigiditas; propterea quod nullus generando dolor, nullaue febris, aut febris praenunciator rigor, insequitur. Hae quidem à causis, & à generatione sunt à priori ostensiones: sunt autem & à posteriori, quod frigidas omnes symptomatum exhibent notas, & nullas omnino calidas; puta doloris, inflammationis, ruboris, pulsationis, atque uno verbo dicam, fervoris, & acrimoniae; verum diuturno tempore si in suppurationem abire debeant, hoc tacite facient; concolores erunt, compressi planique facie, minimeque secundum cutem extenuati: saniem vero crudam, ichoremque aperti reddent; seu duri seu molles in parte corporis laxa, proclivi, debili, & manus digna, nati; est & his peculiare insensibile incrementum; *crescit occulto velut arbor aevo*, quod alicubi Flaccus ait. Contra vero se habent, qui fluxione procreantur: siquidem haec, ut praemonuit Fernelius affatim fit, & sensum sui permovet, & mutationes graves, & non ocul-



tas refert, maxime si calida sit: nam & clara etiam indicia sui profert à succo frigidiore manans.

Habes jam de frigida Congestorum natura demonstrationem; verum ideo non inficiamur hos interdum accendi sic, ut colorem concipiant, & suppurationem experiantur. Etenim in aliqua paratiore multiplicis humoris congesti portione suscitata ex obliquo putredo, fermenti modo totam & sui ipsius permistione & halitu massam infarctam in suam, quae calida & semiputris est, naturam trahit ac rapit; verum accidit etiam ejusdem materiae inertia, & acrimoniae vacuitate, ut nullum unquam ad putridam affectionem arripiat gradum: quod utrumque tum in Abscessibus atheromatum, tum in luis Venereae gummi videre licet.

Alius quoque character istorum Abscessuum est, quod in unaquapiam civitate private se congerunt iidem, id est, inter cutem, & carnem; inter carnem & vasa; inter spatia musculorum & alia. Porro sunt & alterius generis Abscessus, qui calidi cum sint insigniter, carnes inflammatione correptas, & in pus versas, atque liquatas cum nobili substantiae detrimento relinquunt: quod in Abscessibus sub cavitate naturali congestis non reperies; nisi si ex longa saniei coinquinatione, & contrectatu, id evenerit. Porro *Cyrtomata* haec appellasse mihi visus est Hippocrates, quod sublata e carnibus cute, gibbosin quandam varicibus similem referunt.

## C A P. VII.

### *De Generationis modo.*

**P**Hilosophi, disquisitores naturae rerum exacti, lapidibus, metallis, unguibus, & pilis, corporibus nimirum, quorum nulla vegetatio est; etiam si vulgo appareant augeri, nihilominus legitimum augmentum denegantes, decreverunt illa, quae sensus monstrat, incrementa fieri; quod his substantia consimiles particulae, a sua singulorum scaturigine, aggregentur, & compositae compingantur, extrinsecus quidem non intrinsecus additis incrementis. An igitur ad hunc modum fit Congestus nostri procreatio? sed certe secus apparet insipientibus nobis intime rem: differunt autem utraque in pluribus. Primum enim ante  
sup-



supposito, quod in re nostra generatio est, & nutritio: sic succus nutritorius, quamvis inquinatus sit, & superfluous, tamen adhuc est in naturae sinu. Quare dirigitur ab ista, & per poros intrinsecos effunditur agitaturque alimenti vice; sicuti loquutus est Joan. Fernelius, & hoc quidem citra congestionem: quando vero supra sphaeram particulae congeritur, & coagumentatur, hic humor, neque etiam indiscrete ac temere fit, & vulgo; sed praesenti calore commassatur, & componitur utilis materiae modo. Argumenta sunt anomali tumores, atheromatium, steatomatum, & meliceridum; quibus non sine congestu creatis, propterea cystis inducitur, quod non destituit ista calor. Itaque vides discrimen longe vastissimum inter imperfecta, meteoque, corpora, & congestionis nostrae materiam. cognoscis insuper & modum, quo generatio ista procedit.

## C A P. VIII.

*Definitio Congestus.*

**E**ST ex his omnibus ante productis una definitio colligenda, quae veluti compendium quoddam, & summa sit omnium, quae contemplatur homo, suo nomine *Congestus* intelligere debeat. Si igitur memoria nos non fallit eorum, quae ante statuimus; *Congestio est coacervatio lenta humoris in parte, quae nutritur, inquinati, ac superflui, vel vitio advenientis materiae, vel uniuscujusque facultatis naturalis, sive quae non perficiat, sive quae non expellat, vitio*: haec *Congestus* morborum definitio est ad sententiam Aristotelis, lib. 4. meteor. & Galeni, in opere de naturalibus facultatibus, tradita; quam facile ad tumorem ipsum congestilem, ubi lubeat, accommodaveris.

## C A P. IX.

*De differentiis Tumorum à Congestu.*

**I**AM dixi duplicem *Congestus* modum: alterum, qui solius concoctricis facultatis vitio commissus est; qui simplex *Congestus*, & proprie dictus est: alterum vero, cum congerit qui-



dem pars non à se manantem humorem, sed aliunde profectum, & non concitatum quidem, sed consistentem. Si placet igitur haec divisio, poterit haec ex his doctrina constitui. Uterque modus & suppurabilis est, & suppurationis expers: hoc in Libro nos eum, qui suppurabilis est, potissimum exponemus; quippe qui minime tractatus ab aliis est; & majoris nomenti videtur.

Addidit, & Gabriel Fallopius in *tract. de tum. cap. 5.* differentiam alteram, quae est: congestionis tumores alii sunt ab intemperie occulta; qualia luis Venereae sunt gummi; alii sunt vitio debilis expultricis, valentisque retentricis; quam rem in tumoribus ex semine diu retento se dicit observasse. Hae sunt inter plurimas differentiae *Congestus*, quas semper spectantes singulariter ad curationem nos Medici deligimus.

## C A P. X.

### *De modis Magnitudinis, & Formis.*

**H**Orum Abscessuum universe commensurum mea quidem observatione modi, qui ad magnitudinem spectant, sunt quadruplices; singuli sedibus, causis, & symptomatis, distincti. Quidam vasti sunt ita, ut si artus corporis occuparint, plurimam horum partem sint circumplexi. Manum homini Eubaeo usque ad cubitum suppuratam meminit Hipp. in. 5. *epid. num.* 16. Si vero corpus medium, quod infrequentius est, obsederint, late se exporrigent; sub cutem, ut plurimum, integram fusi, neque intra muscutorum interstitium defixi: de quibus haud equidem ullum comperi de Graecis auctoribus, qui explicite scripserit. Secundi magni sunt quidem, sed istis plerumque minores, quorum effluvium e media muscutorum intercapedine videtur exilire, *Aposcemmata* vocata Veteribus; febrium longarum soboles. Maximus ex hoc genere praefectus est à me, sub inguen, Reverendo Patri Bibae Sacerdoti Jesuitae, cum copiosa saniei viridis manatione, cujus nulla apud quosdam alios Medicos fuerat opinio. Tertii sunt mediocres, atque exstantes, quam alii magis, certis tuberum capitibus interstincti; quos propterea equidem *Cyrtomata* consuevi dicere; non autem generali



rali significatione tumorum omnium praeter naturam: quae vocata per Hipp. ut censuit Gal. 2. *prognost. comm.* 4. sunt quaedam *Phymata*, non plus ovo intra anserinum, & gallinaceum excedentia, ut parotis: sunt autem, & qui multo minores sunt, sed crebritate parvitudinem compensantes; qui plurimum per superiores partes corporis visuntur, suppuranturque non sine rubore, cum ad id, quod non brevi fit tempore, perveniunt; ut in Iosepho Thomae Portii filio, & in Josuae Amicangeli Neapolitani caesarum Patroni filio: sunt autem, & hi recidivi Abscessus plerumque; quod in Francisco Antonio puero Vincentii Vulturalis filio, atque in aliis nonnullis, comperi. Subest autem his (quod Celsus ait) ex sanguine & sanie concreta caruncula, putris fungeum & mucosum concrementum ferme referens; unde & strumosa vulgaribus putatur affectio.

Posteriores hi duplices cum febre non sunt necessaria conjuncti, quae priores perpetuo solet insequi; postremi cacochymis, alii, si aposcemmata exemeris, cachecticis, & inopibus; qui durius cubant, frigorisque & ventorum, & subdiales patiuntur injurias, per famem omnia ingerentes, laboribus ad summam, & aspero vivendi genere, confecti. Ex his obtigit nobis in Valetudinario curandus quidam, qui & in summo capite, & facie, id est, gena & oculorum angulis, & cervicibus, & jugulo multos ejusmodi abscessus, pertulit: res, quae plurimam admirationem paremque misericordiam plerisque movit, homo palustris in Capuono cultor & incola. Adnumerari & his praecipue mediocribus spinam Arabum, & gummi Venereae contagis, licet; quae utraque peculiari quadam & insolenti conditione tumoris ossa prius, quam carnes, vitiant & corrumpunt.

Sunt hi quidem vitii contumaciâ mali, sed nihilominus vitae sua natura vim non inferunt.

Haec brevi de frigidorum Abscessuum formis, & necessaria tota dignotione. Interim vides, esse nobis longe aliam opinionem, quam Eustachio Rudio; qui *Congestionem* ad tumores, quidem magnos raro, frequentissime vero ad exiles, censuit spectare.



## C A P. XI.

*De Sedibus Congestus communibus.*

**Q**Uas autem partes corporis obnoxias, & subditas huic affectioni dicemus? certe illas, quae debiles, & imbecillae suapte natura fuerint, id est, quae calore nativo, & carne, ac sanguine, lactissimis fabricae nostrae portionibus, minime participant: talia autem sunt ossea, cartilaginaea, membranea, nervea, & ut semel dicam, partium albarum omne genus. Praeter intemperiem nativamque debilitatem, est laxitas, utpote articulorum & adenum, adenosorumque locorum, intercapedinum omnium, compaginum, & contexturarum, & praecipue musculorum, & vasorum. Tertio, quae sunt in extremo, & infimo corporis loco; quae veluti Septemtrionis partes à Sole, sic ipsae maxime distant à fonte caloris. Ad haec, quae agitantur, & motui sunt obnoxia, ut carpi manuum, in quibus recte dicunt omnes fieri ganglia, lupias vulgo dictas, melicerides, atheromata, steatomata & hoc genus. Postremo loco omnia, quae doluerunt, aut aegrotarunt impense; ictus, allisus, contritus, graves contrectatus, distractus, distentus, gravatus, exagitatus, & violatus ex vulnere, ulcere, fractura, & Abscessu, omnes denique offensas recepere, ac sustinere: hoc omne genus non naturale, ac naturale, partium sic descriptum, consuevit esse Congestibus opportunum.

## C A P. XII.

*De signis Congestus.*

**I**NDICIA, quae Congestilem Tumorem ostendunt, auctore Nicolao Florentino, Viro in describendis tumoribus omnium disertissimo, sunt haec.

Primum praegressa causa, quae non proximo tempore partem infirmavit, debilitaveritve.

Secundum, lenta progressio de minima extumescencia ad majorem, sed occultis tamen incrementorum momentis; atque haec,  
ubi



ubi apparuerint non in dies, sed in menses, & longa temporum curricula.

Tertium, nulla extumescencia venarum, quae in ambitu sunt, insignium aut mediocrium. Verum enimvero venarum capillarium, quae prius quidem non exstabant, jam exstant; non sine istarum, licet exiguo, propter distensionem, dolore.

Quartum, nulla apparens plenitudo corporis, aut partis superioris sive situ, sive dignitate.

Quintum, pars à principio, usque ad computrefactionem humoris, concolor cum toto, & aequalis temperiei: à putrefactione vero, non concolor, & inaequali intemperie, dolens impense. Coge haec versibus, dices:

*Haud praeit; augetur lente; non vena tumescit;  
Non plethora subest; pars concolor undique toti.*

### C A P. XIII.

#### *De signis suppurati Congestus.*

**Q**Uoniam vero praemonstratum fuit ad suppurationem plerumque verti *Congestus*, quod nos genus instituimus praecipue curaturi; ob id trademus hic brevem dignoscendorum eorundum rationem: quae quidem facilis admodum non est, neque aliorum communis: vidi equidem plerosque Viros in arte medendi non parum exercitatos in hac re falsos, nimirum, qui suppurationem non cognovissent, quae jam erat; usus autem, ut aliorum multorum, sic & istius rei magnus magister, & demonstrator, est. Quaeres autem unde difficultas? sed hanc docet Hipp. *in aph.* dicens; quod pus in Abscessu latens, vel propter loci crassitiem, vel propter profunditatem, percipi non potest. Nihilominus praesens aliena materia se declaret oportet aliqua sui affectione, pertinente ad sensum tactus, visus, auditus, vel ad sensum interiorem: unde inquit Hipp. *lib. de off. med. princ.* Aut similia aut dissimilia, à principio, à maximis, à facillimis, ab his, quae undiquaque penitus cognoscuntur, quae & videre, & tangere, & audire licet, quae & visu, & tactu, & auditu, & naribus, & lingua, & intelligentia senti-

re



re licet: quae & quibus cognoscuntur omnibus cognoscere licet. Itaque quod ad tactum pertinet, impositis utriusque manus digitis, & vicissim nunc illic compressis, atque sublatis, fluctuatio inter utrosque exploratores sese monstrabit humoris: deinde unius etiam manus digitis prioribus longis cedentem aliquem mollitudine locum comperies: sic & visus aliquam inaequalitatem cognoscet: auditu vero rescies ab aegroto, si quod pondus aut mobile, vel respondentem his aliquam affectionem per id loci persentiat. Ad deprehendendam vero suppurationem Hipp. l. 1. de morb. n. 12. & l. 3. n. 27. & Celsus l. 8. c. 9. docuerunt imponendam terram figulinam aqua commassatam, ut hac post aliquod tempus abstracta, cognoscatur, qua parte magis resiccata se monstret: ubi enim ficcior reddita fuerit, ibi suppuratio respondebit. Disertius autem de hac eadem re nos in opere de *Inermi Chirurgia* pertractavimus.

## C A P. XIV.

### *De Praesagio.*

**P**raesagiendi ratio, quae communis est Abscessibus aliis, non est, ut à me pluribus attingatur; Praesagia duntaxat majoris momenti persequar.

Non carent periculo Abscessus omnes à *Congestu*, qui cum cachexia sunt conjuncti; sic horum propago mala est, & veluti radix.

Febricula, quae his assistit & mala est ipsa, & malos etiam Abscessus arguit. Rari autem sunt Abscessus diuturni, quibus febris non sit adjuncta: & partim quidem communi utriusque causa cachexia, partim puris in exhausti perenni exspiratu; quod quidem pus in magno Abscessus sinu affluat.

Declarat pus infinite manans commoriturum cum morbo aegrum; praesertim si cum malis aliis indiciis enerves hominis vires appareant.

Circa spinam dorsi mali sunt omnes Abscessus magni. Apostema magnum dorsi spinam attingens, hanc plerumque distorquet in gibbum, ut observavi in Margarita Blanchina; in scoliosin vero, ut in Jo. Baptista Josuaci Amicangeli filio.

Cir-



Circa articulos ac nervos consistens hoc vitium, ni mature praevertatur, mutilet membri mobilitatem time.

In diuturnis exile malum est fistula, si vitae periculum nulum sit, ut in Abscessu nostrae Heroinae RIBERAE.

Si febris absit minime perniciosus est morbus.

Tumores per Congestum singula sua tempora quam longissima habent, Roder. Fons. *tem. 1. conf. 31. p. 111.*

## C A P. XV.

### *De Praeservatione,*

**Q**Uoniam quidem duplex Medici providentia est; altera praesentem morbum eximendi, altera vero futurum, aut recidivum, praevertendi: cadit haec posterior cura singulariter in liberandam congestili vitio particulam; utpote quae facile redire in ejusdem mali servitutem, & incursum potest: nam si debilis à primordio vitium subire potuit, quanto etiam magis cum à morbo reddita est multo debilissima; itaque & hoc quoque studium exercendum in hac re est, ut ne recidivam aliquando recipiat particula: quod ubi facere volueris, via prompta est, occurrendo causis opificibus, & eas turbando, ne Congestum perficiant; quoniam autem affectus procreatio ad concoctricis, expultricisque, debilitatem refertur, utraque autem, ut Hieron. Fabricius *in l. de tumor.* advertit, ad unam intemperiem cadunt, eapropter inventam hujus qualitatem sui contrarii remedii usu corriges. Quoniam autem ut plurimum frigida est, quippe quae una cruditatis & torporis fautrix, & altrix est; deinde non sicca, sed humida, propterea quod cum materia non expulsa conjuncta: ob haec remediis aliquanto calidioribus, & siccioribus uteris; verum ea lege, ut cum adstringendi roborandique alia facultate sint conjuncta: tale singulariter Indum Gummi Tacamahaca, & Gummi Guajacan, est, Agallochum, Bryonia, Calamus aromaticus, Crocus, Cypressus, Cyperus, Lentiscina resina, Rosmarinus, Succinum, Vernix, & alia hujus generis. E compositis maxime probantur oleum e Lateribus, Crocinum & Juniperinum, exstillata.



## C A P. XVI.

*Curatio Tumoris a Congestu in universum.*

**T**Umori quidem à Congestu, licet, quatenus tumor est, conveniat materiae transpositio, de qua re fuse Nicolaus Florent. ubi de curatione Apostematum generali; nihilominus haec, praeterquam quod plane non succedit, etiam detrimentosa esset: siquidem eo concessio, quod *Congestilis* quicunque tumor producit plurimum vitio concoctricis, & expultricis, partis ejus, in qua est; sic humor tumorem creans frigidus, & pituitosus est, itaque crassus, viscidusque, & valde impactus, quem quidem in spatiis mediis partis, & extra vasa, contineri diximus; ex quo loco sic haerentem, quae repellens medicina transponat? Quin etiam si repulsus successerit, incommodus erit: quandoquidem applicitus frigidorum, concoctricem partis aliqui debilem, amplius debilitare posset, & nonnullam Congestionem causam addere. Adde quod posteaquam congestus totus esset humor, tumorque redditus magnus, aliud ex pulsu sequeretur incommodum: nam dato, quod succederet per pulsum evacuatio, haec & dicta humoris crassitie, & loci profunditate, & partis impotentia, fieret admodum pauca; & interim residua portio magis incrassaretur, addensareturque, ad alias tumoris artis, tum naturae vacuationes, contumax: quas ob res major ex his esset noxa, quam adjutatio.

Similiter & tractus in Congestis inutilis est, vanusque perspicue; nam si pulsus proxime non cedit humor, quo pacto cesserit tractus e longinquo?

Verum enim vero transmissus in Congestione tollenda non vulgariter commendatur, quin necessarius est, & singulariter proficiuus; quo scilicet & partis infirmitas roboratur, & laxitas cogitur: quibus adjumentis ipsa & quod congestum est aliqua parte trudere, & quod congerendum erat, castigato vitio non concipit. Veruntamen ut haec vera sint adhuc, nonnulli voverunt in tribus casibus administrari posse transpositum, in unoquoque tumore per Congestionem creato.

Primum quando certus esset Medicus, quod per transponendi



di operam congesta materia derivaret ad membra viliora.

Secundo cum nulla existente plenitudine in universo corpore, etiam neque haec inesset parti communicanti cum extumescente loco, & tumor interim esset parvus.

Tertio cum materia congesta esset calidior ac tenuior, & à causa calidiore producta, puta intemperie; quamquam casus hic perrarus est, & insolens. Adde si eadem materia sit pauca, sic enim tuto liceret hanc repellere.

Addunt & nonnulli quartum, quando scilicet esset dubitatio de complicatione fluxionis à parte aliqua, quo casu licet uti tractu, licet & uti transmissu; nec alii excludunt repulsum, praesertim in viis mediis, cum aliqua stypticorum admixtione parato medicamento.

Verum enim vero misso transposito, qualis est descriptus, tutissima inter omnes, atque expeditissima curatio est per discussum humoris & excussum. Discutientia autem late pateant, ut in nostro *Pharmacochirurgico* expositum est; illa intelligo, quae conjuncta sunt cum attrahendi facultate. Talia autem uno nomine dixerunt Veteres absorbentia, quae raptum à se humorem eam, qua gaudent dissolvendi vi dissipant & absumunt sic, ut exhausta, & libera, pars restet; sunt autem haec *cit. l.* descripta.

## C A P. XVII.

### *Curatio specialis Abscessus a Congestu suppurati.*

**P**roprium, & peculiare est Abscessuum, quos primo posui mole maximorum, ut subsit his profundior alienus humor sub cute: haec vero nil vitio subjacente detrita, vel extenuata, quin plerumque turgidior, altiorque sit humore aliquo in se ipsam absorpto. Admirabile id quidem, at non ei, qui consideret ignavum, & minime acrem, aut erodentem, ichorem adversus densum compactumque corium nil posse prevalere; sed stagnantium aquarum modo potius in latum, quam in sublime, divagatur. Ob id igitur quod crassa, & inviolata cutis est, sub hac altius infixio scalpro, distractisque incisione partibus, gravis excitaretur dolor. Quam ob causam consultius



visum est fieri nostris Professoribus, si candente ferramento aperiantur hi Abscessus. Quam rem cum & nos approbamus, illud tamen observandum volumus, ut, simul ac suppuratio prima appareat timidus non sit, neque tardus unctionem admoliri, Chirurgus; quin etiam si me audiat, comperiet saepe numero suppuratam plane materiam, quam vix suspicatus fuisses Abscessui propinquam. Illud ad unguem comprobatum est in Abscessu, qui sub homoplatas ortus est Caroli Francisci Mirabilis Medici vigilantissimi filio: in quo cum suppuratam materiam minime crediderunt omnes, adhibito per me acuto cauteri, copiosa reddita est à vomica sanies; quantum autem periculi, dum dormitat Chirurgus, si exterior Abscessus cum interioribus communicet, & in ventrem finiat anabrosis. Quo Cardanus *in arte parva* p. 251. exteriores Abscessus, qui interioribus communicant, antequam suppurent, sunt secandi: minus enim periculum est in difficultate sanationis exterioris ulceris, quam in corruptione viscerum à sanie. Haec ille, quae res ad unguem comprobata est jampridem in Matthia Cedruto Marilianensi perillustri Viri Domini Prosperi Suardi famulo, cui natum, juxta superiores vertebrae lumborum, Abscessum, cum crudum judicasset famatissimus quidam Chirurgus Neapolitanus, in nosocomium nostrum advecto secantes nos scalpro candente penetrantem in cava pectoris invenimus; argumento quod in cruentam & albam sanie vis compulsi spiritus identidem redderet. At neque si crudior sit Abscessus, nihilominus per ignitum scalprum aliquid detrimenti feceris: verum inimicae putredini fomentum, qui calor est conclusus, abstuleris, & partem in dies exhauriendo, atque exsiccando, nervos, tendines, musculos à vitii contagio vindicaris. Imo si vero de gummi syphiliis sermo sit, & cariem anteverteris ossium subjectorum, quae mirum quidem ut vitata reperiantur saepe, nullo forinsecus apparente, quod te id docere teredinisque certum reddere potuisset. Comprobatur autem & ratione, ut id fieri possit non difficile, & re ipsa factum per saepe vidimus. Ratio quidem ea est, quod interdum humor antipathiam habeat peculiariter ad os, quemadmodum usu venit, & in spina morbo ab Avenzoar, *l. 2. c. ult.* vocato, in quibus utrisque morbis, spinae inquam, & Venereo, visum est per virulenta illa seminia prius ossa vitata, quam carnem aut cutem,

ut



ut propterea mirum non sit vitiatum primum dura quam mollia, five id factum sit computrescendo, five corrodendo; quod in Agnello Josephi Pagani filio vidimus, cum Francisco Nola Medico Neapolitano, quem honoris causa nomino; atque in Josepho quadrimo filio Thomae Portii, cum Mario Schipano Medico plane nobili. Sed & Catharinae filiae Joannis Gregorii Bibliopolae, septem annos natae, duplices Abscessus & in sinistra gena, & in pectoris osse, procreati; vix crediti fuerant ab ullo suppurabiles, nec dum jam vere suppurati, cum à me discissi ferro candente reperti sunt os vitiatum continentes: adeo scilicet imponit ejusmodi causa continens multis. Res autem dum ageretur & postquam acta est, cognovere probatissimi nostrae Urbis Medici, Joannes Dominicus Comes, Matthias Magliocchus, & Horatius Thesaurerius, Collegii Salernitani Medicus; qui testificari alias potest, me sibi filium primogenitum ex immaturo brachii Abscessu, maturo id est praepropero, ne musculi contererentur, infectu praeservasse.

Haec prima curandi ratio chirurgica est ad Abscessus, cute adhuc integra obductos: medicamentaria ad jam apertos restat exponenda, quae suas etiam adversiones recipit; praesertim vero penes nostros Medicos, qui vel non discreta vel neglecta causae continentis, & morbi, natura, contraria atque inversa, quam indicationis recta ratio petat, medicamenta adhibent. Incredible apparet, quin potius miserabile, quando non intelligunt contraria contrariis esse adhibenda; axioma, quod nemo agyrtarum, & circumforaneorum Medicorum ignorat. Sed hoc ignorare videntur aperte propterea, quod Abscessus calidos ac frigidos unis eisdemque pharomaticis aequè tractant: nimirum ex oleo Rosaceo, atque Ovi luteo, misturam utrique tumorum generi inflammatorio, postquam aperuerint, indiscriminatim adhibentes. Digestivum igitur hoc, quod vocant, vel calidum, vel frigidum: utrumque dixerint, vel calida calidis, vel frigida frigidis curant hi homines. Dicent hoc neutrum extremorumque medium, sed nihilominus instabo; & quomodo absolute extrema neutris aequè curanda? an exquisitè medium est illud? sed hoc plane falsum, nam frigidum verius, quam calidum; nec dico quidem actu, quod etiam problema exercitari posset, sed etiam potestate quippe & numero, & quan-



titate superant & praeponderant frigida, id est, rosaceum ovi vitello. An non igitur horum mistura, quam adversus calidos Abscessus usitarunt, ad frigidos saltem intendere calidis additamentis, quale *Crocus*, & *Propolis*, & *Styrax*, & *Mel*, est, deberent? Sed quod inexcusabilem istorum imperitiam facit, est, quod non quatruiduo vel octiduo medicamento finiunt usum, sed ad unum alterumque etiam mensem. Etenim, ut tum humoris assidui conditione, tum medicamento, non coquitur sanies, sed tenuis in longum manat: ipsi, qui credunt concoctorium medicamentum, ut coquat, etiam in longum tempus imponunt; id quod cum praestare nequeat, infinite etiam adhibeant oportet; donec, quod saepe fit, aut errata medentis corrigat natura, vel in fistulosam speciem abeat ulcus; quod quale detrimentum malumque sit iudices Lector. Ita quidem hi homines, quod Gal. l. 3. *meth. meden.* de Thessalitiis conquerebatur, sanabile brevi sua natura vitium reddunt insanabile. Estque hoc quod narro non raro quidem à Chirurgis nostratibus patratum, sed vulgo etiam & quotidie; atque id equidem adversus celebrem quendam hominem, nam Medicum appellare religio est, adverti Februario paulo prius exacto cum doctissimo Medico N. N. nostri Gymnasii Professore; qui ut homo est tam ingenuus, quam eruditus, non admirari non potuit turpem hominis ignorance, nostrumque seculum, gentemque nostram, qui nomine omni praeterquam recta scientiae aestimatione moventur, ut indoctos homines pro praestantibus habeant atque praedicent; praestantes vero iudicii ineptitudine, & perversitate, pro iis, quales vere sunt, non agnoscant. Sed mortuos finamus, ut ait Servator, sepelire mortuos suos, ad causam nostram redimus. Debent emmota, quae frigidis Abscessibus imponuntur, consistare calidis, quae tum concoquant, tum expurgent. Sed prius quidem concoctoria exiguntur, tum humoris frigidi, qui creavit Abscessum, nomine; tum etiam quia praematura fuit operatio, quae paulo minus quam crudum tumorem aperuit, ejus rei studio & cautione, quam dixi. De concoctoriis nos in nostro *Pharmacochirurgico*, quod propediem edetur plene differuimus: itemque & de expurgatoriis, quae concoctoriis succedunt. Ibi locorum pleraque usu maxima de hac re leges. Interim scire licet ulceri ambusto tres dies, *Olei Amygdal.* & caeteri compositione curato, mox immit-

ten-




tendum in penicillo *ceratum aureum* oleo *cerae*, vel si id non placet, *oleo ovorum*, dilutum; quibus satis nutritum, ut Celsus vult emollitumque vulnus, post haec expurgantibus vacuandum. Usus ego saepe feliciter sum *Barba capri madesacta per oleum*, aut cum *succo Cyclaminis*, si medicamenti vires intendere velis. Quo purgato ulcere sequitur, ut impleatur, id quod pulvere *sarcotico* belle fiet: aegroto, commodam, honorificam tibi, viam hanc experieris.

## P E R O R A T I O.

**H**Aec ego raptim quantum ingenii mei tenuitas comprehendere potuit, conscripsi: quae equidem proferre libuit non tam ab exacta rerum commeditatione, quam fida in multis hominibus observatione profecta. cum autem ego primus, & sine duce rem hanc tractarim, si qua in re minus satisfecerim, aequior mihi iudex esse debebis Lector.

F I N I S.





## DE ABSCESSIBUS ANOMALIS

LIBER UNUS,

Qui est Operis, de selectis Abscessibus, III.

EODEM SEVERINO AUCTORE.

P R A E F A T I O.



Abscessuum *praeter naturam* omnium duplex ego genus facio; Simplicium scilicet & Multiformium. Sed simplices quidem nullos opinati sunt alii, qui censuerunt Abscessuum naturam eam esse, ut comprehendat omne genus morborum in unum acervum aggregatorum. Verum aliter nos, qui volumus simplices esse, quorum omne vitium fluxile est, & qui ad unum praevaricatum, atque etiam alienatum; referuntur humorum, qui de conceptaculis exierint vasorum, & in loco quopiam coacervati fuerint, sive per Effluxum sive per Congestum. Multiformes vero diximus eos, qui praeter humorum interventum, qui obscurus & discors à communi plurimum est, substantiae insuper solidae praeter naturam praesentia sunt instructi; quod, quia praeter communem omnium rationem legemque fit, ob id placuit *Anomalos* appellare: de quorum insolenti natura, causis, procreatione, atque universa ratione, nemo ante nos plene disputavit; sed pauca admodum, & obiter unusquisque de his attigit: quod factum judico non sine artis detrimento, atque injuria rei, quidem inter multas dignissimae ac plane mirandae adeo, ut, propter enormium contentorum varietatem, Magicis haec artibus fieri vulgus opinetur. Quam ob causam adverti in hanc rem animum, notavique aliquot, quae subiêre, sic ut libellum conferim. Utinam autem, ut non parum laboravi in argumen-



mento difficili ac novo, sic eam rem pro dignitate fuerim assequutus ! utcunque exercebis tu me legens iudicium amice, suscitaverim ego tuum, aut aliorum, ingenium, ad excogitanda meliora.

## C A P. I.

*Divisio Abscessuum, & qui sint ex his pertrahendi.*

**E**X solutae unitatis, & magnitudinis auctae, genere composito, (quod commune Medicorum omnium decretum fuit) conflatur apostema, sive apostasis graece, Abscessus latine: sic quidem dictus auctore Galeno, *in l. 2. ad Glauc. cap. 5.* quod huius vitio abscedant à se ipsis, quae se invicem contingebant corpora, humida, vel halituosa, vel mista, substantia dissolvente. Et humor quidem contiguas partes distrahit, vel dilatata cavitate, in quam incidit, naturali, vel alio, & insolenti sibi comparato sinu, postquam suppuratas carnes liquavit, quas prima inflammatio corripuit: hoc quidem usu frequentissimum genus Abscessus est, cum phlegmone conjunctum. Alterum vero, ipso adnotante Galeno, *lib. 14. meth. med. cap. 12.* est cum, nulla praecedente phlegmone, humor aliqui statim ab initio, isque alius specie alius, caeterum omnino acris, in parte aliqua colligitur. Porro excoriat hic circumposita corpora, spatium videlicet sibi moliens, vel inter duas tunicas, vel sub certis membranis. Excoriat autem omnino ipsa copia distendens; interim vero acrimoniam quandam putredinosam tempore contrahens. Sane inveniuntur in huiusmodi Abscessibus, cum scalpello sunt divisi, proprietates quaedam non paucae, nec humorum modo, sed etiam solidorum quorundam corporum. Siquidem unguium, pilorum, ossium, testarum, lapidum, & pori, fragmentorum similia, inventa in his corpora quaedam sunt. Ac humorum ipsorum alius veluti lutum, vel coenum, vel olei quidam limus, vel vini faex; alius adeo graviter olens, ut omnes averfentur: verum haec rarius incidunt. Frequentissima vero huius morbi sunt tria genera, quorum singula propriam appellationem graece sunt sortita. Ea sunt Atheroma, Steatoma, & Meliceris, à simili-



tudine contentarum in tumoribus substantiarum dicta; est enim aliud eorum veluti sebum, aliud veluti mel, aliud pulticulae, quam atheram vocant, simile; quae quidem teste eodem *l. de tumoribus p. n.* ab aliis inter Abscessus reponuntur, ab aliis verò ad aliud genus referuntur: haec ille; quae verba quidem autographi modo semel in hanc rem producere visum est nobis, qui pertractantes istiusmodi Abscessus sine phlegmone nascentes, quando communi nomine careant, operae pretium rati sumus facere, si illud adinveniremus. Ad extremum autem unum vocavimus *anomalorum* propterea, quod ad unam aliquam quaternionis sive humorum, sive tumorum, principum speciem referri, praeterquam per aliquas ambages, non possunt; quos eodem Abscessus vocavimus & *Foetabula*; cuius nominis ratio commodiore mox loco referretur, prius enim aliqua praemonstrare oportuit.

## C A P. II.

*An secundum naturam, an praeter naturam sit haec affectio.*

**D**ifficile autem deliberatu videtur, num secundum naturam, aut praeter naturam, censenda sit corporis haec affectio; utrumque enim affirmari fas est: secundum naturam affectum aemulari apparet propterea, quod inter omnes tumores maxime ad naturam accedunt, amiceque, aut minime omnium hostiliter, in multos annos, nobiscum hospitantur: quod si ullam aliquando molestiam inducunt, id quidem non pravitate sua, sed incremento ac distentione accidit. Deinde membraneis amiculis veluti res utiles, & veluti foetus momenti est, ut venis hifce nutriculis perpetua suggeratur alimenti materia, veluti matrix quaedam subdita est, quam & radicem interdum appellavimus: quod conservandae rei studium in natura provida non minimum atguit: quas ob res non inepte neque inconsulto puto factum, ut *natae* graeco *phymati* respondente nomine fuerint designata; quam vocabuli rationem amplexus est & Fallopius, *lib. de tumor. praeter natur. c. 10.* Ast Natam Joannes Manardus & Jo. Tagaultius sub Steatmate censuerunt; falso autem & ci-  
tra



tra etymologiae dignitatem *naptae* ab aliis quibusdam ; *naptuae* vero Jo. Manardo *l. 7. epist. 2.* & à Jo. Lang. *l. 3. epistol. 4.* sunt dictae. Licet autem quidam hanc ipsam *natae* nomine , ut Joan. Langius ; alii *naptae* ut Theophrasti interpres Dornaeus ; alii vero *nasdae* & *napae* , ut Conf. Tigurinus vocaverint : attamen cum hujus nomen nullius certae originis videatur , nisi quod ipsa naturae nomine se tueatur , hinc docti Viri , quo referrent nomen , incerti fuerunt. Illud tamen demonstrationes omnes superat , quod causae in his procreandis sunt omnes naturales ; efficiens , quae natura formatrix ; materia , quae suavis & mitis , ut pinguedo & mellea substantia ; forma , quae membraneum opificium ; finis , qui Foetabulum quoddam , & Germen est. Verum enim vero , contra est Galenus , qui *lib. 3. meth. med. cap. 1. & l. 14. ejusdem cap. 13. & 17.* tumores hos dixit toto genere praeter naturam , & totis substantiis , ut ipsemet explicet , dispares , id est , à constituta naturae corporis idea diffiti ; heterogenae & aequivocae solidae substantiae concrementa , quod uno verbo alienum proprie dictum , appellavit auctor *Isagogici c. postremo.* Aliud etiam retulit Hieronymus Fabricius memorato jamdudum loco , quod est , quia vena sola nutrix observatur sine arteria ; unde fit , ut materia , quae his Abscessibus est , non vertatur in naturam humorum , aut formam ipsius partis , quae destituta est calore naturali , ac vitali , qui communicatur per arterias , qui in his Abscessibus nullae sunt ; haec iste. Verumtamen haec non faciunt , ut *Germina & Foetabula* quaedam , secundum aliam communio rem naturam , esse non possint eadem.

Ad summam autem mihi videtur illorum natura inter alienam & animatam conditionem media : nempe natura procreatrix neque hanc in animantium sortem , in quam comparata non erat , dignata est : neque prorsus abalienavit , quae nil in cassum abire permittit : eam excogitavit formam , quae conjugium utriusque retinuit ; materia scilicet se substernente , quae non sic ex humida proprietate infirma sit , quae calori putrido subjiceretur ; neque tam firma , quae plena valeret obfistendi virtute. Itaque cum visciditate non nihil etiam utilis succi comprehendentem hanc massulam , neque in totum à natura dissentaneam , aliquando dignatus calor , qui corpori nutricando , & his quae ad nu-



tricatum spectant, praeest, non abiecit; sed sepositam suis interdum radiis illustravit, atque aliqua formationis sorte donavit. Quibus apparet communem formantem facultatem ab ipso formationis tempore non destitisse, sed ad omnem vitam munus suum extendisse; quemadmodum acute monstravit Laurentius Jubertus, *in paradoxis*; nil contra operantibus quibusdam doctis, qui placitum exercuere: cui placito nisi fallor & Gabriel Fallopius accessisse videtur, *l. de tumor. c. 15*. Ad hunc modum membrana, quae in tunicam servitura Germinis illius erat, conformationem accepit. Hac item ratione fit, ut peculiares laudabilioribus hisce *phymatis* radices sint, id est, venae & fibrae; unde perpetuum incrementum capeffant eadem.

### C A P. III.

*Ad animantium, an ad stirpium, naturam accedant  
hi Abscessus?*

**I**Nvestigantibus igitur jam nobis Abscessuum istorum naturam, & conditionem, id, quod primo se offert est ipsorum auctio à parvulo; quae auctio quemadmodum inspectio docuit, non est quidem per continuam particularem appositionem, vel per dilatationem, impletionemque, pororum, & ex infarctu distentionem; sed per nutricatus veri conditionem, qui dubius tamen, & anceps, est, num plantarum, num animalium modo fiat. Animatae quidem rei videtur generatio, quia vena quaedam nutricula, velut umbilicalibus vasis, suggeritur in hoc nutrimentum; sed nihilominus non animatae rei nutritio est, si quidem arteria venae comes deest: quod acute advertit Hieronymus Fabricius ab Aquapendente, *lib. de tum. append.* Quoniam igitur appendiculum quoddam est hocce genus; an fit veluti muscus in arbore, vel viscum, quod non sua seminat arbor? atque adeo stirpium instar erit huiusmodi accretio? praesertim, quando ad extremum corporis habitum plurimum excitari consueverint haec Phymata. *Phymata*, inquam, proprie dicta, secundum graecam literaturam, id est, communia quidem illa, non qualia speciatim à nostris Medicis usurpari consuevere. Rursum autem, quia germen est quaedam fructus species, ad stirpium



pium privatas partes referemus; qualis vel ulmi folliculus est, vel pruni fructus sine semine, quae anticipans est arboris luxuries. At satius rectiusque fuerit fortasse utramque & stirpis, & animantis, agnoscere productionem. Non stirpis quidem solius, quia vena subest, non animantis vero solius, quia germen praefert & fructum proprie dictum. Omnibus autem modis *Foetabula* magis, quam *Germina*, mihi videntur haec appellanda; siquidem in animante sunt genita.

## CAP. IV.

*De proprietatibus Cysticorum Abscessuum, & horum definitio.*

**H**Is sic expositis, apparet quatuor proprietates inesse his Abscessibus. Prima, quod substantia quaedam solida sit eorundem materia: quod & Gabriel Fallopius ex Galeni sententia testatus est, *l. de tum praeter nat. cap. 15.* itaque ad numerum autem referri liquido possunt iidem: quo factum est, ut Gal. 3. *meth. med. c. 1. & cap. 13.* professus fuerit, hos toto genere praeter naturam. Deinde proprium est horum Abscessuum comprehendi folliculo, sive cysti: qui ipse quo consilio, quave materia, productus sit posterius inquiremus. Adhaec venis quibusdam suppositis nutriuntur atque augefcunt foetabuli modo. His autem venis, & hoc postremo notem, ortus & scaturigo est ex una; quae seu radix, seu matrix est, quemadmodum ante audisti. Ex quibus omnibus conflare potest facile definitio, quae sit; *Abscessus Anomali sunt concrementa quaedam substantiae solidae, quae, foetus cujusdam modo, venis suppositis nutriuntur, augefcunt, & folliculo comprehenduntur.*

Haftenus istorum Germinum dum vivunt, & nihil manu violata fuerunt, proprietates audisti: caeterum exemptorum aliam, quam equidem observavi, singularem conditionem accipe.

Namque ipsorum nulla longos in annos corrumpuntur; ego autem maximos, quos abstraxi folliculos, quorum picturas paulo posterius vises, hoc eodem opere exsculptas, jam ad septem annos, & supra servo. Argumento scilicet non obscuro, quod sint substantia sicca; quamobrem judiciose Fallopius refert om-



nium originem, tum ad pituitam siccam, tum ad melancholiae portionem; auctoritate usus Aetii, *l. 6. cap. 68.* & Avicennae *in l. 1. fen. 2. doctr. 1. & in l. 4. fen. 3.* unde neque absurde vulgus hominum, omnis medicinae rude, Tubercula haec omnia melancholicum humorem appellare consuevit.

Quod autem Steatoma privatim adiposae rei speciem referat, id non te moveat, neque perturbet; quando & ossa ex pingui plurima, sed exusta materia, constare nos certos fecit Hipp. *l. de carnibus.* Quamquam autem neque ipse nego pinguedinem inesse Steatomati (aestivo namque tempore resolutam adipem è Steatmate, quod asservo domi, manasse comperi) nihilominus est cum eodem adipe plurima fibrosa portio conjuncta. Verum enim vero aliud relatu dignum adnotabo, neque Steatomata omnia singularis ejusdem semper substantiae, vel formae videri; sed aliud istorum uvidius & pinguius, aliud exsuccius & densius esse, quod enim Caenobitae Franciscanae juniori de jugulo exemptum est, pinguiissimum; quod Monacho Carmelitae seniori, de poplite resolvimus, exsuccum est magis, quasi secundum sexus, aetates, corporis loca, diversa esse debeant haec concrementa. Sed & Fallopius in Steatmate, quod ipse aperuit, medio liquorem quendam crystallo, & adamante lucidiorem, reperisse testatus est: ita multiformis substantiae sunt haec omnia. Atque hactenus materialis, & causae aliae, & procreandi modus, secundum nostram opinionem, tibi patuere.

## C A P. V.

### *An Melicerides tunicatae?*

**I**llud nunc expendi subit, ad rectam curandi rationem non inutile futurum, num omnibus his aequè Abscessibus sua membranula indita sit; enim vero sicut aliquorum certissima, sic cujuspiam obscura & dubia est. Atheromati inquam, quae materiam pultaceam continet, & Steatomati, quae sebacea constat, longo nostro experimento semper amiculum comperimus: quod ipsum etiam auctores omnes veteres ac posteriores affirmare: verum Meliceridi num necessarium sit involucrum, haud plane discerno. Nimirum omnes uno consensu volunt; si curatis,



tis, id est, excisis hisce tuberibus, tuniculae vel pauca portio restet, fieri, ut quasi residuis radicibus exsultet rursus germinatio, recidivusque fiat Abscessus: id equidem in Atheromate Alexandri Beltrami Petiliani, viri legum periti, licuit observare; quod ab ineunte aetate secundum supercilium exterius gestatum, & medicamentis omnibus ab uno quodam Chirurgo exagitatum, nunquam curari potuit: à me vero cauteriolo perustum visum est ex toto cessisse; nam plene siccatum, & obductum est cicatrice ulcus: sed nihilominus uno postanno sponte erupit, & donec discerptim membranae portiunculae prodissent e suo sinu omnes, neque unquam exsiccatu facile, neque ad obducendum comparatum fuit ulcus: quod ultro tamen fieri visum est, cum desiit vitium. Rem quidem, quam accurate mecum observavit Horatius Lumbisanus, Medicus, qui sui ipsius scriptis inclaruit. Contra Meliceris ad carpum nata, & mihi mea ipsius manu per aculeum pastinacae marinae compuncta, vix exacto quatridduo curata est sic, ut nunquam redierit: quod & sorori Andreae Mansi Scribae Praetoriani, & aliis accidisse comperi. Quid autem, quaeso te, responderis, quod affricatu vehementi diruptae saepe Melicerides ac discusae sunt, neque amplius recurrere sunt visae: nosti autem & nonnullos Auctores ad demoliendas, atque delendas easdem, plumbeos verticillos impositos tradidisse: quin vero & alia istiusmodi tubercula, & Gal. *l. 14. meth. med. c. 13.* & Aetius *tetrab. 4. serm. 3. cap. 78.* & Paulus *l. 4. cap. 34.* medicamentis quibusdam, exsolvenda proposuere. Qui idem Paulus & strumas, quod etiam mirum est, tunica velut Melicerides, Atheromata, Steatomata, contectas & medicamentis discutientibus exhaurit; ut & *modo citato loco*, & *cap. 25.* ejusdem libri docuit: quo autem pacto, nisi educta fuerit universa membranae portio, nunquam curabiles easdem dixit, *l. 6. cap. 35.* An igitur ineuntibus duntaxat his, sunt aliqua valentia folliculum atterere, ut dissolvatur? inveteratis vero his, & obduratis, non item? quod etiam judicasse propemodum visus est Hieron. Fabricius, *in c. de Meliceride.*

Verumtamen, quod experti nos fumus, id affirmare profiterique possumus; neque aliud asseverandum audemus. Adde, quod Gal. *de tum.* ut plurimum tunicas posuit.



## CAP. VI.

*Quid commune habeant hae tres Abscessus species:  
& in qua re differant.*

**P**Raemonstratum antea fuit, praecipuos tres istos tumores, quos nos *foetabuli* nomine designavimus, singulos sua peculiari, & propria materia constantes. Atheroma, quod pul-tem frumenti, & castaneae fructus moliti materiam refert. Steatoma, quod sebacea. Meliceris, quae mel referente substantia constat. Tria haec commune illud habent, quod suo singula folliculo sunt amicta, testimonio Galeni, Aetii, Pauli, & juniorum omnium; sed discrimen ex adverso illud habent, quod Atheroma, & Steatoma solidam nata fuerunt substantiam; Meliceris vero fluidam natura retulit: tametsi vero Gal. 14. *meth. c. 11.* causam omnium humorum posuit; nihilominus recto suo sensu intelligendus est hic auctor: nimirum principio frigidus, & pituitosus humor est, qui se procreandis hisce tumoribus subjecit; quod postea concreto, & crassiore in dies facto, tum agitato caloris, qui parti infidet, tum membranarum amplexu frigido, sortem aliam compararunt, concrementi, atque foetabuli, qualia nos saepe descripsimus. Una tamen Meliceris in absolutum, atque perfectum crassamentum non abscessit, materiae certe liquidioris conditione. Major & admirabilior differentia fuit Atheromatis, & Steatomatis, quorum hoc inculpatius, & naturalius, si dici conceditur, ex pingui crassamento formam tulit; alterum vero magis alienum, & corruptius concrementum, accepit: usque adeo, ut saepe vermes, muscas, pilos, ungues, carnem hebetem, soleas, calcem, carbones, apud quosdam exhibeat: quae quidem omnia jure merito Galenus toto genere praeter naturam aestimavit, *citatis loc. meth. therapeut.* Quod quidem iudicium, cum ad mitiores alios duos Abscessus extendit, injuriam his profecto videtur fecisse; nisi fortasse vis, quod & tunicam cum singulis hisce conjunctam spectavit; quae sane alienum quid est proprie dictum, ac propterea per Chirurgiam eximendum. Praeter haec istorum Abscessuum discrimina secundum alios haec sunt: Abscessus cum fol-



folliculo alii habent materiam in unico, & continuo, folliculo, qui non habet exitum; alii, qui habent materiam fluxilem, habent illam inter duas tunicas, ut illi, qui non habent materiam fluxilem, sed coactam. Haec Hieron. Fabricius.

Verum digna sunt haec animadversione: commentum enim videtur, quod ullis, id est, compacti concrementi Abscessibus, duplex tunica sit; seu verius, ut ipse loquitur, duae sint tunicae, justius autem fluxili meliceriae substantiae debita esset diplois. Quod autem Fabricio imposuit, oratio fuit Galeni, *l. 14. meth. cap. 12.* sub his verbis: Porro excoriat hic circumposita corpora, spatium videlicet sibi moliens, vel inter duas tunicas, vel sub certis membranis. Sensus est, ut possint Abscessus, adurgentis vi materiae, deduxisse spatium inter duas tunicas, puta inter duram, & tenuem cerebri membranam, & possit diduxisse spatium sub membrana, exempli causa, tenui cerebri: sermo autem Galeno est de Abscessu primi significati, non autem de anomalo, ut putasse Fabricium certus sum. Confirmatur autem interpretatio nostra vel ejusdem Galeni verbis proxime subjectis, quae sunt; excoriat autem omnino, &c. quae nequeunt adaptari Anomalis, quorum acris, & putredinosa conditio non est; Steatomatis praesertim. Quamquam objicies, quod subinde meminit Galenus contentorum in Abscessibus unguium, pilorum, ossium, testarum, lapidum, & porri, fragmentorum; quae omnia reperiuntur in Abscessibus quibusdam.

At hic communis multorum error est, inquam, & hallucinatio credentium, haec per Galenum inesse Anomalis. Substantia Meliceridis sola est mellea; Atheromatis propria pultea; Steatomatis peculiaris sebacea: fallimur autem facile, cum his alia, quam assignata per singulorum voces contenta, tribuimus; confundimusque sic Anomalos cum praedicti significati Abscessibus, & utrorumque naturas, ignorare nos ipsos prodimus. Discrevit autem haec genera Galenus manifeste, cum subdidit; verum haec rarius incidunt; frequentissima vero hujus morbi sunt tria genera, quorum singula propriam appellationem graece sunt sortita, &c. sed ad differentiarum rem redeo. Aëtius tumores ait quidam sunt elevati, & ad motum, & contactum expositi, facileque curabiles; quidam vero inserti, & ad motum non expositi, & in Chirurgiae aggressionem summam dili-



gentiam expetentes, propter imminentes sanguinis eruptiones, ac nervorum puncturas.

Praeter has, & alia differentia est; quod Steatoma suppurationem nunquam subire paratum est; cujus non sunt expertes Atheroma, atque Meliceris.

Postrema est & alia, sed ad curationem spectans Steatomatis, à reliquis differentia notata per Aëtium, *Tetrab. 4. ser. 3. c. 8.* quod in Steatomate praesciendo non sic, ut in Atheromate, ac Meliceride, tunicae sectionem timemus: nimirum adeps, quidcunque feceris, effluere paratus non est; sed communitates & discrimina Cysticorum Abscessuum habet jam omnes.

## C A P. VII.

*An praeter tria celebria Foetabula sint Strumae, Bronchocelaeve?*

**I**Nter haec omnia nobilis se offert quaestio; num Strumae de Foetabulorum ordine sint, & cum Anomalis Abscessibus accipiendae? porro si Galenum audimus, qui 14. *meth. med.* Strumas dixit esse scirrhus in glandulis, videbuntur & Strumae ad certum humoris pituitosi, vel melancholici vitium referendae; atque adeo intra quaternionem esse humorum: cui testimonium accedit Celsi, qui 1. 6. *rei medicae cap. 28.* dixit, Strumas esse tumorem, in quo subter quaedam ex pure, & sanguine, quasi glandulae oriuntur: quo auctore vides Strumas ad sanguinem referri.

Tamen ex adverso Paulus Aegineta 1. 6. *cap. 35.* disertis verbis pronunciavit, Strumam intra tunicam contineri, quemadmodum Atheromata, & Steatomata, & Melicerides; & quemadmodum etiam haec curari, nec curabilem quidem, ubi excisorum portio quantulacunque remanserit: & Aëtius ex *Leonida lib. 13. cap. 5.* cum voluit Strumas esse carnes subcandidas, facile angescentes, in membrana contentas, etiam aperte videtur fassus, Strumas folliculo contineri, atque augescere. Accedit autem ad haec testimonium & tertium Guidonis Cauliaci, qui tectas membranis Strumas admonuit; ut cum haec curantur, nulla restet portio membranae continentis. Sed & folliculum



culum provide detrahendum esse Strumis admonuit Hieron. Mercurialis *l. de morb. puer. c. proprio*. Nos vero Strumas cum folliculis, & pultea substantia, observamus in Hieronymo Caphorio, Calabro Oriolensi. Experimentum autem abunde monstrat, quod, nisi tota membranae portio eximatur, non succedit curatio; ac si obducatur ulcus, denuo recrudescit, & recidivum fit vitium id: quod comperimus cum doctissimo Medico Francisco Noma, anno 1630. in filia Marcelli Muscettolae, Viri Patricii Neapolitani: cui adolescentulae ample patefacto ulcere, & impositis acerrimis medicamentis, atque trochiscis, visum est quidem satisfactum extirpationi radicum: sed fibrae tamen exilissimae sub carne latitantes intimius oculis imposuere, atque, occluso jam ulcere, post aliquod tempus vitium instauravere. Verum enim vero siquidem recte inspicimus conditiones Anomalorum, quae sunt concrementa substantiae solidae, quae foetus cujusdam modo venis suppositis nutriuntur, & augentur folliculo comprehensa; certe pleraque istorum Strumis defunt, nam ne nutriuntur quidem Strumae; siquidem vena nulla ad nutriendum est subdita: quod autem augeantur apparet quidem; verum per pororum infarctum est ejusmodi accretio, non per legitimum augmentum; ut ego autumo.

Major ambiguitas est de Bronchocelis, quae videntur etiam sub *Foetabuli* genere concludendae, quandoquidem & solidae partes sunt tunacula comprehensae; & cum in immensum excrescant, neque per pororum infarctum augeri, sed per suggestum alimentum, est probabile: insuper etiam mellea, pultacea, & sebacea, substantia contineantur, ut credit Aëtius *l. 4. sect. 3.* quod etiam asserit de gummi Syphiliis Fallop. *l. de morbo Gallico*, ubi *de gummis* agit. Verum neque ad Anomalorum aliquam speciem Bronchocelas referemus, (cum multifidae sint & glandulas contineant praeduras & rubentes, ut observavimus 1625. in cadavere cujusdam puellae, per nos in domo templi, Visita Pauperes dicti, dissecto) sed ad carnosos tumores, quod in praesenti non explico: suus enim de his sermo paulo posterius erit. Simile quippiam videtur de Batrachio, quod Celsus *l. 7. c. 12. §. 4.* sub Abscessuum genere reponit; ejusdemque materiam ad Meliceridis naturam accedentem; membranula seu folliculo con-



tineri expresse *ibidem* testatur: ob quam causam fortasse *παλινδελφον* recidivum fuit Clerico Neapolitano cuidam, Acolyto templi sanctimonialium D. Pobiti; itemque infantulae cuidam, cui bis pariter recurrit; utrumque candente scalpro confectum; sed compresso abunde tuberculo, sentientes se liberos & immunes, medicam subinde manum ambo spreverunt, nec ante vitii recursum ad me redierunt; qui, *spuma duorum draconum* imposita, fibras cysticas convulsi ac delevi, quoniam secundam ex obtuso ferramento ustionem non ferebant: evomuit hians Clerici ranula aquatum ovi rancidulum, infantulae vero praenigrum; cui rei attitit Paulus Aemilius Ferillus, Archiater Gallorum Reginae meritisimus.

De Nodis autem quid sentiendum; cum & hi ipsi colem non praetererant, verum eundum saepe offendant, ut scriptis prodidit Petrus Argelata *l. 2. c. 4. tract. 3.*? Sunt autem Nodi Arabibus auctoribus, & Arabistis, idem fere quod Anomala tubercula nobis & Galenice sentientibus.

### C A P. VIII.

#### *De triplicis Abscessus materia communis scholae placitum.*

**P**Roducturi nos hoc loco tum nostram, tum aliorum, novam opinionem de natura Foetabulorum, & materia; factum iri rectius putamus, si communem etiam multorum sententiam prius exponamus: quorum primus Galenus differens hac de re, *lib. 4. meth. med. c. 12.* Fallopio interprete, statuit humorem, qui gignendis his Abscessibus praebet materiam, esse varium; id est, qui triplicem, triplici Foetabulo producendo, materiam substernat; crassissimam scilicet, & pinguiissimam Steamoti; fluxilem, & lenem Meliceridi; mediam, & inter omnes siccissimam Atheromati: est tamen antequam concreascit in Abscessum unus humor, e venis exiens, tum pituitosus, tum melancholicus. Avicenna vero *in l. 1. fen. 2. doctrina prima*, sermone instituto de tumoribus a melancholico succo profectis, in his recenset Nodos, e quibus sunt Abscessus, a nobis in praesenti tractati: quae opinio videtur & Aëtii, propterea, quod *lib. 6. cap.*  
68.



68. Meliceridem curans capitis, offert pro purgando corpore *serum caprinum cum Epithymo*, quod accomodatum est humori melancholico perpurgando medicamentum. Sed enim Avicenna *lib. 4. fen. 4.* ad curationem Nodorum ait; etiamsi nonnihil humoris melancholici contineant, tamen plurima constant pituita sicca: in quam sententiam ivisse videtur & Aëtius, qui, loco citato, *Colocynthidis* dilutum in curationem approbat, peculiari naturae conditione, phlegmagogum. Quid igitur, contradicuntne sibi met auctores isti? Non opinor equidem; sed quod elici ex utrisque posse videtur, illud est; pituitam potissimam esse causam, quae modo crassior, modo dilutior sit: accidit autem non raro, ut cum plurimae pituitae nonnulla portio se inferat humoris atri, à quibus succis exclusos habet, tum sanguinem, tum bilis quamcunque speciem: atque ex huiusmodi materia variam coctionem, aut corruptionem, nata, fiunt humores specie varii, ex quibus Abscessus isti proficiscuntur.

## CAP. IX.

*De naturae consilio, in obducendis tunica Foetabulis.*

**I**llud vero plerosque ancipites habebit; quod opifex natura non vulgari videtur studio membranam hisce Foetabulis induxisse: tegmentum alioquin utilis, ac necessariae, rei cuiuspiam, qualis certe trium Abscessuum nullus est; quin etiam materiae faedae plurimum, & abjectae. Sed enim huius scirpi nodus sic solvitur.

Haec concrementa veluti monstra sunt, corporis suam aliqua parte fabricationem nata. Aut dicamus, naturam sibi met ex hisce fomitibus proponere quaedam animalcula, atque foeturas.

Ova, membranulis obiecta tenuissimis, visa refert Laurentius Scholzius, apud Joannem Schenckium, *observ. medic. l. 5.*; & ab Abscessu femoris ejectum ovum majusculum, refert Marcus Donatus, *l. 4. med. hist. mirab. cap. 30.* & Ambrosius Paraeus, *l. 9. Chirurgic. operum cap. 3.* scripsit ova etiam reperta in Abscessu dorsi. Atqui huic rerum generi universo membrana veluti chorion requirebatur. Aut (quod omnium est maxime



probabile) dicamus; necessariam omnino visam opifici membranam, qua & Foetabulum illud suis ipsius terminis concluderetur, discluderenturque à proximo ambitu partes inculpatae: quod autem ad priorem hujus placiti partem attinet, confirmatur; siquidem natura quidquid initio gignit, suo semper involucro, si-ve quidem discreto, si-ve cum corpore cohaerente, concludit: quam rem quidem rite cognoscere licet in Animantibus quibuslibet & harum partibus; in ovis horumque particulis, in fructibus, pomisque, & horum partibus, & in seminibus: quin etiam in pomorum interiorum quibusdam plicaturis, mirum est sane, ut parens omnium communis, minuta illa segmenta ex integro convestiverit suis membranis perinde, ut periculum aliquod incurfuris tunicam, & munimentum, adponens. Quod vero ad discludendos affinium terminos, ante assertos, spectat, facit in hanc rem illud, quod adnotavit eruditissimus Ambrosius Paraeus, *l. 6. fine*; concreari circa aneurismata cartilagineam, aut etiam osseam tunicam, quae, aggeris modo, furentis sanguinis, spirituum vitalium copia turgentis, impetum frenet; ita curante Dei ministra natura.

## C A P. X.

*De procreatione Cysticorum Abscessuum opinio Ambrosii Paraei.*

**I**Am autem requiri videor, ut disputetur, quid de horum Abscessuum generatione, generandique modo, sentiendum sit. In qua re primus de his, quos legerim, Ambr. Paraeus memorat nobis, quod in homine mirabilis est omnium, quae naturae lege, imperioque, continentur, amplexus; atque adeo, quae magnus mundus amplissimo suo sinu coercet, hic parva, velut tabula, compendioque, cogit, atque aemulatur. In hoc enim non archetypa, non coelestis, non elementaris regio defuit; quas res, qui non intelligunt, hi nullis philosophiae partibus sunt imbuti. Praeterea ut meteorum, ita & mistorum omnium in se & abditas imagines refert, & persaepe etiam aperte retexit: quare & animantium vim omnem continet, & stirpium lapidumque formas, & quae supra terram, infraque gignuntur, ea omnia  
mira



mira quadam ratione in se gestat, & profert. Itaque quid miremur, inquit, quod seu Foetabula, seu Germina ista quacunque sui parte, & varia in his, & enormia contenta gignat, & servet, homo; in quo foecundissima parens natura universae materiae, qua macrocosmus constitit, varias particulas, & semina, condidit? Itaque in eo sibi placere, ut omnes actiones, motusque, quos obire, atque edere in majoris illius mundi scena solet, in hoc parvo etiam effingat; nunquam in nobis ociosa, modo ne materia desit.

## CAP. XI.

*De materia Foetabulorum opinio Felicis Plateri.*

**A**liam opinionem amplexus est Felix Platerus, diligens naturae vestigator, qui *Prax. medicae tract. 3. c. 3. §. de causis*, decrevit crudiores succum, quam carni nutriendae convenit, hujusmodi concrementorum materiam esse; quod autem aliena pleraque connascentur, fit, inquit, quod nutrimenti alterius partis, quae crasso admodum succo ali debuit, portio ab ea abscedens in carnosas sedes, cum illarum nutrimento delata, talem duritiem in illis gignat. Quae res inde comprobari potest, quod in ejusmodi Abscessibus, ex illis tumoribus genitis; aliquid aliarum partium substantiae simile invenitur; nunc pilum, nunc unguem, nunc os, nunc glandulam, referens; quae vix dum ex aliis, quam ex succo, hasce partes illic in cute, vel carne vicina nutriente, huc cum proprio carnis nutrimento delato, nasci potuissent; uti & si saevum referat, pinguiorem sanguinis partem, quae pinguedinem efficit, huc quoque pervenisset, ex eoque sic concrevisse verisimile videtur: vel si pulsem, aut mel exprimat succum carneum non in pus tale, quale in calidis tumoribus per suppurationem nascitur, sed ejusmodi humorem magis tenacem maturatione, vi caloris excoctum fuisse: qui si ulterius torreatur, succusque ille magis terreus fit, aliud quid, ut carbonem, vel calculos similiaque referet. Haec si propria inclusa sint membrana, & illa quoque à membranoso succo similiter, uti de caeteris partibus dictum, huc perveniente nascetur. Quae ut in tumore in Abscessum de-



degenerante ita fieri possunt, sic & alterius crassioris, duriorisque partis, succus carni insertus. Addidit & his denique confirmationem Platerus; nam si ex ejusmodi, melancholiae scilicet, & pituitae, excrementis, tale quid misceretur, non tam stabile, sed putredini, & corruptioni obnoxium esset; sicuti etiam in aliis tumoribus, quos ab iisdem humoribus proficisci existimaverunt, ostendimus; haec ille; quorum postrema ratio non parum insolens, & improbabilis, futura est apud multos; propterea, quod omnium à communi schola deflectit; nisi, quod non melancholicum aut pituitosum ipsum succum, sed horum excrementa refutavit hic auctor.

## C A P. XII.

*De eadem re singularis opinio Gabrielis Ferrarii.*

SED & de materia nova est opinio Gabrielis Ferrarii, viri quidem & si non omnibus medicinae partibus exculti, nihilominus scriptarum rerum firmitudine sic approbati multis, ut & omnes ejusdem libros pluribus editionibus visendos Itali, & latine lectitandos voluerint Germani. Ita non indignus visus est nobis, qui scriptis interdum nostris citaretur. Hic *libr. primo chir. adversione* 27. professus est Natas dictos Abscessus oriri ex superfluitate copiosi spermatis. Indicia sunt: primum, quod hae in vastum excrescunt; sumpto videlicet alimento ex venis capillaribus deducuntibus (quae secunda est ratio) sanguinem substantiae coactioris, ex quali & sperma procreatur. Tertio, quemadmodum in prima embryonis conceptione, ex tenuissimis, & varie confluentibus, venulis, unus veluti caudex conflatur, indeque haurit perpetuo nutritum foetus; ad eum prope modum, venularum, si dici licet, radicatio est his hemizootis. Quarto, reperiuntur in horum conceptaculis, aut digitus cum ungue unus vel alter, aut brachiolum, aut pes, aut auricula, aut mamma, nunc pilis obducta, nunc simplex, interdum, & qualis spinæ dorsi medulla innascitur. Haec ejus viri sunt argumenta, firma quidem parum, verumtamen haud continenter explodenda, quin prope interpretanda, aut castiganda, cum sua ejusdem prolepsi; nimirum, quod non spermatici



ca sit aliqua cystularum substantia, sed spermatis certe materiam, & suggermina, aemulantur.

## CAP. XIII.

*De procreatione istorum Phymatum, & Tunicularum, Opinio nostra.*

**N**ostra nunc inter has omnes proferenda sententia est, quam nequidem confido Viris candidis simul, & doctis non vulgariter placituras; sic vestigiis haeret naturae, sic probabili nititur observatione rerum. Constat affectum hunc oriri semper ob plenitudinem, vel non sine ipsa; esse tum, ut tumores quidem omnes communiter, tum privata etiam ratione. Porro plurimum hominibus inexercitatis, ociosis, ac plenis saltem excrementorum, quales Coenobitae sunt, etiam corporibus partibusque horum venosis, & laxis, & in quas ad summam promptior est defluxu, atque luxuries, Phymata ista nascuntur.

Alterum etiam advertendum est, humorem jam memoratum, qui exuberat, substantia crassum esse propterea, quod observatione longa comperimus, succum hunc e cute effluere non posse, sed infra ipsam perpetuo constituisse; fortasse autem à natura plerumque ad effluxum destinatus erat: at vero, quia nimius, & crassus est, quoniam discuti, aut dissiliari nequit, consistat in se ipsum oportet. Insuper vero crassitudo monstratur, quod ex ejusdem sui ipsius substantia tunica conflatur crassa, & corpulenta; quod utique non fieret, nisi crassities inesset.

Tertio statuendum superfluam quidem, sed nutritoriam hanc materiam plurima parte esse. Argumento est, quod placida, & miti praedita est natura. Verum contempta superfluitate, tandem à naturae complexu recipitur, & in aliquod concretum praeparatur. Quoniam autem in legitimam corporis humani partem abire non potest, quia semel rejecta est ab unaquaque parte aliena; ob id in eam formam deducitur, quae maxime substratae materiae consentanea est; seu tenuior, eademque viscida, & pituitosa sit, qualis mucilago e mucaginosi stirpium seminibus, partibusque aliis ipsarum, elicitor; seu crassior  
S est



est species excrementitii sanguinis ; seu crassa, & incocta, & luculenta, qua pituitae glatteae respondet. Triplicem enim hanc effusam materiam agitans calor partis cujuspiam, potissimum à ptoximis arteriis adjutus, commodiorem in aliquam formam immutat; quae sane rotunda est, aut ad hanc accedens alia. Illud autem cum fit, quoniam unicuique suam vivendi formam jam nanciscenti, observatione à nobis ante producta, tunica sua debetur: ob eam rem sedula natura, seu de lenta tenacique suppositae materiae portione, spiritus vi sufflantis, opificis vitrarii modo, sicut Hippocrates, *in l. de carnibus*, docuit, vesiculam exhibet: seu quod Hieronymo Fabricio placuit non exordio, nec plane funditus id rei creat; sed cum adversam illam substantiam sentit, continuo de membraneis nexibus tunicam extendit. Jam vero venula, vocata nutricula, suboritur ex eructato primum copioso sanguine, quem natura, nil utile abiciens, & omnia meliorem in formam trahens, & sua etiam adoptata custodiens, vi spiritus, ut modo diximus, in vasculi formam educit; ut educatum suum foetabulum in vita manere queat, & à caeteris partibus discludatur. Nata etiam ex nutrimentitiis propriis membri liquoribus originem ducit, eorumque à quibus provenit liquoribus, similitudinem recipit, ut inde sequatur, aliquas esse cartilaginosas, aliquas carnosas, & nonnullas ligamentosas, aut aliis membris similes, ut ossibus & articulis: Haec Paracelsus, *Chirurg. min. l. 3. de Steatomate c. 15. quod inscriptum est de Glandulis & Naptis*. Caeterum ut in his Abscessibus venae suboriantur, operae pretium est dignosci: equidem non ita certa fide cum Hieronymo ab Aquapendente sentio, sicut arterias hisce Abscessibus negatas, ita venas iisdem datas nutriculas asserit; ut non credam posse dubitari non inepte, num aequivoca sint vasa ista; atque adeo dico probabile, ut similis sint ista conditionis cum venis Zebel vel Sebel, Arabibus Medicis auctoribus dictis, quae in tunica oculi adnata saepe solent oriri. Sunt autem auctore Avenzoar, *in 1. theisr. tract. 8. cap. 28.* contextura quaedam rubra, facta in superficie conjunctivae five albi oculorum, & nominantur in Arabico venae Altheben, & non sunt venae procedentes ab hepate, nec arteriae à corde venientes, sed assimilantes, quae involutae sunt, & contextae supra albedinem; & aliquando in tantum extenduntur,



tur, quod nigrum cooperire reperiuntur: haec Avenzoar, quem secutus videtur Averrhoës, *in secunda parte cantic. comm.* 87. per haec; Zebel est quaedam textura venarum innaturalium super conjunctivam oculi facta. Hunc vasorum fortuitum exortum cum professi fuerint uterque auctor, nihilominus haud quidquam de generandi modo prodiderunt; quem modum explicatius aperuit Philip. Ingrassias, *in lib. de tumoribus p. n.* ubi ait. Quoniam scilicet tam venae, quam arteriae, naturales ibi existentes, mirum in modum crassiori sanguine replentur: dein vero ex residente paulatim e vasis glutinoso sanguine, in primis juxta illas venas & arterias, quaedam exterius lineae ac tanquam novae venae & arteriae depinguntur; non quidem, quod verae venae aut arteriae sint, sed cum rubeae lineae supra venas jam arteriasque exterius emineant, illarum penitus vel gyros, vel rectitudinem, conservantes, earum quoque effigiem minus exquiste intuentibus repraesentant. Ita quidem Philip. Ingrassias, cujus eandem rationem gignendis Anomalorum vicibus accommodari, nihil esse, quod vetet, arbitror: quod si naturalem istorum exortum retinere placet, certe me non latet, Galenum *in 1. de sem. c. 3. P. § 14. m. m. cap. 17. F.* professum, saepe sibi visas venas & multas & amplas in ulceribus renatas. Quod si calor nativus id praestare potest solus, quidni valeat idem cum extraneo conjunctus? Haec sunt, quae in obscura, atque arcana alioqui re, ut gratis equidem in commenta non abeam, certiora judico, & de venarum procreatione sufficientia Lectori existimo: quod vero spectat ad radicum primum exortum, quemadmodum creatis ex putri materia fungis, & aliis plerisque, sponte ac sine seminio, sed ab humoris genio nascentibus, natura fibras & radices, quibus alimentum e terra trahunt, summittit; ita & Atheromatum, Steatomatumque.

## C A P. XIV.

*De varia magnitudine istorum Abscessuum,*

POst haec vero magnitudinem, ac formam, quae in his Abscessibus saepe visi consueverunt, expediemus. Parvum quidem est *Steatoma* trium librarum, de quo retulit Joannes Schenc-



kius *l. 5. cap. de Strumis*: sed idem narrat *eodem lib. cap. de cer-vice*, natum homini cuidam ea parte tuber rotundum capitis humani ferme magnitudine, bicipitis hominis specie. Ad haec Lupiam octo librarum, etiam capitis magnitudine, cervicibus exsectam narrat Ambr. Paraeus, *l. 6. suorum operum cap. 20*. Itemque Jacobus Hollerius refert *in observat.* de Ganglio concreto in inguine, quod pueri caput aequabat. In qua parte, & viginti quatuor librarum alteram observasse scribit Amat. Lusit. *cent. 5. c. 88*. Aliam vero Naphtham septem librarum, veluti pulvinar expansam, in humero se vidisse professus est Theodoricus, *lib. 3. chirurg. cap. 31*. vastam, ac immanem visam adeo, ut ipse reformidarit rescindere. Aliam, quae sextarium aequabat, gestandi labore intolerabilem, exsectam à Chirurgis sui temporis, scriptum reliquit Antonius Musa Brasavolus *ad aphor. 27. l. 6. aphor. Hippocr.* Vastissimas denique alias hujus generis excrescentias scripsit Marc: Donatus, *mirabilis historiae medicae libro 5. c. 3*. Sed extra normam omnem, & fines, evagata videtur fuisse illa, quam Anton. Benivenius, *l. de abditis*, & Jo. Langius *l. 3. epist. 4*. narravit sexaginta usque libras pendentem. Ad summam, quod ad magnitudinem eorundem spectat, has in tantum saepe vidimus excrescentes, ut admiratione fuerint omnibus, & incredibiles sint relatu. Haec tibi de Abscessuum istorum magnitudine sufficiant.

## C A P. XV.

### *De varia eorundem Forma.*

**F**ormae vero apprime variae sunt à nobis observatae, & ab auctoribus ante descriptae. Guido enim *traët. 2. doct. prima cap. 3*. retulit aliquando referre melonem, aut cucurbitam, aut natem; unde *natas* dici volunt nonnulli, quanquam hoc etymon alii alio referunt. Praeterea vel lata basi sunt, ut mammae, vel tenuiore pedunculo exortae in majorem assurgunt molem, quo fit, ut ficus, aut piri, aut fructus cujuspiam figuram propemodum habeant. Interdum etiam compressae sunt adeo, ut non facile se prodant; longo etiam schemate observare licuit; itemque tuberosos, ut pleraeque *bronchocelae*; aliquando rotundos,



dos ; aliquando forma nucis castaneae , nucis juglandis , ac testiculi ; alias lupini ; alias glandis modo subsistentes ; non raro etiam multiformis , & compositae figurae , se proferunt cum appendiculis , & striamentis quibusdam , qualia Franciscanae , & Carmelitae , Coenobitis , ejecta tubera depinguntur. Adeo videbis multa Foetabulorum , luxurie ac varietate , incertas istorum formas.

## CAP. XVI.

*De enormibus contentis , atque foeturis.*

ET si equidem aliquando dixi , consentaneos non nihil humanae conditioni tunicatos Abscessus ; nihilominus hoc , facta collatione ad alios cum dolore , inflammatione , putredine conjunctos , & de recentibus , & maxime de privatis , *Steatomatis* dixisse volui ; nam neque desunt etiam in his alienae ac praeternaturalis conditionis argumenta. Quorum illud maximum ; quod tanta his interdum inclusa putredo est , ut extreme foeteat ad aperto folliculo ; quod nos experti sumus in Atheromate Tyberii Coppulae , alias à nobis memorato *in physico chirurgicis cap. 12.* cujus per novendecim annos conclusae materiae tam gravis exhalabat odor , ut non , nisi applicitis ad nares odoramentis , potuerim equidem fibrarum laboriose evellendarum operam administrare. Qua tanta Abscessuum exstante putredine , cui mirum in his innasci vermes , & animalcula , quae semper ex putri subdita materia proveniunt. *Strumam* amplam pediculis refertam casu curatam memoriae prodidit Io. Schenckius , *libr. 5. tit. de cervic.* & alibi. In inguinis Abscessu vermes reperit Gabriel Fallopius ; & in alio etiam animalcula multa Bartholomaeus Cabrolus , *observat. 27.* Praeter autem animalcula ex putri genita , quot & quae , tum insolentis materiae vitio , tum putrifici caloris opera , substantiae non coalescunt sub his lacunis ? Dicam de mirabilibus quibusdam rebus innatis , quando nulla fere spurcitiei species est , quae , his veluti stagnis & matricibus , concretae non offendatur : ungues , inquam , ossa , pili , testae , lapides , & porri similia fragmenta , & ligni ramenta ; humidorum vero generi respondentia & lutum , & coenum , & olei amurca ,



& vini faecula; item substantia rase cattilaginis, carnis hebetis, & cruentae. Item cuidam adolescenti, famulo Alexandri Pelliciae Tropiensi, eductus, adunco scalpro de gena subjecta, folliculus cum inserto ovo pusillo, nascente jam in matrice gallinae, reticulatus, & implexus amphiblistroidi membranae, modo; in cujus ulcere die quinto & septimo, atque deinceps, secuta sanguinis profusio vix compressa est; sic motibus obnoxio loco, non prius autem quam quadragesimo sanitas restituta. Sic carnosam in Abscessibus materiam vidisse testatus est Philip. Ingrassias *l. de tumoribus, in fine*. Ad haec creta, limacum cochleae, spicae, cornua, carnes tum durae, tum spongiosae, atque alia complura: & quia carnis hebetis, cruentae, mentio facta est, similis rei narrabo historiam, quae est. Carunculas, muci lutei concretamenta, expressi de *Atheromate* supra genu, quod duos jam annos conquesta fuerat venerabilis in Christo Soror Antonia de Siano, Parthenophilacii Spiritus sancti Abbatis: de qua re compertum est Aloysio de Gratia, & Francisco Laviano, praestantissimis ejus domus Medicis, atque etiam Joan. Andreae Basilio, Medico Collegii Neapolitani, atque urbis, primario.

Atheromatis vitio concretas albas crustulas desquamatales, & ovorum testulas, si tantum has molliores animo conceperis, offendi in homine, quem Jacobus à Salvatore, Chirurgus Herniarius Neapoli percelebris, curaverat, & ad merelegaverat Ao. Christi circiter 1615. Dictum vero cum est, de stoebe multiplici, lapideas item inesse quis credat? at nihilominus omni figura sunt in his repertae, id est, varia sorte effigiatae, quadrangulae, triangulae, ovaes, multiformis & incertae figurae; quemadmodum Joannes Centimanus *in libello de calculis*, Marcellus Donatus, Ambrosius Paraeus, & Joannes Schenckius, suis scriptis prodidere.

## C A P. XVII.

*Nullum corporis esse locum, qui hisce Tuberculis non sit obnoxius.*

**N**Ascuntur quidem hoc genus Tubercula variis in locis corporis. Verum secundum caput visuntur, tam frequenter, ut



ut plures sint, quam ut memorari debeant, singulares homines, qui secundum id loci sunt haec experti. Fronte media, sed qua capillus attingit, *Atheroma* excussi Thomae Lautitio Lucano, ex oppido Sancti Mauri.

De intima superiori palpebra, visum oculo integro praecludentem *Meliceridem*, testudinis ovo majorem, Romano cuidam advenae, nostro in Valetudinario, detraxi; cujus alioquin magnitudine memorabilis exsculptam aere imaginem suo loco dabimus. Itemque pone canthum oculi exteriorem *Atheroma* Vincentio Caesario, adolescenti ex oppido Sancti Anthymi. Ad externum angulum oculi dextri *Atheroma* palumbino minus ovo gestat Josephus Albafius Neapolitanus, vir & legum scientia, & hac nota conspicuus: contentus autem abunde sua studii claritate posset esse, qui jam pridem invenerat hominem, qui facile tuberculum exemisset.

*Atheroma* Aureliae Vitalianae, M. Antonii filiae, post aurem excussi, rem approbante Joan. Thoma Jovino, docto Philosopho, ac Medico Neapolitano. In auriculae vero pinna Paulo Nannio, Jurisperito, & civi Tarentino ornatissimo.

Sed & sub maxilla inferiore *Steatoma* natum est Moniali cuidam D. Potiti, Coenobii Neapolitani vetustissimi, cui cum efficaci Medico Francisco Ferruccio consultavimus.

In cervicibus *Atheroma*, longos jam annos, gestat spectabilis patricius Neapolitanus Octavius Laynus, quod à parvae avellanae magnitudine in semipugnum excrevit.

Matthaeo Soccolino Caesenati Theatino, Pictori Illustri, viroque ingenioso, qui rheumate diuturno atque asthma, non sine phthisis suspicione, vexatus fuerat, *Atheromata* duo de paristhmiis extraxi, in Sacris aedibus SS. Apostolorum, Sebastiano Vecchiono Medico clarissimo spectante. Sed & calculos ab hisce partibus excidisse refert Langius, l. 2. epist. 57.

*Atheromatis* sub lingua meminit Conradus, *histor. gener. animant. pag. 8.* & Felix Platerus *Prax. medic. tract. 3. tit. de exuberantia pag. 224.*

De jugulo rescissum *Steatoma* Gratiae de Philipis, sodali Franciscanae, in Sacris aedibus Jesu Neapolis, pictura expressum paulo posterius dabo.



Cujus ejusdem Coenobii vetula sacra virgo, Eugenia Suarda *Steatoma*, sub spatula, habuit.

In dorso *Atheroma* curavi Lucretiae Cacaci Moniali Parthenophilacii Spiritus sancti, cujus materia alba foliata velut arto-creae.

Super ensiformi positum *Steatoma* Dominico Riccardo, pueri Abellinati.

Toto costarum spatio exteriori plurima Ferrandus Brunus, Francisci filius, in Valetudinarium curanda detulit; quorum unum testudinis terrestris majusculae magnitudine costas medias occupabat.

In media manus vola ex ictu, collisive, multo ante praegresso, *Atheroma* grani Indici modo Ursulae, sodali Franciscanae sacri Coenobii Jesu Virginum, exemi.

In cubiti flexura *Atheroma* curavi Joanni Alphonso Gryllo, Calabro, viro podagrico.

Ad interiorem pollicis supremi canthum, qua manus tuber maximum attingit, *Meliceridem* gestaverat Adamus Marchius Valetudinarii nostri Medicus excellens.

In metacarpi flexura nascuntur saepissime *Melicerides*; ex quo genere unam mihi met ipse radio pastinacae marinae Pitheculis aperui: humor autem prodiit albuminis ovi tenuitatem, mellis albi colorem (inde *Meliceridem* dictam puta) olei vero amygdalini lenitatem, referens. Aliam ibidem corporis Leonardo Ciccono Abellinati, rei medicae doctore. Aliam Andreae Mansi forori.

In digito vero Joanni Fontanae, picturarum ex minio coloratori.

In extremo indice *Meliceridem* Julio Caesari Capacio, clarissimo Musagetae nostro Neapolitano, curavi.

Aliud e genu Capucino, cui nomen Stephano Calacensi, detraxi; cujus imaginem paulo posterius sub conspectum dabo. In genu etiam utroque non mediocri *Steatoma* sustuli Domino Francisco Antonio, Principi reverendo, Sacerdoti Neapolitano; ex cujus tuberculi apertione morituum hominem convulsionem praedixerant inexperti Medici quidam.

Inguibus & Abscessus hujus generis exsectos se vidisse perhibet Jo. Arculanus, in *com. ad Razem cap. 69.*



In crure vero compertos eosdem refert Joh. Centimanus, *libello de calculis*.

De poplite magnum *Steatoma* Eugenio Callesano, Madritensi, Carmelitano Sacerdoti, detraxi; de cujus forma, & magnitudine, posterius te docebo, viva ad hanc rem imagine representata.

Haftenus habes Abscessuum Anomalogum locos, quibus quidem certis partibus, & numero definitis, contentos nos esse decet. Enimvero partem corporis, quae ab hisce Tuberculis immunis sit, siquidem exactus in pervidendo fueris, prorsus invenies nullum.

### C A P. XVIII.

#### *De Causis externis, quae praenarratos Abscessus interdum inducere solent.*

Satis jam de praecipua rei natura: deinceps ad caeteras affectiones, & proprietates enucleandas accedamus. Quoniam quidem Anomalis his Abscessibus *Phymatum* nomen accommodavimus; continuo se spontaneam declarat rerum istiusmodi procreatio. Nihilominus non desunt, mea quidem observatione, ac iudicio, quorum ab exterioribus causis primus fuit initus, & origo. Sic a verberibus, & allisu crebro, jumentis praesertim equini generis, per aliqua membra corporis exstantes, & pendulas, has formas saepe vidi. Sed ut privatum de nostra hominum gente sermonem faciamus; specta primum ad quosdam religiosos, orationi genibus ad terram demissis factitandae assuetos, sic, ut articuli diu fatigentur, & obstupecant: ex hoc vitae genere maxime Capucini, atque observantioris voti Augustiniani, Carmelitanique, sunt. Hi, quam saepissime, genus hoc mali solent incurrere. Sed ex percussu etiam, qui parvulum *Atheroma* retulerit nuperrime narravi; praeterquam quod & Ganglium, consimile Tuberculum, in carpum ex vi, atque ictu, proficisci testantur Graeci omnes, & Paulus Aegineta, l. 4. At si Ganglia ex silva nostra rejicis, sunt & *Melicerides*, quas ex oblata similiter causa, plerisque sub carpo, nasci comperi; affectu videlicet consentaneo, qui ad dolentes, infirmatasque particulas, praesertim ad articulos, qui



laxi sunt, succos evocet e corpore: qui succi postmodum, decernente calore, in hanc, aut illam, formam transeunt; atque ita, & *Atheromata*, & *Melicerides*, exhibita extrinsecus occasione, accidere posse jam apparet: de *Steatmate* idem, quod neque hactenus observavi, aut ausim dicere.

## C A P. XIX.

*Normae discretrices Anomalorum.*

**G**enerales autem Istorum *notae* sunt hae. Ex parvulo incipiunt, & diu paulatimque crescunt, & tunica sua includuntur, fereque sine dolore sunt: quid intus habent ut conjectura praesagiri potest; sed ex toto cognosci, nisi cum ejecta sunt, non potest: maxime autem in his, quae si rescinduntur, aut lapillis quaedam similia, aut concreti confertique pili, reperiuntur. In his vero, quae cedunt, aut melli simile aliquid, aut tenui pulcritudine, aut quasi rasae cartilaginis, aut carni hebeti, & cruentae; quibus aliqui dolores esse consueverunt. *Atheromati* humor ideoque pressum circumfluit. *Steatmati* pingue quiddam, idque latissime patere consuevit, resolvitque totam cutem superpositam sic, ut ea labet; cum in caeteris sit adstrictior. Haec Cornelius l. 7. cap. 6. Sed hos omnes ita distinxit Aëtius Tetrab. 4. serm. 3. cap. 7. & 8. Est *Atheromatis* tumor specie, & figura, oblongus, sublatiusque, & ad compressionem digitorum ob humoris crassitudinem tarde cedens, & a motis digitis tarde revertens. *Meliceris* differt ab *Atheromate* figura, & humoris essentia; nam & figura rotundior est, & humoris essentia tenuior, & hujus tumor magis revertitur. *Steatoma* est tumor tactu levis, & in principio quidem pusillus, sed temporis progressu amplior.

Sed Paulus Aegineta l. 6. cap. 36. Abscessuum istorum notas, & indicia, brevissime descripsit his verbis. *Steatoma* aliis durius est, tactui renititur, & basin habet solidiorem. *Meliceris* laxi cujusdam corporis modo subsidet, & tarde quidem funditur, cito vero rursus succrescit.



## CAP. XX.

*Quae ad futura spectant Iudicia.*

**A**bscessuum istorum praesagia summatim, & paucis, attigerunt omnes, qui de his tradidere: nos autem de universis optima describemus. Quod ad *eventum* pertinet, hos omnes periculo non carere pronuntiavit Celsus: verum non ita quidem alii posteriores, e quibus unus Julius Caesar Arantius, in *l. de tumor. praeter natur. cap. 3.* refert, tum caustico medicamento, tum ferro frigido, aut candente, tractatos ex his aliquos interiisse; propterea, quod inflammato pericranio, crassa cerebri membrana coaffecta est. Et Vidus Florentinus, in *oper. de curat. gener. part. 2. l. 12. c. 11.* eventus, ait, salubris expectari debet, ubi curetur Abscessus, priusquam valde increascit: qui admodum grandis est, vel non curatur, vel hominem diu torquet, vel cum periculo curatur, ne venae, & arteriae magnae, violentur, & homo effuso sanguine decedat. Sed Gabriel Fallopius, loco saepius memorato; si capitis, inquit, aliqua parte occupata sic haeserint, ut loco moveri non possint, ossis timenda corruptio est; maxime ex *Atheromatis*, luis Venerae fructibus; manet, inquam, vel ossis, vel membranae, corruptio, ni mature succurrat, praeveniatque, Medicus. Est item difficilis, & verenda curatio, si tumores hi guttur adorti sint, ampli potissimum. Ex adverso, qui se quocunque trahi sinunt tutissimi sunt omnes; si tantum eos, qui tenui discludente membrana, cavis corporis locis incumbunt, exemeris. Caeterum sunt interdum Abscessus isti suppurabiles; quod cognoveris ex colore rubente, & aliquantulum accenso: unde & curationis brevitatem praenunciare licebit.

Quod ad *curationis* attinet *tempus*; hoc quidem medicamentis longum; chirurgia vero expedita est. Sed via, qua tolluntur haec Tubera, paulo posterius exponetur.



## C A P. XXI.

*Sint Abscessus hi curandi ? & de Curationis  
necessitate.*

**H**AC nostra tempestate Medicorum omne decretum in eo constitit, ut neutiquam per scalprum attrectanda judicent haec Apostemata, utpote quae non urgeant. Verumtamen incommoda multa, quae genus hoc afferre solet, inconsulte transcurrunt. Taceo formae turpitudinem, quae multis est supplicio, siquidem in locum corporis, oculis adspectabilem, inciderint, praecipue vero foeminis & mollibus hominibus; quibus, ut notat Celsus, eripi cura cultus sui non potest. Sed enim, quis horum molestiam, quis alienae substantiae inhaesum dissimulet, totis vitae curriculis stabilem? Sunt autem horum materiae *toto genere praeter naturam*, ut notat Gal. *l. 3. meth. med.* non semel.

Praeterea vastitatis incommodum interdum est tale, ut motiones corporis, & musculorum, impediat; perpetuum autem illud, quod in unum latus decubitu privant homines; si de majusculis tamen hoc dictum intelligas. Porro videre licuit saepe Neapoli mendicum, cui Abscessus erat in sinistra nate (*napam* & *nasdam* vocat Conradus Tigurinus) major, quam totum abdomen sit communis mensurae hominis, undosus, fluctuans; tota sua comprehensione concolor; indolens, & mobilis, velut utris: homo habitu strigoso, & squalenti, atque etiam quasi confecto. Plures quoque relati sunt à me ante, quibus incommoda vita erat, & qui principio sanari potuerant facile, jam insanabiles.

Tertio etiam, ad plenilunia atque interlunia, dolent acriter, atque efferaescunt ita distenti, ut discerpi sibi membra sentiant laborantes. Ad haec per extremos brumae rigores difficile non est, ut rigorem nigroremve obeant. Etenim aestate media, licuit observare in fronte cujusdam hominis Atheroma, quod attactum persentiretur frigans; adeo scilicet à natura, & comite calore, distat inclusus fomes.

Postremo, si locum excarnem infimi, vel medii, ventris Atheroma prehenderit, aliquot annorum curriculis, non est difficile, ut,



ut, factis erosionibus cuniculis, interdum in cava penetret viscerum: quod Dominico, adolescenti Abellinati, evenisse comperi, eventu plane funesto. Etenim, ulcerato circa xyphoidem Atheromate, post aliquod facta sinuatio in ultimam membranam, & claustra pectoris, sensim, exhausto spiritu, finiit puerum alioquin imbecillum.

Ad haec mala omnia illud accedit maximum, & difficilimum; quod sub longa contage saniei, atque putredinis, ad usque os subiectum conteri solet: ut si in caput vitium inciderit, pericranium, & cranium, infectionem maneat; ut evenire solet e gummi Venereo, quod adnotavit Fallopius, loco saepius citato; itemque e Talparia, testimonio Lanfranci Mediolanensis, Guidonis Cauliaci, *tract. 2. doct. c. 1. Amati Lusitani, centur. 1. curat. 16.*

Cum igitur, inquam, putridi vitii pericula foveant hi Abscessus; cum menstruis incrementis, distentionum, & molis, onerisque, molestia fatigent; detrimentum adferentes amictus, infessus, decubitus, motus, item plerisque vitae muneribus; nec non majestati vultus, cui tantopere natura studuit, incommodent: denique cum non semel ad usque mortem insolentia sint; quid non amputandos eosdem, & quacunque licet arte demolendos, existimet quispiam? vel quis etiam nunc deliberate rescindendos abnuat? Suasum hoc quippe nobis per Veteres auctores Graecos, Latinos, Poenos, Mauros, Arabas, & Arabistas omnes, seu Medicos, seu Chirurgicos. Suasum etiam novissime à Gabriele Fallopio, Joanne Tagautio, Hieronymo Fabricio, Joanne Riolano, *in Chirurgia, cap. de bronchocele, nata, testudine, talpa*; Bartholomaeo Cabrollo *obs. 37.* & Fabricio Hildano, *observatione 63.* Illud autem frugis consequitur, si declinetur, differaturque Chirurgia; sive gestantium hominum, qui non permittunt, sive Medicorum, qui operam attrectare non audent, culpa; ut saepe cum allaborare velint, non possint. Notus est homo Neapoli, qui circumseptas cervices, & collum, quatuor Atheromatis, folliculi lusorii magnitudinem aequantibus, habet, jam jam, ut apparet, strangulaturis. Notus &, in eadem urbe, Ferrandus Laudisella, sophista, doctorque adolescentium eruditus, qui cum Steatomatis, in gena exstantis, excisionem, multis jam annis, ab experientis Medici manu refugerit, jam, accretum ad magnitudinem mali insani tumorem habet; & amictu insolenti nunc obtegere coactus est, & vix aliquem reperit, qui tu-




to ab eo se malo liberare confidat. Itaque neglectam in arduis Chirurgiam, poenitentia semper sequitur. Quod si me audient, aut medentes, aut vitium hoc ferentes, cum primum se prodiderit exultans cute tuberculum; e vestigio succidant nil veriti. Facile tenella revellitur arbuscula, quae cum altas in patrio solo fixerit radices, & revellentis omnes vires rider, & resecta repullulascit.

## C A P. XXII.

*Excisorum aliquot Abscessuum Historiae memorabiles.*


SED hos, qui ne arduas quidem, sed mediocres operas, tam multum reformidant, inertes ac degeneres nostros homines, productis aliquot extremarum quidem, sed feliciū curationum exemplis, confirmemus. Nempe nos, eventu prospero, nonnullos ejusmodi tumores excidimus, quorum omnium non solum excisionem, sed etiam apertionem, nemo unus non credidit exitio futuram. Quatuor ex his memorabiles Historias, tota propemodum urbe nota, exposuimus in nostro *Physico chirurgico*, cap. 12. ex quo transcriptas hic habe Atheromatum, ac Steatomatum narrationes.





A B C. *Diagramma de figura corporis.*  
D E. *Diagramma de figura corporis.*





A.B.C. *Steatoma de poplite revulsum.*

D.E. *Vina ad alendum discurrens.*



*Historia Steatomatis una.*

**S**teatoma, quatuor librarum pondo, decem jam annos, pro insanabili destitutum, de poplite pendulum excidimus, Reverendo cuidam, e Carmelitis novae formae Sodalibus, cui nomen Eugenio Callesano, Hispano Madritensi, pro insanabili tot annos, à Medicis permultis Europaeis, destituto; qui ponderis, quo fere dejiciebatur, impatiens, multa se mihi prece, atque obsecratione, curandum commiserat: curavique, secta ampla cute, ac Tubere cystico circumquaque resoluto, mox ulcererepurgato, & intra quadraginta dies obducto: intervenientibus ad eam rem Adamo Marchio, Medico perdocto, Francisco Mosca, Francisco Romano, & Bartholomaeo Calova, in nostro Incurabilium Nosocomio Chirurgis assiduis, ac multos annos exercitis.



*Steatomatis historia altera.*

**G**Ratiae de Philippis, virgini Deo sacrae, in Coenobio Jesu Neapoli, spectante Mario Schipano, Viro quidem non sine honore nominando, exsectum est per me, sub jugulum, Steatoma, quod selibram pependit; Abscessus, qui sex jam annos, nullo medicamentorum fructu, continenter crescens sacram foeminam perpetuo torserat, ac pene jugulaverat.



WILLIAM L. BROWN  
C. L. BROWN  
J. L. BROWN  
J. L. BROWN



WILLIAM L. BROWN  
C. L. BROWN  
J. L. BROWN  
J. L. BROWN



A.B.C.D. *Cystis atheromatis* genu revulsi tripondio P.  
 C. D. *Radix aliquo concrementi tubere sublata.*  
 A.B.E. *Scissura.* F. G. *Sinus inanis.*  
 H. I. K. *Venule, nutricule, a prima radice profecte.*



A.B.C. *Meliceris de intima superiore palpebra resecta.*  
 A. *Radix atque pedunculus.*



*Historia Atheromatis.*

**I**N genu sinistro, duodecim jam annos, gestaverat Tuber, folliculi luforii minoris magnitudinem aequans, Fr. Stephanus à Calatio Capucinus; vir quantae in Deum pietatis, vel hoc argumento cognoscendus; quod cum letiferam, hanc in articulo dissectionem celebratissimi nostri Medici, uno omnes ore, pronunciaissent; nihilominus hic tam diu privatus ea, quae solo defixis utrisque genubus fieri consuevit à Sodalibus, Sancti Numinis adoratione frequenti, facultatem hanc etiam cum tormento ac discrimine vitae maluit consequi, quam officio suo cedere, ac sanctarum exercitationum carere fructibus. Hujus igitur viri, tam pio desiderio gratificatus; cunctis ex ordine provisus, praecautisque his, quae curationis cursum interturbare potuissent; rem instituto cominus, acuto scalpro cutem ample, qua maxime exstabat, infeco, dividoque quoad pateret membrana. Quae subsecta circum, tandem in manus venit, & media discissa saniem reddidit subnigram faecis vini substantia, cartilagineis ferme crustis interne obsita. Qua cavitatis quidem, & externa aliqua parte carunculæ putres, & boleti formam referentes, extumescebant. In universum erat membrana uterini chorii modo densa, dura, crassa; quae postquam est deterfa ministri manu, vellere infarcta, & ad caminum deposita, vendicata jam à putredine, talis apud me ad hanc diem asservatur. Chirurgiam ferme nihil insequutum est mali; nisi si paucum effusum sanguinem admemoraveris. Atque haec de primo illo excisionis actu; caeterum quod ad reliquam curationem pertinet; in ulcere medicamentis primum digerentibus, mox expurgantibus rite procurato; paulatim accreta caro vacuum orbem implevit, sanatusque est homo quadraginta dierum spatio, sine ulla incessus offensa, Deo bene favente: cui quidem auctori medicationis omnis felicitas accepta esto.



*Historia Steatomatis.*

**N**eapoli urbe cunctis artibus, bonisque, florentissima, ex honesta Coppularum familia juvenis fuit, ac modo est, cui Tyberio nomen: ortum huic, sexdecim jam annis, supra laevam mammam Tuberculum, principio pusillum pisi instar, quod singulos in annos aggeratum, tandem excreverat in ovi gallinacei magnitudinem, concolor, mobile, aequale, duriusculum, dolorem non inferens, nisi cum vehementer premere-tur. Toto decennio sollicitè Chirurgicos, qui sunt in urbe, omnes consuluit, requisivitque de tollendo vitio. Respondere alii, nihil ut adhibens rem naturae committeret; quippe vitium irritare periculosum. Alii vel ut balsamelaeo, vel appressa plumbea laminula excuteretur. Nullus e plerisque in multis chirurgiae meminit, quam nemo non ex auctoribus hujus disciplinae proponit. Demum me, ac sex e principibus Medicis congregat domi, singuli, ut diceremus sententiam. Scirrhum dixere quidam: quidam occultum cancrum, qui tentandus non esset ad Hippocratis sententiam, 38. *apbor. lib. 6.*: tertii quidam emphysema absurda quadam opinione: scirrhum oedematosum pronunciavere plurimi. Ego atque alter quidam, qui sententiam meam à consulente resciverat, *Steatoma* pronunciavimus. Consensere in id omnes, ut medicamentis tractaretur chirurgia valere jussit. Ego contra chirurgia certum, atque unicum, in hac re praesidium, ut professus fueram semper; ita & in dictione mea peroravi. Refutavere omnes curandi genus, adhaesitque homo alteri sententiae, ut quae leniora proponeret. Verumtamen fatigatus diu remediis, victu tenui, sudoribus, decocto sarfaeparillae, fonticulis; neque aliquid assequutus ex his, nisi longa laborum taedia, venit ad me, festine succurrerem; vitam odisse se prae noxa ista corporis. Tantum ne quid ferro agerem, certum se pati quidquid oporteret. Breviter; pyrotico cutem aperui. Patuit cystis putaminis ovi modo candicans, qua dissecta, promptum fuit reperire mere putridam, atque artocreae coctae modo laminosam, sed crustam referentem substantiam, late complentem infarctu suo amplexum omnem folliculi. Labor fuit in eximendis membraneis fibris, quae radicum instar

hae-



haerebant: quibus tamen extirpatis, dies circiter quadraginta finita curatio est.

Haerere autem *Abscessus* hujusmodi *Anomalos* plerumque nervis & cartilagineis fibris, observationes testantur, qualem contigit observasse aliquando in pedis digito medio; quales etiam fuere observatae fibrae in Abscessu Marini Caputi & Vicarii, Archidiaconi vici Equensis, viri spectatissimi. Similiter cartilaginearum fibrarum in Abscessu respectarum exemplum habes, in R. P. D. Andrea Cancelliero Carthusiano, Monacho probatissimo; cujus rei historiam ab amico fidelissime conscriptam, huic nostro, de *Abscessibus Anomalis*, tractatui inferere placuit; est autem ex autographo talis:

CLARISSIMO ET EXCELLENTISSIMO VIRO

JOANNI SIMONI DE GRATIA,

Philosopho & Medico praestantissimo,

JOANNES BAPTISTA CAPUCIUS,

Doctor, Medicus, S. P. D.

**Q**Uam lepide abs te compellari videor clarissime Simon, quam Urbane, parum abest, quin dixerim ridicule: sic revocasti ejus jam pridem, e domo tua philosophica, argutas Curialium nugae; quarum quanto major, & religiosior in hoc fucato seculo cultus, eo perniciosior est usus, magno cum ingenuitatis opprobrio. Quid agis cum rhythmicis istis alloquiis? amicum, qualem me nosti, stoicum & rigidum (ut tua tibi regeram verba) rogas, precaris, blandimentis excitas? Me fatuum hominem fingis, te Logodaedalum, quo utroque vitio, sicuti revera vacamus ambo, ita cynice, ac libere effando, uterque nostrum, tali etiam suspitione liber est. Amicitia quidem, sicuti animorum nexum facit, ita & bonorum omnium communionem. An fortasse nostrae eutopiae mores oblitus es? an amicitiae transfuga videri vis? absit. Quid igitur precario postulare, quod jure tuo tuum est? tua sunt mea studia, tui laborum meorum, si qui sunt, fructus; siquidem quod vivo, & spiro, tuum est. Hac igitur eadem



epistola nobilem illam, quam tam anxie efflagitasti, curationis ostracoli tumoris, à nostrae aetatis Chirone, Doctissimo inquam M. Aurelio Severino, magno naturae mystae confectae, historiam descriptam habebis: utinam tam erudite, quam vere! potero siquidem oculatus testis de re integra fidem facere, qui tunc temporis Carthusianorum hospes vixerim; quorum ut singularis est in bonarum artium, & Musarum, affectus studium & propensio, ita liberalitas, ac munificentia competentem reddidit, ut cuncta exactissime adnotarem. Feracia sunt (ut hinc exordiar) Carthusianorum corpora, malorum complurium e tartaro ortum ducentium (tolera interim verbum hoc Paracelsaeum) sed tumorum in articulis excrescentium feracissima. An ob strictam vivendi regulam, qua carnibus cane pejus, & angue abstinent? An ob nocturnarum vigiliarum frequentia? in quibus Deo psallunt, diutissime recti, vel incurvi, sedentes nunquam. Laboraverat pertinacissima Meliceride, in dextero genu, R. P. D. Dionysius Coccia, Coenobita severiori vitae addictus in claustro, cui post aliorum Medicorum ludibria, auxiliares manus Severinus ipse dederat eventu felicissimo, cum V. P. D. Andreas Cancellarius alere se etiam, in dextero genu, tumorem non spernendae magnitudinis, cujus natalia ab anno 1632. numerabat, veluti per jocum affirmavit: sphaericus is erat, cujus ambitus sesquipalmaris fili mensura comprehendebatur, omnino indolens, solo pondere religioso viro molestus; ut proinde mollium, & inermium Chirurgorum, quibus nunc Neapolis abundat, timiditate eviratus, nihil de illo exstirpando cogitaret, quidquid Clarissimus Severinus pronunciaret de corruptionis periculo. Indulsit igitur proprio genio natura, sensimque & furtim molem illam adauxit adeo, ut operis veluti sumptuosi postmodum pertaesa, coeperit orbis, quem tam sedulo construxerat, ruinam moliri. Accersita igitur fermentatione, magno illo separationis instrumento, calorem, & ruborem, & dolorem etiam aliquem, in sui auxilium convocavit, pulsum vero nullum; ob arteriarum defectum, quibus merito carent huiusmodi tumores, Doctissimi Dureti sententia. Ubi haec urgere coeperunt, coepit etiam Carthusianus suae salutis integritatem desiderare, ac Medicorum conventus adire, ut praesentaneo, sed leni aliquo remedio, saevienti morbo obviam iret. Deflexit ergo ad comptos illos, & muliebres Chirurgo, à quibus, ut pingues aliquas inunctiones impetravit, ita pinguem inquilinum hostem reddidit: adeo ut circa Februarii finem, anni 1646. pustulis aliquibus in tumore ap-  
pa-



parentibus, ob vim adauctae intus corruptionis, incoeperit, in eo floridus color occidere, ac tenebrae ex inferiori limbo obrepere sursum, & corpus molis totum febris incrementum sumpsit, stipatae suis affeclis, lumborum gravedine, stomachi debilitate, virium lapsu. Interim, excavato foramine, ab arsenicali intus congesto excremento, in superiori parte materia ab illo emanavit; coloris quidem faeci vini similis, sed odoris adeo horribilis, & ut ita dicam, pestiferi, ut etiam adstantibus, & ipsis Medicis, statim atque in cubiculum ingrediebantur, alioquin peregrinis suffumigiis odoratum, nauseam, & capitis dolorem, excitaret. Cutis in nigrum abibat ex aliqua parte insensilis. Tunc serio res suas agi animadvertit religiosissimus Pater, ac se ab unguentariis Medicis delusum, sicuti ingenue ab Excellentissimo Severino praemonitum, agnovit. Interim R. Prior, Jo. Baptista Assantius, incomparabilis in suos pietatis, & zeli, acciri Medicorum consilium voluit, in quo sex capita disceptavere, ut Neapoli mos est, ad pompam; tritum enim tempus est trium horarum in exquirendis, & conciliandis Galeni locis: quandoquidem in varias sententias itum est; putantibus aliis Steatoma, aliis Meliceridem esse; cum tamen Excell. Severinus demonstrasset Innominatum esse Abscessum, de quo aliqua obiter Galen. 14. meth. post carbunculi curam: quod postea confirmavit eventus. Conclusum tandem à senioribus, de aegro jam conclamatum esse, futurumque ut, degenerante gangraena in sphacelum, cita mors adstaret foribus, vel minimo minus, etiam ob alias causas aegrum lenta tabe liquatum iri. Praescripta sunt putida illa Arabum cordialia ad spirituum vini confirmandam; quae si postero die aliquo pacto restituta visa fuisset, poterat de foramine aperiendo e diametro prioris respondente cogitari. His Medicorum conventus solutus est, sub vesperam diei quinti Martii, in cujus nocte subsequente, efficacissime operante cataplasmate, ad intercipiendum gangraenae motum, à Severino praescripto, praeter aliquorum Medicorum spem remissa est febris, & symptomata leviora apparuerunt. Supererat ex Medicorum consilio foraminis apertio, de qua cum Clarissimus Severinus, tanquam inefficaci praesidio, justis de causis, etiam difficili, male sentiret, coram Reverendissimo Priore, prius causa bene retexta, aegro assentiente magna cum promptitudine, atque animi alacritate, decrevit, postero die regularem curam, potentibus auxiliis, inchoare. Mane igitur, octavi diei Martii, causticum, haud quidem ad planum femoris, sed superius ad duorum digitorum transversorum



rum altitudinem, toti tumori circumduxit; quod intra paucas horas egregiam operam praestitit; adeo ut, die decimatertia, extractae fuerint crustae ad daleri crassitiem, excavato circumcirca vallo; quod sericeo filo, per ligneum vetriculum constrictum, ad diem usque decimum sextum, tandem novacula omnino exaequatum est, exciso globosi tumoris superiori hemisphaerio, inferiori candente ferro pluries adusto: sic nulla subsecuta est haemorrhagia, doloresque, adhibita prope genu quantum ferre potuit calidissima testa, cum adstantium omnium admiratione, sedati sunt. Pependit amputatum culmen uncias circiter octodecim; atque in ostracosae carnis illius medio, quae novaculae aciem obtundere potuit, observatus est sinus inaequalis, & cavitas, minor quidem quam putabamus, ex proportionem magnitudinis; in quo sinu stagnaverat faetidissimum illud virus. Constitit post recisionem, tumori non fuisse folliculum, ex quo Severini sententia triumphavit. Verum enim vero fuit, inter ministros, Chirurgus, qui subtilius rem disquisiverat; putans, exactiori sua acrivia, se reperturum saltem quicquam proportionale cysti; sed utcunque allaboraverit praeter ostracosam carnem, quae variis fibris intertexta erat, ac veluti inaequalibus corticibus composita, nihil aliud notare potuit curiosus ille Anatomicus. Octiduo autem elapso ab hac prima operatione, ex frequenti, & efficaci illitu saturnini butyri, & aliorum emollientium, separata est à viva carne crusta digitalis crassitudinis. Interim bene se habente aegro in omnibus, vivido suo naturali colore perfuso, & superstite succulentia illa habitus, qua naturaliter praeditus is erat; coepimus de tam felici eventu omnes laetari, & rem in tuto positam, beneque peractam existimare. Verum Clarissimus Severinus, in subtus derelicta tumoris parte, syrtes latere, hoc est, graves difficultates, & pericula, mussitabat. Nimirum terreri seipsum, aiebat ingenue, per rebellem illam duritiem in tumoris radice firmatam; adversus quam etiam validissima caustica, ficulneum robur suum ostendebant. Verum nihil non cadendum tamen animo suadebat, deprompturum se efficacis Chirurgiae suae arma, quibus omnino futurum erat, ut caderet hostis. Vicissim ergo nunc causticis solidis, nunc liquidis, nunc actuali igne, nostri seculi Hercules Lernaeam Hydram tentavit; at illa, sui officii haud immemor, cum supra os patellae jam deventum esset, ex rimis, in quibus tendones vel ad invicem, vel cum osse, coeunt, vel unius noctis spatio fungosa capita emittebat; contra quae etiam Hermeticorum illa

Dra-



Draconum spuma hebes videbatur. Sed tamen excogitavit Clarissimus Vir, malo nodo, malum cuneum; ac liquore quodam, cujus nunc compositionem non scribo, superfuso & agitato, e spongiosa illa carne glutinosum humorem emungebat prius; inde, arcano suo albo praecipitato desuper adperso, saepius crustulas extraxit; tandem, ad operis compendium, ignito auro radicitus renascentem bestiam occidit; adeo, ut non amplius pullularent capita. Detectus ex parte tendo latus est, ac, non sine admiratione, observatum est, ostracosam carnem, & fungos, intra tendonum fibras radices habuisse, & in medio patellae omnino labem ad os usque pertigisse; unde opus fuit desquamationi vacare, quam egregie praestitit extractum Aristolochiae rotundae, Euphorbii, aliqua portione commixtum. Hujusmodi laboribus Aprilis & Majus menses insumpti; ac jam ulcus ad daleri magnitudinem, quod in prima sectione diametro spithamae mensurabatur, devenerat. Curabatur autem emplastro styptico Paracelsi; cum sub nocte D. Joannis, cujus festum 24. Junii celebramus, descendens aeger lecto, scipione non bene firmo innixus, in pavimentum toto corpore illisit, ac genu affecto praecipue: unde & discissa sunt ulceris labra, & fluxione accersita, recrudit ex parte malum; adeo, ut insudandum pertinacissime fuerit usque ad vigesimam Augusti; qua die jam oculi pertaesus, & suae ipsius salutis bene conscius, Religiosissimus Vir e Monasterio D. Martini, ad officii sui curam discessit; qui vivit nunc pancratice; motus nullo impedimento notatus; cum Martino Delrio saepe dictitans, non pejus esse ab uno lictore morti addici, quam à centum Medicis. Haec est ipsissima curationis Historia. Utinam vero, amice, egregia illa Severini facinora, ut apud exteros gloriam, ita apud Neapolitanos invidiam non excitassent! qua una torpere, tanquam fascino, videtur Clarissimus Vir, ad sua ingrato mundo bona communicanda; maximo cum litterarum, & Hippocraticae Medicinae, detrimento, cujus alioquin reparator esse posset. Caeterum tibi, librorum belluoni, quid nunc in os ingeram non habeo; nam ut nosti, & ut cum Scaligero dicam, Italiae non nisi mercaturae, & forensium librorum chartae, excuduntur; at felicissima illa Germanorum praela, vel ob Martis strepitus quiescunt, vel ad nos sua non transmittunt, licet ad miraculum nunquam satis laudata illa ingenia Teutonica, inter bellorum turbines, & literas profiteantur, & in Medicina exornanda desudent perpetuo: quibus sicuti gratias pro tanto opere debemus, ita Italicae gloriae memo-



*res invidere etiam possumus. Vale Vir Clarissime ; qui sicut à me coleris unice, ita fac, ut abs te redamer aequè. Neapoli nonis Januarii, Anno 1642.*

### *Historiae Meliceridis.*

**A**D haec Meliceridis historias, memoratu dignas, non silebo; quarum una est. Petrus Antonius Russus Amalphenfis, quinque jam annis, ferebat, dextera mamma, Meliceridem, tam magno tubere, ut caput hominis aequasset. Hanc dum Medici Valentudinarii nostri, ferro veterentur attingere, intrepidus ego sectionem aggressus sum; certus Anatome, sub gracilis viri mammae corpore, nihil praeter cutem, & adipem exstare: deinde & fluctuatio suffusum intro fluorem me docebat. Jam igitur huic exsecto tenuis ichor exiit, mellis albi referens speciem; quo in dies exhausto, sanatus est homo non longiore; quam mensis unius, curriculo.

Similiter Honofrium Stranerium Neapolitanum, Isabellae nobilis Obstetricis ex fratre Nepotem, duodecim annos natum, ex ingenti Meliceride, circa sinistram mammam inhaerente, vexatum; cum plerique Medici pharmacis internis, & decocto sarsaparillae, & quotidiano sudore, quibus unice confidebant, adhibitis, nulla unquam parte juvissent; sola nos tumoris aperture suae prorsus integritati restituiimus. Res nota, pervisaque, tum tonsoribus ad compita Spiritus Sancti, tum Aloysio de Gratia, & Francisco Laviano, Medicis praestantissimis. Exemplum sunt huiusmodi, ut non possint esse graviora, tum excessu magnitudinis, tum locorum perdifficili situ, tum vitii gravitate, ac novitate. Quibus tamen nil operantibus, sunt homines integre restituti. Quas ob res, nisi vere sint impotentes, atque omnia tuta timentes; non est, quod similes, ac saepe etiam minores, operas refugiant nostri Chirurgici.



## CAP. XXIII.

*Indicationes curativae.*

**A**Ntequam vero ad ipsam *Anomalorum Abscessuum* Curationem accedamus, mentio quidem esset facienda curationis eorundem prophylacticae; sed quia eandem abunde descriptam nobis reliquit Joannes Langius, *in epist. 4. l. 10.* itaque te eo remitto. Interim tamen absolute plurimos uestione Arabica me curasse, te latere nolo; inter quos etiam est integerrimus Generalis Antistes ordinis Montis Virginei; Reverendus item P. Joannes Baptista Nenna, ejusque sodalis Horatius Tarantellus, utrique e societate Jesu viri; insuper Sacerdotes Templi incurabilium duo, ut & Augustinus Saulinus, Doctor Medicus probatus, ac Gregorius Saponelibrarius compositor; ampilo aut ulceri delapsa crusta, & membranula per corrosiva subducta, facilis fuit carnis inductio, & in ejectricem obductio. Haec de *prophylactica Curatione* sufficiant; sequitur nunc altera.

Cum autem triplex is Abscessus alieno constiterit concremento; expletur omnis curandi scopus evacuatu, atque absumptu materiae, quae opera, vel sensu evidens, vel obscura est. Evidens quidem tum putrefaciendo, tum excindendo habetur: obscura medicatio per discussum est lentum, quem medicamenta extreme calida praestant, & absorbentia; qualia sunt inter caetera Galeni *empl. diapyrites*, & *diadictamnium*, & *sacrum*, opere de *comp. med. per gen. descripta*. Itaque horum Abscessuum omnium curatio communis est triplex; per digerentia; per liquantia; per exsectum. Porro uni Meliceridi triplex haec omnis ratio pro libitu, proque ratione affectus, accommodari potest: corruptoria vero, & exsectus Atheromati conveniunt. Solus exsectus Steatomati competit; quippe materiae crassitie, contumacissimum ad medicatum Steatoma, minus Atheroma, est; multo omnium minime Meliceris: de qua Galenus, *in l. 14. meth. med. cap. 12.* Paulus, *in l. 13. c. 34.* Fallopius, & Fabricius, memoratis locis.

Jam vero, quod Galenus, *l. 3. meth. med.* Meliceridem rescindendam absolute posuit; 14. vero *ejusdem operis* per discus-



sum medendam; contradictionem aliquam non habet. Etenim, eo loco curationem extremam; hic promiscuam, & multiplicem, explicuit. Praeterea meminisse nos oportet, Galenum, in *l. de tumor. praet. natur. cap. 5.* haud perpetuas fecisse tunicas Abscessibus. Fieri ergo potuit, ut tunicata quidem tubercula, per electum à scalpro; tunicae vero expertia, per digestum à medicamentis, curaverit. Enimvero diversitas haec & mihi comperta est, qui juveni Romano Meliceridem de palpebra detraxi cysti circumseptam: in carpo vero mihi, & aliis eandem curavi praeter eductum rei solidae. Sed & Atheromati non unus est modus: interdum enim adhaerens levius tunica cuti, interdum adjacens laxè, reperta est. Sic & Steatomatis variam madore, pinguedine, densitate, compagine, toto habitu, systasin adverti superius.

Vides jam non dissensisse sibi Galenum, productis locis. Major ambiguitas est apud Aëtium Amidenum, qui *Tetrabib. l. 4. serm. 3. cap. 7.* proposuit medicamenta, quae Meliceridas, & Steatomata, citra Chirurgiam exsolvere valent; sed pro eis, qui chirurgiam recusant ea verba protulit: quasi vero, condocerfactos hos faciamus in medicamentis utendis taedium, non veram curandi efficacitatem esse. Vel dixeris, tentanda omnia sub tumorum initiis. Et Galenus *Myrmecias* discuti licere docuit *l. 6. epid. com. 2. qui meth. cap. 1. & l. 14. cap. 13. & 17.* censuit excindendas; nimirum, quia toto sunt genere praeter naturam. Sed & Paulus Aegineta *l. 3. cap. 34.* remedia digerentia potissimum ad Meliceridas exposuit, quia alia operis parte tradidit excindendas.

## C A P. XXIV.

### *Curatio per Medicamenta.*

**Q**Uoniam igitur in Cysticis Abscessibus, una Meliceris curationem per medicamenta discutientia sibi praerogat, septica vero exposcit Atheroma; de horum utrorumque delectu necesse est, ut dicamus. Quod autem ad Meliceridem spectat; curatio per medicamenta difficilis, plurimumque fallens, usu comperitur: nihilominus, quia tumoris initio debita, omnibus  
sem-



semper optabilis, & à scriptoribus plerisque proposita est: exsequemur etiam hic nos medicamentorum ejusmodi descriptiones, auctore primum adscito Galeno, qui l. 6. de compositione medicam. per gen. cap. 14. exposuit Alexandri unum, quod.

℞. Salis Hispani,  
Argenti spumae,  
Cerussae, ana lb. j.  
Cerae,  
Terebinthinae, ana unc. j.  
Galbani, ℥  
Opopanacis,  
Visci querc. ana unc. ij.  
Sinapeos, unc. vj.  
Olei veteris, lb. iij.  
Aceti, sextarios octo.

Describit & sic Fallopius. Alterum descripsit ex Democrate, quod sic conficitur:

Libram salis laevissimi  
Tenuis, duas Cerussae, tot ℥ Galbani,  
Fac uncias, totidem purae Propoleos.  
Aristolochiae binas pariter uncias,  
Praestantis Olei libras annosi duas.  
Crassissimum si fuerit, addes alteram.  
Coquito similiter, temperaturumque probe  
Ab igne tollito: laevigatam tunc quoque  
Aristolochiam insperges; injeceris ubi  
Mollita, Propolim scilicet, atque Galbanum.

Haec Galenus. Aëtius vero proposuit & suum aliud, quod

℞. Cerae,  
Terebinthinae,  
Squamae aeris, sing. sextantem,  
Sulphuris vivi,  
Nitri, sing. unc. j.  
Radicum siccarum Cannabis sylvestris, drach. xxxv. ℥  
si defuerint, Aristolochiae tantundem.  
Olei antiqui lb. i.

Radices per triduum aqua madefactas, & contusas in Oleo coquito, donec torrefiant. Deinde ipsis abjectis, caetera, quae



liquari debent, liquata admisceto, & arida ex *Aceto* tria adjicito; atque utitor.

Sed Paulus Aegineta *l. 4. cap. 34.* praeter alia multa, commendat unum ab Archigene excogitatum, quod

℞. *Aphronitri, & Veratri, partem duplam, cum Cerato duriore impositam.*

Haec isti Veteres. E Junioribus vero Joannes Langius *l. 3. epist.* & Euonymus Philiatrus, tum *in operis parte priori*, tum *in posteriore*, & post hoc alii, celebrarunt Oleum subtiliore ignis arte (*Chemicam* vocant) extusum. De quo haec ille:

*Aqua mirabilis, quae delet Napas Tubercula, seu pustulas, Papulasve, aliqui Napas vocant (Itali, puto), Lupias, glandulas, Scrophulas, Porros, id est, Verrucas; & omnia nascentia mala, ubi vis in corpore tollit.*

℞. *Olei Laurini, ℔. ij.*

*Turis albi,*

*Mastiches electae,*

*Gummi Arabici,*

*Terebinthinae clarae, ana drach. iij.*

Tritis terendis, misce omnia, & destilla per alembicum; & in aqua ista sic destillata infunde

*Cineris terrae ℔β.*

Et iterum destilla, & serva aquam tanquam thesaurum. In-nominatus. *Cinerem terrae Calcem* puto.

## C A P. XXV.

### *De Chirurgica curandi ratione.*

**D**Evenit jam sermo ad rationem administrandae rei Chirurgicae, quam Cornelius Celsus, omnium post Hippocratem vetustissimus, absolutissimusque, auctor scriptam reliquit, *libro 7. rei medicae c. 6.* his verbis.

„ Si capillis conteguntur, per medium oportet incidere: sed  
 „ Steatomatis tunica quoque secanda est, ut effundatur quidquid  
 „ intus coit; quia non facile a cute subjecta carne ea separatur:  
 „ in caeteris ipsa tunica inviolata servanda est. Protinus autem  
 „ alba, & intenta, se ostendit. Tum scalpelli manubriolo didu-  
 „ cen-



„ cenda à cute, & carne est, ejiciendaque cum eo, quod intus  
 „ tenet. Si quando tamen ab inferiore parte tunicae musculus  
 „ inhaesit, ne is laedatur, superior pars illius decidenda, alia  
 „ ibidem relinquenda est; ubi tota exempta est, committen-  
 „ dae orae, fibulaque his injicienda, & super medicamentum  
 „ glutinans dandum est, ubi vel tota tunica, vel aliquid ex ea  
 „ relictum est: pus moventia adhibenda sunt. Haec ille.  
 Addidit Paulus praecipuam emundandae tunicae diligentiam ser-  
 vandam esse in brachiali, in talo, & articulamentis motui di-  
 catis: in quibus locis, relictæ membranæ portio consuevit oc-  
 casionem exfuscitandi vitii præbere.

Sed nos adscribemus his utiles quasdam agendi rationes, & observationes.

Primum Abscessus cum tunica, qui manibus attrectati, per-  
 motique, sese exhibent circumfluos, id est, quoquoersum sub  
 cute mobiles: hos confidentius arripi curandos licet. In alteros  
 vero, qui firmiter haerent, jam apertos, materiaque opplente  
 exhaustos, candentia ferramenta tutius immittuntur; qui ignis  
 insuper, ubi minus evulsæ videantur fibrae, quibus Abscessus  
 nititur, atque ubi periculum est, vel profluxuri sanguinis, vel  
 accessurae corruptionis, opportunissimus erit. Ad incedendum  
 autem, cauteria, non vulgariter acuta, desiderantur. Smilion,  
 id est, recurvum scalprum requirit Hieronymus Fabricius Aqua-  
 pend. in *Traët. de tum. c. de Atheromate*, &c. Sed interim ho-  
 mo, qui tractandus est, Hippocratis praecepto, in *l. de offic.  
 medic.* paulo post initia, tum ad lumen illustre, tum ad te cu-  
 rantem, quam commodissime collocandus est; qui si timidus  
 sit, sive puer, sive foemina, manibus ad dorsum retractis, re-  
 ligandus; nimirum ne doloris impatiens Medicum agentem, a-  
 ctis varie manibus, impediatur; aut pavens, quoquoersum a-  
 gitetur. Post haec, ordinatis, quae sunt ex usu rituque, po-  
 tissimum habe paratam spongiam, qua inter secandum effluens  
 turbator sanguis exstergatur; notabisque apte per atramentum  
 scriptorium dissectionis necessariae situm, magnitudinem, figu-  
 ram: quae sectio, qua tumor exporrigitur, aut paulo ulterius  
 extendi debet: sic enim & commodius diduci fibras, & appre-  
 hendi tunicam, & purgari ventriculum, licebit; tum obverso scal-  
 pro rem peragas licet, tentans obliqua manu descissionem; ar-



que ita etiam excorians cutem, ne folliculum, id est, vestientem membranam convulneres. Incisione facta, praecipit Cornelius, ut tunica scalpelli manubriolo diducenda sit ex cute, & carne, ejiciendaque cum eo, quod intus tenet. Sed nihilominus compertum est mihi, firmitus hanc adhaerescere, quam ut obtusae rei scalptu divellatur; quapropter acie ferramenti sub tunicam immissi subsecanda est, totaque detrahenda: vel si hoc aeger non patiat, medicamentis causticis exedenda; in qua saepius laborare Medicum contigit.

## C A P. XXVI.

*Adversiones circa singula istorum genera, & primo de Meliceride.*

**M**eliceris, quae carpo paulo superius oboritur, his, qui rem minime sunt experti, plerumque imponit sic, ut credant scirrhum esse tuberculum, ganglionve; atque adeo dissectionem exsecrantur medentes. Sed nihilominus scire licet hanc durtiem evenire distentione humoris copiosi, qui candidum ovi, aut, ut verius fortasse dicam, mel album refert. Hunc igitur mobilem circumquaque tumorem non contrectaveris, confidenter, si me audis, aperueris, sive phlebotomo, sive pastinacae marinae radio, quem homines timidi minus exhorrebunt. Comperta haec observatio mihi fuit in multis. Primum in me ipso, qui, Pitheculae degens, unam ex his in metacorpo natam discidi; deinde in aliis, & in Leonardo Ciccono Civi, Abel linati Doctore jam Medico, qui tum usum medendi sub Mario Schipano, Medico celebri, erudiebatur; cujus sinistrae manus initio natum Tuberculum, licet aliquibus ganglii speciem referret, nihilominus à me sub punctum, pellucida effusa pituita, Meliceridem manifestam fecit. Cui operae interfuit principio, Dominus Coccia Neapolitanus, Medicus eruditus. Meliceridis, super carpo superiore natae, folliculus inhaerens nullus, quantum ego in plurimis observavi: quare neque ampliorem illius causa sectionem feceris; neque ab infecta illa cystis exsolvenda fueris sollicitus, quam curam multi falso volunt habendam.

Ad-



*Adversiones de Steatmate.*

**S**TEATOMA cum abscideris, memento intemperiem nonnullam, praecipue si majusculum fuerit idem, in parte relictam curare. Consilium autem tui medentis erit, eandem, medicamentis naturae amicis, fovere: ubi vero fibras aliquot residuas inspexeris, consultum his fuerit induci causticum, vel ignem leviculum. Hae equidem à me comprobata sunt omnia, in eo, quod curavimus Gratiae à Philippis, Caenobitae minori; cujus in hoc libro plus semel mentio facta est. Atque haec quidem curatio est, si lata sit basi Steatoma; namque si tenue sit, pedunculo propendens, satis erit ad imum exsectio. Corrosivis contentus est Fallopius.

Illud etiam ex Aëtio negligendum non est, quod in Strumis servatur, si Steatoma sublevatum fuerit, in circuitu, per scalpellum: subter vero digitis, insertum vero in ambitu, & subter incidendum esse. Caeterum ex ejusdem Viri doctrina scire licet, in Atheromate, ac Meliceride, tunicae sectionem formidari: in Steatmate, quia solidioris est substantiae, quae non effluit, nullam ejus rei necessariam cautionem esse.

*Adversiones de Atheromate.*

**S**ED in Atheromatis genere, illud inter caetera maxime advertendum est, ab aliis quidem nullis admonitum, à me vero dum haec saepe tracto, non semel observatum; detectam ample tuniculam Abscessus haud semper oportere totam à cute revelli, concluso tum infarctu integram: quippe peracerba revulsio, & ab omnibus vix tolerabilis. Satis est, ut latiuscule dissecta cute, potissimum autem decussatim, quam maximam licet membranae partem forficulis, aut scalpro, rescindas; caeteram portionem medicamentis, non dico equidem causticis, sed digerentibus & erodentibus, detracturus. Id equidem comperi primum in Valetudinario, curans Dominicum Riccardum adolescentulum Abellinatem, qui Atheroma obtulerat, super ensiformi cartilagine, sexto plus mense natum: in quo adolescente, nulla etiamnum facta resectione, folliculus ample apertus

com-



computruit, & partim abstergentibus, partim catharticis ex-  
tritus est, & liquatus. Non dissentit autem à me Paulus 1.6.  
*cap.* 36. Verum enimvero non te lateat velim, hujus sortis non  
esse crassiores folliculos, & cartilagineos fere. Ejusmodi fuit  
is, quem Capucino de genu substuli; porro par non omnium  
est conditio, etiam ejusdem generis. Ergo prudens Medicus,  
exercitusque sit oportet, qui perspicienter omnia discernat in  
singulis. Aliud etiam à me comprobatum super eodem adole-  
scente rescias velim. Circa pectus exsecta haec tubercula disten-  
sionem aliquam lacertis thoracis induxisse; quapropter sollici-  
tus esto laxandorum continuo musculorum, tum ad ipsos datis  
medicamentis, tum ad axillas & inguina.

Aliud ex Aëtio servandum est. Post ablatam pelliculam, si  
labia plus aequè laxa fuerint, redundans cutis exsecanda, dein-  
de futuris labia connectenda. Atque illud insuper animadver-  
sione dignum est, eodem auctore; ut si in capite hujusmodi tu-  
mor fuerit, post ablatam pelliculam os ambientem secemus, &  
calvariam diligenter abradamus: qua in re facienda, quid consi-  
lii sit, Aëtius quidem ipse non expressit; sed nos illud interpre-  
tamur, aut quia sic omnis mali fomes eluitur, scatensque quasi  
fons ejusdem occoecatur: nimirum in pericranium, & cranium  
inducto per deraisionem poro, calloque; aut quia securius sic  
exteritur omnis, à vitio primum inducta, labes, nullusque re-  
cidivae relinquitur locus. Confirmat autem opinionem simile  
quiddam apud Joan. Riolanum, atque alios etiam antiquiores,  
qui talparium capitis vitium, ut perfecte curetur, etiam peri-  
cranium excindunt, & os deradunt, ne aliquando vitiatum,  
plagae coalitum remoretur.

## C A P. XXVII.

*An, exempta tunica, consuenda plaga sit?*

**Q**Uaestio nunc ad extremum hunc locum occurrit; num,  
folliculo ad unguem extracto, futura conficienda sit; ni-  
mirum, quia vulneris cruenti ratio conglutinatum exigit sui  
ipsius? Cujus rei determinatio non ita facilis est: nam si magni-  
tudinem consulas, & secundum hanc requiri futuram velis, par-  
vus



vus quidem hiatus ex plaga solis medicamentis conglutinantibus contentus est; si magnus est finus, quantum quidem amplitudo vulneris adjuvamentum conglutinandi requirit, tantundem etiam difficultatis exhibet, & ambiguitatis, ne, fornice aliqua remanente, per antiquum cutis habitum ex antea substrata materia Abscessus falsus fiat, & irritus coalitus: itaque necessum esset evagantem, & cohaerentem cum carne, cutim prius abscindere, deinde consuere; sed hoc saepe homines, qui tractantur, doloribus multis pertaesi, non concedunt: possunt autem, si concesserint, futura uti. Liberam autem, ut consuas, vel abstineas, potestatem fecit Aëtius; qui inquit, peracta opera, vulneris labia futuris constringantur, ut melius glutinentur, aut linamenta profunda indantur, & curatio ad puris generationem adhibeatur. Tradidit & de futura idem Vir, *Tetrabibl. 2. serm. 3. cap. 33. & Tetrab. 4. serm. 3. c. 7. & 8.* At Celsus *l. 7. cap. 6.* tradidit haec; *ubi tota ( tunica ) exempta, committendae orae, fibulaeque his injicienda, & super medicamentum glutinans dandum est.* Approbavit & futuram Paulus Aegineta, *lib. 6. cap. 36. praeterquam* ( addens ) *si quid membranulae restitisse fuerit deprehensum, tum enim erodentibus medicamentis reliquiae sunt absumendae.* His & Hieron. Fabricius adhaesit.

## CAPUT POSTREMUM.

*De Nata Abscessu, ex tenuiore basi propendulo.*

**P**Rivatam, & peculiarem curationem nanciscitur *Nata*, seu *Nasda*, quod plerique dixerunt; Tuberculum ex Anomalis unum, quod interdum ex graciliore basi, velut ex pedunculo fucus, propendet. Ad Steatoma quidem retulit Joannes Tagautius, *instit. chirurg. l. 1. cap. 13.* verum ego potius de genere Meliceridis fecerim; quippe Steatoma basi nititur ampliore, si credimus Aëtio: id quod de Meliceride atque de Atheromate, neque idem ipse, neque alius quispiam, dixit. Utcunque cum hoc tenuiore basi dependeat, circumsectione, atque amputatione, tractandum est, non simplici apertione. Ita enim Brunus Calaber, Longoburgensis, *libr. 2. chir. magnae cap. 8.* quae caeteroquin, exciso sive adstricto filo in pusillanimis, ad  
Y  
stupe-



stupefactum usque partis, five etiam sine innodatu, quod Bruno visum est, fiat, in nostra est manu. Inuentionis vero neque ille meminit, neque necessitas ulla est, nisi cum, aut profluvii sanguinis, aut recursus vitii, metus suadet.

## P E R O R A T I O.

**I**Amque *Abscessus Anomalos*, & incompertos adeo, ut ne genus quidem, aut forma, aut causae, aut generationis modus, aut exortus, aut incrementa, aut augendi vis, cognita prius essent, explicavimus, illustravimusque, quantum unicuique sit satis. Opus, ita me Deus amet, quod, ut multi laboris fuit, sic & non pauci credam operae pretii: nam quid exleges naturae res, & inordinatas (si quae sunt tamen huiusmodi à se veraciter emissa aliquae) ad legem, normamque, id est, ad notitiam lucemque, revocari? quod igitur id jam praestiterim, ut fatear, mihi ipse non gaudere non possum, defunctus hoc commentationis genere, quod nemo hactenus attigit. Bene autem de re ipsa meritis, an secus, aliorum esto iudicium; mihi satis esse potuit, elaborasse argumentum, quod dignum suo proposito sit, ut legatur. Qualecunque igitur illud sit, mea nunc opella frui, Deumque bonorum omnium auctorem mecum commenda, Lector.

## F I N I S.



DE NOVISSIME OBSERVATIS  
 ABSCESSIBUS,  
 QUORUM GENERA SUNT,  
 PROGERMINI, CARNIFORMES, MUCOCAR-  
 NEI, SPONGIFORMES, SANGUIFLUI, PU-  
 SILLO SCHAEMATE, ATQUE ALII.

LIREBUNUS,

Qui est Operis, de selectis Abscessibus, IV.

EODEM SEVERINO AUCTORE.

PRAEFATIO.



Ifferentias has Abscessuum, quas recen-  
 ti lemmate praelusimus, haud scio equi-  
 dem, quam libenter, aut prompte sint a-  
 liqui accepturi, qui novas res omnes in Me-  
 dicinam invectas, quaecunque tamen illae  
 sint, aut qualibet ratione, aut quovis au-  
 ctore propositae, continuo respuunt; man-  
 cipati videlicet his, quae tradita ab incu-  
 riosis, ignavisque magistris, & usu quo-  
 tidiano prodita noverunt. Verumtamen par est, aequos ju-  
 dices productas in medium res quaslibet placide primum audi-  
 re, mox easdem diligenter expendere, expensasque judicare.  
 Ostendam equidem praeter eas formas Abscessuum, quas anti-  
 quitas advertit, & aliam quampiam assignari fas esse. Neque  
 interim temerarium, aut insolens videri debet, si paulo aliter,  
 quam venerandi Viri priores consuevere, nos aliquando com-  
 mentemur, philosophemurque. Primum enim nova multa fert  
 libido variabilis aevi: atque morborum novitatem, suis quibus-



dam seculis incidentem, monstravit plenissime Plinius, *l. 26. nat. hist. cap. 1.* nec non Corn. Celsus *in prooemio l. 1.* atque alii complures, qui luem Veneream novum & antiquis ignotum affectum credidere. Deinde neque omnia vel observare, vel literis adnotare, potuerunt illi primi disciplinarum conditores; probabile autem est multa, e composito, reliquisse excolenda, perpoliendaque nostrae adlaborantium industriae. Quis autem fani vir iudicii reputet omnia statim, & cumulate, cuiquam absolvenda? O nos inopes & poenitendae sortis homines! si, quae tantum antiqui cognovere, non alia, debuissimus ex universo rerum ordine comprehendere. Infelices, inquam, nos! si non pulchrum aliquid, aut inclytum, totis annuis occupationibus nostris, assequi, praeterquam tradita per majores nostros, ediscere valeremus; frustrata nimirum ingeniorum bonorum feracitate, naturalique alios aemulandi, superandique, cupiditate, jactuissent sane artes pleraeque omnes. Siquidem ipsae non promotae, retro semper actae fuissent, amissa in dies etiam atque etiam praestandi, atque excellendi, caeteris gloria. Tantum abest, ut mansissent semper eadem, quemadmodum sydera, elementa, maria; quanquam terrae ac maria etiamnum aliquando se ampliant, minuuntque, accedentes, & recedentes, si majorum observata non fallunt. Adeo verum est scilicet, nil semper sui simile, ex mundanis hisce rebus, existere. Ad extremum, vastum est hominis ingenium, vastusque mundus, in quo & specierum productio, & productorum indago, apud mortales nunquam limitata fuit; sic principio decernente potestatis inexhaustae Creatore numine. Quas ob res si illud unum, quod inertes homines volunt, interdum concederetur, plurimarum rerum ordo concideret, & ratio corrueret humanae naturae, ad sciendum, atque ad investigandum, natae. Infinitae denique, quas prosequi non omnes licet, consequerentur rerum absurditates. Sic apparet fas esse omnibus, si tantum ingenio valeant, nec temere philosophentur, pleraeque res supra eas, quae à prioribus adinventae fuerunt, audere, comminisci, excogitare, atque in lucem producere: quod non dico solum, ut approbem, sed ita approbo, ut summam hanc laudem putem, quae sunt in natura rerum inaudita, atque invisa, sic assequi, ut videaris tenebris eruisse. Itaque cum nos quotidie medentes, tum in Valetudinariis  
fre-



frequentissimis, tum in urbe, rerum omnium plenissima, pleraque observassemus de Abscessuum generibus, quae apud nostros omnes non legerimus, intelligentiis ipsorum haud scio comprehensa; visum est mihi necessarium, atque hominis erga alios bene affecti officium, si haec ordine disposita, & scriptis adnotata vulgarem: quod cum in praesenti facimus, accipies haec candide Lector, atque à benevolo animo profecta, etiam benevole prosequeris.

## CAP. I.

*De Abscessibus Progerminis.*

**R**Ecte illud à Galeno propositum est, *l. 13. meth. med. cap. 4.* principium, scilicet, apprime firmum in doctrina de Abscessibus, *quod omnium tumorum, qui praeter naturam sunt, varietas, ex ejus, quod influit, natura nascitur, &c.* qui idem Vir *l. 10. de com. medic. per loc. cap. 2.* quod est inscriptum *de Ischiade*, meminit humoris pituitosi, crudi, crassique, ad similitudinem puris crassioris. Sed Corn. Celsus, *l. 5. rei medic. c. 28.* Strumas fecit concretum sanguinis, & saniei. An igitur ex hoc humoris genere, secundum hunc aut illum auctorem, explicato, censeamus nos tumores, & Abscessus eos, quos *Progerminos* appellavimus? quasi dicas ex tetra humoris luxurie germinantia Tubera. Rectius autem, ac planius ex lentam, & corrupta, aut si mavis semiputri, pituita, aut hujus superfluitate, quae diutissime stagnantibus aquis palustribus, aut lacustribus, aut tactis multo lentore situque locis aliis, & arboribus vetustis, respondent, provenire dixeris limosa haec, & fungæa concreta; quae saepe in laxis, debilibusque, corporis locis extuberare peculiariter consueverunt: in manibus, inquam, pedibus, labiis, auribus, facie, partibus obscaenis, anticis, posticis, virorum, foeminarum. Sed haec, accommodatis ad rem exemplis, declarare, commodius erit.

Siculum quendam hominem quadraginta quinque circiter annos natum, licuit vidisse Valetudinarii nostri lectis decumbentem; qui, cum exesa late per ulcus altera bucca, Tuberculum castaneae nucis magnitudine obtulisset, exsectum hoc & ustum



denuo repullulavit in numerosam sobolem majorem, quae incrementa rursus, ferro & igne, detracta novos similiter suos stolones emisere. Cujus quidem excursus non factus est finis, donec faciei partem illam totam, & oculum, frontemque, occupassent; enormi quadam, & horrenda, specie, renata Tuberum incrementa. Interim autem cibi provolutu, demissuque, intercepto, hisque imbecillitate virium, & febre, conjunctis, miserabilis homo semel morbo concessit.

Sed & in femore supremo externe, qua vacuitas iliorum incumbit, & in manu, digitis, exstantia ejusmodi verticilla, ac tubera vidi, non aliter, quam humiles colliculos aliqua terrae planitie superantes. In coxa, inquam, Cataneo e Cataneis, nobili Januensi, inaequalia tria mala punica hortensia, tum magnitudine, tum colore, referentia; e quibus omnibus resectum id, quod maximum erat, plus libra pependit. Caetera autem ignava caro, quae sesquilibrae pondo fuisset, velut Q. Marius Imperator varicosum alterum crus, concidi sibi non permisit. Erant autem singula fomitibus, & radicibus nixa, quae distentis circumvenis alebantur, dura, putida, perpetuum ichorem tenuem atque aqueum reddentia; pusilla comite febre, ac dolore interdum punctorio, interdum tensivo, molesta; color homini pallens & subalbidus, qualis in leucophlegmatia vsiitur, aut qualis his, qui diuturnis quibusque fluxibus diu tenentur.

Simile ferme forte Hieronymus Damianus, Rochae Mondraconis, adolescens, vigesimum secundum annum natus, gibber, strigosus, & pusillo virium robore, dexteram manum, secundum quatuor phalangis digitos, gravem ita, ut sustinere non posset, cubans quidem capiti innixam, stans vero, subjecta altera manu suffultam, gestabat. Comparasses dura tubera, partim magnitudine limoniis corticosis, partim etiam colore non adhuc maturis malis insanis; sic alte turgebant; sic particulis quibusdam livescebant. Una alteris implicita, secundum digitorum nodos, excreverant adeo circa extremos ungues, ut hi summis apicibus vix apparerent.

Affectum, quod ad nomen attinet, *Atheroma nodosum*: quod vero ad figuram, subiit interdum animo mihi comparare, vel tuberosis ample, difformibusque, radicibus Chamaeirios latifoliae Lobelii; vel fructibus fici Opuntiae; vel complexui Tuberum radici-





ABCDE. morbosa manus supine tubera.  
 CDE. digiti annularis propria tubera.  
 FG. unguiū tuberibus obduclor; portiones.  
 H. ulcusculū sanie crassa madens.

ad Pag. 174.

ABCDE. morbosa manus prone tubera.  
 CDE. digiti annularis propria tubera.  
 FG. unguiū tuberibus obduclorū portiones.

N<sup>o</sup> 1: et 2:









diciformium, quae, vocata nostris Hispanica, cocta igne sunt esu multis non insuavi; vel monstrosis belluarum secundum digitos nodis, quos sepulchralibus urnis sculptores appingere consueverunt. Reliquum descriptionis secus apposita dabit pictura. Huic monstroso vitio haud scio equidem, an ulla parte respondeat id, quod scripsit Joannes Schenckius, *observat. med. lib. 5. tit. de manu*, his verbis. *Vidimus nos puellae cujusdam, annum decimum tertium agentis, manum sinistram, non quidem natura, seu prima uteri conformatione, talem, sed post octavum aetatis suae annum à postbrachiali ad digitos, & ungues usque, sensim in tantum autem, tumidam, sordidi, luridique coloris; subalbidis etiam maculis respersam, adeoque foedam evasisse, ut primo cujusvis aspectu, grandis alicujus bufonis imaginem referret; nullo prorsus dolore, aut manus usus offensa; ad tactum mollem, veluti substratam cuti spongiam; articulis digitorum, ob laxam elevatamque cutem, minime conspicuis. Haec ille.*

Verum enim vero, quodcunque vitii fuerit illud, amputatum per nos secundum primos digitorum phalangis articulos, ac perustum, ad sanitatem integram brevi perduximus. Quam rem, tota urbe famosam, videre quamplurimi; inter caeteros Nicolaus Angelus Elisaeus, acris ingenii Medicus, Jo. Baptista Ferrarius, Alexius Alonia, Medici. Caeterum materia, quae sub inciso vitio reperta est, veluti coctae carnis bulbi Cyclamis apparuit, friabilis insuper, & lenissimo quoque contactu cessilis.



*Alius, alterius, non exiguis defoedatae Tuberibus  
manus, à Clarissimo Medico*

## NICOLA O LARCHEO,

*Roma nobis, cum alterius hujus generis Abscessus  
schemate, transmissae Historiam, his nostris lu-  
cubrationibus, inserere placuit.*

*Prioris Historia est talis.*

**E**Cce tibi nuper sponfam manum deformem, ac tuberosam, mi Marce Aureli, tuis Abscessibus conserendam, mitto; quae paulatim congestionem in tantam molem crevit, ut septem librarum Romanarum cum unciis tribus pondus aequaret. Tanti affectus ipsemet patiens exordium ignoravit, sed si à parentibus acceptum nunciavit, id à morfu verris principium traxisse, eoque increvisse; donec materiae multitudine obruta natura succubuerit. Cum itaque tantam molem moderari non posset, in medio metacarpo computruit, non ipsa cutis aut caro duntaxat, verum etiam ipsamet ossa. Unde febris miserum corripuit, ut indies in deterius progrediretur: quae causa fuit, cur infelix in Nosocomium S. Jacobi incurabilium sese contulerit, ibique sibi amputari manum lubenter passus fuerit; secus, nisi mortem timuisset, haud annuisset, cum ex tam portentosa manu sibi vitum compararet, faciliq; negotio pias mentes ad eleemosynam flecteret, à quibus annuos redditus exigebat.

Hanc habes triplici iconè depictam, pronam videlicet, supinam & adversam: quarum prior notatur litera A. posterior lit. B. tertia lit. C. cujuslibet rursus partes, suis certis zipheris & literis.

NICOLAUS LARCHE

*Romae, in Nosocomio incurabilium  
S. Jacobi, Chirurgus..*

*Poste-*



A. Truncus brachii. B.B. Ossa cubiti et radii.  
 C. Pollex. D. Unguis ejusdem. E. Index. F. Unguis.  
 G. Medius. H. Unguis. I. Annularis. K. Unguis.  
 L. Auricularis. M. Unguis. N. Volæ manus.




O. Annularis. P. Unguis. Q. Medius.  
 R. Unguis. S. Index delitescens Ungue.  
 T.T. Pollex. V. Unguis.





Handwritten text at the top of the page, likely a title or header, which is mostly illegible due to fading.



Handwritten text at the bottom of the page, likely a signature or footer, which is mostly illegible due to fading.



A. *is*. P. *Unguis*. Q. *Medius*.

C. *Index delitescente Ungue*.


G. *x*. V. *Unguis*.

L.





Handwritten text, likely bleed-through from the reverse side of the page. The text is illegible due to fading and the quality of the scan.









*Hæc figura totum puellæ corpus,*

A



*Hæc figura dextrum ostendit tumorem.*

*Hæc figura sinistrum tumorem indicat.*



*Posterioris, sequens,*

## MARCO AURELIO SEVERINO

*Nicolaus Larcheus, Medicus Romanus,*

S. D.

Q Uod diu literas ad te non dederim, non est, quod, Eruditissime Marce Aureli, mireris; filui equidem, tam quia nihil novi foret, quod offerrem te, tuisque sensibus, dignum, tum etiam, ne te minus gravibus, minusque feriis rebus, distinerem, Virum, quem novi equidem in medendo, profitendo, scribendoque, continenter occupatum. Jam vero gratissimis tuis literis excitatus, oblataque novae historiolae occasione, confestim arripui calamum atque parumper ad te diversari volui. Historia si-ve observatio nostra, cujus memineram, haec est;

Puella, quinque annos nata, concrementum carneum oculo dextero subnatum habuit, pugnum contractum aequans, a plerisque nostrorum Chirurgorum pro *carcinomate* curatum: tum vitii contumacia, tum inopia, pressi parentes, quibus numerosa, natorum, natarumque, soboles alenda erat, miseram hanc puellam ad Valetudinarium D. Jacobi deferunt, meis manibus tractandam; qui post aliquot dies, nulla propemodum habita medicamentorum fiducia, *Sarcoma* resecai simul & inussi, quod brevi coalitum est: septimo vero aut octavo à resectu die, Tumor sublividus, inaequalis, indolens, tactui nonnihil cedens, multis undique circum venulis septus, sub oculi sinistri palpebra, subortus est; qui paulatim adauctum jam totum lateris sinistri tempus & auriculam, nec non cervicem, late occupabat, quin & genam adeo, ut os obstrinxerit ad capiendam escam angustissime: eodem ipso tempore ex adversa parte simillimus huic, tum figura, tum colore, tum etiam progressus more, modoque, erupit; quae itidem Tubercula maximam colli partem sic obsederant, ut junctis utrisque operis, cervicem humeris exaequassent: quod vitii complementum, duorum cum semisse mensium curriculo, peractum est. Illud autem silentio non obducendum est; quantum-



vis Tubera naturae modos exceſſerint, tantundem incomparabilem puellae patientiam perſtitiffe, quae nunquam fuit vel de morbo conqueſta, vel vagitibus moleſta. Verumtamen erat illi ſatiſeſurienti, ſi vel panis, vel caſei, vel caſtanae, vel offa quaelibet, offerretur; quibus reſecta, caeterum omne tempus piſcibus mutior ducebat. Tandem, pridie Calend. Novembres, e terris jam felicior coelo puella diſceſſit. Tubera haec infecta, fungoſam & pituitoſam, ſuo folliculo contecta, ſubſtantiam nobis aperuerunt.

Ad haec aliud relatu dignum offenſum eſt, cranium tractantibus nobis: mirum foramen e rimis calvariae peramplum à dura menynge ad Tubercula iſta petens, per quod videlicet materia de cerebro ad tumores alendos transmitti fuerat conſueſta: poſtremum, dictu mirum ad haec cuncta erit, pedes utroſque puellae negatos, direptosque, primordio; alimento ſcilicet amplo à ſuperioribus uſibus ad ſe raptis: Quorum omnium teſtes fidiffimi aeque ac graviffimi fuerunt excellentes viri, tuique amantiſſimi, D. Angelus Colius, D. Paulus Zachias, qui tum confirmandi Chirographi noſtri, tum ſalutandi tui gratia, ſubſcripſerunt. V. feliciter. ex aedibus noſtris Romae 3. Idus Novembr. 1636.

*Tuorum.*

*humillimus*

NICOLAUS LARCHEUS.

**E**GO Angelus Colius, in Archospitali Incurabilium *ιατρὸς*, praeſentia *αὐτοψία* ſingula enarrata confirmo *αὐτόγεγραφο*, quo etiam perpetuam tibi obſervantiam exhibeo.

Ego Paulus Zachias, Medicus, ſingula, à D. Nicolao obſervata, & diligentiffime enarrata, eo modo ſe habere affirmo, tibi que addictum ex animo me in tui memoriam redigo.

Haec cum non ſolum cognitu ſed etiam viſu digniſſima iudicaverimus, duabus aeneis Tabulis ob oculos ponere volumus.

*Hiſto-*



*Historia alia.*

**H**Oratio Bergazano, in foro magno Neapolis, opera nostra sectus, & uetus, *Abscessus* in umbilico *progerminus* magnus, qui, quadraginta jam annos connutritus, libras novem pependit; à nullis tamen unquam Medicis attrectatus, ut pote qui periclitari suam existimationem, in tam ardua re, minime vellent. Vivit autem hic homo liber, ad hunc usque diem, ceu nihil unquam mali perpeffus fuisset, sexagenario major; *progerminum* autem *ulcus* descripsit Marcellus Donatus *lib. 3. mirab. histor. med. c. 5.*

Obveniunt hujus generis Germina potissimum oculis graviter ulceratis, at perperam principio curatis; illud autem certum esse debet, quod saepenumero mihi compertum profiteor, ubi cunque tuberculum aut exarcosis ex ulcere exsurrexerit, ibi putrilaginem aut humoris scaturiginem subesse, ab osse nimirum carioso, aut parte alia computrefacta: obnascuntur & *ulcera progermina* partibus praesertim cavis, laxis venosis; quare etiam gingivis, de quarum sarcomate memorando idem Marc. Donatus *lib. 5. hist. med. mirab. c. 3.*

Maximum etiam Germen, palatum Francisci Firmitani Rhetini à Francisco Mosca, Medico peritissimo, ad me missi investiens, curatum à me fuit ustione.

Ex hoc etiam curata fuit conjux Michaelis Angeli Pinti, collega Joanne Dominico Malliocho.

Obierunt autem ex hoc eodem vitio, per sola medicamenta, à nostris medicabulis tractati, Sanctimonialis D. Gaudiofi tonsor quidam Holanus, atque alii.

## C A P. II.

*De Abscessibus carniformibus & musculis.*

**D**E *Abscessu carnosio* nemo nostrorum hominum ad hanc diem descripsisse visus est: adeo nimirum insolens, & deprehensu difficilis, est ejusdem species. Ego vero, si Deus adfuerit, illius ideam, & characterem, una sub naturae luce demonstrare



non diffido; neque vero id intelligo *Sarcoma*, quod aliqua humorum luxurie extra cutem exultat, memoratum ab auctore definitionum medicarum: neque carnosum alioqui sub cute tumorem intelligo, qualis est *Sarcocelis* diffusus, & laxus nonnulla parte; neque etiam, qualis strumis glandulosus, tuberosusque. Sed ex *carniformis* noster Abscessus, coactiore, firmioreque, substantia; ostracosa duritie, subjectae particulae affinis; tubere haud multum elato, sed lato expansoque; membraneis plerumque fibris, filisve, intertextus, plurimum ad musculos, sed qua se ad articulos appellant, oriri fuetus.

Ex quarum plurimis notis perspicitur melancholicam coactique sanguinis superfluitatem, in huiusmodi concrementum secessisse; contra quam tumorum aliae formae modo collatae, quae doctorum hominum iudicio à pituitoso, mucosoque, excremento solent praecipue proficisci. Quare cum non *Sarcoma* exterius, non *Sarcocele*, non *Strumae*, neque huius generis sit *carniformis Abscessus*; haud videtur hunc cognovisse Felix Platerus, licet *praxeos med. tom. 3. cap. 3. titulo*, quem de *extuberantia praefixit §. de causis, pag. 234.* de Tumore carnosio fuerit professus: neque item Antonius Benivenius, neque Marcellus Donatus, neque Joannes Schenckius, qui variorum huiusmodi Tuberum meminere.

Quamquam Platerus, *l. de privatis suis observationibus* retulit, sibi visam glandulam in cerebro, supra callosum corpus, insigni magnitudine, pomiformem, fungosa scirrhusaque substantia, quae peculiari tunica convestita, venulis erat confita; à cerebri corpore sic laxa, & libera, ut digiti solius abstractu resoluta, foveam insignem aqueo humore mox repletam, quo & ventriculi, admodum dilatati, diductique, referti erant, post se reliquerit: quam glandulam sua mole cerebrum huiusque ductus comprimentem irrigantemque, illius ignaviae & corporis, tandemque exitii causam fuisse homini, cujus cadaver à morte sectum est, deprehendit. Haec Plateri observatio, qua monstratur membranas, sanguineasque fibras, interferi saepe carneis concrementis.

Est nunc inquisitione dignum, ecquo pacto tumores hoc creari sit probabile? quam rem equidem paucis expedio. Effunditur sive diapedesi, sive anastomosi, è plenis vasis nonnunquam hu-



humor superfluous, praesertim in locos corporis plurimum agitato; & hae cordarum sunt partes lacertorum agiliū fines; qui sanguinis effluxum attenuatu nonnihil promovent. Congestus hic sanguis cum melancholica, ac pituitosa, portione mixtus, & multa sua crassitie non discussus à natura, id est, ab ingenito loci calore nunquam in opus vacante subigitur, & in meliorem, ut alias explicui, formam praeparatur; ab it pituita in fibras albas, sanguis vero percoctus, & melancholia, in carneum ostracole concrementum: cujus quia viscidula fuit materia, inhaesit haec subjectis locis non laxe. Ita non est difficile carniformem illum tumorum creari, nonnihil suffragante Platero. Quod si callosae, sub infimo calce, carnis procreatio sit exemplo, facilius hujus rei multam partem comprehendes. Sed haec fortasse plenius illustrabuntur exemplis, quorum perplura memoria servata; en tibi do haec.

Vespasianus Praenestinus, juris utriusque peritus, ab ineunte aetate Tuberculum, dimidiati secundum longum ovi asserini magnitudine, pone carpum, in brachio dextero interne, quadraginta jam annis, pertulerat, pro cacoëthe, atque insana-bili, ab omnibus Medicis existimatum; quod carnosum, quale appellavi, fuisse declarat; quod caro polyporum modo praedura, tam longis annorum curriculis indiscussa persistens, lato tubere, membraneis tunicis contexta, se obtulit.

Fuit & in Sacris Conceptionis aedibus, Neapoli, Capucinus, Innocentius nomine, quem, genus hoc Abscessus manifeste multis annis perpeffum, equidem curare requisitus, sola virium imbecillitate & senio refragante, recusavi.

Fuit & his similis Abscessus, quem in cervice, duodeviginti jam annos, non sine dolore, ac distentione, gestaverat Joan. Antonius Badius, Romanus, à nobis etiam sectione, & medicamentis cathaereticis, curatus.

Evidentissimus autem, inter omnes ejusmodi fuit Abscessus, quem Pancratius Mostarolus, Turracusiensis, intempestae, ut retulit, atque improbae exercitationis homo, secundum supremum femur, lente jam duos annos in magnam molem accretum, expertus est; auctorem aboliti fere motus, nullis aut internis, aut externis, valentissimis medicamentis, excussum, neque emotum; itaque vel multis crustis retorridi ferramenti, vel delectis in lo-



co pyroticis curandum equidem senferam, si tantum molestiarum admisisset hic homo.

Processit experimentum & in vetulo Agasone, qui, in extrema nate, protuberantem ejusmodi Abscessum nobis in Valetudinario curandum obtulit, profunda carnis, quam dixi, farctura obfitum.

His addo Stephanum Terracianum, juvenem rusticum, cui foedum Abscessum habenti, sub aure, & inferiore maxilla, multis ejus materiae carnosae factis excisionibus, multo cum labore, ulcus obduxi.

Denique in aliis multis hoc experiri licuit, aegrotantibus, inquam, nosocomii: quas nostras chirurgias, & animo intrepido factitatas, & eventu semper felices admirati sunt adstantes omnes, & Medici, qui curiose venerant spectaturi.

Compertum mihi curanti Michaëlem Mataxam Samnitem, atque alios, multoties in specie Steatomatis videri tubercula, quae concremento sunt carneo naturali, venulis nutrita & arteriis fota.


In extrema penis glande; qua meatus est, Tuberculum carneum, seu Sarcoma, nucis avellanae magnitudine ac forma, cum depravato mictu, ac sine dolore, habuit puer quadrimus, Holae cum eo vitio natus, cui lotium quodam forulo descendebat, sic ut seipsum commingeret urinam reddens.

Coryli fructus magnitudine & forma, Tuberculem curavi, filio quinquenni Alexandri Caractae, itemque Benedicto Arvino, Lycei Fractensis puero, duodecim annorum, qui sic constans animo fuit, ut accensum fomite pessulum ipse sibi spiritu insufflato excitaret; dignus qui hic cum laude commemoretur puer; non ut alii indigni virilitate, qui vel auditu hoc remedii genus exhorrent.


Dura ani Tubercula innominata tradit Petrus Argelata, 1. 2. tr. 2. c. 3. quae ad *ani verticillum* per nos propositum licebit referre.

Sunt & qui carnem, seu carnosam quandam substantiam, prae se ferunt Abscessus, quos credo *cysticos*; schemate oblongo, toroso, musculiformi seu lacertiformi, concolores sunt, & membra amantes solida, pulposa, fluctuantem intime humorem referunt; supinae manus digitis alterne nunc compressis,











fis, nunc sublatis, nunquam etiam ad longa tempora extenuata cute.

Talia in femore coxave infima, tum interna parte, tum externa, quandoque etiam sub poplite, *concrementa* hujusmodi vidi plurima, in Illustri Viro D. Alexandro Carmiliano, viro Patrio Neapolitano; in Doctore Medico Joanne Baptista Benenica, in quo viro per *decocta Sarsaparillae*, perque cibi ac potus parcitatem, compressus tumor creditus est abiisse discussu. Verum, non longo post tempore recurrit folliculi subsistentis fortasse vitio. Curatus autem à nobis in integrum fuit, ejusmodi Abscessus, in sodali Antonia de Siano, janitrice vetula Parthenophylacii Spiritus S. Neapoli. Apertus autem scalpro candente, pulsem albam, aut gypsum dilutum, referentem emittit; est & cum sub poplite se abdit haec materia; verum sub hisce cavitatibus, aut alarum, hic excresecit tumor, ut immanis existat, nec ita facile etiam per doctas manus curetur.

Possẽm & alias hujus ordinis producere narrationes; sed his quidem non ita paucis possumus etiam contenti esse.

### C A P. III.

#### *De Abscessibus mucocarneis, myxosarcomatis graece.*

Sunt & Tumores quidam Abscessusve, quos secundum communem omnium normam ignores profecto, ad quam ipsorum differentiam, speciem, referas: nam neque exacti judicii est, ad *oedemata* referre formam hanc Abscessuum, qui partim interne carnei, partim interne mucidi sunt, id est, ex mucosa pituita concreti, quae referant exsecta limonia corticosa, medullam acidam, interne conditam, offerentia. Hinc *μυξοσαρκώδεις*, id est, *mucocarneos* placuit appellare. Ex quo ordine facio *myxosarcoma* praeputii, trium librarum pondore aestimatum; quod quia tam magno pondere sumen, testesque pertraheret, ad talosque dejiceret, manu duplici, sex annos, circumferendum, & continendum, fuit Joanni Olivae, Neapolitano homini, quadragesimum circiter annum nato; cui perpe-



tuo languenti, atque opem utcunque successuram in Valetudinario cum precibus, & ejulatu, petenti (exulceratum enim infra, supraque, tuber punctorios gravesque dolores inferebat) commiseratus ego feliciter, annuente Deo, tum scalpro, tum igne succurri; cauda duos digitos latos à pube relicta. Cujus jam praecisae molis inquirentes nos materiam, ex qua conflata fuerat, & qua resectura fuit, & altis aliis cultri scissuris, apparuit mucida concreta species, quae densata obdurataque forinsecus scirrhi formam exhibeat. Monstruosam molem, & servatum nostra curatione hominem viderunt eruditissimi nostrae urbis Medici, Marius Schipanus, Stephanus Rinaldus, Joannes Dominicus Malliochus, Donatus Douna, Antoninus Tardinus, Gregorius Scalfatus, Josephus Chiricus, atque alii Valetudinarii nostri Medici, tum Physici, tum Chirurghi, saepe hoc opere nominati. Caeterum hanc mihi curati hominis imaginem expressere Pictores.

Hoc quidem exemplum singulare & admirandum esto *myxosarcomatis* praeputii: caeterum, eorum quae, in nostro Incurabili Nosocomio, Syphiliis hominibus frequentissime curamus, infinitus prope numerus est; quae tædiosum esset referri.


Respondet autem his & *myxosarcoma* alarum vulvae, quale unum mox referam. Scorticulo propendebat, in labio pudendi, majoris pineae magnitudine Tuber carneum, basi minore, quam extremo altero pendulum, quod ex parvo, jam annum, affatim extumuerat. Foemina etsi trepidans, tamen partim metu majoris incrementi, partim molestia oneris jam praesentis, urgebat me precibus ad demolitionem. Constrictum vinculo die uno, ac tantum non stupefactum, postridie resecui, cute in ambitu crassissima plus unius digiti latitudine; interne incrementum mucoris, aut visci modo pallidum, licet non admodum multum.

Jam vero discis nunc, consimilibus viri, foeminaeque partibus pudendis, eundem ad unguem affectum advenire; ut veram jam cognoscas anatomicorum opinionem, qui censuere, praeputii virilis modo, usuque pari, vulvae foeminarum esse alas. Ex hoc item genere ponere licet, & *sarcocelen*, quam Paulus Aegineta, scindentibus ferramentis, expurgat, lib. 6. c. 63. nec non inflationem carneam, & phlegmaticam, quae à mul-











multis chiragra dicitur; adnotante Guidone, in *tract. 2. doct. 2. cap 4.* Hanc, observatione mea, potissime foeminae patiuntur; quarum in Parthenophylacio Spiritus Sancti Virgines aluntur duae: in Valetudinario vero Incurabilium muliebri, vivunt & aliae, quas habitu corporis pallentes omnes viscera, credo, delinquentia reddunt insanabiles.

Sed & articulos genuum, praesertim submucido Abscessu elatos, per saepe vidimus nos, qui cultriformibus scalpellis aperiendos judicavimus, ubi per distensiones acerbissimi cruciatus suasere, ac prope coëgere; nam & levamento remedii genus fuit, & à vitio subjectas partes vindicavit puris evocatione.

## C A P. IV.

*De Quassabili quodam, & Utriformi cruris Abscessu.*

**I**O. Baptistae Vallo, Sacerdoti Presbytero Panormitae, sexagesimum circiter annum nato, crasi ad sanguineam vergente, sed aliquantulum exusta, coloris propterea vividioris, & crassioris habitus; quadratique corporis homini; ad crus aliquando, concitata fluxione frequentiore, succrevit *Oedema* vastum & supra modum laxum, in quod pituitae mucidae confluxu illuvies talis, ut utrem olei vulgarem fluctuatu, forma, & magnitudine, à genu ad superiorem pedem, & ad malleolum usque descendente, referret; nisi, quod tactu callosa quaedam, extrema facie, durities plurima sui parte pertentabatur; caetera namque mollior, ac tenuior, cutis erat. Homini tumor omnis tantum indolens, quantum onerosus & ingressu, statuque, gravis. Id vitii, quo nomine designandum, aut in quo tumorum genere reponendum, pronunciatu facile non est. Enimvero *Oedema* haud plane apparet exacte rem expendentibus: & *quassabilis* enim affectus, & callea durities, & suffusi humorum sensus, & nulla post impressos digitos fovea consequens, dissuadent, Nonnulli fuerunt, quibus *Arabum elephantia* videretur: sed suffusus humor, & partita mollities cum blando ac minime tuberoso, neque aspero habitu, qui cum elephantia conjunguntur, diversum ab hoc plane vitium ostendunt. Nobis igitur placet affe-



ctum esse, cujus Veteres non meminere, fierique, ut umbilici scrotive *Hydrosarca*, aut *Hydropneumofarca*, & hoc genus. Porro laxata cute corporis, aut alia parte qualibet; quid vetat ad hanc serosum humorem, spiritumque in corpore redundantem, sub cavitatem quidem confluere; in parte vero solida crassiores succum, carnis ostracofae specie, concrefcere? itaque vocatum à nobis est hoc genus *Oedemofarca* cruris privatum, non aliter, quam *Cancrum Elephantiasin particulae peculiarem* dictitare Medici consueverunt. Huic viro, tametsi saepissime flagitasset, ut periculosa quantumvis curatio exercetur, hanc tamen in homine vetulo experiri cavimus. Id quod licuit, setaceum ad inguen ejusdem lateris oblique transfiximus, & post longum sarsaeparillae usum, ad Aenariani litoris medicatas arenas, quibus crus totum obrueret, suo tempore confugiendum sibi diximus.

Hominem viderunt, & tractaverunt, Horatius Carbundus, Chirurgus Apulus peritus; Johannes Baptista Ferrarius Rogianensis, Alexius Alonia Castelvetranus, Medici; qui me chirurgias administrantem saepe visere consueverunt, rerum novarum studiosissimi.

## C A P. V.

### *De Abscessibus adenosis, & aliis reconditis,*

**V**Idimus saepe per artus, thorace anteriore, posteriore, subque alas, & inguina, prorumpentia quasi Tubercula, glandulas exstare uno eodemque loco confertas, quae in viscerum impuriorum, atque habitus corrupti, hominibus, ac pueris, limosi pituitosique sanguinis sunt soboles, crudae, durae, atque omnino discussu contumaces. Hujusmodi Tubercula equidem plus sexaginta, universo corpore dispersas, vidi in nostri Valetudinarii vetulo, gracilioris habitus homine, qui longinquis ab oris venerat curandus. Quod autem maxime admirabile super caetera visum est, exstabant Tubercula quam plurima circa loca, quae glandularum sunt prorsus expertia. Itaque venit in mentem illud Aëtii, qui *Tetrabl. 4. cap. 5.* quod est de *Strumis*, professus est, ex integro nasci plerumque candidas, & rubras,



carunculas in corpore; sed fatius erit aliqua prius attingere de *Strumis*.

De Strumarum natura, generatione, materia, loco, & annexis corporibus, multae ac variae fuerunt Auctorum sententiae. Itaque perplexos nos tenent controversiae; neque enim cum Galeno maxime credamus, cum nec eundem semper in hac re sequi certo possimus: cujus tamen doctrinam principio proponemus, ut haec conferri cum aliis rite queat. Is lib. 14. *meth. med. cap. 15.* & lib. *de tumoribus cap. 18.* & *plerisque aliis in locis*, tradidit *Strumam esse tumorem obduratum, veluti scirrhum in glandula, ex accreto humore frigido, qui vel pituita vehementer exsiccata, vel humor melancholicus, est*, ut 13. *meth. c. 5.* at in lib. *definitionum medicarum*, si modo is auctor fuit, declaravit; quod *Struma sit caro sicca, quae difficulter solvatur*.

Celsus vero dixit *esse tumorem, in quo subter concretæ quaedam ex pure, & sanguine quasi, glandulae oriuntur*. Aëtius vero ex Leonida lib. 15. cap. 5. voluit *Strumas esse carnes & subcandidas facile augeſcentes in membrana contentas, & in summa glandula obduratas, quae in collo, sub alis, atque inguinibus oriuntur, ubi glandulae vasis substratae sunt; aliquando etiam, sed tamen raro, ex carne eorundem locorum fiunt, quae affinitate quadam ad strumarum naturam vertitur, & materiae accessione augetur*. Paulus vero lib. 6. cap. 35. omnes suis membranis includi voluit, ut Steatomata, Atheromata, Melicerides. Post hos, Guido Cauliacus *Strumas, & Glandulas* longe diversas fecit; dicens *Glandulas esse mobiles, Strumas vero immobiles*, cum tamen nullus ex Veteribus discrimen hoc inter illas statuerit; si recte cunctos observavi.

Sic apparet omnes istos Auctores ab invicem dissentire, quos tamen magno studio multi ex posterioribus voluerunt conciliare: quam rem tamen neutiquam fecerunt; ut pote quod diversam vere sententiam illi priores habuerunt: vanum autem studium est, aliud atque aliud intelligentes velle conciliare. Ego enim sic sentio variam esse Strumarum naturam, sive secundum accidentales sui rationes, quas singulas nominati Auctores describere. Quam rem cum monstravero, sic demum finis fiet tot quaestionibus, & ambiguitatibus, quot ad hunc usque diem viguere. Primus enim nobis contigit, Dei favore, ut rem hanc



adverteremus; contra quam Manardus, Philippus Ingrassias, Fallopius, & Hieronymus Fabricius, Celsi omnes interpretes, credidere. Sed nihilominus videamus, quae & qualia recentiores pro componendis istis Auctorum diffidiis protulerint.

Primum igitur dissentientes sunt Galenus & Celsus, in assignanda Strumarum natura. Galenus quidem frigidum hunc facit affectum ita, ut sit insuppurabilis; ut qui, vel à pituita nimium exsiccata, vel ab atrabilario succo, nascitur: in summa aut Scirrhum facit, ut 7. *apborism.* 8. aut scirrhosum affectum, durissimum scilicet, & inexpugnabilem; quod factum est, ut aliqui, inter quos Manardus est, dixerint, Strumas dictas esse Graecis *chaeradas*, à lapillis, qui maris tranquilli fundo apparent, globosis, & lenibus, magnitudine parva. Neque mireris tamen ab Hippocrate, *libr. de glandulis*, has ipsas tangenti velut lanas esse positas: comparatio namque non est ad mollitudinem, sed ad globos lanarum, qui oblongi sunt, coacti, pressiores ac duriores *πυλίματα* Graecis. Ita equidem Hippocratem interpretor, ut nulla jam restet apud ipsum difficultas.

Phlegmonae igitur Strumae non sunt, ut recte etiam colligit Philippus Ingrassias, neque facile suppurantur. Celsus vero cum credidit Strumam esse concrementum puris, & sanguinis, in glandulae modum conglobatum, sic recte significat Strumam esse calidiorem affectum, & quandoque maturescentem, licet non facile. Addidit praeterea, quod febres movet, halitu nimirum saniosae materiae quoque pacto fervescentis. Galenum igitur, & Cornelium nititur conciliare Philippus, dicitque Celsi sermonem non esse tam amplum, ut comprehendat omne Strumarum genus, sed tantum aliquas, quae maturescunt, sanguinem in se ipsis, & pus, habentes. Itaque de quadam specie Strumarum differuisse Cornelium, vult hic homo. Quae opinio si admittatur necesse est, imperfectam, & diminutam esse Celsi doctrinam, qui de omni Strumarum natura tradere omittens, de una tantum specie sermonem fecit: quae res cum indigna bono scriptore sit, minime probabilis videtur mihi Philippi interpretatio.

Deinde discrepat Aëtius à Galeno, qui Strumas dixit esse carnes subcandidas facile augescentes, & in membrana contentas, quorum omnium nullum Galenus attigit dicens, *Strumam esse*  
scir-



*scirrhum in glandula, sive glandulam obduratam.* Certe cum Aëtio convenit Auctor definitionum medicarum, qui dixit; *Struma est caro sicca, quae difficulter solvitur.* Convenit etiam in genere definiti, neque non consentit cum Aëtio Paulus in eo, quod dicunt ambo *contineri Strumas membranis.* Ad haec igitur dicit Philippus neglectam hanc differentiam Galeno, atque addit, hunc ipsum etiam *libro de morborum differentiis, cap. 9.* in fine posuisse Strumas morbum in genere auctae magnitudinis; auctis praeter naturam testibus, lingua, mammis, atque oculorum angulis aequiparans. Sed neque haec Philippi responsio satisfacit, dicentis, Galenum neglexisse differentias, qui exactus, & profusus est in omnibus: itemque assimilasse Strumas auctis praeter naturam carnibus linguae, mammarum, oculi angulorum, & testium; non est Strumas in carnibus posuisse: sed si probe Galenum legeris, neque haec ejus est sententia, quod Strumam mammarum, testium, oculorum fecerit: sed longe semotus à Strumis est Galeni sermo.

Quid autem ad illud, quod proposuere Paulus, & Aëtius affirmantes Strumas omnes membranis contineri, quemadmodum Atheromata, Steatomata, & Melicerides; hunc nodum porro Philippus non solvit; quare digladiantur inter se bonorum Auctorum sententiae. Quas nos inimicitias si non patiamur, quid excogitamus ad componendas easdem? nimirum si concedis haec, quae sequuntur Theoremata.

Puto equidem plane diversa esse Strumarum genera, quae & Cornelius, & Galenus, proposuere nobis; quae tamen utraque constant pro his, quae sui Auctores voluere. Porro Galeni Strumae de genere sunt scirrhi, sive hic quidem tumor subjectam habeat glasseam pituitam, sive etiam melancholicum humorem, sive simplicem, sive atrabilarium: qui communiter humores attribuuntur scirrho, in vita Galeni; quique humores apprehendunt, incurruntque glandulas, sive his attrahentibus aliunde, sive ab aliis transmissas recipientibus; dummodo tamen sint ipsae glandulae, quae recipiant, non glandulosa corpora, ut testes, mammae, lingua, & oculorum anguli: quibus non accidere Strumas putavit Galenus, *lib. de morb. differentiis, cap. 9.* sicut opinatus est Ingrassias; sed similitudine quadam hoc modo dictarum partium tumores Strumis aequiparavit.



Contraria porro sunt in definitione Cornelii, in qua positum est non glandulas esse Strumas, sed quasi glandulas, i. e. glandulosa potius corpora, aut cava loca, quae vasis substernuntur, uti glandulae: atque ad loca cava facile, deductis humoribus tum frigidis, tum calidis, fit in particula cumulus, ac tumor; cujus materia postmodum computrescens, sanguinem & saniem repraesentat: si-ve cum aliquando maturescens, longo post tempore, per acrimoniam humoris aperitur, si-ve cum medicamento, & artificis manu disrumpitur. Hujusmodi profecto Strumae difficultate sua Medicos fatigant: atque his non bene praescindentibus vitiosas radices, cum coalitae aliquando fuerint, rursus juxta cicatrices resurgunt, & novam curationem expostulant. Nihilominus cum febres moveant, & licet cum difficultate maturescant, fit, ut non ita rebelles, neque ita contumaces sint, ut alterae Galeni; tum si ad causam respexeris, quae in toto corpore subest; tum si ad morbum. Nascuntur quippe in cervice, atque etiam in alis & inguinibus; in lateribus & in mammis foeminarum, ut etiam adverterunt, praeter ipsum Celsum, Chirur- gi: quae loca omnia praeter unam cervicem non addidit Gale- nus, sed tantum Paulus. Addidit, inquam, Paulus, siqui- dem ex aliqua parte cum Celso consentit, ut dicemus post- modum.

Bene autem addiderunt utrique *in lateribus & adjacentibus locis*; quia experientia comprobatum est, omnes prope artus capaces esse Strumarum, ubi cava scilicet loca sunt, & vasis conferta: ita & nos etiam saepissime observavimus multas, tum in viris, tum in foemellis: quae tamen una potiuntur observatione maxima, quod principio sunt concolores, carni proximae; vix attollun- tur, & tactae dolent; mox vero, ut dicit Aëtius, accrescunt, & rubrae fiunt, abunde longiores, quam rotundae, ut glan- dem referant: ob id fortasse, quasi glandulas refert Celsus, & longo, ut ipse inquit, spatio, detinent aegrotantes.

Ab his quippe non admodum differunt Strumae ab Aëtio de- scriptae, nisi quod membranarum contegentium non meminit Cornelius. Et certe mirum est, quod & Aëtius, & Paulus munitas membranis Strumas requirunt, sed dicam ego super hac re sententiam meam. Magis autem mirum est, quod Paulus ve- lit esse membranas, quemadmodum Steatomatis, Atheromatis,  
&



& Meliceridis. Porro sunt membranae nil aliud nisi summa superficies obdurata Strumarum, quae cum tenuissima, non ita facile à Medicis praecipue imprudentibus observantur: tu vero si dextere, aut manu uteris, aut oculo, si minus id non potes in exteriori Strumae corpore membranam advertere; luculentius hanc deprehendes in pediculo, quem vulgares foeminae solent vocare radicem. Haec autem non nisi difficillimo negotio solet extirpari.

Hujus quidem Celsus non meminit expressis verbis, sed significavit hanc nobis per illud, quod addidit plerumque iterum juxta cicatrices ipsas resurgere; id quod recte fit propter residuas fibras, quae negligenter fuerunt à principio resectae: enimvero Celsus hanc habuit opinionem, Strumarum genera esse duo; corpus apprehendentium profunde, & superficialie, sicut divine scripsit Paulus, in hoc loco, apertis verbis: profundiores quidem maligniores sunt; superficiariae vero benignae; de his credo locutum nostrum Cornelium; qua distinctione posita, concordat etiam Guido cum omnibus.

Unus nunc restat scrupulus, vel una difficultas, quam à principio significavi; quid causae sit, quod Celsus unius speciei Strumarum meminerit. Ad quod quaesitum respondetur, id fortasse factum, quod suo tempore alioquin vitae frugalioris non observabantur aliae Strumae, ex crassioribus genitae: subsequente vero aetate, corruptione rerum, etiam atque etiam potuere comperiri.

Alteram difficultatem exhibet Theodorus Priscianus, *libr. primo ad Timotheum cap. 9.* qui inquit; *sin vero magno phlegmate superveniente solvi non potuerit furunculus, vel parotis, sed callositate permanente Chaeradas fecerit.* Porro dicit hic Vir, fieri Strumas succedentes ad furunculum, vel parotidem, callosiores & duriores factas. Novum hoc & à nemine unquam productum aut effatum: tamen in promptu dicimus Strumas hic dici improprie, quod vel callosum ulcus, vel fistula aptius diceretur.

Haëtenus de perplexa diffidiis Strumarum discussione. Cæterum id, quod maxime institueram, observationem nobilem non te celabo, quae est. Comperta saepe nobis, quae primus Aëtius posuit, concrementa ex carnibus eorundem locorum, quae



quae affinitate quadam ad Strumarum naturam accedunt, & materiae accessione augentur. Inter caeteros autem id vidimus in Matthaeo Ristayno, quem Illustris vir Vincentius Strambonus, Dux Salsensium curandum commendaverat, in latere Abscessum diu passum: ex qua re discis etiam, quod in lateribus, veraci Cornelii testimonio, Strumae oriantur.

Tandem & inter reconditae naturae Abscessus illud erit annotandum, *tubercula* quaedam planiora, quae nulli plane visa fuissent sanie vel pure foeda, haec eadem, aperta per me pyrotico medicamento, prodierunt pure foedata, tum, inquam, in Doctore Bartholomaeo Lombardo, auditore meo, sub maxilla inferiore; tum in famulo meo, cui nomen Angelo Aitoro, e Mirabellae oppido, sub ala. Retulit autem utrumque glandulolum Abscessum & fortasse *phygethlon*, propterea, quod perdolens natura compertum est utrumque. Item in R. P. Paulo Samblasio, Jesuita, qui Abscessum adeo sub collo vesicae reconditum fovit, ut mirum sit, eundem me divinasse; nam divinatio ferme fuit, imposuisse ignem fomitis & reclusum absterfisse, & curasse perfossum ad vacuitatem locum, & ferramento candente, quo demum est mirabiliter obductum ulcus.

Dicam in hanc rem simile; ex ictu, collisive rei gravis, & obtusae, productus Abscessus in superioribus thoracis costis, qui nihil apparens, sed conjectura probatus, à me candente caute adaptatus, penetrans in vacuitatem repertus est; adeo prudenter Hipp. l. de articulis, collisas costas principio voluit inuendos, ne, provocato per novum lentorem vitio, contererentur costae & malum gravius accerferetur. Aliud *adenosorum Tubercum* genus est, quod inexcussum jure merito vocabimus; quod cum parti cuiquam adhaeserit semel, nulli medicaminum, vel valentissimorum, generi discussile sese exhibet, nec etiam annorum longinquitate; siquidem ad annos viginti, atque amplius, stabiles & firmos hujusmodi vidi Abscessus. Illud autem, cum in plerisque multis observarim, & quod in memet ipso sensi, testificabor; cum ab una capitis lotura, per aestatem obortum, ala sub sinistra, fuisset *adenosum* ovo gallinae par *tuber*; hoc ad viginti quinque annos adhuc fero; quanquam vere non eadem mole, sed sub vigecuplo minor, principio quidem



dem perdolens, ab uno vero mense, nullo dolore mole-  
stus.

Puellae undecim annos natae, filiae Marchionis Orioli, no-  
mine Isabellae Sirisali, sectione atque unctione multiplici cura-  
tum *Atheroma*, cujus vitium interiora thoracis tantum non pe-  
netraverat, à quibusdam urbis nostrae Medicis famatissimis pro  
simplici Abscessu habitum, & unguentis liparis tractatum;  
quod ipsum tamen, nostris pyroticis quam acerrimis principio in-  
culcatis, nec aliqua parte cesserat, nec fuerat quicquam emo-  
tum. Quas ob res ad extrema tandem devenire oportuit, col-  
lega Francisco Moscha, Medico peritissimo, atque aliis con-  
sistentibus multis: quae cum praedixerim, cogor nunc reliquam  
Abscessus productionem attexere. Passa jam fuerat nobilis puel-  
la septimestris nostrae curationis taedia; cum jam immuni ac  
liberae, ut videbatur, subrepat dexterum in brachium erysipe-  
las; ad quod incursionis genus praeventendum, fuerat in sinistro  
fonticulus excavatus primordio; verum, ut dixi, frustra. Adeo,  
scilicet, memorabili exemplo praevalet assuetudo fluxionis huic  
nostrae Medicorum providentiae: adeoque etiam fonticuli re-  
vulsorii plerumque vana est provisio.

## C A P. VI.

### *De Bronchocele.*

**B***ronchocele*, teste Joanne Langio *l. 1. epist. 1. 43.* tumor  
est pendulus circa guttur, à bocii ventrosi poculi similitudi-  
ne appellatum; inter cutem & asperam arteriam, auctore Cel-  
so, increfcit; in quo, modo caro pituitosa, modo humor ali-  
quis melli, adipi, aut pulti, similis, membranula includitur.  
Interdum etiam pili, minutulis ossibus mixti, reperiuntur diutur-  
na (quod *l. 3. epist. 4.* addidit) alteratione, ac putrefactio-  
ne: nam lignum Quercinum, sub terra defossam, mutatum in  
cotem lapideam, hisce manibus erui. Alterationem autem ex-  
plicavit Martinus Acakia, in *lib. 2. artis curativae ad Glauc.* Pro  
humoris, tum calore, tum concretione, & caloris magnitudi-  
ne, temporisque spatio, aliae atque aliae formae in aliis & di-  
versis Abscessibus fiunt: nempe durae, molles, liquidae, ni-  
grae,



grae, rubrae, flavae, albae. Crassam enim materiam in duri-  
tiem, temporis processu, cogit calor vehemens, quae si nigra  
sit, carbonis speciem repraesentabit. Mediocrem vero calor  
mediocris in pus mutabit, liquidam digeret. Haec quidem,  
communi omnium sententia, Bronchocele est materia. Verum  
ego, quae compererim in resectis compluribus defunctorum Bron-  
chocelis referam.

Anno Christi 1625. Julio, esecta Bronchocele cadaveris, e-  
ducta Struma librae unius pondo, quae sic adstricta gutturis ve-  
nis, ut nae mirum fuerit quomodo avulsa. Tempora huic ho-  
mini pressa atque invicem adducta sic, ut confirmaret aperte  
judicium physiognomonum nostrorum, qui temporum angus-  
tiam naturalem strumarum effectricem ponunt.

Anno 1626. Februario Bronchocele, in homine opifice in-  
auratore, anteriorem totam colli partem, quam *δεξις* graeci vo-  
cant, apprehenderat, alto plus quatuor digitos tumore: qui  
*aneurisma* existimatus est à compluribus, propterea, quod sub  
eo, vivente homine, persentiretur pulsatio non exilis. Nihilo-  
minus, id equidem retuli ad jugulares arterias, quarum ex sui-  
met compressione necessarius erat sensus. Reperta est cystis san-  
guineae prope membranae, quae, amplo veluti sacco, ab ex-  
terna facie ad usque trachaeam arteriam ab ea compressam ex-  
tendebatur. Intus laminulae, veluti sanguinea concrementa,  
& carnes, pulmonis atrioris substantiam referentes, universam  
loci amplitudinem complebant; nisi quod superne concretus  
humor flavidior, gelatinam vulgarem propemodum referens,  
existebat. Disces nunc uno nostro parergo corollarium, quod  
est. Non injuria quidem magistro inauratori productum istius-  
modi vitium: quod genus opificum, Joannis Langii judicio,  
mire subjectum est Bronchocelis, viroso argenti vivi contagio.

At Bronchocelae, quae multifidae sunt, glandulas continent  
praerubras, & praeduras. Tales enim visae, in puella Parthe-  
nophyllacii D. Mariae visitantis pauperes, per nos secta in do-  
mo ejusdem Templi, Anno 1625. spectante Andrea Sgambato,  
viro digno, qui centum annos vixisset.

De frigidis Abscessibus plura quidem essent inferenda, sed  
cum nemo celebrius, Petro Argelata, *Chirurgus suo opere*, l. i.  
*tract. 2. de hac materia*, & simul de costarum frigidis Abscessibus,  
scrip-



DE NOVISS. OBSERVATIS ABSCESSIBUS. 195  
scripserit, tanto libentius, quod Medici nostrates hos non cognoscentes, eosdem credant esse calidos, benevolum Lectorem eo remittere volumus, qui tibi abunde satisfaciet.

## C A P. VII.

### *De Abscessibus Sanguifluis, sive Aneurismate.*

**A**bscessus nos sanguifluos vocavimus, qui ex multo effuso in sinum aliquem sanguine, seu simplici, & solo, seu cum aliis humoribus, superfluitatibusve, & solidarum partium fibris permixto conflantur. Ex hoc genere facile, per nostros omnes, Aneurisma est, de quo primum dicam: mox enim non, praeter hunc, sint & alii Abscessus sanguiflui? disputabo. Quod ad Aneurisma pertinet, facit vocabuli obscuritas, ut ab ipsius declaratione ducendum sit initium. Aneurisma, vox, ab unis Graecis recte propositum, ab Arabibus nostris auctoribus, & hujus factionis amicis, dictum est Emborisma, Aphorisma, Hyporisma, & aliis hujusmodi corruptis semper vocabulis: e Latinis quidem primus eorum, quos equidem legi, Hieronymus Montuus enervationem transtulit ab α privativa particula, & τοῦ νεύρου, quod quidem etymon non probatur; tum praeterquam, quod nesciveris, quo referatur; cum specie differant nervus, qui sedes non est affectus, & arteria, quae sedes est affectus. Ego igitur credo dici, Aneurisma ἀπὸ τῆς ἐκρήναι, quod est exilire, effluereque; quamquam de nominibus, curiosos nos esse disquisitores non debere, monuit Galen. l. 6. meth. med. cap. 1. & aliis in locis quamplurimis. Quapropter, quae natura sit rei, brevi praestat inquiri. Circa quam rem ita magna fuit scriptorum dissensio, ut etiam de genere controversia fuerit: aliis volentibus affectum hunc esse à causa externa, id est, ab ictu violante, scindentequae, arterias: aliis referentibus humorum irruptioni, quae producat aut inchoatam solutionem, aut tumorem, aut Abscessum: aliis vero, non discretis causis utrisque, dicentibus, dilatatam arteriam citra effusionem sui sanguinis: aliis vero cum effusione extra vasculum. Et qui sanguinis effusionem credidere, tum transcolationem arguerunt, quae sine solutione est; tum cum solutione, vel ex perruptu absoluto, vel ex divisione,



vel apertione. Hi modi sunt omnes, quibus *Aneurisma* creari dixere priores. Disputatum à plerisque est, & à Joan. Baptista Sylvatico praesertim, diligentissimo ejus rei scriptore, quae vera & propria sit, ex his cunctis, *Aneurismatis* species & essentia? ego ejus disquisitionis non sumo laborem, praesertim in hoc libro, cujus mihi cancellos perangustos posui. Instituto meo satis est, quod, ex effuso extra vasculum sanguine, possit *Aneurisma* esse; quod sane verum est adeo, ut inter plurimas, hanc maxime sententiam fuerit amplexus, tum ipse Sylvaticus, à quo definitum *Aneurisma* est, tumor à sanguine calidissimo, tenui, vaporosoque ex arteria sub cutem effuso, productus: tum Felix Platerus, in tom. 3. prax. med. qua de causis vitiorum ab exuberantia; qui frequentissime nascens ex effusione sanguinis *Aneurisma* confirmavit, his argumentis. Primo, quod extra cutem sinum sibi formaret effusus sanguis: quae quidem effusio facile fit, quia artiarum oscula desinunt in cutem. Deinde, tumor *Aneurismatis* rotundus est semper, non autem teres, & oblongus, teres autem alioqui deberet esse perpetuo, siquidem a dilatatione, non ab effluxu, esset. Tertio, ex vasculi dilatatione, non humoris effusione, profectum *Aneurisma*, non continuo profluvia sanguinis infrenabilia promeret: atqui promit; indicium scilicet in promptu stagnantis sanguinis. Quod si videtur difficile, ut, extra suum, qui conservabat, locum, effusus sanguis non corrumpatur, huic ambiguitati & Sylvaticus, in eodem tractatu de *Aneurismate*, satisfecit, & nos etiam occurremus. Brevius etiam, & in rem nostram accommodatius, quod corrumpitur quidem sanguis affatim in aliqua cavitate collectus: atque haec fuit mens Hippocratis, lib. prognost. com. 4. & lib. 6. Aphor. 20. At in *Sanguifluis* nos sanguinem, seu communiter dictum, seu ichoroden ac dilutum, statuimus dispersum, & cum fibris partium aliquo pacto conglutinatum, ingenio, ac vi, naturae; quae sicut in Anomalis explicavimus, unumquodque superfluum, potissime, cum aliqua parte utile est, perpetuo reducit in meliorem quamcumque valet formam, modo ne corrumpatur. Dispersi autem sanguinis, & veluti per grumos conglutinati, nec non universum in hoc affectu praevalentis ipsius, indicia sunt; nulla in tumore fluctuatio, concolor atque ad rubrum vergens habitus exterior cutis, cumque dolore gravante venae, & caetera.

His



His sic ante propositis, illud contendo; quod si, ex arterioso sanguine, fieri ejusmodi Abscessus, doctorum omnium hominum opinione firmatum est; itemque ex sanguine venoso fieri potest: nam quemadmodum ex arteriarum tubulis suus educi sanguis potest, ita etiam e venis suus. Quod si tenuiorem arterialem sanguinem dicis, qui facile foras erumpere valeat; ego contra duplicem, & ferme cartilagineam, vasorum istorum fabricationem allegabo. Deinde si arteriis perpetuus est motus, ex adverso venis, & laxitas, & porositas, est.

Praeterea anne legisti, quae de *supervomitu* venarum Hippocrates prodidit, l. 2. de morb. num. 1. ? Audi autem, quae Petrus Salius ad id loci interpretatus est. *Sanguis si qualitate & admixtione pravorum succorum, vel quantitate copiosior, quam sit ex naturae praescripto, peccaverit; vix amplius in venis coercetur à natura, imo saepius irritatione facta, earum aut adaperitis osculis, aut rarefactis tunicis, ad diversas corporis partes effunditur; in qua effusione vel intra membrorum porositates, vel in ampla quaedam, quae inter ipsa sunt, spatia, recipitur; ex quo diversa, vel Tumoram, si in porositates, vel Abscessuum, si in cavitates receptus fuerit, genera oriuntur.*

Hunc effusionis modum, per quem sanguis e venis erumpens non in porositates, sed in spatia corporis, partes mediantia, recipitur, vocat Hippocrates *venarum supervomitum*, metaphorice sumpto nomine à vomitu proprie dicto. Qui *supervomitus*, si fieri potest, e venis universi corporis ad cerebri sinus, quid ni, inquam, fieri queat in alias ex iisdem vasis cavitates? nam quis, e gravibus causis ad effluendum, sanguini non potest esse motus? Porro, narratum est à Jo. Sehenck. lib. 3. obs. med. tit. de Venis; Religiosam & nobilem foeminam quandam monialem, cum in irruentium hostium strictos gladios, ac praesentem jam mortem intentantes, incidisset, adeo perterritam fuisse, & totis interne visceribus commotam, ut sanguis ab omnibus corporis partium meatibus continenter efflueret, & exanimis sub hostium oculis concideret. Itemque, notante eodem Schenkio, narravit Gulielmus Rondeletius, cuidam homini per omnes corporis meatus, per oculos, aures, nares, penem, ac partes alias, sanguinem erupisse, adaperitis venis, usu nimio Brassicae marinae.

Porro sunt exundantis sanguinis causae multae notatae, per Ga-



len. 5. *methodi*, perque Sylvaticum in *Aneurismate declarando*. Una autem & prima est, ad raritatem resolutio, à calidis rerum occurribus veniens, igne, inquam; Sole; cursu; ira; furore; cibis acribus, & nimio aromate conditis; vinorum veterum & odoratorum potu. Praeter quae sunt & ad vasa collisus, percussus, distentus, praegravatus; violentus membri raptus atque discerptus; vincula; de sublimi loco casus; gravissimorum ponderum tractatio, atque sublatio, adjuvant; & plerumque spiritus cohibitio; vehemens efflatio; clamor; & si quae sunt hujusmodi plura. His omnibus atque aliis tum externis, tum internis causis fieri posse *sanguineum* hunc, quem dicimus, *Abscessum* non dubito: neque dubitabunt alii, me judice, qui re vera non unum aut duos, sed quamplurimos hujusmodi Abscessus vidi.

Primus occurrit Josephus Palumbus Mercularius, in compito Divae Catharinae; cui, multos menses ingravescens aequalis tumor tibiae, diruptus sua sponte fatum acceleravit.

Similis casus fuit Graeci cujusdam hominis, qui distentione acerbissima tumoris, ad femur inferius, pone genu partem exteriorem, multos item menses, vexatus sic, ut nullus vociferandi, ac ejulandi finis esset: tandem his cruciatibus, perpetuisque vigiliis, & irrequiei cessit.

Tertius, ponetur homo Subalpinus, qui Bronchocēlem praevastam, multos annos cum angore, passus, tandem ab ea strangulatus oppetiit: quam nos vitiatam partem, in Nosocomio, diffecantes, grumos ingentes sanguinis undique circumfusus, cum adnatis quibusdam carunculis, offendimus. Porro sunt mea quidem opinione Bronhocelae pleraeque, cum *super vomitu* vasorum impense dilatatorum, complexae.

Quartus, fuit homo Pausulipi villicus, qui à Petro Antonio Provenzano, Medico integerrimo, missus in Nosodochium, spontaneo subalaris Abscessus magni diruptu, accisuque quotidiano virium, e vivis excessit. Consimilem autem tumorem narravit Amatus Lusitanus, in *centuria 6. cur. 12.* à Chirurgis male cognitum, & perperam apertum, languentem miserum neci dedisse.

Quintam mirabilis à nobis curati *Aneurismatis*, cum ingenti tumore sanguifluo, historiam, à Francisco de Natali, Doctore Me-



Medico solertissimo, descriptam, & nostris scholiis illustratam habeas benevole Lector sequentem,

*Accersitus Doctissimus Medicus, Marcus Aurelius Severinus, à R. D. Anselmo Pagano, hunc invenit magno laborantem tumore, in dextero supremo femore juxta inguen? qui cum per quatuor menses à multis & omnigenis Medicis fuisset principio curatus, nullus est inventus qui benefecerit; quin imo, medicati sunt omnes semper in pejus ruente casu. Cum enim tumor fuisset quidem, principio, magnitudinis nucis avellanae, maxima cum pulsatione, ita, ut cubanti sublevaret, stragula dupla, vel tripla, superiacentia, & quicquid aliud super imponeretur; cumque jam progressu fuisset amplior factus, cessavit pulsus (veluti mihi retulit aeger) & interim, per paulatnam congestionem, devenit tumor ad magnitudinem hyemalis cucurbitae, triplici tubere fastigiatus, seu triplex monticuli jugum repraesentans. Quo tempore accedens Illustris D. Severinus, invenit R. D. laborantis jam tumorem, ad gangraenam vergentem, ac livescentem, phlyctenas plurimas circumferentem; livor etiam descenderat ad magnum usque pedis digitum, sensuque pes totus carebat; erat autem homo multis & gravibus symptomatibus vexatus, vigiliis scilicet; insomniis perturbatis; oculis gravatis veluti in comate vigili; febre continua & aliquando paraphrenisi; urina erat turbida; viresque per tantum gravamen imbecilles; denique totum crus motus erat expers, magnisque doloribus genu, tibiae, pedisque, vexatus aeger; ita, ut loco stare nesciret, semperque clamando adstantes rogabat, nunc attollerent, nunc deprimerent femur, quo requiescere posset.*

*Cum haec omnia perpendisset animo Cl. Severinus, enunciato de mortifera affectione prognostico, die, qui fuit 28. Januarii, 1641. vesperi dedit Nepenthes Quercet. gr. vij. tum ad sopiendas vigili-  
as, tum ad intercipiendos dolores; ac praeterea, novum curandi modum instituit: namque ut alii fovebant locum oleis lenitivis, ipse mandavit ut imponeretur Cataplasma, ex farinis aliisque corroborantibus, & constringentibus: imposito Cataplasmate, ac factis inunctionibus, ex ol. Mastichino, roborata hoc modo parte, livor discussus est; remanente duntaxat, in summitate, particula quadam sensu privata, quatuor digitorum latitudine. Videns hunc profectum, primo Julii expurgavit corpus, decem granis Antimonii, peculiari suo modo praeparati; quo superne & inferne evacuavit, per superna quidem maximam humoris phlegmatici, nimis viscosi, copiam;*



piam; per inferna vero acutissimos humores, nempe prasinam, vitellinam, porraceamque bilem, nonnulla cum conferentia ac virium toleramtia. Porro concessit continuo febris; tumor insigniter decrevit; somnum recepit languens; & tandem omnia vel abolita, vel imminuta sunt, symptomata. Et quoniam, à tumore ad pedem usque, longe productum erat oedema, adhibita sunt balnea, ex corroborantibus, & vim exsiccantem habentibus: quibus indies applicatis, sensim excussus est tumor; licet hic deinde recurrerit, humore aggregante plus justo, partis tum propria imbecillitate, tum caloris inopia. His jam peractis, post tres dies à medicamento, particulam illam emortuam incepit segregare natura: quare perspecta, die Jovis, quarto Julii, super necrosi prebensas partes, imposuit ignem artificialem quibusdam inditum pessulis; qui ignis, à Cl. Viro dictus per fomitem, repetitus, & inculcatus, per quinque dies mane & vesperi, donec destructa exstiterit necrosis. Sublata eschara, apparuit membrana carnosae, multis partibus perforata; tumor vero grumoso, & nigro, sanguine plenus. Quo viso die Martis, nono supradicti mensis, imposuit ferramentum ignitum, latum, & deinde cauterium prae grande, itemque ignitum, circumquaque comburendo, & desuper illinendo larido loto, dedit Cataplasma. Die vero sequenti, immisit intro dicta ferrea instrumenta & alia desuper duo, eduetaque est plus sanguinis libra, vesperi; deinde tandem Cataplasma imposuit: nocte autem exivit aliquantum sanguinis pravi odoris. Mane Jovis, undecimo ejusdem mensis, eadem candentia ferramenta, quae continenter exstinguiebantur, perinde ut in aquam confecta; quibus cauteriis usus quaternis, tum crassis, tum latis, vesperi sublato Cataplasmate, extraxit grandi cochleari sanguinis plusquam duas libras. Mane vero sequenti, iterum immisit supradicta ferrea instrumenta ignita, continenter edueto sanguine grumoso, ac fluido, graviterque olente; qui pravi odor indies augebatur: vesperi autem, ejusdem, sic descripti sanguinis eduetae, cochleari, plures quam duae cum dimidia librae: tunc vero immisit in latam lacunam pulveres corrosivos, id est, chalcanthum rubrificatum, squamam viridis aeris, sal Ammoniacum, & alumen scissile: desuper vero immisit unguentum Aegyptiacum, & turundas, eodem Aegyptiaco illitas, superaddito Cataplasmate concoctrice facultate eccellente prius. Hoc modo medebatur vigenis, quaternisque horis: interim extrahendo copiam immensam corrupti sanguinis (Tabo à Latinis dicti) intolerabilis prorsus foetoris, usque ad decimum septimum supradicti men-



mensis. Tamen, decimo quarto die, forcipe, excidit frustum carnis cruentae, quam comparasses spongiae, pondere plus minus unius librae: postridie, eundem medicamento usum retinuit, verum id adhibuit parcius. Die vero Martis, decimo sexto ejusdem mensis, minime se madefecit pars ejusmodi sanguine; sed visa tantum putrida caro, apparueruntque funiculi, venarum, arteriarum, tendinum, & muscutorum, fibrae computrescētae, foetorem reddentes plane abominabilem; maxima parte extractae, non tam multam portionem, mane sequenti, videns, voluit imponere mundificativum. Die vero Jovis, qui fuit octavus mensis praedicti, lota parte vino, melle, aqua vini, sale, atque Aegyptiaco, quod adhibitum fuerat antea, post extractum nervum putrem, longitudine semipalmari, atque etiam carnem putridam, inventum est ulcus mundum: quam ob rem visum est imponere mundificativum, & sequenti die, qui fuit decimus nonus, ulcus totum apparuit repurgatum, & os denudatum, latitudine unius digiti, & longitudine semipalmari. In quam, versus faciem, & in totam cavitatem, inspersit pulveres catagmaticos, spiritu insufflato per fistulam arundineam: quoniam autem cavitas erat vasta, tam ubere copia filamentorum carptorum ex linteis, inturundas, se non suppeditante, jussit ex stuppa Lini subtilissima has praeparari; cujus in qualibet medicatus requirebatur ℥ss. Deinde aucta carne ex gossypio turundas parabat. Quod autem ad os attinet, sic illud curare suetus: inspergebat super os catagmaticum modo memoratum pulverem; deinde ad hos, quoquo versum diffundendos, modico aquae ardentis affuso, postmodum aptabat turundas madentes vino medicato: atque haec diebus his, Solis & Lunae, h. e. vigesimo, vigesimo primo, & vigesimo secundo. Die vero Martis, seu vigesimo tertio, lavit ulcus, aqua gurgitelli. Ossi medens, imposuit, praeter supradicta, ol. cerae rectificatum & unguentum de gummi Elemi, in petiola, ad aequum commensum ossis, h. e. secundum longitudinem ejus, & latitudinem: turundis vero inducebatur mundificativum constans ex melle, terebinthina, ac pulveribus ante dictis. Ex priori vero mundificativo, addita pauca farina hordei, confectum est hoc Cataplasma, impositumque ad partes externas; quod medicamentum plurimum eduxit puris. Die vero vigesimo quarto, observatum os aliquantulum nigricans; sed caro, quia jam deteresa, rubidior, pleniorque sinus; quare & minori turundarum apparatu deinde fuit opus: tunc imposita eadem medicamenta; pariter, & die se-



quenti. Die vero Veneris, qui fuit vigesimus sextus, quoniam ulcus abunde manabat sanie, bis quotidie solvi necessum fuit; quae medendi ratio ad usque secundum Augusti servata est: Et quia pes totus a summo genu, dolore nimio, premebatur, nervique apparebant sub poplite convulsi, sunt hi continuo remolliti Et illiti, oleo lumbricorum, itemque ol. cerae Et terebinthinae Et adipe Gallinae. At vero, tertio Augusti, immodica sanie ulceris cogente, impositae sunt turundae siccae, ex carptis filamentis linteorum mundorum, cum frustulis spongiarum; in abstinentia contentus aeger. Hoc modo dolor supradictarum partium mulcitus est; in lavacrum vero additum centaurium minus, quo victus, Et medicamentorum, usu, continenter ulcus proficere visum est, caroque recte ali. Die vero quarto Et quinto mensis Augusti, mane, appositae turundae madentes, memorato supra mundificativo: vesperi vero eadem siccae imponebantur, nullo tamen tempore suo ossis medicamento relicto; quod idem repertum, die sexto, carne aliquantulum obductum; quae caro siccioribus nutrita medelis indies accrescere coepit, sinumque complere: usque ad septimum huius, turundae impositae siccae. Quoniam vero die Jovis, octavo, fortassis aegrotantis errato, offensum est ulcus nimio opere madens Et caro defoedata; inspersi sunt pulveres consueti, tum sicca filamenta; mundificativum vero vesperi subditum, ejus diei: mane sequenti idem prorsus modus; sed os undequaque contactum carne praepurgata, Et belle rubente, impositum oleum cerae Et terebinthinae cum pulveribus supradictis: sed Et vesperi auctior puris modus, inde Et dolor genu, tibiaeque, exacerbatus est. Ideoque ad exsiccandum tantum humorem decretum est, ut ter diu solveretur ulcus; quod Et postridie factum. Vesperi tum, inventum est pus modice cruentum, similiter Et die decimo, mane, meridie, Et vesperi; madefacta linamenta sunt aqua gurgitelli, in qua decoctum fuerat centaurium minus. Die vero Lunae, gratiori colore repertum ulcus, dolor remissus Et reliqua, de more, peracta. Die Martis, duodecimo Augusti, abstersum ulcus Vino, in quod immissi pulveres sarcotici supradicti, ex quo Vino expressae turundae in ulcus injectae. Retenta est haec medendi ratio, donec ad unguem repletum est ulcus, nihilque mali fuit reliquum, nisi quod oedema tibiae non abstitit diu. Cui finiendo, ceterisque causis foventibus submovendis, mense Octobris Et Novembris, expurgatum corpus cathartico; propinataque longa decocta Sarsaparillae; fotumque crus totum vinaceis,



ceis; probataeque inunctiones adhibitae: quibus medicamentis bene se habuit, jamque rectus incedit, innixus aliquantulum humili baculo, absque quo fultu, suo fruitur incessu etiam aliquando. Directori, ac Auctori, Deo laus & gratia in aevum esto.

### Scholium.

EX multis omnibus, quae venire cuiquam in mentem possunt, praecipuum est *Problema*, qui factum sit, ut principio tumor hic cum pulsatione vehementissima conjunctus, postremo vero, exors illius fuerit? adeo, inquam, vehementem pulsum initio retinuit, ut ne dum manu, sed oculis fuerit conspicuus; ac ne dum quidem una particula, sed & universo Tumoris corpore, praeterea, molestus adeo pulsus, ut etiam auditu perstrepsens aegrotanti misero videretur serra ferrari, funibus praetensis discerpi ac lancinari; quid, quod trepidi perpetuo adstantes, ne, tantis pulsatoriis doloribus, succumberet aegrotans: quare, faciei jam Hippocraticae homini assiduo adstiteret custodes domestici, & sacerdotes, piique viri; qui jam discessuro praeforent in officiis memorandae vitae futurae. Ad haec, quod stragula triplicia superiora excussu summo, instar manuum continenter attollentium, diducebantur ac sublevabantur, noctuque, diuque. Denique quod sit summum omnium, & confirmatio plenissima, atque certissima; Medici ex universa urbe praecipui, atque indies lectissimi, ad consultationes acciti; hi quidem plumbeas deligationes, cum plumbea lamella; hi Comitissae inscriptum ceratum Varignanae; hi embrochas adstringentes; hi emplastra de pelle arietina, aliaque ad ramices & hernias celebria; hi denique adusque nivis Nicolai praecepto necessario usum dicebant compulsum; administrarunt. Istorum vero omnium hi continenter abscedere; hi quam citissime sese expedire; hi vix audire & parumper consistere; hi cum protestatione mortis certissimae consultare; hi refugere ab horrore & calumniae periculo; hi vespillonibus hominem & libitinae devovere coeperunt. Fuit & famigeratissimus hercle Medicus, qui, viso statim casu, piamen crucis, ut sit pro luce perpetua, tantum aegro praetulerit. Ita rem summe extremam certo crederent omnes; ita nil quidem



fuit certius *Aneurismate*. Verumtamen, ipse instans, & quid, dices, abolitus pulsus? nimirum hic *Aneurismatis* perpetuus & pathognomonicus est.

Hanc equidem ambiguitatem, ut dissolvam, ante mihi prae-  
struam aliqua, quae sunt haec. Primum anteaëta vita decum-  
bentis laxa, nimis commestationibus, crapulae, Vini meri po-  
tationibus, & Veneri, dedita; intempestivae item corporis agi-  
tationes atque jactationes tum à prandio, tum à coena, quoti-  
dianae; quae res, scilicet una cum sint cumulatae omnes,  
promptas potuerunt parere cruditates & superfluitates. Porro  
cum plurima mihi se obtulerint *Aneurismata* visenda, quae qui-  
dem *αὐτόματα* suaque sponte obvenientia fuerunt, voracitatis  
atque adeo cruditatis, soboles, visa sunt omnia: quanquam,  
ut vere dicam, sanguineam impuritatem & ἴλν, sicut Galenus,  
ad Glauconem scribens; vocavit, agnoscunt communem pa-  
rentem. Ita etiam plerumque cachexia quidem omni, sed prae-  
fertim aevo nostro Syphilia, proficiscuntur. Sed haec obiter  
obrepere, dum *causas externas* sequor, quae Pagano nostro va-  
stum *Aneurisma* peperere. Nunc autem *internas*; verum ex his,  
paucas & reconditas exponam, quae altius repetendae sunt in  
hunc modum. Per Galenum, perque Anatomicos doctos, per  
ipsam Anatomen, & *αὐτοψίαν*, constat, nonnullam esse venarum  
& arteriarum anastomosis, i. e. utrarumque osculorum commu-  
nionem; quantum enim arteriae materia sanguinis egent, ad  
spiritum colligendum & confingendum, tantundem venarum san-  
guis opus habet, vivida luce, & actu perpetuo, ne corrum-  
patur, atque adscito quodam nitore ac splendore fruatur:  
qui quidem usus, quantum per inculpatum corporis sta-  
tum, atque integritatem, pulcher est & probatus, tan-  
tum, per sinistram valetudinem, teter eorundem est abusus &  
foeda labes. Porro, si copia multa, & inquinamenti multis  
impurus subeat sanguis in arterias, tum insuper labefactari vi-  
tales functiones, & conturbari ferme omnia, circa ternorum  
principiorum felices gubernatus: ad haec, ipsa vasa arteriarum  
ample distraëta, quae sua sponte dissiliunt, laxanturque, ita ut  
vim solutionis experiantur.

Hoc in nobili Viro facile per antedictas causas advenire po-  
tuit. Quoniam igitur secundum femora, praecipue, dextrum  
agi-



agitabatur, atque exercitabantur hujus lateris partes, & haec vasa subinde debilitari, ac laxari, maxime debuere; atque adeo arteria emenso primo ramo iliaco, postquam cruralem init, hic debuit diduci nimium & percelli; sic ut *Aneurisma* produceretur: quare in eductam jam cavitatem, irrepentes ubertim, & ample, spiritus, sic ingentem palpitationem, & gravem pulsus, initio induxerunt; ut jam non miremur amplius, quod triplicia cubilis stragula, ac tegmina superiora, disultu perpetuo, magnoque, spirituum, sublevarentur; neque miremur etiam amplius afflictatione inquietum, ac turbatum, nostrum aegrotantem.

Jam vero quod spectat ad abolitam sub fine pulsationem, non fiet sane mirabile, si perpenderis ac discreveris, ex magno quidem morbo pejora incrementa. Nempe arbitror, ex late diffluente intra vas sanguine, & infinito ipsius disultu, quandoque, factam vel apertionem, vel emissionem, καὶ διαπήδησιν; per longos igitur menses inhaerens extra sanguis, qui computruit, Hippocratis doctrina; qui dixit, sanguinem, in cavitatem quampiam extra venam fusum necessario putrescere; sic secum computrefecit & arteriam; siquidem enim durissima praeroduntur adhaesu putrido, quanto magis aut modice dura, aut nonnihil mollia, quale corpus arteriae dixeris? Habes nunc *Problematis* enodationem apertam: quippe ubi dissoluta arteria fuit, dissoluta fuit & pulsatio; subinde verum, quod dissoluta & pene corrupta fuerit arteria; tum gangraenae Abscessu; tum eductis sub ulceris funicule arteriarum; tum eadem ipsa pulsus privatione, dolorumque immanitate: quae omnia symptomata soboles fuere disultantis & verberantis, perpetim, arteriae.

Alterum nunc superest, quonam pacto, vel non secuta imensa sanguinis profusio post exulcerationem, vel quomodo obductum fuerit jam diffractum arteriae vas? sed omnes hos sedare strepitus argumentationum, vel uno licet objectu valentissimi ignis, quem & principio quidem, antequam aperietur Tumor, & postquam apertus est, quotidie inculcavimus: ad quod ignis beneficium omnia bona, i. e. primariam hominis & citam, uno mense, libertatem recuperatam referas indubitato.



Porro quod incantamento, vel ope magica, tam insuperabile malum superaverimus (ut quidam nostris ex aemulis dixerunt) tum ridiculum, tum invidentiae ore projectum, apparet: incantamenti certe vim, & magicam praestantiam, aemulatur & exaequat, rite recteque comparata, apte accommodata, & opportune administrata, vividi praesidii, manusque divinae, vis, quod ignem appellamus, energiâ: hujus quanta sit virtus, amplitudo, & inter cuncta Medici adjumenta, majestas in opere pyrotechnia, fuse ac plene per nos est credo demonstratum.

Haecenus de *Problematum* enodatione, primo propositorum: reliquum esset nunc satisfacere nonnullorum subtilitati, qui quaerent, absolvi se ambiguitate, ac perplexitate, binorum nominum aut appellationum, in unum veluti coalitum, quod huic vitio adscripsimus, tum *Aneurismatis*, tum *Abscessus sanguiflui*! sed hanc difficultatem, si perspexeris acute, nullam & vanam feceris ipse: siquidem *Aneurisma* protogenitum est vitium; *Abscessus* vero *sanguifluus* δευτερότερον: vel *Aneurisma*, dum pulsatio persistit, & dum ex arteria facta non fuit effusio, revomiturque, sanguinis; *Abscessus* vero *sanguifluus*, postquam illa humoris facta est effusio, exundatioque: porro, factam affectionem utramque quid vetat? utrumque vero quis negat? *Aneurisma*, cum prae se tulerit tam grandem, tamque doloriferum, palpitatum; *Abscessum sanguifluum*, cujus humoris tam multa copia per cochlearia multis diebus exhauserimus. At de re ista jam satis.

Alii Casus demonstratu digni.

1. Subpuncto temere *Aneurismate* thoracis à Presbytero, Medicum se profitente, haud multo post tempore defunctus homo. Chirurgus vero insolens, expulso nullo, sponte de urbe tota in posterum exulavit.

2. *Aneurismatis* vi, sub poplite abditi, mortuus est misere futor quidam calcearius.

3. *Aneurismate* ad sternum, Syphyllia cachexia, producto, commortuus alius.

4. *Aneurismate*, à prava phlebotome, praereptus Calaber quidam.

5. Micat *Aneurisma* perpetuo, ab perversa phlebotome productum, Religiosissimo P. Puderico, Jesuitae, sub cavum bra-











brachii dextri; cujus pulsu, ac distensione, productum alterum *Aneurisma* minus, sub vas cephalicum.

6. Jurisperitus Gallipolita factus gibbus est, *Aneurismate* sub medio sternum, per se ipsum discusso, sive fortassis abducto; quod ovo majus non erat.

7. Ceterum, fuit & qui internum expertus, Aloysius Loapane, Burgundus, arteria coeliaca, ut locus pulsatione perpetua tortus indicare videbatur, dilatata. Inde periodicos hebdomadis dolores acerrimos, nec alio, quam, *nepenthe Quercetani*, placabiles, perpeti fuetus; itemque vigilias; anorexiam: atrophiam denique, & lenta tabe, mortuus est, in Valetudinario incurabilium phthisicis dicato; quod in Pompejano prope Taebias, à Galeno memoratas, colitur. Creditus homo miser incurrisse malum, à voracitate, & meracitate, inaudita; consuetus ad sitim venandam, & ad vanam ostentationem, vorare vasculorum, ex rubra argilla tornatorum, fragmenta.

8. Curatus autem ab ejusdem arteriae pulsatione molesta, verum non consummata affectione, Carolus Nenna, Joannis Doriati Corregi auriga fuit; qui quantum mero, & esca immodica, primum se compleverat ad morbum excitandum, tantumdem etiam, abstinentiae Cereris & Bacchi parcitate longa, ad se restituendum, usus est, me hortatore.

Sed istos omnes facile superat casus Hispani cujusdam, gracili, adustoque habitu, hominis; cui brachium usque ad summum humerum & anteriorem thoracis partem, quae ad alas spectat, tam nimium extumuerat, tam ample distentum fuerat, ut confectus dolore perierit; cujus turgoris immanitatem videre Medici, & Chirurgi, omnes Sacri Incurabilium domicilii, & ad hunc locum proxime habitans, Bernhardus de Magistris, Medicus, & Astronomus, non vulgaris. Qui Tumor sic nobis opificum manu repraesentatus est.



## CAP. VIII.

*De Gangraenode Abscessu.*

**N**E me quis putet ineptire, qui, privatis à me propositis *selectis Abscessibus*, vulgatae nunc cognitionis aliquem interferam, qui *Gangraenodes* est. Equidem longe diversam gangraenae generationem, ac modum, pono, quam plerisque visa videntur. Hanc primusprehendisse, disertisque verbis exposuisse, creditus à nonnullis est Hieron. Fabricius, qui (licet hunc etiam Fallopius attigit) *lib. de tumor. praet. nat. 2. partis chirurgicorum operum*, primo *Gangraenam* posuit ex influxu, id est, ex humoribus quibusdam venenosis, ad partem aliquam allapsis, qui calidum ejusdem nativum extinguunt, & membrum in mortem praecipitant (id quod in febre continua maligna, & pestilenti fit) & cum dolore gravissimo, & pustula quadam, sub qua est macula nigra, extremis ut plurimum partibus, ut pote pedis pollice, ad usque tibiam & totam coxam, brevi transcurrit.

Alium ego *Gangraenae* modum agnosco, ex Abscessu, inquam, & corruptione subjectarum quarumlibet partium solidarum; puta ossis, cartilaginum, chordarum. Et ex osse quidem male habito credo fuisse, quam Illustri viro Domino Arithmanno Pignono, Marchionis Oriolensium fratri germano, curavi, secundum totam tibiam sinistram ex talo progressam. Ab osse, inquam, progressam opinor; tum quod perpetuis podagrae incurfibus subditus fuit hic Vir, tum quod confestim, & à principio, se prodidit alienatum os utrumque; quapropter, non multo post tempore, necessum fuit totam exsecari serra tibiam, & mutilari; ex quo affectu septuagenarium, & supra hominem evasisse sospitem, mirum etiam atque etiam fuit. Favet autem mihi non parum Ambrosius Paraeus, qui *chirurgicorum operum suorum lib. 11. cap. 12.* professus est, in gangraenis humorum influxibus interdum ossa primum imbui, atque ab his inflammationis initium habere; quamquam aliter eruditissimo viro Collegae meo, Mario Schipano, visum est; qui credidit ex venenato humoris, qui per febrem invaluerat, influxu profectum



Etum marcorem. Utcunque apparet *Gangraenam* fuisse ab influxu; res, quae parum est adversa nostris hominibus, qui *Gangraenas* omnes faciunt solum à partis inflammatione consequentes.

Sed & aliud in hoc argumento aperiam; rem quidem, quam à me frequentissime in Nosodochio Incurabilium observatam novere plerique docti, qui me nova quaedam administrantem persaepe viderunt: *Gangraenas*, & cum *necrosi Abscessus*, lente accessisse atque exstitisse, ob vitiatos infra tendines ac nervos; qui *antipathia quadam*, & *occulta humoris proprietate* potius, & prius quam carnes, aut muscoli fuerint obsessi.

## C A P. IX.

### *De certis partium Abscessibus.*

HAC jam majorum, & genere vagantium, Abscessuum exposita serie, deinceps alios partibus definitos, & circumscriptos enarremus; sed ita, ut brevitate quidem legentes alliciamus, varietatis vero, & novitatis gratia recreemus. Quis autem perbrevis inspectus pretio, placituras raritate ac lepore narratiunculas non coemerit?

#### §. I.

### *De ventricosi Abscessibus.*

Umor mammae ventricosus adeo, ut anguriam aut melopeponem, quam maxime fieri potest, mole adaequaret, ejusdemque formam repraesentaret, observatus à me est, in Sanctimoniali Templi splendoris foeminae, vetula, cognomento de Georgio.



## §. 2.

*De Hydrocephalo.*

**E**ST *Hydrocephalon* puerorum quidem affectus proprius; sed non sic, ut grandes aetate non tentet quoque. Hippocrates enim, *lib. 2. de morb.* nulla aetatis distinctione, & si qua est illa in viris maxime proposita, ejus morbi meminit. Quamquam non admittit facile hoc in viris Pet. Salius, ob solidam ligamentorum ossorum firmitudinem. Quod si tamen eveniat, ex malefacta vinculorum materia, succubiturum ante hominem credit, quam istiusmodi futurarum hiatum passurum. Nihilominus Hier. Montuus, in *puerorum pragmatia* meminit, opifici furnario caput auctum ad tantam magnitudinem, ut cum naso facies occultaretur; cui simile *hydrocephalum* mihi visum est hoc;


Hydrope extumescens monstrose caput observare licuit, Anno 1600. in filiolo Magnificae lectissimaque foeminae Claricis Caraphae, nonum jam mensem nato: cui à quinto natalium mense coepit inire tumor; qui postmodum auctus est adeo, ut circumductus funiculus non brevior esset, quam duorum palmarum, & quinque digitorum transversorum, communis mensurae. Creditus à me tumor est cerebri intercapedinis, multa humorum copia turgentis ita, ut commissuras omnes ossium, & frontis medii aperta vacuitate teneret ample distractas, & circa inferiora distentum convulsisque crus dexterum. Revulsi ad obtutum inferiorem oculi, ex ulcusculis vero in capite spontaneis, ad denudationem usque ossis, cutis diffusa, quae ipsa capiti praetenuis, nulla extrinsecus mollitudine. Lapsi sponte aliquot dentes, quos ab uteri claustris tulerat. Ad postrema morbi tempora non sugenti lac infundebatur ex cochleari. Infans hebes, & sopitus fere perpetuo, nil unquam obstrepens, aut ore significans, morbo succubuit non multis ab extreme aucto ipso diebus; cujus Imaginem hanc mihi Pictores opifices excudere voluere.

His similes Historias scriptis mandarunt Albucasis, 4. *chir. cap. 2. F.* & Razes, in *l. de morb. puer. cap. 3.* & Philippus Ingral-











gassias, l. de tumor. praet. nat. pag. 380. Qui retulit de puero quodam bimulo, cui per *Hydrocephalon* superiores omnes, & legitimae futurae, praeter unam lamboidem, quae parum hiebat, ita erant diductae, ut aqua incumbens cerebro diaphanam per cutem appareret.

*Hydrocephalus* etiam summae magnitudinis, qui viginti quatuor libras nostrates, certa sectionis fide, contineret aquae, descriptus est à Guilielmo Fabricio Hildano, cent. chirurg. l. i. observ. 10. Edit. Basileae, editae Anno 1606. In qua sua observatione, cum pleraque digna *Problemata* non enodarit, Vir alioquin eruditus, enucleabimus haec nos libenter.

Quod è robustissimis parentibus ortus puer hic, languido capite prodierit, referendum eo est, quod duro homines corpore, & hac ipsa firmitatis fiducia, arbitrario & prompto qualicumque victu, & potu, quantocunque usi, vim superfluitatum insolentem congerunt; sic observatum est mihi plerumque ex sanis & praefarctis parentibus, morbosos actenues abortos fuisse filios.

Sed quod non profectus utero *Hydrocephalus*, verum jam septimestri puero iniiit malum, eam causam puta; quod sub materni claustris foco, fomentis vegetior pueri calor noxam praeterfugere potis erat, inde elapsus eam vim amittere, & caussis se subicere morbiferis jam paratis lente assuevit.

His vero septimo se mense subdidit, quod judicationibus aptum est tempus, & prope fatale.

Quod integris jam visceribus reliquum corpus non alebatur, non mirandum fortasse propterea, quod similes noxae non apparent, bene se habentibus alioquin organicis.

Nulla id progresso morbo factum, admitto, quin imo si variolae & morbilli, exanthemata denique alia praecessissent, praecurrisset utique malum, & hunc morbum miser non incurrisset puer.

In lethargum incidit non incongrue sapientibus, nimirum aquis, quae stagnantes, trigesimo jam mense sulphuream anathymiasin & narcosin inducere debuerunt.

Mature e lethargo decessit, quod & veterinus minatus videre potuit, lethaliter jam pressis omnibus cerebri receptaculis.



Aqua crystallo clarior parti, videlicet consona sale cerebri resoluta, ut chymiatrī volunt; & ex his maximus Joannes Petrus Faber, in *chirurgica spagyrica*, ubi de *Oedematis*.

Cerebri corpus distendebatur aquosa colluvie; propterea quod spongiforme & glanduliforme videtur, ἡ ἐγκεφαλὸς substantia; non ita parencephalon, quod siccus, durus, densus, solidus, id est, minus cavum, atque adeo crebris aut axis futurarum hiatis, aut ossium raritate aut tenuitate patulum; idcirco *pseudocephalon*, ut *parencephalon* aequè dicetur me auctore: quare & auctore Hippocrate, partem anticam capitis plus continere cerebri dictum, quasi ipsa vere contineat cerebrum, non ita vere postica.

Anfractus autem & gyri, seu spirae cerebri, nullae apparent; quippe quae nimio opere propter distendentem copia humorem explicatae; quo referri potest, spirarum istarum causam, haud solo usu esse venarum & arteriarum commode applicandarum, ut omnes Anatomici voluerunt; verum causas adhuc restare materiam, effectorem, & formam: materiam inquam dissimilem sibi ipsi, quando septi lucidi, callosi corporis & intercolumnii densior, pressior & compactior; rarior vero, laxior, & solutior, spiralis cerebri circumductus: in quas binas materias & formas adaptavit se bifariam effector, ita plicatilis is fabrefactus discussus est, facile explicante hydero cerebrum.

Crassa tenuisque membrana intaminata propterea, quod incumbens aqua intermixta & falsa nonnulla parte, ut falsa sunt omnia excrementa hominis, & foetus praesertim novelli; utpote, quae sal concoctorum omnium ammoniacum eluerunt, ac secum abstraxerunt.

Cranium adhuc membranosum non osseum; quippe quod humore multo circumfuso, nequiverat addensari; in pueris siquidem omnibus calvariae cartilagineae magis quam osseae videntur.

Tertius ventriculus cum reliquis anterioribus confusus non apparebat, eadem distentus vi & insolentia.

In quarto sinu concrementum viscidius & parcus, eadem qua dixi, partis posticae natura exsucca.

Corpus inferum gracile ac praetenue videbatur, nulla existen-



stente labe viscerum interiorum; absumpto scilicet & rapto in superioribus alimento; vel quemadmodum, abunde distento splene, caetera membra contabescant. Ea scilicet est oeconomiae corporis communitas, ut uno laeso viscere praecipuo, belle valere nequeat caeterum corpus.

Brachia, femora crura, etsi relictā mobilia, convelli sueta; difficile fit id, quod cerebellum & postica pars cerebri bene se habeant; verumtamen & sine labefacta secundum suam structuram, nihilominus quia necesse fiebat, ut comprimerentur haec, unde convulsionis ansam capiebant.

Caeterum febris & dolor nullus: hebetudine & longinquo reductu cerebri.

Ad hunc quidem modum evenerunt singula congruenter, licet tamen nimium incongruus esset status naturae.

### §. 3.

#### *De Turgore feruido, laxoque, capitis & faciei.*

**N**onnullis, aut secundum faciem, aut secundum caput superius, qua circumsepit capillus, accidit *tumor nunc accensus, nunc laxus*, quem vulgus hominum, & Medicorum *Erysipelam* appellare consuevit. Quam haud satis video num *Erysipela* sit, multa enim id opinari dissuadent: nam plerumque foeminis accidit id vitium, & his maxime pituitosis, mollibus, & inertibus; deinde cum color non flammeus, sed laxitas, & cessilis digitorum impressio tumori sit; quid non *Oedema* magis, quam *Erysipela*, vocitetur? Si memoraveris adscensum ad superiora humeris, qui propterea levis & biliosus judicandus appareat: occurram equidem dicens; fieri posse etiam, ut illud eveniat, quia caput omnium maxime partium ad defluxus patulum, & debilissimum, est: quare ad hanc partem, veluti ad minime resistentem, prompte collimat expultrix irritata morbo facultas. Verum enim vero illud, quod certe judico; sunt aliquando cum bile commixti simul, & alii succorum ichores omnes; quorum coacervatu, & violento raptu ad caput, hoc aliquando surgere vidi sic undique, quibusdam decumbentibus in nostri Valetudinarii lectis, ut supercilia quidem occultarentur; oculorum



vero palpebrae conniventes vix aperiri possent; qui quidem Abscessus interdum per se discussi, interdum in suppurationem abiere: ita falsum apparet *Erysipelam* hanc esse vere, quam dicunt. Confirmat autem & remedii utilitas, etenim provide anticipata foeminis venae sectio tumorem praevertit: ut in uxore Antonii Operarii, Typographi, compertum est, & in Parthenophylacii Spiritus Sancti, virginibus foeminis, natu grandibus plerisque.

## §. 4.

*De Exostosi.*

**E**ST *Exostosis*, definitore Galen. in lib. de tumor. praet. nat. c. 5. *Cujuspiam ossis eminentia intrinsecus à melancholica superfluitate profecta.* Visitur autem, eodem Auctore, in his, qui Elephantiasi laborant secundum utraque tempora, genasve, conspicua, *Dionysisci* appellati, quae scilicet Satyri, quibus elephantici aequiparantur, cornua exporrigunt. Sed & aliis absolute hominibus, quibusque partibus observati sunt à nobis ejusmodi ossis excessus: in jumentis omnibus multo frequentissime visi, quos veterinarii *soproffo*, quasi super ossa factos, accessus dicere consuevere. Primum hoc ego genus incrementi vidi, tetigique, veluti clivum exstare in medio fronte filiae natu maximae Viri spectabilis Aloysi Saggi. Gestavi autem & ego, secundum infimos utrosque cubitos, diu, perpetuo dum his inniterer, incommodantes: qui post aliquot annos nullo remedio sunt discussi: id quod, & memoratae modo puellae evenisse audio. Porro sunt hi nullius interdum praegressi morbi soboles: caeterum enim, lue Venerea confectis hominibus sunt plane frequentissimi, capite, fronte, pectore, brachiis, manibus, tibiis, pedibus, & reliquis pauca carne munitis ossibus. Solent autem *contagiosae exostoses*, cum plurimum putredinis fermentum incitat, in ulcus, & manationem, abire: cum pleraeque maneant etiam infractae, & quantum quidem Abscessus immunes, tantundem etiam perdolentes.



## §. 5.

*Hordeoli nova observata materia.*

**E**T *Hordeolum*, tenue Tuberculum, sua servat recte medendi laudis argumenta. Veteres quidem, & in hujus causa continente dignoscenda, & in curatione tradenda, haud satis, quantum debebatur, praestitisse videntur. Nempe curatio, quam ipsi ex panis, & cerae, calentium fomento probant, tametsi multum commoda videatur, tamen infrugiferam; & minus felicem usu se prodit. Materia vero creditus est humor glasteus, & concrementum durum atque scirrhom, quale ipsum vere non est. Quippe nos unica punctione & curandi virtutem, & causae notitiam, veraciter affecuti sumus. Namque subpungentes internam palpebram, & materiam continenter expressimus; quae caruncula inutilis cerebri forma visa est, & oculum non semel istiusmodi opera liberavimus. Primus, quemadmodum hunc modum curasse obtigit, fuit Leonardus Cyminus, chemicarum rerum non indiligens administrator, & noster quondam in chirurgia auditor. Secundus, Salvator à Crescentio, Scriba Regiae, quam dicunt, Cancellariae ordinarius. Tertia, Franciscana minor Sodalis Sacri Incurabilium templi; atque alii quam plurimi, quos adnotare necessarium non est. Verum enim vero, credidi quidem hactenus nemini priorum tractatam hanc curandi rationem; cum legi nuper, tum apud Alfarabium *tract. 4. pract. c. 8.* tum apud Mésuéum *lib. 2. Grabadin*, eandem ex amussim descriptam: quod, & purgandarum assertionum nostrarum, & confirmandae administrationis chirurgicae gratia, dictum volui.

## §. 6.

*De Miliolo, exterioris palpebrae Tuberculo.*

**S**I profitear ingenue, quod sentiam; equidem ignoro, num vel Antiqui scriptores Medici meminerint, etsi cognorint; vel nostri cognorint, licet non meminerint, *Tuberculi cujusdam exigui*  
in



in clivo palpebrae ciliari nascentis, & se cum pilis oblique proferentis; quod magnitudine, duritieque, milii sementulam refert; si tantummodo flavum hujus colorem in exquisitum alborem intelligas mutatum. Ex qua sane similitudine *μυζιδιον* Miliolum, seu Miliolum hordeoli modo placuit appellare. Ovo autem tenuissimo formicarum facile comparassem; nisi quod corticulam duriores, ac ferme corneolam huic Tuberculo adverti; usque adeo, ut medicamentis acerrimis, id est, liquidis causticis tentatum nullam vel tactus, vel coloris, mutationem senserit. Itaque pinnae galli Africani cuspide acuto, cujus identidem pluma medicamento tincta prius usus fueram, putamen vix ad secundum, vel tertium ictum penetravi; eduxique molliculam chartae bombycinae madidae similem portiunculam. Fuit autem is, in quo primum rem expertus fui, mirae indolis puer Antonius Florillus, Jacobi filius, qui, per austrinum anni statum, *chemosis* vix dum elapsae reliquias eodem oculo prae se ferebat.

## S. 7.

*De Varicula oculi.*

REM plane novam, & à nullo priorum haecenus adversam, à me vero non sine animi voluptate pridem compertam, adnotabo, frugiferam alioquin auditu nostris rei medicae candidatis. Oculi portio candida, quam adnatam tunicam nominare majores, venulis alitur sic exilibus, ut sint inadspectabiles, atque inter omnes universo corpore minimae; quae tamen conspicuae redduntur morbo, id est, inflammatione, qua turgescent. Haec autem sublevamenti species, quae saepe visitur, non est amplior, quam muliebris capilli magnitudine in ophthalmia, in chemosi, in ungula, & pterygio. Et hae quidem cum affectu rubro venarum sunt *exaltationes* Medicorum, vulgo cognitae.

Caeterum citra inflammationem agnatae tunicae, vehementer ab Iridis terminis extumescences vidi venas, non vividi quidem, & rubelli, sed atrii sanguinis distentione; quas sic primum notatas *Variculas* nominavi, atque habui; procreatas ac visas perpetuo mea quidem observatione, in hominibus sanguine crassiore redundantibus, qualis unus fuit, in Valetudinario nostro, de-

cum-



cumbens homo Romanus, cui Antonio de Joanne nomen; quem cum Adamo Marchio, Medicophysico vigilantissimo, & aliis hospitalis ejusdem domus Chirurgis observavimus. Est & ex hoc ordine Franciscus Caesarius Neapolitanus, qui ex hoc vitio, levibus primum initiis in magnos accessus, incurrit tandem oculi Proptofin inemendabilem.

Didicisti nunc, siquidem attentas aures adhibuisti; ex hoc genere *Varicularum*, si negligenter aut perperam curentur, graviora mala proficisci: quae si praevertere primum volueris, dicam equidem, quid faciendum sit. Atque illud est, ut hasce venulas, quae maxime exporriguntur, (est autem, qua gibberum tollunt torumque induerunt) provisa primum universitate corporis, acu aurea, vel argentea, pupugeris; sanguinemque redundantem detraxeris; mox, quae reprimunt medicamenta seu fluida, seu solida, ad coaequandum adhibueris: extrinsecus vero, si sit opus, lamella plumbea, tum diu, tum noctu, sed noctu potissime continenda est.

## §. 8.

*De Haemorrhoidis narium.*

**H***aemorrhoidas narium* Arabes primi nominaverunt, eo consilio, sicut adnotavit Jo. Costaeus in *Avicen.* quod caecarum instar haemorrhoidum lateat hic tumor. At Alexander Benedictus l. 5. de morb. cap. 10. sic dictas interpretatur, quod statuto tempore sanguinem evomant & eructent. Mihi potius sic appellatae videntur; quod varicosas sedis venas referant, e naribus infimis oblique gibbodem carunculam exerentes. Has quidem cum *Polypo* plerique confundunt, nullum inter hos discrimen agnoscentes: at vero nonnullum inter est. Siquidem majoris molis, ac malignioris naturae vitium, apparet Polypus; utpote, qui latioribus atque altioribus radicibus nixus, longis intervallis externe atque interne excrescit, pleniluniis praesertim, austro euroque flantibus, incommodus. Ad haec cartilaginea prope duritie Polypus est. *Haemorrhoides* vero, eodem Alexandro auctore, Carunculae sunt quaedam similes mulierum papillis, haeque narium imis partibus, quae carnosissimae sunt, cohaerent. Audiendus ergo Ga-



brici Fallopius non est, qui coloribus tantum distare Tumores istos ait. Rectius vero Petrus Bayrus, qui *lib. 5. practicae c. 3.* discretis utrisque vitiis, aperte posuit *Haemorrhoidas* carnes molles; quanquam interdum adeo excrescant, ut multum pendeant extra nares: *Polypum* vero carnem habere praeduram, & polypo pisci similem dixit. Quid, quod difficillimus tractatu Polypus est; *Haemorrhoides* vero (quantum experimentum ostendit mihi) faciliores, cedentioresque sunt. Porro solum concissae, sanguine multo effuso, deletae sunt semel Franciscanae Minori Sacri Incurabilium templi: quam rem novere Franciscus Romanus, Chirurgus, qui rem ad me delegaverat, ac Scipio Averfanus, ordinarius ejus Coenobii phlebotomus.

### S. 9.

#### *De miris duobus faucium & palatii Abscessibus.*

**F***Aucium Abscessus*, loci importunitate & angustia, terrifici, & verendi sunt omnes; quorum ego gravissimos & memoratu dignissimos comperi duos. Alter, qui tubere inaequali ab hac parte, & ad nares, protendebatur; latus autem ad longa tempora nullo cum incommodo; diruptus excreatu sanguineum exclusit teres, & oblongum hirudinis modo concrementum, quam Hippocratis *bdellam* opinatus, ostendi Schipano, qui meam ad sententiam non illibenter accessit. Ipse autem aliquando monstraverat ejectos cum urina curculiones. Fuit autem is, de quo loquor, puberis tum aetatis filius, ni fallor, Procuratoris, quem dicunt, Fiscalis. Sed mirabiliorem alteram audi historiam!

Villicus adolescens, ex frequenti & diu producta subdialis frigidique aëris usura, provocato viscidae pituitae destillatu, sentit sibi primum nescio quid ad palati forulum adhaerescere: quod aliquot post diebus in Tuberculi formam se prodidit, atque ex majoribus indies incrementis, ad eam magnitudinem tandem excrevit; ut totas homini fauces opplens, nedum firmioris alimenti traductum, sed etiam potum, inspiratumque, praeccluderet: renixu duro, colore carneo, variis aliquot plicamentis in ambitu excurrentibus praeruptum. *Decoctum Sarsaparillae* diu potum nil profecerat, ac neque buccatus & garga-



gargarismata varia, discussoriis multis succis roborata, cum deposita propemodum spe salutis, ad Incurabilem morborum hoc sacrum asylum translatus est. Cui Tuberculo extenuando cuncta nostri medentes experti nil frugis attulere: cum ego re inspecta nova & insolenti, praefocatum hominem iri certo cognoscens, collegis meis, laryngotomiam non dubitavi proponere; qua sola velut sacra anchora tam miserandae fortis exitio posset occurri: addens, si periculosum & audax id auxilii videretur, hos demum esse casus, quibus ope dubia foret succurrendum. Nam si res cefferit, opitulatus utique fueris; sin minus, eveniet id, quod futurum erat, id est, interitus. Quod fere oraculum ad hydropis paracentesin amplectendam enuntiaverat Hipp. *l. de loc. in homine*. Praeterea proditum est, temerariis ac fortuitis percussionum casibus, insanabilia mala multa sublata: quid igitur à magistra manu faciant secturae certis rebus, omnibus ac modis, accurate provisus?

Haec & alia tum ego. Quae nostra persuasio, quid dicam, ut admissa approbatave fuerit; quando sit in promptu Medicis omnibus huiusce seculi non usitatas, & obsoletas, operas quasque refellere: neque enim quadraginta, aut supra scriptorum auctoritas, aut omnis ratio, quos ego tum memoravi, atque ex sermone proprio de laryngotomia singulos citavi, quidquam operata sunt; quid autem operarentur inter homines, qui neque experiendi cupidine, neque rerum viriliter gerendarum gloria, moventur ac ne tanguntur quidem. Itaque, denegatis vitalis aurae fomentis, fato functus est miser homo: quo frigente mox corpore in anatomicam inspectionem vocato, praefectum Tuberculum ostracinum intro repertum est totum, cum aliquo particulae conformatu, & quarundam quasi alarum, & rostri discretu. Itaque non inepte à plerisque adstantibus, & à nobis ipsis equiparatum est Testudini terrestri parvulae.

Sed ante hanc Tuberis excisionem, experimentum, quod fecimus, laryngotomiae narrabo. Dissecta enim primum cute, secundum longitudinem corporis, ex hoc aditu facto resoluta transversim trachea, qua bronchia per synchondrosin conjunguntur; confertim & subito visus est humor prodiisse cum spuma, auditusque fragor spiritus veluti dissilientis ab angusto conclusoque loco. Qua re sic plane cognita, docti Viri praesentes



plerique, qui visum advenerant, censuerunt valde probabile, ut viventi adjam prorogandam spiritus usuram, ejusmodi pertusio subventura singulariter fuisset. Quod autem magis erat optandum, nunc vero tantundum dolendum est; fortasse quotidianis epidemicae anginae casibus conclamatis, eo exemplo, Medici nostrates animati didicissent aliquando succurrere!

Sed hujus ejusdem hominis visceribus exsectis, quae offenderimus utile fuerit etiam enarrare. Reperta dextera cordis auricula durior, & cartilaginea, plurimo atro sanguine distenta sic, ut pugni magnitudinem aequasset: quae dissecta neque resedit, aut repressa est, sed eodem modo fornicata persistit; velut obfirmata huic statui, & velut tigillis affabricata. Sinistra quoque auricula nil à priore varians. Intestina fibris quibusdam veluti laciniis aut appendiculis distincta luteis, quas & in hominis suspensi cadavere secto per nos, Anno 1630. plenis hominum spectaculis, observavimus.

## §. 10.

*De Strumis mammarum.*

**D**UOS quatuor Affectus, ac Tumores, incurrunt mammae; Glandularum, Strumarum, Scirrhi, Cancri. Sed hic quidem ex adustis perpetuo gignitur succis: quam ob causam, & teterrimus ipse est, & gravissimis symptomatis torquet. Reliqui omnes, ut non ex adustis humoribus proficiscuntur; sic longe minus infesti sunt. Has ob res, ut hoc utrumque genus facillimi discretus est; ita difficilior aliquanto caeteri distinguuntur: sed Scirrhus totum frequentius mammae corpus occupans, immobilis est prope modum. *Strumae*, Glandulaeque, neque totum mammae corpus occupant, neque immobiles sunt, sed praehensae digitis, huc illucque distrahi possunt. Difficile autem Glandulis & *Strumis* discrimen poni: ac multi facile confuderint utrumque nomen propterea, quod ostenderit Galenus *Strumam esse Scirrhum in Glandula*. Glandula autem quid sit, nisi induratum quasi scirrhone Tuberculum plane non invenies, apud eundem Virum ubilibet. Nihilominus apud Aëtium, e posterioribus Graecis nemini secundum, *Tetrab. 4. serm. 2. c. 5.* leges accedere aliquid ad *Strumas Glandulas*.

Ad



Ad omnem modum deteriores sunt plane *Strumae*, ac difficiliores contumacioresque Glandulis; imo quae longos in annos natura, & medicamentis, inexcussae manent; quanquam autem per dierum intervalla rarum & momentaneum excitant dolorem: caeterum immutationem nullam doloris, aut tactus, inferunt. Itaque falluntur egregie, neque defendi possunt hi, qui affectum ejusmodi sub mammis, Cancrum arbitrantur insanabilem, & curatione tantummodo fucata tractandum volunt. Porro cum non haereat quanquam subjectae carni, concolor sit; venisqueurgentibus septus non varifescat, Cancrum nisi quis ineruditus non dixerit. Itaque cum ejusmodi Tubercula mihi se offerunt, extrahenda statim propono, ne vitii mora negotium posthaec incurabile faceffant. Nimirum potest Scirrhus in laxa parte, fracto succorum acriorum cumulo, in affinem Cancrum faceffere. Meminit autem horum, à se curatorum, Amatus Lusitanus *Cur. 32. cent. tertiae*, & Jo. Schenckius, *in observ. l. 2. tit. de mammis pag. 336*. Fortasse autem haec & Megetis antiqui Chirurgici *Struma* est, de qua Celsus, *lib. 5. c. 28*. In mammis quoque foeminarum *Strumas* se reperisse, Chirurgicus Meges auctor est. De hac etiam Ludovicus Mercatus; excindendae, extrahendaeque, ratione hac tradita *l. 1. c. 17. p. 137*. Qua *Struma* subest, particulam digitis utrinque comprehensam, acufilum ducente subtus quidem primum transues, mox fili capitibus utrimque cum *Struma* sequente attractis; hanc adacto scalp-pro secundum suas radices excsecabis, nulla sui parte relicta membranula, quae Tuberculum investit: qualis & in Steatomatis, Ateromatisque, cautio est. Quam quidem excindendi rationem a Paraeo, & in Cancro labiorum, propositam memini; à quo auctore traditam rem mutuatus est fortasse Mercatus. Deducta autem, atque immutata, est ex primo Cornel. Celso, qui hanc *l. 7. clavis oculi exstirpandis* proposuit. Addidit autem Ludovicus liberatam mammam; quemadmodum recentia vulnera, consuendam; nisi quid intus remanserit; quo casu non consuendum, sed detergentibus, & purgantibus utendum. Meminit & hujus quoque curationis Joannes Fragosus, *in opere chirurgico tract. de apostem. q. 61*. sub finem nominato; sicuti sua gens consuevit, hoc vitio *Zaratana*.

Hanc ergo curandi rationem cum, in complurium Medico-



rum convento, proposuiffem honestae cuidam foeminae Luca-  
nae, Ducis Illustriffimae Bucinensium ancillae, quae eidem suo  
vitio consultura Neapolim, e composito, venerat; insolenti qua-  
dam, & insulfa, quam Docti riserint, adversione. Medicus qui-  
dem senior, negavit haec quaquam attingenda, nedum ex-  
scindenda Tubercula; propterea, quod corpora sunt mammas  
quidem glandulosa, aliis vero partibus Glandulae. Unde autem  
hanc rem didicerit homo sapiens, quis est, qui indicare queat?  
Ipse nihilominus Hippocratem asseverabat auctorem, qui ne id  
per somnium quidem: quinvero ait: ἀλλὰ ἡ ἀδένης οὐ τοίσι σέ-  
θισι μαζοὶ καλεῖνται, ἡ δειρόνται, ἡ γάλα ποίεσιν, &c. quae,  
ad amissim reddita latine per Janum interpretem, sunt haec; *quia  
etiam glandulae in pectoribus mammae appellantur, & attollun-  
tur, & lac faciunt, &c.* Sed & praeter Hippocratem nemo non  
aliorum omnium glandulosa corpora dixit mammas, non autem  
adenas ipsas mammarum. Praeterquam quod, si glandulosa cor-  
pora sint eadem, quid prohibet, ut exscindi vitiosa non possint;  
quando & ipsas mammas feliciter exsectas tum integras, & in-  
culpatas, in *Amazonum historia l. de aëre, aquis, locis, perhibuit*  
Hippocrates; tum etiam male valentes, ut de quamplurimis com-  
mentus est Jo. Schenckius. Itaque apparet, nil facere ad impe-  
diendam chirurgiam, quod glandulosa quaequam sint corpora;  
contra quam homo iste volebat. Sed his abunde jam cognitis,  
caeterum, opinionem meam eventus rei singulariter comproba-  
vit. Etenim mulieri medicamentis variis, tum internis, tum ex-  
ternis, & victu tenui, sudoribusque diu multum exagitatae, ac  
prope lassatae, ne dum non aliquis profectus accessit: quinimo  
fieri non potuit, ut ne tumor, qui fomitem vitii tam diu alue-  
rat, demum exulceratus fuerit; quod illi tam impense mole-  
stum mox evenit, ut jam rursus ad nos redire, ac discrimen om-  
ne subire certa sit. Commisissetque se utique nostris manibus, nisi  
brumalia frigora, quae testimonio Hippocratis inimica sunt ul-  
ceribus, remorata essent.

Interim opinioni nostrae, veritatisque, divino quodam numi-  
ne, casus adstipulatus est. Scilicet, Aureliae ab Alexandro Ebu-  
litae, foeminae lectiffimae, Cancro mammae dexterae duos jam  
annos vexatae, Glandulam spongiformem putredine laxatam,  
quae ulceris medio adhaeserat; eodem ipso contradicatore, atque  
aliis



aliis Medicis, tum Phycis, tum Chirurgicis, praesentibus; levi forficula exemimus: qua re confecta commodius per ea tempora vixit. Hoc unum exemplum esto Glandulae spongiformis in foeminae mamma. Sed & in viro comperta est hujusmodi altera, quam de alae diuturna fistula subsecui, proximis diebus, homini, qui persanatum jam vix se sanum putat: adeo spem ejus rei dejecerat ab aliis omnibus immedicatus. In cujus spongiolae aliqua parte carunculae teretes adversae duae, prominulis utrimque labellis, quae rostellum rajae, vel erinacei marini, praeferebant; hiatus scilicet unde eructabat fistulae faecies.

## S. II.

*De Zona Herpetis, sive Ignis Sacri specie.*

**Z**onam quidem, ad hoc tempus, nemo tradidit à se observatam usque adeo, ut veram ejusdem formam, ipse, qui vidisset, testificari caeteris posset. Quocirca mihi, amplissimis in Valetudinariis medicinam quotidie facitanti, cum non semel visenda obtigisset ejusmodi species; facinus aut inertis, aut inconsulti, hominis committere mihi videar, si rem hanc inter hos, *de novis observatis Abscessibus, ac Tumoribus*, sermones, candidatos medicinae celem. Rem alioquin non minimi momenti, quando Plinius admonuerit, extingui hominem hoc affectu; praeterquam quod assequi sensus nostrorum Auctorum, ea de re varie differentium, etiam ad bonum Professore pertinet. Primus ergo Scribonius Largus, paulo posterior, quantum apparet, Celso vir, atque à Galeno memoratissimus, *l. de comp. medic. praemissis cap. 244. 245. § 246. ad ignem sacrum*, mox caput 247. § 248. inscripsit, *ad Zonam*, quam Graeci *Herpetem* dicunt. Quibus iisdem verbis usus est & c. 63. qui idem Vir, & c. 166. ejusdem zonae meminit. Itemque Marcellus Empiricus *l. de medicamentis cap. 20.* Sed Plinius, auctor operis *de re medica l. 2. cap. 33.* inscripsit (Ad Circinum, quem *Zonam* vocant) & subdidit; *Circinus*, quem alii *Zonam* vocant, talis est: vesicae tanquam combustae exeunt, & crepant, primum paucae, deinde cito multiplicantur; quae si hominem cinxerint, occidunt. Et *cap. se-*



*sequenti ad Ignem sacrum inscripto*; est, ait, genus Sacri ignis, quod *Zoster* vocatur, quod occidit eum, quem appetit, si praecingit. Sed Plinius secundus, scriptor *historiae naturalis lib. 26. cap. 11. F. Ignis*, ait, *sacri* plura sunt genera. Inter quae medium hominem ambiens, qui *Zoster* appellatur; & enecat, si cinxerit.

Haec Auctores latini de *Zonae* appellatione, more, natura. Quae ejusdem natura plenius ut intelligatur, operae pretium judico, ut inquiratur etiam tum genus ejusdem, tum materia. Certum est quidem calidissimum, & fervidissimum hunc Tumorem, ex tali etiam humore procedere; sed haec bilis una est, quae vel Erysipelas, vel Herpetem parit; quorum appellationes & usus Latinis fuerunt alii, atque alii. Nempe quidam ex his Herpetis, & Erysipelatis nomen graecum attigere; quidam non attigere latino, *Ignis sacri*, nomine contenti. Incertum autem, an Herpetem cum *Igni sacro* comprehenderint, aut confunderint? nimirum exacti rerum istarum aestimatores, & judices, minime placuit esse Romanis, quorum gravitas minus, quam Graeci consueverant, medicam rem excoluit, aut dignata est, Plinio adnotante, *histor. natur. libr. 29. prooemio*. Unus Cornelius Celsus Erysipelas aperte discrevit ab *Igni sacro*: quod genus duplicis Herpetis posuit, esthiomeni, & secus. Erysipelam vero atque Ignem sacrum hi, qui subsequuti sunt, aliter atque aliter acceperunt. Nam hi confuderunt, hi discreverunt. Atque alii Sacrum ignem cum Herpete unum eundemque affectum censuerunt; quorum unus est Jo. Monardus, *lib. 7. epist. 2*. Alii vero sejunxerunt, è quibus est Oribasius *ad aphorismum 23. l. 5*. Ita scilicet nomina graeca, & latina, distracta atque accepta, varios singulis sensus atque opiniones pepererunt.

Foret autem hic infinitus, aut etiam alienus ab instituto nostro labor, si cunctas componere lites, aut universam rem pertractare vellem: satis huic loco videtur si Latinorum, qui *zonae* meminerunt, sententiae duntaxat expendantur; quam rem sic brevi constituo. Scribonius, Apulejus, Marcellus, uterque Plinius, abjecto graeco *Erysipelatis* vocabulo, *Ignis sacri* nomine sunt usi: *Herpetem* si quando nominavere, graecis etiam characteribus expressere. Apud hos quidem *Zonae* nomen exstitit non semel; at hoc quidem discrimine: nam apud Scribonium

*Her-*



*Herpetis* species est *Zona*; at vero Plinio *Ignis sacri*, hoc est (quae opinio nostra, & Ingrassiae fuit) Erysipelatis forma quaedam. Marcellus, vel dubius est, vel ad Scribonium accessit. Cornelius nusquam locorum, seu *Zonae*, seu *Zosteris* meminit: fortasse, quae suo seculo vel non exstitit, vel non adversa est. Caeterum enim absolutus auctor rem alioquin non contemnendam non contempsisset, aut praeteriisset.

His sic expositis inquirendum nunc occurrit, quem in modum aut situm hoc se cingulum ad corpus accommodet? an transversim scilicet ut balthium inducitur? an vero satis est, ut secundum se ipsum tantummodo, nullo situ corporis discreto, formam illam orbis adsciscat? Plinius quidem videtur ad usum cinguli posuisse; alium vero fasciae circuitum attribuit *Zonae* Joannes Langius; cum ob nimiam sub febre continua efferventis cholerae copiam, inflammationem à lumbis, umbilico, ac testiculorum oscleo, usque ad genua hominem cingit, atque circumdat.

Verum, quem nos *Zonae* modum, & formam observavimus, audi! Saepius enim haec visa, posteriore thorace, & secundum superiores lumbos circinata: quam in Societatis Jesu Sacerdote sacrarum collegii aedium vidi, cum Mario Schipano, diligentissimo rerum istarum observatore. Alteram cum Francisco Nola, Medico satis industrio, curavi Mario Canello, Sacerdoti integerrimo. In palma similiter cujusdam futoris calceonarii, qui Syphile fuerat affectus, luculenta nuper fuit observata cumprimis *Zona*; qui primum dolorem acrem in pectore perpeffus fuerat. Itemque aliae pleraeque se obtulerunt in Valetudinario, morbis incurabilibus dicato: quas omnes explicare longum esset. Persequitur hic affectus pallidiores, habitu corrupto, ac visceribus malevalentibus, homines: qui his ipsis de causis jugulantur, non autem exilis *zonulae* vi, aut pravitate: quanquam e quidem non inficior, malignitatem ad pernecandum inesse *Zonae*; sed nihilominus à me nulla comperta perniciofa; propterea fortasse, quod hominem secundum utrumque latus praecinxisse visa est nulla; quod ad necem requisisse visus est Plinius.



## §. 12.

*De Abscessu per umbilicum.*

**V**mbilicus, ut omnes Anatomici definire, complexus est quidam duarum arteriarum, & unius venae, praeter unam aponeurosin sive nerveum processum, qui nonnullis quidem cavus est ductus, solidus vero multis: quae vasa mirifico naturae commento sunt instituta, ut per haec alimentum, vitamque, capeſſat foetus, dum utero gestatur; quemadmodum per pedunculum poma, & fructus omnes: à quo uteri ergastulo postquam egressus est infans, emerita & vieta reddita ista vasa coalescunt & occaecantur ita, ut in ligamentum hepatis appensi secedant: quo hepate aut cognatis partibus male habentibus, ac tumore, vel liquore vitioso, scatentibus, madefactum hoc vas, natura procurante hic hiat, ut effluere possit inde quaelibet concepta labes; per quam viam ejecta lotia puellae, cui per multos menses fuerant suppressa, narravit Bartholomeus Cabrolus, *observ.* 20. & ex hoc auctore Andreas Laurentius, *lib.* 8. *quaest.* 17. Cujus similem historiam retulit Joan. Fernel. *l.* 6. *cap.* 13. Constantius vero Varolius memoriae prodidit aquam Hydropici per unam hanc viam effluxum habuisse. Ego vero servo memoria visos à me complures, quibus, in multos annos, expurgatio non hepatis tantum, sed totius etiam corporis facta est; saniem nunc cruentam, nunc solum ichorodem, ducente Abscessu; in hominibus quippe non admodum integris, aut inculcata valetudine. Ex his unus Thomas Carrafa, Ordinis Praedicatorii vir, facundia non minus quam genere clarus: qui longo cum hoc effluxu commortuus est; florentibus adhuc annis, dignus, qui Nestoreos superasset. Alter, qui nunc vivit Honophrius Clarellus adolescens, vigesimum annum natus; qui jam tertium, & amplius hoc Abscessu tenetur. Dubius autem sum, an hujusmodi fuerit *Abscessus umbilici*, quem, decem jam menses, plurimo pure manasse retulit modo citatus Bartholomeus Cabrolus, *in observ.* 19. Tertia fuit mulier natu grandis, quae, ex Abscessu ad eam partem nato, ulcus insanabile gestabat. Sunt porro non obducenda haec ulcera, neque



que impediendi Abscessus; quos natura instituit, aut plurima humorum copia fovet. Credo autem non ex hoc genere, sed simpliciore Abscessum fuisse, quem Annae Estensi curasse testatus est Antonius Musa Brasavolus, *in commentario lib. 3. Aphor. 22.* Sed neque hic judico silendum à Philippo Ingrassia, *lib. de tumor. praeter naturam*, propositum plus semel, genus quoddam *Abscessus umbilicalis* à sanguine conflati, quod *Aematomphalon* graece vocatum est. Hoc autem in infantibus potissimum visum crediderim: quod ad sanguifluorum Abscessuum genus referri memento.

## §. 13.

*De Varicibus infimi ventris, & femorum, mire implicatis.*

**A**Urelius Cornelius Celsus in *libr. 7. cap. 17.* & Hieronymus Fabricius, *in oper. chirurg. volum.* testati sunt insolentes esse *ventri Variculas*. Quod fit propterea, quia exterior abdominis, habitus admodum parvis & paucis irrigatur vasculis, quae trunco circa centrum agitato parum, dilatari non ita facile possunt, magis id eminentibus locis accidit. Quae ut vera sint omnia; nihilominus visae mihi per hypogastrii summa Varices, mirum in modum implicitae, atque distentae, ita, ut venter quidem appareret Medusae caput; interiora vero femora, & crurium excursus, anguibus veluti coëuntibus sub cutem foeti. Quibus affectibus non mediocriter homo gravari se referebat: at vero cum decumberet nihil ejusmodi rerum, totis hisce locis, existere. Juvenis erat ex familiaribus Illustr. Marchionis Macchiegolanae, procerior aliquanto, quam statae mensurae homo; habitu mediocri; colore corpore florentiore, sed diluto; oculis variis, capillitio prope phoenicino. Quas ob res minime melancholicus existimatus est ab omnibus, qui viderunt. Itaque scrutantibus nobis exteriores causas, illud admirationem facti summovit; quod aliquot ante annis, de sublimi admodum loco, casum expertus est, à quo uno quasi quassatus sanguis, & ad inferiora propulsus distendere sua vascula, laxareque facile potuit; ita, ut in posterum imbecilla redderentur. Quid,



quod & in partes inferiores factus corporis praegravatus, atque concussus, Varicofas dictas dilatationes onera bajulantibus, cursoribus, ligones exercentibus, excitare compertum est? Quod etiam Arabs Avicenna notavit. Sed & longus, recto corpore status, accessum provocat Varicularum: id quod intellexisse videtur Juvenalis poeta, qui ait,

*Varicosus fiet Haruspex.*

Ex grandi scilicet constitutione, & quadam quasi stabulatione, ac longo statu.

#### S. 14.

#### *De Abscessu tereti, ac ferme trunculato.*

SED & *teretem*, trunculi modo, paulo minus semi spithama productum *Tumorem*, e carne atque adipe exstantem, neque musculos attingentem intus, à putrilagine perinde, ut caniculatim excavatum observari licuit, in sacri nostri Nosocomii languentibus.

Id autem esse videtur vitii genus, quantum equidem conjectura assequor, quod tentare soleat eam hominum sortem, qui inopiam; aëris udi, atque hyberni, proximeque attacti corpore soli, dum duriter cubant, injurias; pravorumque victus; & aquarum malarum potus; quotidie experiuntur. E multis, quos ex eo morbo curavi, memoria servavi Petrum quendam Leodiensem, tenuis procerique corporis juvenem, qui studiorum gratia suis e laribus Patavium peregre profectus, hic Neapoli & febre, & plerisque tuberculis corruptitiis omnibus, aegrotavit. Inter quos illud ipsum erat, quod modo descripsi; ab interiore supremo femore, ad altum filiorum clivum exporrectus, quem, suppuratu mollem, totum unico scalpri adunci tractu discidi, atque expurgatum brevi curavi. Intus caruncula semiputris, carneis corrosis fibris plerisque locis distenta, & veluti lacer panniculus contrita. Quod Abscessus genus enarratum volui, tum novae formae, tum situs locique observatione. Equidem dubius saepe, an hic ipse de his sit, quos Hipp. *com. 2. progn. text. 25. Cyrtomata* vocavit. Verum enim vero & majora, tum mole,



le, tum potestate *Cyrtomata* sunt, siquidem in partes infra cutem abditiora.

§. 15.

*De Abscessibus suppuratis artuum mediorum.*

**A**bscessus artuum duplici se forma medentibus offerunt; *Alteri* quidem ex una quasi planitie, ac lata basi in angustum papillae modo extenuantur, qui tum aegrotantium incolumitati, tum Medicis hos discreturis, curaturisque, commodissimi sentiuntur: ob eas causas probati, quod alias ostendimus ab Hippocrate. *Alteri* sunt, qui secundum nullam privatam partem, ac neque etiam longo tempore sublati, tota aequabiliter membrorum forma servata, extumescunt. Quorum cum obducta cutis, nullibi sit extenuata, difficilem Abscessus notitiam, aut opinionem facit imperitis his Chirurgis, qui tractandis hisce negotiis minime sunt assueti; qui neque tam multum arguendi essent, si culpam suam cognoscerent. Sed hanc etiam ipsimet infinite augment; cum Valetudinaria, & in his occupatos medentes, obnixè vituperant; quo jure, quave injuria, viderint experti doctique! Alii enim vero me, (quod non meae quidem laudi, sed occupationi tributum volo) perpetuo adfluentibus in aede sacra valetudinariis, mane vespereque medendis, multos jam annos exercitum admirati sunt, non semel, plerique tum nostrates; sed candidi quidem, tum exteri Medici non eruditi; quod planos, & nil existentes istos Abscessus seu ferro frigido, seu per ignem rutilo, certis semper administrationibus, aperuerim. At vero famigerati aliqui nostri, leviter in levi, & medicamentaria chirurgia versati, jampridem genus hoc tumoris in brachio Domini Fernandi de Cardinas, Illustr. Marchionis Layni filii, etiam atque etiam à se contrectatum licet, praemoniti non dignovere: sed ad maturitatem usque suam fovendum, & adjuvandum statuere; à quo jam intus, late stagnante pure, missellus Eques diu lancinatus fuerat sic, ut noctes insomnes, dies vero longos in ejulatibus duceret, non sine gangraenae periculo; nisi festine succursus fuisset apertura, qua una declaratum est demum, utri recte senserimus in hac re: quam testificari



potest & Petrus Foglia, Chirurgus, ut cum honore nominem, in Valetudinario versatus. Quae te volui non ignorare mi homo, qui legis, ut prudens cautusque sis, hisce casibus, qui perperam aut recte discreti, tanti momenti sunt ad vitas sive tuendas, sive perdendas, miserorum mortalium: ad extremum autem, ni vitae sit alea subeunda, musculorum nervorumque mutilatio certa est, si diutius ab acri sanie sinantur hi confici, & abrodi: quem partis organicae violatum, atque abruptum, mutilationem dici recte monstravit Paulus Zacchia, Romanus Medicorum, & Jurisconsultorum, Mercurius, *in lib. 5. quaestionum medico legalium, tit. 3. quaest. 1.* De Abscessibus vero hisce articulo- rum mature aperiendis, lege Nic. Florent. *l. 7. sum. 2. tr. 5. c. 68. p. 224. col. 2. F. Galen. lib. de Theriaca ad Pisonem, v. 90.*

## §. 16.

*De flatulentis Abscessibus artuum.*

**A**Bscessibus, qui nulla praeceunte phlegmone nascuntur, à Galeno *libr. 14. meth. cap. 12.* memoratis, & ab hominum vulgo frigidis appellatis, duplex, ad cognitionem spectans, difficultas inest: altera, qua suppurati, sive puris profunditate, sive cutis crassitie, non deprehenduntur: altera, qua mollitudine suppurationem ementiuntur: quod utrumque discriminofum est. Nos hic de secundo genere magis dicemus, ex quo sunt halituoſi Tumores, *Emphysemata* Graecis dicta, quae plerumque Medicis imponunt, ut credant aperiendos esse, qui minime ferro sunt attingendi: quam rem aliquot. expositis exemplis illustremus. Evenit enim non raro, ut Abscessus frigidi sectionem meditati Medici, cum poſtridie mane rem accedunt administraturi, deletum inveniunt jam affectum. Id quod ad ungum accidit honorato viro Josepho Capovae, tabellioni publico, Bartholi Chirurgi parenti: in cujus genu dextero Abscessus, cum Medicis vesperi fluctuantem sanie contrectantibus ostendisset; poſtridie, incertum qua vi, discussus est totus. Idem accidit & Gabrieae (vulgo Caprii) fabri sartoris filiae, quam Dominicus Moscha, diligens in arte Chirurgica vir, me plerumque collega, curavit: quam rem & alii Medici sibi comper-  
tum



tum etiam plana fide testantur. Quod ejusdem rei meminit Avicen. *lib. 4. sent. 3. tr. 2. c. 19.* De hisce caute secandis, est tibi legendus Avic. *apud. Nic. Florent. tr. 5. sum. 1. serm. 3. c. 42. p. 204.*

## §. 17.

*De Hydrocele praeputii.*

SED & alterum, redundantiae ichorodis Abscessum, non Spenitendae lectionis, enarrabo; quem nemo priorum ad hanc diem advertit, nominavit, attigit. Consensu omnium, & Hieronymi Mercurialis testimonio, in *lib. de foetus creatione*, firmatum est; semen ex serosa sanguinis portione prima proficisci: quae ipsa morbi Venerei contagione accidente inquinatur, & quoquo pacto alienata rejicitur à natura, & formam ichoris nata, in partes infimas amandatur: hujusmodi autem est inter multas praeputium, quod irruente aqua sic distenditur, ut quam amplissime excrescat: quod compunctum undique scalpello, multam aquam, seu tenuem ichorem, reddere solet; res, quae per nos in sacro Valetudinario, prope in dies singulos, observatur. Quoniam autem evenire facile potest, ut illata vulnufcula coalescant; protinus danda sunt medicamenta; quae id vetent. Est autem inter omnia valentissimum *Sal*, quo Graeci, Latini, Arabes, & posteriores nostri omnes usque ad Chymiatros, multifariam usi sunt in paracentesi hydropis; tum etiam in ancyloblepharo, atque aliis plerisque hoc genus caesuris: de qua re nos fuse, in operis *de auxiliis chirurgiae*, parte, quae inscripta est *Pharmacochirurgicum*, qua de materia fossili, ac de sale.

## §. 18.

*De Typocele, seu Tophaceo Abscessu, scroti.*

MUltiplicibus plane vitiis obnoxium est Scrotum, ut quod & multiforme est ipsum; quaternis intertextum tunicis, & pendula laxitate concussile; in proclivi positum; infirmæ

con-



conditionis, & exangue. Decursus igitur glasteae pituitae cum ad hosce locos fit, hic exsiccata, ac diu durata, *tophaceam* induit *formam*; in qua suscitatur, aliquando putredo, ob admixtum aliquod acre fermentum, quod diu latuit: sic ulceratur accensus Tumor, & contumax ulcus parit; quod quam difficile curatu sit, cognosces facile, si durum undique circumstantem offarctum animo proposueris. Sic unus exsectus, qui veterem vanitatem restituere valeat, reliquus est: cujus administrandae rei praecepta quidem tradidit Paulus Aegineta, *lib. 6. c. 63*. Exempla nos perplura, *in efficaci chirurgia*, proprio suo loco narravimus.

### §. 19.

#### *De Verticillo, ani vitio.*

**O**Btigit mihi vidisse complurimis hominibus circa podicis peripheriam, nescio dicam sarcoma, an intestini recti caput extremum eversum, aliquo, sive suo, sive altiore vitio, corporis obduratum, atque firmatum extra sic, ut à primo exortu nequaquam remeabile, aut discussile fuerit. Nimirum ostracode, ac scirrhode, duritie, exerta, sed pressula planaue forma, laevi facie, ac passeo plane colore. Ad summam, si dolorem detrahas, ita conformatum, ut *verticillum*, quod mulieres medio fuso appendunt, referat. *Verticillum* igitur *ani* plerisque per me spectatum admissis, & nobis, nominari non inepte visum est; quod credo nulli priorum adversum vitium, aut descriptum. Nam neque Fungus apparet, quem *l. 6. cap. 18. F.* descripsit Cornelius Celsus: tum, quod discrepat fungi figura; tum quod *Verticillum* tuberculum est potius, quam ulcus, quale voluit is auctor: ni tamen haud ita studiose, & examussim sint ea, quae Celsus proposuit accipienda. Omnibus autem modis, concrementum opinor à non dissimili, aut communi, condylomatibus & hyposarcomatibus latorum, quae hisce locis obvenire solent, causa productum. Sed enim, e melancholico succo, & melancholicis naturis, haec observavi semper oborta. Curavi autem, non medicamentis vehementioribus, quorum opera tum inefficacior, tum acerbior est; ferro equidem candenti, quod



quod & Celsus postremo praecepit, malum omne repressi; tum vetulo cuiquam honorando compatriotae Alexii Aloniae, Medici Castelvetrani diligentissimi, qui hominem ad me perduxit; tum Gregorio Carariae, Scribae libellorum Praetorii Neapolitani; tum Calabro cuidam; aliisque compluribus in Nosodochio hospitatis: quarum omnium curationum exitus felix fuit. Res apprime notae toto nostro Valetudinario, atque extra.

## §, 20.

*De Terminthis.*

**T***Erminthus species est Phymatis, ait Oribasius; supra quod pustula nigra eminet; qua rupta, inferne similis desquamato apparet; eo autem dissecto pus invenitur. Dioscorides Alexandraeus scriptis prodidit, Terminthum esse cutis excrescentiam rotundam, ex nigro viridem Terebinthi fructui similem. Id quod etiam Galeno visum est, lib. de oculis usurpatis ab Hippocrate: qui idem Galen. text. 37. comment. 3. lib. 6. epidemiarum, literis mandavit, Terminthorum nomen, nigras quasdam pustulas in cruribus maxime orientes significare, à figurae, coloris, magnitudinisque, similitudine, quam cum Terminthorum, hoc est, Cicerum fructu habent, derivatum. His addere mihi libet, si licet, pleraque, tum quae intelligentia consequutus sum; tum quae observatione, atque experientia, comperi. Difficile autem, etiam atque etiam pronunciare, quid hoc morbi sit ex his, quos aetate nostra cognovimus. Quandoquidem ignorantur hodierna die Terminthi, planeque sunt exoleti, tum nominis, tum notitiae; quasi desierint exstare ab antiquorum aevo, quemadmodum Dracunculi, quorum penitus interiit memoria. Nihilominus & ad nostra tempora existere Terminthos, & frequentissime nobis obtingere, affirmo; nil prorsus evariantes ab his, quos Antiqui descriptos reliquere. Enimvero duo sunt hujus vitii tempora: non exulcerati quidem nulla apud nostros est appellatio, neque notio, Tuberculum non distinguentes, aut dignoscentes; exulceratum vero, quandoquidem desquamato similis, id est, arrosus est, referunt ad Ulcera contumacia. Mirum autem, quod haec non enarravit aut Fallopius, aut Vidijs, aut Tagautius, aut Fabri-*

G g cius,



cus, aut reliqui nostri scriptores industrii. Manardus vero, & Ingrassias, qui argumentum hoc tractarunt, rem hanc exacte non explicantes, majorem admirationem attulere. Arabes, & Barbaros, & horum amicos, non nomino, qui subtiliores res istas Graecorum minime comprehenderunt. Sed nos pauca, quae Veteres proposuerunt, vestigantes, alia, quae desiderantur, eruamus, & adjiciamus.

Prima autem inquisitio esto generis, quod anceps est. Nempe Phyma, id est, tuberculum ponit Oribasius, & Aëtius *lib. 1. cap. 6.* & Paul. *4. cap. 24.* pustulam Galenus *loco cit.* Dioscorides vero Alexandrinus dixit ὑπερχωρὸν, id est, ut Rasarius, Andernacus, & Cornarius verterunt, excrescentiam. Qui Graeci omnes auctores, etiamsi discrepare appareant; tamen re vera non discrepant. Quippe vides universum vitium constare & Phymate, secundum majorem sui modum, & adnata pustula; quae cum suppuratio accedit, tum maxime gignitur, atque, extenuata demum cute, disrumpitur. Hanc igitur alii privatim, alii Tuberculum inspexere. Quo factum est, ut Terminthi fructibus aequales, id est, ut Matthiolus censuit, Juniperi baccis compares, nos vero majores Terminthis faciamus; atque eo magis quod Oribasius eminere supra Phyma pustulam dixit. Accedere autem ad Phyma pustulam confirmatur, & quod ἐπικεῖθι ἄνω καὶ κάτω φλυκταίναν hanc dixit Paulus. Quamvis autem ἄνωτάτω corrigat Andernacus; nihilominus priori lectioni favet Aëtius, qui prior fuit Paulo Aegineta: favit & Manardus *l. 7. epistol. 2.* Itaque si inferne superne pustulae rotundae incumbunt, liquet majusculum esse Phyma *Terminthum*.

Sed causas nunc, quae materiam procreandi tumoris exhibent, & aliqua, quae ad has attinent, exponamus. Enunciatum est ab Hippocrate, *l. de humor.* Similem humoribus efflorescere colorem: atqui color suis cum succis respondeat, horum substantiam non declarare non potest, si recte animum advertimus. Porro colorem alii nigrum, ut Oribasius, Aëtius, Paulus: μελανοχλᾶρον nigroviridem retulit Dioscorides Alexandraeus; qui certe, secundum Hippocratem, *l. 2. prorrheticorum*, colores sunt pessimi. Pessimi igitur succi, qui atrae bilis erunt soboles. Quapropter Epinyctidis communem curationem habent apud Aëtium, *relato loco.* Affati vero calidique sanguinis causam



expressit Georg. Bertinus, *l. 13. suae medic. cap. 3.* & Franc. Vallesius, *in l. 2. epid. sect. 2. text. 6.* Accedit, quod hujus vitii proprium est, inopes & malis obsoniis uti consuetos, ac dura omnia patientes homines infectari. Oritur autem in cruribus, quae pronus ab jecinore in partes humiles, exercitas, ac debiles, vitiati sanguinis est excursus.

Ad hunc modum expositus est prior Tumoris status. Restat nunc Ulceris disquisitio, quod natura est ferme maligna: serpit enim tacite labes, & curatione contumax est ita, ut pro *herpete* habeant quidam: fortassis autem hi non male cum *herpete* congruunt *aesthiomeno*: ἐλκῶδεις appellat absolute Cornelius Celsus, adnotante Manardo, *citato loco*. Verum enim vero *Herpetici* dici possunt: naturam herpetis re vera non habent, sunt autem Tubercula, Tumoresve, potius quam ulcera; transmigrant autem in haec ex illis, ut quam plurima Phymata. Caeterum, hos principio cognoveris, quia fructus primum baccarumve Oxycedriae, qui virescentes sunt, mox Juniperinarum, melanochloron colorem maturescentes immutant. Ita formam, figuram, colorem, magnitudinem, ab Antiquis posita singulatim comprobaveris. Illud unum inter omnia maxime advertendum est: Terebintho arbori, cujus fructibus haec Tubercula sunt aequiparata, binos provenire fructus; alteros in ramorum majorum corpore, qui crassiores, fabae & amygdalae forma sunt, secundum Matthiolum; alteros in pericarpio, qui sunt antedictis minores, ciceris, scilicet, magnitudine, qualem fortasse voluit, non ciceris formam, Galenus. Credo equidem *Terminthos*, aut magnitudinis ergo dictos, quales majoribus Terebinthi ramis adnascuntur; vel quales pericarpio quidem sunt, dictos hos tumores propterea, quod, sicut pro variis maturitatis temporibus Terebinthi fructus diversos colores adsciscunt: ad hunc modum haec Tubercula, quae illis comparantur. Atque haec mihi subeunt in praesenti, de *Terminthis*, alias fortasse subtilius explicandis. Pauca nunc, quae ad curationem spectant, exsequar, in hanc etiam demonstratione accommodata.

*Terminthos*, ne serpent, consuevi quidem scalpro rescindere. Quanto autem magis ab radice, & à sana parte, amputaveris, eo consultius feceris: effluet autem sanguis atrior, & mororum



nigrorum succo, interdum etiam vini faeculae, similis. Quod si plurimum rescindi carnis ab homine laborante vetetur, maneatque caruncula putris; valenter exsiccantia sunt imponenda, studiosiusque ulcera sunt tractanda: quippe quae & difficilia sunt, & cum sanescere apparuerint, conceptam fiduciam imprudentium subinde ludere consueverunt.

## §. 21.

*De flexu supremi pedis, alto, ac toroso, Tubere velut torquato.*

**C***Ingulum* pedis supremi, qua flectitur, pollicis duplicati crassitudine vidimus, in homine rustico, qui se curandum, in sacrum nostrum Incurabilem Nosodochion, receperat. Tuber quidem insolens atque haecenus à nemine observatum, aut certe descriptum, facile judicasses à longo gestatu compedum inductum. Sed neque ejusmodi quidquam compertum in his, qui, toto vitae decursu, compedes duros pertrahere consueverunt. Ortum autem illud ab erumpente pituita crassa, & melancholico succo; asperum autem extime velut in elephantico tumore cutis, & subnigrum. Hunc nos circumsectum, & exustum, facile curavimus. Qualem ad amussim *torosum* pedis *cingulum* nos & in alio etiam inope vidimus, in Valetudinario, qui chirurgicae se manus committere nullis suasionibus passus est.

## C A P. X.

*De perdolentibus, Abscessu nullo apparente, Impressuris.*

**D**UM, *novos Abscessus* consequi pergo, duo mihi post alios adhuc se offerunt Abscessus modi, multis nominibus digni, qui describantur. Praeter enim unam novitatem, inest & vitii exilitas, in aperto alioquin loco non adspectabilis, & cacoëthia, ac praeterea contumacia, quae mortales ad mortem usque comitatur. Res quae praeter alia, difficultate investigationis, & obscuritate, nulli secunda videtur; enormitate vero plerisque omnibus anteponenda.



Antonius à Cavio Provinciae Romanae oppido, Sacerdos sodalis Franciscanus ex his, quos Conventuales appellant; homo vigesimum quintum, aut circiter, annum natus; pusillo corpore; habitu gracili, dejecto plane colore, crassi omnino biliosa & non nihil exusta; id sibi molestiarum & morbi, decem jam annos, questus est incurrisse. Ad medium inferioris maxillae locum, qua cum labro, item inferiore mediis membranis connectitur, nullo unquam apparente tumore, vel alieno colore, prurigo insultat in dies, saepe sic gravis & effera, ut necessum sibi sit, ut dolor ejusmodi prehendam, nunc dextera, nunc laeva manu, partitis scilicet quasi vicibus laboris, locum, qua mentum inchoat, vehementissime quatere, pressumque huc illuc varie deducere; quo facto in horas particulae defricatu sic posse quiescere, ut furiente illo dolore non deprimatur, atque dispereat! Quamquam qualis illa quies, aut qualis illa levatio sit, cui supersit amaritudo incomparabiliter potior! Cui malo nullae pares corporis aut inanitiones, aut expurgationes, aut assae sudationes: ut neque diversoria remedia, fonticuli, externa epithemata, intinctus medicamentorum acerrimi, & quae denique non medelae! Adde neque diruptus, concisusque, particulae, quae perpetuo, credo, lancinatu callum obduxerat. Quid plura? sed neque vis ignis ex ferro diaphano, & scintillante, vitii virus excoquere, quid dicam autem extirpare valens fuit: adeo scilicet atrox fomes altis nixus radicibus intime se reduxerat. Cui contumaciae, quid remedii reliquum, praeterquam, resolutis omnibus operimentis pateret os, abraderetur, atque ad medullam (siquidem opus esset) effoderetur, unde manaret demum atque exhauriretur caeca vis mali. Sed haec quis audeat? quis sustineat? qui suavisset, aut administravisset, certe non defuit. Sed etiam si idem ipse Vir huic operae, pro defungendis quoquo pacto doloribus non difficile annuisset: caeterum sodales, & in D. Laurentii Sacris aedibus antistites sui, nequaquam id attretandum permisere. Quamobrem vivit adhuc vitae pertaesus homo, vigiliis nocturnis, molestiisque diurnis, quassus, actusque, sic, ut aridus, & squalens toto corpore, futurum sit aliquando, ut doloribus salis in modum, quod Plautus ait, lique scat. Res nota nullis non Coenobii fratribus, Medicisque Neapolitanis, quo homo miserabilis singulos consuluit, Patavinis, & Ve-



netis, & Romanis etiam exacto tempore immedicabilis. I nunc, & afferre, malum exile loco perexiguo circumscriptum, exter- num, & quasi hilum in se coactum, multis & magnis medica- mentis omnis generis, & exquisitis cessurum! Sed enim opinor spiritale malum, id est, auram fumidam & nitrosam, diu ali- quando collectam, perioestium aut os ipsum vitiasse, interim au- tem, ut foveatur & conservetur ab affluente & perenni sub ve- nis materia perpetuari, atque persistere. Quapropter reme- diis semper exsiccantibus agitated malum, nedum non e- levatum est aut fractum, sed fotum etiam atque auctum; fortassis autem serapia Fumariae majoris compositionis; ex a- qua fontana balnea; aut lactis asinini usus; commodiora fuif- sent.

Sed venio jam ad *alteram*, quam relaturus promiseram, Affe- ctus consimilis *enarrationem*. Dominus Antonius Lombardus ve- nerabilis Sacerdos, & curator Plebanus, in Sacris aedibus San- cti Angeli ad signum, septuagesimum annum attingens, homo plane melancholicus, habitu mediocri, sed dimensu procero, corporis: septem ab hinc annis dolorem, prunae modo flagran- tem, ac perurentem persentire perpetuum; apud Franciscum Nolan, & me, Medicos amicos, saepe conquestus est. Qui omni remediorum genere pulsus, nusquam excussus est aut le- vatus; tantum venarum summis per commissa rite multa Cardui pericarpia compunctis, molliri tantisper acerbum fervorem asse- rebat; sed mox tamen recurrebat infractus dolor; ut gravius torqueret; ita ferox ejusdem, ita solida semper perstitit, causa, quam equidem ad scaturiginem, & ad affluxum interiorum re- ferendam certus sum. Porro seni sub umbilicum affatim irre- quieta micabat arteria; indicio scilicet, quod fumidus ille spiritus ater, teterque, plurimus utraque vasa, sed maxime arterias di- stringat, atque distineat; ex qua aura discoquente suggeritur perenniter alimonia morbo. Hunc ego sane, quemadmodum & priorem hominem, curassem: sed vetulo, nescio quam ob cau- sam, nostra exaudita suasio non est. Ita scilicet ad sensum ho- minum cadere darique consilia debent, ut suscipiantur, & inean- tur. Habes jam duos mirificos, & fortis agnatae casus, quos equidem *Impressuras* afficientis mali vocavi propterea, quod im- pressum semel parti vitium, tum causa assidua fovente, tum re-  
me-



medio non attingente, nusquam emotum perstat, etiamsi à spiritu natum.

His adjicimus sequentia. *Perdolens impressura* & contumax, ex non cognita, vel causa, vel generationis modo; nobis observata supra vesicam, quae, post tentata in cassum multa praesidia generosa, brevi fomitis igne discussa est, in melancholico quodam viro, cujus nomen non annotavi.

Scipioni de los Previte, Fractensi tonsori, *perdolens Impressura* fuit ad indicem digitum extremum, quam ex usu *gummi*, seu *spuma venenata duorum draconum*, sustuli: adeo haec mala grandia medicamenta requirunt.

*Atrabilaria impressura* in vulva uxoris Caesaris Fortunati, nullis unquam vel valentissimis medicamentis emota, post diuturnos lancinatus foeminae misellae mortifera. Porro tam ope medica indelebilis haec noxa, ut ad  $\frac{1}{2}$  *Bavavellav* fascinum nos aut incatamentum magicum dicemus, retulerint plerique. R. P. Benigno minoritae observanti, ex oppido Castellucii, intra podicem, *perdolens impressura* sic pertinax fuit & infesta, ut candens ferramentum passus immitti fuerit, in Coenobio crucis, non sine cruce. Verum hoc praesidio sic constanter est sanatus, ut nunquam amplius ad se redierit dolor.

## C A P. XI.

*De Carunculis, ad exulceratos abditos canales corporis adnascentibus.*

**E**Xulceratis particulis plerumque visum exfurgere carnem superfluum, quod fit, scilicet, quia multa veniens in alimentum portio, quae viscida est, coagmentata saepe cumulum aliquem facit. Verum substantia, aut modus non unus ubilibet est. Canaliculis, qui membranei, nerveique sunt, suus & proprius est accretus. Sic ad urethram, quam acris & faeda, sub Venerea contagio, proluvies exasperavit; frequentissime succrescunt carnae quaedam ligulae. Quanquam autem auctor est Jo. Riolanus, l. 3. *anthropologiae* c. 30. chirurgicis indoctis catetherem adurgentibus imponere renixu carunculam naturalem, quae valvulae instar orificium utrumque claudat; ne urina in urinarium mea-



meatum effusa, posthaec in vasa seminaria refluat; nihilominus & hoc eodem loco vitiosas gliscere ligulas, experimento quotidiano comprobatum est ita, ut haec inficiari prudens homo non possit. Sed & infimo intestino, post ulcera, subortas carneas appendiculas, & tactu digitorum, & dioptra saepenumero compertum est. Majus his omnibus est, quod enarrare nunc instituo.

Delatam ex Capuano marmoream statuam, opificis egregii manu laboratam, sed pulvere caenoque propterea, quod obruta diu fuerat, obsitam & faedatam, Josepho Riberæ pictori praecipuo perpoliendam, & exornandam, commiserat Illustrissimus & Excellentissimus Dux Alcala, meus utique Dominus, rerum omnium inclitarum, & antiquitatis, investigator, inter Principes Viros maximus; cui operae rite peragenda pictor industrius lixivium primum opificis saponarii parari jusserat: quod famulus ad horam quartam aut quintam in vitrea phiala delatum, & alicubi repositum, alter puer, forte vinum ratus, in stratum mensulam transtulit. Ad quam accedens primus Petrus Panus de los Reyes, Madritensis, pictoris alumnus, & contubernalis, parum multae experientiae, juvenis, lixivii rubelli pro vino protropo plenum haustum (imprudencia commiseranda, an excusanda magis?) in stomachum demisit: quae potio quas gulæ acerbitates, quae ventriculo detrimenta, invexerit, potes ipse tecum reputare: nimirum praeter dolorem ab ustilagine flammeum, cordis aestum, spiritus angorem: ad haec ulceratio toto oesophago laterestitit, quae medicamentis ad usturam accommodatis, ex *aceto*, inquam, *oxycrato*, *lacte*, *sere*, gargarisatu, ac pitissatu, non nihil quidem principio confedit. Verum fieri non potuit, ut brevi obduceretur, quin late circum, ad nudata cute loca, succreverit inutilis caro: cujus illud experimentum fuit, quod per cereum funaliculum saepe adactum nonnulla extrita portio, & per vomitum ejecta est, hic quidem spongiosa, hic fungæ forma. Quo subit id, quod narravit Albucasis, *part. 2. chirurg. cap. 36.* sic saepe recurrisse in exulceratas gulæ radices *hyperfarcosin*, ut haec igne perurenda denique fuerit in muliere, quae jam Abscessum hoc loco fuerat experta. Quod aegro nostro *hyperfarcoma* tantum molestiarum, & in cibo deducendo difficultatis, peperit, ut solis  
apa-



apalis ovis, & jusculis discoctarum pulli carniū, etiam cum vi, & manu forinsecus impellente vix delabentibus, ac saepe etiam recurrentibus, pendula de tenui filo vita sustentetur, extenuato nimis & exsucco reddito jam corpore; quod plumbeus color investit. Curatus primum ab Andrea Tamajo, Serenissimae Ungarorum Reginae Chirurgo diligentissimo, & à Jacobo Sublier, medicinae scientissimo, postremum ad me delatus est, quem hisce remediorum generibus tutatus sum.

Principio, quoniam prima se offert indicatio ampliandae viae, per quam alimenta necessaria, & horum vehicula, quae potulenta sunt, libere atque expedite ferantur: huc duo sunt à nobis excogitata remediorum genera, alterum per cucurbitulas, ad locum scilicet, qui maximam angustiam sentit, quod superius sternum ad secundam, tertiamque, costas est, ostensore aegro. Porro cucurbitulis, & ad anginam dilatandam vim esse, *sermone de cucurbitulis in Pyrotechnia nostra* monstravimus, testimonio Aretaei, Mesuaei, Guidonis Cauliacensis, Gulielmi Brixiensis, Joannis Arculani, Felicis Plateri. Sed & Jacobus Hollerius, & hujus imitator Ludovicus Duretus, similibus in causis idem consuevere. Deinde quoniam in angustis urget solertia rebus, commentus sum membraneum oesophagi ductum inflatu recurvae fistulae diduci non mediocriter posse: quod cum proposuerim plus semel; neque ad hanc diem aut paratum, aut administratum, est instrumentum. Quod autem ad ulcus spectat; ut hoc exsiccaretur, ad exteriora datae spongiae novae, nunc aridae, nunc ex lixivio falso, aut aqua nitrata expressae, interne vero pitissatum *decoctum ligni Guajacini*, quindecies inextinctis, crassissimis aeramentis inalteratum. Praeterea *fumus cinnabaris* per tubiforme instrumentum ore haustus. Denique candente auro tres circuminustae crustulae. Quae remedia atque alia dum factitantur quotidie, spes est restitutum iri hominem: quandoquidem ad hoc tempus, quo scribo, haec Typographo mox committenda, profecisse non parum is homo videtur.



## C A P. XII.

*De Rosa capitis, ulcere rotundo, planoque.*

**N**unc e spina quidem natam *Rosam*, roridam, rubore nobilem, ambitu flexili circumductam; sed minime tamen aut suavehalantem, aut verno decore atque elegantia perplacentem, exponam, id est, nullo adhuc nomine donatum Ulcus; *Rosae* nomen nunc primum auspicatum, propterea, quod ad declive caput, & superaurem, ex parva quae abscessit pustula, vel thymio maligno, vel parvo herpete profectum, rotundum, inversis plerumque oris, planum, & in tenues verrucas identidem sublatum, se objicit: quod scaturigine fotum humoris mali fanem non reddit pittaciis, praeterquam ichoroden: perdolens ad aliqua tempora; nullis remediis quantumvis praestantibus cedere fuetum; propterea, quod altius infixus fomes pericranion, aut cranion, ne dum cutem & carneam membranam, infecit. Adde, quod à vasis partes bregmatis irrigantibus, quae à jugularibus profecta in anteriora capitis inflectuntur, alitur & conservatur perpetuo. Sic vitium apparet valentibus multis causis immortale, vel verius cum morte finiturum, ni Chironia manus occurrerit: quod ut fiat, enimvero licebit caustica quidem primum experiri: sed enim scalper & ignis hi fuerint, qui vehementer haerentes mali radices extirpare queant. Quae observata comprobataque sunt à me, in viris quidem compluribus, sed praecipue foeminis, Valetudinarii nostri, decumbentibus. Quam rem Dominico Moschae, Francisco Romano, & Bartholo Capovae, Chirurgis Incurabilium assiduis, indicavi.

## C A P. XIII.

*De ossea Tuberculi capitis duritie.*

**I**Nter omnia symptomatum humanorum, affectuumque genere; si summam recte subducimus; apparebit sane rimantibus, nil non etiam incredibile in Abscessibus, Tumoribusque, fieri. Ostensurus equidem sum, paulo posterius, *ossiformes* humano corpori:



pori fieri *Abscessus*; sed hos praecurrit *osseum* ad bregma *Tuberculum*, quod in vestali foemina, Parthenophylacii Spiritus sancti Delubri Neapolitani clarissimi, primum vidi, magnitudine mali mediocris. At dixi equidem *osseum*, ut à finito genere non discederem: sed enim insolens illa durities nulli secunda visa est: quae causa fuit, ut adnotandam ipsam hoc loco judicaverim. Ex qua una re didiceris interdum, haud mirum esse, quod Ovidius, mythologiarum arcanus textor, in metamorphôsi, Pythagorae nostro consentiens, versos in saxa homines fecerit.

## C A P. XIV.

*De Oculorum Abscessibus.*

SUMMA boni est, acres homini contingere visus, *in hexametra medicina* Q. Serenus ait: quod cum fortasse miraris extreme dictum; te quaeso refer ad id, quod propositum est metaphysicorum initio: cognosces suapte natura affectum esse hominem ad scientiam, argumentum autem praebet sensuum dilectio, & inter caeteros oculorum, qui plurimas nobis rerum formas ostendunt. Siquidem igitur ad bene beateque vivendum adeo conducit videndi sensus; in hoc autem, cum ad caecitatem laborat, curando; quoniam maxime caecutiunt quam plurimi: ob eam rem de *Oculorum Abscessibus* inopinatis, peculiariter hoc sermone dicendum volui; natura partis sic primum adumbrata.

Sunt oculi natura sic debiles, ut ab unaquaque causarum facile offendantur, quod Hipp. *l. de medico*, prodidit. Verum ab internis multo maxime perturbantur; nam & conceptaculo magno cerebri plurimum humido substant; & laxi sunt non solidi; tenuissimis cavis & multiplicibus tunicis intertexti, vasisque duplicibus, & nervorum maxime ductibus pervii; post haec agiles, & perciti musculis ad unam quamque loci differentiam; glandularum assensu, gravibus, malis, plerisque opportuni: denique in orbita subciliari conditi, ut sint inter alia superfluitatum capitis emissaria. Quibus omnibus rebus fit, ut humorum praecipue calidorum in capite oberrantium decubitus in ipsos



debet. Quodque difficultatem auget, cum haec praedictiones translatae ex *Prorrh.* Hippocr. dicto loco, sint: longe aliter quam, ut ibi leguntur, sunt hic expositae; quare facient haec, ut homo titubet facile super Cornelii doctrina. Sed equidem hoc non committam, qui videam sectatorem hunc inter omnes Hippocratis fidelissimum; dicam vero mendum in hac lectione valde probabile, tum inquam interpunctione, tum depravatione ipsa verborum. Interpunctione quidem. Namque ubi haec sententia primum incipiens distinguitur per finale punctum; debet eadem legi dependens à superiori sic, (*sed quandoque finitur, si pituita alba, & mollis esse incipit; lachrymaeque miscentur*) deinde ubi legitur (*Aut*) reponendum est (*At*) tanquam contrarium aut diversum quidpiam subsequatur. Quam codicis lectionem eo equidem affirmatius judico retinendam, quod & nullam jam, aut priorem patitur difficultatem, atque illa ipsa est, quam Hippocrates reliquit. Quid igitur hac re certius? aut opinione nostra verius? Difficultatem, inquam, non sentit lectio: & praeterea ratione non caret sua: quae ratio est haec. *Quandoque finitur, & vincitur diuturnitas ophthalmiae, si pituita alba & mollis esse incipit, subeunte scilicet maturitate humoris morbofi.* Id vere, quod sequitur; *si lachrymaeque miscentur*) equidem interpretor; *si serosa lachrymae tenuitas, crassitudinem nata, viscidior sit reddita*: id quod Hippocrates dixerat; ἐν τῷ δακτύλῳ μύσγεται.

Deinde cum dixit ex nostra castigatione Celsus; *At si simul hae utrumque oculum invaserunt, potest esse brevior*: consentaneum id rationi vides: quando divisa in duos oculos materia facilius excuti potest: *Sed periculum est.* Hoc extulit Hippocrates comparate ἐπικινότεροι γίνονται ἐλκοθῖναι, quod moderatius est, & explicatius. Sed enim utrumque sua ratione fulcitur. Nam multa materia longinquo tempore pergens, & utrumque oculum occupans, ut aliquid nitrositatis, aut uredinis, nanciscatur est facile: quapropter exulcerare potest.

*Pituita autem sicca, & arida, &c.* Jam ab his transit Celsus ad praedictiones *Ophthalmiae siccae*, dicitque, si lema sit arida, *duo futura*; & quod dolorem inducet vitium, & quod citius expeditur: idem nisi tamen interea exulceraverit; atque ita succedat *tertia Ophthalmiae species.* Demonstrabimus haec nos  
vera.



vera. Dolor quippe sequitur *Ophthalmiam siccam*: quod partes occupatae tumore sunt adstrictiores, non laxae: adeoque cum sit eadem intentio, feret haec continuo tristificum sensum; erit tamen valetudo brevior, quod humoris fluxione parciore manente, nihil est, quod prorogare malum possit. Verum tamen id periculi subest, ne ulcus obrepat, quippe cum aspera sua natura sit fluxio: quid mirum, si exasperare possit? magis autem, quod humor expeditum in horas exitum non habens, nitrositatis & uredinis initurus est aliquid. Vel dico cum siccitate conjunctam esse posse falsedinem, quae suapte natura exulcerat.

*Tumor magnus.* Altera Celsi praedictio. *Ophthalmia sicca*, doloremque non movens, periculo vacat. Rationem habes ex proxime superioribus, dicens; periculum quidem exulcerationis est omne, haec autem ex una proficiscitur acrimonia, quae nulla potest esse cum dolor non est: ergo &c. Atque haec prima praedictio est de *ophthalmia ulcerosa*. Sequitur alter fluxionis modus.

*Si siccus quidem, sed cum dolore est, fere exulcerat; & nonnunquam ex eo casu fit, ut palpebra cum oculo glutinetur.* Huius ipsius sententiae haec est ratio: quod dolor oriri cum non possit ex nulla solutione, ac distentione: est enim tumor ille siccus: caeterum oportet acrimonia agnoscat, adeoque exulcerabit: atque inde fieri poterit, ut oculus cum palpebra conglutinetur; sicut perfecto conglutinari consueverunt, quae mutuo se contingunt ulceratae proxime partes, ut anguli labiorum, digitorum, &c.

*Ejusdem ulcerationis.* Sed & malos adhinc eventus docet praesentiri: quorum primus est. Si praeter magnum dolorem lachrymae falsae, & calidae fuerint, aut si tumore nullum finem habente, lachrymae diu cum pituita profluant, periculum est, ne palpebrae simul, & pupilla exulcerentur. Haec quidem difficilia persuasum non sunt, expensa symptomatum vi, & superfluitatum oculi nitrositate, & caliditate. (*Aut etiam si, tumore jam finito, diu lachryma cum pituita profluit*) si cum dolore conjuncta sit in *arida Ophthalmia*, lachryma falsa calidaque aut si tumori non excusso lachryma cum lema diutius effundatur, idem ulceris periculum oculum manet.



Harum praedictionum prior pars facile suadetur ex calidae falsaeque lachrymae erosione. Posterior vero pars plana fit ex communi ratione excrementorum ; quae cum putridi nonnihil habent, per sanam partem adluentes exulcerant, ut in fonticulis vulgo dictis. Exulceratum autem iri pupillam periculum est propterea, quod tumore per oculum manente diu, ex hoc lachryma profluens ; acris, per pupillam descendens nil contineat, ne hanc exulceret. Notandum autem, quod Hippocrates per species, & distribute, protulit, Celsum complexim enunciasse. Dixit enim ille viris quidem palpebrarum everfionem, mulieribus vero, ac pueris, exulcerationem, & palpebrarum everfionem. Dixit vero hic infinite, exulcerationis tumor in palpebris pupillisve est, non sine artificio scilicet compendii ; licet explicatio Hippocrates. *Pejus etiamnum est ubi &c.* Praedictio sequitur absolutae ulcerationis non evitabilis ex hac hypothese ; *si lema sit calida (fortasse pallida)* namque Hipp. χλερῆς ; *lachryma calida, aut multa, in capite persentiaturs aestus ; descendere de temporibus ad oculos dolor videatur ; vigilia comite-tur : sub his necesse fuerit oculum dirumpi, ac tandem non exulcerari.* Horum certe necessitas est haec. Siquidem maximopere consentiunt ad oculi exitium omnes causae, tum partis mittentis, tum excipientis, tum viarum, & humoris. Mittens quidem pars, est princeps, propterea robusta : recipiens vero cum exanguis & excarnis, ex adversa debilis, capax, laxa, subdita in proclivi ; viae apertae, & natura ad transmissum humorum expeditae ; humores ipsi, tum copia multi, tum qualitate acres, & erosivi, Jam igitur haec omnia collecta quasi manu si conspirent ; quae vis obstiterit contra ? quid auxilii succurrere possit ?

Addit ; *Intus ruptum oculum febricula juvat.* Aliter Hippocrates in *lib. 6. apbor. 17.* in quo monstratum est, solvi hanc *Opthalmiam* alvi profluvio. Sed quod Celso rupturae verbo est, taxat Marsilius Cagnatus, *lib. 7. var. obser. 27.* & ex hoc Viro transcribens Hieronymus Rubcus, dicit, haec ex Hippocrate translata, non recte satis suam ad sententiam expressa : nimirum Hippocrates scripsit febrem conducere ad oculi tutelam, ne rumpatur, non ad rupti medelam. Sed solvit tamen idem ipse suum nodum ; quod oculum rumpi Celsus intellexit, id quod  
ait



ait Hippocrates ulcus fieri : & idcirco non simpliciter dixit rumpi ; sed intus rumpi, id est, continuum solvi, quod autem sequitur apud Celsum, ( si foras jam ruptus procedit sine auxilio est) idem esse, interpretatur Hieronymus, quod apud Hippocratem *ῥαγῆναι* rumpi, & pertundi, velut acinum uvae pedunculo educto. Hanc autem praedictionem Hippocrates ad hunc modum extulit. Quibus rumpuntur oculi, & postea prominent, ut extra locum oculus sit, his & tempore, & arte opem ferri non datur ad hoc, ut videant. Cujus utriusque rei communis ratio plana est : quod effusus humor, & oculi substantiae pars, nullo unquam modo redimuntur ; dirupto autem oculo, substantiam hujus abjici necessarium unusquisque videt.

Si de nigro aliquid albidum factum est, diu manet. Cum dixisset de aliquo oculi ulcere sanabili; subdit nunc de cicatricibus ab ulcere relictis, quam rem expressit Hippocrates ita: si splendicans cicatrix in nigra oculorum parte fiat, partem aliquam nigredinis dealbat adeo, ut si multo tempore permaneat, & aspera, & crassa, memoriam sui relinquat. Differunt autem haec Auctorum sensa, quod Hippocratis una praedictionis est sententia, quam Celsus divisit : deinde *εἰ πολὺν χρόνον παραμένει* per hypothesein dictum, Celsus fecit eventus. Ratio autem Celsiani dicti est; quod extrema cum sit mutatio de nigro in album, tempore brevi non videtur posse restituere oculum. Deinde addit; si asperum, & crassum est: id est, si cicatrix aspera, & crassa incumbit, etiam curatus oculus hanc non deponit. Per id enim extreme ulceratus oculus apparet. Atque haecenus bona malave, seu fluidae, seu siccae oculorum affectionis, & inflammationis, habes omnia.

Post quae si placet, & *Curationis modos*, quos Hippocrates tradidit enarremus.

Ait is, *aph. 31. l. 6. Dolores oculorum meri potio, aut balneum, aut fomentum, aut venae sectio, aut medicamentum epotum solvit.* Qui aphorismus, ut dicam, quod sentio, visus est inter omnes lapis offensionis: sic in eodem enarrando titubarunt plerique. Primus Celsus auctorem suum propemodum accusavit *ἀορισμοῦ*, & neglectae distinctionis & absolutionis. Galenus vero, quasi non ausus magistrum reprehendere, vel diffusus à reprehensione



defendere, professus est, haec eidem empirice collecta, nec non experiendo singulatim tentanda. Sed Aëtius quasi reformidans vinum merum, quod Hippocrates explicite tradidit; praecipit, ut diluatur aqua: deinde monet, ne si expandatur in caput hominis lippientis facile laedatur. Quae monita sequitur & Jac. Hollerius. Ad hos vero Hieron. Mercurialis miratur, ecquo pacto Hippocrates solo proferat enumeratu genus omne remediorum, quae conducunt oculis male affectis. Id autem aut solenne vulgaribus, & indoctis, qui nulla sibi proposita medendi norma, nullisque perquisitis, aut rite consultis variorum affectuum indicationibus, iis offerunt remedia, quae tantum usus medendi comprobarit. Post haec aliud quasi denuo meditatus Mercurialis, non dubitat suadere nobis, Hippocratem haec scripsisse ad Medicos oculares, & empiricos, qui plerisque maximis indiscretis corporum circumstantiis, certa quaedam remedia ad eorum affectus adhibebant.

Sic isti omnes: post quos alius quispiam & rationes meditatus proponat, quae sint propemodum ejusmodi. Primum enim, quod de mero proponitur, insolens videtur, quandoquidem Homero *l. 5. Iliados* appellante *αἶθος οἶνον*, ardens vinum, inflammationem augere, nedum non levare natura comparatum est, qua causa & venenum oculis dixit Valerius Martialis. Quod si devenis ad nostros Medicos: Archigenes apud Galen. *l. 4. de comp. medic. per loca cap. 1.* decrevit oculorum phlegmonis aquae potum inter caetera, quae memorat, in primis convenire. Quin etiam idem ipsemet Hippocrates, in *l. de affect. num. 2.* scripta reliquit haec, vinum in capitis doloribus per partem illam calefactam, & humori attrahendo aptam, non est exhibendum. Haec & hujusmodi, quaedam non obscure laesa, summi Dictatoris auctoritate, tum isti, tum alii nostri Professores adstruxerunt; qui suam inconstantiam liquido monstrarunt. Non ita quidem nos, sed medicinae parentis effata oraculi loco suspicientis optimam ejus particulae interpretationem allaboravimus; relativis interim aliis omnibus, quas alii quilibet in medium protulere.

Galenus quidem partitas fecit ophthalmiae curationes ex mero, ex fomento, ex balneo, ex detractione sanguinis, ex pharmaco, distinctis secundum causam antecedentem conjunctam, de-



defluxus tempora; secundum, in summa, quantitatem, aut qualitatem humorum: nam ubi peccent humores acrimonia, plenitudine non conjuncta corporis, tum conducibile balneum est. Si vero succi crassiores oculorum venulas distenderint, nulla toto corpore plenitudinis affectione apparente; meri potus hos excutiet, ut quod attenuare, ac vacuare, motusque vehementia obstructions expedire queat. Ad firmitatem autem curationis, & certitudinem proponitur & fomentum, vel usu dignoscendi, vel curandi, gnosticum quidem via tentativa, ut cum usu praesentis medelae levatur homo, moxque recurrit dolor: argumento est fluxionem adhuc vigere; quare affectu jam cognito ad inanitionem aliquam corporis converti scopum oportet: nam si plenitudo subsit, necessaria est sanguinis detractio: si vero cacochymia se prodatur, purgatio. Ut vero therapeuticum aliquod probatur fomentum, cum partem infestat fluxio. Tunc enim humorem in angusto contentum digerit & abducit. Hic Galeni logismus, & haec expositio est. Alia methodo viaque progressus est Ludovicus Duretus gravissimus Hippocraticae doctrinae Professor, quae est. Fit Ophthalmia multis de causis; primum ex decubitu acrioris & erodentis humoris, cum affectu vitioso corporis & capitis; ad hanc opus est cathartico. Deinde ex distensione tunicae adnatae ob vehementem sanguinis affluxum; cui commoda sanguinis est missio, tum universalis, tum particularis. Ad haec ex implicitis ad oculos atque irretitis crassis humoribus, aut flatuoso coemento; his remedio erit meri potio, alias vero balneum, quod materiam primo fundat, mox resolvat. Postremo ex humorum biliosorum atque acrium impactu: huic affectui fomentum aliqua commoderandi virtute conducit, quod communi omnium, & solenni ritu, fit ex decocto foenigraeci, meliloti, & hoc genus.

Aliam rationem adiit Jac. Hollerius, laudatissimus Hippocratis interpres: quae est; scilicet variae sunt oculorum dolentium causae, quibus suae singulis occurrunt medendi formae. Causa primum antecedens amolienda; quasi plethora quidem est, haec sanguinis missione tollitur: si cacochymia sit, haec purgante medicamento resolvetur: eadem vero causa conjunctae, si crassus & tenax humor sit, meri potione tum attenua-



bitur, tum discutietur. Si tenuis, & acris, & mordax is humor fit; accommodato suo fomento castigabitur. Si vapor aut fumida materia fit, quae organo se miscuerit; balneum ad hanc rem commodissime deligetur. Hae multorum interpretum enarrationes sunt: per quas omnes neque recitatae nuper ambiguitates eluuntur.

Alia igitur ineunda via est, quae luculentam huic Problemati conferat enodationem. Primum igitur statuendum est, dolores oculorum aliis acceptos, pro doloris latissimo quodam vocabulo, qui ad morbosam affectionem se extendit: ita Jac. Hollerius, & Jo. Heurnius. Vel minus late, & speciatim pro *Ophthalmia*: quod Celsus, & Galenus fecere. Nos dolores oculorum intelligimus pro *Ophthalmia* diuturna, & pertinaci, conjuncta cum pluribus affectibus, id est, plenitudinis, & cacochymiae; cum apparatu succorum acrium, & crassorum: plenitudo autem non solum sit corporis, sed totius corporis, & capitis; ex quarum causarum omnium incurso facili negotio ruptum iri debeat oculus: quemadmodum ex eodem Hippocrate ostensum est. Quocirca dolores intelligas discriminis nomine propositos.

Secundo suppones in hac *Ophthalmia* tantum esse causae conjunctae, ut venulae oculorum distentae turgeant humore plurimo.

Tertio non ignorabis, vinum Veteres cum usu balnei miscuisse: quam rem testatur Andreas Baccius in ultimo libro de Theriis, & Jac. Hollerius hoc eodem loco.

Quarto scire licet, vinum veterum, meracum & vetustissimum fuisse, & subtilitate partium cuncta medicamenta superare potuisse; praesertim, quod potum alimenti causa natura hoc amice complectitur.

Quinto vero constitue balneum esse corporis universi remedium; fomentum vero particulare. Sed balneum liquat funditque succos; fomentum discutit: hoc quidem minime cognoscente sensu; illud vero tum cognoscente, tum secus.

His omnibus ante propositis videbis, discrimen inter nostram & aliorum expositionem esse maximum, nimirum plerique omnes volunt singula illa remedia disjunctim administranda: nos vero, vel conjunctim omnia, vel plurima. Siquidem ex hy-  
pot-



pothesi Ophthalmia haec discriminosa plurimum est, tot tantarumque causarum, & affectuum concursu; plenitudine corporis totius, & capitis, causa antecedente; conjuncta, infestante secundum quantitatem, & qualitatem; tum crassam, tum tenuem. Ad plenitudinem autem sanguinis valet sanguinis detractio; ad universale vero vitium humorum in corpore redundantium, conducit purgatio. His, de more, praemissis universalibus & communibus medicamentis: caeterum humores crassi ac viscerati stabulantur intra venas; adversus quos peccantes conferet meri potio: ad evocandos autem extra venas mirifica vis est balnei, quod tum evacuat, tum revellit, tum à corpore, tum à capite, quo capite inanito, ad tumorem hujus excutendum usus summi fomentum est. Ita suum singulis beneficium pro vario Medici scopo adimplentibus, solvitur Ophthalmiae diutinus dolor. Id quod confirmatur. Nam illa tandem est felix methodus curandi longas & periculosas Ophthalmias, quae ipsam mali causam exhaurit & ex toto undique corpore confertim, & ex ipsa singulariter parte, simul revellendo: obsecundat autem trahenti libenter evocatus humor, & viae patent. Atqui methodus Hippocratis praestat haec singula, sicut ostensum est: igitur, &c.

Deinde confirmatur, quod vinum, quale diligebat Hippocrates, vetustate elaboratum, atque, ut ita dicam, aethereum redditum, non laedit, aut ferit caput, quemadmodum, neque spiritus vini: verum tamen eadem tenuitate permeat facile per vias urinae: atque ita serosos acres humores Ophthalmiae causas educit, ut in diaetetico chirurgico demonstravi.

Tertio confirmatur nostra haec expositio: nam per hanc maxime servatur auctoritas Hippocratis veneranda, tollunturque singulae obrectationes, quae derogabant fidei aphorismi. Prima Celsi, qui imputat Hippocrati in explicationem: atqui sic satis explicata videtur ejusdem sententia. Secunda Galeni, qui voluit hunc empirice traditum aphorismum, constat autem ratione munitissimum eundem esse. Tertia eorum, qui vinum volebant aqua diluendum & modificandum, metu fortasse inflammationis. Est quidem merum abstinendum ad inflammationes, & Ophthalmias recentes, non ad eas, quae sunt inveteratae, pendentque plurima parte ex crassis succis. Atque adeo non contradi-



cit sibi met Hippocrates, aliter loquutus *in secundo de affect.* nec eidem Hippocrati incommodant allegatae adversus oculos vini noxae; quando apud antiquos medicatus usus meri longe alius fuit. Jam igitur si constant haec, ut constare satis possunt: quis est jam, qui de aphorismi veritate ambigat? quis Hippocrati non applaudat, & accinat?

## C A P. XV.

*De aurium Abscessibus.*

**A**Uriculae, quae nulla prorsus carne participant, quibus modis Abscessus ineant, & in quo sinu primum excitam faniem, quae in dies multa fluit, contineant: & à nemine video satis explicatum, & difficile id expeditu sentio. Comprehendit autem & haec res problemata perobscura, minimeque à nostris adversa: quae tamen resolveri nonnullius momenti sit. Quas ob causas in talibus periclitari meum ingenium facile passus sum, qui res tritas atque vulgatas non sequor. In universum ergo mihi videtur externus hic affectus, & à causis cieri solitus item externis; si id quod plurimum accidit, intelligas: nam & interne consentiunt interdum. Ad hunc autem modum, ut puto, se res habet. Ubi calida vi conciti succorum ichores ad exteriora, & superiora sunt elati: tunc hos frigidum succedens exprimit: quos natura, quae parti infidet, in locum maxime pervium & sinuosum remittit, hae sunt auris partiumque suarum laxitates atque compagines: enim vero Anatomica fide cognitum est, auriculam velut extremum tubae, quod ipsum reflectum concipe; commissum quidem cum pericranio, sed cum hoc admodum laxè coagmentatum & conjunctum; quam rem ostendit luculenter mobilitas quoquo versum actae particulae. Inter haec igitur auris internae praesegmina sese colligit humor e venarum osculis effusus, cujus pars & in declivem organi tubulum refunditur. Neque enim, ut multi sibi met ipsis suaserunt, ex internis auriculae latebris humor elisus prodit. Sic enim plane muti; surdique omnes, quibus secundum interiores aures illuvies purulenta fuerit. Verum enim vero quaerenti,  
num



num aliqua sit pars, quae peculiariter Abscessum concipiat: pro-  
tinus responderim, illam non deesse. Refert enim Jul. Caesar  
Arantius tum in *libro de tumor. c. 25.* tum *l. de anat. observ. c.*  
*29.* in auris anteriore particula situm quoddam adenosum cor-  
pus solidae substantiae replens cavitatem, quae supra masseterem  
est, multis usibus serviens. Primum vasorum jugularium ad  
summum caput contendentium diremptui muniendo. Deinde  
articuli motui per madorem perpetuo refusum conservando.  
Tertio ad retrimenta, quae ex eisdem vasis emanant, suo sinu  
colligenda. Haec igitur una sedes est, & hic locus, quo pri-  
mum advectae materiae suppurantur. Argumento autem est,  
quod si stagnantes hi sinus manu comprimantur, pulsus humor  
sursum ex auris concha efferetur facile.

Est autem affectus subcutanei plus centesima observatio per  
me facta: quorum experimentorum jam aliquot memoriae ser-  
vata narrabo. Primus fuit sodalis Franciscanus Conventualis in  
Divae Annae, cui Dionysio nomen, patria Cremensis, atque  
alii duo Incurabilium Valetudinario decumbentes, Anno 1624.  
quorum alter Josephus de Eriodo Eubulita homo; alter Josephus  
Sanna adolescens Apulus Thranensis. Quartus Leonardus Du-  
randus, Jatrochymiae & rerum naturae studiosus, qui ex paroti-  
de, ac maligna febre mortuus est. Porro, quod ad parotidas,  
scire licet; has raro, qua extuberant, aperiri per sese, sed per  
viam obliqui ductus effundi: quemadmodum ante de purulen-  
tis auribus explicui.

Verum enimvero non dissimulabo, quae transvadentes intror-  
sum extrorsumque meatus in auriculis persuadent. Primo com-  
pressis naribus, atque ore sursum compulso spiritu, purulentas  
aures exhauriri prodiderunt & Razes, qua de hoc eodem affe-  
ctu tradit; & Mesuëus *l. 2. Grabadin partis primae sum. 2. c.*  
*8.* quos sequitur & Nicolaus Florentinus *serm. 7. tract. 4. sum.*  
*2. cap. 54.* quam nos rem, periculo in multis facto, veram com-  
probavimus. Inter caeteros memini Domini Hieronymi Mon-  
taquillae Sacerdotis Regularis, quem apostema post aurem ex-  
pertum, cum Excellentissimo Medico Sebastiano Vecchiono,  
curavimus. Itemque comperimus in Felice Paduano Tabularum  
aenearum sculptore, & in modo memoratis hominibus, atque  
aliis compluribus. Deinde Alchmaeon Calaber Crotoniata rei  
Ana-



Anatomicae primus auctor, Philosophusque, vel ab Aristotele celebratus : sicuti scriptum est in *libr. 1. de natur. animal. c. 11.* capras non ore solum, & naribus, verum & auribus spirare sentiit. Quam rem aliquando admonitus Bartholomaeus Eustachius, seculi nostri studiosissimus, idemque subactissimus Anatomicus inventis explore viis spiritus, hoc ipso sermone de auditus organis mirum in modum admiratus est, habet autem usus in medicina praeclaros. Horum unum, & admirabilem indicavit Auctor *l. de rem. fac. parab. ad Solo. c. 10.* qui vel ex hoc Galen. aut magnus homo cognoscitur, quod ad dolentes Aures citra ulcus sulphur ignem non expertum per nares interventu calami inspirat. Sed & Gulielmus Rondeletius in *practica method. c. sexto* scripsit, maxime conferre sternutamenta tinnitibus aurium resolvendis, si frequenter excitentur: nam status, ait, cerebri non minus per aures, quam per nares discutiuntur.

Haec illi: quae quanti sint ad nostra deprimenda momenti jam vides. Spirare apud Alchmaeonem nostrum interpretor, & spiritum auribus allidentem, & ejus omnes modos sentire: quod Virgilius fortasse cum Crotoniaca consentiens dixit haurire. Donata vero capreis nimirum ardua petentibus, ac de summa rupe pendentibus, (unde capriciosa dicuntur ingenia) κατ' ἐξοχὴν disciplina, quae alioquin est & damis, cervis, leporibus, ut per hunc exactissimum sensum se suamque vitam maxime tueantur. Sed & animantibus omnibus ad disciplinam aptis haec dos non deest. Equus quippe meus inter multos sagacissimus, sed quia cantherius, & nigro universo tegmine amictus, id est, exustus, & melancholicus: ob haec pavidae naturae, & ad omnia antrorsum semper arrectis auribus incedit, ut differentias omnes spiritus, id est, rerum captet. His jam apparet nil nobis Alchmaeonem nostrum contradicere.

Sed neque Rondeletii doctrina quicquam adversus nos facit: quandoquidem infinite tenuior est spiritus, quam humoris purulenti substantia. Post haec autem cum Razae, & caeterorum Arabistarum huc producit experimentum: illud hac ratione explico. Siquidem ore naribusque compressis compulsus ad superiora spiritus partim tenduntur muscoli temporum auribus affinium; partim interne distenditur auriculae tympanum: itaque compressa externe, expulsa interne, sanies, sic foras non ex-



exilire non potest. Non igitur illud fit, quod ex inferioribus tympano sinubus erumpat per obtensam organo membranam, ut falso quidam existimarunt.

Caeterum, quod dixi, parte auriculae subcutanea procreari solitum Abscessum, & quod super tympanum externe conscendens sanies expressa pellitur, non ex interioribus venit (nempe sic prompta surditas) non sic intelligendum est absolute, ut non interna etiam sub auricula creari possit Abscessus: quo tempore occupatis à sanie membranis, neque etiam sequitur surditas perpetuo; quippe quod interdum educitur sanies vel per rarefactam membranam, vel per rimam inter porum auditorium, & os calvariae. Scribit autem Fallopius annulum, quo tympanum continetur, esse cartilagineum non osseum, nec conjunctum sic cum osse calvariae, ut non sit contiguum: in pueris autem separari facile posse. Confirmat haec & Rodericus Fonseca in *consil.* 39. *to.* I. quae propterea retulimus, ut ne videantur contradicere nostris. Quamquam nihil in Medicina perpetuum dixit Celsus in prooemio generali: & nos ea, quae plurimum, & frequentius accidunt, producta volumus. Sic de aurium abscessibus, & horum problematis expeditam brevi rem habes.

## C A P. XVI.

### *De Sclirofarcomatis gingivarum.*

**P**Roditum est à Bartholomeo Eustachio id de dentibus; ad horum praesepiola saepe, tum multum affluere gypseae pituitae, ut sinubus ipsorum repletis dentes à vinculis exsolvantur, forasque sensim propellantur. Mea vero est observatio, ex eadem eluvie pituitae concrementum nasci carneum; subrubrum, progerminum, quod interdum galli coronam, interdum ostracodermi carnem purpuream refert. Hoc genus *epulidem* nostrates Medici nominant, verum qua recte viderint. Etsi enim epulis excrescentia quaedam est carnis: haec tamen succedit ad male purgatam & minime resiccatam *Parulidem*, quae, Paulo & Aëtio testibus, inflammatio quaedam est particulae cujuspiam gingivarum. Utraque autem expullulatio quaedam est sanguinis, & calida *ὑποερμία*: quae



Pauli est doctrina partim *in l. 3.* partim *in l. 6.* descripta. At vero, quod nos proponimus Germen, est carnis nulla unquam praegressa phlegmone, sed sola humoris visceri crassique scatebra profectum: quod genus σαρκόδη βλασήματα Galenus vocavit *lib. de tumor. praet. nat. c. 21.* παρόντιδας vero, latino non invento nomine, dixit Cornelius Celsus, *libr. 6. rei medicae c. 13.* Non difficile autem est, ut Germen latiusculum intellexerit carnis; quandoquidem ait; si major is tumor est, commodius totus exciditur sic, ut ex utraque parte dens liberetur. Quod si minor interdum etiam hic tumor à Celso describitur: id propterea non facit, quo minus & major hoc genere comprehendatur.

Recte igitur Aldinus uterque codex, id est, Venetus, & Romanus παρόντιδας, non *parulidas* legit: quod nomen perperam reponunt primus Joannes Manardus *l. 7. Epist. 2.* mox Guilielmus Pantinus, & Robertus Costantius in scholiolis. Neque enim quicquam facit, quod apud Graecos id nominis non extet. Nempe fieri potuit, ut neque omnes istorum libri ad nos pervenerint; praesertim Alexandrinorum, quos ubique citavit Latinorum antiquissimus Celsus. Jam vero, quod asseruit hic Auctor vocatas à Graecis *parontidas*: id adstruit & vere vocatas, quippe suum nobis abunde testimonium satisfacere potest. Quid quod recte formatum, apteque impositum nomen videtur *parontidum*, id est, positi juxta dentes affectus, vitiive; qua de re laudo summopere constantiam Balduini Ronsei, viri medius fidius de Medicina bene meriti, qui *parontidon* nomen mutari nullo modo passus est. Quod ego Germen, tum ex substantia, tum ex duritie *Sclivofarcoma* vocandum judico: quale ferme descripsit idem Balduinus *in histor. medicinal. miscellaneorum 7.* aut quale narravit Felix Platerus, *in observat.* Sed & quaecunque nos ejus generis curavimus, omnia citra phlegmonem evenere. Quae, si placet, experimenta de plurimis selecta narremus.

Persiae Peregrinae conjugii Michaëlis Angeli Pinti, trigesimum annum natae, ad antepenultimum molarem oblique nata caruncula, principio lentis magnitudine, mox dimidia fabae modo. Quod concrementum à Medicis, & Chirurgis, leniter tractatum, & per medicamenta plurima non repressum, intus, extraque septa dentium excrevit sic, ut molarem altera parte revulserit, & contorserit; quo tempore infrenabilia profluvia sanguinis exstite-



stiterunt : atque eo magis verenda , quod cumulatissime praegnantem offenderunt , à qua jam sarcina diu levata ; sed incremento latiore sarcomatis , & putore saniei , quam grypi duxerant , afflicta & pertaesa : jam me ferramenta liquido adhibiturum accersit. Quibus ego tum frigidis , & rescindentibus , tum igne retorridis varie , atque apte , administratis , viraginem alioqui foeminam ab annua , & amplivaga noxa liberavi ; collega ad eam rem Joanne Dominico Malliocho efficacis Medicinae cumprimis amico. Quo ipso item praesente , & Jo. Baptistae filio Andrae Piscicelli , octavum annum nato ; scirrhosam istiusmodi carunculam , mole quidem aliquanto minorem , sed pro immedicabili ab aliis summis Chirurgis relictam , semel igneo discendente scalpro curavi. Post hos erit tertia filia Tonsoris , Antonii Fufci , quam rem *in l. privatae chirurgiae c. de sarcomatis gingivarum* exposui. Sed aliis nominibus admiranda narratio fuerit de Victoria Antonii Conradi Sartoris filia , quae ad hunc se modum habuit. Maxilla inferior dextri lateris mirum in modum turgida vitium alebat ; qua molaris secundus est. Hic si ferro pluiculum attrectaretur , audiri tum fragor , & resonitus vaginulae veluti quassae. Ita scilicet minus amicus dentium complexus erat , quamobrem de excutiendo saltem uno molari alioquin infirmiore significatum à me est : qui sic quidem haerebat laxè , ut matris manu per filum fuerit exemptus. Sic carnis inutile glomer , quod radicibus extracti dentis exultaverat , tractari commodius fuit adeoque resectum primo per scalprum , mox ignito auro repressum est : quae cum semel opera exhauriendo vitio non satisfecisset ; rursus ac tertio repetita est. Mirumque fuit , ut extumescens diu facies , atque etiam maxillae turgor residere , brevi sunt visae ; quamquam ad exteriorem malae faciem & medicatae cinnabaris fumo spongiolae , & diapyriti emplastra , & ex plumbo hydrargyroque conflatae lamellae , nonnihil adjumenti dedere. Quas meas omnes administrationes , & curationes confidenter admittendas , atque exsequendas , parentibus suaserat excellens in arte medica vir , Horatius Thesaurerius Salernitani Collegii Doctor. Ad haec exempla possem & de caruncula spongiformi dicere , quam Illustri foeminae Victoriae Pyrrhoniae de primo molari dente subduxi. Quibus jam omnibus expositis experimentis , factis perdiscere potuistis , initiis , materia , substantia , magnitudine ,



dine, more, atque aliis accedentibus propriis, & privatis *Sclirorofarcoma* esse. Tantum abest, ut de *Parulidis* genere sit, quod firmatum aliorum opinione fuerat.

## C A P. XVII.

### *De Genuini Dentis eruptu, eminenti Abscessum.*

**G**Raves, ac perdolentes singulorum Dentium omni aetate sentiuntur exortus: in quibus scilicet excludendis, magnus in dies à natura commissus apparet conatus. Ex qua causa febres, aestus, convulsiones, languor, & immutatio multa corporis videntur: in pueris maxime; de quibus Hippocrat. *in libr. 3. aphor. 25.* Narravit autem Ambrosius Paraeus, *in lib. 23. suorum operum cap. 57.* complures teneros suos natos ad usque fauces orci perductos, una vi prorumpentium denticulorum: usque adeo ut scalpri necessitas fuerit expediendis obicibus, & habenis ipsorum. Quam rem & Andreas Vesalius *in l. 1. de fabrica corpor. humani cap. 11.* docuit; atque etiam Alexander Benedictus *in 8. lib. de cur. morb. c. 18.* & post hos omnes Jacobus Fontanus *in l. 1. pract. med. F.*

Sed ne minus quidem molestus est proruptus dentis prudentiam ducentis (*sophronisterem* Graeci dixerunt), sub obduratis aevo membranis, dum vigesimo post anno, aut etiam trigesimo contingit; sub quo tum inchoante, tum in dies augescente, Abscessus, musculorum masseterum distentus, & genarum gingivarumque tumor non exiguus, cum oris maxillarumque impedimentis, adveniunt. Quibus omnibus fit, ut parum experti Medici nil discernentes aetatem, affectiones habitudinemque corporis, circumstantias denique rerum obtuse perspicientes, ad multas sanguinis detractiones, ad solennes corporis expurgationes, protinus accedentes, illud operis, quod à natura sedulo curatur, pro Phymate, proque inflammatorio Abscessu, tractant: ex quo genere, quod hisce diebus evenit nobili Decio Favillae, Neapolitano, supra quintum & vigesimum annum nato juveni, narrabo. Doluerat homini diu multumque forinsecus commissura malarum, interne vero molarium utrorumque confinium parte sinistra, propterea scilicet, quod extremi molaris nuper exerti mensula parum exerta, ac tantum non gingivae



givae fibrulae contacta, cibos solidiores nedum commandere non posset, sed graves etiam distentus noctu diuque sentiret. Cum vero, sub semitecta particulae lacuna, sanies aliqua collecta putorem redderet; opinio multis fuit ulceris, aut fistulae. Ego vero, perspecta re, continuo suspicionem exsurgentis Dentis *sophronisteris* objeci; qua sic, ut absurda re audita, decursum est ad demoliendam incumbentis gingivae particulam, qua confecta re continuo quidem putor, ac dolor, abjicere: verum ad extremum luculenter apparuit, affectiones omnes malas ab una dentis eruptione productas. Sic lufae saepe sententiae, quae firmamento nituntur aliquo, praestabiles exitu seipsas produnt: & contra falsa, quae primum specie probatae fuerunt: ad extremum leves & inanes deprehenduntur. Quae de senilis dentis eruptu primo relata volui; ut ementitam Abscessus imaginem praemoniti sint inexperti quicunque. Porro quemadmodum Gemmarius artifex lapides Orientis pretiosos ab his omnibus, qui nexiles, aut culti non sunt, secernit, atque secludit; ita & qui de morbosis affectibus agit, ementitos à legitimis sejungere debet.

## C A P. XVIII.

*De lepido Sarcomate, seu squamiformi Tumore bucci interioris.*

POST illud vero, quod modo audisti, semiputridae pituitae Germen: tradam & alterum loco quidem proximum, forma vero, & materia, longe diffitum. Homini cuidam statae aetatis, corporis aliquanto procerioris, nigris oculis nigrisque capillis, venis ad brachia manusque extantibus, colore fusco, melancholico ad summam habitu; gena tenus dextera interne, magna velut inclusa ossa, sublatum Tuber carneum, globosum quidem initio, mox, ligulae cujusdam crassioris modo, ad guttur oblique flexum, multos jam annos, cum incommodo multiplici loquendi, mandendi, deglutiendi, perlatum fuerat, à Medicis omnibus pro immedicabili relictum: cum ad me, & ad Flamminium Crassum, Calabrum Tropiensem, Curtorum instaurandorum peritum ab homine, qui nostram operam etiam



in arduo negotio expertus fuerat, missus est; quem nos inito consilio curandum suscepimus, jussu interim, & suasio, firma spe ut esset sui brevissime restituendi. Quibus ille malum, ait, omne futurum sua miseria levius. Ventum ad agendi commenta, ac rite paratis omnibus, quae necessaria visa fuerant, collocato jam in humili sella homine, diductoque ad proximam operam ampliter ore, per ministri manus, & lignea forficula confectum est glomer carneum, acuto scalpro, qui primum obtusus est, cum offendit ad aliqua, quae mox referam. Nempe rescisso per vim majorem & firmiorem toto *Sarcomatis* corpore, in conspectum se dedere squamae propemodum osseae, perspersae per ipsum, nulloque ordine dispositae sic, ut hirtum hortensis brassicae thyrsus referret. Res ostensa multis amicis Medicis, qui nulla non admiratione sunt completi. Sub exsectionem, aut post ipsam, offensa nulla praeterquam aliquid sanguinis effusum est, e reticulata quadam vena, quam vitii creditam nutriculam, cauteriolo ad id parato, facile repressi. Vixit autem exinde homo minus pro mense liber, famulus & pedissequus Illustris Viri Fr. Horatii Majorani, ex ordine militum Melitaeorum, jam vetuli. Rem quam, annorum duodeviginti memoria, vidit Joannes Baptista Naclerius, vir praeter multam rei physicae scientiam optimis moribus excultus.

## C A P. XIX.

*De subatro Farcimini simili Tumore.*

**P**Rodidit memoriae Thomas Cneulinus auctor, ab Joanne Schenckio, *in opere medicin. observat.* saepe relatus, puello nuper in lucem edito, vivido & eleganti, sub dorsi finem paulo supra coccygem; visum *tumorem Farciminis* modo exstantem, e quo, Chirurgica manu aperto, saniei modicum effluxit, quo rursus, aliorum Medicorum consilio, funditus exsecto, quarto post die puer jam novissime relictum revisit Orcum. Id ad unguem, ut nil ferme detrahas. An. 1621. evenit filiolo Domini Flaminii Constantii, criminum Quaestoris, in magno praetorio probatissimi, quem *atro cruentum intestinulum*, cum contra sentiente Tarquinio Mokio, Chirurgo satis perito, discidisset alter qui-



quidam, non postremae notae Chirurgus; lepidissimo protinus puello (proh facinus) tenue vitae flamen incidit. Vidi & ejusmodi aliam quasi *jecinoris subatri fibrulam* fronti appensam, in puellulo nuper nato Antonii de Luca, in Valetudinariii Sancti Angeli ad Nilum ordinarii nosoduli. Item in tenerissimo infantulo Hieronymi Dentii, quotidiani in Parthenophylacio Spiritus Sancti obsonatoris. Atque item filio Francisci Albini, Fabri stannarii, ad subsellia Portus Neapolitana: atque in aliis aetatis primae puellulis, sed maribus perpetuo. Ut jam conjicere liceat ex multa tum materiae, tum facultatis attrahentis vi, talia concrementa nasci: quae aceti ego faecula, & diluto vividae calcis spongiolis accommodatis & hujusmodi medicamentis exsiccantibus saepe discussi.

Atque haecenus quidem de lacteolorum homuncionum *atro-sanguineis Abscessibus*: nam & natu grandibus, ac bene firmis hac coloris specie vidi nonnullos; inter caeteros quale morum feminaturum coloratus, varicosus, & pulmonis instar laxis tumor de superioris labri angulo Escharae marinae specie pendulus est, illustris & integerrimi Consiliarii Sanfelicii, sorori germanae; qui Tumor cum vulgare mulierum verticillum in praesenti superet magnitudinem, fuit & quo tempore vix etiam Juniperi baccam attigit: arbitror autem, (quod nemo propter atechniam referendo discrevit) ortum habuisse ex tenui varicula, quam affluxus postmodum humoris multus ampliavit, atque distendit sic, ut formanti voces, & manducanti nonnihil incommodum, & grave sit additamentum.

## C A P. XX.

### *De Faviformibus Abscessibus.*

**F**aviformes Abscessus vocavi subputria quaedam & caeca ulcera, quae circum adductis digitis primoribus expressa saniosum mucorem forulatum reddunt, ad eum prope modum, quo favus mel. Adveniunt autem plurimum postica corporis parte à cervicibus pone dorsum ad usque coccygem, senibus, aut grandi jam aetate hominibus, qui crassum & semiputrem sanguinem cumularunt. Ego vetulos homines, qui labem hanc  
sub-



subiere possem numerare quam plurimos : sed paucis ero contentus.

Primus, quem adhuc juvenis ad curantem magistrum Julium Jasolinum observavi, fuit Horatii Cytharellae Medici pater septuagenarius: qui cum eo morbo in dies proserpente commortuus est.

Secundus ab eodem praeceptore curatus Hieronymus Albertinus, Vir patricius octogenario non minor, qui ab eodem affectu spathulas grassato praereptus est.

Tertius Martius Cinnamus, sexagesimum annum natus, qui secundum cervices id vitii perpeffus distentiones exitiales jam à Medicis interminatas incurrisset, nisi Chironia, per nos, opera succursum esset; cujus rei descripta plene legitur Historia libro *Pyrotechniae nostrae Chirurgicae cap. de Anthracibus*; enimvero sic ibi cum vulgo Medicorum appellare libuit eos, qui nonnullam cum Anthracibus cognationem habent.

Quarta vetula fuit monacha veneranda Parthenophylacii Spiritus Sancti, cui Franciscae Castigliae nomen, secundum cervices etiam experta saevituram in mortem affectionem; nisi, provido equidem consilio, totum ulceris ambitum ad radices usque praefecuissem.

Quintus Melchior de Gaudio, supra sexagesimum quintum annum natus; qui vir etiam ad inion foraminosum hoc malum sensit, liberatus item à me vi scalpri.

Sextus Marcellus Ferrellius, custos nostri Valetudinarii, septuagenario major; qui binis ad nates *amaris* ejusmodi *favis* post importune suppressam à se scabiem, postque diram, in scroto, sedeque, feliciter à nobis curatam gangraenam, gravatus est.

Post hos omnes, ultima recensebitur Catharina Scarpata Cler. Francisci Antonii Masulli mater, quinquagenaria; quae ab amico quodam nostro, in Chirurgica satis exercito, valentissimis quidem medicamentis, sed sine respectu diu curata, vitam prius, quam sinuosum mali fomitem reliquit.

Porro sis admonitus velim, malum hoc spongiae, favique modo, perfractum; propterea, quod secundum omnes suos cuniculos expurgari probe non potest, putredinem nutrire latentem; qua sensim *ἀνω καὶ κάτω* proserpens, affatim ampliato vitio serpit,



DE NOVISS. OBSERVATIS ABSCESSIBUS. 265  
ac debiles homines febre, doloribusque, opprimit; quamquam non ita eos, qui robore valentes reperit. Adversus quae discrimina nostrum est experimentum, vel ab initio scalprum; & post hunc, si multa vitii vis exegerit, ignem etiam salutariter adhiberi; pauco & momentaneo doloris saepe dispendio, periculis praesentibus inclusam vitam facile vindicaveris.

## C A P. XXI.

### *De vastissima Omphaloccele atque Enteroccele.*

**P**Atiemur & in hos quoque sermones aliquando veniant *Abscessus*, qui sunt cum illapsu partium certarum [corporis: has κήλας veteres Graeci nominaverunt. Ex his autem omnibus formis commemoranda esto, multo ante tempore à me notata, *Omphaloccele* atque *Enteroccele*, quotquot cernere licuit vastissimae: nos umbilicarium *Ramicem* prius exponamus. In Parthenophylacio Spiritus Sancti, Virgo fuit adolescentula, (Sabellae Carbonae nomen) cui ab assumpto leviter veneno, concitatis cum vi plurima vomitibus, & inconsultis, sicut in casibus hisce fit, ejusmodi concussibus corporis: ad umbilici laxitatem, partem agitato ventriculo proximam, diruptum est principio, parte tenus aliqua diploidis, peritoneum; quam inchoatam unitatis solutionem imprudens puella victu promiscuo ciborum flatulentorum, & frigidae potibus intempestivis; nec non ex catarrho, cui se subdidit, & consequente, quam acetariis fovit, tussi; non mediocriter promovit; usque adeo, ut ab *Exomphalo* in luculentam devenerit *Omphalocelen*: quam fatua puella, prae rubore, nulli Medicorum ostendente, ac negligente, sub pannis etiam fuit facile deprehendere nobiliter extuberantem: quo tempore admonita (sodales etiam ad suadendum hortatae) ut obligaculis *Abscessum* reprimeret, & cohiberet, atque etiam, ut se curari permetteret: levitate nescio dicam in foeminis miranda magis, an miseranda, rem in contemptum in dies ponens; tandem supplicium incuriae plenissime tulit. Porro *Abscessus* in magnitudinem excrevit non mediocris utris, aut distenti potius ferrarii folliis, ut Figura refertur. Nam mirum est sane quantum impellentibus interne intestinis possit distendi cutis. Visus enim Nea-



poli, plurimos annos, inops homo; qui nudata publicitus *Enteroccele* medio tritici pari, stipem in triviis emendicabat. Itemque fuit alter, cui laxatum cum hypogastrio scrotum, obtecto undique pene, ad media usque femora, lato circumambitu, descendebat. Illud autem non dubito, ex distracto, seu quod perdoleat, seu quod praegravet, tum epigastrio, tum hypogastrio, concitatos ex superioribus, interioribusque confluxus humorum assiduos; unde tam multa Sarcomati facta fuerit accessio. Quod idem in Bronchocelis compertum à nobis alias narravimus. Sic major admiratio Sarcomatis, quam ingentis intestinorum dilapsus esto, ejus rei Picturam apposita Figura, offendes.


## C A P. XXII.

*De Abscessibus perinaei, ani, & partium proximarum.*

**N**ON sunt autem in his omnibus praetereundi Perinaei, affiniumque partium, Abscessus: quorum & naturae consideratio, & propria curandi ratio gravissima est. Prius autem agendum est de natura ad quam conditio partis privata, causa, & effectus modi, pertinent. Sunt hae partes, ut quae distendi ad usus, mox contrahi debent, ad spiritus excursuros, recursurosque, porosae, ac laxae, summo Naturae studio comparatae; ad quos ipsos meatus cum illuvies putrida, seu corrupti seminis, seu materiae purulentae, quae de vesica, aut urethra exulceratis pervenerit: haec visciditate sua prompte sub angustis locis adhaerente, ac quotidianis se additamentis tollet sic, ut aliquo post tempore computrescens Abscessum faciat. Cujus & carunculis, quae per tubulum colis expullularit, saepe causa est. Si quidem obstructa per se fistula, quae per hanc effluxura fuerat, sanies subiens alio, quae proximae viae sunt; huc divertens, atque consistens Apostema creat, cujus jam procreandi modum quaesieras ante.

Sed illud insuper intelliges eisdem, quas retuli, causis naturalibus nimirum, & praeter naturam, vocatis fieri; ut non uno ejusmodi Phymate contenta sit materia, quae diffluit: verum pluribus etiam excursus faciat: usque adeo, ut cum unum scilicet ex  
his





A. Umbilicus. Abscessu. Protractus.





Handwritten text at the bottom of the page, possibly a signature or a title, written in a cursive script. The text is difficult to decipher due to its faintness and the quality of the image.



his summa cura perpurgaveris, subinde Tuberculum aliud proximo loco appareat. Idque tertio, quarto, quintoque, viseris. Quae res curatori Medico fiducia plurimum adempserit. Quam ob rem natura in curando, seu potius praeventendo providentia opus est, quae, meo quidem experimento, multis constat adversionibus.

Prima ut simul ac hisce partibus quid vitii dolorisque senserit is, qui difficultatem mictus experitur: has continuo fluxiones revulseris ac diverteris vomitionibus, dejectionibus, sudoribus, vinculis, frictionibus, omnibus denique averfionum generibus: victus quoque modum praescripseris, quo minus alimenti causae morbificae suggeratur. Ad haec & affectus hic morbiferus tollendus est, ingenti cura destructis ulcerum carunculis, expeditisque viis &c. Atque hi quidem occurrendi modi sunt adveniant malo: sed enim, ubi vel non principio curaveris hominem, vel sic curato facere non potueris, quo minus Abscessus plenis se incrementis provexerit: tum alter prudentiae modus est, in effluxu festine dando, nam neque ad ultimam maturitatem finendus est idem. Verum, ubi se suppuratae substantiae portio sub cute prodiderit, continuo per scalprum aperies Phyma: quod tu quidem, tum accommodatis medicamentis exacte expurgabis; tum victus potusque parcitate siccabis. Non nimium autem utilis est expressio, qua pari doloris detrectatu nonnulli medentes abstinere.

Multo autem omnium maxime necessaria est sinuum quorumlibet praesertim ad alterum respondentium. Ad hunc quidem modum Joannem Donatum Corregium, Bergomatem Civem, industria & virtute sua nobilem, septuagenarium prope hominem, ex multiplicibus ad scrotum, atque interfemineum, Abscessibus; per quos ampliter urina defluebat; ex vicennali vesicae purulentia profectis, liberavi. Cui curationi interfuerunt ab initio, Marius Schipanus, & Aloysius de Gratia, Medici nostrae urbis consultissimi. Aliter vero curatus Surrentinus ille Patritius, Cognatus Illustris viri Domini Antonii de Bologna, fistulam in medio cole, longos in annos duraturam, servat. Quod dictum volui propter eos, qui lenissima curandi ratione delectantur. Caeterum istiusmodi fistulas, per quas urina destillaverat, in Valetudinario nonnullis ad unitatem perduximus;



quod Thomas Zampalia, civis Montecalvensis, Chirurgus diligens, pro re admiranda praedicat, habetque inter omnia vere maxima. Haec jam de Perinaei Abscessibus, & vomicis; monitus easdem ferme de ano statues observationes. De his autem Langius *l. 3. epist. 4.*

## C A P. XXIII.

### *De Elephantia privato pedum Tumore.*

CUM de vastis quibusdam Tibiarum Abscessibus aliquando retulerim: consentaneum rationi visum est, ut dicendum esset quod de *Tumore pedis* amplissimo, calli modo praeduro, intime crasso, concolore, ac non perdolente: in quo si quidem ulcus, aut prurigne, aut extrinsecus aliter, excitatum sit; hoc cum priore malo sit insanabile. Accidit autem hoc mali genus melancholicae quidem crasis hominibus, cujusque vitae generis & instituti; sed potissimum inopibus & victu quocunque contentis. Hujusmodi autem, in Valetudinario, nobis occurrerunt complures. Inter caeteros unus, cui vis Abscessus pollicem admodum ad interiora retraxerat. Hujus autem causa continens non omnibus iudiciis una est: aliis referentibus ad humorem melancholicum; è quibus est Haliabbas *in 8. Theoricae*: aliis, quorum unus est Avenzoar. *2. Theisr. tr. 7. c. 26. P.* ad crassos humores promiscue: aliis ad phlegma gypseum, aut glasteum. Avicenna vero *l. 3. fen. 21. tr. 1. c. 16.* dixit *Elephantiam* additionem esse ad pedes accidentem modo varicum. At vero Guido Cauliacus *in tract. 2. doct. ca. 7.* singulari quadam opinione censuit, *Elephantiam* esse carneum quoddam additamentum in pedes ac tibiae, ultra dimensum proprium, sed similem pedibus elephantanti.

Cui placito firmiter adhaesit Rembertus Dodonaeus, professus insuper incrementum hoc esse, non ex humoribus quidem qualitate peccantibus, qui sint ad eum locum affusi, sed ex superfluo ad partem illapso alimento nondum tamen rite agglutinato; quo copiosius huc adjecto, pes crassior ac veluti praeturgidus redditur superioribus particulis, ut alimento destitutis, magna ex  
par-



parte extenuatis. Quamquam autem Guidoni placuit, & tibias esse his iisdem affluxibus incrementi participes; nihilo tamen minus, ait Dodonaeus, sibi perpetuo partes superiores visas extenuatas. Addit autem ad haec Rembertus, pro modo praevalentis auctricis facultatis, haec incrementa pedum evenire; quae quidem opinio, nisi fallor, & ex Felice Platero videtur deducta, rem hanc ex professo discutiente, *in tomo 3. prax. medicae, titulo de Extuberantia*, qua de causis affectus disputatur; opinio profecto non aspernenda: quam propterea retuli libentius, quod nostrae de carniformibus Abscessibus sententiae non parum suffragatur. Suadet autem, & ad confirmationem facit; quod gracilibus corporibus accidisse nunquam visa est affectio: plurimum autem supra mediocritatem plenis corporibus gaudet, quam tum equidem observatione mea consequor. Qua causa mihi visus est hoc morbi genus expertus, aliquot ab hinc annis, Dominus Franciscus Caracciolus, Binetti Marchio, vir alioqui belle procero, atque aequae secundum latum perfarcto corpore: cujus morbi curationem, quam rescripsi consultus; tum quia plurimum huic loco congruit eadem; tum, ut me multorum labore levem, huc libuit referre, quae fuit.

Hippocr. *l. 2. prorrh. num. 17.* constituit, Abscessus, & ulcera, rite dignoturis, spectandas esse primum hominum naturas, aetates, & habitudines, quae meliores ad eadem perferenda sint, aut deteriores: deinde perspiciendos esse locos, quibus haec acciderint. Subdidit autem species hominum commendari, quae leves sunt, & commodatae, quaeque visceribus non sint vitiatis, aut malis obductae coloribus. Horum aliqua, si nos observare curemus in Illust. Viro; difficiles hercle curandi conditiones offendemus. Nam, quod ad naturam corporis spectat, haec non levis, & commodata, sed contraria prorsus apparet. Ex visceribus vero si sit unum aliquod, quod non bene habeat oportet, quale equidem puto jecur, cujus vitio proferentis humores ineptos fit, ut hos natura non amplexetur, sed ad subjectas sibi partes deponat; quam transmissionem promovent, fovantque, multa primum humorum plethora, cum superfluitate multa conjuncta; exemplo vini, cum dolium magnum complentis multa subsidet faecula. Praeterea favet Abscessui proclivitas & imbecillitas partis recipientis, unde dixit



Hippocrates, quod morae fiant in ipsis & recidivae. Favet & robur partis mittentis, quod est jecur impense vegetum ac magnum. Adjuvant & vicinitas; & viae brevitates; & humoris gravitas, & hypostasis, quae nutu facili vergit, ac pene procumbit ad inferiora. Ita consentiunt ad hunc unum defluxum causae multae, quas omnes, aut plurimas quantumcunque, licet Medicus prudens incumbere, aut etiam retundere debet.

Igitur, ut jam ad Curationem deveniam; appetente proxime vere, quod commodissimum tempus puto: minuenda nimietas est, & plethora, sanguinis plusculis detractionibus ex utroque brachio: & postquam etiam cacochymia fuerit elevata per accommodatos corporis eruderatus: sub haec ex venis sedis etiam eliciendus est sanguis; deinde decocto *Sarsaparillae* & *Chinae radicis*, & *Rhapontici*, quod à Dioscoride suisque maxime commendatum est, ad defluxiones cohibendas, atque ad humores fervidos contemperandos; additis herbis aliquot aliis, aut harum succis peccantes viscerum dyscrasias commoderantibus, ad viginti dies utetur: at non sine sudatione competente; quam plenitudini minuendae necessariam statuo: quas sudationes eodem inanitionis nomine ad Anianae Cryptae, quae in agro Puteolano est, mirificos evaporatus captabit. Interim optima victus ratio ciborumque parcitas amice colitor. *Vinum* pauciferum cum *lixae Rhapontici* portione, tum prandio, tum coena bibitor. Omnibus autem modis si contra radix recens, vel conservae, vel zulapii, vel aquae stillatitiae, vel lixae modo parata, usui esto quotidiano; esto magno hanc usui futuram conducibile & pro comperto habetur.

Atque haec quidem universi corporis Medicamenta sunt. Caeterum extumescens membrum procurandum ita videtur. Primum fonticulus, ut cum praeclarissimo collega Stephano de Rinaldis decrevimus, de loco inferiori tibiae, qui nimis humorum incurfibus patet, ad supremum femur interceptus gratia transferendus. Spongiis vero ex aqua nitrata expressis foveendus, in singulos dies, crebro pes est. Rondeletius ad pedum oedemata *lixivium* commendat *cinerum sarmentorum*, & huiusmodi, ex quo etiam madefactum exsiccatumque tibiale, dies ac noctes, indutum geret. Sed duo subeunt hic advertenda: alterum quidem, ut topici medicatus non administrantur, praeter-



terquam ubi diu multumque, tum plethorae, tum cacochymiae consultum, satisfactumque, fuerit: alterum, ut ab hoc tempore nullus sit metus superdandorum exteriorum, quantumvis adstringentia, atque exsiccantia, sint. Etenim non placet consilium illorum medentium, qui, postquam corpori providerint, unis, quibus unice confidunt catholicis remediis, caeterum partem, quae languore pressa est, immedicatam relinquunt, per epithemata praecaventes ad interiora recursum humoris, qui longo jam tempore fuit castigatus, atque repressus; atqui, ut unaquaeque pars de universitate corporis est: sic junctim cum illa gaudet curari. Haec quidem ego in Illustri persona; qualis quidem, ut Celsus ait, fieri non potest, ut sine verecundia curetur: verum durioribus efficacissime medicatus sum, ad inguina fetis affixis Chirurgicis, & ad partem extumescentem facto crebro scarificatu, & per fomitem à me dictis uesturis: de quarum omnium rerum administratione mox in *Efficaci Chirurgia* nostra, propediem edenda, leges.

## C A P. XXIV.

*Super Syphilide morbo, selectae aliquot Adversiones.*

## §. I.

POST haec omnia non indictus abibit mihi *Venerens*, qui totus *abscessorius* est *Affectus*; dignus profecto, qui, dum consistat perpetuo, ab optimis ingeniis observetur, ab industriis quibusque scriptoribus pertractetur. Primum autem Theorema esto de natura ejus & vi, quae summam ob suam insolentiam atque atrociam nulli morbo comparabilis, sed super omnes admirabilis visa est ita, ut veneno contulerint plerique. Alii vero crediderunt affectum totius substantiae, id est, qualitatuum omnium exsuperantiis exercentem, ac labefacientem, temperamentum humanum; nempe nulla ex his, quas primas appellant, facultatibus circumscriptus; & fervidos evagatus, & frigidos infirmatus, laxos madores & graciles squalores, aequae parit. Ad hos accesserunt & alii, qui scripserunt affectum, ut secundum singula quidem symptomata nulla non parte perspicuum; ita se-

cun-



cundum formam humanae menti abditum & incomprehensum. Mihi vero, post magnos Viros, explicandus, quando certe non demonstrandus, sic brevi videtur. *Syphilis*, est *impressura* prodiens ab inquinabulo, impense putri, crassoque, & à tota substantia, oppugnante temperamentum humanum; ad partes primum spermaticas spectante, mox alias acris fermenti facultate, ac virulentae aerae transmissu pervadente; quod si intro perstiterit, nec effluxu aliquo abscesserit, hepate occupato, corpus omne conterit & tabefacit. Scire licet per *impressuram* exprimi formam ac vim apprime fixam, quae *tinctura* vocata per Theophrastum, *infectio* vulgo; nobis alioquin insigni vehementia & inaudita contumacia rectius *impressurae* nomine censetur. Primum quod extrinsecus inducta, ut nota quaedam iniusta est: deinde velut ictus morsusque ferae venenatus, latius sese promovet ac progagat; eandemque vim deleteriam conservans, varia producit toto corpore symptomata, quae multo negotio vix delentur, in filios usque traducta. Quamquam hoc utique necessarium aut perpetuum non est, ut Ludovicus Mercatus in *libr. de morbis haereditariis*, ostendit.

Aptissime autem inter omnes morbos, *Elephantiasis* propter easdem causas equiparatur sic, ut à multis pro illa fuerit habita; revera tamen *Elephantiasis* non est. Siquidem haec definitae facultatis, & actionis est, semper cum calore conjunctae. At vero *Morbùs Venereus*, quemadmodum inferius exacte demonstrabimus, summe varius, secundum primas alterationes sentitur: itemque diffusa, nec unius ordinis, sed omnis generis, symptomata profert: quorum sua, & probabilis non invenitur causa. At vero effectuum omnium, ab *Elephantiasis* productorum, sua & certa apud omnes est causa. Praeterea *Syphilis* partes omnes tum spermaticas aequè tentat, causis morborum, & morbis omnibus, ad has invecit. Et, quod maxime mirum est, in una eademque particula, puta membrana varios & acres humores, praesente frigido, dolores; in diversis vero membris plurimos cruciatus modo creat; qua res in *Elephantiasis* visuntur nullae; sicut cuique discurrenti per se ipsum est facile comprobare. Taceo discrimina duorum complura, quae Gabriel Fallopius exposuit, leviora non dubito, ac minutiora, quam antedicta.

[ *Ab inquinabulo, seu majoris inquinamento* ] causa scilicet effe-  
ctrice



atrice atque materia, tanta est necessitas eaque vis, ut Hieronymus Capivaccius, seminarii solius interventu iudicavit, omnia primum mala fieri, & ab hoc uno vitio succos utiles corrumpi; hac facultates impediri; indeque caetera detrimenta in corpus derivare singula. Verum enimvero, quod non causa, sed morbus vere *Syphilis* est, hoc nonnulli demonstraverunt; inter quos Thomas Minadous & Fabius Pacius fuerunt.

[*Impense putri crassoque.*] Hae sunt conditiones inquinamenti *Syphilii* perspectae; caeterum enim ejusdem antipathia & admiranda proprietas non perspectae. Putredo, inquam, manifeste se prodit ex universo sui fervoris, & acrimoniae complexu, qui Phymata, Abscessus, ulcera, & caries usque ossium excitat. Advertendum autem cum duplex putredo sit; consummata, qualis ab Aristotele definita est; semiperfecta, qualis à Galeno, suisque proposita est: hanc nos, qui Galeni dogmata profitemur, intelligi volumus: quam ipsam intensa quadam ratione valentem nos statuimus, propterea, quod usque ossa sublevat & erodit, quid mollia & cedentia dicam? Adhaec & universum corpus absumit, nisi quemlibet effluxum nacta fuerit. Alterum putredinis indicium est contagiosa natura; à qua putredo non sejungitur; ut diserte quidem Fabius Pacius *l. de morbo Gallico*, sed multo satius id ostendit, exactissimus inter nostros multos, Hieronymus Fracastorius, qui *l. 5. de contagio cap. 1.* definiit contagionem esse, consimilem quandam misti secundum substantiam corruptionem, de uno in aliud transeuntem, infectione in particulis insensibilibus primo facta. Sed Fracastorio quidem auctor Aristoteles, *in problematis*, fuit.

[*Partes spermaticas, &c.* Hac re porro nihil certius esse debet; quando sic maxime servatur analogia Venereae materiae; quod semen est, ad partes ex hacce substantia conflatas, quam rem oculatus homo Franciscus Vallesius *in librum tertium epidemiorum sect. 3. super historia aegrotorum decima*, disertis hisce verbis expressit; *Venere putrescit semen, quod computrefacit rores partium, utpote succos analogos.* Confirmatur & quod partibus spermaticis, id est, cuti, membranis, nervis, unguibus, articulis, dentibus, ossibus, infesta plurimum est *Syphilis*; minus vero sanguineis, & carnosis. Quod si neque jecinori parcat: illud quidem non ista, sed abdita, & excellenti quadam alia ratione fit; quae veneni est antipathia, per hoc affectum principium



hominem perditura: quam rei subtilitatem nescio an attigerit alius quispiam. Interim ea re sic exposita cognovisti, duplici nobis usu significationis esse spermaticas. Verum enimvero e partibus spermaticis, i. e. usui seminis universo dicatis, praecipuum *Syphilicis* confidentis diversorium pono glandulas prostratas, vesiculasque parastatas; utpote quae loco, structura, & usu, ad alienam excrementitiamque rem, omnem suo sinu excipiendam sese exhibent accommodatissimas. Jam vero sic non omnes universi corporis glandulas complector, quas Pacius adstruxit propterea, quod his adstantia perpetuo vasa transcursurae labi ductus paratos praebere possunt. Porro fit alia ratione, ut etiam non seminariis quibusque viis conceptum vitium, in alias partes omnes transfundatur, nempe quod, ut adverti principio, plurima fermenti vi, & mirifica energia, differam hic cum Petro Castello, Romanae scholae doctore, & scriptore, in evincendis suis placitis acerrimo atque efficacissimo; *in epistolarum*, inquam, *medicinalium* 3. 4. 5. in quibus unis divinum hominis ingenium facile respexerint docti. Quos enim in his disputationibus maximos ex omnibus Theologos, Philosophos, Hermeticos, Medicos, confirmatores, ac testes suos non produxit? aut, ut rectius dicam, quos horum locos ad hanc diem incomprehenso non attigit? aut quos eorum abditos sensus non aperit? aut quae subtilissima naturae secreta non investigavit? de αὐτοκρίτης plaste, discretore, formatore, perfectore, moderatore, panturgo spiritu philosophatus, sed nos pathologiam hujus potius, quam physiologiam comminiscemur.

Est *fermentum* secundum praecipuam, atque energeticam suam naturam, *acidum*: sic enim, ut ipsum est, & alia coacescere facit, est autem acidi participatio certe ab aceto, quod paronymiae fundamentum praebuit, profecta. Sed aceti mira profecto est natura, quod calidi simul, & frigidi, potestatem atque effectus complectitur & comprehendit; ut à Galeno monstratum est 3. *de temperam.* & lib. 1. *de simpl. medic. facult.* Ad haec, acetum & humidum est, ut Hippocr. 2. *de diaeta*, & eodem ibidem auctore, humiditatem consumit. Sic sitim sedat & infert. *eod.* 1. *de simpl.* Vulgata autem opinione etiam adusque tertium ordinem arefacit. Item adstricta laxat, quae methodicorum, & Prosperi Alpini, fuit opinio 1. 19. *de medic. method.* c. 15.



atque ex adverso adstringit, siquidem phthoae subvenit, quae ad unguem sententia fuit Aureolo Theophrasto *tract. 3. Paragran.* Ad haec acute perrodit, ut 8. *simpl.* & acute perrodentes humores obtundit, densatque & gracilia reddit corpora, quod Jo. Mesueo visum est. Reprimit quoque putredinem, & corpora conservat, deinde substantiam à nonnullis exprimit, extrahitque; quod quotidianum Alchymistarum est experimentum; sed praeterquam detrahit l. 1. & 8. *simpl.* etiam reprimit 1. *de comp. medic. per loca.* Praeter haec & venas aperit, & sanguinem provocat: quam rem Ambrosius Paraeus, alicubi suorum operum, ostendit; nec non cohibet, cogitque, postremo exasperat, excitatque, dolorem, ut 5. *simpl.* & mitigat etiam: nempe podagram Agrippae sedavit, ut est apud Plinium. Itaque si recte summam subducimus à primo qualitatuum ordine, ad usque quartas, in singulis contrarios effectus acetum promit.

Illud autem fit multas ob causas. Primum quod unum ad unguem non est: quin etiam e contrariis constat partibus, ut primo simplicium. Deinde & praeteriti status energiam, quae vini fuit, retineat conservetque nonnihil, quemadmodum ligni ab extincto igne cinis: mirum autem atque etiam mirum, quod vini calorem putredine amiserit & calorem ipsum ex putredine retinet, ut primo & quarto *simpl.* & alibi. Sic & lac postquam acidum redditum est, & dulcia acescentia omnia, contrarias & mirificas complectuntur in se conditiones: quas & fermentum quoque refert, & quae ab ipso sunt homologa contacta. Item & quae acetum acida & fermentum aemulantur omnia. Sic una quidem atra bilis est, sed quid ipsa multiplicius & inaequalius est? nimirum haec calida simul & frigida; humens & sicca; varia & inaequalis; neque ad unum morem determinata. Atque illud maxime fit, quia fermento, acidis, & aceto persimilem naturam est nacta. Quid igitur si his respondeat *Syphilis*? sed respondet utique plurimum, si recte singula pervisantur.

Porro, si *Veneream luem* qualitatibus & affectionibus comprehensam accipias, harum nulla *Syphilidi* determinata est: verum nunc sub hujus, nunc sub illius est forma, veluti Protheus, & Hyle, quam singularem, atque admirabilem, conditionem, ut indicaret Theophrastus Paracelsus, etiam cum duplicibus antithesibus expressit 2. *de orig. morbi Gallici*, dicens: in frigido qui-



dem corpore calidum, in calido frigidum. Similiter autem ficcus est in humido, quandoquidem obesa plane corpora marcore conficit, quae res Dominico Antonio de Alexiis accidit. Itemque ficos multam in plenitudinem perducit: quod expertus Doctor Fulgentius Phasanarius, testari veraciter potest. Usque adeo, ut ne mirum quidem sit, quod intelligentissimi rerum scriptores; alii quidem ad exsuperantiam calidam; alii vero ad frigidam retulerint, mire nocentem hominibus: hique madidatum multo, hi squalore intrinsecus indito, corrumpentem corpora dixerint. Deinde sicut putredo inchoata in acido multarum est virium, ac potestatis: ad eundem prope modum computrefactum *Syphilide* semen, & ad hoc attinentes partes alias praeterea contaminat, & coafficit. Sed & progressilem fermenti vim adscivit *Syphilis*, qua se celeriter in omne corpus didit, lateque diffundit: atque id quidem cum subiecta seminarii materia calidior, accommodatiorque, secundum caetera se obtulerit. Fit autem & cum segnior ipsa est, ubi torpidiores & obtusiores succos offenderit, sub quibus sane vim suam omnem expedite & cito excreare non potest, velut ignis nimirum, qui lignis implicitus viridibus, festine flammam edere non valet.

Quae communis morbis omnibus est una, unde *Syphilis* nos incurset, ratio. Caeterum est & alia trivenefica propria, quae per inexplicabilem antipathiam symptomata plane contraria, tum in uno eodemque homine, eademque corporis parte, (quid autem in multis & diversis?) producit. Haec autem apte comparari potest aceto & acidi succi portioni, qui solidos uniones, corallia, metalla, filices resolvunt ac molliunt; mollia vero adstringunt & indurant.

Praeter quae sunt & alia subtilius eruta: in quibus conferri bina rerum capita reliquum sit? nam quae *Syphilidi* potestas ac varia vis inest: haec & in uno fermenti acore reperitur plane plurima: quae res futuro mox sermone patefcet. Deinde quae forte qualis, & unde illa per exilem, ne indivisibilem dicamus, micam propagatio? ut exanthematum instar in corporis usque summa se rapiat, & unde? nisi à praepotenti seminis semicorrupti fermento; proruptus autem quis, aut qualis; in ampullatus varios toto corpore papularum, verrucarum; elephantica tubera; bubones; terminthos; adenas; strumas; atque, ut unum pro multis.



multis argumentum feram, in Satyricos, Dionysiscos, atque Exostoses, Gummi vulgo vocata? quam quorum ossium durtiem ac soliditatem quid in altum extulerit, praeterquam unica fermenti vivida vis? quam cognosces insuper & *Syphilidi* praecellenter inesse propterea, quod eadem & sua symptomata, febrem etiam, ut Capi vaccius notavit, hydrargyri, tum liquor fluorque tum ὑπερπικρὸς intimusve dulcor exsolvet? nam quid ptyalissimus sub hydrargyro tam conducibilis, quam laxata per ipsum acoris putridi vis & compago?

Jam vero, quid fermentum apud nos, si recte sententiam assequutus fueris, quam invecta, sub parte plurima, vel praecipua corporis praepotens, licet non absoluta putredo? Atqui hanc *Syphilidi* summam esse, quis homo doctus inficietur? de qua dicerem quidem quantum satis; sed rem relegari satius est ad Fabium Pacium, qui disertissime super omnes de hac ipsa re disputavit peculiari, quem alias memoravi, *libello de morbo Gallico*. At ne sic quidem illud affero, voloque, ut putredinem cum *Syphilide* conjunctam opiner solam mali causam effectricem, longe gravior, ac sensibus nostris abstrusior vis ejus omnis est, quam totius substantiae scriptores optimi censuerunt. Nam quid praeterquam abditae naturae medicamentis non expelli? vides etiam quos *Syphilis* tabefecit, suis alexipharmacis, non aliis medicamentis restitutos? Deinde ut tam effera, tam inemendabilis putredo, temporis momento, subeat corpus, & complexu Venero, basiatu, compotatu, convictu, lactatu, supra communem omnem putredinis morem, modumque, communicetur? Qui tot ac tanta & insolentia & admiranda & contraria proferat & producat? Putredo autem humoris quomodoque constituti vis, siquidem in elephanticis, & melancholicis, affectibus mira facit: horum utique causae rimantibus notae; sed insolentiae *Syphiliae*, non prorsus ignota: nisi quantum cum admiranda fermenti natura, & cum acidi varia & multiplici conditione sit collata; hac enim unice ratione patescere posse contendo, quamquam alius aliorum est modus. Ad extremum hoc, nostra traditione lucrifeceris, ut singulari, & incomparabili hujus naturae satius intellecta non sic offendaris, ac torquearis, quando rei cuiquam inveneris hanc plurima parte correspondentem.



[ *Quod si intro perstiterit.* ] Declarandum hoc à me posterius, & experimentis usque monstrandum, sustine tantisper amice Lector. Caeteras autem omnes definitionis particulas quoniam planae sunt & à plerisque nostris expositae, declarare non sum sollicitus.

Post haec, si grata futura sit definitio Chymistarum, quae nostrae nonnulla parte respondeat; hanc dabimus ex Petri Joannis Fabri *Chirurgia spagyrica* translata, quae est; *Morbus Venereus, corruptio universalis trium substantiarum i. e. salis, sulphuris, Mercurii; cum alteratione, & corruptione spirituum vitalium, & calcinatione ac desiccatione salis balsami naturalis.* Ita ut lepram imitetur, & communem cum ea curationem delucretur; ubi scilicet absoluta fuerit corruptio trium substantiarum, quas dixi.

## §. 2.

**D**Escriptus autem & enarratus sic *Aphrodysias* peculiare, & proprios suos humores, habet: quorum ego species seu modos fecerim quaternos. Unus, qui ad intemperiem spectat, licet materiae non expertem, exustorium appellatum; sub quo sunt phlogosis, & aestus, manuum praecipue; erysipela; fervor urinae, penisque, quae *pise chaude* dicta est Gallis; pustulae; exanthemata; pruritus; scabies; psora; alopecia; de quibus lege commentarium Joannis Baptistae Montani; qui calidam siccam intemperiem *morbo Venereo* tribuit. Alterum genus est ficosorum, sub quo sunt mariscae; thymi; verrucae; fungi; tubercula; gummi; atheromata; sarcomata; fycoses; tonsillae; carunculae praesertim urethrae, interfemineorum, interstitiorumque, in digitis maxime pedum. Ab hac symptomatum idea, qui *lue Venerea* correpti sunt, *fiscosos* perpetuo vocavit Levinus Lemnius, in opere de naturae miraculis; non aliter, quam nos Syphilios, alii putide Gallicos appellant. Sic vidicus universo corpore verrucosus, avellanae magnitudinem exsuperantibus verrucis visus est, & descriptus à Leonardo Botallo, lib. de morbo Gallico c. 8. itemque ab aliis & à Marcello Donato l. 5. medic. histor. c. 5.

Tertius censeri potest pustulosus; sive quidem hae pustulae sint



sint minutae, ac variolarum modo per corpus perspersae, quales erumpere consueverunt in suppressa Pseudogonorrhoea; siue sint papulae majores, ac latiores, quae saepe crustis renascentibus & recidivis obsitae visuntur: has hispanice *bubas*, gallice *dartres*, apud vulgus hominum nostrorum Scabies Gallica dicuntur.

Quartus corrosivus est character: sub quo equidem observo penis ulcuscula, herpetem, phagedenas, mutilationes narium, &c. de quo genere cecinit haec aptissime Fracastorius:

*Quin etiam erodens alte, & se funditus abdens,  
Corpora pascebat misere; nam saepius ipsi  
Carne sua exutos artus, squallentiaque ossa,  
Vidimus, & faedo rosa ora dehiscere biatu;  
Ora, atque exiles reddentia guttura voces.*

Ad hunc accedit proxime rimosus *Venereae contagis* affectus: qui loca post aures, linguam, angulos labiorum, mammās, umbilicum, penem, vulvam, anum, sed maxime palmas manuum plantasque pedum, & interstitia digitorum occupare consuevit. Mirum autem, ut manus acerbè findit ac multifariam arat; rhagades seu rhagadia fissuras ejusmodi graece dicimus; ex quibus mire molestis, ac jam annuis & recidivis, Illustrem quendam Virum patriciae gentis Neapolitanum, hoc titulo non dehonestandum liberavi; collegā Marco Antonio Galterio, gymnasi nostri Professore, ac Medico, multis nominibus ornatissimo, ipse autem semet editis plerisque libris declaravit. Jam autem hos ordines omnes affectionum disposueris ad hunc modum. Comprehenduntur simul aestuosus, corrosivus, rimosus; quippe qui veniunt ab unis humoribus fervidis; sed eo tamen discrimine, quod corrosivus & rimosus aguntur à vi quadam falsa & nitrosa, quanquam corruptorius cum humido, rimosus cum arido, conjunctus est, ut alias ostendimus. At vero nitredinis inesse aliquid aestuosae affectioni non est necesse. Haec omnia partim ad sulphur, partim ad salem, referret facile Theophrastus Bombastius; ad Argentum vero vivum revocaret ficosum & pustulosum; quamquam in pustuloso videtur plus sulphuris apud nos fermenti subesse. Sed doloribus gravem ideam, ad crassamenta salis, qui ad sublime corpus ex

inte-



interioribus agi non potuit, acriorem agitatu caloris perpetuo redditum, refert Petrus Jo. Faber, *in sect. 3. cap. 13.* apud quem auctorem haec & alia perpulcra de hac re leges. Nos enim vulgatae Philosophiae causis, rerum compendio consulentes, abstinere satius esse duximus.

Alius mos dolorum & vigiliarum est *sator*: cujus vis haerere videtur halituosae simul & crassae materiae, quae sub perioestii & musculorum membranis intime se defigit, ut has perinde ut ampullata lancinet ac divellat, sed & juncturas ossium, seu qua finiunt, seu circa intercapedines inflatu distendens, quotidie nobis observantibus, in vesperam ferit, laceffitque ita, ut de his apte cecinerit Fracastorius, *in l. primo Syphilidos.*

*Illis nulla quies aderat, sopor omnis in auras*

*Fugerat; his oriens ingrata Aurora rubebat;*

*His inimica dies, inimicaque noctis imago.*

*Nulla Ceres illos, Bacchi, non ulla juvabant*

*Munera; non dulces epulae; non copia rerum;*

*Non urbis, non ruris opes; non ulla voluptas.*

*Quamvis saepe amnes nitidos, jucundaque Tempe,*

*Et placidas summis quaesissent montibus auras.*

Haec ille: qui descripsit etiam quo pacto & ad Solis occasum invadant ejusmodi cruciatus. Aliam partitionem plane prolixam, & longe diversam exposuit Antonius Musa Brasavolus, *in opere de morbo Gallico*; quae, meo quidem judicio, ad nostram hanc facili negotio redigi ac replicari potest. Nam lapsus capillorum, dentium, unguium, ad calidam laxitatem proxime referentur.

### §. 3.

**P**ost haec intelliges miram naturae providentiam in teterri-  
mo ac viroso fomite abigendo ac profligando esse: perspicitur autem à principio summum hoc ejusdem studium. Nempe gubernatrix nostri tota in hoc est; ut per quamprimum loca vitium venit, genitales inquam & his attiguas partes: per has easdem vias quasi facto recursum pellat. Sic parat lurida per penem effluvia: quae falso quidam, si substantiam rite spectes, *Generrhoeam* appellant: aut etiam proximo, quasi bivio per inguina



guina Bubonum orditur Abscessus. Vidi autem saepe per expeditas ani venulas erupisse virulentam materiam, quae primum inguibus fuerat concepta: contra vero per sedem, quae prima contagia senserat aliquo facto gyro ad bubonas, aut ad colivias, illuviei transcursus est factus. Facient autem, ut in ejusmodi re non dubites, impuberes pueri innuptaeque puellae, qui contacti postica *Syphilide*, saepe per antica subeunte lue, seu turgidas adenas inguinibus, seu suppurabiles bubonas, seu perpetuas, interfeminiarum uligines, seu thymos eruptiles, seu effluxus denique luridos per naturalia, sensere. Ita conversis quasi vicibus sibi mutuo communicant quidpiam alterutrae partes.

Quoniam autem id me locus admonuit, referam huc Abscessum, ut mole quidem adspernabilem, ita conditione mirificum. Etenim vero nescias primum plus ulcus an tumor sit? deinde cum tumores quilibet novi non sint, quos ducit *aphrodisia lues*, praeterquam in hac una duntaxat, non in alia qualibet affectione tuberculum, ulcusculumve, quod praedico videris: ut mirum sit, cur illud nemo nostrorum ad hanc diem adverterit. Haec autem humoris est eruptio pinguis & semiputris, odore viroso, & rancido, propemodum; ab epidermide nudata, & exultata, parvo lupini gyro cute manans: pustulam aut verruculum planam dixeris, *pachas* à vulgo vocatas, non absurda hercules voce; quando *παχύν* crassum aliquid & pingue significet, atqui crassus est humor, quem ejusmodi verrucae ducunt, ac pinguis etiam & glutinosus, ut adhaesus ostendit.

Ad haec, ut de caeteris eruptionibus dicam: ubi vel habitudo materiae vel locorum aptitudo sic requisiverit: per sudores excretionem amplexa est saepe natura, qui sudores si uberes fuerint sic satisfecisse visi sunt, ut hominem ab omni labe liberarint: quin & si Bubo unus aut alter initiatus etiam erit, materia per aliquot corporis exsudationes fusa, & extra cutem acta, etiam ipsa abiit sorte felici laborantis. Quae mea quidem observatio non semel, sed plus sexcenties comprobata est: qua una nixus equidem saepe non mitto sciscitari, eum discussum bubonem: quaeritur quispiam, num per infinitos cutis extimae canales exturbata prodierit clandestina tabes, ut possim scilicet judicare, bonus, an suspiciosus, fuerit Tumoris ille discessus.

Dixi de sudoribus. At neque per sedem difficilis excretio  
N n est;



est, licet admodum rara, neque adeo felix: quando scilicet à venis ad intestina non sic opportuna transitio sit, etiam si non sum nescius, quando ipsa deligat tutrix unamquamque commodam esse viam languenti. Audi vero quam singularis, quam admirabilis in hac re perspicientia in se sit: nempe, si quando sic correptus homo fuerit; ut ab his protinus excretionibus adjuvari nequiverit; neque in praesenti possit, propterea scilicet quod hae partes apprime densae coactaeque sint; continuo toto lustrato corpore, atque artubus, qua laxitas major apparet, hac humoris exitialis exitum machinatur. Sic & post aures, perque jugulorum fossulas; per umbilicum; per interfemina; per glandis urethrae meatus insensiles; per scrotum; per digitorum pedum intercapedines, & per ungues manuum & pedum, aphthis veluti quibusdam, aut pustulis exsuscitatis, ichorodem ac tetram illuviem diu exhaustit. Vidi autem & cum per carpos interiores, exterioresque, virus infestum elui procuravit. Porro Ametho Barbaro, nunquam satis laudandi viri Scipionis Roviti, Regii supremorum libellorum & caussarum Regentis, servo fellulario; qui conceptam hanc luem, nulla primum excretionem levaverat: post aliquod tempus, natura sagax ad fimos ulnarum fines exasperata cute veluti per lichenas, & achores artuum novos, putrilaginem intro, exulcerantem expromere, multos menses, conata est. Quin haec ipsa emissaria ad obstruentibus quibusdam Chirurgis, qui rem hanc minime perviderant, ipsa nihilominus suum institutum perpetuo retinuit, atque recrustata per aquas fortes ulcera saepe redintegrait. Rem quidem, quam serio advertere debebunt hi, qui *Syphiliorum* haec symptomata curant. Quam omissorum achorem viam cognovit unus lectissimus poëta Hieronymus Fracastorius, qui l. i. *Syphildos*, ad hunc modum cecinit;

*Protinus informes totum per corpus achores  
Rumpebant: faciemque, horrendum, & pectora foede  
Turpabant.*

Et rursus l. 2. Curationem istorum attingens ait.

*Verum ipsos ope non alia consumere achores,  
Urentum quam vi poteris: quibus addere debes  
Pingue aliquid, quod secum intro siccantia portet.*

Sed



Sed & per phlyctænas atque psydracia (quod adnotavit Joannes Langius, in epistola 42. l. 1.) consuevit optima curatrix obfessorum corpora levare. Descripsimus autem nos superius hydrocelen præputii, quo de spermaticis sedibus derivat labes maligna, non aliter, quam sæpe etiam in hydrocele simpliciter dicta.

Sunt jam plurimi narrati loci, quos in emissaria torquet natura. Jam vero qui fieri posse videatur, ut per plantas pedum noxius humor effundatur? at nihilo tamen minus novi ego adolescentem, familiarem ejusdem Illustriss. Regentis, cui manantibus in dies singulos affatim pedibus per sesquimenssem, & amplius, discussio Bubonum facta est felix: quem perniciosum ille regressum certo crediderat. Rem quam plurima animi delectatione cognovit Alexander Alexius, philosophicas & medicas res non vulgariter professus. Ita suis opificiis satagit natura parens; ita in adversis prospicit; ita nullam viam relinquit intentatam, ut nos adjuvet.

#### §. 4.

**A**Tque hi quidem Abscessus sunt fluidarum effusionum, quas extra corpus omnino molitur natura: ad hæc autem alterum effluxus est genus; humorum, inquam, e partibus principibus atque intimis effusorum, nam ubi cutim alioqui densiorem succi crassiores attigerunt: utraque hac causa fit, ut sub extima pellicula consistant, formam glandularum, tonsillarum, fycosum, nodorum, terminthorum, tuberum, ectymatumque duriusculorum, verrucarum, & usque strumarum. Quas res omnes ad levanda lue viscera, quis non videt maxime commodas? Ad hunc equidem modum non raro vidi homines, quibus suppressa pseudogonorrhoea fuerat, extima corporis ejusmodi defaecatione levatos. Atque ita etiam aliqui docti, bono laborantis indicio, perhibent, quod principio defluerint his capilli: diffuso scilicet extrorsum, vel ab incunabilis vitio, quod natura non tulerat intro.

Aliud inter hæc privatim enarrandus est affectus, plerumque cum bonis quidem aegri rebus eveniens; sed profligatu contumax, & refractarium: quod est scilicet, *Scliroma* testibus utris-



que vel alterutri circumjectum. Hoc praeterquam collisu, equitatu, post calidam affectionem refrigeratu, & caeteris causis externis, saepissime proficiscitur, ex congressu Venereo seu perperam exercito, seu *Syphilio*, quem nos dicimus, alii *Gallicum*. Nimirum, ut notat G. Rondeletius, in *meth. pract. c. de ardore urinae*; semen coeuntis interdum agitato, & non emissum, ad laxatas scroti partes per venas, quae sunt ibi multae, confluit, & ibidem haeret; ut extra suum locum perfrigeratum in durum tumorem abeat, & persistat.

Jam autem hujusmodi *Scleroma* in pueris interdum automa, cum insuetum, & extra genus omne sarcocelarum statuunt, observatione Francisci Hildesii Joannes Schenckius in l. 3. *Paratriseon medicarum*: quid & nos praeter ramicum omne genus non faciamus? Cui demoliendo mirabile sane cataplasma descripsit ipse Guliermus, eodem opere cap. de testibus, & *scroti inflammatione*. Gravioris autem notae symptoma est, quod referam. Porro solent ad articulos manuum superne transversi quidem obnaesci tumores propemodum oviformes, itemque genubus, & malleolis, qui neque corpus levant & perdolent: non levant, inquam propterea, quod ex multa materiae ubertate sunt. Indicio autem est, quod praeterquam sudoribus aut spontaneis, aut Laconico prolectis non exhauriuntur. *Arthritin* hanc *Syphiliam* vocare possis; cujus materiam frigidam, viscidam, crassam facile concipis; pituitam nimirum vitream aut hujusmodi. Atque haec quidem exposita sunt cum effunditur ad exteriora *Syphilidis* materia. Caeterum enim cum eadem intra corpus consistit: haec accipe.

*Luis venereae* duo sunt status & summa tempora: interminati, sive inchoantis unus, absoluti jam & late grassati alter; in *schefi*, & in *hexi* dixere Graeci. Ab absoluto, nulla primum manatione, sed multo languore sequutis marcescit corpus, vel faedis excretionibus exercetur, sive per penem, sive per uterum, sive per intestini ac sedis ulceratae vias; quae effluvia cerunt tanta, ut vix fieri posse videatur: praesertim si ad ulcera referas. Sed nihilominus sunt manationes non ex ulcusculis privatim, sed ex universo corpore; quemadmodum scilicet alba foeminarum profluvia, non ex utero privatim; quod Altimarus noster advertit, sed ex corporis universitate eluuntur. Has tu nullo



lo pacto cohibeas oportet ; praeterquam si labem omnem , & causam , prius exemeris atque deleveris. Quod dum facturū meditaris sedulus expende , num rite fidem opinata merentur. Nimirum etiam atque etiam difficile , ut tantae proluviei causa , quae summa intemperie fit viscerum , pauco negotio fuerit abolita. Ipse tamen interea videris , an cachexia , vel quod Cornelio malus est corporis habitus , vel quae Hippocrati κακοπλάχυνσις ἢ κακόχροια sit : sub his enim nulla unquam recta fiducia fuerit. Caeterum si juventutis vigore aut firma aetate , aut virium robore munitus homo sit ; nonnihil subire spei possis. Haec , observatione mea longa firmata , fac comprehenderis. Plurimum ad usus medendi compereris ipsa facere.

## §. 5.

EXTREMIS his memoratis statibus , tertius & medius est quidam ; id est , neque adeo gravis , neque adeo commodus , qualis est excretio periodicae *Pseudogonorrhoeae* , quae statis temporum intervallis obrepit : cujus equidem haud novi , qui meminert. Quamquam nescius non sum equidem , Joanni Langio quadruplicem discretum fluxum , ex quo viro mutuatum Hieronymum Fabricium certus sum. Verum periodicam *Pseudogonorrhoeam* , quae contagio *Syphilio* profecta non est , ambo explicarunt ; primus ego de periodica , aut etiam inordinate recurrente , sermonem feci ; quam plerisque tum viris , tum foeminis in singulos , binos , ternos , quaternos , senosque , menses accedit interdum , cum levibus subuculae inquinamentis , interdum etiam cum majoribus & longioribus. Sunt & quibus in annum resurgit ; cujus quidem circuitus causas difficillimum est assequi sic , ut probabiles appareant : quas tamen facillime produxerint hi , qui congenitis ex causis evenire *Syphilidem* opinati sunt , Theophrastus , inquam , Paracelsus , dein Alexander Petronius , & Gregorius Vella Brixienfis , & si qui sunt alii : nimirum , in horum placito recursus istos habuerit *Syphilia Pseudogonorrhoea* non aliter , quam collectis suo tempore saniebus , in *Pseudogonorrhoea* septemtrionalium incolarum , quas memorant Langius & Fabricius , vel in statis muliebrium mensium anaphoris. Sed enim hac eadem ratione , & in *Syphilia Pseudogonorrhoea*



*norrrhoea* pariter uti commodum non est; propterea, quod morbosior & enormis haec plane, neque tam ex peculiari quatuor humorum statu & conditione, quam privata sua cacoëthia, & fortasse totius substantiae proprietate, nititur *Syphilis*; nisi quod fortasse servata humorum, & sui quaternionis, legitima, rataque. Syntasi etiam vero potest ad haec accommodari *Syphilia anomalia*.

Atqui ego cum plerisque doctis sentio *Venericum* hunc affectum, & si propriis privatisque suis praerogativis, exlegibusque conditionibus, censeatur gaudere, certaue sua specie consistere, quae humoribus analogae non est: tamen haec analogia sua vacuitas in humorum subjacentium areas cadens; horum etiam affectiones & motiones non suam absolute hyperchen sequetur; quemadmodum vigor aethereus stellarum rebus hisce generalibus accedens, horum se materiae qualitatibus accommodat: aut ut pestilens omnis causa & divinum, quod Hippocrates dixit, ad eadem nostra corpora, & ad humores allapsa, sic agitant, ut subjectorum diatheses poposcerit: verum ejus rei causam Medicus eruditus agnoscet; quod *Syphilia* vis omnis, & inexplicabilis forma, principio adalligata & concreta fuit corpori substrato seminis, cujus & secundum se discreti, & corrupti per morbum, affectiones atque elementarias qualitates omnes non sequi non potest, impressa forma: quemadmodum indita flamma ligni ac subjecti cujusque corporis protogonas conditiones, naturali quodam formarum concilio, mutuoque transitu, necesse est sequatur. Itaque, quid est quod dubitemus *Syphilidem* morbum eximium, praevalentibus singulis humoribus, & horum apparatus variisque flexibus coaptari: ut expeditum jam habeas Problema de statibus *Syphiliae Pseudogonorrrhoeae* recursibus.

Sub his aliud non ignorare te velim, duos à me poni modos morbi Venerici, sanabilem, & insanabilem, hujusmodi quidem *Syphilis* est consummata atque perfecta: ante quod tempus & ante quem terminum sanabilis ipsa est. Porro perfecti morbi subjecta sedes hepatis est, ut quod aptum est veluti fons, & scaturigo ad diffundendum, perpetuandumque, malum cum vita finiturum, non ita quidem inchoatus: qui quoniam in fluxu est, & non permanet, (etenim vel ad confirmandum se pergit, vel à natura per excretionem exercetur) sic morbus adhuc non est, sed passio vel  
pathe-



pathema, quod Galeno vocabulum est *in meth.* Hujus nulla certa sedes est, quam statuere quis possit: sed satis est, vel ut toto sanguine, & humorum universitate, vagetur: ex solidis vero partibus nunc cuti, cum primum exoritur, nunc altius extimo carniū habitui, nunc membranis, nunc vasis particulisque spermaticis inhaeret. Fabius quidem Pacius, in commentario de *morbo Gallico*, quem tractatum ad expositiones librorum sex methodi priorum appendit; glandulas adaequatum, ut ipse vocat, *Gallici morbi* subjectum posuit: id quod plurimum ego verum affirmo tum in morbo confectis, tum in nuper expertis; tamen in utrisque non semper, verum in confectis quidem frequentissime: porro, quotquot *Syphiliorum* nos cadavera insecuimus, qui fuerunt certe quam plurimi; in omnibus fere, aut maxima istorum parte, vitiatas quoquo modo partes has offendimus. Atque haec nostra sententia, rataque observatio, de partibus *Syphilide* correptis esto. Ad alia nunc experimenta nostra recensenda transeamus.

## §. 6.

**H**IC *ordo felicitis effluxus* est. Verum cum hi modis omnibus laborati non eveniunt: alteri succedunt illa quidem invita progressi; sed sic tamen, ut causam ipsorum non negligat, interdum enim vi materiae productos in halitum primo, si datur, quo ad ejus fieri potest, dispergit: vel si illud non conceditur, ad apostemoden aliquem maturatum perducit; aliasque item operas & conatus edit, in his, gubernatrix corporis, in quibus mira sui studii vis elucet; ut in discludendis emarcidis ossibus, quae sub gummosis suppuratibus abscedunt: in procreando item & promovendo porro sarcoide, & in obductu demum ulceris procurando. Quoniam autem de Abscessibus cum ossis marcore suppuratis, incidit sermo; placet, ut hic explicetur Problema inter caetera hujus argumenti omnia nobilissimum, cujus expositionem scribentes omnes de *morbo Gallico* neglexere: rem alioquin edum quidem non negligendam, sed maxime curandam & pertractandam.

Scire licet, affecto capite per hos Abscessus, sic uberes aliquando subesse puris & saniei manationes, ut cerebri membranas affatim



fatim alluant : quae res quidem exitio multis fuisse deberet : illud observantibus nobis , siquidem Abscessus ab illato vulnere fiat circa cerebrum , aut ejus membranas , e sanguine de venis effuso perniciosum hoc esse. Cujus tamen causae discrimen commentus est unus , ni memoria fallit , Baptista Leo , qui *in opere de vuln. capitis* dixit à *Syphiliis capitis Abscessibus* aliquod periculum non esse , propterea , quod huic vitio alioquin automato , non autem per vim illato , assuescit natura sic , ut non laedatur extremo vitae dispendio. At quae laetalem vim inferunt , illae sunt conferctae ac subjectae mutationes , non quae sensim modice se insinuant graduque testudineo , id est , lenibus quasi momentis obrepunt. Hoc judicium haec dividendi ratio visa est multis satisfecisse , sed enim ambiguitatem parit , quod cerebrum omnibus modis aëri circumfluo subditum , omni coelo patefactum ; hujus vim ad immutandam promptam , ac non lentam , neque inefficacem , sentire deberet : at nihilominus non sentit.

Sed occurritur , quod fortasse obduratum antea cerebrum ad suppurationis attactum videtur , ob id , &c. Atque illud quoque te perturbet , quod narrat Vidiſ Florentinus *in opere de curatione gener. tract. de morbo Gallico c. 18.* homini cuidam à putrida ossis calvariae ac teredine curato , non multo post tempore , frequentem ac vehementem Epilepsiam accessisse ; mox vero sanitatem restitutam ustione per ferrum candens administrata , qua parte guttula saniei , tam prava quam parva , supra crassam cerebri tunicam defluebat. Quod si guttula , inquam , in cerebri membranam insidens , Epilepsiae ministraverat ; quid est , quod plurima incumbens sanies epileptica cunctis non est ? an peculiaris locus & capitis privati crasis aliquid facit ? sed neque sanies , ad membranas vulnerati capitis interdum accidens , hominem perdit. Quae faciunt omnia , ut quae particulas circa cerebrum repente permovent ac transmutant : hae discriminum maximae sint causae : quae sensim obrepunt & latenter obtruduntur , non item.



## §. 7.

**I**Nter haec omnia, & pulchrae indaginis usu, & optato curationis fructu, praecipuum est *Theorema contumaciae*; qua super omnes affectus teterrima & odiosa summe fit *Syphilis*. No-  
veris igitur *Syphilidis* duas esse summas facultates: alteram, quam  
suae qualitates effectusque produnt; nititur enim hac parte tem-  
peramentis singularium corporum & humorum; atque hoc sic  
afficit, prout habentes invenerit. Alteram cujus *σωματικὴν* ener-  
giam admirati quidem sunt omnes semper; comprehendit huc-  
usque nemo. Ita nimirum abdita est, ita sensuum omnium no-  
strorum & intelligentiae vim exsuperat. Ex hujus igitur vehe-  
mentia; tum, quod minime nota, quatenus his aut aliis remediis ex-  
pugnatur; tum quod omnino summae potestatis est totius sub-  
stantiae morbus, proficisci pertinaciam posse quis non videt? ex  
altero vero qualitatum & humorum apparatu proficisci eandem  
posse monstratur.

Primum; *Aphrodisius* morbus excercet homines, pro modo  
temperamenti, proque more materiae praevalentis. Sic *melan-*  
*cholici* cum primis hoc affectu correpti vexantur: secundi sunt *bi-*  
*lios*; minus his *sanguinei*; multo minime *pituitosi*; quae opinio,  
quaeque gradatio; fuit Joannis Almenaris Hispani, in libello de  
*morbo Gallico*: cujus quidem rei ratio, ac norma, nititur in eo,  
quod tradidit mirus Hippocrates, initio lib. de loc. in homine, per  
haec. *Quod enim siccus est, morbos magis recipere, ac magis do-*  
*lere, à natura solet; humidum vero minus: morbus enim, qui in*  
*sicco est, stabilitur & non cessat; qui vero in humido, diffluit, &*  
*alius aliam corporis partem occupat; semper transmigrans requiem*  
*facit, & citius quoque sedatur, utpote non stabilitus.*

Haec ille: quam quidem hominis doctrinam, ut universo de  
statu corporis latam approbas, ita & de parte ejusdem principe  
veram existima: quippe cum siccus, calidiusque, jecur exstite-  
rit, neque imperiti dubitant tunc efferatiorem vim *Syphilidis*  
futuram.

Accedit ad haec textura, quam dicunt, habitumque corporis,  
qui si vel densus vel gracilis, sive natura, sive exercitatione fue-  
rit, haec firmitus hanc labem sunt receptura, quod scite adver-



rit Jacobus Catanaeus, Genuensis, non contemnendus *de morbo Gallico* scriptor; non abfimili scilicet ratione, quam quae producta fuit nuper ex Hippocrate.

Sed humoris crassitudinem ac viscidatem quid non memoro? quae si, quod alium morbum quemcunque fovere, diuque conservare & hunc maxime possunt. Atque ita Hieronymus Fracastorius propterea valentissimam hanc contagem facit, quod phlegmati crasso, sordidoque, putat haerere; quamquam difficilis percuratu visa est eadem Joanni Baptistae Montano, cui calida quidem, sed magis sicca, intemperies censita est. Succedunt his aetates: ex quibus omnibus senilis accommodatissima est; nimirum quae melancholica est & sicca. Deinde etiam quia Razes docuit, senibus falsos plurimum succos provenire; praeterea crassos humores esse; poros suimet coalitu angustos; expultricem vero vim debilem. Sed & imbecillitas concoctricis multum facit, ut minus dextere discuti possit *Syphilis*; nam quae bona, aut quae verius non mala, proferat *Syphilis*? His adde postremas morbi causas, malasque corporis diatheses, quae sunt scilicet viscerum tum obstructio vetus, tum debilitas, cacochymia, cachexia, gibbosis ad tabem propensio, congeniti morbi: de quibus Hippocr. in *l. Coac. praenot.* & in *aliis*. His comprehensis, utique possis & contumacissimae *Syphilidos* causas cognoscere, & eventus insuper, solvendaeque ejusdem tempus & modos, praesentire.

### §. 8.


#### *Syphiliae metamorphosis.*

**N**Unc super omnia maximum praevalentis in nostrum genus *Syphilidis monumentum* exponam: quod est, scilicet, cum male feriatum, direque interminatum à se hominem, in satyricam usque formam immutat: quam quidem nonnullorum scribentium narrationem fabulae cujusdam loco admirationis excitandae libidine confictam, juvenis adhuc habueram: verum ab hinc longo medendorum ejusmodi Valetudinariorum usu comperi; tam verum id esse, quod circumferebatur, quam nulla nunc ratione vellem, spectata nostri mortalium miseria. Inter











ter caeteros enim occurrit unus Neapoli, qui potuit à multis adverti; praeter omnem modum ad hyrcinam speciem facie tenus abreptus. Utinam autem par mihi styli dexteritas, quae graphice talem exprimere queat: utcunque illum ego meo modulo describam. In memoriam autem revocandum est primum, *Syphilidi* vocato morbo fermenti plurimum inesse: cujus vis in sublimem faciem, rerum ita ferente conditione, cum attollitur, enormem plane deformitatem inducit: sic alicui nasum verrucis undique turgidum, limonii corticosi magnitudine vidi. Aliis tuberosa undique facies ac frons est notata. Alii rictu prope canino se obtulerunt: sic labia foras extulerat tumor. Quae cum singulatim immutata, tantum admirationis pariant: quid, cum omnia simul perversionum modos faciei partes singulae coacervarent? Primum enim homini misero, circa frontis utramque partem, quae temporibus respondet, projectura quaedam veluti nodosa, subsultantis inferne ossis, gummi dixerunt aliqui; cujusmodi & alia complura, sub cutem obducta, glabrum caput oblique dextra, levaque, coronae modo praecinxerant. In cujus capitis utroque latere proclivi, surgentium auricularum tum supremas pinnas, tum infimos lobos vidisses, ample distractos. Sed *episcenium*, quod oculis attrahimus, cum deglubratis superciliis atque glabella, tuberculis uno quasi clivo consertis sic exstabat; ut *subgrundium* utrimque ingens appareret: sub quibus, & verrucosis, depilibusque palpebris occulebantur à nimia viscerum ariditate retracti oculi, fibris quibusdam veluti sanguineis tincti. Inter quos nasi jugum plus semisse desierat: nimirum ossis firmamento, quod interseptum vocant, per Abscessum collapsio. Caeterum autem nasi globus flammeo circum rubore obsitus, & ad philtrum humile depressus, cum labiis nescio quo madore turgentibus; rictum Delphini, vel nescio cujusmodi pecudum, efficiebant. Consonum etiam universo faciei vitio mentum, quod lichene scabrum & pugni modo praeturgidum, infesto pondere, maxillam ad infera detrahebat; quod proxime loco dictus anthereon ludibundas barbae reliquias ostendebat. Sed malas quas dico, vel quales nunc adumbro, cum reliquis partibus? porro, liquatis circum carnibus exertisque pene ossibus; oris muscoli convulsi sic, ut risum ludere videretur homo ridendus, quin vero miserandus; qui caetero corpore quaquidem abrosus, &



phagedaenis infossus, qua scaber ac tuberosus, languidus ad summum totus, squalens ac dolorosus, ut etiam commemorantem ac describentem me compleat horror. Satius igitur lepidissimi poëtae Fracastorii sit audire rapsodiam.

*Ipse ego Caenomanum memini, qua pingua dives  
 Pasqua Sebina praeterfluit Ollius unda:  
 Vidisse insignem juvenem; quo clarior alter  
 Non fuit, Ausonia, nec fortunatior omni.  
 Vix pubescentis florebat vere juventae,  
 Divitiis, proavisque potens, & corpore pulchro.  
 Cui studia, aut pernicis equi compescere cursum,  
 Aut galeam induere, & pictis splendere in armis;  
 Aut juvenile gravi corpus durare palaestra,  
 Venatuque feras agere, & praevertere cervos.  
 Illum omnes Ollice Deae, Eridanique puellae  
 Optarunt, nemorumque Deae, rurisque puellae:  
 Omnes optatos suspiravere Hymenaeos.  
 Forsan & ultores superos neglecta vocavit,  
 Nonne quicquam aliqua, & votis pia numina movit.  
 Nam nimium fidentem animis, nec tanta timentem  
 Invasit miserum labe; qua saevior usquam  
 Nulla fuit; nulla unquam aliis spectabitur annis.  
 Paulatim ver id nitidum, flos ille juventae,  
 Disperiit; vis illa animi; tum squalida tabes  
 Artus (horrendum) miseros obduxit: & alte  
 Grandia turgebant foedis abscessibus ossa.  
 Ulcera (proh Divum pietatem) informia pulchros  
 Pascebant oculos, & diae lucis amorem,  
 Pascebantque acri corrosas ulcere nares.  
 Quo tandem infelix fato, post tempore parvo,  
 Aetheris invisas auras lucemque reliquit.  
 Illum Alpes vicinae, illum vaga flumina sterunt.  
 Illum omnes Ollice Deae, Eridanique puellae,  
 Fleverunt nemorumque Deae, rurisque puellae:  
 Sebinusque alto gemitum Lacus edidit amne.*

Hi blandae scilicet voluptatis, hi tenerorum complexuum sunt fructus: heu tragici tantum & miserabiles! quantum inter multiplices cruciatus amisisse vitae dulcedinem? & quantum ex humana



mana specie transmigrasse in brutam? cujus ejusdem haec adumbrata vobis esto figura.

§. 9.

**I**AM autem ad exactas *Syphilias* adversiones incertus equidem sum, an ab ullis Medicinae candidatis requirar, ut ejusdem morbi Curationem exponam. Dubius etiam, quod vulgata jam sunt haec, & nullis non antehac pertractata: ad quae alioqui longe plurima, quis aliquid addere, vel audeat, vel possit? verumtamen praereptam cuiquam, ad hoc tempus ea de re tradendi, facultatem haud opinor; qui videam vastissimam exhiberi materiam à morbo, qui, ad hanc aetatem ad usitata remedia plerumque contumax & inexcussus manet; quapropter ad insueta & nova transire saepe necessum fuit. Ex quo genere cum sint Chemica & ad Hermetem primum experimenta relata: de his est animus inquirere, quae praestantissima puto: rem autem cum experientissimis aliquot Doctoribus exsequar; qualem, inter caeteros, existimo Josephum Quercetanium, & Rodericum Fonsecam, qui de hoc argumento tradidere, scriptis ea de re consiliis, quae tu visas opto.

Fonseca quidem illam ingressus fortasse viam, quam praemonstraverat Hippocr. in lib. de alimento, pharmaciae modum in escas induxit; ad has adjectis alexipharmacis, abdita quadam facultate valentibus adversus *Luem*, cogitatum, ut equidem arbitror, amplexatu dignum. Enimvero, dum partes solidae nutrimentum adveniens in sui substantiam applicant, & convertunt: medicata vis, quae subest, morbosam partium affectionem paulatim corrigit, munitque ipsas, ut cum sublevato calore nativo vitium omne depellant: ita panem initio confici docet cum diluto, decoctove, *Sparti parilis Indici* vel ligni *Quajac.* vel radicis *Chinae*; cum quibus & carnes pullorum, atque aliorum, praecepit incoqui, ptisanam item ac necessariam omnem escam, praeparat autem & *Vinum Indici Sparti radicis medicatum* ad hunc modum.

*Cape Sparti parilis Indici concisi. lib. ij.*

*Vini albi mediocris non dulcis. lib. xxx.*

Vase, quod receperit, ad ignem admoto, vino primum infer-



vescenti *praeparatum Spartum* immittito, quorum ebullitione competenti facta, removendum ab igne vas, pannisque obvolutum triduo fervandum, & rursus igni subjiciendum, quoad ferveat, quo tempore transcolatum *Vinum* infundito in dolio-lum, quod capiat libras centum: & *de hoc*, tribus diebus obturato, atque intacto, *deinceps hauri*, quod necessarium est, *mane vesperique*, tum in prandium, tum in coenam.

Haec in victu curatio est, quae continenter in longos menses servari debet. Post haec cogitandum est de medicamentis, quae nullo non iudice viro docto, vel experto, non alia sunt, quam, quae gens omnis amplexa principia retinet ad hanc diem: *lignum* inquam *Quajacinum* dictum, & *Hydrargyrium*; seu quidem haec à prudentibus experimento seu ratione primum excogitata fuerint.

*Nempe Dei haec pietas terras non posse malorum,*

*Nec simul expertas vindicis esse manus.*

Verum enimvero, Quercetano delectus horum & apparatus est, qui requiritur solum. Itaque rejectis vulgatis, hominum modis, exquisitas aliquot horum praeparationes proponit, tum experimentis, tum rationis suffragio maxime commendabiles. Primum autem statuit, ut in rebus quidem omnibus, ita & ligno *Quajacino spiritus esse acidus* plurimum necessarios, qui vi sua extenuent, eleventque mali constabilita concrementa; non aliter, quam acidus fermenti spiritus panis crudi crassamentum leve reddit ac sublevat. Indicio autem est clarissimo, quod elicitus ex eodem *Quajacino*, sicut ex Quercino, Juniperinoque, ligno spiritus Calcanthinus non minus, quam ipsius Calcanthi spiritus corallia, margaritas & alia dissolvere visus est: quod quotidianum Chemicarum est experimentum. Accedit, quod praestabilis *eiusdem spiritus aciduli virtus est extenuandi crassas humorum materias, in sudores elevandi, ac per corpus omne diffundendi*. Adeo autem praestans aciduli, ejusque spirituum, est vis, ut hujus ex *Quajacino*, Junipero, Sulphure, Calcantho atque Hydrotica, omni materia secreti guttulas decoctis, quibusque *Quajacini* vulgo paratis, anteponat longe Iosephus: id quod, suo non semel facto periculo, testatus est. Deinde, supposito quod iisdem simplicibus medicamentis spiritus faciles exsolutu, dissipatuque, sunt, diu ad ignem exercitu, sine cautione fer-



fervorisque retorridi moderatione: sic tertio damnato more nostrorum hominum, qui ad quadrantis aut semissis absumptionem dilutum igne urgent, sic enim ut tenuissima atque optima medicamenti pars non in auras rapta dissolvatur & exspiret?

Praeterquam halituosam Calcanthi portionem, & alterae Mercurialis, Sulphureaeque sunt ad sudores exprimendos apprimae nobiles; quae perperam usitatis illis ligni decoctionibus, quo pacto non dissidentur rapaci & longo ignis adhaesu? Sic probatissimam suam apparandi rationem exposuit Quercetanus, quae est. *Principio tum scribe ligni, tum aqua quanta suffecerit, conjecta in retortum vitrum, quod nosti; hoc Hermetico luto conclusum igni, cinerum vel ad halitum aquae ferventis impone. Exstillabit tum aquea quaedam, tum acida, portio, Mercurialis & spiritiosa; atque hac tenuior etiam sulphurea sive oleagina, tertia haec & preciosa, & palato non insuavis, Quajacini secretio suo ipsius decocto millenis momentis praecellit, ut uncias hujus binas aut ternas, libra vulgaris decocti potiores sis experturus. Licebit etiam universum humorem destillare ad semissem, & quod exceperis cum decocti reliqua parte percolata commiscere. Caeterum in sedimentum ex prima destillatione residuum, affusam rursus aquam plurimam, per horas duodecim, cum primis caementis ad coalitum relictam secundo premes igne; ut qui proliciatur humor saccharo vel cinnamomo conditus, tum prandio, tum coena, & reliquo etiam tempore, possit usui potus esse.*

*Ad haec residuis illis binos jam ignis adhaesus expertis, & Mercuriali suo symbolo exutis, si tertium ignis furorem immiseris, oleum inde recipies ex nigro rubens, quod gummi, phagedaenis ulceribusque Syphiliis & cancris percommodum erit. Sed neque faeculas illas post inculcatos tot ignei caloris impressus, sua carentes gratia, reperies; has enim modo cinerum arefactas atque contritas, si ultimae destillationis aqua principio per te servata dilueris saepe ac saepius; praegnantem cremoris utilis aqua reclinata & separata; salem demum habebis ad sudores ciendos praecipuum, ad alvum vero bis terve dejiciendam non contemnendum.*

Post haec Argenti vivi praeparamenta sunt recensenda: quorum Turbith minerale primum ab eodem auctore Quercetano, in Pharmacopaea restituta, descriptum ad unguem est, non recitandum hic a me superfluo labore, quod illud opus omnium manibus terri videam. Est & altera Turbethi mineralis descriptio apud Of-



waldum Crollium, *libro* quem *Basilicae chemicae* inscripsit. Alterum est *spiritus Mercurii*, qui, Quercetano auctore, parabitur facile, *si super fluidum Argentum oleum ammoniaci salis affuseris*, hoc enim metalli compages continuo resolvetur, cujus resoluti portio cum interne cum *Vini* haustu, tum externe illita mira praestabit eorum, quae tu quaesieris *Syphilidem*, & ejus symptomata, propellens. Praeter haec & illo medicamento Strumae dissolventur, si credimus experimentis, quae multa Josephus exposuit. An autem homini praeterea crediderimus, qui scripsit, oleo Mercurii palmis, plantisque pedum, illito, *Luem* hanc discuti per sudores? Id certe confessum ab omnibus *ad Syphilios* quoslibet contumaces *affectus* expugnandos, nil praestantius exstare *Mercurio*: cujus etiam varios apparandi modos descripserunt Oswaldus Crollius, Bernardus Penodus, Jacobus Veccherius, Philippus Mullerius, & Joannes Beguinus, & horum omnium postremus Petrus Joannes Faber, *in Chirurgiae Spagyricae sect. 3. c. 13.* Qorum omnium Auctorum singulos locos, *in Chirurgiae chymiatría* nostra, produximus.

## C A P. XXIV.

**H**isce novissime observatis Abscessibus adjicimus & alios, non minus lectu jucundos, quam scitu necessarios, in superiori editione promissos.

## C A P. XXV.

*De Cornu referentibus Abscessibus.*

**C**Um Jacobo Rigitano Locrensi, Medico Doctore, probato, vidimus *Corniculum*, in frontis angulo subortum, Carolo sartore, ad D. Dominici sartoriam officinam habente, *Corniculum*, inquam, parum eductum, quale vel cervae vel vitulae primordio exsurgit. Tale quidem mire depinxit Flaccus, ad Julum Antonii Triumviri filium scribens, *l. 4. carmin. 2. per haec.*



*Me tener solvet vitulus relictæ  
Matre, quæ largis juvenescit herbis  
In mea vota*

*Fronte curvatos ignes  
Tertium Lunæ referentis ortum.*

## C A P. XXVI.

*De Abscessibus naturalibus, h. e. inoffensa sanitate,  
inculpatæ materiae turgore, venientibus.*

**R**Estant e tot multis Abscessuum generibus quidam, qui, me iudice & adversore, nullo cum hominis detrimento, quin etiam augmento, fieri consueverunt; quos vel hoc ipso titulo, quod solius naturæ præstantia & accessu meliore proficiantur, statim cum admiratione excipient non pauci; verum si me audient, & mecum ipsi concordabunt, & admirabilis naturæ factum, posita jam admiratione, collaudabunt. Cum primum indunt ephebi ac sentiunt sese hircitallos, h. e. crassescere sibi vocem, & inter acutum & grave modis inaequalibus, asperisque, stridescere, quemadmodum natura sit hircis graece τραγίλειν, sub hoc inguina, sponte sua, sibi distendi atque extumescere advertent: durabit autem hic tumor Luna una vel circiter, donec sua itidem sponte secedat; similiter & puellae, quæ pubescunt, jam jamque nubiles fiunt, in unanimis, adenas in globulum exaltari experientur, & sua fororiandi primordia, quam rem non intelligentes Medici vulgares medicamentis providi tractant, stultitiam natura ridente. Porro fiunt utraque glandularum incrementa, capeffente jam hominis natura, præstabiliorem conditionem & usum, qui est viro quidem ad seminandum, foeminae vero ad excipiendum non praematurae semen. Ratio autem συμβεβηκός pueris quidem, dum ad loca generationis proxima commotus derivat succus; puellis vero dum plusculus ad mammas adfluit humor, alimento pueri ὡς φαεινὰς ἰνὸς: qui adfluxus à nostris dicitur *la fava*, quod fabae nimirum vocentur ab his glandulae universae: quod genus quidem tumoris, in Parthenophylacio Spiritus S. Neapolitano, plus centies observatum, & à nobis comprobatum, fuit.



Quoniam vero de foeminis & de bubone criticum emen-  
tiente dictum est; utrorumque mentione ac rerum similitu-  
dine factum est, ut alius jam succurrerit animo memorandus  
& criticis accensendus bubo; qui mulieribus jam grandibus  
ex mensium mora nasci suetus est; de quo Hippocr. in l. de  
nat. pueri, & principio de morbis mulierum, scripsit haec;  
quibusdam ubi bimestres aut trimestres, aut diuturniores fuerint  
menses & ad lateris mollitudinem allapsi fuerint, cum non sup-  
purati sint menses, velut Tuberculum fit supra inguen, sine ca-  
pite magnum, rubrum; & vulgus Medicorum ignarum quid hoc  
esset, jam saepe secuerunt, & sic rem in periculum induxerunt. Cae-  
terum illud, quod veluti Tuberculum fit, tali modo fruitur sanguine  
caro ipsa, utpote osculo uterorum lateris mollitudini adjacenti, &  
impletur caro ab ipso, & insurgit, & eminent velut sanguine reple-  
ta; & aliquando si transmotum fuerit os uterorum, & ad pudendum  
conversum, & menses processerint per pudendum, id quod circa late-  
ris mollitudinem eminuit, sedatur: in uteros enim distribuitur, hi  
vero foras laxantur. Haecenus Hippocrates de bubonis foeminei  
generatione & modo.

Vias autem Abscessus proprias adstruxit Julius Caesar Arantius,  
in libr. de Tumoribus p. 11. c. 46. per haec; scire enim licet vasa,  
quae per inguina feruntur, majoris illius jam soboles esse, à quo va-  
sa in uterum propagantur, ut ab utero ad inguina turgens in ve-  
nis humor facile derivari queat, haecenus nos de triplici bubone  
salubri.

## C A P. XXVII.

*De Abscessu ἐπίσημα dicto, Morbum originarium  
elevante.*

**H**ippocrates, in l. de Morbo sacro, n. 9. scripta reliquit haec.  
Si vero modica existens pituita in utrasque venas defluxum fe-  
cerit, aut in alterius partis, supervivunt, nota ex morbo impressa  
relieta; aut enim os convellitur, aut oculus, aut cervix, aut manus;  
ubicunque sane vena pituita repleta superata fuerit, aut gracilis red-  
dita. Hanc itaque venam necesse est debiliorem esse, & hanc corporis  
partem laesam defectuosiore. Verum ad longius tempus plerumque  
prodest;



prodest ; non enim amplius morbo apprehenditur , si semel *Notam* impressam suscepit.

Et numero 10. Quibuscumque aut imperfectis & valde modica pituita defluxerit , & ea in dexterarum partes ; hi citra notae impressionem , supervivunt : verum periculum est , ne morbus connutriatur , & simul augeat , si non his , quae commoda sunt , curetur. Haec quidem ille cum aliis plerisque superius traditis. Quae divini hominis effata si perpenderis , si plene comprehenderis , vides Lector , materiam Morbi sacri , quae pituita est , ut plurimum suffusa in tenues infantium venas , atque his succi crassitudine & copia confarctis , obstructisque sic , ut via spiritui praeccludatur , sanguisque congeletur , perimi pueros. Sic ex adverso , modica pituita in utriusque lateris venas , aut in alterutras , delapsa , non perimi pueros , verum ipsos in vita relinqui ; *Nota* , quam ἐπίσημα vocavit , à morbo impressa relicta , hoc est , oculo , ore , cervice , manu , convulsis : quae causa interim est , ut pars venam ambiens reddatur debilior , venis scilicet reliquis simul repletis , & gracilibus factis. Dixi jam , si modica irruens pituita *Notam* reliquerit in infantibus. Quod si valde modica pituita defluxerit , praesertim in dexterarum corporis partes , vides etiam per Hippocratem ἀσθυνας , id est , citra *Notae impressuram* pueros supervicturos ; quamquam non sine periculo , ne morbus connutriatur : & cum augefcentibus pueris simul augeat , nisi arte praeventatur.

Itaque jam noscitur , quae sit ejusmodi *Nota* , ac quanti in morbo sacro momenti sit ; quatenus aut ferme liberet , aut pueros retineat sub periculo , ne connutriantur. Verum enim vero , si licet novum quidpiam cum Hippocratis norma statuere *Notam* hanc , ne dum in morbo sacro , sed etiam in apoplexia , comate , caro , catoche , catalepsi , & in alia quacunque , sed gravi cerebri noxa , si relicta in subjecta aliqua parte fuerit à morbo impressa ; credam equidem hanc pari pacto benefacturam , nec solum *Notam* convulsionis , sed & paralyfis , tremoris , atrophiae , languoris , & cujusque contracturae , qualem Aureolus Theophrastus nominavit. Quas ob res , siquidem Abscessum , ἐπίσημα graece , latine *Notam* , notare scriptis hisce nostris & inter alios multos reponere voluerim , ne ineptum quidem illud videatur ; praesertim quando ex divini Magistri placitis



citis petita observatio fuit: sed haec, ut neque incongrue videamur fecisse, qui notas istas inter Abscessus reposuerimus. En ipsius magni Dictatoris exemplum; qui *l. 2. praediēt.* scripsit, *impetigines & leprae & vitiliginēs albae leucae appellatae, quibus quidem juvenibus, aut pueris aliquid horum factum est, aut paulatim conspectum in multo tempore augeſcit, his non putare oportet, Abscessum tam popularem eruptionem aut morbum.* Quae quidem Hippocratis verba ut plene intelligantur, est annotatio lucida Hieronymi Mercurialis, qui subdit haec; quid sit Abscessum esse & non morbum, atque e converso forsan non omnes intelligunt; verum intelligent facillime, si sciant, Tumores vel sponte oriri atque ex sese operationes laedere, si enim primo modo fiant, morbi sunt; ut docet Galenus *l. de differentiis morborum cap. 9.* sin autem secundo modo, symptomata potius, quam morbi sunt appellandi; quod itidem in lichenibus & lepris statuendum est; quae si sint symptomata, Abscessus esse scribit auctor, sicuti si fiant citra alias aegritudines, vocat morbos.

## C A P. XXVIII.

### *De Tuberculis lapidicondis.*

**R**Etulerunt quidem priores rei medicae scriptores, in Abscessibus anomalis reperta corpora lapidiformia, factis scilicet his heterogeneis & pluriformibus. Verum, qui Tuberculum, praesertim exteriori habitu corporis, ex unica uniformi lapidea substantia constans memoriae prodiderit, haecenus legi neminem. Hoc autem genus obtigit vidisse mihi anno hujus seculi quadragesimo, mense Majo. Porro, speciosa quaedam & honesta foemina oppidana Fractensis, cui Arborellae nomen, à viro suo, & à Damiano de lo Proite Doctore, Chirurgo perito, meo quondam auditore, ad me perducta, qui scirrhum foeminae Tuberculum pone jugularia vasa situm dextera exstirparem. Attrectato equidem Tuberculo, professus sum confestim, supra quam *scirrhomem* esse *duritiem*, atque adeo *lapideam* videri, quod meum enunciatum continuo Medicus confirmavit; nimirum, quod diceret propemodum incredibile, quam multis, quamve valentibus, malacticis tentatum, tamen indies solidius per-



permanfisset : tandem ventum est ad id , ut omnibus modis vellet mulier eximi sibi malum , etiam cum respectu , quippe quae informem affectum in tota vita pati nollet. Nempe apposite Celsus , in sexto , *foeminis quidem ornandi sui cura eripi non potest.*

Itaque aperta per semilunarem sectionem cute , deinde pollicum binorum expressu , facile sectum est , castaneae forma & magnitudine Concrementum , at inaequale & semisepultis quasi botris undique discretum , lapidea duritie ac densitate , quod in aquam coniectum rubellum perstitit propterea , quod amiculum praetenue , venulis & fibris oblitum , pusillulis secum protraxisset adstrictissime obductum. Interim una ad aequalitatem recepta fibula , & eccrissi enaema sanguinis microcosmi tractata plagula brevi est coalita. Quod lapidis genus vidit & hoc anno 1641. dum apud me degeret Neapoli , solertissimus naturae investigator Joannes Georgius Volckamerus , Norinbergensis , atque alii plerique maxime admirati. Alias autem vidimus & de batrachio detractum lapillum coryli forma Jurisperito , cui Octavio nomen. Qua mea jam observatione demonstrata , idem modo memoratus Vir retulit , continuo visum a se lapillum nuclei dactulari formam repraesentantem , quem dexterrimus & sagacissimus Anatomicus ac peritissimus Chirurgus , Johannes Georgius Wurfung , Bavarus , Practicus Medicus Patavinus , foeminae cui piam anno praeterlapso 1640. Patavii extraxerat ex angulo linguae subdito , secundum ductum ejusdem linguae locatum.

Haec dum accepisti , Lector erudite , credo discrevisti duos jam modos considerandarum lapidearum materierum esse Abscessibus ; alterum quidem eorum , qui immergantur & innatent propemodum , in sinu cystive anomalorum , sub infarctu pultaceo adipeve pleniore ; qui totum sinus ambitum complet , adeoque haec illorum substantia omni undique superficiei cavae conceptaculi non arcte adhaeret , neque idem conceptaculum una complet aut exaequat.

Alterum modum continendi vides , qui est , quantum sinus arcte materiam comprehendit , & vicissim hic comprehenditur ab eadem ; qui modus à priori distat , tum quidem in eo modo complectendi , quem modo dixi cum mutuo adhaesu perfecto , tum etiam quia modus hic est cum simplicitate materiae conjunctus ;



quare privatus est anomali calculus, ille vero promiscuus. Verum enim vero nec tantum homogeneae & heterogeneae substantiae varietas est, nec solum in haesus, receptusve, discrimen est, verum etiam generis anomalorum nobilis est diversitas, quando novum hoc genus duricondum videatur, non autem species sub Atheromate vel Steatomate comprehensa. Quod enim tria tantum genera non plura priscis sint prodita, credo equidem factum, quod praecipua haec genera voluerint trinario solum anomala conclusa, praeterquam quod omnia semel simulque mortales consequi divinitatis potius videtur quam humanitatis. Atque hoc οὐκ ἔστι φύματι λίθοφόρος nostrum esto iudicium.

Jam vero quod lapidum interiore corpore concretorum meminisse nolens, de his jam volens dissero paucis. Hippocrates quidem in 5. *epidem.* 2. lapidis asperi in utero concreti meminit. Paulus vero Aegineta, l. 3. c. 41. ejus, qui in tenesmo rejectus est; sic calculus sub lingua procreatus Avenzoari l. 2. *Theyzir. tr.* 2. c. 2. & Gentili referente Nicolao *serm.* 4. *tr.* 1. c. 6. Jacob. Foroliv. l. 4. *aph. c.* 29. Montuus l. 4. c. 1. Joubert. *decad.* 2. *paradox.* 8. Forestus l. 14. *observ.* 26. Zavitus Lusitanus l. 1. *de princip. med. histor.* 10. Aëtius *Tetrabibl.* 3. *serm.* 1. c. 30. natos raro licet calculos in colo testatus est. Johannes Centimanus l. huic ipsi narrationi dicato, duodena lapidum genera variis humani corporis locis accreta prodidit. Nos duas hujus generis exploratissimas historias trademus.

Prior haec esto. Franciscus Compagnus auditor quondam meus, nunc Medicus & Chirurgus, arte probatus, certa fide narrabat, Scipionem Pelusium, qui dolorem intensivum in mejendo acerrimum, tetrae ac viscidae spurcitiei emissu, sentire consueverat, calculos per anum tres nucis juglandis forma excrevisse. Hanc autem, & omnes, superat tum rei magnitudine, tum fide probatissima, traditio lapidis, qui apud nos est, anserini ovi magnitudine & forma; hunc in colo demortui cujusdam hominis dissecti Romae in Valetudinario D. Jacobi Incurabiliū, oculis & mente rimatus reperiit Anatomicus exercitissimus, & Physico-Chirurgus praestantissimus, Nicolaus Larcheus; qui, qua est humanitate & animi candore, pleraque hujusmodi sua observata solitus est ad me transmittere, quippe  
qui



qui rara & nova gesta jam indies adnotare ; sed de lapidiformibus concrementis nolim jam plura quam satis.

## CAP. XXIX.

*De atro cruento labii Tuberculo.*

SED & lacteolae infantis, vix semestri spatium emensae, Andreae cujusdam holoserici Mercatoris filiolae, *atro cruentum Tuberculum* labio inferiori agglutinatum nedum observare mihi contigit, sed & curare, molliusculum, non aequabile, interne etiam prominulum, testudinis terrestris ovo majus; cujus objectu laboriose, cumque ejulatu, simul & exsuctu minus felici, remixtis, infantula victum attingebat. Ac ne attingebat quidem, ne proinde adjutans nutrix prompta manu, compressis assidue mammis, quaesitam nectaris guttulam aridum in os infunderet: ad quam calamitatem diurnam, nocturnamque, levandam accitus ego, miseris in rebus adhiberi solitus sum, non tam Poconiam quam Chironiam opem necessariam denuncio; cui decreto remissus à parentibus nuncius continuo fuit, qui tamen, post aliquod tempus, auxilii cujusque puellulam videntes exfortem infortunioque obnoxiam, perpetuo per Deum, perque homines, orarunt me supplices mature succurrerem, ferre nec se nec misellulam infantulam posse longiora supplicia.

Tum accedens paratis omnibus, quae de more requiruntur, aureis ignitis scalpellis, sanguineum offensamentum omne sum demolitus; sanguis quidem fluere paratus & abunde fluens nostris nonnullis adminiculis retrocessit; Curatum empyreuma per dies plusculos; interea dum expressa de papilla per manum lacte sustineretur infantulae vita, perpurgata caro, cicatriculam recepit, vivitque puella laeta jam annis & libera. Illud jam non est omittendum, natam infantem de matre sanguineae plenitudinis & corpore sane praefarcto; ut videantur jam apte respondisse, superflua foetus concrementa generationi & sanguinis affluentis undique primordiis.

Alter infans mihi sese obtulit, hoc anno 1642. sexto plus minus mense natus, cujus labium item inferius mirabile visu fuit; nam magnitudine praecaltum, ut pueri ipsius pugillum aequaret,



naturalem formam tum interne, tum externe excedens, colore violaceo, aliquando dilutius, venarum furculis quam creberrimis distinctum; figura linguae testudinis marinae, id est, crassus seu bucca seu mento tenus initiis in quoddam quasi rostrum & in sinum dedolatum ad summam de ore infimo exstabat, modo pinnulae pulmonis leporini; quae quidem animantis pinnula, objecta matri fuerat cum utero gestaret in esum appetita medici mensibus: extra autem opinionem nostram de suctu infantis sciscitati rescivimus, in tam magno offensamento neque amissum infanti suctum, & hoc etiam lac sibi prolicere non difficile: sic edocti scilicet & instructi à natura procedimus ad exsuctum, quam rem adulti vix ullo possumus ingenio comparare. De vitii vero curatione requisiti respondimus, praeterquam ab lactatum infantem non adigendum in Chirurgi manus, nisi grandiusculum factum, tum futuram tutiorem curationem, quando vita pultibus & sorbilibus sustineatur; in cuius alioquin discrimen facile, hoc praecipue tempore, & per ulcus, & per sanguinis compescendi, necessitates, sublato suctu liquido conjiceretur; qui puer, & matre prognatus est summe melancholica atque hepate retorrído: ut peracri phantasia illud monstri pareret in suo genito; sed de hisce *natis* infantium sub utero impressis alias fortasse privatim.

## C A P. XXX.

*De Abscessibus natura fistulatis.*

**Q**Uantum quidem observavi, diu factitans Medicinam, terrena sunt à totidem causis prodita *fistularum* genera; *Unum* quidem eorum, quae fiunt malo medentium consilio, qui, Tubercula, collectiones & ulcera curantes, sinunt haec facile fistulari, vel in cavitatem quampiam serpere & penetrare, desito vitio, vel quod ante callus obducatur ulceribus sinubusque, quam hos sanie deplerint aut carne replerint. Hujus generis meminit Ludovicus Duretus in Hippoc. *coacas praenotiones, corollario de fistulis*. Aliud genus est earum, quae producuntur à morbi vi, quae vinci non potuit, utpote cum amplissimus sinus & vasta lacuna vel exhauriri superfluitatum affluxu, vel carne jam longe late-



lateque absumpta compleri, atque adeo coalescere, nequit. *Tertium* genus est earum, quae naturae, vitae, & sospitatem homini satagentis & providentis consilio, parantur; materia scilicet mala de toto corpore, vel de hujus obfesso viscere, per destinatas huic operi vias in viliores, ac laxiores, partem quampiam amandata, sine cujus effluvio deterius malum futurum animali fuisset. Itaque sunt hae *fistulae* rei statusve melioris, si recte naturae prospicientis arbitrium intueri noverimus: quod institutum, quoniam à Magistra nostra, bonorum nostrorum discretrice, parente proficiscitur, facinus hercle sit, aut antevertere, aut divertere, aut retrahere, aut amoliri, aut cohibere, conarit: tametsi enim haud criticum est illud opus, nihilominus, quia cum profectu est animalis, amplectendum est beneficium & à parente benefica agnoscendum. Porro, praeterquam in cacheticis, i. e. habitus corrupti hominibus id non fit, aut fit nova succedente affectione sub morbi prioris superfluitatibus & reliquiis: de quo secundo genere professus Avicenna fuit haec; *ulcera generata successione aegritudinum sunt mala, quoniam natura repellit ad ea residuum corruptionis superfluitatum.* Mala autem haec Germina censuit Avicenna, quia sanationem non sint adeptura, haec autem fistulas non malas visus est judicasse Hippocrates, qui *lib. de humoribus 28. & l. epidem. sect. 3. §. 35. fistulae*, dixit, *Abscessuum aliorum medelae.* Ab his enim fistulis, inquit Galenus, *in com. de humoribus; sicut etiam ab haemorrhoidibus repurgatur redundantia humorum in animantis corpore collectorum, ac plerique non secus quam ex haemorrhoidum excretionem, hujus evacuationis beneficio integra valetudine perfruuntur; ut igitur neque oscitanter neque sine magna diligentia curare haemorrhoides oportet, ita, ne fistulas quidem: necesse enim est, ut humores suppressi & dolores & morbos pariant; eosque ejusmodi, cujusmodi sunt humores, qui redundant: non igitur à ratione alienum est, quod dixit, fistulas esse aliorum morborum remedia, sicut de haemorrhoidibus loquens, affirmavit eos, in quibus illae essent, neque lateris dolore, neque pulmonis inflammatione, neque caeteris corripere morbis posse.* Haec ille; caeterum, ut discernantur hae *Fistulae*, naturae providentia paratae ab his, quas vel prava medentium curatio, vel morbi vis peperit, operae pretium erit exponere. Utinam autem id tradere nobis primis hujusce rei auctoribus liceat; sed allaboremus.



Haec igitur discrimina, tum corporum status varii, tum morbi vitiaque docebunt. De corporum habitudine nunc pauca. Si haec bene colorata, si bonis visceribus, succisque praedita; si-ve per haec, si-ve per evidentes causas *fistulas* promant, à Medicis parum scientibus curata, dicito *fistulas* ab homine non autem à naturae opera factas; sin minus intueri naturas patientium oportet, quemadmodum docefecit nos Hipp. in l. praedict. 2. num. 17. professus haec; *species hominum bonae sunt, hae leves & commodoratae & bonis visceribus praeditae, & neque valde carnosae, neque durae: juxta colorem vero sit species alba, aut nigra, aut rubens; hae enim omnes bonae sunt, si purae sint; si vero pallidus color admixtus fuerit, aut color ipse pallidus aut lividus fuerit, pejùs est: species vero, quae praedictis contrariae sunt, eas deteriores esse scito.* Haec naturae discernicula si rite recteque spectaveris, Lector, facile discreturus es & corpora, quae *fistulatis Abscessibus* sunt parata: atque ita, si me Deus bene amet, nonnullos & divina vi malo huic obnoxios, qui vere jam erant, nec quicquam aperuerant; & praeterea nonnullos ex his curari se volentes dimissi, monitos, ne se curent, quibus tamen ulcus obduci fuerat facile.

Narrabo huc auditu non indignam & memorabilem Historiam, quae est. Sacerdos quidam apprime pius, cujus nomen reverentia E. non audeo publicare, perpeti solitus, *haemorrhoidas* lenes, ex Tuberculo pone podicem residuas, curandas obtulerat *fistulas*, doloribus diurnis ac nocturnis afflictantes adeo; secundum pubem, atque os coccygis, ut nulla se miser consolatione tueretur; nisi quod haec quasi martyria reciperet voveretque Servatori Christo. Exhorrescere fuetus fecum excernendarum necessitatem propterea, quod supplicii modo torqueretur in his reddendis. Hanc ob causam emetico levi stomachum imbecillo viro perpurgo; secuto levamento per eductam bilem amarā, ad fistularum negotium appello manus, quas fistulas cum judicaverim respondentes ex altero orificio in alterum deducto, specillo stanneo funiculum ducente, relinquo funiculum, *Cerato ecpyitico*, tinctum: mirum visu fuit, quam subinde levare dolores ceperint omnes, retroagi febricula, somni diu expetiti obrepere, ventriculus reconciliari, vires denique restitui, non triduo vel quatrduo, verum etiam in dies; quare non tam lau-



laudandum funiculum medicatum quam suspiciendum θεοδώραν ac divinitus missam existimavi sic, ut eundem provisioni malorum & cautioni perenni decreverim: de curandis vero affatim fistulis cura renunciata. Quod consilium ut sequerer, multa suaserem, atque ut in unum complura referam physiognomonica: Pusillus & macer homo; voce exili; pene glaber, tum mento, tum superciliis, tum toto corpore; fronte perampla; pulsu arteriarum exiguo; colore inter plumbeum & pallescentem medio; paucae escae ventriculus & pauci potus; quamquam ad potum propensior, quam ad escam; actiones omnes lentae, laxantibus quibuscumque citatior alvus. Haec homini naturalia fuisse, ex his vero quae p. II. praesertim quae circa ulcus superfuitates, ichorodes quamplurimae; quod unum inter multa fuit argumento, sanguinem huic viro crudum & ichorodem fore: venit autem hac observatione in mentem mihi, quam accurate Hippocrates melancholicam cruditatem appellaverit; quas ob res itaque maxime confirmatus sum, ut *fistulas* hasce crederem morbum congenitum, indelebilem, incurabilem, sicut curandum non attrectarim, Hippocrati monitori parens, & suasionibus naturae jam dictis.

## CAP. XXXI.

*De Abscessibus forulatis.*

Sunt Abscessus, qui sponte dirupti forulum relinquunt, qui Sforulus vix spectabilis est: quare ut curentur expressione sola, velut furunculi contenti sunt; curantur autem cito propterea, quod carniū natura minimum fuerit extrita suppuratu; materia quippe substrata plurimum ichorosa: *forulatos* hos jure vocaveris ad eum prope modum, quo natura fistulatos Abscessus dixit Hipp. l. de humoribus; sic linguae tumorem magnum, adeo, ut os totum oppleret, cum collega Josepho Civella Benincata, solertis ingenii Medico curavi, qui Abscessus quidem suppuratus & diruptus, eo quem dixi modo, compressus refedit.



## C A P. XX XII.

*De Abscessibus, qui in partes solidas putredinem invexere.*

**I**N puella bima Ferrantis de Afflicto filia post apertum Abscessum, qui viginti quinque diebus suppuratus fuerat, repertum ligamentum humeri & radii jam diruptum, qua calamitate in tenellula infantula quid miserius? In Joannis Domini Mammoli Florentini Atheromate, quod genam prehenderat, ossis jugalis caries. Itemque sub Atheromate selectae matronae Aureliae de Ligorio, verticis os labefactatum, & cancrusus affectus est inductus, qui postmodum à me vividi ignis praesidio curatus est: sic etiam in aliis plerisque, longo Atheromatis inhaesu cariem & teredinem ossi substrato convectam vidi. Quam rem discant hi, qui, quod nihil molestant hi Abscessus, neutiquam attrectari volunt; quando autem solidissimis ossibus non parcat vitium, qui caeteras partes spermaticas praetereat innocuum?

## C A P. XX XIII.

**S**Teatoma, in coxa, cancriformi specie, mulieri cuidam, in Valetudinario nostro decumbenti, redditum, ex carnosoperperam curato Abscessu. Talis fortassis fuit, quae descripta est à Benevinio *l. de abd. c. 13*. Itemque Aureliae de Ligorio, nobili foeminae Neapolitanae, ex male curati Steatomatis reliquiis obvenerat *cancrosum ulcus*, quod nos igne compressimus & obduximus.

## C A P. XX XIV.

*De Abscessibus qui sua vel vi, vel mole, peremerunt.*

**I**Oannes Saltus Glavenfis sanguifluo sub poplite Abscessu peremptus est. Itemque Sutor vestium Magister, prope Palatinas aedes.



eades. Celebris genere Isabella Garilia, Lucae de Alimentis uxor, ex *sanguifluo* in crure *Abscessu* mortua, quam ad Hospitale nostrum, ulceroforum domum, duxerat tonsor quidam amicus. Victoriae Carinolae *Bronchocele livens* mortifera. R. P. D. Stephanus Tuccius, Societatis Jesu Sacerdos ac Theologus, ex *appendula* ad collum *Naptha* alias *Bronchocele*, quae 18. lb. pendit praefocatus est. Itemque Presbyter spectatissimus, in aedibus Domini Clementis N. amici nostri, fuerat hospitio receptus. Puellam nuper natam, quae de materni uteri claustris detulit ad postremum *jupon molle Tuberculum*, sanguinis concreti colore, pomi Aurantii mediocris magnitudine, secunda à partu hebdomade sepeliit parens.

Abscessus omnes magni, quae nostra est observatio, proferunt mala symptomata vel mortem.

## C A P. XXXV.

*Anatomicae de Abscessibus observationes.*

Post haec, & comitatos ad mortem Abscessus corporis interioris describi par est. Nam si qui oculis & manuum administrationi non se subdixerunt, sed se cominus obtulerunt; hos enarrari pretio fuit; quid non & latentiores atque altiores, qui mentem medentemque torxere? gratiora profecto scitu fuerint haec, quae praeterquam Orcus & umbrae, non fuerat aliquis inspecturus. Ea igitur his gratia esto; quae jam erutis à caligine monumentis esse solet.

## C A P. XXXVI.

## S. I.


*Hydropicus, in utero, tum abdomine, tum pectore, collectis aquis.*

Principio rem exponam nulli hominum ad hoc tempus aut visam aut auditam: quae dextera nobis forte sub Junium, anno labentis seculi trigesimo primo, Neapoli visenda obtigit. Quis



opinetur acerba *Hydropis* illuvie vixdum vitam, nedum non lucem, expertum puellum; non plenum adhuc uteri gestamen & crudum jam hominis rudimentum, in ipso non tam mortalis matris, quam fœventis, & educantis, naturae sinu correptum? quomodo enim, integro jam, & vivido, & late, se diffundente calore naturali, ubertimque vigente spiritu aethereo & vitali, solidissimis & firmissimis formationis nostrae principiis & fundamentis, mire munitum & custoditum agalma novum; invida morbi vis attigerit, & insolens intercus penetrarit? profecto non debuerant infestae aquae tantum virium & facultatis habuisse, ut congenito visceribus igni praevaluerint: sed tamen ita demum evenit, ut plus molitus, plusque potentiae nactus, morbus naturam vicerit, ac symptoma produxerit, quod est hydrops. Itaque quod difficile visum est, id plane necessarium & verum apparet: nimirum ut praesidia corporis, & ad haec spectans omnis apparatus, labefactati prius fuerint; sic incredibilis ille morbi languor accesserit. Anne igitur res evenit toto habitu & ipsa crasi uteri complectentis eversa? An male habitis utrorumque principiorum seu quidem efficientium, seu substratorum generationi circumstantiis? praecipue quando relatum est, ternas aut quaternas abortiones, exactis annis, tenuem aliqui foeminam commisisse. An denique anteactae vitae, victusque ratio, & sine lege potus omni tempore plurimis, qualis quantumque solennis mulieri fuisse dicitur, hoc mali peperit? non attinet autem ad nos haec disquiri tantum, ut vere narrari. In qua re facienda nomina quidem parentum aut historiae lege, aut fidei cumulandae necessitate, pandenda essent: verum quia dubito, quam aequo animo rem tulissent parentes, illustres in urbe Neapoli Viri: parcendum nominibus existimavi. Satis est ad sublellia Nili, cum integerrimis atque optimis testibus rem ad hanc peractam, inter quos alter est omni reverentia colendus Andreas Albertinus, e Societate Jesu Sacerdos; alter Marius Schipanus, omni literarum genere spectatissimus. Foetura fuerat abortiva octimestris, distento sic abdomine, ut magnitudine reliquum corpus exsuperari facile dixisses. Qui venter discissus, e vestigio, fluentem affatim reddidit aquam, qua patinae argenteae, quam amplissimae, vacuitas repleta est, sed & totum pectus eodem humore perfusum erat; ex abdominis, quod Fernelius











nelius in l. 5. *Pathologiae cap. 11.* credidit, caecis ductibus profecto illuc. Quod autem oppido mirum fuit, haepati nulla labe aut vitium; nisi quod scissurae omnis expers, ac pendulis lobis nullis: sed globosum & obtusae non praeruptae rupi simile: qualem huic speciei fides anatomica refert esse.

## §. 2.

*De Phthisi non exulcerati pulmonis.*

SCribentium omnium calculo comprobatum est, & communi sermone vulgatum; Phthisis pulmonis ideam, & diorismum, esse ulcus ipsius; citra quem terminum & consummationem haud Phthisin aliquam dici patiuntur nostri, sic re sancita per Galenum, in com. 7. *aph. 16. § 3. de praesagit. ex pulsib.* Verum enimvero, ne quidquam quod verum ratumque sit, etiam contra principum auctorum opinionem latum, dissimuletur, aut si leatur: id quod alias in una quadam epistola ad Petrum Naëtam, Medicum Romanum, anatomicae rei studiosissimum, me fecisse memini, monstrabo brevi citra exulcerationem exstare; languore scilicet & marcore, id est, putrida quadam laxitate tacto pulmone, quod fit nimirum, ubi mucore pituitoso ac semiputridi diu multumque alluente distabunt; quemadmodum scilicet folium longo lentoris immaceratu flaccescit. De qua re ita Hieronymus Fracastorius l. 2. *de morbis contag. cap. 9.* Verum & illam quoque possumus Phthisin satis proprie appellare, quae corruptis putrefactisque pituitis ita pulmonem affecit; ut si non ulceratus est, at flaccidus, tamen & putridus jam reddatur. Quippe factis dissectionibus quorundam, vidimus interdum partem pulmonis sinceram, & nullatenus vitiatam: partem admodum exacte putridam, nondumque ulceratam, sed tamen flaccidam, mollemque atque in marcorem tendentem, quandoque & totum pulmonem talem vidimus, &c. quae ille. Praeter quem Virum ejusdem rei meminit, & Desiderius Jacotius, in com. ad *aphor. 13. sect. 2. praenot. Coacarum Hippocrat.* Quod Phthisis vitio, atque aliis mire multis Abscessibus, enectum illustrem Virum Marcellum Sachettum, Ann. 1629. Neapoli per nos dissecto corpore, non dissimili quam Francisci primi Gallorum Regis forte comperimus; cujus rei historiam alias



alias per nos ipsos private editam; propterea, quod in hos sermones accommodatissime cadit: ad hos etiam attexere placuit.

*Historia anatomica, Observatioque Medica, eviscerati corporis incliti Viri*

MARCELLI SACCHETTI,

*per nos confecta.*

**A** Natomica observatio si probatur exercita super corporibus eorum hominum, qui non intestini vitio, sed extrinsecus illata causa pericre: multo maxime praestabilis videri debet confecta super his, qui morbo gravi, longoque, victi concidere: quam rem equidem eo libentius assero, quod video primitus Aegyptiorum Reges, corpora mortuorum ad scrutandos morbos inscasse; quae Plinii sunt verba *lib. 14. natur. cap. 1.* descripta. Eoque apparet, non omittenda fuisse inspectio demortui corporis, Illustrissimi Viri Marcelli Sacchetti, qui sinistra valetudine diu, varieque, quassatus, arte nulla nobilium Medicorum Urbis primum, mox nostratium fieri potuit, quin abreptus fato fuerit demum. Exsequenda inquam propterea fuerat extincti Viri evisceratio, ut causis multis exitii rite perspectis, & consolabilis redderetur ejusdem casus, qui necessarius; & excusabilis medica res nostra, quae ineluctabili vi morbi superandae par non esset. Enim vero si magnus Hippoc. *Prorrhetic.* quae male valent corpora docuit *δυσίατα, ἢ ἐπ' ἀνίατα εἶναι, ἃ μὲν κακόχροα δεκαδὴ μέλι χλωρό, ἢ χλωρό, ἢ πελιδνὰ τὸ χροτὰ, τὸ δὲ εἶδ' ἰτχιρῶς σκληρό, ἢ λεππᾶ, ἢ κακίῳ πλαγχνα*: in hoc sane corpore, cujus exta pervidimus, praeter φθινάδην μὲν, & strigosum habitum, nullum ex triplici ordine, quorum nos Medici facimus, viscus fuit, quod suo non tentatum vitio, sua non tabe correptum privata inveniretur. Quibus omnibus factum est, ut quemadmodum stirpes in sabuloso, & exsucco solo, suae naturae alieno cretae vigescere haudquaquam possunt; sed marcescentes ac languidae, tum aridis, tum deciduis & foliis & floribus inornatae, dilabuntur: ad eum propemodum Vir eximius, incertum, ut  
offen-



offensis Charitibus, Hebe, atque Hygiaea (sunt & qui <sup>ἡ</sup> βαρκαρία suspicentur) sub plurima infirmitudine, subque languoribus aevum breve transegit. Ex his tamen omnibus cognoscendus homo felix, quod malae valetudinis incommodis fortior, & nullis ejusmodi offensamentis retardatus, virtutem, gloriaeque suorum aemulationem, admirabili contentione atque irrevocabili constantia, prosequutus est. Caeterum autem, quod adversa valetudine fuerit, id etiam laudi dari potest, si summos sapientiae magistros audiamus, horumque rationes expendamus. Principio enim constare potest, quod mutuo se oppugnant, exturbantque, robur corporis, atque animi vigor, quippe cum vita & hujus analogia omnia, Aristotele auctore, caloris & humoris vividi copia constent; intelligentia vero & mentis agitatio, quae ad meliorem attinent vitam, frigida siccaque exsuperantia melancholiam dicunt, gaudeant, polleantque: horum plane contrariis studiis item contraria contendentes fit, ut alterum praeponderans alteri struat insidias, protritum & labefactum denique quaquavalet, continenter, intentet. Advertit hoc Marsilius Ficinus, *in lib. de valetudine Studiosorum tuenda*; itemque alii ingeniorum aestimandorum Doctores. Prior vero Galenus, *in commentario ad Timaeum Platonis*, quin etiam Plato ipse in eo dialogo; quando, inquit, anima corpore potentior est, exultatque in eo atque effertur, totum ipsum intrinsecus quatiens languoribus implet: quando etiam ad discendum investigandumque, collectis in unum viribus, vehementer incumbit, liquefacit protinus corpus & labefactat. Sed haec quidem scripto tenus, & meditatione Plato: namque pragmateia per se servata nos idem docuit, qui Academiae suae locum, extra urbem, sub insalubri coelo locavit: nimirum ut depressis viribus corporis, ea, quae sunt intelligentiae vim capefferent. Intellexit & hoc quoque (res profecto mira! quae cujuslibet testimonii superat auctoritatem, divino afflatus numine) Bernhardus, qui suo Coenobitarum ordini sacra septa exstruens, haud quidem, ut fieri solet, in elato perflatoque coeli prospectu, non in laetifico atque ad orientem Solem exposito jugo, non in promontoriolo maritimaque ora firmitatem undique corporis promittente; sed in humili valde, in uliginosa lacuna, in aspernabili, in tristi, in horrido & in pestilenti, loco, sub coelo exquisite turbido & caliginoso suas sedes locavit, at-



que eo nimirum, ut genus vitae coelesti, quae corporis mors est, mancipatus, tum incolatus incommodis, tum tetrarum omnium rerum obtutu deprimeretur perpetuo, non erigeretur. Sic & Cornelius Celsus in *rei medicae prooemio*, qui sapientium aliquot Virorum mentionem faciens; *qui corporum, inquit, suorum robora irrequieta cogitatione, nocturnaue vigilia, minuerant*; quasi illud spectasset Aurelius, quod antiqui Romani Minervam dixerint, quae minuat nervos. Sed nemo clarius hanc rem expressit Caelio Aureliano, qui *lib 5. Chronicorum F. videmus*, ait, *ob has causas, & studentium corpora fieri tenuiora, limitatione quadam animi, jugi cogitatione ac disquisitione; eorum vero, qui seni ac pigro ductu vitam trahunt, solidiora ac pleniora fieri corpora, ob contrariam rationem*. Requireretur pro conficienda re nunc, ut talem, id est, agitatum semper in arduis & gravissimis, ad religionem & ad rem publicam spectantibus, facinoribus Marcelli animum & sensus omnes exponerem, verum notiora sunt haec omnibus, quam ut referri oporteat: deinde cavendum est mihi, ne viventis potius, quam ejusdem fato functi, videar Historiam contexere.

Jam igitur hac universae rei praemonstratione proposita, penetralia deinceps corporis invisentes, primum alentis officinae statum enarremus, mox alias ordine partes percurremus. Omentum & Mesenterium, adipe nulla perfusum; utriusque vero color faeculentus, atque subcroceus; Intestina squalientia, coloris janthini, & quasi fistula inflata fuissent, praeturgida; Pancreas semiscirrhosum; Jecur plerisque maculis distinctum, quas cultro discissas nonnihil penetrare compertum est; Lienis aliqua particula lato quodam callo candidiore notata; Vesica prope modum ostracosae carnis instar obdurata; Parastatae cyrsoides, ac Vesicae *σπερματοφίκανες* exhaustae, ac vietae: Sub pectore Pulmones submucidi fuscis quibusdam maculis affatim respersi, neque enim ulla ex parte cinerei, quem his secundum naturam habentibus colorem attribuit Hippocrates, in *libello de anatome*. Circa Cor nullus omnino adeps, quem tamen visceri proprium atque essentialem adversus Aristotelis, Galenique, placita contendit Realdus Columbus, *vii. rei anatomicae*. sed ipsum viscus praterquam usus ejusdem poscit, flaccidum, & marsupii pellicei modo, in se recidens. Pericardium inane conceptaculum, neque



que enim vel ullus aquae mador observatus est, qui dignus effatu visus fuerit.

Supereſt nunc de Capite dicere, ſeu potius de Cerebro: quod inculpatum quidem ſincipite tenus apparuit; niſi quod in ventriculis anterioribus, excedens multitudine repertus humor tenuis ac pellucidus, quem ob id aquam appellare conſuevimus. Illud equidem exiſtimavi quam plurimi, malorum fortasſe Capitis cunctorum principium, quod rubore ſuo purpureo defloratus ac dilutus emicuit choroides plexus; quem in quatrduanis alioquin, ac ſerius etiam tractatis, cadaveribus, tum publice, tum private, conſectis omnibus nitidiorẽ, ac ſi dici licet, vividiorẽ ac laetiorẽ ſemper offendi; argumentum ſcilicet praevalentis aquoſi, coinquinatiquẽ, ſanguinis, quam *ſaniem* antiqui vocabant. Ubertatem autem ejus humoris inde cognoviſſes, quod diſtenta, turgentiaque, eadem vascula varicoſis quibuſdam eruptionibus, ac toris identidem, ſubſultare vidiffes. Sunt haec quidem magna, ſed illud, quod mox referetur, eſt longe maximum. Nempe ſe obtulit nobis ex infima calvaria, baſin Cerebri reſiduam eximentibus, qua nervus auditorius in exſculpti offis auriculae forulum excurrit, quantus minoris hirudinis, aut millepedae, ductus eſt, hinc atque hinc, ſed dextera major, fibra ſanguinea aut ſanguinis concrementum; quod cum auditorio nervo oblique pergens ad antedictum foramen finiebat. Hanc nobis rem cum admiratione inquirentibus, quid aliud videretur, quam *Bdella Hippocratis ſecundo prorrhetic.* memorata, prorſus non fuit: de qua re diſerte Marſilius Cagnatus Romanae Scholae Profeſſor elegantiffimus, *lib. II. variar. lect. II.*

Haec quidem circa Cerebri partem anticam; caeterum poſtica parencephalon, quod ſuapte natura firmius & compactius eſt, ut pote nervorum ſimiliter propagandorum principium molle nimis ac flaccidum, fibris velut diſfluentibus conſtans: humore nimirum, quod plurimo ſcatebat, conſectum. Mitto, quod colore ferme pullo, atque ſublivo, quale haecenus in nullo cadaverum ex tot multis, quot in noſocomio Incurabilium & in publicis theatris diſſecuimus, videre obtigit, etiamnum pluſculis ab interitu diebus. Porro ſciri velim egregii Viri corpus non pluribus, quam tribus ab efflato ſpiritu horis, eviſcerari coeptum à nobis: quibus à principio rem adminiſtrantibus ad-



stitere & Medici, qui curaverant, vigilantissimi pariter ac eruditissimi, Tyberius, inquam, Carnevalis, Marius Schipanus, & Aloysius Gratia; post hos vero & genere, & litteris, & omni virtute, ornatissimus Laelius Guidiccionius, & Joannes Baptista Valentius, Fiscii patronus in Curia Illustriss. ac Reverendissimi Viri Alexandri Bichi, Nuncii apud Neapolitanos non fatis unquam pro dignitate laudati; e familiaribus vero Marcelli, qui continenter interfuit, Octavius Everardus atque alii plurimi. Caeterum sic levati visceribus corporis curam alteram suscipientes, & eidem Antistiti, qui rem exsequendam pie commiserat, pareremus, embammate precioso per ministrorum manus idem industrie condivimus; tutatique adeo sumus, ut quod vivens languoribus & putredinis vitio subditum jam fuerat, mortuum deinceps in aevum immortale maneret.

Haecenus haec operatum Anatomica, tum Chirurgica nostra fuit; caeterum pro rei coronide illud requiri videtur, ut brevi verborum serie comprehensa medicinalis aliqua observatio accedat; qua dispositis jam velut altera parte sedibus affectis, morbi & symptomata, quae immeritum heroem exercuerunt, exercitum denique sustulerunt: quae quibus responderint sigillatim collata, ad cognoscendam vim omnium, & conspiratum in mortem inveniatur. Corruptus corporis habitus, & grandi macie torridus; lacertis excussus vigor; coloris amissus decor; multiplex ac varia corporis universi divexatio; proculcata ad summam venta, corruptarum & chylosis & anadosis, & haematosis sunt peccata: quae omnia partim invexere gracile mesenterium atque omentum; partim scirrholes pancreas; partim inquinatum hepatis parenchyma; offarctusque & callis obductus lien: quo congruit apte illud Hippocr. in 6. *Epidemiorum*, sect. 3. *Ventris torpor omnium confusio, vasorum immunditia, &c.* Haec interanea cum aberrarint à suo tramite omnia; principium tamen malorum Pancreati refero, qui alimenti in omne corpus distribuendi primus emissor est, & janua: sive quod Fernelio, Augerio, Varolio placet, limosi sanguinis locus praepurgatorius, & sentina; sive, quod Piccolomineo visum est, calidum & humidum elixaturo, cibos ventriculo per subjectum vasculum diploma vaporarium; quali Galen. in *Methodo medendi*, ad conficiendum ceratum refrigerans est usus. Adstipulatur huic nostrae



strae sententiae Joannes Riolanus, qui *secundo anthropologiae; pancreas*, ait, *inebriatum & scirrholes factum truncum portae constringit, affluxumque & anadosin chyli interrumpit, quippe chylus in mesaraicis sanguinibus rudimentum & initamentum adeptus, cum non possit ad hepar permeare, rubefactus refluit in intestina, unde corpus contabescit suo genio defraudatum.* Fert suum, & in hac re, calculum Antonius Benivenius, *lib. de abditis cap. 37.* narrans, ex hac una visceris duritie adolescentem quempiam mature sublatum, cujus ab obitu dissecto corpore causam, quam dixi, deprehendit.

Ad hos omnes affectus accessit lenta erransque febris, cruditas, melancholia hypochondriaca, lithiasis, nephritis, diarrhoea, abstrusi denique alii morbi. Quorum omnium problematum adversas causas complexus est Joannes Fernelius, vir sane, inter suas alias in re medica virtutes, abditorum observator acerrimus, qui *lib. 6. patholog. cap. 7.* scripta reliquit haec; *Ego tamen hoc affirmo, & profiteor, cholerae, melancholiae, diarrhoeae, dysenteriae, cachexiae, atrophiae, languoris, lentarum errantiumque febrium causas, me in his plerunque sedibus animadvertisse, quorum depulsione deploratis salus redderetur, &c.*

Restat nunc stranguriae, vesicaeque, paralyfis, & utrarumque superfluitatum excretus inconsulti disquirendae causae: quas facile quidem aperient ea, quae nuper in historia descripsi, si memoria repetantur. Paralyfis quidem vesicae, ac depravatus mictus, multiplices agnoscit causas; tum vasis, inquam, duritiem ostracoden: tum sphincteris emarcescentis insignem maciem; tum si Bauhini observatione credimus, adenum parastatarum vitium. Potuit & citra haec paresis à superiori nervi unius, sextae conjugationis, & per hunc spinalis alterius resolutione propagari: haec autem, à communi nervorum moventium vitio, cujus radix prima enarratus cerebelli languor fuit, facile promoveri.

Adscendimus nunc ad regiam cordis, ac denegatum involucri humorem expendimus. Hujus quidem defectum haud miraretur Matthaeus Curtius, atque alii; qui tum viventibus, tum confestim ab obitu dissectis animantibus, nullum à natura inditam aquam inanitati vasculi concedunt; spirituum concretorum in aqueam substantiam conversionem à succedaneo mortis fri-



gore cogente profectam hanc adstruentes. Verum contra Vesalius, cum quo & Columbus & humanae fabricae scrutatores alii consentiunt; asseverat, non confectum unquam à se cadaver & cordis amiculum, in quo non is humor exstiterit; confessus alioqui perpetuo plus incunctatae, quam inproperatae secturae, cadaveribus adversam aquam. Observatam item in cane vivo mandentem quidem hanc capsulam, sed non aqua diffluentem ipse testatur. Sed haec partim ad Julii Jасolini, praeceptoris mei clarissimi, decreta in disputatione de aqua in pericardio, partim ad doctos alios relegantur. Inter caeteros, siquidem ad urbem Romam deferretur haec historia, ejus rei judicium optarim maxime faciendum à Vincentio Alfario Crucio, Medico, scriptore claro, à Josepho Trulliero, Medico insigni, gentis alias regiae nunc Pontificiae, à doctore celebri Fonseca, à Petro Castello, à Joanne Mario Castellano, Professoribus item Pontificiis, Virisque ut rei medicae, ita etiam anatomicae consultissimis, quorum duos posteriores audio, praeter exercitationem *νεκροτηρίων* exquisitam composita de hisce rebus volumina propediem edituros.

Nunc ad cerebri loca cum devenimus, praeter ea, quae de ipso jam pridem indicata fuere; sunt jam noxae sensuum edisserendae. Surditatis & auris perpetui quidem, sed nunc se remittentis, nunc ingravescentis soni, tum bdellae incrementa ac decrementa, sub Lunae praesertim recessibus & synodis; tum aqueos in cerebro redundantes ichores, causas facimus: qui iidem ichores, & amblyopiae, censendi sunt opifices: quae res fit & ea ratione probabilior, quod generosus vir à Romano coelo, quae Galeno in *lib. 5. methodi meden. § in 2. temperamentis*, humidior est habitatio, ad nostram, & potissime ad maritimam dictam plagam, translatus, tum audiendi, tum videndi functionibus omnino melius habuit; quam autem longe optime, cum ad sulphurea Puteolorum loca, & ad assas, quae sunt in myrtetis, sudationes, curandum se recepit; Integer Hercules capite, nisi excitati ad os sacrum, & ad coxendicem, & ad Ischii loca, vetusti dolores inchoata feliciter nostra vota festine interrumpissent: à quibus subinde consequentes vigiliae, cruditas, febris; diarrhoea, virum enervatio, desiderabilem virum eripuerunt. Excitati, inquam, dolores non injuria: quippe mesenterium enatum



tum e ligamentis vettebrarum lumbarium , ex hac parte cum deorsum extenditur , nimirum pondere turgentis & obdurati pancreatis , deprimente : facit soluta unitas , ut necessarius insequatur dolor : praecipue si ejusmodi distentio ac distractio cum compressione partium conjugatur. Confirmatur autem , quod indoluere partes iliorum nedum superiores , sed & infernae alic , propterea scilicet , quod ex ligamentis osilli cum osse sacro committentibus , exoritur etiam mesenterium.

Sed ad id unde digressus fueram , id est , ad sensum ob laesas officinas revertor. Qui unius oculi strabismum , resolutamque superiorem palpebram , admiratur , meminerit nervos oculorum motores ab alluente cerebrum humore multo , quem diximus , imbutos , & secundum longitudinem , dum crassitudo cedit , contractos , in alterutram partem contorqueri , & convelli facile potuisse ; sic ad utriusque partis vitium , & sui situs emotionem efficiendam , uni se comparant hi nervi. Quae item humoris eluvies de supremo capite ac subdita choana in fauces & tracheam & inde ad pulmones delapsa , corrupta jam , & emarcida spongioden horum substantiam sic affecit , ut non ulcerosum quidem ipsum , sed flaccidum putidumque reddiderit ; quae Phthisis ad unguem ea est ratio , quam primus explicavit Hieronymus Fracastorius *lib. 2. de morb. contag. cap. 9.* Ex quo Phthisis contagio plane non longinquo contractum , profectumque & consummatum est postremo & cordis , & vitalium omnium viscerum detrimentum. Qua tota cordis curia , sedeque , plurimis rationibus viisque tentata , subtractaque in dies ab auxiliaribus principiis necessarii fomenti communione vita perstiterit ? Ita fato functus est Vir , qui Nestoream , nisi immortalem concesseris , vitam vivere dignus erat.

Haec equidem , quantum ad susceptam enarrationem attinet , brevi & perfunctorie : nam quod quaesitum ex nobis est per familiares magnatis hujus & amicos , historica prorsus rerum adnotatio fuit. Nos autem hanc particulam de nostro , ne jejuna nimis , quin ut magis fructuosa res esset , adjecimus ; si qui sint e nostris , praeter Illustrissimos consanguineos , haec aliquando lecturi. *Neapoli in nostro Museo.*



## §. 3.

*De Coli inflammatione mirabili.*

**H**omini cuidam, qui ex colico diuturno, id est, viginti dierum dolore afflictus, & omni remediorum genere nihil, adjutus, in Valetudinario decesserat, mox exsecto, sic ample turgens inventum est intestinum, ut ocreas itinerarias magnitudine superasset, qua mesenterii complexus est, inflammatum totum, caetera parte cyaneum, & pene ad gangrenae modum emortuum: distentum quidem mire fecibus, sed maxime flatibus, quibus & omnes item intestinorum ductus extumescebant; quam ob rem fortasse suppressa lotia postremis vitae diebus. Ad haec iliorum vacuitas & mollitudo contage viscerum utrinque nigrescentes, & flaccidae: venter antequam infecaretur, hydropis in modum elatus, qui ex subito flatus exsulti fragorem edidit, administro pungenti, terrificum. Sed hepar flaccidum, subnigrumque aqua sub liene crocea multa; subque intestinis faecies crassa putidaque: qui putor etiam undequaque multus. Observationi dissecti corporis interfuerunt Medici, Chirurgique, Valetudinarii nostri omnes, qui sunt Adamus Marchius, Josephus Chiricus, Dominicus Moscha, Franciscus Romanus & Bartholus Capova, viri quidem omnes à me, suas ob virtutes, plurimum honorandi. Narrat autem ejusmodi quoddam Franciscus Tidicaeus, apud Joannem Schenckium, *tom. 3. medicarum observ. tit. de gravidis pag. 625.* cum qua sua observatione nostram conferre non erit ab re.

## §. 4.

*De Abscessu putrido, callosoque, vesicae.*

**A**Nno 1624. April. 26. interierat, in sacro Crucis Coenobio Neapolitano, Sodalis quidam Franciscanus ex abolito mictu, cui dissecto cadaveri, curante Antonio Sanctorello, naturae morborumque observatore solertissimo: reperti sunt, inter caetera, meatus urinae flatu distenti renes interne pustulosi, lividi-



disque carunculis obsiti varie; callus enormis & inaequalis sub collo vesicae; quae ipsa undecunque turpi sanie defaedata, eademque toto habitu praetensa tentabatur, atque praedura.

## C A P. II.

*Mira quaedam in internis visceribus reperta.*

## §. I.

*Concrementum gelatinae speciei, in Cordis utroque sinu.*

**A**Nno 1616. Februario, in hominis cadavere per me secto, in Nosodochio Caesariae, inventus uterque sinus cordis humore obsitus, concreto instar vulgaris gelatinae flavioris; quem ego putavi putrem pituitae mucaginem bilis aliqua portione tinctam. Hic primum epilepticus & elinguis, demum occubuit cum sinistri brachii convulsione: quae spectantibus Horatio Cytharella, ejus Valetudinarij Medico, & suis auditoribus omnibus, itemque Francisco Antonio Cajetae, Medico vigilantissimo, facta dissectio est. Ejusmodi ad unguem concretum repertum est & in venis magnis, quae cordi inferuntur, atque etiam in hujus auriculis dissecti cadaveris, non vulgariter religiosi P. Nicolai à S. Francisco, ex sodalibus soleatis D. August. cui operae interfuit Franciscus Nola, Medicus Neapolitanus, quem honoris causa nomino, ac Dominicus Coccia, & Petrus Anellus Costa, qui dulci novitatis amore visum rem venerant, Neapolitanus uterque Medicus eruditus.

## §. 2.

*Fungi in Hydropici abdomine.*

**A**Nno 1624. Augusto, in sacris Incurabilium aedibus, secti Hydropici abdomine, parte interiore pallidi quasi fungi boleti ubertim reperti; cui administrationi, atque observationi, interfuerunt Reverendi Patres adstantes aegrotis, Doctor  
Ss  
physi-



physicus Josephus Chiricus, atque alias à me saepe citati Doctores, in eodem Valetudinario rem Clinicam & Chirurgicam facitantes non sine laude.

## §. 3.

*De Atheromatis interni corporis.*

**N**aturae quidem, in oeconomia corporis humani saepe ludenti, non satis fuerat pomiformia tubera mortalibus admiranda, sub externum conspectum subiecisse; nisi & per intima quoque, viscerum caloris ingeniti thesauros, illa eadem interdum materia se suggerente, produceret. Sed enim, haec, cum quis in animum haud fortassis inducat facile, proferam huc ego certa & testificantia luculenter exempla: primum autem singulari utar uno, quod apud Bartholomaeum Cabrolium, Anatomicum & Chirurgicum Monspeliensem, observatione postrema legi. Puella fuit illustribus parentibus Tholosae, decimo tertio mense nata, cujus longo morbo commortuae facta dissectio protulit haec. A sinistro latere immensae molis Abscessus, duplici tunica donatus, apparuit, à transversis vertebrarum lumborum apophysibus natus, qui deinde transiens sub lienem totum id latus occupabat; erat autem cystula varicosis pluribus vasculis intertexta, revulsus autem Abscessus decem libras pependit. Sed neque hic admiratio finit: in eodem enim abdomine tres alii Abscessus, pondo lib. trium inventi, singuli sua cysti contecti, similibus distincti vasculis, eodemque cemento referti: quae respulmentum, ova cocta, ficus, carnem, hujus generis alios insolentes naturae foetus, referebant. A dextro latere duo Abscessus immensi tanquam gemelli, prope vertebrae exorti, cum similibus membranis venarumque ramis, oculis adspectandos se dederunt, pondo singuli librarum quatuor; quorum unus cavam hepatis partem complebat; alter ad os pubis ferme descenderat, eadem, qua alii farragine refertus. Haec ferme ille.

Nos minores nostros, quod videre licuit, Abscessus, exponamus: minores, inquam, mole, sed partium affectarum dignitate haud secundos fortasse; siquidem cadavera disseccantibus & hepatis & pul-



pulmonis & renum, & testium, & uteri, exteriori habitusaepe numero melicerides & atheromata visenda se obtulerunt. Atheromatis quidem sub pulmonis corpore visus est meminisse vel ipse Hippocrates, *l. de ossium natura numer. 19.* per nomen  $\pi\omega\gamma\epsilon$ , quod interpreti versa est *callosa durities*; Hieronymo vero Mercuriali creditum est Tuberculum; utcumque autem ea, quae pulmonibus innascuntur dura tubercula dissecta prae se ferunt Atheromatis speciem. Steatomatum autem non memini an ullum unquam obtigerit: ut pote quod difficillimum hisce locis ortum nanciscitur, tum quod benigniorem hujus materiam partim emendare, partim ad se rapere viscera calore munitissima possunt: tum quod nudiores, & majores, ejus globulum oporteret intimius recondi; quod ne pati quidem natura videtur. Dixi jam in humani generis extis creari haecce Tubercula: sed & in bestiis, brutisque omnibus sanguineis, multo frequentissima sunt eadem à me reperta; dum multigenas species ad *Zootomiam Democritaeam* exercendam & conscribendam, quotidie domi exseco; quae ipsa minutiora cum sint, non est quod explicanda quispiam à me requirat.

## §. 3.

*De Syphiliis internis Abscessibus.*

**P**Lerique Viri gravissimi, quales sunt Alexander Benedictus, *l. 23. de morbis curandis*, & Jo. Fernel. *l. 1. de abditis rerum causis*: & Laurent. Jubertus *l. de variola magna* & Contr. Tigrinus, *in observ.* & Bernardinus Tomitanus, *l. 2. de morb. Gall. cap. 13.* certos nos fecerunt, vita & Syphilide defunctis hominibus, studiose consectis, viscera quaelibet, nullis exclusis, reperta tum Phymatis, tum Abscessibus, tum ulceribus, foeda non aliter, quam extimo corporis habitu pabulae, collectiones, Tubercula. Sed aliud longemajus addidit Nicolaus Massa; dissectas quorundam Syphiliorum, qui vita decesserant, venas minimum sanguinis plurimum albae pituitae reddidisse: itemque diffisos musculos, qui private perdoluerant, mucida multa pituita scatentes exstitisse: quae mihi admirabilia quondam visa, comperi mox omnia quam verissima. Etenim in Valetudinario



Syphiliis decumbentibus, si quod aliud, refertissimo, qua visendarum ego rerum novarum cupidine diu moveor, & quo dissectio-  
num exercendarum munere teneor, dum a commodatis tempo-  
ribus plurimos infeco: ex his, qui conspecti fuerant illo mor-  
bo laborantes, complures offendi, quibus exulcerati tum oeso-  
phagus, tum trachea; quibus item pustulosus pulmo, pustulo-  
sumque jecur, apostemodes vero prostratae sunt adversi. Fuit  
autem & cui (cadaveri scilicet suspendioso, quod Anno 1631.  
sub saturnalibus in publico anatomico theatro scholae Neapoli-  
tanae disseccui) repertum est, sinistrum vas deferens spermatis,  
qua super interfeminio ad penem inflectitur, sub ejus loci glan-  
dulas interiores aliqua parte demersum atque sepultum; cum au-  
tem eidem homini Bubo Syphilicus ulcerosus fuisset adversus;  
prompta fuit omnium opinio, & ejaculatoria, nedum glandu-  
las Syphilios istos Abscessus expertas; quod haecenus nemo de-  
finivit, aut prodidit, eorum, qui novas Observationes medicas  
descripsere.

### §. 5.

#### *De hydropicae Foeminae cruenta aqua.*

**H**Ydropicae foeminae in umbilico subpunctae, non aqua me-  
hercules pellucida, sed dilutus sanguis erupit; quod admi-  
rationi non mihi solum, sed & Sebastiano Vecchiono, Valetu-  
dinarii Incurabilium Medico, Physico Primario; cum autem  
id quidam inconsulte retulissent, in scalpri vim & in sanguinem,  
e secta cute cum aequa hydrotica commixtum, evicit hos falsi-  
tas; quod ejusdem postmodum demortuae cadavere per nos  
dissecto, toto circum abdomine visus est, exundans idem albidus  
cruor.

In his autem exanimorum corporum observationibus, nostris  
interferere licebit & miras amicorum nostrorum duas, quorum  
altera est de Arteriae internae descendente *Aneurismate*; adhuc  
non viso nec item audito, cujus Historiam ad me misit Physico-  
Chirurgus Romanus eximius, dissector exercitatissimus, Nico-  
laus Larcheus, in Valetudinario D. Jacobi Incurabilium, Ro-  
manus Chirurgus.

Prin-



Princeps altera est incredibilis propemodum, de *Angue bifido flagelloso*, cujus Historiam ad me transmisit Londino generosus Vir & Medicus praeclarissimus, Joannes Houghthon; demonstratam primo per Eduardum Mayum Doctorem Medicum probatum, Professore electum, in Academia Nobilium, collegio, quod Musaeum Minervae dictum est. Quas verasque narrationes, ut inde nostrae non tam augurentur, quam ornarentur, amicis obsequens adjunxi libens. Prior autem Italica & togata proditor.

*Historia mirabilis Aneurismatis interni.*

M. AURELIO SEVERINO

NICOLAUS LARCHEVS

S. P. D.

Q Uod miseras ad me volumen de recondita Abscessuum natura jam à Manelpho Typographo, doctissime mi Aureli, recepi: cujus Operis foliola colligatori librorum operario propere consuenda commisi, nimirum, ut conformato sic opere mirifico commode, libando ut ne vorando, uti possem. Deceveram autem non prius ad te rescribere, quam mysteriorum egregii monumenti gnarus abunde redditus essem. Verum cum ex hac urbe Neapolim se transferret hic juvenis, non mediocris in arte speciminis, celebratissimi tui nominis apprime studiosus, nactus occasionem, cum parata nova observatione, per me confecta, hujus in humano corpore vix dum reperti, maturavi responsum, ac fidelem ejus rei Historiam ad te dedi, quae est haec.

*Anna Burgunda trigesimum tertium annum nata, crasi exsuperante sanguinea, potatrix meri nulli secunda, ingluviei summe dedita, febrem incurrerat stipatam siti, cibi fastidio, vigiliis, orthopnoea, corporis jactatione, aliisque symptomatis & affectibus: inter quae non obscurum locum habebat, pulsatio vehemens supra ventriculum, quem pulsum ego, qui accersitus curationi fueram, arteriae coeliacae, multis animo meo versatis, Medicus conjeceram: quibus elevan-*



dis malis neque detractus ex saphena sanguis, neque alia multa, quae de victus & pharmaciae genere curavimus, agenda profuere: verum, indies augescente pulsatione, diutinos labores & extrema virium detrimenda jam passam mors occupavit, tum gravi, tum multiplici affectus insolentia, quod praedixeram primordio parata. Quoniam autem oblata nobis est occasio, subsecandi corporis in sacro Valetudinario consolationis; hanc nos operam indagandi mali, quantum vires nostrae patiebantur, rite recteque peregrimus; compertum est mesenterii membranam, quae à peritoneo deducitur, multo circum cruore suffusam atque intentam, nil interim mali mesaraei vasibus expertis; quoniam autem opinio nobis fuerat male patientis arteriae coeliacae, ad hanc nos perlustrandam nostrum omne studium appulimus, eandem ab omni proximo corporum objecta expedientes. Exorti igitur ab inferioribus, postquam ad arterias emulgentes pervenimus, superata jam parte, qua magna arteria primos divaricatus sentit, corpuscula offendimus tria ex pituita concreta (hujus uber est modus arteriae, longeque amplior quam venae) vi caloris, opinor, sibimet ipsis incumbentia, quae obturabili cujusdam modo arteriae ductui sic offarcta transversim erant, ut spiritui se transfundenti praecluderent viam: continuo autem ad superiora facto transgressu, tandem coeliaca sese obtulit, ita dilatata, ut compressum pugnum admitteret, quae naturae suae modo vix annularis digiti crassitudinem aequat: in quo sinu sanguis abunde stagnabat ater, grumosus, in putredinem abeuntis imaginem prae se ferens; à quo uno arteriae sic depravato statu profectam interitus causam, nemo est qui dubitet; haec sunt, amice, quae te latere passus non sum. Rom. 4. Idus Decemb. MDCXXXV.

*Historia mirabilis Anguis bifidi flagellofi, in laevo cordis sinu reperti.*

**I**AM vero producitor Historia monstrosi corporis, quod, in sinistro cordis ergastulo creatum ac fotum aliquamdiu, mox conditorem, alumnumque, suum quacunque fera ferius misere perdidit; cujusque historiam ex Anglia nobis cum icone transmissam tibi, benevole Lector, ob oculos prius ponere libuit. Londini in Anglia Anno Domini 1637. Eduardus Maij, vir in medicinae arte undiquaque conspicuus, Joannis Penant, vita functi aetatis anno



anno vigesimo primo, cadaver, magnis impellentibus caussis, aperire voluit; adscitoque sibi primi nominis Chirurgo, sectionem aggressus est, à regione naturali vesicam ulceribus plenam ac pure diffluentem invenit, superne etiam ruptam totamque corruptam; hinc renes occurrunt, nihilominus vitiiati ac putres, dexter enim erat prorsus consumptus, sinister ad duplam magnitudinem tumefactus; vereque in saniem conversus, carnosae etiam partes interne usque ad pellem erosae. Tum ad vitalem regionem accedens altius omnia scrutabatur, & in pulmonibus quidem minus laesionis apparuit; cor vero globosum & in latitudinem magis quam in longitudinem diductum, cujus dexter ventriculus cinerei coloris exinanitus, crispatus, contractusque ad crumenae coriaceae formam repertus est, absumpto penitus pericardio, sinister vero longe altero major atque in lapidem obduratus; ex quo incito tanta sanguinis vis effluxit, ut toto ex corpore ad sinistrum illum cordis ventriculum confluisse credi potuerit. Verum fide majorem partis illius crassitudinem, ac duritiem, admiratus eximiae vir peritiae Eduardus, ejus orificium latius aperiri jubet. Inde (mirum dictu) carnea quaedam substantia in gyros collecta Serpentem referens sese oculis objicit; cujus formam sequens figura huic operi annexa repraesentat; Serpentis dein extensi dimensionem & partes ex altera figura juxta apposita cognosces. Monstri hujus memorandi color omnem humanorum corporum albedinem excedebat; pellis etiam nitens more imaginis recens illustratae, caput sanguineum & serpentino simillimum, crura, rami, fibrae, nervi; cordae vel quidquid fuerint, carnis omnia colorem referebant; in re tam nova adeoque obstupefenda vix sibi credens Eduardus, ne vel sibi vel aliis de ejus veritate dubitandi locum relinqueret, suspicatusque, ne concreti sanguinis aliufve alterius rei species aliqua oculos, veluti praestigio, caperet, rem exploratius inquirere adgressus est: quamobrem attentissime omnia circumspexit, caput, dorsum, caeteraque diligentius scrutatus, omnia Serpentis reperta sunt; caput densam, sanguineam, glandulosam substantiam prae se ferebat; collum (ut credidit) ex violenta à corde separatione aliquantulum contusum; corpus muliebri tenuique capillorum discerniculo tentatum solidum visum est; venam tamen vel arteriam habere videbatur, quae ad naturae bene-



neficiū serviret: quae omnia fidelissime, uti coram testibus bonae famae acta sunt, ita narrantur. Cordis vero supra à nobis promissi cum Angue habeas ideam praesentem.

A. A. *Incisio cordis profunda per universum sinistrum cordis sinum facta.*

B. *Anguis bifidus flagellosus.*

C. C. *Sinistra auricula dissecta.*

D. D. *Vena arteriosa à dextro cordis ventriculo exiens.*

E. *Arteria magna adscendens.*

F. *Eadem prope spinam descendens.*

G. *Conjunctio tubulosa venae arteriosae cum magna arteria.*


H. *Rami arteriae magnae adscendentis.*

a. a. *Arteria coronaria dissecta.*

b. b. b. *Venae coronariae quaedam portio.*

Antequam autem hujusmodi multifidi Germinis & inutilis naturae elaboramenti ἡ διαγενεσις καὶ τὸ δέσµημα proferatur, disquisitione quaepiam de forma ejus & natura praecurrito; & ante hanc etiam prima praemunitio praemonitioque ad eos, quibus difficile sit admittere concrementum tam voluminosum, tamque grave, sub regiae majestatis viscere; quod natura procreatrix communi corporis incolumitati & communi bono voluit, nil insolens, nil injurium ferre debere, ferat autem Anguem flagellosum, qui cor flagellet? ferat corpus, bicorpus, quod mox sese divaricet in dena segmenta? sed pacate & ordinate mei sodes, nec uni vos argumento concredite; monstrabo facile, etiam si verissimum sit vitale viscus, vel levi vulneris accessu mature vita decedere, nihilominus tamen abscessiones proximas & ulcera non huic propere funesta. Declarant hoc experimenta quam plurima; primum Galeni, qui 7. de administ. anatom. cap. 13. & l. de placitis, testatus est, puerum à se curatum, cui corrupto jam pectoris osse, jam thorace adaperto, nedum cor interne micans apparebat, sed & pericardium computrefactum secundum Fernellii, qui libro quinto de partium morbis retulit, comperta sibi tria ulcera in corde cujusdam demortui, oppido quam cava & sordida, quae multo ante tempore per vitam alta cum corpore fuerat probabile. Quam plurima aliorum testimonia, quid re-











referam, qui de vermibus, Abscessibus, vomicis, tuberculis, concrementis mollibus, duris, pituita, grumis, medullis, gelatinis atque aliis epigenomenis, in corde & hujus utroque sinu nedum auricula subortis, perhibuere, haud enim festino, vel violento, animantis sane interitu.

Haec autem omnia non sic à visceribus aegre fieri persuadet haec ratio, quod natura comparatum est, ut irruentes affatim causae per vim quidem mortiferae sint animanti; quae si sensim & placide in quamcunque partem corporis nostri principem sese insinuent, quasi familiares redditae, non adeo sunt invisae nec nocuae; observatum id saepe in cerebro, quod, cum vel modicum sanguinem ab ictu suffusum supra membranas norit saepe morbiferum; illuviem tamen puris, ex Syphilia lue stagnantem in suis finibus, perinde ut inquilinum non exhorret. Sic Gal. 6. *de loc. aff.* 4. non fuit difficile arbitrari, quod pus, pulmonis vomica dirupta, recipiente levi arteria, transvehatur ad sinistrum cordis sinum; à quo continenter hospitatum & amplexatum permeet in aortam, hinc in emulgentem arteriam, hinc per ureteres in vesicam. Quid autem, amabo te, gravius foro spiritus & domicilio, quam putridum & putidum pus? Concesseris jam & probaveris aggestum, quod significabamus cordis sinui concrementum. At lege, jam ad Illustrem virum traditum, mox nostrum in epistola iudicium.

*Clarissimo Viro, Medico praestantissimo,*

JOANNI HOUGHTON,

*Anglo Londinensi,*

M. AURELIUS SEVERINUS

S. P. D.

IAM vero cognosco quam multus erga me sit Houghton mei amore ex his suis literis, quas proxime accepi; quippe nec praepedit quidquam tanta aut temporum aut longinquitas, ut

Tt

me



me saepe revifat atque compellat literis; praeterea vero, quasi quis alterius hominis palati delicias venetur, meos jucundos appetitores nunciorum sensus studiose perquiris; sic ut enormes quospiam & nunquam antea visos ex anatomica observatione casus invenias, quibus nostra sciendi studia & curiositatem alas. Nam quid illud est: Anguis multifidus in sinistro cordis sinu creatus, auctus, aliquandiu foetus & in vita servatus, donec vitam alteri misero praeripuerit? rem quidem, ut parce eloquar, auditu dignam, & naturae indagatoribus serio contemplandam; qua quidem observatione & historia nihil nobis accidere poterat optabilius hoc tempore, quo, & humani corporis & praecipue cordis, quod est functionum omnium & vitae *πίσωμα*, dissectiones & disquisitiones exercebamus, in plurimo spectatorum conventu, qui & hoc tuo proposito schemate pene obstupuit; ego autem humanitati tuae, de egregio isto munere, & multas & ingentes ago gratias, habiturus item de studio, quo haec offerre videris etiam postero tempore plurimas. Caeterum, quod attinet ad meum hac de re iudicium, quod secundo requiris, equidem optassem primo plenior, quam pictura non refert, Anguis descriptionem; tum valetudinis, vitae, naturaeque hominis enarrationem, ab his morbi initia, progressusque, denique interitum, praefata, & consequuta symptomata, accepisse: utinam igitur conscriptae historiae missa fuisset epitome! verum, quia sic exigis, sententiam meam, utcunque datur, exponam. Compertum est, quicumque sit rerum ortus alienarum nostro corpori, in hujus sinubus praecipue non obscuris neque exilibus fieri; nimirum in quos aut adfluere, aut congeri facile potest, ad generationem accommodata. Adde quod in hisce locis scater, vagaturque, plurima spirituum copia, stabili naturae lege, quam adnotavit oculate Galenus alicubi. Respondentibus igitur, & subjectae materiae numeris, & effectoris viribus in loco, praesertim congruo, & naturalibus illiciis foeto, reliquum est subinde, ut prodeat existatque foetus; vivens inquam species, non tantum vitae expers: sic in alvo ascari-des, in utero non insolenti ritu monstruosa corpora, quae quidem procreationes sunt ferme frequentes; caeterum infrequentioris ordinis visuntur & quae in cerebri latebris, & in auriculis, gignuntur bestiolae, & quae in manibus sirones, & in cruribus



bus dracunculi vocati antiquitus; videtur autem maxime expu-  
tri, aut ad putrem accedente materia, haec exoriri; quamquam  
hanc subputrem affectionem adeo exilem judico saepe, ut aut  
non sentiatur interdum, aut interdum etiam facile feratur à  
complectente particula, praesertim robusta: nota autem sunt  
quae retulit Joannes Schenckius, ubi de corde: notum, quod  
protulit Hollerius de Scorpione orto in sinu cerebri: no-  
tum, quod arbitrati sunt nostri scriptores, de Atheromatum  
materiebus diversis. Porro materiae universae, ex qua princi-  
pio mundus conflatus est, respondentes varii generis portiones  
atque segmenta, in uno homine studiose natura parens comple-  
xa est; nimirum, ut, qui toto rerum ambitu nunquam inter-  
mittente visuntur, nutu suo generationes & motus hos omnes,  
in parva universitatis imagine mentium excitandarum excolen-  
darumque gratia, quotidianis ferme spectaculis expromeret at-  
que referret: ut non mireris jam, praesente semper materiae mul-  
tiplicis fornice, tam varias existare vicissim novarum rerum fa-  
cies, in humano corpore; an enim, ullo rerum apparente semi-  
nio, subdito creandi usu, deses & ociosa futura sit potestas, cui  
producendi atque nascendi libidinem & propensionem unam si  
detrahas, neque etiam nomen reliquum sit?

Nunc audi mi Houghthon, quod haec expendentibus suavit  
ratio nobis, cum ad sentientium corporum genus communis om-  
nium calculus facile referat hujusmodi καρδόμενον foetabulum,  
hoc equidem in vegetabilium categoria repono. Rationabilius  
autem est his accenseri, quae depressioris & imperfectioris sunt  
ordinis corpora; horum quippe tum proclivior tum facilior est  
generatio, quam perfectiorum, in quibus quippe procreandis &  
plurium & majorum requiritur vis.

Deinde naturae pugnantius est, mobile animal dignissimo vi-  
sceris throno inferi, sedatum & immobile minus molestum.

Tertio, forma & figura bifida, & in plures postremo soboles dif-  
fissa, recte quidem vegetabili adaequatur, inepte Angui, qui  
monostylos, id est, simplicis & unius est ductus. Itaque si de-  
fixeris humo caput vel radicem, rectius meo judicio fungeam,  
sublato trunco & adsurgentibus hinc atque inde ramis, qui in  
furculos plurimos finiunt; sic apparebit phyteuma planum. At  
me ineptum! futurum hoc etiam est non solum, si nos arbitra-



rium illum situm extra cordis systema paremus: verum etiam eundem ipsum natura inditum in cordis claustro comperies: qui adverteris radicem non alia praeterquam basi visceris parte inhaesisse; quae basis inferiori mundi loco hoc est terrae respondet, maxime, si id spectes, quod homo stirps est inverfa.

Praeterea vero inani corpore conflatum sit huiusmodi concrementum (id quippe ostendit intrusa in ultimum trunci diremptum dirigente manu virga) haud videtur sane ista vacuitas animantis cuiuspiam esse. Verum enimvero propria est plantae, ex quo genere novimus à trunco ad ramulos inanes nonnullas, ut selexi, foeniculi, fionis, cardui cuiuspiam.

Denique Anguis omnis, stabili quadam naturae proprietate, à crassioribus & capitis & ventris initiis, minoribus perpetuo momentis in exiliora tenuatur; contrario vero modo stirps quaecunque ab exilibus exorta fibris perpetuo in latiora spatia divaricatur; atque plantae modo, non Anguis sane, procedit ejusmodi germen; igitur planta potius, quam Anguis, & credendum & nominandum est istud.

Quas ob res, pace primi Observatoris, quem Virum de hac edita re plurimum laudo, quid Anguem indigitemus, quod φυτόν debeamus vere? an quod magnificentius est Anguis nomen quam plantae? sed non curant, aut adspernantur potius, Philosophi. Verum enimvero, sit animal, sit planta, non multi refert, dummodo τὸ λόγον ejus & ideam teneamus: haec autem adsignari, latentibus sic hujus rei principiis & causis, vero non potest. Verum, quod divinare in tanta rerum caligine licet, amico privatim dicam: eructatus e dextero cordis sinu, per magnam venam, limus sanguinis & mucida pituita in alterum ventriculum, atque hic satis collectus, dum putrescit, à calore vivido sinistri lateris agitur & fatus, in eam, quae tenacitatem materiae sequitur, formam traductus est; neque enim in anatome nova sunt haec, sed & mihi plus semel inventa in ventriculis cordis vaginae praelongae productio; testes autem sunt mihi Neapolitani RR. PP. e societate Jesu, potissimum R. P. Marcus Antonius Ruffus, scientissimus Medicinae vir, qui, me dissecatore, in corde P. Menenini & hydrope mortui, viderunt vaginulae subflavae concrementum, quantum tota adscendens cava reciperet.

Haec



Haec sunt, quae mihi in praesens meditari super hac re licuit. Caeterum quid non magnum vestrum Harvaeum Angliae simul & medicae anatomicaeque rei columnen consulimus? ad hunc ergo Virum rem universam relego: quod si fiat, meam omnem hanc interpretationem indictam volo. Bene vale Kal. Martii 1640.

*In demortuorum Observationes Peroratio.*

**H**AE fatis, hoc tempore, curiosis sunt selectae mirandorum Abscessuum in demortuis Observationes, praeter quem numerum & aliorum longe majorem equidem tradere potuissem; sed Petrum Castellum nostrum Romae necrotirifes amplissime professum, ac justo has volumine complexum, de operis quidem editione, plus semel efflagitata, mihi, sicut confido, gratificaturum operiri praestat; nimirum, ut ad illustres suas enarrationes accedens aliquando despicabilis nostra, lumen ac splendorem inde recipiat nonnullum.

De Bubonibus pestiferis, qui per se ipsos evanescere consueverunt, est & in hoc genere quod debeam animadvertere. Promotus, hominis bono, glandulas ad inguinales visitur per saepe Syphilius Bubo; quem  $\phi\theta\acute{o}\delta\omicron\xi\textcircled{C}$ , id est, recti consultiissima natura ipsa eadem hujus facti, quod jam monstratum, provida administratrix, methodum meliorem commutans, & expulsum vitii commenta, materiam in tenuiorem & parentiorem modum pertractam, uberes per sudores avertit: quo fit, ut suo quasi nutrimento privatus tumor augeri primum obsistat, mox calore partis nativo discutiatur & in auras exsolvatur, homine, qui doluerat, nil jam mali neque ullam capitis gravitatem sentiente: quam rem minime intelligentes Medici minus periti rerum, Auctoritatis suae, salubritatis aliorum solliciti, trepidantes & anxii sub eo ponunt, in quo non sunt angore decumbentes, ad aestuaria & sudorifica mittentes instrumenta; inani quidem labore, nec sine discrimine, ne viscera & imbecilla plerumque corpora, violentis hisce inanitionibus aut turbata oblanguescant, aut exhausta deficient, aut percalefacta intemperentur, extenuentur, aut ne quid demum novi subeant mali. Ita scilicet una non observata, aut non percepta vel neglecta



etiam ope & opera naturae, quam sequi se Medici profitentur, in decumbentium tutela misere aberratur : quas ob res consultum & aegrotantibus, & curantibus, iri videtur, si per primam interrogationem, relicta re sudoris, confidatur pro meritis naturae sic, ut superflua credatur opera similis nostrae ; nisi quod abstinendum non est optimis fortasse catharticis, quae corpus materiis interim crassioribus emundent ; optima autem judico hermetica, quorum, auctore Josepho Quercetano & Joanne Beguino, nervosior, cumulatio, commodior & exactior, omnino vis est.

F I N I S.





# PAEDARTHROCAE

ID EST

DE OSSIS CIRCA ARTICULUM INFLAMMATIONE

ET

ABSCESSE PUERORUM PROPRIO.

Spinae Ventositatem aliqui falso nominarunt.

*LIBER VNVS,*

Qui est, Operis de selectis Abscessibus,

*QVINTVS.*

EODEM AUCTORE SEVERINO.

PRAEFATIO

*De Argumenti dignitate.*



Lurimis ab hinc seculis, postquam Arabum & Mauritanorum Academia floruit, sub Rege Mansore; Morbus, non constat an à Graecis memoratus, existit ex tumore atque ulcere, tum carnis, tum ossis, vitio mistus, quem Barbari scriptores (incertum qua ratione) *Ventositatem spinae* nuncuparunt. Hunc dire adfligentem, maxime pueros, nemo e Veteribus pro rei dignitate, nec satis explicate, tractavit. Unus nostra memoria Iosephus Pandolphinus à Sancto Martino, Medicus hoc argumento nobilis, affectum hunc, patriis suis oris admodum frequentem, paulo studiosius enarravit. Sed vel omnia, praesertim praecipua problemata



mata non attigit, vel aliqua per se perpensa minus accommodata resolvit. Curationem vero, quae in providendo maxima est, atque alia quaedam apprime requisita, nihil exsequutus est; praeterquam, quod non nulla parum probabilia sibi persuasit, quae discussione indigent. Has ob causas operae pretium existimavi facturum, si quae mihi vitium hoc in amplissimo Incurabilium Valerudinario, atque in urbe tota saepissime medenti, se obtulerunt, observatione digna, brevem in commentariolum conferrem, ad ea, quae priores Viri scripserunt, nova. Quam rem equidem feci libentius eo nomine, ut in compositis à me nuper libellis de Abscessibus, hic qui desideratissimus est omnium, non desideraretur, & completum *de multiplici Abscessus specie* volumen veniret in manus studiosorum: quorum equidem gratia laborem hunc suscepi. Suum nunc erit & haec candide excipere, & mihi munus hoc exhibenti pari gratiae modo respondere. Res, quae cum abdita affectus proprietate & novitate; noxae gravitate & curandi difficultate luculenter à nobis discussa; non mediocrem legentibus frugem ac jucunditatem allatura sit, confido.

## C A P. I.

*Notio affectus.*

**Q**Uoniam, ut Galenus docuit, *l. ad Thrasymb. initio*, in omni contemplatione optimum inventionis initium est, prius exacte cognoscere quidnam sit id, de quo disputatur: consentaneum rationi visum est, ut ante omnia de re, quam instituiamus, constet; atque adeo nominis hujus ratio est inquirenda. Difficillimum autem, ac vere spinosum, si quod aliud investiganti se exhibet, hoc nomen *Ventositatis spinae*: ac nisi vel falsae translationis, vel vulgaris appellationis suspicio esset, quae post receptum jam usum in commentarios scribentium perperam, finem nullum habere admiratio: simile quiddam offendimus, in *rosulis saltariciis*, vocatis Tuberculis à vulgo, & Philippo Ingrassia alicubi memoratis; quale nomen etiam cum nolumus, cogimur usurpare: neque aliud usus innovare permittit. Porro nascuntur in populosis commerciis omnibus, inquit Cardanus,



danus, nomina, ferente sic eloquendi occasione, nec certo ullo auctore, quae forte minus apta, aut usquequaque probata, sed dura subinde usu mollescunt. Aliam quoque ineptiam continet hoc nomen, ut ex disparibus & omnino diversis duobus substantivis confletur: quo autem pacto unum alteri coordinatur? Sed nihilominus ejus aliquam rationem & quam licet, oportet inveniri. Ego autem non quae multae comminiscendo subeant, nec quae aliis, utcumque placuerunt: sed quae optima ex omnibus interpretatio sit, hanc accipiam. Num igitur *ventositas* ad eum modum est dicta, quo apud Avicennam & alios quoldam, item Barbaros, tumor est inflatio? *spinæ* vero vocatus est tumor ex acuto sanguine, sine pulsatione constans, qualem spinam appellavit Avicenna, *l. 4. fen. 3. tr. 2. cap. 1.* & *Alde-manus* etiam suo loco.

Sed alia occurrit ratio, quae utrique particulæ & harum complexui suum sensum accommodet. Videre licet à Barbaris, & Barbarolatinis auctoribus affectis, *ventositatem* esse loco *oedematis*: ita Petrus ab Argillata, *lib. 1. tract. 2. cap. 8.* sermonem fecit de *ventositate* alba. Sic etiam communis multorum est loquendi modus, *La ferita cacciata all' aria pigliar di vento*, id est, extumescere.

Fortasse igitur ejus nominis auctor *ventositatem* quidem tumorem, qua sedatum; *spinam* vero, qua crebriter terebratum, ac veluti perpunctum, expressit: quae compositio vocum eo quidem artificiosior est, quod contrarios sensus utrarumque in una consonantium conflatur & cogit. Verum enimvero quid non contenti sumus eo, quod unus Razes aperte declaravit in opere omnia continente, dicens *Ventositatem* hanc *spinæ* dictam propterea, quod ipsa os perforetur. Sed in corrupto ejusmodi aut vulgari vocabulo non est fortasse morosius ac subtilius philosophandum: atque in hoc praeterea maxime, quod non arguere illud, quod sonat admonuit nos Petrus ab Argillata. Nos autem, quaecunque sit barbari nominis vis, atque etymon, *offis circa articulum in pueris Abscessum*, graeco verborum complexu *Paedarthrocacen*, quasi puerorum ad articulos malum, inscribi volumus. Fortassis autem est *Spinæ ventositas* à Junioribus perperam intellecta: de qua re suo loco.



## C A P. II.

*De genere Affectus.*

**N**ON est sane facile decerni, quo sit genere censendus hic Affectus. Namque videtur tumor ejusdem perpetuus continuo ad auctam magnitudinem referendus: haec autem, quod majoris momenti est; non summo tenuis corpore, sed intrinsecus extensa est in longum, latum, altumque, dimensum: quod enucleate tradidit Gal. *initio lib. de tumor. praet. nat.* Itaque tumoris vitium hoc esse quis inficietur? Sed enim ulcus vere censendum apparet propterea, quod uno consummationis suae tempore, non alio quovis spectandum est; perinde ac cum perfectum & absolutum est vitium; hoc morbi praecipuam, & nobiliorem formam, habet; primum curantis studium contendit; & huc omnes sanescendi difficultas refertur: ac neque etiam tam extumescentis, quam pertusi corporis abhorretur forma. Sed ad utrasque carnis affectiones accedit tertia; quae est ossis vitium indubitatum: de quo posterius agetur. Possumus igitur omne vitium complexum multis, compositumque, dicere; nam quid quaeso prohibet, puin ad plura genera referatur? quandoquidem in multis aliis id fieri consuevit.

## C A P. III.

*Ossibus Apostema suscitari posse.*

**Q**UOD in gravissimis omnibus pertractandis Morbis accidit, pendet curationis omne momentum à plena vitii dignotione. In hoc igitur affectu, difficillime primam nos notitiam rei sequemur; quae, ut ordinata, firma, brevisque, non confusa aut simplicita, sit, inter caetera necessarium arbitrati sumus, aliquot hic hypotheses ante proponere, quae veluti fundamenta & principia demonstrationis nostrae sint, lucemque disputationis conferant quam maximam. Primam autem esto de ossium habitudine ad Abscessum; de qua re sic aliquando meditabar. Utrum ossa suapte natura subeant Apostema; non sic quidem unum affirmatur



tur aut negatur; ut non alterum contra contendere possit; negavit porro Serapion Arabs, in primo Breviarii cap. 20. dicens, quia nos scimus, quod in omni membro, in quo fit tensio, accidit Apostema; sed non est in natura cerebri, ut recipiat tensionem propterea, quod est frigidum corpus: Et similiter non est in natura ossis, ut recipiat tensionem propterea, quod est frigidum Et siccum, Et durum valde; ergo necesse est, ut non accidat tensio, nisi membrum, quae sunt inter id, quod est in fine duritiei, Et inter id, quod est in fine lenitatis, sicut sunt panniculi, Et ligamenta, Et nervi, Et lacerti, Et caro, Et quae sunt ipsis similia. Quae hominis sententia in brevioris & commodioris argumentationis formam aptari sic potest. Ea pars subdita naturaliter est Apostemati, quae distensionem in longum, latum, Et profundum, recipit: atque os distensionem non recipit; igitur neque Apostema.

Non terruit haec ratio, neque alia huiusmodi quaecumque, principem Avicennam, qui lib. primo fen. 2. doct. prima cap. 5. paulo post initium ait; Apostemata quidem membrum accidunt molibus: Sed est etiam, cum ossibus accidit res, quae apostemati similatur, per quam ejus ingrossatur magnitudo Et ejus augmentatur humiditas; neque est mirum aut extraneum, quod recipiens augmentum aut additionem, cum nutrimento recipiat eam (scilicet additionem) cum superfluitate, cum in ipsum penetraverit, aut in ipso acciderit. Vides quam acuta ratione, & sive defluxu, sive congestu, demonstraverit Avicenna, posse ossa concipere Apostema; quam rem enucleatius exposuit & in l. 3. fen. prima tract. 3. cap. 1. principio refutata Serapionis opinione, per haec verba: Non enim est quemadmodum quidam Medicorum existimant, quod cerebrum ipsum non apostematur, sic ratiocinantes: Nam quod est lene sicut cerebrum, Et durum sicut ossa non extenditur: Et quod non extenditur, non apostematur: hic autem sermo est erroneus, Et illud ideo, quoniam lene viscerum extenditur, Et ossa etiam apostemantur: Et Galenus illud confessus est, Et nos monstrabimus sermonem de eo, in capitulo dentium. Deinde lib. 3. fen. 7. cap. 1. tradidit idem Vir rationem, quae est; nam omne, quod nutritur, idem extenditur, Et augmentatur cum nutrimento; Et similiter est possibile, quod extendatur Et augmentetur cum superfluitate; Et illud est Apostema, Et quandoque accidunt, ait, dentibus species Apostematum; Et illud quidem non est mirum: omne enim, quod recipit extensionem cum aug-



mento nutrimenti, non elongatur, quin recipiat extensionem cum superfluitate; nam si non reciperent materias penetrantes in eis, augmentantes eos, non fierent virides, & denigrarentur; illud enim est propter penetrationem superfluitatis in eis.

Quae verba Principis eo maiorem firmamenti vim continent, quod sunt ex Galeno traducta; qui l. 5. de comp. med. secundum loca cap. 4. circa medium scripta reliquit haec; si vero lividi per omnem suam substantiam facti dentes appareant, nil mirum est ipsos quid inflammationi simile pati, & aliquid detrimenti ariditatisque suscipere. Post quae addidit; redundantia vero consimilem in eis affectionem concitare potest, qualis est circa carnosas partes inflammatio. Mirum autem est, quantum hoc toto capite nostro faveat proposito Galenus. Succenturiatus autem utrisque viris est Albenzoar, l. primo Theisir. tract. 6. l. 2. cap. 2. quod est de superadditione ossis in principio, per haec. Et ingrossantur quandoque ossa in sua superficie ab humoribus mordicativis, qui infunduntur in ipsis ossibus à sanie, quae transit super ipsa: unde concavantur, corroduntur & ingrossantur. Qui idem auctor eodem tit. 6. lib. 2. c. 5. retulit de quodam homine, cuius dorso concretum os instar cornu, non ita durum, ut os naturale; pater excussit catharticis impellentibus humores crassos, & medicamentis exterius exsiccantibus. Itemque narrat de se ipso, qui natum sibi super dorsum os graviter molestum, crassa vacuantibus pharmacis, & emplastris dissolutivis ademit. Quid quod Galenus ipse, l. 6. de usu part. cap. 3. nulla, ait, substantia est adeo dura, ut sicut alitur, non possit etiam augeri praeter naturam; ita ut ossibus id quoque usu veniat. sed maxime hoc experiuntur, qui laxiora sunt & molliora. Jam igitur inquires, si quae praeter naturae statum sunt ossa, extendi atque augeri cognoscimus: multo etiam magis ossa naturae modo se habentia, sub alimentum extendi, superfluisque crassescere posse, confitendum est.

Sed & dentes inflammatorium Abscessum pati monstratur testimonio Ludovici Dureti, qui super illam sententiam Hippocratis, in l. 2. Coacarum praenot. cap. 21. §. 8. (Dentis sphacellismus Abscessum in gingivam exolvit) Dens, ait, os acerrimi sensus, quod tantum atteritur, quantum molendo mandit; ac tamdiu crescit, quoad quiescit; omnium affectionum capax, omnibusque morbisicarum caussarum telis expositum, quibus & caro ipsa est, nec cum  
mi-



*minore perceptione rei molestae, unde successionis doloribus cruciatur. In eo symptomata conspiciuntur omnia, intemperiei, phlegmones, continuitatis & contiguitatis emotae. Significavit & suam, non recedentem ab hac ipsa sententia, Joannes Langius, l. 1. epist. med. 42. cum numeratis plerisque luis Venereae symptomatis; quae cognita singula veteribus contendit: Steatomata, ait, & Tubera, atque ex intima ossium medulla concretus sub illorum panniculo tumor, &c.*

Demonstravit & hanc rem experimentis Phil. Ingrassias; in lib. de tumor. ubi narrata historia à se dissecti cadaveris, in nostro nosodochio Incurabilium; cui cadaveri, hominis alioqui Syphilide commortui, reperta sunt ossa pectoris & juguli, & aliquot costarum, insignibus tumoribus exaltata: quibus subinde, ruptis, apertisque, puris graviter olentis nonnulla portio manavit, quo demum exhausto, patulus & cavus ossis sinus apparuit. Quibus addidit idem auctor, etiam praeter aetatem, incremento Galenum & Avicennam censuisse, dentes colorem bonum deponere, mala subeunte substantia; atque hac similiter imbuta, corrumpi partium mollium & carnis modo. Subdiditque idem Ingrassias; rationem Galeni non in augmento, sed in nutritionis vi consistere, quod apparebit facile, si Galeni verba non oscitanter legantur. Post quae, curationem dolentium ipsorum dentium tradens, repellentibus non aliter, quam ad carnis phlegmonas utendum praecepit: quippe quia per defluxum fit vitium. Quod si per defluxum est quidem, ut est vere, defluxum ipsum causam inflammationis accommodatam ecquis non videt? atque eo maxime, quod, ossi calvariae sinistre exciso, necessariam inflammationem impendere monuit Hippoc. in l. de vulneribus capitis, saepe; nec non Gal. l. 6. meth. cap. 5. τὸ ἀναλογόντι τῇ φλεγμονῇ. idem quid inflammationi proportionale perpeti ossa professus est. Quid, quod Hippoc. l. 4. epid. in historia senis, qui in lapideis vestibulis habitabat, conceptis verbis testatus est, ossis suppurationem; in quo loco Franc. Vallesius retulit haec, non nihil ad nostrum usum facientia; *Ubi autem inflammatio sit, & hic Abscessus esse potest, sive malueris Apostema: cujus etiam ratio consistit, ut partes, aliquo intercedente vitio, diducantur; quis autem inficietur ossis partes interiores saltem, humore copiosiore impel-*



*lente diduci atque laxari?* Sunt & huc demonstrationes, & experimenta Langii, quem adi.

Restat nunc videndum, ex quo peculiariter Apostemate, atque humore, corripri debeant ossa: statuitque Ingrassias nulum esse, à quo vitium ducere non possint: si vero paulatim propriique alimenti, ut par est, superfluitate coacervata procreandum Apostema sit, ex melancholico exusto succo promptius illud est eventurum; sed de viris Ingrassias loquutus apparet: in pueris alioqui sanguinem, aut pituitam esse materiam inflammationis probabilius est: qui uterque humor, ut paulo posterius ostendam, vitiatus & in poros ossis illapsus, & in horum substantiam non coaptatus, sed rejectus & conculcatus, jam computrescens & fervens, ossa vitiabit, intemperabit; evertet ita frigida & sicca ossis temperies naturalis, in calidam & humidam, quae est praeter naturam transvadet, proportionalis scilicet carni: quod Galenus dixerat inflammationi proportionale.

Ex his jam constat, nequaquam esse difficile, ut ossa conditionibus Abscessus subjiciantur.

#### C A P. IV.

*Quod articulos proprie longorum ossium apprehendere debeat hoc vitium, ut re vera apprehendit.*

UT planam atque expeditam evidentiam comparent ea, quae praecipuo hoc argumento monstraturus sum: equidem cogitavi conducibile, si partium ossis, ad articulum potissime spectantium, usus & conditio dispiciatur; quam rem jam exsequi paror ad hunc modum. Ossis universa partitio triplex est: Una pars *innominata* veteribus; quae *corpus* nobis dicetur ossis, pars ejusdem maxima & praecipua, aliarum veluti truncus, in medio sita. Altera pars ossis similitatem primam adferens capitulo, à natura conditrice conglutinata, *epiphysis* dicta Graecis, *appendix* & additamentum Latinis. Estque haec, auctore Vesalio, os alteri ossi adnatum, peculiarem obtinens circumscriptionem; neque illius ossis, cui committitur, vera portio. Tertia pars est segmentum ossis extremi, supra communem ejusdem aequalita-



litem extuberans: estque haec, eodem Vesalio describente, ossis pars nihil à suo osse differens; nisi, quod Tuberculi, seu gibberis, instar ex osse procedit; quemadmodum ex arboris trunco radices & rami exultare, procedereque, videntur.

Corpus ossis, Anatomicorum omnium consensu, durissimum est, quod propugnaculi instar impetum injuriarum sustinere debuerat. Appendix vero, secundum Galeni sententiam *in decimo de usu part.* excogitata est à natura, ut operculi vice esset ad medullarem ossis partem tuendam, ne diffunderet, atque ut, artius coarticularentur ossium capitula; quamquam alia Vesalii & Columbi fuit opinio, seu verius erga Galenum diludendum prurigo. Sed & alter usus à Gal. expositus est, *l. 2. de usu part. c. 5. circa F.* adnexas ossibus appendices, ut ex ea conjunctione ligamenta possent enasci, quae articulos circumligant & firmant. Tertius usus est, ab Andrea Laurentio relatus, Hippocrati primo auctori, volenti esse epiphyfes quasi ventres ossium, in quibus concoquatur ossium alimentum, quod sensim in horum cavernis percoletur. Porro est hic usus, qui nostris placitis maxime favet.

Sed processus ossis & capituli qui finis? Ad partium quarundam, musculorum praesertim, exortus, atque insertionem, tradiderunt quidem omnes. Verum & usus alii non desunt, ubi variam hujus formam atque figuram spectaveris: sed de hac re satis.

Cognoscis nunc mollissimos, & maxime succulentos, esse fines ossium longorum, quae cum aliis coarticulantur, raramque & accommodatam horum structuram, ut succos advenientes pronutrimiento excipiant. His adde, quam ipso motu laxos, imbecillos & ad repellendum ineptos. Quas ob causas memineris etiam, ut in Abscessibus absolvendis, has maxime partes consuetus fere semper impetere sit humor, qui rejectus à superioribus, huc transmittitur. Mirum igitur ne sit, quod communis ossium atque alia privata, quam post haec exponam, cacochymia seu arthrocace, maxime colligant articulis.



## C A P. V.

*Quod non carnis , sed ossis praecipue sit hoc vitium ;  
quodque non à carnis habitu profectum , sed ossis  
primum σύμπτωμα.*

**Q**Uoniam autem os, & caro, naturam inter se nata dissen-  
taneam, vitium uno communi loco subiere : quaeri non  
inutiliter potest, utri nuncupandus sit affectus, & , utrius sint  
morbi conditione priores partes. Videtur autem, quod ossis  
vitiati longe potiora sint momenta, neque illud tam dico cu-  
randi difficultate, scilicet hoc planum & nulli dubitabile ; ve-  
rum etiam procreati mali ( cum Philosophis dicam ) anticipatu:  
quoniam autem video nonnullos, quorum opinio fuit, hoc vi-  
tium ossibus secundario advenire, nimirum ab exteriori habitu,  
& à perioſtea membrana, translatum ; ostendam equidem hoc  
falso credi, & ab ossibus verius proficisci vitium in circumſitas  
partes ; quod ostenditur duplici ratione. Prima, quod cum ſi-  
mul appareant haec utraque vitia, multo prius antecedere de-  
buit id, quod invaſit os ; utpote quod durius & obſiſtentius eſt  
natura, quatenus penetretur, molliatur, conteratur. Deinde,  
quod à primordio in loco alioquin excarni, non parum altus  
exſtitit tumor, qui proprius fuerit ossis oportet, non carnis, quae  
in articuli ambitu nulla eſt plane. Tèrtio, cum exilis ſit por-  
tio carnis, quae vitiari poſſit, ejuſdem quoque vitii parva ſit vis  
conſequitur, quae duritiem ossis conficere queat ; contra vero  
os, cum mole majori conſtet, amplum ejuſdem vitium, etiam  
atque etiam carnes conterere, ac labefactare, valebit ; praeſer-  
tim quando ſubjectum veluti fulcrum ſit os carni : nos autem  
experimento quotidiano didicimus, in vulneribus capitis & cor-  
ruptelis aliorum ossium, circumjectam carnem ample compu-  
truiſſe, ſub hac vero vitiata ſubjectum os commarcuiſſe, non  
ita multum licet procedente longius tempore, non nego com-  
maculatum os, & labefactum. Adde, quod ossis quanto durior  
eſt ſoliditas, tanto gravior eſt corruptio, quod declarat gravis  
faetor ab offe cariem experto, & nigro, exſurgens ; ſic licet pau-  
ca huius putredo, qualis quidem putor non eſt à pari vitio car-  
nis.



nis. An autem illud fit, quia sub densiore substantia complexa magis putredo minus exspirat, minusque dissipatur? sed, particulis ejusdem in se coactis, confertim exhalat odiosam mephitim. Accedit ad haec testimonium Avic. qui *l. 4. fen. tr. 4. c. 9.* professus est, non obscuris verbis, vitium hoc, tametsi carnes etiamprehendat, nihilominus verius esse ossis. At neque aliter post hunc, Nicolaus Florentinus *serm. 6. cap. 40.* & Jo. à Vico in *l. 9. suae Copiosae cap. 34.* Quorum omnium sententiam tam manifeste sequutus videtur Joannes Langius, vir aequè doctus ac disertus, ut ulcerosam hanc ossium affectionem à se vocatam non alio, quam de teredine atque exostosi pertractarit loco: quae fuit *epistola 42. l. 1.* Sed nemo fortasse melius Petro ab Argillata, qui *l. 5. tract. 22. c. 2.* scripta reliquit haec; *Ventositas spinæ est quando aliqua materia in substantia ossis congregatur, ex debilitate virtutis assimilativæ, vel ex debilitate membri; unde congregata materia causatur apostema: illic autem consequenter facta incisione, reperitur corruptio in substantia ossis tota, vel in parte ejus, usque ad medullam; Et istos casus sæpe vidi, Et curavi.*

## C A P. VI.

*Abscessum hunc esse Puerorum proprium.*

**M**Orbus hic, quantum nos observatio nostra docuit, qui plurimos inde laborantes in Valetudinario curavimus, atque huc adversionem quam maxime sedulam adhibuimus, haud per omnem promiscue aetatem homines laceffit; sed puerorum videtur & familiaris & proprius. Quod autem istorum morbis interseruerint scriptores, factum puto propterea, quod grandiores, quam infantes, arripit hoc vitium. Est autem utrumque illud inquisitione dignum; & cur ad Pueros spectet, & cur eos, qui incunabula excefferint, maxime tentare solitum sit; utrumque porro sua non caret causa, quam nos hic enodate discutiemus: unde simul fiet, ut id, quod ante supposuimus ratum & confessum apud omnes reddatur. Pueri quidem simpliciter hanc affectionem incurrunt, eam ob causam, quam mox audies. Substantiam homo, qui nascitur, refert ex semine patris & ex san-



guine menstruo matris : utrumque principium & materia, ex qua foetus conflatur, non usquequaque purum & inculpatum ingreditur in generationem; sed nunc excrementosum, nunc feculentum, nunc vitiosum & maculatum est; praesertim si à morbofis, & à cacochymis parentibus procedit. At si tamen integrae valetudinis homo sit, qui generat, non est haec decisa portio sic incontaminata, ut expurgationem non ferat; atque hoc de virili semine dictum est. Sed neque perpetuo mulier munda probatam exhibet generationis materiam; verum plus quam vir saepe maculosam ac tetram, quando frigidior seu humidior, & inexercitior, est : unde fit, ut mulieres saepe doleant capite; propterea nimirum, quod superfluitates ex crudiore stomacho plurimas congerunt. Accedit, quod natura in foeminis solet menstruas expurgationes ciere; sint quidem istae mali succi, vel boni, non disputo: utrumque suos habet auctores. Satis est, quod gestationis tempore non perpurgatae mensibus foeminae, incredibilia per hoc tempus appetunt & varie mala: unde malus etiam sanguis pro nutriendo puero congeritur, qui neque corporis exercitatione, quae nulla tunc temporis est, emendari potest; sic immundus & vitiosus est ejusdem sanguis, unde incrementa foetus capeffit, quem ipsum trahit secum jam natus: undeque continuo illi eruptiones toto corpore, & capite quidem achores, ceria, favi, lactumen, glandulae, strumae, aphthae, intertrigines, pustulae, variolae, morbilli, & hoc omne genus excretionum: quae si contigerint quidem, commodae sunt, quia corpus emundant: quare non has prudens cohibet Medicus, sed adjuvat potius, quae si non evenerint, vel si postquam apparuerint, intro recurrerint, consueverint plurimo detrimento esse, ut inde fiat plerumque puer valetudinarius, colore atque habitu malo; sic fiunt pueri languori cuiquam opportuni.

Illud hic ad causas pertinens dicere non omitam: praeter communes istas seminarias infectiones, quales jam diximus ab utrisque parentibus proficisci, ad haec vitii effectrices esse alia, majoris notae, qualis est cachexia, sive proxime gignentium, sive progenitorum: neque enim elabitur hic affectus causas, quas dicunt haereditarias, inter quas est & infectio luis Venereae per semen communicata: item si vitium hoc, de quo disputatur,



à tabido vel ad tabem propenso veniat; equidem, praeter inexpurgata seminaria, inquinamenta vidi saepissime manasse *Paedarthrocacem* ob aliud, quod est; quia parentes habitu corrupto, vel languidi fuerant. Verum enimvero cum puerorum proprium hunc affectum posuerim; haud negaverim tamen ulteriori aetati contingere posse. Equidem Mariae Caracciolae lectissimae foeminae Neapolitanae, quae Deo & Sacris à libera vita & à viro, in hanc rem consentiente, & coenobium ingressa in D. Andreae Sacro Sodalitio se abdicaverat, cariem in malleolo diuturnam curavi: sed enim illud commune vitium, quemadmodum rarum est, vel ad *Ventositatem spinæ* referam. Equidem, vel causis constantibus *Paedarthrocaces*, dilata est eruptio ad grandiores gravioresque annos; non aliter, quam variolae, morbillique ad senilem usque aetatem servari consuevere. Huic nostrae sic expositae opinioni, aliud etiam addere nunc admoneor; non ignorare me, Fernel. 7. *phys.* & Matthiolum, *epistolarum opere*, confirmationes attulisse, quod puer in utero menstrua materia non alatur. Verum his omnibus communis Schola satisfacit; dum interim mea roborat Philippus Ingrassias, *in opere de tumoribus, qua de morbillis*, atque alii Viri non pauci.

## CAP. VII.

*Quod non tam per Influxum, quam per Congestum sit haec Abscessus generatio.*

**H**Is auditis, quaestio nunc se offert, per *influxum* ne, an per *congestum* Abscessus haec procreatio fiat? atque equidem dixerim utramque, ad morbum procreandum, causam intervenire: defluxum quidem, quia natura sagax humorem malum, & Abscessus non obtenti, sed intus revocati, reliquias, studet quo potest, commode transmittere; sed nullam in partem potest incolumius, & salubrius quam in articulos: igitur huc materiam malam transmittit, atque deponit. In hunc modum apostasis quaedam haec videtur, id est, humoris vitiosi translatio. Ad haec & congestus adesse videtur excrementosae substantiae, cum nutrituro succo advenientis; qui non raptus, neque immutatus, à concoctrice propterea, quod aliena substantia coacervatur, &



congeritur, quotidie, intra spongiformem substantiam ossis, quam inesse jam diximus suo capitulo, ad recipiendam alimoniam accommodatus: sic tandem fit proventus maximus, qui fomes est putredinis ossis.

Jam autem cum utraque sit Abscessus incendii causa, tum inquam fluxio, tum congestio: puto epuidem multo majori parte esse congestum propterea, quod fluxionis modus obscurus est; tum propter alias causas defectus, tum maxime, quia viae defluxionum toto corpore non exstant, ad ossa sic expeditae, ut in vehendo alimento, quod nulla vi secum ducit superfluitates admistas, quae propterea felicior evenit, & cum perennis fit, copiosior fieri potest confluxio, quae perennis esse non ita facile potest. Ob haec conficitur sane, majora congestus esse momenta, quam confluxus, in hoc ossis Abscessu procreando. Confirmat abunde nostram hanc opinionem Joannes à Vico, qui *libr. 9. copiosae F.* notavit à materia interdum corrupta & venenosa, defectu virtutis assimilativae, occasione debilitatis membri, generari.

## C A P. VIII.

*An Corruptio, vel Corrosio, sit morbi forma? simul  
& de generationis Cariei modo.*

**Q**Uaestionem hanc, ut rite recteque possimus expedire, corruptionis & putrefactionis nominibus, hoc loco confusis, utramque nos affectionem secundum Nicolai Florentini *commentationem in Avic. lib. 4. fen. 4. tract. 3.* definiemus; si primum distinxerimus, quod sit putrefaciens & corrodens, scire licet, corpus humanum & hujus partes, quae dictarum passionum sunt subjectum, esse trium generum; id est, solidum, humidum, spirituosum. Solidum inquam, ut ossa, carnes, nervi, membranae, & hoc genus. Humidum vero dico quatuor humores, qui sunt sanguis, pituita & utraque bilis. Spirituosum denique dico spiritum vitalem, animale, naturalem; quae omnia vocavit Hippocrat. *lib. 6. epid. sect. 8. aph. 19.* continentia, contenta, & impetum facientia: in haec tria invadunt putrefaciens & corrodens.



*Putrefaciens* est id, quod corrumpit spiritum & humidum membri adeo, ut non sit amplius pars, nisi aequivoce. Caeterum non pervenit ad hoc ejus actio, ut resolvat humidatem membri, sed tantum dimittit eam corruptam. Auctor autem est calor extraneus. *Putrefactio* igitur est dispotio, sub qua humidum membri corruptum est absque resolutione, ita, ut in vitam redire non possit propter corruptionem spiritus, qui est in eo.

*Corrodens* autem est illud, quod praeter acuitatem, quam habet resolvit atque extrahit humidum, propter quam resolutionem, atque extractionem, minuitur substantia carnis, ut ulceretur. Pro qua re intelligenda doctrina est Arist. 4. *meteor.* sic cum ejus naturae, ut semper egeat colligatione; humidum vero id est, quod colligit & conjungit. *Corrosio* igitur est dispotio, sub qua humidum terminans, sive agglutinans, partes membri resolvitur ita, ut partes membri remaneant disjunctae sic, ut non sint amplius continuae; praeterquam tamen humiditas sit corrupta.

His jam expositis, utra ratio sit in hoc affectu, constare potest: porro subesse non videtur corrosio, sed corruptio, propterea; quod in hoc vitio totum humidum est corruptum, absque resolutione, ita, ut extincta restiterit pars; quod si tamen post longum tempus exempta ossa proferunt Cariem, ac Teredinem hoc nihilominus fit, resoluta per longum madorem parte: quemadmodum accidit lignis, quae longa humoris alluvie tabefacta, corrosionem referunt, quae vere non est: atque ad hunc modum interpretandi sunt Avicenna, Nicolaus Florentinus, Joannes à Vico, atque alii, si qui sunt auctores nobiles, qui corrosionem in hoc vitio adstruxerunt. Firmari autem hoc abunde licet exemplo simili gummatum, & exostosium, luis Venereae; quae resolutione verius & vi corrumpentium humorum, quam à corrodentibus facta visuntur: quam etiam rem Historia superius à Philippo Ingrassia recitata demonstrasse potuit. Fuit autem & meae sententiae Joannes Langius in l. 1. *epist.* 42. quam rem apud eundem auctorem legito.

Illud nunc desiderari videtur, ecquo pacto procreetur ejusmodi corruptio; evenit autem, meo quidem & Vidii judicio, ad hunc modum. Quoniam à nobis constitutum est superius, *Pae-*



*arthrocacen*, per *congestum*, quam per *influxum* fieri magis; id est, quod contrahatur paulatim humor in osse, ex alimento superante: contrahitur quidem in osse paulatim veluti mucus, qui ob loci imbecillitatem nec concoquitur, nec ad alendum est idoneus, nec expellitur; sed ibi manens tumorem excitat. Cum autem hic idem humor, vel acris fit, vel retentus putrescat (est, & qui in lue Venerea diuturniori collectus ea tubercula excitat, quae Gummi dicuntur) erodit ac perforat ejusmodi partes, integrae cuti subjectas.

## C A P. I X.

*Quod Exostosi, Sphaceloque, ossis Syphiliae, similis sit ista.*

Ex his facile quisquam affirmet, *exostosi Syphiliae* similem Abscessum hunc esse; quod assertum neque displicet nobis, qui credimus Gummata, quae dicuntur, à Venerea lue profecta, non per defluxum, sed per congestum esse: quam rem cum quispiam ostendi sibi desiderat, dicam; hominis Venereo morbo confecti sanguinem universum, & humores, graviter esse corruptos: siquidem, & ab omnibus constitutum & à nobis ante monstratum est, luem hanc esse universale corporis intemperamentum, atque hepatis praecipue, quod est officina sanguinis; quo labefactato, & humores omnes cum sanguine comprehensos, in corruptionem abiisse necesse est; quapropter & tales accedentes in substantiam alendarum partium, has non corrumpere non possunt: maxime autem inter omnes tuentur se carnes, & ad hanc naturam accedentes aliae partes sic, ut alienum à se, vitiosumque succum quoad ejus fieri licet, vel concoquant & commodarentur; vel abjiciant; non ita quidem ossa, quae inter omnes corporis partes sunt debilissimae, atque etiam maxime exsanguis & frigidissimae; quapropter id, quod à se rejecerant carnes, ipsa recipient. Indicio autem est, quod ossa capitis à nonnullo calore fota comprimis obnoxia sunt his congestibus. Indicavit autem *Ventositatis spinae* cum *Exostosi Venerea* similitudinem Joannes à Vico, memorato jam loco, quamquam vero contulit arthritidi morbum Avicenna: tamen ejusmo-

di



di comparatio facta est, secundum doloris speciem, qua communicant; non autem spectat illatio vitium, jam initum ossi, quam diximus esse corruptionem; quam quidem opinionem eo libentius amplexus sum, quod Jacobo Caesarano, Medico nostri Gymnasii Professore praeclarissimo, ac Diomedii Paladino, viro item doctissimo, communicatam video placuisse.

## C A P. X.

*Ex quanam humorum materia pendeat hic Abscessus.*

**P**Rincipio dubietatem nonnullam facit, num halituoſa levifque fit materia, quae procreando huic vitio cauſſam praestet: Cujus ſententiae videtur fuiſſe Philippus Ingraſſias, *in commentario de offibus cap. 1. ſine*; perſuaſus tum ab etymo, tum quia figi quidquam in offis corpus, praeterquam tenuis ſubſtantia non poteſt. Quod confirmavit Philippus auctoritate Razae, in ſuam opinionem traducta, qui prodidit proſectum nomen à perforando; perforare autem ſolidiſſimam offis compaginem nulla non valet, praeterquam penetrabilis tenuiſque ſubſtantia, quae tranſcurrat; ut enim craſſamentum aliquod humoris pervadat. Quam etiam ob cauſſam factum eſt, ut Jo. Lang. *in libr. 1. epiſt. medic. epiſt. 42.* cenſuerit ejuſdem tereſedis cauſſas eſſe putres ichores. Sed Joſepho Pandolphino, *in c. 4. quod eſt de morbi generatione*, placuit vitium omne tribuendum pituitae craſſae, ut quae maxime in pueris, & puellis foeminis, proveniat, ſtatuſque multos, ad tenſivos artuum dolores excitandos, accommodare ferat. Ante quos omnes viros, Avicennae principi Viro placitum eſt, ut humores hi ſint acuti, penetrantes in os, & corroſcentes ipſum: quem Virum ſequuti ſunt & Nicolaus Florentinus, & Joannes à Vigo. Poſt quos Joannes Langius *cit. epiſt.* ulcerofa vocata hac offium affectione, purulentos & acres rheumatum ichores, quo terebrentur offa cauſſas dixit eſſe; à qua magni Viri ſententia, noſtra proſecto non longe diſcedit; niſi quod ſanguinis putres ichores poſuimus, ut venientes in alimentum offis, alioqui rarioris & levioris, quales capitulorum & pro-



processuum sunt, has inficiunt & contaminant, uti & *hujus lib. capite*, superius explicavimus.

## C A P. XI.

### *Vera Affectus natura.*

**S**I mentis aciem penitius in rem defigimus, longe alia quam apparens, & exposita sensibus affectus hujus est natura; usque adeo, ut equidem non conquiescam his, quae dudum genus inquirenti se obtulere; sed in recessu, positam, formamque aliam abstrusio-riorem, mali confector, quam etsi non adverterint alii, tamen ut puto lucidissima est. Illud autem, quod meditor est hujusmodi. Saepe numero legimus apud Viros auctoritate plenissimos, sensimusque disputando constitutum; inflammari ossa, non quidem aequae, sed paulo secius, quam carnes: ignis porro nullum sibi met objectum, quantumvis durum, excipit, quominus in ipsum vim suam παντοδυναμιν non exerat; ad hunc quoque modum inflammatio, quae ab internis visceribus male habitis, & à foco putredinis aliquo proficiscitur; nullam partem corporis excludit, sua tyrannide atque incurfibus; quin & dentes, quibus ignem parcere & immolitos linquere scripsit Plinius, quotidie cernimus insensili succorum acrium infestatu solvi, conterri, & erodi: multo igitur potius ossa minus compacta, minusque sentientia, humorum vim acutorum ad languorem experiri ac perpeti debuerint. Qui languor in *Paedarthrocacē* accedens, sit corrosio, an corruptio, certum non est; quamquam nos superius nostram opinionem aperuimus, quae corruptionem amplectitur; sed tamen aut nullum, aut parum necessarium, quod ad ossis vitium & affectionem attinet, istorum est discrimen: difficilior autem ossis per humorem est erosio, quam corruptio; haec enim ab humoris labefacientis duntaxat copia; illa vero ab ingenti acrimonia proficiscatur oportet. Atque ita jam apparet non admodum referre, siue corrosio, siue corruptio particulae sit hic Abscessus, quantum ad ipsum vitii jam procreati eventum. Jam autem, quanto facilius ossis erit haec vitiatio in pueris? quorum ossa molliora ac teneriora sunt, quam in viris; & eo amplius, quod ossis partem accipi volumus non promi-



miscuam, sed privatim eam, quae est circa articulos: atque haec, ut anatomica nos observatio docuit, spongiosa est multum; eo scilicet naturae consilio, ut foret accommodatior ad suscipiendum alimentum, delatum à venis atque arteriis appellentibus ad ea loca; à quo deinde alimento propagaretur & resultaret nutritio perennis in medullam.

Hac jam cognita partis ossis habitudine atque structura, in viris quidem laxa & rara, in pueris vero singulariter molli ac friabili; si dixerimus hanc ex allapsis humoribus semiputribus & alienis inflammari, ab inflammatione vero Abscessum & corruptelam perpeti; non erit sane, qui refragetur, aut facilem vitii procreationem inficietur. Quae res tamen ubi cuiquam difficilis forte videatur, in promptu sum ostensurus etiam opere constantes hos Abscessus, in plerisque pueris à me visos, quibus extractae sunt ossium particulae, qua semiputres, qua putres, confectae sanie, succique lentore maximo: quae quidem putredo, quaeso te, quo pacto fuerit inducta sine fervore, atque inflammatione? Cartilaginem quidem in senibus, tum aurium, tum narium, tum sterni, post inflammationem in Venereo morbo peresam saepissime vidi: puerorum igitur haec ossa mollia inflammationis capacia non fateamur? profecto cartilagines seniles non minus densae compactaeque sunt, quam puerilia ossa: quibus accedit & cerea mollitudo, & spongiosa porositas, quam omnes mecum sunt confessi. Ad haec in ossa, id est, in horum capitula venae subeunt & arteriae, licet pusillae & inadspectabiles: unde enim aut quomodo nutriantur, aut vivant eadem, si non ingreditur in ea succus, & nisi permeant undecunque vasa? quod si permeat succus alienus & importunus, ad haec loca delatus, & confertim aliquando cumulatus; maxime etiam valebit haec inalterare atque in calidam diathesin immutare sic, ut aliquando inflammentur & inflammata subeant Abscessum: quem partim *Ventositatem* appellarunt propterea, quod veluti ventus, particulas ossis inflans distendat; partim etiam dixerunt *Spinam*, quod veluti spina in centrum membri, quod os est, defigatur. Postremo inflammationem ossis persuadet augmentum in se inductum. Unde enim hoc, praeterquam à putredinis fermento? fermentum autem unde, praeterquam ab inflammatione? quae quidem tanti mo-



menti sunt; ut facile, quod nos sentimus, etiam unicuique persuaderi debeant.

## C A P. XII.

*Quod non Affectus hic occultus, & causae quaesito satisfaciunt expositae.*

**N**onnulli cum hujus affectus & ossis corrupti causas exponunt; non inventa, quae satisfaciat, ratione peculiariter affecti ossis perinde, ut à magna difficultate cito se extricent, ad antipathiam & ad occultas rerum causas confugiunt: id quod in plerisque multis hoc nostro seculo fieri consuevit ab his, qui rerum indagacionis pertaesi, via quam expeditissima sunt contenti: equidem, etsi perpetuo non renunciandas hae proprietates arbitror; in hoc vitio tamen amplectendas non consentio propterea, quod ad causas ratione contemplabiles referri potest, sunt autem, quae mihi videntur, hae.

Scire licet, humorem illum, qui morbum invehit, excrementitium omnino esse, quod, jam expositis ante sermonibus hujus libelli, monstratum est; quia sunt inquam reliquiae Variolarum & Morbillorum, minimum expurgatorum; item quae sunt non excussae superfluitates capitis ichorodes, quibus obnoxii sunt infantes, & his affines pueri: quae superfluitates omnes, & materiae sunt crassae, viscidae, pingues, ac putres adeo, ut contagione communicari pueris aliis cohabitantibus possint. Verumtamen cum humore hoc pingui conjuncta est aliqua ficitas & exustio; quemadmodum in fuligine non dico picis, turis thymiamatum, & pinguium omnium; de quorum praeparacione Dioscorides; sed & aliarum materierum omnium: porro non deest hisce fuliginibus & excrementis cremor, id quod ostenditur plerisque indiciis, quae sunt haec: primum in ceriorum, ac tineae speciebus singulis sua est crusta; in lupinari, inquam, furfuracea, & hoc genus; multo autem maxime in ectymatis & exanthematis residuas crustulas nemo non norit. Deinde falsas nitrosasque has excretionem esse constat, pruriginosae. Tercio non possunt non referre fuliginem impressione materiae, quae tot multas cretiones & agitationes passae sunt, à calore partium diver-



diversae : primo quidem in vasis & conceptaculis parentum ; deinde in universa puerorum officina naturali, donec perveniant ex omnibus vasibus ad postremam cutem. Praeterea fiunt excretiones istae omnes non sine fervore, & quia heterogeneae sunt partes substantiae vergentis ad siccum, torreantur oportet : inde enim *Acrochordonas* in pueris evenire docuit Cornelius Celsus *lib. 5. cap. 28.* & e Junioribus Antonius Musa, Brasavolus, & alii.

His omnibus argumentis constat, inesse nonnullam inustionis notam his excrementis. Has ob causas conjuncta fuit, ut dixi, cum pinguedine siccitas. At haec qualitas, & natura, fuit etiam ossibus, quae M. Hippocratis sententia *in libr. de carnibus*, ex multa pingui & glutinosa seminis portione concessa & exusta constant. Itaque ad ossa magno naturae consensu repere has materias, & ab his attrahi substantiae similitudine non alienum est credi. Atque haec una ratio est, quam contemplator homo comminisci possit. Altera vero ratio deduci potest ex *Arist. l. 3. de hist. animal. 19.* ubi tradens de sanguine dicit; hunc & partes sanguineas putrescere circa ossa : atqui per Doctores nostros omnes Variolarum & Morbillorum praesegmina sunt sanguinea, haec ergo retenta & ad partes ossium appulsa, facile has conficiunt & corrumpunt. Tertia ratio potest esse illa, partes omnes corporis, quo robustiores & calidiores & sanguine instructiores, eo facilius promptiusque repellunt à se noxas advenientes, itaque Gal. *13. meth. scripsit inter omnes in expellendo validissimos esse musculos, minus arterias, minus his venas, omnium vero debilissimas esse glandulas.* Ita quidem ille, sed nos glandulis imbecilliora dicimus ossa, quae plane repellere nequeant incursus alienorum humorum. Sic excrementa haec à singulis oeconomiae nostrae partibus rejecta, cum amplius remittere non valeant ossa, reliquum est, ut eadem in se congesta cum putrida sint & virulenta, Joanne de Vico auctore, vitium in se ipsis excitent corruptionis, & alienationis. Atque haec sunt causae, ad quas *Paedarthrocacen* referre licet.



## CAP. XIII.

*Affectus definitio.*

Post haec, definitionem adornaturis jam nobis, primum omnium inveniendum est genus, cujus quaedam multorum communis est natura, quam definita res participat; quoniam autem videmus in hoc morbo distentam in omnes partes substantiam, quae *Apostema* dicitur à Græcis, *Abscessus* à Latinis: utrumque nomen acceperimus, liberum est quidem; quoniam vero Latinum est commodius, in *Abscessu* consistemus. Quo invento genere, differentia supplenda est, vel quae hujus loco sunt accidentia propria. Jam autem, quae se offert, est corruptoria species, sive ratio cui se subicit τὸ ὑποκείμενον, quod distinxeris, dixerisque (*os*) & quia multiplices hujus sunt partes: quibus non expressis ambiguitas dari possit: nam aliae partes ossis ab aliis morbis occupari solent, ut à *Syphilide* media ossa, sic addideris (*circa articulum.*) Quoniam autem proprius pueritiae morbus est, & horum articuli potissimum abscessionem hanc incurrere consueverunt, hoc maxime pro diorismo retinendum apponendumque est, ut dixeris (*in pueris*): causae autem, quae magnam lucem afferant, exponendae, quae sunt scilicet spermatis, & menstrui sanguinis, inquinamenta non repurgata, cum quibus causis si generationis modus possit exprimi, fiet hoc sane, cum singulari definitionis gratia, qui modus est per congestum. Jamque cum nil intra complexum definitionis venire possit, quod definiti nomine non comprehendatur, atque etiam nil à definito contineatur, quod definitio non exprimat, atque explicet; sic jam collegimus absolutam definitionem, atque adeo dicimus; *Paedarthrocace Abscessus est corruptorius, seu spha-celismus ossis, circa articulum in pueris, ex primis spermatis, & menstrui sanguinis, inquinamentis, non repurgatis, per congestum il-lapsis & computrescentis, natus.*



## CAP. XIV.

*Num hic Affectus Graecis antiquis notus.*

**O**ptassem equidem omnes, ut facem nobis in hac re praestulisset quispiam ex auctoribus Graecis, ut qui diligentes, & exacti in uno quolibet argumento pertractando, fuere, quod autem ipsorum nullus ejusce rei meminerit, excitaret quidem nobis admirationem, nisi fortasse cognitum hunc illi morbum dubitarem: qui morbus sexcentum ab hinc annis, ni supputatio fallit, mortale genus invasit; num ergo nullus Graecorum memoria fuit hic Affectus: an vero, sicut Syphilidem non ignoratam ab istis plerique voluere; propterea, quod symptomata luis ejusdem nulla his obscura fuerunt: pariter & *Paedarthrocacem* eosdem non latuisse persuaderi possumus: atque etiam, quod ad cariem ossis universalem hoc vitium referri, non est absurdum; siquidem eo proposito, quod ante monstravimus, ulcerosam hanc ossium affectionem ortum habere, à male purgatis aut intro relapsis à summa facie corporis humorum excursibus, & exanthematis, Hippocrati, Galeno, Aëtio non incompetis, ut Andreas Laurentius affirmare visus est, in l. 8. *historiae anatomicae quaest.* 9. atque etiam Franciscus Vallesius in l. *primum epid. sect.* 2. & in l. 7. *ejusdem operis*, t. 94. Sic profecto fit, ut neque iis Abscessus hic ignorari debuerit. Porro non ita fortassis accurate descriptus ab iisdem fuit uterque affectus; propterea, quod ob exquisitam victus rationem (verba sunt Laurentii) mitiora essent omnia.

Ad hunc modum plane constat fieri potuisse, ut in Asclepiadarum notitiam venerit hocce vitium & *τεπνιδον* nomine comprehensum. Quinimo factum, ut comprehenderint; sic animus est ostendere, ut mirum, ni demonstrem etiam. Neque obstat, quod non meminerint Graeci multorum accidentium, quo modo significavimus, quemadmodum non refert, quod de variolis non tradiderint. Re autem vera *Spinam ventosam* Veteribus aliquo pacto notam evincimus, ex Razae verbis, *part.* 2. *Contin.* l. 15. c. 5. descriptis, Pandolphino quidem non incompetis: quae sunt haec. In 2. cap. de morbo, & accidente dixit tandem, quod *Ventositas spinæ fit ex humoribus calidis, corroden-*



tibus, & perforantibus os, & derivatur hoc nomen à perforatione. Ad-  
didit & ibidem loci Razes; In summis caussarum dixit, absterfio  
fit in ossè, ex superfluitatibus prohibentibus, cum absterfione ipsarum,  
quod non oriatur super illud caro, sed debet fricari, ut bona fiat con-  
ditio, ad generandam carnem, super illud. Dico possibile est, quod  
caro non generetur super ossa corrupta, non ex parte ipsorum vi-  
scositatis, sed eo, quod patiuntur complicationem malam, & erit  
ad modum ovi in generatione saniei, quoniam videmus os perforatum  
in grossitudine aspera; & super illud non generatur caro radicitus.  
Haec ille; quibus jam indubitato vides, non aliam Razae atque  
Arabibus suam Spinae ventositatem, quam Graecorum Teredinem,  
neque hanc fuisse aliam, quam illam: ita nulla prorsus, quam  
diversitas nominis intercedit, quas ob res jam constat cognitam  
antiquis Paedarthrocacen fuisse. Illud nunc judico disquirendum,  
num Galeno τερήδων & nobis cariei nomen corruptionis an cor-  
rosionis sit usu. Et ambiguae profecto significationis apparet  
fuisse, libr. de caus. morb. c. II. in quo loco foraminulenta caries,  
quae ab acutis humoribus erodentibus profecta est, discernitur ab una-  
quaque ossis asperitate, quae causam quamcumque aliam agnoscat;  
verum aliter l. de differentiis morb. c. 5. in quo loco auctor ossa pu-  
trida similia fecit lignis, quae sunt vetustate corrupta: quem ossis  
affectum corr. 3. de fractur. text. 20. cum Hippocrate sphacelon,  
id est, consummatam ossis corruptionem vocavit: omnibus au-  
tem modis cariem Galenus potius ad corrodescentes, quam ad cor-  
rumpentes, causas visus est retulisse; quamquam Razae senten-  
tia recitatis modo verbis videtur ea fuisse, ut sua spinae ventosi-  
tas, & taridon, teredinis corruptum nomen, affectum & caus-  
sam utramque corruptoriam, inquam, & corrosoriam, saltem  
conjunctam complectatur.

## C A P. XV.

*An Ventositas spinae, ab Arabibus auctoribus descripta  
Paedarthrocacae congruat nostrae.*

**D**E Ventositate spinae primus omnium, quos novimus, scrip-  
sit Avicenna: cujus verba recitata semel fuisse referet non  
pauci; commodissimus autem hic locus, in quo disquirendum  
pro-



proponimus, num ejusmodi, qualem ipse *Ventositatem spinæ* descripsit, sit *Paedarthrocæ* nostra. *Ventositatis*, inquit, *spinæ* *caussa sunt humores acuti, penetrantes in os & corroderentes ipsum; & incessus Ventositatis spinæ, est incessus doloris juncturarum.* Verumtamen *materia in dolore juncturarum est in carne, & in ventositate spinæ est in osse, & ejus additio corrumpit ossis partem unam post aliam.* Dixerunt quidam, quod *spina est spasmus in toto corpore propter ulcerus, & non affirmatur.* Haec ille. Professus autem & de hac re, sicut audisti fuit Razes, licet diversa, vel parum respondente sententia. Ex Arabistarum vero schola, qui meminerint ejusdem vitii, fuere Petrus ab Argillata: cujus etiam verba recitavimus; ac Nicolaus Florentinus, & Jo. à Vigo Genuensis. E cultis vero scriptoribus fuerunt Jo. Langius, l. 2 *epist.* & Joan. Manardus, lib. 7. *epist.* 2. sed omnes hi quidem aride ac jejune. Plenius e nuperis Josephus Pandolphinus, vir à nobis sæpe memoratus; neque præter hos alii de hac re tradidere.

De quibus omnibus, quod ad institutum modo sermonem private pertinet, sic equidem judico; Principem Avicennam in primis audiendum, nam Nicolaus & Joannes à Vico, atque alii, sunt hunc præcipue sequuti. Nec sat video, an hi omnes rem ab experto tradiderint; quam vere si novissent, necessaria pleraque conscripissent: aut si ejusmodi non fuit istorum præceptio; vel mancā hanc & potissima parte defectā fatearis, oportet: ac descriptus à se affectus alius erit ab eo, quem nos conscribimus. At Pandolphinus *Spinæ ventositatem*, & *Paedarthrocacem*, unam eandemque rem fecit, quod nos equidem non ita facile volumus asseri: nimirum, quod non omnia consentire, quæ in utraque hypothese statuuntur, apparent. Primum, quod non corroderentes per se humores *Paedarthrocacem* producant, neque in hac aliqua corrosionis est forma, sed corruptionis & syderationis. Deinde, quod Avicennæ verbis in dolore præcipuo videtur affectus essentia constituta; sic enim ait: Verumtamen, *materia in dolore juncturarum est in carne, & in Ventositate spinæ est in osse.* Sic quidem ille de perdolente *Ventositate spinæ.* At vero in *Paedarthrocæ* nullus dolor est pungens, aut qualiscunque alius, præterquam sub uno ulceris Abscessu:

Deprehenditur ergo falsi Pandolphinus, qui inseparabilem ejusmo-



jusmodi dolorem à pertractato morbo posuit. Sed & Petrus ab Argillata *sphacelismos* ossium mediorum, à penitissimis *Abscessibus* cum carniū corruptione conjunctis, & penes communes causas & affectus, quavis promiscue aetate profectos, non dubitavit in singularem atque eximium *Spinae ventosae* characterem, & censum, inferre; quod à nullo priorum ad quos attinuerat, est utique factum: à quo auctore prompta hercules conjectura mutuatum, atque imitatum, Joan. Januensem opinari licet: qui vir *teredines ossium* à lue *Venerea* procreatas, ad hunc *Spinae* morbum liberiore commento revocavit; vel hunc ad illas, confusis affectus utriusque rationibus: quando citra cariem malum hoc *spinae* definierit Princeps: ad cujus sententiam, hac eadem de re, professus est ipse Vigonius plus scilicet Avicennae verbis accommodans res, quam verba rebus: ita scilicet corrupta, longo jam tempore, scribendi fides est & auctoritas. Sed nos ad primum sermonem redeamus.

Dico igitur *Paedarthrocaces* morem non esse, qualis est arthritidis, aut si mavis doloris articulorum, quanquam ossium juncturae sunt, quas nos posuimus Abscessus sedem. Sed neque hoc absolute protulit Avicenna, sed ait, & *incessus Ventositatis spinae est incessus doloris juncturarum, verumtamen materia in dolore juncturarum est in carne; & in Ventositate spinae est in osse: & ejus additio corrumpit ossis partem unam post aliam, &c.* vel ut alter codex habet; *est ejus accessus, vel dilatio, vel progressio corrumpens.* Quibus verbis docemur discrimen ineuntis affectus, & progressi, ut incipientis quidem sit corrosio fortasse levis & os tantummodo lambens; provec̃ti vero corruptio sit & Abscessus amplior.

Ex his omnibus non violenta tandem una suasio nascitur; qua credamus, vel alium esse plane *spinae* morbum, quam *Paedarthrocace* nostra sit: vel adversus securas & certas Pandolphini theses, omnino plurimam esse nobis dubitandi ansam; ubi scilicet omni detrectato demonstrandi conatu, nostram opinionem non promoveamus in tanta verborum Avicennae parcitate; testimonii sui obscuritate; ac vulgatae interpretationis incomperta fidelitate. Ad extremum, sensus noster & decretum est, si Veterum testimoniis & auctoritate certamus; non magis in *Paedarthrocace* definienda observaturos nos esse, quid Princeps Avicenna, quam



quam quid Razes, inter Arabas omnes Medicos experientissimus, atque aevo & usu medendi consummatissimus, professus est; eo maxime audiendus, quia cum primis & optimis Graecis magistris mire consentit sic, ut in *Ventosa* ista *spina* excutienda, novi nihil in medium attulisse videatur, quam quod decreverint iidem.

## C A P. XVI.

### *Differentiae.*

**P***aedarthrocaces* non uniformis alioquin, ut plerique morbi omnes, sed plurimum à se ipsa dissidentis, differentias haud quidem constitutivas, quae nullae sunt, verum eas, quae modum immutant, hic nos exponemus: rejectis tamen iis, quae parum ad curationem faciunt, atque illis, quae ad hanc maxime spectant, amplexis. Has autem applicemus oportet ad subjectum, cui sanitas & morbus natura inhaerent; aut subjectum ipsum non tam simpliciter, quam secundum modos & affectiones, quibus informatur, observabimus. Ex priori genere cum crassis & constitutio corporis, habitus, ac textura sint: secundum haec singula discreveris hominem, qui suppositus est affectui. Sed multo fortasse certius definitiusque pertinebit expendi aetatem; cujus firmitudine, aut imbecillitate, levius ad morbum alii, deterius alii se habent. Ex posteriori genere, id est, ex modis, quibus affectum est corpus, prima differentiae ratio fuerit; si perfecte morbus inhaeserit, &, penitissime illatus, haud multum curationi pateat: fixus inquam, aut insito familiae caractere, aut Venerea contagio; aut malo corporis habitu, quam cachexiam dicunt; aut si citra haec sit affectus, & leviuscule impressus.

Alterum differentiarum caput erit eorum; quae consequuntur formam in subjecto. Ex his magnitudo, vel parvitas, multitudo vel paucitas, locus, motus, ac tempus est: secundum quas singulas circumstantias, ac modos, vitium discrevisse difficile non erit ei, qui diligenter singula percurrat. Ad magnitudinem, spatium quoque pertinet; sic Petrus ab Argillata posuit *Paedarthrocaces* modos; alterius quidem totum ossis ambi-



tum complexae, & ad medullam usque progressae; alterius vero partem ingressae: at Nicolaus Florentinus aliam posuit in summo versantem; alteram profundius delapsam: Vidius vero ad alteram ossis partem transgressam etiam fecit. Sed tu partitus ad summam fueris, vel latius patentem, vel finibus angustis conclusam.

Quod spectat ad tempus; hoc vel discretum pendes: sic initium, aut incrementum, aut statum, distingues; vel non discretum secundum has certas partes, sed secundum absolutiorem alium dimensum capies, tum longitudo se offerret, aut brevitās. Ad quem ordinem accedit proxime divisio motus, tarde procedentis, vel acute. De qua re sic Razes ait; *Et juxta modum acuitatis ipsius materiae, erit malitia Et velocitas ulcerationis ipsius. Sed loci discernicula sunt haec; nam aut ipsemet articulus affectus est, aut proximae partes ossis; processus, inquam, aut pars ceterior, aut reliquae. Caeterum Et articuli discernendi sunt, namque vel artuum, vel partium mediarum malo tenentur. Equidem ad os malae supremum, Et circa nodos pectoris, Et costarum, cariosum hoc Apostematis genus curavi; ut inter alias memorata Biliopolae filia, Et c.*

Succedit ordo tertius, qui caussarum est; quae sicut ostendimus internae sunt semper; quarum quidem effectricibus, ante relatis, addere potes adfluxum atque congestum divisim aut junctim, uti videbitur: materias vere distinguere poteris, vel pituitosas & putres, ut Langio visum est; vel sanguineos ichores putres, quae nostra opinio fuit; praeterea corrodescentes aut corrumpentes, complexim aut separatim: principio aut deinceps, prout casus simul & opinio tua feret; item sincerās, mistas; crassiores, tenuiores; coctiores, crudiores; dilutas, falsas, nitrosasve; benignas, malignas; multas, paucas; adfluentes quotidie, vel sine adfluxu vigentes.

Quarta denique series est effectorum: secundum quam dixerit, ab ossis primigenio, sicut jam ostendimus, Abscessu inductum in carnes ulcus latum, vel angustum; aequale vel inuale; purius aut putrius; simplex aut multiplex: & ad summam sic aut aliter affectum, ut ulcus omne partiri consuevit. Citra quod ulcus ossis etiam esse corruptio non diuturna potest: ita ut pars una differentiae sit; arthrocace carne contexta; pertusa & hians altera.

Ad



Ad haec videris an morbus dolore vexat, an hujus expertus est. Itemque num febrem invexit, aut secus: hancque vel perpetuam, vel intermittentem; hecticam aut putridam: maciem aut neutrum corporis statum, &c. Hi tibi satis ex pluribus, qui nunc offeruntur, esse poterunt differentiarum modi.

## C A P. XVII.

*Symptomata, & Indicia.*

**E**Xposuimus in *Paedarthrocace* jam duos praeter naturam affectus; qui sunt morbus & caussae. Tertio supersunt Symptomata, quae nos variis morbi temporibus applicata, secundum haec eadem digeremus. Primum ea re notata, quod morbus hic longissimus est, ut qui ossis intimi vitio continetur. Initio igitur tumor est globosus, interdum pressula rotunditate; indolens primordio, ante carnis exulceratum; dolens aliquantulum ab exulceratu: quae ulcuscula duobus post mensibus, vel circiter adveniunt: atque haec quidem tempora sunt initii atque incrementi, quibus temporibus per angusta foramina, misso specillo, contactum leviter vitio sentitur os: mox, in statu consummatus, deprehenditur ossis marcor & consummata putredo. Cujus mador varie diffusus in carnes vitiatas, eas in varios Abscessus & ulcera pertrahit; nisi tamen haec arte magistra praevertantur & aliqua tatione redimantur. Articulis, ut ante ostendimus, infestum vitium est adeo, ut ignaris hominibus ossis luxati speciem praebat; quapropter ad repositum capituli contrectata pars exasperatur. Praeter haec affident & alia nonnulla, quae sunt in omni carie promiscua. Interdum febricula quaedam tenuis, & pusilla, corpus tenet. Interdum macies & cachexia, quae non minime verenda sunt mala; praesertim in cachecticis gracilibus, & male habitis impuberibus.

Succedunt hic signa, quae *Paedarthrocacen* ab *Arthritide* ac luxatione, similibus plurimum affectionibus, secernant & separent: de qua re scripsit haec aliqua Razes; *Dico Ventositas spinae est ad modum doloris, sed materia in dolore articulorum erit in carne & musculis: sed in vitio spinae, haec materia erit in osse & par-*



te ejus: corrumpitur caro vicina ei, & , juxta modum acuitatis ipsius materiae, erit malitia & velocitas ulcerationis ipsius. De cognitione quoties videris articulum ingrossari cum durabilitate, non deficiet vitium, sicut deficit articularum; sed quoties perdurat in dispositione ipsa, fiet acutius ambulando. Haec ille.

Ad quae nos subnectimus, & hasce alias notas vitii discretrices; Prima, *Paedarthrocace* familiaris est puerorum; unde primis à nobis nominata est ipsa. Secunda, quod post recurrentes variolarum, morbillorum, ceriorum, & achorum, lactuminis, ut dicunt, ac tineae, negatas imperfectasque repurgationes succedere solita sit. Tertia, quod os prius vitii vim sentiat, qua circumobducta caro. Quarta, quod cum artus impetere solenne sit huic vitio, maxime tamen articulos laceffit ac ferit. Quinta, quod malignam vim prae se fert; quam vix ulla Medici providentia, & sedulitas, venientem antevertere aut aggressam curare valeat. Taceo dolorem periosteae membranae punctorium, à qua specie dictam hanc *spinam* volunt, si placitum Avicennae sequaris.

## C A P. XVIII.

### *Prognostica, & Judicia.*

**P**Raeclare quidem enuntiavit Hieronymus Fabricius in operum Chirurgicorum parte posteriore, qua curata sibi sunt ulcera cum osse corrupto; quod ejusmodi vitium inter maligna censetur, nihilque Medicos, etiamnum praestantes, tam mire fatigat, quam ossis una corruptio. Quod si dictum est de omni promiscue carie: quid de hac amabo te, quae prorsus intimos articulos, nerveasque partes, subdola & ineffabili quadam antipathia convellit? Insolens igitur si quod aliud, & infinite molestum vitium, odiosum autem ideo, quod sua semper malignitate firmum, irritam omnem industriam & laborem hominis procurantis facit. Acerbum etiam atque atrox, quod non admodum multo tempore natos matribus abripit, quamquam hoc vere non tam ulceris quam cacochymiae culpa sit; enimvero vitium unumquodque ossis perniciosum sua natura non est; sed quantum curatu longum, tantundem etiam tutum est; exemplo



plo autem esse potest Marylli puer à Gal. 7. *de anatom. aggress. cap. 13.* memoratus; cui puero ex ictu & prava curatione corruptum os pectoris, patulumque sic, ut viscera viferentur, sanatum excisione fuit. Si quod igitur periculum subest, vel ad partes, quibus contegitur, referendum est, vel ad causas, quae prodixerunt, vel ad symptomata, quae sunt adjuncta: puta cachexiam, febriculam, maciem, &c. quae in *l. de congestu, cap. de praesagio*, sunt à me plenius exposita. Verum enimvero, quoniam articulos apprehendi conterique ab hoc uno monstratum est, ob id à mutilatione saepe non evadunt hi pueri: quin motus abolitionem aut depravationem, aut Ancylen plurimum incurrent hi, quibus penitissime propagatum est vitium.

## C A P. XIX.

### *De Paedarthrocace, vel ementita, vel non consummata.*

**A**Ntequam autem ad praeservationem nos accingamus, pauca de *ementita*, vel *non consummata*, *Paedarthrocace*, dicemus, occasione ex praecedente capite sumpta. Itaque ossis Abscessus, circa articulum, perpeffos fuisse pueros nonnullos novimus; quippe Thomas Androlus Barolita, atque alter nomine, non compertus, cujus os tibiae mediae tumore tentatum scalpro derasi, coram D. Ferrante Pagano, integerrimo domus Incurabilium gubernatore. Item Franciscus Cicero Averfanus ossium tumores perpeffus, secundum anteriorem thoracem. Denique puella, quam curavimus, cum Aloysio Vita, auditore & observatore meo diligenti, ad D. Petri Majellae in plerisque corporis partibus. Verum enimvero, non est haec utique nostra *Paedarthrocace*, verum alia similis affectio. Quamquam si falleret observatio *Paedarthrocaces*, nihil alioquin in medicina perpetuum est, ut sapienter ab Aurelio Cello notatum est. Quoniam autem *Paedarthrocaces* memoravi solennes causas traduces parentum contagies, & horum reliquias, variolas, & morbillos, libet nunc assumpti argumenti, & opinionis nostrae, confirmatione commemorare, id quod retulit sua expertus fide Paraeus; Plerisque hac lue tactis pueris, tam sterni & humerorum articu-



lationes, tum brachiorum epiphyfes & homoplatarum capitula corrupta & abrofa: quodque testatus est Alfarabius, vidisse se plures pueros, quibus juncturae fuerint Apostematibus correptae, ita ut ex his nonnulli genuum motum amiserint, quam rem cavere non noverunt hi, qui curarunt D. M. Antonium, Excellentissimi Principis Maydensium filium, qui ex his cœthy-matibus, perperam expurgatis, Abscessus in cubitis perpeffus, labefactata horum articulatione, intensus ad unam figuram brachii restitit.

Abscessus capitis subcutaneus post male purgatos, variolas, & morbillos, in puella quadrima, ad furcellae vicum observatus jam mihi & solerti Medico, Joanni Alphonso Ferrillo.

## C A P. XX.

### *De praeservatione.*

**P***ædarthrocace* priusquam exacte compleatur, jam tum ab eo tempore quo se prodit, operae pretium est anteverti: quod flet scilicet, si concepturiens, principio vitium & materia, quae subjicit incunabula, continuo dissipetur medicamentis, tum internis, tum externis. Prioris generis, quae maxime sint accommodata, atque praestantia; haecenus, qui tradiderit mihi compertus est nemo, sed neque genus, atque aliquam istorum rationem attigit quispiam, quae mihi quidem aliquando meditati visa est illa, superiore nostra demonstratione, credo, luculenter apparuit, affectum hunc initio foetibus humanis insitum, propterea, quod cum principiis nostrae formationis accedit. Jam vero, quamvis patrocinate natura, per plenos exanthematum ac variarum expurgationum Abscessus saepe finiri consueverit; tamen non fit propterea, ut cum his levamentis eximatur perpetuo, materiae copiosioris manentibus adhuc seminariis, quae à pusillo pueri calore vinci nequiverint. Ob haec omnia, magno ac pertinaci labore, videtur opus, ut non ejecta primo naturae studio labe, caeterum opera nostra deleatur; huc igitur divina Paeonis intelligentia; huc Aesculapii ars; huc omnis Cratevae supellex parata esto.

Ostensum à nobis fuit *Paedarthrocaces* vitium, exostosi Syphiliae



liae proximum: quapropter analogismo quodam usi nos, pariter hanc, ut illam exsiccandam, tum sensili, tum per halitum discussili, ratione putamus. Sed sudores à puberibus, aut bene firmis, non incommode quidem omnino; ab impuberibus vero suo modo sustineri possunt; ab infirmis ac tenerioribus non item. Verum, quae non apparentem quidem oculis, sed obscurum exhibent exhaustum, quae ab omnibus ferri atque accipi possunt, est tamen adhuc incertum, qualis istorum debeat esse ratio. Mihi perscrutanti videtur illa commodissima, quae vivida quaedam, & insita vi valeant emundare: nimirum, quae naturae vim non inferant, sed familiaria quam maxime sint. Jam autem ego dum materiem omnem medicinalem lustro, & pervolvo triplicem; animalis plurimum per se ipsam commendabilis offertur; quippe quae nostrae naturae, atque calori plurimum est consentanea. Ex hac vero, quod genus sit praeterquam Angues & Viperae? qui quemadmodum Josephus Quercetanus, in *Pharmacopaea restituta*, notavit, hyeme transeunte, ac veris initio sub terrae latebris, cum omnis parturit arbor, aethereum inde imbrem ac nectar, quod balsamum Chymici vocant, exhauriunt. Sed & Hieronymus Cardanus, ad Joannem Archiepiscopum Sancti Andreae dyspnoea laborantem, *arcanum* hoc *Viperarum*, quo necdum excogitatum est majus, asserit, quod phthificos & elephanticos, & lue Venerea quantumvis graviter laborantes, praeter omnem spem ad integram valetudinem perducit sic, ut pingues eosdem reddat, certis deploratorum & pluries observatis experimentis. Jam vero ubi istes, memorans nobis diversam istorum sortem; praeterquam ostendi consimilia sanguinis inquinamenta agnoscere genus hoc morborum universum: ad haec & cum Baldo Angelo Abbatio, in *l. de natura Viperae c. 28.* monstrabimus carni viperinae peculiarem virtutem esse, corroborandi concoctricem facultatem, tertiae, quae in membris perficitur, coctionis; atqui vero tertiae coctionis vitium est *Paedarthrocace*; sicut jam constitit: quare &c.

Restat nunc, ut *praeparandae Viperae modos* exponam; quorum genera sunt carnes, jus, sales seu cinis, essentia, de quibus omnibus & Quercetanus, & Abbatius, tradidere; selectiora nos aliqua describemus. Joseph. Quercetanus in *part. 3. lib. de Spagyrica medicamentorum praeparatione, cap. 3.* habet haec; *Mense Junio*  
cape



cape quatuor aut sex *Viperas*, ex quibus & caudam & caput abjicies; cutem intestinaque detrahes: carnem vero, minutim praecisam, indas cucurbitae vitreae, per tres aut quatuor dies, ut in calore balnei vaporosi, vel fimi calidissimi sudorem ipsarum pellas (cave tamen, ne fumi hujus aërem e *Viperarum* exhalatu vitiatum & venenosum inspires.) Quo facto superfunde spiritus vini alcolizati, & *Therebinthinati* solutivi, ana, ut supernatet octo digitis, digerantur vase occluso hermetice in balneo, vel fimo calidissimo, duodecim dierum spatio, donec tota caro *Viperarum* dissolvatur in praedicto menstruo: abjectis faecibus separetur menstruum in calore balnei, & fiet coagulum, cui denuo affunde spiritum vini caryophyllatum; fac circulentur in pellicano decem dierum spatio, & separato menstruo, remanebit caro *Viperarum* optime praeparata, & essensificata: cui misce, sub blandum ignem, olei anethi, & cinnamomi, ana scrup. unum & semis, essentiae croci & margaritarum, an. scr. i. cum mucagine gummi tragacanthi, finge pilulas: vel si vis cum pane triticeo arido, ac trito, more *Veterum* pastillos. Hujus medicamenti exhibetur sc. i. ad lepram, pestem, & ad omnes venenatos affectus.

Quod si tibi pretiosa, & subtilioris ignis arte conquisita, *Viperarum* praeparatio cordi non est; magis autem amatur communis placiti ratio: en Aëtius, qui *Tetrab.* 4. *serm.* 1. *cap.* 97. inter caeteros exactissime professus est de *Viperarum* salibus; hos in summa praedicat tales, ut nullus fere sit morbus, quantumcunque desperatus, qui non edometur hisce salibus. Horum autem emendatissimam praeparationem apud Josephum, in opere *Pharmacopoeae restitutae*, leges. His exactis, cura te omni solvere non oportet: sed hominem continenter in optima victus ratione conservatum medicamentis lenibus; quae τὰ ἐνιάβσια, id est, in annum vocavit Alexander Trallianus, & Aëtius, in curatione podagrae, tueberis. Illud autem fuerit, vel radicis rhapontici decoctum, vel aliud quidlibet hujus generis; oblatis singulos in menses theriaca vel theriacis pastillis, quos dixi.

Haec quidem adversus causam antecedentem sunt medicamenta; caeterum ad causam, quam dicunt, conjunctam, & ad partem sub initia extumescentem, opus est medicamentis exhaustantibus & absumentibus, quae ἀποπνόμενα dixerunt Graeci. Sunt autem valenter attrahentia simul & discutientia, quae quidem ad hunc affectum abigendum, quo valentiora, eo laudatio-



datiora: debent autem ad pyrotica accedere, dummodo talia vere non sint: quare de genere dicto Chymico fuerint efficacissima; utpote quae penetrantia sunt plurimum, atque ignea. Ad hunc igitur usum puto commodum *ol. camphur.*, *ol. menthae*, *os. salis*, *ol. croci*, *ol. bryon.*, *ol. sulph.*, *ol. calcis vividae*, *ol. costi*, quod descriptum ad frigida Apostemata legimus, apud Diodorum Euchiontem, l. 2. *polychymiae* §. 5. quod.

℞. *Costi unc.* 1.

*Piperis*,

*Pyrethri*,

*Euphorb. an. drach.* 1.

*Castor. unc.* 1.

Trita tenuissime dissolve in l. —: *ol. de liliis*, vel *laurino*, quod melius erit, vel *ol. de spica*, &c.

Haec nisi rem praestent; vel etiam nisi praestitura confidas; id quod efficacissimum proponere super omnia possim, est *ignis aëtuosus*, quod remedium equidem usitatum in plerisque comperi mirabile. Testis autem est mihi locuplex, inter multos, Augustinus Saulinus, Medicus Neapolitanus apprime doctus, qui, viso non semel experimento, necessarium hoc praesidium saepe praedicavit. Sed & cum Jo. Antonio Foglia, Medico consummatissimo, & cum primis celebri, collega, valentissimum hoc remedii genus instituimus exsequendum ad ulcerosam malleoli affectionem; qua cum ingenti tumore, tenuique febricula, diu laboraverat Thomas Adulcius, Fortunii Senensis filius; qui longo demum labore restitutus est. Qua item cura vendicatus à sphacelo fuit Josephus Magnifici Thomae Florilli filius, sex annos natus, quam alioquin exitu felicem operam; ut aliena facta corripere multis est proclive; pro maxime periculosa vituperavit invidus quidam. Neque alia sane ratione liberata fuit, à certa faciei mutilatione, filia Joannis à Gregorio, librarii compaginatoris; quam cum Joanne Dominico Comes, Medico vigilantissimo, curavi, secundum genam eodem Abscessu graviter tentatam. Referam autem, si patiatur angustia temporis, eos omnes quos certe plurimos, in Valetudinario, suae incolumitati restitui; quorum aliquot novit Joannes Baptista Caputus, Medicus humanissimus, ac rerum bonarum apprime studiosus.



## CAP. XXI.

*Curatio.*

**C**urationis universale consilium, brevi definivit Petrus ab Argillata, *particula sui operis* alias memorata: cui, praeter communem totius corporis expurgationem, ac procurationem, visa est praecipua per Chirurgiam eradicatio vitii necessaria. Ego enim, ait, jam totum unum focile brachii removi; & facta apertura totum focile erat putrefactum, & discoopertum carne, ab uno extremo ad aliud: & pro isto vide caput proprium, in primo lib. c. de corruptione ossis. Haec ille. Nititur autem uno illo axiomatico curatio Petri, quod omne alienum proprie dictum i. e. putre & corruptum, est auferendum primo; mox ulceris obductio procuranda. Verum ut hic rite finis obtineri possit, proponitur scopus non unus, sed multiplex, quotus ad unguem in universo cariei, seu teredinis, vitio spectandus à nobis est. Primus quidem ad procreandum callum; cuius rei meminit Gal. l. 6. *meth. med. c. 5.* Interea vero detrahenda est ossis portio cariota propterea, quod non inutilis tantum, sed etiam noxia est, impedimentum adferens unitati. Praeterea providendum est, ne acres humores, aut paulatim in laborantem particulam contrahantur, aut aliunde confluant.

Triplex igitur est omnis scopus. *Primus*, quo prohibeatur, ne humor paulatim colligatur, vel ne influat ab ulcere. *Secundus*, quo detrahatur id, quod emortuum est. *Tertius*, quo callus provocetur. Quantum ad humorem pertinet, curandum in primis est, ne nimius contrahatur in corpore, & ne ille, qui jam contractus est, feratur ad partem infectam. Ne contrahatur efficiet accommodata victus ratio. Sed ne, qui contractus est, feratur ad affectum locum; ad hoc obtinendum singulariter competit sanguinis missio, aut purgatio. Jam vero is humor, qui continetur in morbofo loco, ne vitiet diutius insidens, educendus est quoquo pacto licet. Sic ulcus exsicccandum est, ne ad os carne nudum dimanet sanies. His actis, exsicccandum est os emortuum: jamque si vitium summa ossis attigit, est scalpro deradendum, ut Celsus nos docuit *cit. loc.*

Si



Si vero profundius pervasit, crebris per terebellum foraminibus est pertundendum, quæ foramina tantum procedant, ut caries adaequetur; nec desistendum ab excisione (Celsus ait), nisi cum de sana parte visum fuerit extritum id omne, quod vitiosum erat; indicium autem hujus rei fuerit, quod os, quod nigrum & foraminosum antea perspiciebatur, album nunc, & solidum, oculis spectandum se offert. Si quod pingue inerit candenti ferramento est inurendum, donec absumatur quicquid in Abscessu præter naturam advertes: aut nisi permittatur ignis usus, pyroticis pastillis, ad hoc paratis, transigenda res est: de quorum delectu, præparatione, usu & administratione, Pandolphinum, & alios, de *anfractuoso Ulcere* scribentes, legito.

Si vitium ad alteram ossis partem penetravit, excindendum id est; quemadmodum se fecisse perhibet Gal. *l. 7. de anatom. administr. cap. 13.* in puero Marylli; cui cum ex ictu & prava Medici curatione pectoris os corruptum appareret, præcidit totum, quod vitiatum erat. Id nisi fiat, hoc est, si quid corrupti relinquatur, cicatrix vitiosa & adhuc humida inducetur, & & ulcus sentiet recidivam atque diruptum. Haec detectæ cariei Curatio est. Caeterum si cutis integra est, ad figuram literæ X concidenda, atque orae diducendae, ut spatium pateat, adhibendaque ferramenta, & omnis ad summam Chirurgia: quæ cum nihil prorsus evariet à præscripta, est eadem exercenda.

His expeditis, mox ossi exciso porus inducendus restat, quod naturæ relinquatur: tantum Medicus, qui est efficiendi socius, impedimentum adimere debet: quemadmodum explicate docuit Galenus, *antedicto methodi loco*. Id autem cum sit duplex; excrementum tenue, & crassum, ut *3. meth. 3.* tenue quidem exsiccat, crassum absterget. Quoniam autem os vehementiora sustinet, utpote frigidum & siccum, ac sensus minimi; propterea vehementioribus est urgendum, sive exsiccantibus, sive detergentibus: ad quam rem probata sunt auctore Galen. *2. de compos. med. per. loca c. 16. & 17.* medicamenta *καταγματικά* dicta, hoc est, ad fracturas accommodata. Praeterea ejusdem Galeni testimonio, tradentis, *in l. 3. meth. c. 2. & in 6. meth. c. 6.* pulvis *σαρκωτικός*, id est, *carnis productivus*, qui constat ex *Iride*, *Aristol. farina Erui, farina Hordei, Thure*. Sed cum gignendus callus est; pulvis ex *Iride, Aristolochia, farina Erui*, maxime confe-



rent. Haec & Vidii, viri cuncta videntis, medicamentorum, & scoporum, ordinatio fuit.

Sed addam his pauca, quae Razes ad curationem praecepta reliquit. Minutio fiat primo de proximiori loco; illitio fiat cum eo, quod confortat locum & solidat particulam; purgetur corpus de superfluitatibus calidis; generetur sanguis humidus modicae acuitatis; superponantur locissemper *Emplastra ad corroborandum*, ad prohibendam manationem superfluitatis ad ea; & toto studio infrigidetur locus, quoniam hoc regimine prohibitio fiet, quo non corrumpatur os, sed remanebit in ipsa dispositione per tempus longum absque ulceratione. Quod si aperis illud cum ferro velociter, non de levi fit glutinatio ipsius, quoniam os aptum est ad corruptionem, & jam corrupta est pars ipsius; & haec non glutinabitur, nisi extrahatur os & totum id, quod fuerat corruptum; ex corruptione ipsius ossis, vel alterius, difficilis erit sanatio ipsius. Quando igitur est extrahendum os, noli dimittere, quod non custodiatur de corruptione ossis alterius cum rebus confortativis, infrigidativis, & prohibitivis.

Haec ille: quibus nulla cum ambiguitate propositis, constitutum ab ipso vides, ad primum hujus vitii coalitum frigidis & repellentibus medicamentis non abstinendum; quam rem tamen non parum à ratione dissentaneam experieris, si perpenderis mecum aliquot contra suadentia capita, quae sunt; primum, quod hujus generis Abscessus calidus non apparet, & quod per longum congestum procreatas, longissimus item & contumacissimus est affectus; & quod ossi, articulis, periosteae membranae, nerveisque particulis, incumbit. Quae quidem adstruxi negans, referendum ad calidos Abscessum: caeterum eo concesso, quod humor, opifex mali, praecalidus sit, neque videtur continuo refrigerandum ad reprimendum, natura spectata frigida partis, quae concepit Abscessum, atque adeo ad articulos, partes alioqui corporis debilissimas, minime tutum est uti repellentibus, ne fortasse pusillus eorum calor juguletur: quae causa fuit tanti apud Gabrielem Fallopium, ut *l. de tumor.* generalem hanc normam atque exceptionem posuerit inter decem leges, repulsum interdicentes. Quae dixi jam, ostendens incommodum repellentium usum in hisce tumoribus. Caeterum enim circa comprehensae noxae testationem, neque etiam succedere quaquam repulsus potest super Abscessibus  
à con-



à congestu; in quibus, ut ostendi, cum alibili materia mista superfluitas, per ossis intimos, & medicamentis frigidis inaccessos, meatus insinuatur. Quae autem ad congestile alimentum, aut alimentarium congestum repulsus sit forma? nimirum inscita, nisi prorsus hallucinor, & inanis. Itaque jam, nulla contra *Paedarthrocaces* initia repulsus vi constante, reliquum est, ut ad inanitionem per intrinsecus avertentes, perque resorbentes, extrinsecus alias à nobis memoratas medelas confugium sit solum. Taceo quod affectus proprium est, corrupti habitus homines lacessere, itemque corruptus est humor, qui externas sub hoc Abscessu partes coinquinat: quae fuscè nos in superioribus libri sermonibus demonstravimus singula. Jam autem quid de Raze statuamus? profecto nihil praeterquam, quod honestum simul & scite prolatum sit; quapropter objecta ego sic brevi judico depellenda, & quod sublato prius cacochymiae fomento, & quod, cum roborantibus mista, materia frigida leviter utendum censuerit eo consilio, ut à nimio succorum acrium, atque effervescentium, incursum tueretur obnoxiam magno malo particulam: caeterum neque perfectam & absolutam *Paedarthrocaces* nostrae notitiam huic homini fuisse, credi fas est, quando neque Avicennae cognitam admodum ejusdem Abscessus ideam, nobis ostendentibus approbasti.

*Universae nostrae demonstrationis Epilogus &  
recognitio.*

SIC *Paedarthrocaces* enarrationem exegimus: sic paradoxon ostendimus non paradoxon. Porro *Ventositatem spinæ* reliquimus Barbaris, Arabibus, & hisce populis, quibus est hoc mali fortassis *endemion*; apud nostros equidem incertus sum, an aliquando se prodiderit ejusmodi vitium, nisi fortasse quantum vulgaris ossis Teredinis, aut Abscessus à veteribus Graecis cogniti, speciem habet: longe autem alia res est *Abscessus ossis ad articulos*, pueris nascens, quam rem tamen Pandolphinus cum *Ventosa spina* confudit; hac una re potissimum arguendus, quod gratis & inconsulo (pace sit hominis dictum) plurimam doloris acerbiter imputat huic Abscessui; qui nullum observatione nostra longa dolorem adfert, praeterquam ubi perfectus & consummatus marcor ossis, putrido carnes adhaesu, paulatim fistulaverit:



ante enim hoc tempus, ut molestus sit tumor, qui sensim ac nulla cum inflammatione, quae congestus est conditio, accedit? Posthaec autem temere, quem premit, quem non premit. Unde autem, & quo pacto dolor incommodet ossi nil sentienti, quod proprium hujus Abscessus est subjectum? Quod enim isti homines à periostea membrana vitium ad os deducunt; contra nos labem ab osse primitus labefacto ad suum amiculum & ad carnem derivamus. Jam autem, quid fecerit, ut hic homo doctus alioqui traduci se siverit, ejusmodi res insinuans? haud equidem affirmare possum; praeterquam, quod fortasse sibi visus est inquilinum suae genti malum, felicius accommodaturus ad *Ventositatem spinæ* Barbarorum privatam, quam ad communem ossium Abscessum à Graecis relatum. Attamen Vir eruditus non vidit, quod apprime pervidendum erat, rem hercle momenti maximi, hoc est, neque loquutum Avicennam de pueris, quorum proprius hic morbus est; neque etiam advertit minime cohaerentem cum ossis Abscessu, seu certe velit carnis tubere congestili, dolorem; quid enim si doloris expertes istas affectiones alii, qui nos sumus, in dies observent? Itaque nos rem à falsa plurimorum opinione vindicavimus; lucem & Graecis & Arabibus attulimus; quae sejungenda fuerant, sejunximus, quaeque conjungenda, conjunximus; quae communia & quae propria debuerant ab omnibus credi, discrevimus; dumque naturam rei docuimus, proprium & peculiare nomen adinvenimus; quapropter & notionem, & definitionem, & genus, & differentias, & causas omnes, & symptomata, & affectus sedem, & alia pleraque, distinximus; contra quam Piceno viro placitum audisti. Atqui nos suafione non alia, quam evidentiae & longae circa morbum adversionis adminiculis, rem ostendimus. Sic nostra, quaeso tantum, ex veritate existimant, quicunque sunt judicaturi. Sic à recepta prius à multis opinione (quod fit interdum) trahi se non sinant. Quamquam equidem confido futuros etiam, qui stabilibus potius rerum ideis, quam opinioni plurimum hominum aut auctoritati credant. Interea nos brevi commentariolo capita disputationis universae professi, judicium Doctorum Virorum attendimus: nam hoc fortasse suffragatorium & secundum experti; & theorematis illustriorem, & observationibus, historiis, therapeuticis



ticis instrumentis, locupletio-rem nostram hanc commentationem, Deo dante, recudemus.

Mortuus autem est hoc malo, vel certe commortuus, annum circiter quadragesimum natus, homo melancholicus, & cachectica decumbens aeger, in Valetudinarii nostri lectis; cui laeva manus excreverat infantis cujuspiam capitis instar; in quam manum, sua per se sponte diruptam, immissa nostra mile (volsellam dicunt) sedula indagine persentita sunt metacarpi ossa, rupis prae-ruptae modo aspera & confragosa: pertulerat autem Tumorem homo miser à parvo primum initio majoribus subinde momentis exauctum, tertium jam in annum, sollicitante dolore perpetuo; caeterum huic lenis superficies fuerat, & colore plumbeo, à quo non dissentiebat alioquin aegroti facies; tuberosae autem hujus manus faciem repraesentare tibi, aeri incisam, voluimus.

Potuerat autem comparari tumor hic cum Tubere testudina-  
ceo pedis, cujus Iconem misit ad me Clar. Vir. M. Rupertus Boeslerus, Archiater Norimbergensis, nisi quod in hoc ossis non substitit vitium.

F I N I S.





DE GIBBIS , VALGIS , VARIS ,  
ATQUE ALIIS AB INTERNA VI VARIE LUXATIS;  
LIBER VNVS,

Qui est, de selectis Abscessibus, Sextus.

EODEM AUCTORE SEVERINO.

PRAEFATIO

DE


PERFECTA HIPPOCRATIS DOCTRINA,

*Deque nostra secundum hunc Auctorem instituta  
disputatione.*




Inter omnes homines, qui quasi divinitus instituti, singulari quadam, & excellenti ratione Medicinam exercuerunt, Hippocrati fortuna contulit summam attingendae praestantiae felicitatem. Nimirum ad omnes sciendi numeros, quid homini non largitum est? aut quid omnino desideratum? principio enim insita ferme sibi ad comparandam eam scientiam primordia: qui Asclepiadarum genere natus, maternam quidem originem ad Herculem Alexicacum; paternam ad Aesculapium, retulit. Vide autem, quam longa serie ductus ab utrisque: nam ab altero quidem vigesimum ab altero decimumnonum se numerabat. Porro Aesculapius Apollinis, primi Medicinae conditoris, filius, ex Arsinoë genuit Machaonem & Podalyrium, Medicos bello Trojano clarissimos. His successit Nebrus; cui Sostratus; cui Theodorus; cui Hippolochus; cui Cleomitadas; cui Gnosfi-











Gnosidicus; hujus filius fuit Hippocrates primus, qui scripsit libros de articulis, ac de fracturis. Hic genuit Heraclidem, Hippocratis Coi, genere Dorienfis, patrem; quem Coum Hippocratem ab ineunte aetate Medicinae operam dedisse, ac praeclara satis indole fuisse suadetur, tum ea gentis successione, tum luculenta ratione, quae est; Asclepiadas omnes, Medicorum filios antiquitus appellari consuetos: quos etiam Galenus, *anatomicarum aggressionum tertio*, *παιδευμένους*, id est, à pueris eruditos testatus est. Quibus autem, quaeso te, Magistris noster Hippocrates eductus à parvulo fuit? patre, inquam, Heraclide, ac primo Hippocrate avo; quorum utrorumque sua, inter Hippocratis commentarios, leguntur immortalia monumenta. Praeter quos Doctores, & sub Erodico Selymbriano Medicinam didicit; sed in Philosophia Democritum Abderitam; in Oratoria vero Gorgiam Leontinum, primum ipsum artis, ut plerique volunt, auctorem, aut incomparabilem certe Professore, audivit. Accessit etiam, ad optatissima disciplinae vota, loci commoditas, in quo institueretur. In Graecia, inquam, bonarum artium *emporio*, campoque foecundissimo; & in conventu discipulorum frequentissimo; florentibus tum maxime tribus sectis, Cnidia, Rhodia, Coa: in qua omnium optima, & praecipua professus est, lectissimus tum inter omnes spectatae Medicinae flosculus & ocellus. His igitur Praeceptoribus assuetus, hac doctrina primis ab annis imbutus, atque ea, quam equidem adumbravi, ratione exercitus, qua non *ἐυφροσύνη*, id est, quibus non moribus generosis ornatum credideris nostrum Hippocratem? Galeni legitur *in lib.* quod si quis optimus Medicus, idem est & Philosophus: apparebit sane, Virum illum uno artis studio, atque incredibili contemplationis jucunditate, nullam aut divitiarum, aut primi inter cives assessus, & facultatis; aut apud summos Reges gratiae, aut denique in vita commoditatis, aut voluptatis, rationem habuisse; sed temperantiam, justitiam, caeterasque se mutuo complectentes virtutes sanctissime coluisse; quibus alioquin exclusis, Medici quidem non sunt Medici, sed venefici; non fine artis utentes, sed abutentes. Praeterea, laborem amice sic amplexus est, sic dies ac noctes cum industria mire conjunctos, pro se suaque arte perpetuo perficiendis; ut nedum Cranonem ac Thasum, omnemque Grae-



ciae regionem peragravit, sed & Asiam, Europamque omnem, ad usque frigidissimos Scythas, & incultissimas nationes, penetrare ne fuerit quidem sibi taediosum aut difficile, ut aërum, aquarum, & locorum, proprietatem, & à variis horum affectionibus nascentes morbos, explore cognosceret, hanc aliis scientiam rite traditurus: quo sciendi studio non, ut multi confuerunt, cum longo annorum accessu defunctus est; sed ad ultimam usque senectutem medicae perfectioni studuit, ut ejusdem epistolae nos certos fecerunt. Ita jam constat ea, quae Medicis aliis habenda praeceperat Medicinae Parens, *in lege*, jam à se principio constituta; eundem ipsum, velut optimum legislatorem, & probatissimum suorum omnium aëclarum exemplar, obtinuisse; atque etiam cum auctario, naturam, inquam, ad optima accommodatam; exactam à puero institutionem, praeceptionem singularem, locum ad studia mirifice facientem, sedulam industriam, plenissimam exercitationem & complementum omnium, ad multos populos peregrinationem. Quibus omnibus factum est, ut unus homo comprehenderit, conscripseritque ea, quae, posteriorum suorum laudatissimus, Galenus admirari tantum & explicando dilatare, non superare diligentia, cunctaque sua demonstrandi peritia, valuerit; ut neque alii, qui successerunt omnes: quippe post alii erunt in annis. Nam, quis naturam hominis & hujus momenta? quis assiduos facultatum suarum omnium motus? cum clandestinis item morbi concursibus, sic rimeatur & assequatur? ut videat, quae sint, quae fuerint, quae mox ventura trahantur. Porro Lyncis & Argi oculi tanti non essent, ut his intime dispiciendis facere satis possent. Atqui mirus Hippocrates Perdiccam Macedonum Regem, qui tabe laborare putabatur, certis affecti corporis indicibus, infano Philae paternae pellicis amore languentem deprehendit; quod à nullo, nec ab Euryphonte quidem, Medico clarissimo, fuerat adversum; qui idem Hippocrates, & prudenti conjectatione pestem in Attica grassaturam praesagiens, tum civitatum, tum discipulorum, curam gessit, quo minus à lue corriperebantur. Taceo quot aut quales praedictiones à se jam editae, suis e commentariis apparent: quae nos inter caetera condocerunt, ipsum naturae consultum & fidum interpretem; ipsum, cui beata sorte contigerit, naturam admolientem, mortalium oculis inadspectabilem, spectasse, atque



atque arcana sua docentem, à nullis auditam, audisse: quae causae fuerunt, ut (quod rectissime Macrobius de illo praedicavit) nunquam aut falli, aut alios fallere, potuerit homo felix: non falsus, inquam, aut fallax cuncta tradendo, quae pertinent ad rerum ac subjectorum corporum naturam intelligendam; ad morborum differentias discernendas; ad praesidiorum indicationes inveniendas; ad recte curandum, ad praeservandum; ad corpus omnino, sive in integra, sive in adversa valetudine tuendum, secundum singularem suam crasin, constitutionem, habitum, aetatem, affectiones denique singulas; & quae non alia accidentia? sic enim Hippocrates absolutus est, ut nemo appareat illo superior, siquidem observatorem nactus sit in sua doctrina non leviter exercitatum.

Hujus ergo Viri sic libenter quidem à me, sed perfunctorie descripti, dum pleraque observo in his Abscessibus, quos jam proposui pertractandis, se *Gibberum*, & *interna vi luxatorum*, offert familia: quod argumentum, ut à primo quidem Hippocrate pro re plurimum necessaria, non uno loco traditum & enarratum fuit: ita per nostros omnes, quasi tenuis momenti res, ignave praetermissum est & neglectum. Hi vero mihi videntur Abscessus, & hi luxatus, digni, qui non vulgari, sed accurata plurimum adversione pendantur; in quibus, tacito morbi defluxu, & abditis collectionibus, in minime delinquentibus alioqui pueris, impuberibus puberibusque, fundamentum & basis corporis, quae spina dorsi est; itemque testudo pectoris, caloris vividi promptuarium, solidissima sua systasi pervellantur ac pervertantur. Quod si mirabile quidem tibi videtur, adhuc mirabilius est, quod certis corporum habitibus, conformationibus, aetatibus, gentibus, familiis, locis, privatis etiam causis & affectibus, consentientes adveniunt hae ossium emotiones; quas ipsas interdum natura praevalens, interdum ars corrigit, interdum neutra quantumcumque laboret, emendare valet: sic varie scilicet implicitum obicibus, ac subjectis corporum habitudinibus, est negotium: quae singula praeterquam sedulus rerum aestimator (physicum appellavit Hippocr. *libro de sterilibus*) assequi & comprehendere non possit; quippe non tam, quid agas, quam quomodo, & in quibus, adverti oportet. Neque tam morbum ipsum curare nos



exigimur, quam occurri caussis: quae sicut vitium produxere, sic etiam plerumque fovere sunt comparatae. Utinam igitur, ut multiplex, ut grave, & Hippocraticum, ut difficile; atque aliis intentum est hoc argumentum: ita liceat aliquando nobis, vel omnes, vel harum maximas expedire difficultates, quae vel doctis, & magnis viris, negotium exhiberent. Sed tamen huc nos aliquam operam navabimus, & quantum virili nostrae portioni conceditur, aliquid in hac re fructus adferemus: sin minus frangemus hanc glaciem nos, atque excitabimus ad extremum solertiores, ut spartam hanc ipsi subtilius elaborent; dum interea nos, qui parum ingenio valemus, paucoque ad contemplandum otio fruimur, haec qualiacunque sint, pro rudimento, aut majoris irritamento, damus.

## C A P. I.

*De Gibberis, proprio subjecto, multiplicibus modis, appellationibus, definitione.*

**F**IT *Gibber* ab Abscessu, nedum communiter sed & proprie, dicto; quemadmodum suo, post haec, loco monstrabimus; quapropter & hoc genus Abscessus accommodate capiet commentarius hic noster: principium autem id habeat disputatio. Natura, quae homini coelestis suae originis indagatori sublimes vultus, & ad sydera sublatus cum respondente in rectum, sed flexili corpore praestituerat, architectata est spinam, id est, verticulatis ossibus & cardinis modo instructis, in longum actam compaginem, quae sic corpus sustentat, ut catena navem. Hujus autem ipsius omnes nodos atque tessellas, qui tum cervici, tum dorso lumbisque discreti sunt, extrinsecus ligamentorum aponeurosi firma, e pericranio derivata, & à prima cervicis vertebra ad inferas usque producta, convestiit atque contigit: cui succum quemdam pinguem lentumque, vertibulorum motui conservando commodaturum, perpetuo subdidit. Cui naturali linimento, postea temporis, commista inertis viscida pituita, quae confertim e superioribus demissa irruit. Nedum quidem ductus nervorum, qui per osseas illas coagmentationes exiliunt, sed etiam ipsarum vincula, quae modo dixi, distendit



dit ita, ut saepe sua de sede revellat; ac nunc uno quidem situ, nunc alio, contorqueat: quarum eversionum modos tres fecere, tum primus Hippoc. in lib. de artic. com. 3. particula 1. 2. 7. 22. 68. tum Galen. *ibidem*, ac libro 4. de locis affectis c. 3.

Una situs perversio est extrorsum, cum vertebrae recedentes ab aequalitate laterum, in medium ipsorum abscedentes, & se coaptantes in unum quasi turbinant conum. Haec κύφωσις, & κύρτωσις: homines vero his affecti ὄβροι, ἢ κυφοί, Graece dicuntur: affectionem vero *Gibber*, corpus vero *luxum* & *gibberosum* dicere consueverunt Latini. Alter modus est introrsum, qui fit, cum, à naturali rectitudine in hunc situm, rapta spondylia firmam & velut infossam dorsī partem relinquunt; *lordosis* haec à primoribus Magistris; *divaricatio* vero & *repanditas* à nostris est nominata. Tertius est ad spinæ latera conflexus, tum dextrum, tum sinistrum, quem Graecia *Scoliosis*, *Obstipitatis* vero nomine Latium, extulit. Est autem sic dicta, quod scolion, id est, lumbricum terrae reptantem refert spirarum similitudine. Refert enim Hieronymus Cardanus, in commentario de causis, signis, & locis morborum, parte 3. §. 16. id quod etiam obtigit mihi, visam sibi puellam flexa ita spina, ut S literam referret. Quam rem equidem adjeci libentius, ut veram hanc distortionis ideam cognoscat quisque; enimvero simplicem ad latus spinæ flexuram creditam à Medicorum vulgo video *Scoliosin*: quamquam multifariam flexuosam, praecipuam inter omnes fortasse fecerunt antiqui.

Adverti *Gibber* extrorsum frequentissime fieri, non infrequenter etiam ad latera; verum ad anteriora, per multum insolens est auctore Hieronymo Fabricio: eam ob causam scilicet, quod antè inter binas vertebrae interjecta cartilago multa non potest non facere, quin impulsus omnis spinæ retrudatur, id quod in aliis situs inversionibus non accidit. Illud enim animadverto necessarium, quod cavo partis unius respondeat oportet connexum alterius adversae; id est, cum *gibberus* sit thorax posticus, cavus erit anticus: & contra, si dorsī sit cavitas, pectoris tuber erit. Sic quoque cum cavitas in altero latere facta fuerit, continuo in adverso respondebit tuber, quamquam non ita luculentum hoc, ut in prioribus, nisi magna lateris facta fuerit *divaricatio*.



His sic expositis, quae sit natura *gibberis* apparet: est autem, Hieronymo Mercuriali definitore, morbus, tum in situ, tum in figura, non solum rectitudinem corporis depravans, verum & flexionem ad posteriora saltem non parum impediens. Praeter haec est imperfecta situs emotio, sub qua, juncturae made- factis laxatisque vinculis, diducuntur & hiant, tantummodo ser- vata rectitudine. Galenus primus hanc invexit *σείσις* appella- tam; quae laxatio & abductio quaedam est, spatio latiore relicto vertibulorum; cui vitio pueri privatim, ob nervorum mollitu- dinem; sunt obnoxii.

His appellationibus, Antonius Musa Brasavolus privatum hunc *Gibberum* aphorismum interpretatus, addidit & aliam quampiam late patentem sic, ut cunctis praeter spinam membris fecerit communem. Usus autem est & auctoritate vulgi, qui, flexam & tortuosuam quamcunque rem ac figuram, gibbam appellare consuevit: quem ego nominis usum eo libentius me- moravi, quo constet etiam mihi licuisse, ut ad *valgos* & *varos*, & ad ejusmodi luxatus omnes consentaneum fecerim, & affi- nem. Ad hunc ad antica simul & postica *gibbos* posuit idem composita scilicet ratione.

## C A P. II.

### *Exactiora & definitiora gibbosis discernicula.*

**H**I generalis quidem sunt *Gibberum* spinae modi: caeterum sunt & alii speciales; quorum hi quidem secundum partes cor- poris sunt. Aliud enim est *Gibber* cervicis, aut thoracis; hoc sub septo transverso, hoc infra septum: quoddam in lumbis, quod- dam infra ipsos: quod unam tantum vertebraem emovit, quod- ve plures & paucas, quodve plurimas. Si perquisiveris aetates, *gibbosin* incurrunt aut impuberes, aut adulti grandioresque: sed spectatis causis, alii *Gibbi* ex ictu, alii ex tuberculo: quae tu- bercula calidiora, frigidiora; mitia, coctiora; dura, crudiora; vel in cervice constiterunt, vel in thorace, vel in lumbis, at- que etiam inferius: singulorum enim sua sunt effecta; atque se- cundum haec, aliud *Gibber* primae, vel, ut aliis placet, se- cun-



cundae vertebrae cervicis, mentum apprimat ad pectus; aliud majorem spiritus difficultatem, aliud minorem parit: de qua nos re in parte prognostica. Addidit his Hieronymus Cardanus, in *lib. de caussis, signis & locis morborum, loco ante memorato, Gibbosin* ex materia sensim influente: quam sane causam non exposuerat Galenus, observatam alioquin à nobis, in filio Illustr. Baronis Pascuarole.

Ad haec evadunt alii lente *gibbi*, consuetudine, scilicet, decumbendi atque flectendi; alii semel simulque ex irruente affatim humoris copia, validaque vi tuberculi. Alia spinae emotio ex ambabus partibus; alia ex alterutra. Nonnulla cum nervi sentientis atque moventis laesione; nonnulla sine nervi laesione: de qua re Cardanus, *ante dicto loco*. Aliqua subito jugulans & funesta, quae speciem unam anginae facit; alia non funesta: quaedam solvitur, quaedam non solvitur: cum autem solvitur, interdum judicatur metastasi, id est, pertranspositum acuti morbi, puta phrenitidis; qualem evenisse coco cuidam auctor est Hippocrates, in *libr. 5 epidemiorum particula 22*. Interdum est per sympathiam, ut si pus demittatur ad ilia, inguina, coxas; & hic suppuratio nova suscitetur. Postremo, *Gibber* omne vel omnino praeter naturam evenit, qualia sunt ante dicta; vel aliquo pacto secundum naturam est, qualia sunt senibus, proceri praesertim corporis.

## C A P. III.

*De Caussis.*

Singulae distractiones illae dorsi communes quidem saepe, sed privatas etiam agnoscunt *caussas*. Communes quidem externae sunt, id est, quodcunque grave, durumque corpus quassat, allidit, percutit: quarum caussarum Hippocrates, in *dicta parte libri de articulis*, explicare meminit; itemque Galenus in *commentario*. Plurimum autem hae caussae vertebrae ad interiora compellunt; qualis unus est casus, de sinuata in vesicam spina, à Galeno narratus, *l. 6. de locis affect. cap. 4*.

Hae quidem manifestae, sed multo digniores relatu sunt caecae caussae, de quibus quidem mox audies, si simul approbes referri modos,



modos, quibus hi, qui jam perstabant in sua sede modi, depravantur. Hi, Galeno teste, *in 3. de loc. affect.* causae sunt & spalmi communes; quae sunt siccitas & plenitudo. Siccitatis & squaloris primus meminit Galenus, *in l. 2. de caus. pulsuum c. 11.* cui addidit & frigus immodicum, à quo ceu gelu convulsiva intentio est. Sed & inaequalis intemperies, eodem auctore, distorquere potens est censenda. Siccitas in ardente potissimum febre visitur, cujus febris vi arefacta vincula vertebrarum has in anteriora pertrahunt, ut & cervicis interdum; illud affirmante Hippocr. *in l. 4. aph. 34.* quod est; *si à febre detento collum pervertatur & cibum devorare vix ipse possit, sine ullo tumore, letale*: porro mens est Hippocratis colli vertebrarum aestu febris distractarum comminisci: sic contractione & ariditate abstrahuntur fibrae ligamentorum, & quae has sequuntur ossea verticilla. Ex adverso, plenitudo ac distentia multa saepius etiam distortionem parit: itaque inflammationes & scirrhi; Abscessus & crudorum quorundam generatio Tuberculorum; breviter omnes praeter naturam tumores; vicinas partes ad se retrahere valent: res hercle veteribus Medicis difficillima investigatu: quae verba sunt Galeni, *libr. de causis puls. & libr. de locis affect. citato.*

Jam autem ubi monstravi causas internas, externasque, separatim in luxandas spinae vertebrae influentes, tu nunc intellige & utraque posse sibi met ad invicem consentire. Nempe vis procatactica, forinsecus impulsu facto, vertebrae adurget in anteriora; interior vero, quae plenitudo est, distendendo; siccitas contrahendo, eo versum etiam adducit. At vero cum *emprostocyphosin*, id est, *ad anteriorem gibbosin* externa causa valeat, an ad *opistocyphosin*, id est, *ad posteriorem gibbosin*, quidquam operetur? Hoc quidem summatim inspicienti haudquaquam videbitur posse fieri: quando vis exterior tanta non est, quae, citra corruptionem animantis, vertebrae, & vincula, foras abstrahere queat, *gibber* in spina relinquens. Sed enim praeter id, quod docet Hippocrates, *in 3. de artic. sententia 19.* etiam vero cognoscetur, idem ut eveniat, facile. Nimirum homine de sublimi loco in scapulas coxasque lapso, vertebrae per plures in posteriora non difficulter exerentur, non in angustum, inquam, adductae, sed in ambitum sinuatae; praesertim vero, si conferratur



rat ad haec accommodata interna causa : rationem ejus rei docente Galen. *initio 3. de art.*, quem Hollerius in scholio sequitur, hanc.

Vertebrarum quidem ossa per se, neque pervertuntur à tuberculis neque trahuntur, sed primum vitium fit in iis corporibus, quibus vertebrae alligantur. Igitur, ubi ad vertebrae tuberculum oritur, ac tum in tumorem assurgit atque augetur: ab interiori, sive priori parte (utroque enim vocabulo licet uti) necesse est, ut tuberculum sequantur ligamenta, atque haec rursus vertebrae. Itaque si in una parte duntaxat tuberculum oriatur, ubi haec in interiorem trahatur, in priorem partem spina convertetur. Sed si in duabus, ubi aliqua interjecta sit inviolata, *gibba* evadet: utroque enim tuberculo adjunctam vertebrae trahente, quae in medio sunt, à posteriori parte *gibbae* fient: quod evidenter intueri licet omnibus evenire, quae curvari modice possunt; cujusmodi sunt virides rami, & ex scriptoriis calamis plerique, quos si quis dexteræ digitis ab una parte, sinistreae ab altera, prehensens ad se traxerit, medium in contrariam partem attractum, gibbumque, conspiciet. Atqui neque alia de causa spinam ad latus convertitur, quam ob crudum tuberculum, quod ab ejusdem latere fit. Haec autem tria vitia in spina incidunt, cum vertebrae loco moventur.

Praeter internas jam expostas causas, est & virium imbecillitas; cujus unius vitio vincula, lacertique dorso, minime valentes onus corporis sustinere, faciunt, ut nutans spina curvetur; quae fortasse causa est una, qua senes omnes *Gibbosi* existant: fit autem imbecillitate, ut succi praevaleant, tum copia, tum viribus, cum eo locorum impinguntur, unde mox & luxatus adornetur. Est & ex causis externis consuetudo corporis quoquoersum inflectendi, atque inflexum continendi; quemadmodum enim virgultis & viridibus lignis pondere pressis, assidueque contortis; ita & dorso nostri corporis accidit, sub opificiis diversarum artium, & sub institutis vitae diversis. Ita, qui venales arculas quotidie, de cervicibus appensas, per totam urbem bajulant, his plurimum est spina *gibbosa*: id quod & in morbo accidit, testante Hippocrate, *citato libro de articulis*; quosdam etiam in id vitium compellit una cum morbo habitus ille, quo



jacere consueverunt. Sed & primus, per fascias, obligatus ineptus cerea puellorum ossa distorquet, ut vulgatum etiam inter focminas nosti.

His jam expositis expendendae subeunt tres hominum opiniones: quarum *una* est Hieronymi Mercurialis, atque aliorum quorundam, censentium, exoriri posse dorsi *gibbosin* à tuberculo; quod sustinente aegre pulmone, sic agitatio multa pectoris, respirationis depravatio, & inde vertebrarum emotio, suscitetur; quem *gibberis* exortum, dum explicandum suscipit Hieronymus, haud tamen explicat vere: nam quod concutiat spina motu thoracis insolentiore, ac magnum inde laborem experiatur; id profecto non facit, ut *gibbus* pariatur; praesertim quando confessum est, agitationem illam thoracis ab incommodo respiratus undelibet aequali, non magis uni, quam alteri parti situive vim ac noxam inferre debere. Ad haec autem dum Mercurialis exemplo proposito *Agasii filiae, lib. 6. epidemiorum sect. 4.* descripto, non exponit, cur ea puella ex certo pulmonis tuberculo reddita *gibba* non fuerat; interea peccat magis. Jam enim cur posita necessaria causa, id est, posito pulmonum tuberculo, atque agitato depravato thoracis, non consequatur *gibber*? Atqui, quod isthaec à Mercuriali necessaria posita sit causa, monstratur; quod omnem excitandi *gibberis*, rationem, apud Hippocratem ex praecipuo pulmonis tuberculo deduxerit: neque enim ab Hieronymo verum constituitur aut suadetur Hippocratis enunciatum, praeterquam hac una tuberculi pulmonis via. Quod autem Hippocrati tribuerit iste vir, ex constante tuberculo pulmonis perpetuo *gibber* futurum, vel gratis hoc quidem asseritur, vel unde colligi potuerit, adferri debet. At equidem sequuturam *gibbosin* à tuberculo semper verum contendendo, si res solum intelligatur ad sententiam Galeni, qui *Comm. 3. de articul.* procreationem *gibbi* necessariam retulit ad una vertebrarum tubercula, non autem ad tuberculum pulmonis, quod falso credidit Mercurialis. Interim si nulla haec nostra ratio proposita de hominis hallucinatu, sed hallucinatio ipsa sit, haudquaquam profecto defenditur dogmaticus enarrator, qui *gibbosin* omnem, pulmonis non vertebrarum (harum enim nullibi meminit) tuberculo retulerit. Rem sane, quae neque Hippocrati, neque Galeno, neque ulli magnae auctoritatis viro, vel per somnium



nium quidem, in mentem venerit. Sic enim respondeat velim, qui phthifici & asthmatici non *gibbi* omnes? Itaque tussis & asthma Hippocrati sunt symptomata, & affectus consequuti ex disrupto jam Abscessu circa spinam; atque adeo, quod magnus Magister doceat & constituat ex *gibbo*, vel hujus effectrice causa excitari asthma: oppositum asseri videtur Mercurialis placito, quo adstruitur ex asthmate, vel hanc admolito tuberculo produci *gibbum*; contraria nimirum & adversante sententia: tantum abest, ut Hippocratis doctrina servetur.

Quod si Mercurialis occurrat memorans nobis (fundamentum scilicet opinionis, à quo suusus est) Hippocratem omnino proposuisse pueros ex asthmate ac tussi redditos gibbos. Atque tussis & asthma (dicat Mercurialis) non inducitur probabiliter in hypothese nostra, praeterquam à tuberculo pulmonis: ergo causa *gibberis* effectrix tuberculum est pulmonis. Cui quidem instantiae sic satisfaciendum videtur. Mittatur enim primum, ex tuberculo pulmonis tussis & asthma fieri, quod fieri quidem ex disrupta vomica potest; sed non propterea fit, ut Hippocrates illius dictum voluerit, *gibber* ex tuberculo pulmonis creari: verum sic, ut voluerit gibbum quidem longius profectum ex tuberculo vertebrarum; ex quo tussis & asthma proxime derivent. Itaque tuberculum vertebrarum causa est Hippocrati praecedens, & proxima, *gibbi*, mox vero disruptum tuberculum spinæ succedens, tum asthma, tum tussis, excipiunt.

Adhaesit & huic opinioni postmodum Hercules Saxonia, qui *Panthei medicinalis lib. 2. c. 4.* qua curanda dyspnoea monstratur, in hoc aliquando prudentior Mercuriali; quod causam *gibbi* repletionem fecit ligamentorum spinæ vertebrae adnexorum: quae fuerat quidem Galeni doctrina, *lib. 3. de articulis*, primo proposita: verum ex adverso tantundem Mercuriali visus est Hercules ineptior; quod sibi nobisque suaserit distensionem induci tuberculo pulmonis inertis; maxime si crudum, ac parte postica consistens, ac neque non si disruptum & parte postica positum conceperit: nam quae vel pulmone, vel hujus tuberculo, corporibus vacuitate locorum & aëris interjecti diffitis, vis sit, ut vertebrae spinæ convellat? at neque resultans a tuberculo pus tam, aut penetrabile, aut tam erga solidissima ligamenta praevalens, est, ut haec vincere queat. Praeterquam quod fluere



naturali suo nutu comparata purulenta substantia, nequaquam media spinae rectitudine consistere, sed ad infima repere debet: quapropter aut his private partibus *gibbosin*, aut aliud etiam quodcunque malum potius, quam *gibbum* excitabit. Quod si tamen Patavino Professori detur, ut ex adversa pulmoni parte spinae consistat, & non diffuat sanies; tum & deterius argumentationis incommodum subibit Hercules; quod perpetuo circa dorsum erit spinae luxatio, atque adeo non erit, unde vertebrarum cervicis, aut lumborum, aut ossis sacri, perversio fiat.

Ad has duorum interpretum opiniones accedit etiam examinanda *tertia* Hieronymi Fortunati philosophiae, ac medicinae, Magistri peritissimi; qui censuit *Gibber* primum rheumate quidem initiatum, mox sub asthmate, ac tuberculo magno pulmonis, necessitate quadam avertendae difficultatis atque laboris, inspirando, ac respirando, flexu dorsi completum: quod multo liberius agitur pulmo, laxiusque succedit respiratio, dorso jam conflexo, quam tenso septo transverso, atque externis musculis: qua de causa cogitur homo, sic instigante natura, testudinem thoracis quoquo pacto licet, atque etiam ampliante curvitate dilatare, qua inflexus assuetudine in dies facta, sic demum absolvitur *gibbosis*. Quae nostratis viri videtur quidem ingeniosa excogitatio: verumtamen nihil ad rhombum atque ad sensum Hippocratis, qui causas plane necessarias, non contingentes, *gibbi* posuit; fieret autem per hanc opinionem, ut *gibbi* & commoda semper respiratione fruerentur, & in quacunque spirandi difficultate perpetuum esset, in dorsum incurvatio, levamen, & illud quidem paratu facile.

*Quarta* opinio est hominum perperam etiam, ut videtur, interpretantium Aphorismum Hippocratis, dum tussim vehementem adstruunt, quae vertebrae e suo loco pellat. Res equidem, quae à Divino praeceptore nusquam asserta est; ut asthma scilicet ac tussis sint causa *gibbi*: verum, ut *gibber* sit cum asthmate ac tussi conjunctum; hoc sane dictum à Sene nostro fuit; quam rem quidem acute discrevit Thadaeus, in *enarratione aphorismi*: ut appareat jam ex his omnibus summe verax opinio Galeni, qui causam *gibberum* haud tuberculum quidem pulmonis, sed spinae contiguum alterum indicavit.



Haëtenus hae physicae sunt enarratae gibborum caussae: caeterum apud Astronomos, & apud Julium Firmicum, in 8. Gibbi fiunt, si in septima parte Ariëtis habuerint horoscopum. Quo claro coelestium contemplatore major Ptolemaeus, in tertio de astrorum judiciis cap. 12. quod est de vitiis & morbis corporis, scripta reliquit haec; Si lumina ad maleficos centris haerentes adscenderint, aut ex opposito ab ipsis impedita fuerint, maximeque Luna in nodis sive fluxuris constituta, aut in signis obnoxiiis, nimirum Ariete, Tauro, Cancro, Scorpio, Capricorno, vitia corporis eveniunt; gibbi scilicet aut claudicationes, & laxationes. Siquidem cum ipsis luminaribus fuerint maleficae ab ineunte aetate & horae partus. Et Haly Rhodam ait; ego praedixi gibbositatem, quae duravit duodecim mensibus in nativitate, in qua Luna erat conjuncta cum Marte & capite Draconis in duodecima domo, qui erant in quadrato adspectu Solis cum Jove, qui in tertia erant, & temporis quantitas tot mensium, quotus est numerus annorum resolutionis Jovis; quia Jupiter sub Solis radiis positus erat. Ego vero observavi frequenter Caudam maxime cum Luna & persaepe cum aliis Planetis, in angulis constitutam, obliquos quoquo modo efficere. Haec isti de occurribus astrorum vim imprimantibus ad gibbosin, generatim. Jovianus vero Pontanus, lib. 10. de rebus coelestibus, cap. de claudicationibus, singularum distortionum cervicis, colli, pectoris, genuum, crurium & juncturarum corporis effectrices syderum mansiones discrevit; quas Astronomorum, eadem de re nostra, opiniones, plenioris doctrinae caussa, non abs re fuerit, praesertim gnaris ejus facultatis hominibus, nos recitasse.

## C A P. IV.

*Symptomata & Signa.*

**H**Actenus jam de caussis rectitudinem corporis praeter naturam evertentibus. Succedunt ad haec suborta symptomata, quae cum triplicia nostris Medicis sint, singula percurreremus. Primis igitur functionibus animalibus incommodant spinae subversiones; sive quidem sensus, sive liberi motus officinas evolvas: & utrisque quidem noxa est, ubi compressum experta est medulla, quippe quia per oblitos jam ejus ductus, spiri-



bus ad nervos inde profectos transitus non est, uti prius: & si quidem, ex toto, vertebrarum dimotio facta sit, abolitus ex toto sensus aut motus est: si vero non ex integro perverſae fuerint ipsae, sic pro subsulcus ratione sentitur ejusmodi detrimentum. Rursus eo pluribus partibus sensus motusque interceptus est, quo superiorum spondylium fuerit eluxatio; & contra eo paucioribus locis sentiendi, atque movendi, nascetur incommodum, quo inferior spinae fuerit abductio. Sed liceat huc nobis & quae Hieronymus Cardanus, Hippocratis vir studii, pleniore aliquanto pagina docuit, recitare. Proponit tria Galenus, primum, noxa, quae accidit spinae vel est per se, vel non per se, sed consequentia quadam; noxam per se vocat Abscessum, sed inflammationem, seu intemperiem: in hac si contingat fieri resolutionem, seu ex una parte, seu ex ambabus, necesse est omnia membra, quae sunt infra illam partem spinae, quae resoluta est, resolvi; seu ex una parte tantum, seu ex ambabus. Si vero noxa sit ex consequentia tantum, velut in *gibbositate*, in qua spina dorsi non patitur, aut parum, sed nervus; qui, facta luxatione obliqua, sed ad unam partem, opprimitur ab ea parte, in quam spina deflectitur; quoniam vertebrae magis constringuntur, ex opposita autem nervi nimis distenduntur: ideo in hoc casu cum spina dorsi, seu medulla non sit affecta prorsus, sed nervi tantum ex ea orientes, & ob id resolutio non fit, nisi in membris, quae recipiunt nervos e regione partis medullae laesae: sicut in exemplo priore, in quo, ob luxationem vertebrarum colli tantum manus resolvebantur, & non inferiora membra. Hoc etiam fit minus, inquit, si luxatio fiat sensim, aut si fiat intus, vel extra; & in lumborum vertebrae minus, quam thoracis, & thoracis, quam colli; quia in cervice vertebrae inter se connexae aequaliter conferunt foramini, unde nervus prodit: sed in thorace magis confert foramen inferioris vertebrae, & longe minus in lumbis: qui ergo noxam patiuntur per se in medulla spinali, his omnes partes inferius resolvuntur, & quanto noxa fuerit major, & adventus repentinus. Qui vero noxam patiuntur in nervo tantum, ut in *gibbositate*, & obliquum, id est, in latus, hi patiuntur resolutionem solum in parte, quae est e regione, ubi nervi laesi sunt; si vel laesio magna sit, vel repentina, vel in angina, in qua vertebrae

lu-



luxantur ad latus. Si vero luxatio vertebrarum fiat sensim vel etiam repente, sed intus, aut extra non in latus, his nulla contingit resolutio; ob hoc ergo, qui fiunt *gibbi* per casum, aut jactum, si fiant obstipi, resolvuntur: si autem incurvi, aut repandi, non resolvuntur: quia tametsi repente fiat, non est obliqua luxatio. Qui vero sensim fiunt *gibbi*, & si obliqua sit luxatio, non resolvuntur; quia non repente facta est; qui vero sensim facti sunt incurvi, aut repandi, nullam patiuntur resolutionem; tum quia sensim vertebrae luxatae sunt, & interim spinalis medulla, quae mollis est, potuit extendi, & ita nihil passa est; tum quia luxatio recta est, in qua nervi neque comprimuntur, neque justo plus extenduntur. Ex quo concluditur, quod in luxatione recta, gravi & repentina, poterit contingere etiam resolutio: quia licet in angina non fieret, contingit hoc, quoniam ex tribus conditionibus, quae faciunt ad resolutionem; scilicet, quod sit repentina, magna, obliqua, non aderat nisi prima: si vero adsit & secunda, ut in vehementibus ictibus aut casibus, tunc solventur membra inferiora, aut saltem, quae sunt e regione. Vertebrae autem luxantur quatuor modis, aut casu, aut ictu, aut crudis tuberibus, aut materia sensim influente: quamvis haec non, ut in proposito, Galenus omiserit; cuius hoc est praestantissimum sane inventum. Haec ille.

Sed descendentes nobis ad sedes spirituales: succiditur vel minuitur respiratio, non intercepta solum actione musculorum dilatatrice, constrictrice; verum etiam, quod clauditur guttur sic, auctore Gal. *lib. 4. aph. 54. & lib. 4. de locis affect. cap. 5.* ut minus aëris recipiatur, atque emittatur: adeoque fit respiratio frequens & parva, spiritusque cum sono veluti stertendo fertur, ut adnotavit idem Galenus, *lib. 3. de articul. com. 13.* Praecluditur vero in totum trachaea, ob vertebrae cervicis in priorem partem abstractas: pariter (ut jam ad functiones naturalium organorum deveniamus) neque deglutiendi cibi potusque manet actio, sub ante dicta colli contorsione. Itemque gracilescunt particulae, quae luxatis vertebrae affident: & si augendi sit aetas, tamen non augescunt. Sic bonos in contrarium immutatos vides affectus. Saepè etiam excernenda, quae fuerant, supprimuntur: dejectiones, inquam, & mictus sub lumborum vertebrarum intrusionem, quae maxime fiunt à casu. Lege  
de



de his Hippocratem, & interpretem Galenum, *lib. 3. de artic. comment. 6.*

Posthaec autem ubi petas exponi signa, quae morborum internas aliquot causas declarent; referam equidem, quae collegi: si causa fuerit siccitas, haec nasci potuit à febre, praesertim acuta, atque ab inanitione; quae utraque praecesserit. Indicio quoque fuerit, quod factae ad locum illitiones olei cito resiccatae fuerint. At vero si laxatio vitium induxerit, partis forma significabit, ac tactus: itemque quod affricata unguenta diu consistant, & non exsiccentur: quas suasiones confirmabit & liberior succulentiorque, qui fuerat usitatus ante, victus. Ad hunc fere modum Avicenna. Si vero tuberculi suspicio sit; id crudi succi corpore fusi monstrabunt. Quibus non se proidentibus (ait Hercules Saxonia, *lib. 2. pract. meth. curandorum morborum*) inditio rei fuerit augescens paulatim spirandi difficultas; itemque tussicula cum sputo, sed sine febre ac resonitu: sub quibus interim ex toto integer ipse sibi videtur homo: sic adnotante Galeno, *lib. 4. de loc. affect. ante citato.* Quoniam autem ambiguum est plerumque sitne crudum, & imputre tuberculum sic, ut in Steatoma (fortasse rectius Atheroma) desitutum sit, an vero calidioris sit miscelae, quod in suppurationem transmigraturum appareat: hunc utrumque tumoris statum, aut apparatus ipse discreveris ad hunc modum. Frigidum quidem par erit conjici temperatura corporis item frigida; aetate debili, vel inclinante, vitae instituto ac victu, qui frigidos crassosque succos proferre & congerere possit. Contra vero tuberculi calidioris & suppurabilis suasionem facient crasis hominis, item calida atque etiam humida, plenitudo sanguinis, & quae ad haec accedunt alia. De febris autem indicio si quaesieris; illud anceps, & contingentis plerumque sortis affirmo. Sed de inflammatione te dubitantem multitudo sanguinis certum faciet. Docuerit eam rem curatio, contraria quidem, quae proficit; similis, quae obsit. Sed ejusdem ad suppuratum, Abscessumque, tendentis notae sunt, auctore Rhaze *lib. 1. divisionum ad Mansorem cap. 105.* quod praegressus dorsi dolor, cum febre aucta; pulsus arteriarum magni caloris immodicus, & aliorum omnium longus adhaesus & perduratio. Deinde vero febre sedata, per aliquod tempus permanet dolor ac dorsi gravitas. Sed haec



hic enim incipit exstare *gibbus*, quem ex statu profectum indicabit dolor superveniens sine febre.

Haec fere Rhazes; qui & ab halituosa materia cieri *gibbosum*, explicate prodidit. An idem autem Avicenna senserit, incertum est propterea, quod lemmate quidem capitis notati de gibbosi pariter ac ventositate inscripsit: post haec vero, aut de flatulento affectu nihil exsequutus est, aut dubia de hac re traditio facta est, qualem aut codex aut multiplex ejus versio parit. Post haec, causas intrinsecus *Gibberis*, effecta molitas, docebunt te spinae praesegmina, quatenus à sua sede paulatim recessisse videbuntur; deinde ex laesis actionibus, quae sunt videlicet aboliti sensus, aut motus; imminuta respiratio ac deglutitio; lotii faecumque suppressio. Sed nihil ad firmandum certius est indicium; quam corporis affectus evidens, qui se offerat, qua *gibbosus*, qua sinuatus. Praeterea differentias, quae ad qualitatem spectant, majora etiam, aut minora recessus momenta undique referrent; sed situm superiorum spondylium laesorum, deglutitio, respiratio; inferiorum vero noxae, mictus aut dejectionum detrimenta, sensus item, motusque, amissio, demonstrabunt. Denique numerum vertebrarum complurium, in ambitum exsultans ipsarum compositio; unius vero, & paucarum, minor rotunditas, & in angulum Abscessus, indicabunt.

Reliqua signa discretiva per Jacobum Hollerium ex Hippocrate translata, sunt ejusmodi. Primae quidem cervicis perversio mentum deprimit ad pectus, summam loquendi ac deglutiendi difficultatem excitat, ac extremum fatum accersit. At vero in *Gibberibus* reliquarum colli scandularum, cervix contorquetur, respiranti pariter & loquenti, spiritu tenuius angustiusque eliso, exhibilatum, dormienti vero stertorem, facit. Sed in *gibbere* dorso, ac thoracis, spiritus difficulter, & cum sono, fertur; costarum in latum incrementa sunt nulla; thorax anterior in quemdam veluti conum acuminatur, sternum in acutum coacto. Sed in lordosi extremus dispnoeae modus, paralyxis, torpor, stupor coxis; praeter libitum voluntatis mictus, ac defaecatus: posthaec in scoliosi, solutio nervorum frequentior ad partem luxatam; ad latus vero adversum distensio. Postremo, quibus ad lumbos spina repanda est, his accedunt renum, & vesicae vitia; Abscessus ad ilia atque inguina; coxendicis gracili-



cilitas; tarda & parca pubertas, ac barbae emissio; infoecundioresque sunt magis, quam quibus obtigit *gibber*, partibus diaphragmate superioribus tenus.

## C A P. V.

*Judicia, & Prognostica.*

**P**Atent his affectibus corpora, quae sunt fluxa, mollia, gracilia, angusti pectoris; pueri parentibus orti cachecticis, & qui vitiatis fuerant sub generatione visceribus, affinis enim hic affectus arthritidi & podagrae, congenitos inter morbos censeripotest: quamquam neque perpetuum, ut à *gibbis gibbi* nascantur: sed hoc perpetuum, ut haereditarius hic affectus sanabilis non sit. Haec naturalis certorum hominum est pro- pensio, ut obnoxii sint hisce malis, antequam ineantur: caeterum postquam inita sunt eadem, dijudicandus est eventus salubris, aut funestus; & si salubris, num solvi possit, aut secus. Lethalis quidem est *gibbosis*, auctore Ambrosio Paraeo, cum una tantum vertebra sola excidit, nimirum ictu luxata, medullam, quae spinae subest, ita secum abripit, ut in angulum pene acutum eandem veluti turbinet; adeoque arctius compressa rum- patur, aut comminuatur oportet: quod mortiferum non esse non potest: id quod sub angulo luxationis aucto non accidit quidem; Hippocrate docente, *sententia* 51. *sect.* 3. *l. de articulis*, quod orbiculata vertebrarum e suo statu abductio, angulari altera minus est periculosa; quam ob causam multo levior apparet ejusmodi plurium vertebrarum exsolutio.

Est & lethalis divaricatio vertebrae primae, aut secundae cervicis: sub quo casu, teste Galeno, *in comm.* 35. *lib.* 4. *aph.* extentis ad partes inflammatas, & ligamentis, & nervis, trahi vertebrae vel introrsum vel ad latus, est necessarium: si in altera nervi propagine fieri tensionem evenerit, ad latus quidem; sin vero in ambabus, introrsum. Hanc à Galeno simpliciter propositam vertebrarum colli primarum luxationem, infantibus plurimum evenire, nostra tempestate nos & foeminae nutriculae non semel observavimus: de qua re Joannes Huccherus, *in l. de Therapeia puerorum*, & ante hunc Galen. *l.* 4. *de loc. affect.* & om-  
nium



nium primus Hippoc. l. 3. de morb. num. 11. qui speciem hanc quartam Anginae fecit. Sed de proVectioribus aetate gibber, lordosin potissime vertebrarum thoracis, expertis pueris edidit Hippocratis illud oraculum, quod l. 6. aphorism. 46. scriptum legitur; *Qui ex asthmate, ac tussi, gibbi fiunt, ante pubertatem, moriuntur*; cuius rei cum Galenus, tum alii enarratores ferme omnes rationem illam censuere, quae est digesta scilicet à nobis ad hunc modum.

Quicunque dum augentur, vertebrarum in regione thoracis luxationem, à tuberculo creatam, experiuntur, isti corde & pulmone compressis à thorace, non ad proportionem aucto, cum vehementi asthmate vel tussi, moriuntur.

Qui gibbi fiunt ex asthmate, vel tussi, ante pubertatem, illi dum augentur, vertebrarum thoracis luxationem à tuberculo creatam experiuntur; quorum scilicet materia prius asthma vel tussim fecerat.

Ergo, qui gibbi fiunt ex asthmate, vel tussi, ante pubertatem, cum vehementi asthmate, vel tussi, moriuntur.

### *Disceptatio super Hippocratis aphorismo.*

**H**AEC à primo Galeno fluxit, vulgata jam apud omnes, Hippocratici testimonii demonstratio; quam utriusque viri sententiam operae pretium sane fuerit hic expendi, ut, rectane sit utraque statui possit. Quod autem ad prius istorum caput spectat; plurima fuit interpretum dubitatio, de Veteris istius oraculi veritate, seu rectius perpetuitate, quando nonnulli puberes, hypothese jam aphorismi constante, visi sunt vixisse; ut est apud Hugonem Senensem, Hieronymum Cardanum, Franciscum Vallesium, ac plerosque alios aphorismi explanatores. E quibus unus Antonius Musa Brasavola testatus est, pueros ex asthmate ac tussi diu superstites, qui gibbi secundum antica & postica fuerunt: nam pectoris cavitas ex vi materiae, ac fortasse motus, magis dilatata est, quam conveniret adeo, ut in anteriore ac posteriore parte elevationes faceret, ac veluti tumores; in longitudine vero abbreviaretur.

Quam rem quidem, ut suaderet Brasavola nobis, non fuit difficile, postquam videndus se obtulit Decius, seu vulgari li-



terarum metamorphosi Diecus, Gallus sartor secus Palatium, cui famosissimi *gibberes*, tum pectore, tum dorso, exstiterunt, amplissimum utrimque rhombum facientes. Sub qua loci vacuitate, tum pulmo, tum cor agitari quantumcunque libere nemo non cognosceret, homine non incommode respirante. Quidni vero, tam late diducto, atque amplo, pectoris excursu, contra praefocatus interminata *gibbis* impuberibus pericula; supra adolescentium, atque ad vigesimum secundum usque annum vixerit, ac vivat ejusmodi homo? Sed & D. Hieronymum Gasvaldum, Neapolitanum juvenem Illustrem, ac Fulvium Viridianum, Calabrum Medicum Neapolitanum celeberrimum, trigesimo in anno natum, ac Joannem cognomento Blancum, vetustioris Gymnasii Neapolitani janitorem, quinquagenario majorem, M. Ant. Chiayensem paulo minorem, atque alios tot quidem numero multos, ut horum omnium nobis adnotando plures, quam venando restent: utrimque *gibbi* longaevitatis sortem experti, quin etiam alii comperti longe plurimi, quibus cum alterutro *gibbere* seniles anni contigerunt.

Ex hoc quidem vere, sed & heroico dignus, ordine atque inter summos gloriosissimosque Principes nominandus singulariter esto D. Carolus Emmanuel, secundus Subalpinorum Dux Serenissimus; cujus quidem aetate nostra Jafoni, aut Alexandro Macedoni paris, mentionem super hac re fecisse, nobis ornamentum inde libro quaerentibus, licuerit, deprecamur; quando & hac etiam occasione, Principis inclyti nomine suos de re physiognomica libros cohonestaverit Scipio Clarimontius, Sapientium nostrae tempestatis Italicorum nulli secundus.

His ergo tum rationibus, tum experimentis, & Hippocratica absolute, propositio, & Galenica adjecta ratio, nuper à me recitata minus firma, minusque rata, apparet, quam ut omnem hominum assensum promereatur, ac fidem à bonis aestimatoribus extorqueat. Unde factum est scilicet, ut varias interpretando rationes commenti fuerint multi. Primum enim Hollerio, enarratori alioquin Hippocratis apprime nobili, visum est; haud de quacunque promiscue *gibbosi* loquutum Hippocratem; verum de ea, quae cervicem exercet angustiae majoris necessitate: qua posita interpretatione, pro comperto credidit hic vir, in aphorismo pleraque solvenda problemata & ambi-  
gui-



guitates. Verum enim vero, primum haud probabile videtur, Hippocratem singulari hac gibbosi suum enunciatum ac rem totam conclusisse. Deinde rectius hanc quartam Anginae speciem fecerit quispiam, quam *gibbum* vere. Sed & Anginae speciem illam posuit ipsemet Hippoc. *lib. 2. de morbis*. Ad haec ejusmodi affectio non parum acuta est, minimum autem de hac ipsa commentus apparet Hippocrates, qui longiores atque annuos extulisse terminos videtur per id, quod est [*ante pubertatem moriuntur.*] Hanc enim ad vigesimum quintum usque annum extendi Galeno visum est, *in aphorism. libro 5.* qui habet; τὰ ἐπιλεπτικὰ ὁ κόσιοις πρὸ τῆς ἡβῆς γίνεται τετέοσι τὰ πολλὰ ξυναποθίσκοι; quibuscunque morbi comitiales ante pubertatem fiunt, transmutationem habent. Et recte quidem Galenus, comprehensam Hippocrate viginti quinque annis, pubertatem putavit; quandoquidem & *lib. 3. de articulis* eandem ἡβῆς voculam, id est, pubis, seu pubertatis, cum alia γενίης barbae ὁμονυμίζοι & quasi confundit: dicit enim ἡβῆ δὲ καὶ γενίης βραχυτέρα καὶ ἀτελέτερη, id est, pubes vero & barba tardior, & imperfectior. Jam igitur si barba his aetatis protractae annis completur; & ἡβῆς seu pubertatis anni iidem & communes, qui barbae, erunt.

Additur & his indicium, & argumentum maximum; quippe si credimus Galeno, cui tota ratio praemature defungendorum vita gibberorum, fuit incrementum summum viscerum spiritalium, quae à thoracis angustia concludi commode non possint: profecto ad hoc augmentum totidem requiruntur anni, quoti requisiti sunt ab Hippocrate non pauciores: fortassis autem & trigessimus annus est, ad quorum accessus corporaturae nostrae contendunt; dicente Philosopho *in lib. 27. sect. problem. 7.* quod ad hoc usque tempus proficiunt, & crassescunt corpora: & *in l. de generat. animal. c. 20.* prodidit, humanae staturae dimidium anno decimo quinto; quinimo si & hanc opinionem sequi placeat, judicio Haly Ab. 4. *theoricae c. 2.* & Haly Rhodoam, *in Microtechnè tract. 3. comm. 63.* ad trigesimum quintum usque annum augescere potest homo.

Sic alii & cumulati sunt apud Hippocratem anni pubertatis. Quanquam Ptolemaeus, *in 4. lib. Apotelesm. cap. ultimo*, spectatis Lunae & Mercurii super homines, transcurrente vita, do-



miniis, illius quidem ad quadriennium, hujus in decennium, statuit, pubertatem hominis anno quartodecimo esse. Quo loco, inter caeteros enarratores, Haly Rhodoam tradidit, conceptis verbis; in hac aetate animam, scilicet generativam, dare materiam, & incipere tempus, quo plantentur in ea principia operationum & propriarum virtutum; post haec enim adsistit homini Venus octo annis. Ad hanc potissime sententiam accesserunt & Jurisconsulti, quam explicavit Imperator Justinianus, *lib. 1. instit. civil. tit. quibus modis tutela finitur*, §. 1. cujus pubertatis plenitudo, atque maturitas, ad comparandam adoptionis facultatem, anno decimo octavo constituta est, *eod. lib. tit. de adopt. §. 4.* Sed de hac omni re cumulatissime, ac perquam exquisitè tibi disputat, inter omnes, Paulus Zacchia, Medicorum, & Jurisperitorum, Hermes Italicus, *in tomo primo quaest. medicolegal. titulo primo, quaest. 6. & aliis ejusdem tituli locis*: quin etiam ex Medicis, Avicenn. *in lib. 1. sen. 1. doct. 4. c. 3.* & Gentilis à Fulgineo, *in commentario*, statuerunt, & hoc tempore pubertatem, quo primum sperma producere & emittere possit homo.

Hacc de tempore pubertatis Professores isti omnes: à quibus ipsis si rectè placitum uniuscujusque dispexeris, non discrepat Hippocrates si principium duntaxat ejus aetatis spectetur: verum, intellexit Divinus homo pubertatem ad suum terminum extensam, quod aperte cognoscitur, quia, memorato loco de articulis meminit barbae, quae citra vigesimum non erumpit, ac vigesimo quinto completur; itemque meminit foecunditatis, quae provectiore aetate perficitur: porro & si à decimo quarto & paulo superius semen ejaculetur homo; tamen si filios non generet; infoecunditas non coargitur, neque evincitur, praeterquam ad plenos istos & maturos, qui floridi vocantur anni: ad quos etiamnum extenderunt & aliquot Jurisconsulti, ut apud eruditissimum Zacchiam, *ibidem locorum, nota numerali 67. & quaest. 5. n. 4.*

Sed de pubertatis finibus jam satis: ad recensendas aliis aphorismi interpretationes redeamus. Praeter Hollerii recognitam jam à nobis opinionem, fuit & Thadaei Florentini, atque aliquot aliorum; qui ad dorsi lordosin exquisitam, & malum omne gibberorum, & rectas cunctas aphorismi resolutiones, problema-



blematumque explanatione, retulerunt: contra quam tamen enarrationem est, tum multiplex nostrum experimentum, tum Hugonis Senensis, *in commentario super hoc eodem aph.* Neque vero lordosis vis est tanta, ad quam unam referre possis, aut noxarum expositarum, aut mortis juventam anticipantis necessitatem. Praeter hos omnes alii fuerunt, e quibus unum Hieronymum Mercurialem nomino, qui non perpetuam, & κατὰ φύσιν, propositam ab Hippocrate sententiam hanc censuit. Verum aut gratis, aut sine solido fundamento dictum hoc à Mercuriali credes, donec aut firmior tibi demonstratio producta fuerit, aut mox adversatura nostra enarratio nulla sit; ego enim aliter circa proposita philosophandum, aliumque in aphorismo sensum inveniendum, autumo. Confido autem germanum occurrisset intellectum, quem mox audies, si prius hypotheses aliquae praestituantur.

Primum, insuetum & alienum arbitror ab Hippocrate, atque absolutissimis quibusque auctoribus, causis effectricibus primis immediatisque relictis, poni secundas, & mediatas accidentarias; itemque corporalis effecti poni causas spirituales, quando suppetant genere correspondentes, id est, corporales ac solidae. Atqui causa *gibberis* prima, immediata, corporalis, & solida, constituta jam ante fuerant, ab eodem auctore, spinae tuberculum: quam rem & Galenus, *in hujus aphorismi commentario*, praemonuit. Praeter quam hujus viri confirmationem, est & altera plenissima Thadaei Florentini, expositoris inter omnes juniores primi, & gravissimi. Est, inquam, essentialis *gibbi* causa spinae tuberculum; sed ex hoc ipso disrupto tussis, & asthma, resultoria sunt symptomata; & secundum eruditorum hominum sententiam secundae causae, nequaquam autem apud vere doctos fuerint primae, propter incommoda nonnulla, quae Mercurialis opinionem confutans supra retuli.

Itaque quid alicui sapienti viro veniat in mentem, aut probetur, tussim & asthma, ventosas utrasque res creditas ab Hippocrate, causas *gibberis* effectrices? quid insuper hae causae adversus ossa luxationes potius, quam adversus membranas, & molliores cedentesque partes alias, diversa symptomata & rupturas machinentur? quam quidem absurditatem, ut declinarent pruden-



dentissimi duo viri, Thadaeus, inquam, & ab hoc fortasse mutuatus Hollerius; constituerunt [ *ex* ] particulam poni pro [ *cum* ]; quam rem tamen à nullo Graecorum aut Latinorum, recte ac probate loquentium, auctorum factum hucusque legimus. Quas ob res tandem, aut scripturae modus aliquis, & lectio accommodata est invenienda, aut nova interpretandi ratio, quae satisfaciat, est commiscenda; id utrumque nos una methodo complectemur, quae est: Si pro  $\epsilon\zeta$  statui possit  $\epsilon\zeta\omega$ , quae interim particula decreto Hippocratis etiam ad amissim quadret, ac facilis immutatu se obtulerit: id quidem & non difficile feret quisquam, & libere nobis etiam assentietur. Atqui sic equidem haec ad unguem se habere, ut modo dictum est, ostendimus.

Et quod ad vocis immutationem spectat, hercules admittitur, aut rectius admitti necessum est, vocalis in dictione posterioris, altera vocali sequentis alterius dictionis proxime se offerente, fieri elisionem oportere; quod etiam à nostratibus Italis fieri consuevit. Jam vero vides, post primam aphorismi particulam, quae  $\epsilon\zeta\omega$  meauctore fuerat; mox  $\alpha\sigma\theta\mu\alpha\tau$  sequutum nomen: quapropter pro  $\epsilon\zeta\omega \alpha\sigma\theta\mu\alpha\tau$  facile  $\epsilon\zeta \alpha\sigma\theta\mu\alpha\tau$  afferri potuit, atque adeo  $\epsilon\zeta \alpha\sigma\theta\mu\alpha\tau$ , quod in praesenti legitur, insinuatum fuerit. Sic quidem apparet facilis vocalae cujuspian in alteram factus transitus, aut verius nullo facto transitu, vocalis unius facta expunctio. Cujus sic compositae dictionis accipe nunc sensum & germanam veritatem.

$\epsilon\zeta\omega$  quidem Graecis, Latine *extra* pro *praeter* saepe valet, ut ex Thucydide, ac Dioscoride, notant lexica. Nos autem & vernacula id lingua consuevimus; quae vocabuli usurpatio non infrequens fuit, & apud optimos auctores Latinos, quorum omnis dignitas & praestantia, ex una Graecorum imitatione fluxit: neque autem hac de re Ciceronis unus est locus, nam *secundo de legibus* ait; *extra collegium Sacerdotum, ne quisquam sacra, quae publice essent constituta, nosset.* Et clarius, *epistola 3. lib. 4. extra Ducem, paucosque praeterea.* Et alibi etiam, *cujus est nemo in tanto populo, extra contaminatam illam Publii Claudii manum, qui &c.* quam eandem loquendi elegantiam ab Horatio Tursellino e Societate Jesu, scriptore disertissimo, *libro de particulis*, notatam, observavit etiam apud eloquentiae Romanae parentem & Ma-

rius



rius Nizolius, in *Thesouro Ciceroniano*; productis duobus praeterea locis, quorum alter est *lib. de inventione*; hoc separatum quidam est extra illud: alter multo illustrior, *libro de oratore*; nullus est numerus extra poëticos.

Jam igitur eo constituto, quod Hippocratis aphorismus legendus est sic, qui *extra*, vel *praeter* asthma, & tussim, gibbi sunt, hi ante pubertatem intereunt: hujus orationis sensus is mihi quidem videtur, atque omnibus videri debet, necessario quodam nexu comprehendas has tres simul omnes *gibberis*, asthmatis, tussis, affectiones; ut ante pubertatem, annum vigesimum quintum necessitas moriendi sit; quippe postquam unum aliquid istorum non explevit morbum, quod expleturum alioquin abunde videbatur: reliquum nave opigenesi facta pessimum & exitiale malum oportebit; ut jam nos, in *lib. de Abscessu critico*, ex *Coacis praenotionibus* Ludovico Dureto enarratore, monstravimus. Difficultas autem spirandi simplex haud necessaria absolute causa videtur, ut vitae vim inferre queat, multo quoque minus tussis compulisse quemquam ad interitum visa est; quod indicavit summus Hippocr. *aphorismo*: qui habet, *strangulatos aut suffocatos ad se posse redire, quibus circa os spuma non exstiterit*. In his enim quam plurimam fuisse spirandi angustiam, quis est, qui non agnoscat? An neque sola *gibbosis* tantam habet vim, ut fatum arcerescat? necessum est enim, ut pulmones, aut spiritus organa, laborent sic, ut ex horum affluxibus malis tussicula parta plurimum molestat.

Quae omnia cum non sunt, videmus quotidie multos, qui *gibberis* belle ferunt incommoda; propterea, quod nullam, aut tussis, aut spirandi difficultatem experiuntur. Quinimo visi sunt inter nostrates homines *gibbi*, qui in arte canendi consummati vocem quam maxime deprimunt, aut intendunt; quorum unus est Presbyter sexagenarius, cui *gibber* amplum utrimque prominet: alter est, cui *cyrtoxis* est magna dorsi, Franciscanus Ordinis III. Quae tanta vocis intentio, cui planum non sit, spiritus vi constet? An ne igitur exitiosum extreme quidquam istorum esse possit? Sic jam apertum est *gibber* plerumque non esse spiritus angustiam; neque si aliqua sit ejusmodi, dispnoeam perniciosam alioqui futuram. Verum enim vero *gibbere* pectoris angustiam faciente; post angustiam vero difficultatem respirationis, ac multo maxime post disruptos



Abscessus tussim ac asthma consequens: sic plenissima & necessaria causa est, ut mors homini lente subrepat, vanescente scilicet calido cordis: qui diu persistere in ea pressura, veluti piscis in arido solo, non potest; quando nimirum alimentum primum aëris viventi desit. Haec universalis nostra lex esto: deinde requiritur specialis, ut hi homines imbecilli, graciles, ac prope squalidi sint; quo calore ac siccitate constante fit, ut major sit usus respirandi, qui maximus in angustia pectoris maxima: vides quantam ex difficultate spirandi prae se ferat noxam. Sed vegetiores moderateque carnosius etsi gibber experti, nil detrimenti, ac neque spiritus difficultatem perpetiuntur. Sic Hipp. l. 3. de art. ait; *Multi quidem gibbi facile, at non scimus, quam bene valentes, jam usque ad senectutem id mali sustinuerunt, praesertim quibus corpus carnis ac pingue effectum est: pauci autem ex iis ad sexagesimum annum pervenerunt; plerique enim citius moriuntur.*

Requiritur & tertio causae vis praepotentis ac vehementis, haec autem est defluxio crudi, gravisque succi, multa copia de capite confertim ad inferiora ruentis; cuius pars ad spinam delata & circa vincula vertebrarum coacta gibbum, ea qua dixi ratione, contrahat: pars ad pulmonis & anhelitus vias brevius derivata & spiritus anxietudinem, & tussiculam, excitet, sive quidem hic relicto phymate submolli subcrudoque, quod sudorulentum suum veluti madorem in asperam arteriam insinuet: sive spiritalibus tantum irrigatis viis, & nullo phymate relicto. Ex quibus omnibus noxis, quae primum se prodit, est pulmonis: quae causa fuit scilicet, ut ex spirabili viscere languorem prae se ferente suscitatos spinae conflexus opinati fuerint nonnulli. Conflectitur autem & sinuatur ad eos, quos dixi modos, plenis simul semelque, sed diu comparatis incrementis: ad mensium porro, atque aliquando ad annorum curricula, maturitatem gibbi retulit Cardanus, in aphorismi commentario.

Accedit ad has gibbi causas & alia, quae veluti principium est omnium; improba videlicet capitis conformatio, expers naturalis utriusque projecturae, maxime vero posterioris, cum Therisitica prope forma, tum capitis, tum faciei: praecipue vero naribus, hiulcis, atque anhelis, & oris ampliore rictu, cum rariore aliquando, ac latiore, dente; collo vero nullo, vel intra thoracem reducto. Haec capitis universi conformatio plurimum



num incommoda est, vel quod ad ipsam pertinet, quae cursum exhibet, ac non coërcet humoribus superfluis; vel quatenus includens primam intemperiem, & imbecillitatem, facultatis formatricis, caussa est mali potissima, qua necessariae ac verendae fluxiones pectoris oeconomiam infestent,

Saepe etiam cum formatricis vitio, quod intra matricis claustra constitit, conjungitur extra uterum imbecillitas nervorum, quae maxime cedit, & opportunam se exhibet inflexui. Sic & mala partium conformatio & *gibbi* perversio apparet, quo multas quidem adferre narrationes possem; sed superat omnes ea, quam mox audies: nimirum, Antonio Santoro, Neapolitano puero quidem pusioni, sed quatuordecim jam annos emenso, visos à me *gibberes* omnes mire complexos; ad cervices, inquam, & lumbos & coccygis repanditatem, ad dorsum & pectus cyrtoses, à supremo dorso ad lumbos usque scoliosin; praeter quas omnes *gibboses* estne alia, quae supersit? Sed & minus pedasque non modice difformes, atque distortae spectabantur adolescenti male feriato, qui perpetuo quidem scipione se firmans, cum à me rogatus, ut nullo fulcro nixus incederet; id summo cum labore & praecipite quasi gradu fecit. Quod autem summe dignum notatu visum est, nulla puero respirandi difficultas aut tum fuit, aut ante hac: de qua quidem re certos nos idem fecit propterea, quod pulmo huic purior visus est. Non de his autem, sed de aliis secundum pulmonem affectis, dixit certe Cardanus, quod *gibbosi* crebriter spirent.

Ad haec in *gibbosis* potissimum illud requirimus, ut circa vias spiritus incubuerit, amploque non tenui schemate sit ille panus, *gibber* excitarit: enim vero non spectans ad ductus spiritales exilè phyma, haud sane valentem ad interrumpendum vitae cursum vim habere poterit. Itaque superiores spinæ partes tentet, atque ad interiora potius, quam ad exteriora vergat *gibbus*, tacitam homini tabem illaturus. Illud tamen cum lordosi perniciofa necessarium advertit, plurimae vir fidei, Nicolaus Florentinus, in *serm. 7. sum. 2. tract. 3. c. 40.* ut nulla sit contra pectoris projectura, seu cyrtosis. Sic enim praeter magnam spiritus angustiam, parva pectoris est intercapedo, ac modica commoditas, per quam pulmo quoad sit satis, extendi se permovendo possit. Sed tamen contra Nicolai hanc hypothésin est Car-



danus; qui simul cum costis contorqueri dorsi spinam, atque hanc vicissim cum costis notavit propterea, quod costae vertebrae aequae ac aeterno mediae colligatae sunt cum utrisque; quo fit, ut quam emotionem incurrerit posticus thorax; eandem & anticus subeat oportet: & contra, quae quidem Cardani ratio, ut plerumque vera sit, at non perpetua; namque constare potest alterutrius partis integritas, subversa altera: quam nos rem Neapoli non semel vidimus, & admoniti per nos amici multi.

Habes jam nostram, de lento *gibberum* exitio, novam opinionem.

Post haec omnia, quod ad materiam formamque *gibberis*, & ad causas praematuri interitus effectrices pertinet: caeterum superest expendenda ratio modusque quo corruptio lente se insinuat in vitae fontem. Hieronymus certe Cardanum animadvertit in Galenum, qui sub *gibbosis* affectu tabem parante vacuitatem thoracis semper fecerit minorem, quam pectoris interaneis incrementa, dorsique amplitudo, iudicio Cardani saepe etiam sub flexa, quam sub recta vertebrarum compagine maior est. Jam vero, quod offensarum accusavit, illud est everfa figura; qua fit, ut una quidem parte pectus comprimatur, altera vero laxius fit: sub haec autem multam agitandi sui commoditatem exuatur pulmo, consequitur; nimirum & si lateribus excursus patet: tamen immutato dimensu longitudinis, alidens ad angusta, non parum laboraverit spirabile viscus, uti vides. Haec quidem ille *gibberis* detrimenta fecit: alium nos opinamur ab importunitate *gibberum* aëriis organis labefactatum. De qua re omni, haec mihi succurrunt in praesenti.

Scire licet thoracem à sapientissima natura sic conditum, secundum longum ac latum, ut longitudo superet, non superetur; nempe longior est excursus à capite trachaeae ad infimos angulos septi transversi, quam à dextro latere ad finistram: itaque ad ovalem figuram thoracis universi ventrem refert Hieronymus Fabricius, *in lib. de respir. part. 2. cap. 6.* Et jure quidem optimo, fuit ea forma donatus thorax; quippe naturalis quidam follis est, attrahendo, remittendoque, aëri comparatus. Atqui follis oblongus est, igitur & thorax oblongus rite fuerit; quin imo ne follis formam solum, sed ejus etiam construendi ratio-



rationem & causas consequutum est diaphragma: nam quod aërem colligit & exspirat unum ejusmodi vas; qua facit haec, angustiolem ductum; caeterum qua congerit aërem capaciolem locum obtinere debuit: ex quibus omnibus apparet, quod major thoraci sit loci commoditas in tractu longo, quam in lato, eoque etiam amplius; quia secundum latum plura & solidiora sunt corpora; cor, inquam, mediastinum, aspera arteria & hujus diffusi rami: quae partes totam latitudinem complent; non sic autem completur longitudinis dimensus, qui parte multa vacuus est; quo consilio naturae quaeres, & quo partium usu? sed respondeo propterea, quia septum transversum se extendendo, liberiolem ad superiora locum exigit, atque etiam ad inferiora pulmo.

Aliud nunc velim revoces in memoriam, anatome comprobatum, diaphragma quidem posteriore depressius esse; parte vero anteriore sublime sic, ut sterni fines attingat: pone nunc dorsi *gibbum* & pectoris; pone cervicis sic, ut caput inclinet ac praegravet; quod recte notavit Cardanus, breviabitur protinus intercapedo longa, & pertrahetur ad superiora septum transversum sic, ut adhaereat pulmoni. Cum igitur in exspirando se contrahet diaphragma, locum non inveniet, ac fibras pulmonum adurgebit. Sed neque pulmo tantum ad inferiora spatii nanciscetur, quanto sibi opus est, atque ob opifice praescriptum fuit.

Hae secundum loci angustiam *gibbi* sunt noxae: audi nunc alias ex distortionem nascentes, atque ad alia pectoris organa spectantes incommoditates. Hae sunt partim aspera arteria, partim pericardium, & quod intro fovetur, angustissimum cor: de hoc ergo prius dicemus. Nosti membranae cor asservanti conglutinatum & appensum inferne diaphragma; eo scilicet naturae consilio, notante Hieronymo Fabricio, ut dilatetur is sacculus, majoraque sint cordis perpetuo micantis, praesertim cuspide tenus, spatia: id autem evenit facile, siquidem hic suspensuli tractus in diaphragmate latissimus est; ne si foret angustior in longum tantummodo distenderetur eadem tunica: quod cordis prolationi non parum officeret. Flecte nunc mentem ad pervulsas dorsi vertebrae, emotaque ossa, sive antica, sive postica; sub utroque enim *gibbere* necessum erit,



ut distracto primum diaphragmate, mox distrahatur, & suspensaculum antrorsum sive retrorsum, quo aliorsum, quam recta contorto, suam extendendi amplitudinem cor amittat, & ad latus amiculi suis in motibus allidat, oportet.

Praeter haec oeconomiae pectoris, & alia pertubatio est, oriens ex trachaeae conformatione vitiata; hac enim per *gibbum* cervicis, aut supremarum vertebrarum contorta, pulmo, qui subest ab ea, perperam & laxè suspensus, fallat etiam in suo munere necesse est; quantum enim in recta suspensione per naturam electa perennis undequaque motus rite recteque adimpletur; tantundem etiam in contortis pulmonum arteriis corruptus idem & perversus erit adeo, ut lentior ac laxior esse debeat: porroque si rem acriter aestimaveris fluctuare propemodum in vacuo thoracis, sine suspensore pulmo, videbitur; quemadmodum rete jactum in mare sine rectrice manu.

Sed ipsa fistula spiritalis an tacenda sit? quae ob cervicis *gibbosin* recurvata nullam non spiritus offensam inducere apparebit, si naturalem suam prius spectaveris conformationem, quae Galeno auctore, 5. *de administr. anatomica*, est; Trachaeam, quia ad inspirationem, respirationemque, nunc contrahi, nunc dilatari, ac nunc longiorem nunc breviorē, vicissitudine perpetua, reddi oportuerat, musculis mesobronchiis, id est, ad cartilaginum intercapedines decussatis, itemque membranis ad soliditatem eorundem bronchiorum natura parens exornavit: ut toto dum inspiramus thorace dilatato, deinde consequutione ad id, quod movetur, pulmonem ad omnes partes dilatante, id quod in arteriis est membranosum in latitudinem; quod vero cartilagine replet, in longitudinem, extenderetur. Videris igitur num contortis bronchiis, id est, altera quidem parte cohaerentibus, altera laxatis, possit suus hic feliciter perfici motus? Porro dubium alicui non est, quod qua coarctata & compressa bronchia sunt, nullam extensionem patientur: quae vero perpetuam laxitatem conservant, locum dilatationi non dabunt.

Hi quidem sunt omnes modi, per quos aëriae pectoris officinae, non mediocriter officere *gibbi* corporis superioris possint. Verum enim vero neque singuli tantae potestatis essent; com-  
modiusque cum homine *gibbero* ageretur, nisi & ex altera turpis  
clu-



eluvies spirantes particulas, & horum conceptacula perenniter infestaret; haec enim una & praecipua caussa est, quae summam fati necessitatem acceleret, & denique absolvat: atque illud est etiam, unde Hippocrates nobis tam absolute pronunciavit; qui ex asthmate ac tussi, id est, ex causis asthmatis, & tussis *gibbi* fiunt, &c.

Jam igitur considera mihi, sub *gibboso* quomodolibet pectore & fluxionibus capite superfusus gravato, septo non libere se agente, atque hoc & pulmone locum invicem invidente; praeterea spumoso viscere per distortum suspensorem vage laxato; affabrefactae trachaeae corruptis usibus, corde sua connivente capsula male compresso: spiritalibus denique ac pulsificis organis perperam in suo munere se concitantibus, num spiritus & pulsus & vitae munia feliciter sint processura? quin vero neque sufficientis aëris commeatus, neque aestus in corde refrigeratio, neque fuliginum expulsio, perfici poterunt. Parce igitur, & coinquinata oblato, in dies, alimento, consistat vitalis vigor, & caloris vividi vis non emarcescat? Igitur hae causae sunt & haec ratio, ut animal (quae Galeni vox fuit) corrumpatur, lentis tamen & in dies factis ad interitum accessionibus; non subitam & repentinam, quod multis visum est, strangulationem animante perpeffo, nisi fortasse ex alia vehementissima causa, quam tute per te intelligere potes. Quibus jam de Galeni Magistrique Hippocratis, exactis enarrationibus, ad caetera quae supersunt transitus esto.

*Collatio extrinsecus illatae & ductu Morbi natae  
Gibbosis.*

**Q**uae cum jam apparuerit interius partae *Gibbosis* cacoëthia; quaestio subinde se offert, utra funestior haec sit, an externo principio producta? Difficilis quidem enodatu controversia, quam nemo, quem legerim, ex professo attigit aut resolvit, quod nos aliquando, cum facimus contractam in brevissima disputationem, disponimus ad hunc modum. Speculanti quidem protinus apparent graviora *gibberis* obscure producti momenta: nam quis est, qui plus uni, quam compluribus & gravioribus omnibus demolitricibus causis non deferat? quandoquidem nec  
Her-



Hercules contra duos, atque istae praeterea causae functiones vitales & recte, & proxime, laceffunt. Ad hanc opinionem accesserunt certi super hoc iudicio non falsi, Franciscus Vallesius, *in comment. citati saepe de gibberis aphorismi*, atque Ambrosius Paraeus, *lib. 11. chirurg. oper. cap. 17*. Verumtamen expensam exacte rem non fugit difficultas, atque aliter, quam isti discessu nullo censuerunt, suadent nonnulla, quae mox subjicio; propositurus primum, quod ictus spinæ dorsi non minora ducunt pericula, quam percussum caput; quocirca Hippoc. *lib. Coacar. prae not. 3*. quasi uno eodemque loco habuerit vulnera capitis, & spinæ dorsi, simul utraque complexus enunciavit; *moriuntur ex vulneribus, si quis sauciatus fuerit cerebrum, aut spinæ medullam*. Cui viro proximus, Cornelius, dixit *l. 5. cap. 26. servari non potest, cui basis cerebri, cui spinæ medulla, percussa est*. Porro Rachitis praecipuae dignitatis est pars, unde nervorum excursus & propagatio est, cerebro & substantia & accidentariis plerisque formis proxima: quapropter & facultatis igemonicae, impulsivaeque, noxa sub spina vehementer percussa, perpetuo resultat: enim vero per hanc princeps in consensum trahitur cerebrum; est autem spinæ luxatio per vim illata plurimum ad interiora, quae sine medullae violatu non est: quo fit, ut plane incurabilis, & neutiquam attrectanda sit iudicio tum Hippocratis, tum Celsi, Paulique; tum posteriorum omnium: has ob causas perniciosissima si quae alia videtur externa spinæ medullae intrusio, quam nervis graviter apprehensis, tum inflammatio, tum convulsio, tum implacabilis doloris acerbitas, consequuntur.

Sed quid jam tandem de utriusque mali profundiore noxa iudicandum est? ego problematis resolutionem hanc statuo, principio tametsi proponantur in universum pares utriusque modi, id est, ut absoluta sit, tum haec, tum illa; tamen disparium generum nullam aequabilem vere comparisonem esse confessum est. Quod si quacunque paragoge contentus sis, tum eam distinctionem pono, laedunt utraque functiones vitales, sed altera quidem inopia spiritus & inquinamento, sicut ostensum est: altera spiritus praesentis, & minime desientis, dissipatu, doloris & vigiliarum, & phlegmones, vi facto. Caeterum in altera vi-

fitur



fitur insignis acuties ; in altera lentus marcor & exsolutio ; in altera calamitas est longinqua, & annis necessaria ; in altera dierum termino incerta, secundum Hippocratis sententiam, quae habet ; *Acutorum morborum non sunt certae praenuntiationes salutis, aut mortis.* Ego autem cum utraque perniciosa sit, sed diversa ratione perdens, aequiparaverim duplici expugnationi urbium efficaci : quarum altera per strictos gladios & incendia cunctos, & populos, & urbem, truculente vastet : altera longa obsidione, ac fame, resistentes oppidanos e medio tollat. Cui nostrae resolutioni, apud Typographos lectae, mirum in modum plaussit Franciscus Romanus, collega noster, qui libellum elegantissimum, *de Militari Medicinae conditione*, jam pridem instituit.

Jam autem post traditam *Gibbosis* ab humida plenitudine curationem, succedit alterae siccae medicatio ; quae judicio Rhazae, & Avicennae, non alia quam convulsionis à siccitate profectae remedia poscit ; si tantum ulla curatio est ejusdem ab inanitate productae, Hippocrate & Galeno auctoribus, *in aphorism.* cujus difficultatis miror equidem, quod non meminerit Rhazes, nisi quod immodica siccitas non est ; unde oriatur profecto, licet porro summum liniendi, ac madefaciendi, modum requisivit, huic *gibbosi* recte medendae. Remediorum autem genera, quae praescripsit, sunt ejusmodi ; prima sanguinis detractio ex hepatica ; secundus clysmus ex oleo, in quo ferbuerunt radices althaeae & farina seminis lini ; tertia portio atramenti cassiae, dissolutae ol. amygdal. dulc. Ita quidem *in l. 3. divis. cap. 105.* sed *in 9. ad Mansorem cap. 91.* si hoc vitio correptus fuerit puer, tepentis aquae balnea ; conjuncta febre, ex herbis infrigérantibus : decoctum, cum cassia fistulari potui propinandum, atque emplastra ad dolentem usque locum, vi sua refrigerandi perreptantia, parti affectae superaccommodanda sunt, inquit. Haec ad ineuntem *Gibbum* est Rhazae curatio, nostraque, quam audisti tuitio. Caeterum *gibbosi* jam perfecta, si qua curandi ratio est, hanc per chirurgica adjumenta conficiendam docuit optime, super omnes, Ambrosius Paraeus, *in operis chirurgici lib. 22. cap. 8.* quam apud eum auctorem legito.



*Alia quaedam Hippocratis de Gibbis judicia  
enarrata.*

**H**I mali sunt & extremi *gibberum* eventus: alios vero e salubri, neutrove genere, nos docuit Hippocrates, *in citato saepius comm. 3. part. 3. 4. 5.* quorum omnium sententia haec est; quod plerumque solvi nequeunt, potissimum ubi spina supra septi transversae conjunctionem *gibba* fiat; infra vero quidam solvuntur, cum varices in cruribus fiunt; illae autem magis *gibber* spinae solvunt, quae in vena poplitis oriuntur; fiunt etiam in venis inguinum. Solutum quoque iam saepe vitium est à tormentibus diuturnis. Haec Hippocrates, quorum illa mea quidem opinione methodus interpretando potest esse.

Fit spontanea *gibbosis* ab humorum defluxu; qui si diu consistit in vertebrae sic, ut inde non recedat, facit sua permanfione, atque adhaesu firmo, ut *gibber* absolvatur & consummetur; quod si natura procurante de vertebrae, ad quas appulsus fuerat humor, alio abscedit, vertebrae liberet à tuberculo, quod *gibbosis* pariturum erat, oportet. Jam vero duplex hic humoris abscessus est, tum per decubitum, tum per affluxum; & per decubitum quidem alter modus est extra venas: sic in inguine per sympathiam conflatum, ex materia tuberculum & abscessum facit, ut solvatur *gibbus*, qui lumborum vertebrae erat firmando. Alterum genus est intra venas per metastasin. Sic excipientibus humorem vasculis ample distentis (*varices* dicunt), nec non haemorrhoidis, absolventur etiam à *gibbere* lumbi.

Caeterum, praestabiliore longe forte per intestina transmissis succis, & suppurata atque extenuata per hanc viam materia alioqui crassa; similiter & nullum lumborum est *gibber*: quam assertionem firmam puta, si de nupera & inchoata, non de veteri & consummata, nec morbum consequuta; quae Hippocrati alioquin insanabilis est *gibbosis*, explicetur. Porro fit haec humorum transmissio per primos & inferiores venae magnae ductus, à quibus deinceps in subjectos alios minores ramos descendit, donec aut effluat, aut loco cuiquam incumbat: aut vero transitus hic humorum & venarum, quae vitiatos succos recipere possunt, commoditas thoraci non est; illud etiam adverte

tente



tente Galeno, in hac commentarii particula, quandoquidem de venis irrigantibus utrasque partes ait.

Utrimque octo costis vena alimentum subministrat: sed superioribus, duae aliae tenues, scilicet ab utroque latere una; quae omnes per thoracem distribuntur, dissipantur. Idcirco, si succus aliquis ad ipsas ex tuberculis transferatur, excerni non potest, praeterquam, quod aegre etiam admittitur. Succum enim, qui cruda & dura tubercula faciunt, glutinosi sunt & crassi; quare non facile per tenues venas feruntur; sed vena, quae ad lumbos est, latissima est & sanguinem ad venas omnes transmittit. Ergo, cum haec crassos & glutinosos succos receperit, si affectae partes viribus adeo valeant, ut quod superat, expellant, & ad venas hic sitas transmittit; quo fit, ut lateascant, & in varices assurgant, ubi quidem succi crassiores fuerint; id accidit in inguine protinus, si mediocriter crassi, in poplite. Etenim, quibus citra causam hanc varices in cruribus oriuntur, videre licet venas proportionem succorum crassitudinis latecentes, ubi crassissimi sint, latissimas; ejusmodi venae sunt in inguine, ubi minus crassi, minus latas, quales in poplite. Interdum enim, quum majores venas obstruunt, hunc affectum excitant, interdum ad inferiores concurrunt, quae angustiores sunt; in universum autem in varicibus crassus sanguis continetur, nam id vitium plerumque à succo melancholico, interdum etiam ab aliis crudis, crassisque, concitatur.

Sed pergimus ad alia subinde Divini praeceptoris enunciata; Quibus vero adhuc pueris spina gibba sit, antequam corpus perfecte increseat; his corpus ad spinam non augetur, sed crura & brachia, duntaxat, perficiuntur; quae sunt ad spinam non complentur: quas res omnes Galenus ad perversos nutricularum venarum tubulos, & ad membri δυσκίνησιαν, id est, movendi difficultatem, & ad consequentem inde naturae languorem, retulit. Sic autem ait; *Et quae jam perfecte increverunt, emarcescunt, nedum quae adhuc increscunt suo juxta spinam augmento prohibentur; caeterum autem partes, quae vitiatis posteriores sunt; ut brachia, cruraque, detrimento non participantia, crescunt feliciter & vigescunt.* Haec & ejusmodi tibi sunt loca praesagiorum de Gibbis, ex Hippocrate.

Sunt & alia praesagiendi capita & rationes, ex modo tuberculorum;



lorum; haec enim si dura & cruda, quamvis Antonio Musae Brasavolae difficultatem pariant respirandi majorem; Jacobo tamen Hollerio minus inferunt periculi, plusque vitae promittunt habentibus; at, quae suppurant alia, deteriora, si viro Stempiano credimus. Sed de hac re paulo posterius agetur: quod periculi tamen haud fuerit, à tuberculo ad vertebrae lumborum exstante: praeterquam enim tanta partis dignitas non est; ad haec, id loci nactum tuberculum adinvenire sibi poterit expurgandi transmittendique vias, quas jam ostendimus. Quae de vertebrae primae luxatu, secundum Hippocratem, sententia fuit Hollerii, necessariam hanc suam interpretationem professi, ut probabilissima sit auctoris propositio: non ita vero visum est Hugoni Senensi, atque aliis qui *gibber* omne superius potissimum ad interiora cum tuberculo & illo quidem magno, necessariam causam fecerunt; ut *gibbosum*, ex asthmate vel tussi redditum, impuberem praematura mors tollat.

Quae de superioribus *gibberis* lata cum fuerint judicia; post haec aliqua de inferioribus attexemus: videtur autem etiam Hippocratis traditione probabile, quod lumborum repanditas incommodi multum allatura sit inferioribus partibus & ischio; quo subit referre id, quod Matthaeo Coppulae Neapolit. Nobili viro, contigit, hoc & proxime superiori anno volventis saeculi trigesimo. Advenerat plenissimae corporaturae, atque delicatioris vitae, juveni dolor ad alterutrum ischium; qui brevi liberum motum ademerat: postque sanguinis detractionem ex ischiadis vena sub talum; convulsionis non leves motus eidem lateri fuerunt, relati quidem ab aliquibus vellicato per phlebotomum nervo; sed, me quidem iudice, sunt hi cum innexo simul dolore, depravato lateris motu & manifesta macie, revocandi potius ad altiore causam, nimirum quam attigi nuper: etenim, à mali primordio facta est repanditas in lumbis inferioribus, à me primo comperta, quam injuria nullam, sed naturalem affectionem, cum aegroto dixerant alii Medici; verumtamen haec tanti fuit, ut spontaneam etiam luxationem ossis femoris induxerit; quam etiam à me primum adversam, admolitis omnibus ad reductionem, tum per atrem bolum, tum per chirurgicam manum: equidem dubito, an curaturi sint medentes, antequam à repando lumborum vitio vindicetur homo: quae  
qui-



quidem retulisse volui libentius, ut prudentes, oculatique, sint posthac homines nostri, si me tantum audierint, in pervidendis harum affectionum causis.

Alter quoque nobilis observatio per me facta est, in Camilla cognomento Sgargiata, virgine puella Parthenophylacii Spiritus Sancti, cui ex ingenti lumbarium spondylium intrusione, primum interceptus cruribus vigor, ac plurima parte sensus ac motus, est; pro quibus affectibus curandis vinaceorum remedium, & medicamenta omnia, sine fructu sentiit; quae res quidem non evenit ex introcessu, & repanditate, ossis sacri: ex quo vitio nulum, vel sarcosis, vel imbecillitatis detrimentum fuit Petro Fasciano, Siculo Panormitae, juveni operario typographo, in officina, quae mea haec commentaria praelo submitit.

Haecenus de convexa & cava *gibbosi* multa; de tertia, quae, ad latera & in spiras est, flexura nunc pauca: hanc plurimum incurrunt hi, qui de sublimi loco ceciderunt in pedes: cujusmodi homines equidem novi duos; qui utique perpetuam urinae laxitatem, ac mutilationem, inferiorum artuum sunt experti: horum alter Scipio Pulsonus, Neapolitanus, qui de celsa specula, extremum nescio quod periculum fugiens, se dederat praecipitem; mox dimidio corpore resolutus, ac toto languens, in nosocomium nostrum est delatus; qui post aliquod susceptis inter lumbos & coccygen crustis, Aegyptiorum more per nos excitationis, triduo liberatus est sic, ut eo temporis lapsu ex Valetudinarij nostri lectis volens ipse decesseret, qui super affere per duos bajulos delatus fuerat exanimis propemodum; rem miraculi loco habitam in Valetudinario, quam viderunt admodum Rev. Pater Flaminius Resolinus, pientissimus unus vir ex his, qui sacro voto adsistunt infirmis; Adamus Marchius, Nosodochii Medicus callentissimus; Dominicus Mosca, & Franciscus Romanus; Doctores utrique peritissimi. Incurrit & scoliosin licet ante descripta leviolem, cum paritamen mictus laxitate, Juvenis Lucanus; quem ad nos curandum detulit Bernardinus Christianus, elegans *exyegons* admodum Rev. Patris Magistri Domini Gravinae, rerum Theologicarum Scriptoris optimi, pariter & foecundissimi: de quo consultore Theologo jure se jactare potest aequissimus cathedralis Ecclesiae senatus; de Professore vero schola nostra Neapolitana.



## C A P. VI.

*De praeservatione, & curatione partium interiorum.*

**H**Ujus autem affectus etsi curatio per omnes vulgo quae sita est, tamen praeservatio longis intervallis tum dignitate, tum, usu prior apparet: nimirum quod *gibbi*, qui ex interna causa proficiscuntur, hi sunt insanabiles plurima parte; nisi confestim initio summa providentia, subtilique solertia, revocati; quam inhibendi mali provisionem à plerisque omnibus in silencio praeteritam, utinam nos, qui sumus adgressi nuperi, obscurique auctores; sic ut exigimur, sic ut cupimus, interdum exsequi valeamus, rem sane non parvae neque futilis operae; verum utcunque res evenerit, contentus auditor esse nostra diligentia debebit, quae si non magnam, certe mediocri non minorem adferet frugem, confido. Illud autem, quod forte meditatus in hac re sum, est hujusmodi.

Proponitur curatio *Gibbosis* recentis; porro vetus & confirmata sanabilis non est, auctore Rhaze, *nuper indicato loco*; siquidem igitur primum ipsum *gibberis* initium praevidere potis sis: hac re sane vix aliquid optabilius obtigerit, quippe statim occurrere remediis oportunis licebit sic, ut etiam anteverti possit humorum vitiosorum confluxus: verum enim vero, quia neque continuo Medicus accersitur ad ineuntem affectum curandum, nedum ad praeservandum; neque sic semper est facile morbum, qui se insinuat intrinsecus, oculate pervidere (utinam autem jam initum, ac latens quodcunque malum deprehenderetur à cunctis Professoribus hoc nostro saeculo, quo minus, quam par est, Hippocratis doctrina colitur) sub haec evidentia symptomatibus rudimenta *gibbosi* accessus sic intercipere, atque absolvere tentaveris.

Discretis enim causis, num ob plenitudinem, num ob inanitatem contractum vitium sit; his non aliter, quam humido siccove spasmō, iudice Avicenna contraniti debebis, plenitudini quidem prima sanguinis detractio (basilicam elidit Rhazes) simul & victu quam maxime vires permiserint, tenui; ad haec avertentibus omnibus remediis, quae sunt frictiones, vincula, cucur-



cucurbitulae, vomitus, clysmi; singula quidem ad situm supremum vel infimum dextrum aut sinistrum, affectae partis opponenda. Deinde etiam expurgato, levatoque, à suspiciosis omnibus succis, ac superfluitatibus, corpore; deinceps ad sudorum artificiales manatus convertendum ejus, qui medetur, est consilium; quem equidem scopum, & quod remedium arbitror praecipuum, & primarium ad morbi causas aut eximendas, aut minuendas; praesertim si sudationes istae proliciantur ad aestuaria quaequam, peculiari naturae munere comparata, qualia nos ad nostras oras, & ad Neapolitanos terrarum tractus habemus Aenariae, Puteolis, & in Crypta Aniana: quibus singulis uti si concessum non sit, aut anni tempore, aut loco, aut hominis facultate, aut alia quacunque causa non patiente: tum his succedunt assae sudationes in laconico arte paratae: quas adjuverint sumpta per singulos dies *decocta Sparti parilis Indici, lignive Guajacini*; ad eum modum apparanda & conficienda, quem in Paedarthrocace nuper aperui: in quo libro descripta multiplicia ex Viperis medicamenta, huic etiam morbo depellendo non parum accommodata, comperies; quippe quae naturae, calori que nostro, auxiliaria atque amica, labem quamcumque corporis emundare atque exhaustire sunt comparata. Quod si subjectae vel crasi corporis, vel habitui, vel aetati, vel regioni, vel anni tempore, constitutionique calidis & incumbenti feбри minus congruere videantur, alioqui calidiusculae materiae: Viperas in caprimulgos & boas, quas vocavit Plinius, permutare fas est; accedunt hi proxime ad illarum naturam, ac temperatiores sunt primis qualitatibus tenus. Utatur autem & homo, qui tractatur, iisdem pene potionibus, ac victus ratione, quae Paedarthrocacae prohibendae proposuimus, nam neque dissident admodum utriusque fomitis exsiccandi ratio. Praesertim ubi *gibbi*, qui curatur, haereditaria sit suspicio.

Hae quidem ad plenitudinem corporis privatim adversae sunt medentis provisiones: per quas tamen omnes si praevalentibus ullis causis, tuberculi procreationem praeripi non licuerit, aut eo tempore vocatus ad curandum fueris, quo productum jam tumorem inveneris; praeceptum est Jacobi Hollerii, ut ne utquam id maturare tentemus, nimirum propterea, quod suppuratus non est sine periculo; neve ex suffuso in thoracem pure



& ad superiora pertracto, aut etiam ex suppurato primum eodem in cervice, mox in trachaeam transmissio, suffocati phthisici defungantur; quam ob causam monet nos iste Vir suadetque, ut prohibeamus potius, coerceamusque tubercula sic, ut dura redantur.

### *Opinionis Hollerii censura.*

**Q**uae quidem Hollerii adversio, si rite recteque perpendatur, plurimam me iudice congerit difficultatem. Principio autem, quae dubitandi dederint, ansam, haec fuere. Primum, quod cum complures sint tuberculorum optabiles fines, postquam illa constitere, difflatio, maturatio, seu concoctio, suppuratio: selectam indurationem, ac recrudescentiam praetulerit aliis omnibus. Sint autem quae te ex medentis voto crudi durique tumores? quos omnes malos, contra vero molles omnes bonos, sanxit alicubi Divinus auctor. Ad haec, improbetur humoris collecti suppuratio? cujus idem Medicinae Parens, *epid.* 6. maximas duas commoditates exposuit: & quod morbo levet, & quod ejusdem reversionem fieri non permittat. Praeterquam quod irritus & inanis sit oportet conatus omnis revocandae supurationis internae, quam humoris natura, locus abditus & conclusus; aetas florens; habitus carnosus; praepotentis & interni caloris vivida vis; actio, motusque, corporis, & longinquitas demum temporis, promoveant. Deinde quae sint pauci suppuratus incommoda? quaeve saniei sub thoracis vacuitate modice diffusae sit noxa: porro si pus petat superiora; expulsum subire poterit potius, quam pariat praefocatum, vel non magis hoc, quam illud poterit adipisci. Haec quidem ad maxime dubitandum de hac Professoris clari doctrina nos impulere.

Caeterum sunt, & quae tuberculi obdurationem dissuadeant; sunt & quae supurationem apprime commendent. Quo ad posteriorem rerum ordinem attinet, est primum supurationis emolumentum, quod, ipsa succedente, tuberculum continuo minuitur; nam haec causa est scilicet ut suppuratus multo minus doleat, quam crudus Abscessus; id quod didicimus vel ipsius Hippocratis oraculo; qui *secundo aphorism.* 47. scriptum reliquit, *Dum pus conficitur, dolores ac febres fiunt magis, quam jam confecto:*



*fecto* : cujus rei rationem apud enarratorem Galenum legito. Deinde, nos in Angina pestilenti, quae duodecim adhuc annos mileros mortales, pueros potissimum, exitialiter corripere non destitit, duritudinem primam paristhmiorum, glandularum, ac totius ad summam tumoris perpetuo, vituperamus; suppuratum summam cum fiducia, certaue liberandi spe, excipimus. Tertio, praeter divinum hoc anginae genus, & alias, quae citra coeli malignitatem accidunt, nedum non maturas & suppuratas exhorremus: sed neque suppurationem qualemcumque statim adversam ultro dirumpere dubitamus; id quod facimus digito, cereo funaliculo, ligno, cornu, & sexcentis aliis adminiculis: de quibus nos in *Chirurgia inermi* speciatim tradidimus; auctoribus ad hanc rem summis, & veneratissimis, viris Graecis, Arabibus, Latinis, Barbarolatinis, antiquis, nuperis, & omnibus Medicinae Doctoribus; Clinicis pariter atque Chirurgicis: sunt autem & de inexpectatis huius salutis eventibus, ob properatum Tuberculi disruptum, obtentis, Historiae quamplurimae; relatae per Antonium Benivenium, Amatam Lusitanum, Petrum Forestum, Marcellum Donatum, Joannem Schenckium, absolutissimum omnium compilatorem, atque alios. Nos autem plerosque anginosos, jam jam isto tortabulo strangulandos, & orco destinatos, una hac ratione redemimus; quibus operis nunc Franciscus Antonius Pintus; nunc Franc. Antonius Ametranus; alias Joannes Jacobus Selanus; alias Franciscus Moscha; interdum Hieronymus Abiosus; interdum Vitus Jacobus Ferrajolus, Medici Neapolitani praestantes omnes, quos honoris causa nomino, interfuere.

Succedunt his damna cruditatis offerentes argumentationes nonnullae; quarum prima esto. Qui conservat causam distentionis, idem conservat & ipsam distentionem: atqui noster Hollerius conservat distentionis causam, quae infarctus & plenitudo est: igitur & distentionem, pessimum sane malum conservat; praeterquam & *gibbosin* ipsam quoque. Secundo auget omnis admirationis modum, quod induranda Tubercula vult medicamentis; quae autem ista nisi refrigerantia? contraria quippe concoquentibus, & calorem obtundentia, ac spiritus viis atque ossibus spinae nocentia: quam rem diserte docuit Hippoc. *aphorism. lib. 5.* qualia quoque medicamenta, & ad *gibbosin* univer-



sam vitanda, cane pejus & angue, nos monuit Rhazes, *in 9. ad Mansorem*, c. 91. Atque Avicenna, *loco citato*, nil dubitare visus est, ut apostemodi *gibbo* proponeret curationem, quae difficile maturabili, contumaci, ac duro Tuberculo, communis est; & (quod multo majoris est momenti) neque Tuberculorum loca discriminatus est hic auctor: adeo verum est scilicet, & commodam maturationem istorum; & in iisdem obdurandis, Hollerii nullam aut frigidam cautionem esse. Quod si vis incommodum omnino suppuratum, contra nos deteriorem contendimus longum Tumoris obduratum; qui perpetuo gravet, ac tensione comprimatur; motiones lacertorum cohibeat; distensionem denique moveat; ex qua una & quae non mala consequi possint? Jam igitur unde, & quonam solido fundamento propositio, in mentem venit Hollerio?

Sed equidem pro Hippocratico Professore proferam extremam aliquam defensionem, quae est. Sibi non oblatam speciem Tuberculi biliosi, quae digeratur; non pituitosi, quae concoquatur; non sanguinei, quae suppuretur; sed melancholici ac faeculenti; cujus portio tenuis per accommodata medicamenta digeratur; sic ultima relicta crassa, durus tumor conservetur & immunis à suppuratu praeservetur. Verum enim vero, neque hoc effugium ullum est, nam quis succi melancholici circa caput, & unde, proventus pueris? aut quae hujus ipsius humoris ab inferioribus ad superiora transitio? neque enim simplex culpabitur melancholia, siquidem res gravis non potest adscendere; *citius* autem, ut Homerus ait, *Dii terram ad coelos trahent*: vel si commistam asserat tenuibus, ut necessum est, succis; horum hercle, qui evehant, erit portio major; ergo dissilabilior & digestior. sed omnino sit melancholicus simplex humor; tam parcus & iners credis ipse, demonstratam spinæ distortionem committere valebit? nil sane minus; ergo vides ad extremum nullam Hollerii, super humore melancholico *gibbosis* effectore, hypothesein; adeoque excogitatam inepte, de diu conservando crudo spinæ Tuberculo, suasionem.



*De Curatione per externa medicamenta, & per  
Chirurgiam.*

**P**Raeter hanc internam Curationem, est & externa duplex; per Topica nimirum medicamenta, & per Chirurgiam: & medicamenta quidem ejus generis optima puto, quae fuerint exsugentia, vitiumque valida vi raptum dissolventia; qualia nos quidem ad evertenda Paedarthrocacae seminia monstravimus valentia. Jam vero, si timor sit per initia collectionis, extenuatis etiam exquisitis materiis, calidiora medicamina adhibenti; non est profecto, quod haec admittis probefacientibus corrigere & commodari non possis; sed & *Emplastra* cum eisdem oleis ibi recitatis, atque ex *Tacamahaca*, & ligni *guajacini resinis*, seu *gummis*, concinnata, licebit ad roborandum & dissolvendum imponere. Emplastris etiam admiscet Avicenna *Pyretrum*, *Euphorbium*, *Castoreum*, *Rutam*, *Cypressum*: ex quibus eisdem & Olea paranda praecipit.

Superest Curatio per Chirurgiam, quam in *Pyrotechnia nostra* ad idem vitii traditam, huc transferri concedetur: quae sic habet, Albucasis, Chirurgicorum Arabicorum facile princeps, *sectione 1. chirurgiae cap. 4.* & Avicenna, *lib. 3. fen. 22. tract. 2. cap. 14.* *Gibber* omne medicamentis inexcussum docuerunt; recte denique curari ferramentis candentibus ad id accommodatis, ex quibus circulare unum erit, quo postremam dorsi vertebra circumplectente, ad eandem urendam uteris. Alterum instrumentum erit punctiforme; quo ignito duas aut tres lineas describes, circum vertibula crustulis inductis. Tradidit & de cauterii in hanc rem usu Joannes Serapion, *tract. 5. pract. cap. 26.* verum administrationis, & loci urendi quidpiam non explicat; quemadmodum etiam non explicavit Gulielmus à Saliceto, *lib. 5. chirurgiae cap. 3.* ad cauterium spinam gibberis proponens. E nuperimis vero Durantes Scacchius, *lib. 1. Subsidii medicinalis*, circulari magno cauterio *Gibberes* tractari voluit, ab Albucasi formam instrumenti, sicut opinor, mutuatus. Meminit & hujus per ignem curationis Alexander Benedictus, *lib. 29. rei medicae cap. 6.* Sed quantum recenti proficua, tantum inveterato gibberi inutilem, spasmo vero ab affectione sicca producto



detrimentosam, ufturam admonuit Nicolaus Florentinus, *serm.* 7. *sum.* 2. *tract.* 3. *cap.* 40. Haec ad proxime curandum *gibbum* efficacissima chirurgia efto: quam fi quando ferramentis administrare vel vereatur medens, vel exhorreat aegrotans, tum succedit altera cunctis optatior, ac non minus efficax inurendi forma, *per fomitem* à me vocata, & in eodem opere *Pyrotechniae medicae* ex Prospero Alpino descripta; quam Neapoli primum vidit, & approbavit, optimarum & veterum Medicinae rerum exactissimus aestimator, Antonius Sanctorellus, exercitam à me ad epiphoras finiendas honestissimae Mariae Garziae, assiduae perillustis uxoris Clarissimi Regii Consilarii, D. Gregorii de Angulo.

Praeter hunc ignis usum proprium, est *aversorius* alter, aut interceptorius per ulcus, utile; quem vulgo *fonticulum* nuncupamus; quorum is, qui intercipit in *gibbosi* supra septum, ad inion excitabitur; alter vero prior, qui ad avertendam causam mali capitur ad *gibber* infra septum, ad femorum, vel crurium, vulgata loca collocandus est. Praeter quas sedes, si remedii certa commoditas ametur; sique solidis experimentis persuadeatur tum is, qui tractat, tum is, qui tractatur; non dubitabit utique ad alterutrum inguen inuri crustulam, vel chirurgicas transui setas. dixi autem accommodatissimum hunc locum, excellenti quadam hujus cum lumbis sympathia spectata; quandoquidem ad has partes consuevisse fieri *gibbosis lumbariae* transpositum supra meminimus, auctore Hippocrate, *in partic. libri de artic.* saepe memorata. Neque vero sic insolens videri debet haec uftio, nostro tempore plurimum ab insuetis medendi usibus abhorrente; enim vero, praeterquam quod necessum est, ad contumacissimos quosque morbos nova pleraque comminisci: ad haec memini quidem, nuper à me jam nominatum, ac semper honoris causa nominandum, Sanctorellum, in causa leprae Sacerdoti lectissimo Societatis Jesu, in conventu celebrium Medicorum id proposuisse, ac prope evicisse. Sed quae de *gibbis* adnotanda ac disquirenda fuerant, habeant hunc finem.



# DE VALGIS, VARIS, COMPERNIBUS,

*Ac Membris aliis obtortis.*

## LIBRI PARS ALTERA.

### C A P. I.

*Continuatio ad superiora.*

SED provecto jam sermone de puerorum Abscessibus, qui fuerant *Paedarthrocace*, varique *Gibberes*; illud quidem cum corruptione vitium; hoc sine corruptione; consentaneum rationi visum est, ut subinde traderetur & de *Valgis*, *Varis*, *Compernibus*, & hoc universo genere. Porro istiusmodi luxamenta & crescentis aetatis homines, & ossium juncturas, tentant, & causas etiam plerumque communes agnoscunt; quod experimentum, inter multa singulare, faciundum exhibuit ferme nobis haec observantibus, illustris viri Prosperi Pisani Pascuarolae reguli filius natu maximus; qui postquam *valgus* fuerat, ad haec *repandus* secundum dorsi vertebrae & pectore *gibbus* exstitit, ob defluxum nimirum capitis; quem uno ad unguem consensu cum Dominico Coccia, collega eruditissimo, conjectati sumus, argumento plane liquido; quod malam à primordio conformationem capitis nactus fuerat sexennis puer: quare tot membrorum divaricatus, ab uno cerebri vitio atque ab humoris pituitosi laxamentis, quorum una intemperies origo est, profectos perquam probabile apparet. Quod si forma gignendi quaeritur, neque inflammatoria systrophe, aut aliqua noduli modo coacta collectio juncturarum, abstrahendis vinculis perpetuo desideratur; quin hoc & pueris & hominibus aetate jam grandibus evenire, compluribus exemplis, alio loco, monstrabimus. Jam vero si caetera desint, est *gibbosis* & obtortorum affinitas tanta, ut invicem ἀδελφῶσι. Taceo, quod admirabilis excessus dignissimam adversione, ac tractatione, rem facit; sic enim plerumque insolens, atrox & inopinus puerorum hic casus est, ut ad corruptrices strigas, atque adeo ad divinas causas, referant ineruditi. Quas



ob res omnes annuis jam, ut de *Valgis*, *Varisque*, & hujus generis vitiis aliqua pars sermonis interferatur.

## C A P. II.

*Notio seu nominis explicatio, cum aliquot rei discerniculis.*

**V**Algi quidem, Graece βλαῖσολ, prominentes extrinsecus habent furas, & in diversum actas, quales cancris & lacertis sunt pedes; quorum videlicet pars intra conditur, pars extra procedit. Aegyptios ejusmodi tradidit Aristoteles. Plautus autem, in *Milite*; *varum*, aut *valgum*, aut *compernem*, aut *pæ-tum*, aut *brochum* nominavit; itemque *valgum suavium*, id est, intortum: cujus generis dicti sunt & *vatii*: sic enim est apud Varronem, lib. 2. rei rusticae, de canibus scribentem, cruribus rectis ac potius *varis*, quam *vatiis*: hinc *vatorum*, & *vaticiniorum*, cognomenta fluxerunt his, qui primi in familia pedibus *vatiis* exstiterent: quo Seneca in quadam epistola, *Servilius*, ait, *vatia latere sciebat non vivere*. Sed *Vari*, Graeci παῖ-βολ, vocantur hi, qui crura vel pedes introrsum habent obtortos: cujusmodi spadones, ac testibus capti, ac foeminae ple-raeque visuntur. Flexuram quidem, non flexurae modum explicavit Horatius, l. Serm. 1. ut ait, *Hunc varum distortis cru-ribus* &c. atque inde factum est, qui *varum* pro obtorto saepe Veteres dictitarint: itaque *varum brachium* dictum à Martiali fuit, in 7. *vara nec injecto certamine brachia tendis*: & *varae manus* pro incurvis ab Ovidio, 9. *Metamorph.* sunt usurpatae: qui dixit, *varas in statione manus*. Haec ex Grammaticis brevi recoluisse nos oportuit.

## C A P. III.

*Causae.*

**S**ED praestat Causas inquirere, quibus ante descriptae distor-siones oboriantur: libet autem aliquanto superius rem re-petere, ut plenius etiam nostra sententia percipi queat. Prima qui-



quidem & summa caussa debilitas est, quae concedit defluxibus. Imbecillitas autem oritur ex qualitatibus expertibus materiae, vel cum eadem ipsa conjunctis. Ex primo genere fuerint aëris ambientis qualitates, ad calorem, aut frigus; ariditatem aut madorem; sive simplicibus, sive compositis, excessibus immutantes: ad quas affectiones spectant & ventorum, pluviarum aut nivium occurfus; aquarum, id est, lacuum, fluviorum, marium, tranatus & enavigatus; venationes piscium; natationes in his, & ablutiones, immersiones; quae faciunt, scilicet, ut articulorum, musculorum, ac tendinum, temperatio transmutetur, pro varia qualitate, quae dictis aquis, tum propria sua natura, tum ad attingentem hominem, collata ejusmodi, vel aliter se habuerit; cui similis aut major vis inest & medicamentis, quacunque tandem ratione fuerint, ad easdem partes superdata. Interea haec nominandae sunt vehementes, & assiduae, istorum artuum exercitationes; nec non diuturnae vacationes, & cessationes à motu: etenim, ut hae refrigerant & effoeminant, sic illae laxant & excalefaciunt. Ad haec, & quae sive esculenta, sive potulenta, offeruntur; quaeque ab his toto corpore digestis atque diductis retinentur, & emittuntur; & si qua sunt alia hujusmodi.

Post haec dicendum esset & de his, quae qualitatuum quarumlibet excessum, cum interventu materiae, insinuant. Verum haec ad ipsos humores ac succos, qui inibi colliguntur, referri satius erit substantias quippe notas; quae partim crassitudine, partim etiam lentore, partim topia & pororum angustatione, paulatim contrahant fibras, vel ab universo corpore, vel à certis quibusdam partibus huc attractae, vel transmissae. A toto quidem corpore transmitti consueverunt humores, in febribus lentis & diuturnis; de qua re tum Hippocrates, tum Galenus, 3. *prognost.* 23. & 4. *aphor.* 14. atque etiam in lassitudinibus, quas in iisdem febribus homines incurrerint, eodem Hippocrate, Galenoque, adversoribus, in 4. *aph.* 31. Itemque per inexplicabiles commessatus, ebrietates, luxus rerum & libidinis nullos modos; quod neque Poëtam latuit, qui ait:

*Et Venus enervat vires, & copia Bacchi;*

*Et tentat gressus, debilitatque pedes.*

Praeterea sunt & certae corporis definitaeque partes, quae supervacaneis se ipsas succis exonerantes, hos in articulos & atti-

gua



gua loca demittunt: sunt autem, nunc caput destillationibus assidue pluvium; ad quam maxime, nisi fallor, opinionem accessit Fernelius: nunc uterus, cujus excretio suppressa sit: quociens M. Hippocrates ejusmodi affectus mulieres immunes statuit, *in l. 6. aph. 19.* veluti si affirmaret, etiam eodem tempore cohibitas istas emissiones, ad articulos continuo refluere debere: quod re ipsa equidem evenisse multis foeminis comperi; similiter & his, qui haemorrhoidum detrimenta sentire.

Atque haecenus recipere judicati sunt articuli, ad quos nimirum suas superfluitates transmiserint aliae particulae. Caeterum & ipsae etiam ex aliis eliciunt; seu caloris intemperamento, propter violentum immodicumque laborem, & usum balnei; sive ob ingentem dolorem, quo sentientes circum articulos particulae fuerint tentatae. Sic imbecillis defluxus, validique attractus, generales ad distortionem causae sunt jam expositae. His omnibus accedunt articulorum, qui sunt quibuldam proprii, languores: id est, his qui ex parentibus arthritidem, aut podagram expertis sunt nati: quo loco & materiae vitium & formatricis debilitas sunt recensendae. Nunc, ut humores distinguas, scire licet; non unum & simplicem, sed varium & multiplicem succum esse, qui dictas ad partes allabi possit: respondens scilicet crasi, constitutioni, viscerum morbosae, vel naturae, sexui, aetati, regioni, anni tempori, victui, consuetudini, vitae instituto atque aliis, si praeterea sint. Ex causis autem omnino malis, atque morbosis, sunt caecae vel apertae corporis continui solutiones: ex inconspicuis quidem apospasma, distentio, caeca contusio, casus ab excelso loco, luxatio: ex conspicuis vero, contritiones, ulcera, fracturae, tophus, tuberculum, abscessus, ancyle, &c.

#### C A P. I V.

##### *Signa Causarum.*

**H**Orum sic enarratorum affectuum, suarumque differentiarum, evidentium alioquin & nulli non perspectarum indicia, non est, quod quispiam enucleari sibi nunc requirat. Verum enim vero causarum notae sunt explicatu necessariae; sed antece-



tecedentium inquam & internarum, ut his eisdem producendi morbi vi potitis occurri singulis medendo possit. Sic repetitis ordinatim capitibus, fontibusque, caussarum, quos supra recensueram; ad distinguendas eas causas, quae tum per se, tum per consensum morbum invexere, devenio.

Igitur aëris & regionis & aquarum culpas prodent eorum excedens mador & illuvies, pluviae nimietas, irriguus, & sensus, fitus, qui diu perduret & difficile discutiatur; item opacitas & vapidus nebulosusque proventus; quarum plerarumque rerum cum nonnihil participet coelum Neapolitanum, horum hominum maxime puerorum plurimos expromit: alias vero tales terras, quas non vidi, judicare quidem temere non possum, sed dictat ratio non exortes hujus vitii futuras. Praeter quas causas & alias, quae ad externam horum comprehensionem pertinent, & respondens rerum evidentia & eorum, qui tractantur relatio, comprobabit; expedita enim & facilis harum rerum deprehensio est; si non inertem indagatorem offenderit: quapropter his supersedeo. Sed defluxus sympathia partium factos, declarant potissimum constitutiones earumdem sedium mittentium: juvantque etiam intactis articulis remedia, quae mittentium curationi accommodantur. Interea vero non latent symptomata, quae proprias affectarum partium affectiones consequuntur. Sed primarum qualitatum seu simplices, seu compositas exsuperantias deprehenderis, tum ex causis, quae antecesserint, ab aegrotante referendis; tum ex usu remediorum contrariae facultatis; tum ex similium noxa; tum etiam ex affectionibus spectantibus ad sensum tactus.

Atque haec quidem sunt indicia qualitatum sine materia. Conjunctarum vero cum materia sunt communia his, quae singulos humores praesentes produnt. Id est, ex causis antecedentibus, partium imbecillitate, superfluitatum crassitie, canalium angustia: deinde etiam ex principiis hos attrahentibus dolore, calore, medicamento, frictione, balneo, motu & exercitatione importuna, itemque à principiis transmittentibus; quae sunt plethora, cacochymia, febres diuturnae, ac putres; rheumata, suppressae vacuationes, articulorum languores, atque alia hujusmodi: denique & quae fluxionem & collectionem in articulis adjuvarunt, aut averterunt omnia: sed & affectus tactiles arti-



culorum eadem ostendere possunt. Post quae omnia solutae unitatis, quae vitium induxerit, apertus prospectus, atque evidens notitia, est. Superest distinguenda laxitas aut contractio; id est, cum causa quidem hujus ariditas, illius humiditas. Laxitatem vinculorum ostendunt causae laxantes, ac similes adjuvantes, contrariae constringentes, ad haec effecta, id est, motus infirmior, & propensior ad luxationem. Contractio monstratur brevitate, tensione, duritie; sed numerum auctum causae produnt, concreti glutinosique succi redundantiam efficientes; itemque juvantia, nocentia & effecta suis ex affectibus prodeuntia, quae jam nosti.

## C A P. V.

*De naturali Ossium constitutione.*

**A**Ntequam ad ostensionem nostram aliquam institutae rei pergamus; operae pretium facturi videmur, si praestitua-  
tur enarratio natura constantium articulationum, quam ad hunc modum accipe. Principio revocanda est in memoriam offis cujuslibet membri longi partitio, quam in *Paedarthrocacae cap. 4.* docuimus: deinde scire licet, coaptata jam mutuo, rectoque, occurso duorum ossium capitula, praeter membranam communem, periosteum, circumvestiri musculorum chordis, id est, latis nerveis excursibus; qui praetergressi juncturam, cum inferioris membri musculorum tendinibus occurrentibus permiscuntur & coalescunt, ut per has attrahere vel inflectere membrum subiectum possint. Aliud nunc insuper intelligendum est, expositum a Galeno, *libr. 2. de motu muscul.* ad unum quodque membrum pro libitu voluntatis agitandum, tum flexores esse lacertos, tum extensores; qui contrarii sunt plane situ dispositi sic, ut sibi invicem cedere aut adversari possint: nam cedunt, inquit Galenus, extensores exteriori parte, ut flexores internae flexionis operam praestare possint: qui cedunt rursus extensoribus, ut hi suo extensionis munere potiri queant; quae quidem ordinatio, motioque, naturalis est, recte veniens à libero moventis arbitratu: nam est, scilicet, cum praeter praescriptum hoc voluntatis cedunt vel extensores musculi,



sculi, vel flexores, prout nimirum paralyfi molliti alteri & antagonistaе fuerint; quemadmodum, scilicet, sub oris distorsione canina trahi se finit dextera genae pars languens, cum sinistra est potior, & contra: atque hoc quidem in paralyfi fit, praeter quem modum à resolutis nervis proficiscentem, est & alter à distentione seu spasmo, cum distenti inflammatione aut plenitudine, aut ariditate, alteri lacerti; seu quidem extensores, seu flexores, adversos alteros vi sua distrahunt, ac sua sede revellunt. Haec status articulorum naturalis esto descriptio.

## C A P. V I.

*De morbi genere: & quod non capitulati ossis  
haec sit affectio.*

**H**Actenus jam tot multis, de rudi rei natura, praemonstratis; quae veluti fundamenta & parietes aedificii nostri fuerunt: reliquum est, ut essentiam rei totius & sententiae nostrae summam, quasi supremum tecti fastigium imponamus. Incipiemus autem à generis inquisitione, ut mox differentiam, aut quod hujus loco fuerit, ad definitionem adjiciamus. Apud antiquos, qui sunt omnes, Graecos, Latinos, Barbarolatinos, Mauros, Arabas, Poenos; qui vel omnem Medicinae praeceptionem, vel nobilem hujus quamcumque partem tradiderunt, incertum est, cui malae conformationis generi vel speciei βλαίσωσιν, ac ῥαίβωσιν hanc, quam discutimus, retulerint: apud quos nimirum, ea de re, ne verbum quidem. At neque juniorum aliquis idem hoc argumentum attigit; quasi vero nullius esset usus res, quae plurimum alioquin & cognitu videtur utilis, & curando necessaria. Inexplicatum igitur apud Veteres ac Juniores etiam auctores negotium, tantum aetate nostra tractandarum quotidie consultationum usu, comperi vulgatam opinionem facientium hoc vitium situs. Qui enim *exarthrema* luxationis speciem, qui *pararthrema*, subluxationem arbitrantur; figurae quidem accessoria & succedenti affectione statuta. Ad summam autem apud hos homines nullum, luxationum communiter dictarum, atque harum private sumptarum, discrimen est; praeterquam quod illae quidem ab externa magis causa, haec vero ab interna, profectae



visuntur. Sententia quidem & opinatio, quae si rationis & anatomes exacta lance perpendatur, inscita prorsus & indocta videbitur; multis, ut monstrabo, nominibus.

Primum quod luxatio, situsque ossis ab acetabulo, abscessus atque perversio, liquido monstrantur certissimis omnium sensuum criteriis, qui visus est, ac tactus: nempe qua vacuitas praeter naturae conditionem agnoscitur; qua insuetus offarctus & plenitudo circa articulum; quae ipsa per Jovem in ejusmodi distorsionibus non extant, neque diu observata comprobantur. Deinde ab exordio adusque plenam confirmationem, his eisdem ut absit dolor, qui & perpetuus & peracerbus esse solet, donec os in sua naturali sede repositum sit: hunc autem neque pueri, neque viri *valgi*, *varique*, senserunt aut agnoverunt unquam. Postremo referat, quaeso, quicumque nobis adversari velit, sub qua luxatione crurium viderit unquam incessus nisum ad longos annos, ut in *valgis varisque*, conservatum? Taceo, quod incipit distorsio non à summo ipso articulo, circa quem motus fit, sed à circumposito ossis processu; quomodo enim homo utroque latere distortus, genibus unis, niti vel uno temporis momento valeret? porro sunt articuli recte se habentes, veluti firmi cardines, quibus membra & corrotantur & consistunt. Haecenus, quod non sit putatitium *exarthrematis*, seu subluxationis vitium hoc, de quo quaerimus, jam patet.

## C A P. VII.

### *De Sede affectus propria.*

**S**Upereft nunc, quando non sunt ipsi articuli, qui luxationem sustineant, partem aliam proferamus. Dixi, principio ternas esse longis artuum ossibus particulas, truncum, processum, capitulum. Ajo divaricatum hunc fieri circa processus & appendices; nimirum quod hae principio coalitae non fuerint, sed dissolutae praeter legem naturae persistant; quibus partibus nitens homo primum ad incessum, sic nixus pondere ad alterutrum latus interius aut exterius conlectitur, crus, qua major debilitas est, aut qua primum occasione inflexum fuerit idem; qua laxitate & inflexus assuetudine, dum pro-



producta jam aetate coalescunt partes, sic obfirmatae persistunt, ac distortis pedibus caeterum ingreditur homo. Itaque si caepta via non aberramus, facile cognosci datur, id vitii, quod in quaestionem venit, tametsi depravata subsit figura, tamen, quia contingens, id est, haud quidem in figura, sed in connexu vitium erit; quippe qui cum esse debeat non sit; est autem nexus & de conformationis genere, si Vido, pervidentissimo scriptori credimus id testanti, *lib. i. anatomes cap. i.* Quod nostrum placitum confirmatur & hac ratione. Apparuit ejus vitii maxima causa laxitas, quam ab uno & perpetuo partibus item laxis incumbente madore proficisci nemo non novit: atqui partium haec laxitas ac mador non alios insequitur, quam pueros & hujus aetatis affines: quos unos eisdemque communiter tentat affectionis haec, de qua scribimus, proprietas; non obscuro scilicet ac probabili satis argumento, quod laxitas haec memoratis ossis coagmentati partibus accidit: porro mador, qui toto quidem corpore fusus est, sed cerebro praecellenter; ubi praesertim hoc imbecillum & languens offenderit, cum ad articulos & ad juncturas ossium affluerit, vi diducat oportet; atque adeo tibiarum, quas nuper exposuimus, appendices. Sic inquam pueri, & qui conterminae sunt aetatis hanc peculiariter affectionem incurrunt, quod observatum à me primum est in filiis Conzalis, viri à secretis Ducis Albae Neapolitanorum Proregis. Mox vero in Quadrimo filio Lutii Caraccioli viri patritii Neapolitani: quam rem quidem à me primum audiens Dominicus Antonius ab Alexio, exacti judicii Medicus Collega meus, certam plane atque indubitabilem affirmavit, atque in aliis, quorum quidem omnium taediosa & longa esset historia. Verum enim vero, & aetate grandioribus id morbi genus accidere scito. Sed tamen eo discrimine, quod viros *valgitas* praeterquam uno latere non attingit; quae si tamen utrimque accidat, haec & admodum insolens quidem, & non simplex laxitas est, sed ex systrophe & abscessu, & ut simpliciter dicam corruptorum humorum in has ossium partes incursum, quae praescriptae puerorum aetati non eveniunt. Divulsam quoque apophysin ossis tibiae ita, ut angulum introrsum genu faceret, licuit mihi vidisse in quodam homine, qui curabatur in nostro Nosocomio, Anno 1625. quam quidem revulsionem sponte profectam idem homo referebat.



Constat autem & ab arthridite distrahi, convellique, articulos, ut in coxendice posterius; & ab ossis carie per saepe vidimus figuram corruptam membrorum & partis privatae: hic quidem omnino morbosus mador est, sincerior alter & puerorum proprius. Adeo nunc apparet, quod *valgi*, *varique*, pueri sint: hoc non paralyfis aut spasmi vitio fieri, sed enarrata jam causa, & exposito laxationis modo.

## C A P. VIII.

*Definitio.*

**I**TA jam intelligitur facile, quo pacto distrahentibus ex altera parte humoribus, ex altera fiat articulorum membrorum conflexus; quodque fiat hic non in extremo ossis membri capite, sed in appendice jam apparuit: caeterum invento generi, addita parte affecta pro differentia, vides jam affectionis essentiam non obscuram esse. Ex quibus utrisque definitionem elicere possis aliquam, quae sit huiusmodi: *Valgitas, & varitudo, vacuitas est nexus in appendice ossis, distractis hinc aut inde lateribus, laxitate atque madore simplici, non morbofo abscessu.* Quod si nomina substantiae displicent nuper à me conficta; dixeris, *Valgi, Varique sunt, quorum appendicibus circa tibi arum ossa nexus abolitum passis, distortionibus istarum ad interiora, vel ad exteriora sunt factae.*

## C A P. IX.

*De judiciis, & re prognostica.*

**A**ffectus hic puerorum Valgorum interdum ope naturae solvitur, interdum non item, sed auxilium quoque artis implorat: solvitur inquam, ubi vigor accedens aetatis, morbo, qui praeoccupaverat fit superior: quo isto loco subit adnotari saepe multis crura dirigi perfecte, ut in filio vitreorum speculorum opificis compactoris, de quo posterius. Aliquando eadem insigniter contorta manent in omnem aetatem, quibus scilicet nec natura, nec ars auxilio fuit. Aut remanent quidem illa re-  
ctiora,



ctiora, sed alimenti defectu lignearum assularum modo, quae in cados dedolantur, tenuata vidimus in Francisco de Pompejis puero, qui mutilis fuerat incedendi usibus primordio: praeter quos & alios novimus, quibus sic ad exteriora diducti sunt pedes, ut inter hoc cadens spatium latitudinem humerorum longe excederet. Ad hos occurrerunt & alii licet rariores, qui altero quidem *valgo* crure, altero *varo* longe difficillimo incesu ducunt ilia. Sed suas eventuum causas exponamus, quae sunt hae.

Constituto primum, ab eo, quem diximus, immodico ma-  
dore & primum fieri divaricatum & deinde conservari, cum di-  
stinguendus est humoris modus crassioris, tenuioris, crudioris,  
aequabilioris, viscidioris, arentioris. Tertio calidi nativi vi-  
vidioris, & uberioris etiam radicalis vocati humoris, condiciones  
sunt notandae: enim vero per horum omnium rationem fit, ut  
solvi distortio vel perpetuari magis, minusque fieri, divarica-  
tus, & diutius aut brevius protrahi debeat; nam si vigor ho-  
minis calorque fuerit acrior, humor mitior minorque, & aequa-  
lior, sic promptiorem, minorem, citiusque solutum iri *valgi-  
tatem* ac *varitudinem* credes: si vero sit exilior calor, & habi-  
tus universi minus vegetae vires; humor sit incommodior, &  
qui minus pareat naturae imperiis & felici coalitu, serior, ini-  
quior, & ut brevi finiam, improspera erit habitus sinistri cor-  
rectio. Ad hunc modum apparet sane, quod naturae vis & hu-  
moris habitudo momenti plurimum habet, ad solvendas ac diri-  
gendas hujus generis distortionem: quamquam non inficior &  
opem medicam nonnihil conferre posse, quatenus eadem opera  
citius, atque etiam aliquando rectius absolvatur; quae ipsa,  
ut & quibus medicamentis ordinanda sit, mox audies brevi.

Interim naturae sponte curatos equidem referre possem hos.  
Unus ante memoratus puer de Pompejis, qui *valgus* utrisque cru-  
ribus & secundum infimas spinae vertebrae languens, ac dolens,  
ab ineunte propemodum aetate subalaribus fulcris innixus; haec  
undecimo jam anno vacua & inutilia, repente se sentiens inte-  
grum, abiecit, puer praetenuis, & strigosus, atque etiam pro-  
pter catarrhos edentulus; qui quinque jam annis arthrocacen in  
laevo brachio perpeffus, ut Joannes Dominicus Malliochus,  
Medicus Neapoli percelebris, testari potest; id quod ad Pae-  
darthrocaces & *Valgorum* communitates advertendas dictum esto.

Alter



Alter Josephi Jordani, vitreorum speculorum constannatoris filius, quem omnino motionibus corporis inertem, ex improvise restituendum, non fallenti iudicio, praedixeram. Item alii non pauci, quos eadem sorte potitos observavi junior, apud praeceptorem Julium Jafolinum.

## C A P. X.

*Curandi ratio.*

**A**D restituendum quidem naturalem suum *valgis & varis* habitum; prompta videtur ἡ τάξις, id est, directio, quam nostri omnes, apparatu rerum ad articulum ordinato, moliuntur. Nimirum, quia versatur animo luxationis idea, & extra vas ossis excapitulatio, si dici liceat, quod vas quodque acetabulum ex illapsis diu succis, & ex alimentis superfluitate congestis concrementum aliquod accepisse necessum sit; ob eam rem instituunt continuo medicamenta, quae depletura sint sinum, ad quam rem adsequendam necessaria facientes attenuantia & laxantia; haec principio volunt administranda. Sic fomenta parant ex pingui jure ventris, & intestinorum *Vervecis aut Vaccae*, in quo discotetae fuerint utraque *Malva*, *Acanthus*, atque alia generis *malaëctici*. Quam medendi rationem plane contrariam ac prorsus inversam arbitror; quippe adstringens, ac firmans medela congruit; accommodatis ad hanc rem Epithematis atque Emplastris. Ex fluidorum autem genere sunt aquae natura *nitratae*, *aluminosae* ac *metallicae* omnes; quales *Puteolis* sunt & *Aenariae*. Item *arenationes* ab Andrea Baccio Elpidiano, in opere de *Thermis*, atque à Julio Jafolino Calabro, Hipponiata, praeceptore olim nostro, in opere de *Balneis & remediis Pithecusanis*, expositae. Ex arte vero paratis, sunt vinacea ex uva, quae dat austerum pro-tropum; aut ex labrusca, in quae vinacea & vinum aliquorum tortivum infusum sit. Praeter haec sunt Emplastra, quibus glutinandi, ferruminandique, vis est. Horum praecipuum est ex *gummi Tacamahaca Indum*, & *Emplastrum à Gulielmo Varignana*, *Comitissae inscriptum*; itemque ex pelle *Arietina* ab Arnaldo Villanovano descriptum. Ex quibus omnibus unum confeceris igne com-



commistis. Interim ferulis, assulisve, cum spleniis contra recessum ossium appressis, & cum scita deligatione niti licebit calceo, qua parte resistendum est, cum lamina subtenſa ferrea ligneas alteras assulas recipiente, ac sustinente inferne.

Jam autem, quia vacua pagina concedit, ut conferre Lector amice possis, quantum adeo noster hic de *valgis* & *varis* illustrandis labor, caeteris aliorum explicationibus praestet; subjungam id, quod unus & primus Ambrosius Paraeus, vir aliquin elegantissimus proposuit; ea sunt videlicet: *Vari Latinis dicuntur, quibus pedes, cruraque, intro inflexa & obtorta sunt.* Conformationis id vitium, vel jam inde ab utero est, culpa matris, quae vel eodem illo intro converſorum crurum vitio tenetur; vel per graviditatis omme fere tempus defedit, cruribus decussatis; aut post editum in lucem foetum contingit, quod ejus crura vitiose fasciis obvoluta in cunis fuerint, vel compressa, & depravato situ inter gestandum, aut ambulandi conatum, à nutrice collocata; sunt enim infantum ossa valde mollia & fere cerea. *Quibus, contrat, extrorsum pedes, cruraque, spectant & intorquentur, Valgi nominantur.* Hujus depravatae conformationis eadem, quae superioris, causſae esse possunt; utroque vitio non pedes tantum, sed & genua saepe, obliquantur. Quod qui vitare & emendare volet, ossa in locum suum, sedemque nativam & debitam, restituet; sic ut *varis* ossa foras adeo propellat quasi *valgos*, *valgis* contra introrsum quasi *varos*, reddere vellet: nec compulſisse satis est, compulsa praeterea continere illic decet; alias haud firmiter stabilita relabentur. Continebuntur fasciis & plagulis apposis, his partibus, in quas vitiose ossa sese inferunt & inclinant. Parantur in eam rem ocreae ex corio elixo, capitati nummi crassitie, anteriora parte secundum ossis tibiae rectitudinem, & sub planta pedis fissae, ut undique diductae pedi, crurique, aptentur facilius: parti affectae imponetur sequens remedium.

℞. Turis,  
Mastiches,  
Aloës,  
Boli Armeni, ana drach. j.  
Aluminis rochae,

Iii

Resinae



*Resinae Pinus siccae, subtilissime pulverisatorum, ana drach. iij.*

*Farinae volatil. unc. i. ÷*

*Albuminum ovorum quantum sufficit; fiat Medicamentum.*

Addere licet *Terebinthinam*, ne citius & vehementius, quam par est, exsicceetur. Caeterum cavendum, ne pueros, qui *valgi*, vel *vari* nuper fuerunt, ad incedendum ante cogas, quam firmatis fuerint articulis; alias composita & restituta ossa, incedendi labore praecoci, rursus excident. Quinetiam cum justum erit ad incedendi conatum tempus, obducentur ipsis calcei altiusculi soccorum instar, supra pedium nexi, vel fibula constrikti, ut ossa suis sedibus firmitus contineant. Caeterum calcei solea sit ibi altior, quo pes vitiose videtur inclinare.

F I N I S.





# DE EPINYCTIDIBUS

ET ROSEOLIS,

*Ex altis tenebris, & summa obscuritate, à postremis Graecorum temporibus, nunc primum in suam lucem revocatis :*

LIBER UNUS;

Qui, Operis de selectis Abscessuum generibus, Septimus est.

EODEM M. AURELIO SEVERINO

Auctore.



**M**ihi invenire aliquid eorum, quae nondum inventa sunt, quod ipsum notum, quam occultum, esse praestet, scientiae votum ac opus esse videtur; similiterque & *semiperfecta ad finem perducere & absolvere*, Verba sunt Hippocratis, libri de arte principio, conscripta; quod ego monitum semper reveritus, in meis de Medica scriptis quidem omnibus, atque in hoc quoque opere de Abscessibus, quantum ego judico, ad hunc usque terminum servavi, ac deinceps etiam in hac, quae superest, parte pro mea virili servabo; averfus & abhorrens ab eorum more, qui, priorum excogitatis utentes, actam rem agunt. Equidem, vidi jam diu vitium hoc extimi habitus corporis, quod *Epinyctis* à Graecis dictum est, apud Latinos non aliud vocabuli nactum; sic à posterioribus Medicae rei scriptoribus, aliisque magistris ignorari, ut ex observati numeri vitiis hanc facere minime norint: itaque ex eis affectionibus haberi consuevit, quae jam à longinquo tempore defierit, nomen tantummodo retinens, non aliquam speciem: adeoque sit ex morbis secularibus, id est, aliquamdiu vigentibus



& fugacibus, veluti lichen atque mentagra, quae Pompeji magni tempore primum visa, non ad longam posteritatem extitit: vel sit ex his denique morbis, qui nuper eruperint paulo superioribus seculis, ut Syphilis, Plica, Brunnus, & alii. Verum longe aliter se res habet, ac nusquam interruptum est malum, nostra etiam tempestate stabile, ut certius equidem reddam, quam quae fuerunt ad Sagram; etsi apud solas ineruditae foeminas vulgari *di rosale saltareccie* nomine cognitum. Porro neque discernendi mali curam Medici susceperunt, neque ejusdem curandi rationem attigerunt; indignum profecto facinus, atque omni, qua licet, animadversione, festinaque sollicitudine, convellendum: neque enim aut Medicinae amplificandae, aut Medicorum auctoritatis tuendae, aut miserae mortalitatis adjuvandae causa patiendum est, ut error diu protrahatur; qui qualis quantusque sit, ipse cognoveris, ubi mali rationem in libri progressu didiceris, videarisque quantum acerbitatis, & molestiarum, noctu diuque exhibeat, quamdiu pertinax, quam saepe intractabile, sit; quantum ex Medico curae, ac solertiae; quantum medicaminum & exquisitorum, tum, quae interius, tum quae exterius exhibentur, expostulet: ad summam, tam crudus & insolens affectus est, quantum aliqua Syphilis & strumae, quae communem propemodum, cum illa, curationem habent: quinetiam in arthritim, pessimam morbi sortem, perperam curata faceffit: quemadmodum audies in prognosticis. Quas ob causas omnes visum est, humani, ac minime socordis, hominis officium, si super eadem re tantisper mentem ac studium adhiberemus; quatenus ad justam suam comprehensionem ac lucem res obscurissima restitueretur, & à vulgarium medentium turpi praesidio, ac putido procuratu, vendicaretur. Igitur nos id, quod in terminthis atque aliis plerisque fecimus, in hanc quoque rem diligentem operam navabimus, ut plana tota reddatur; si tantum is, qui lucem altam inhabitat, cujus aliquam particulam nostris allabi sensibus concesserit.



## QUAESTIO I.

*De notione Epinyctidis.*

**N**Ominum verbis imponendorum ratio varia fuit Graecis auctoribus, quemadmodum Galenus explicavit, *lib. 2. Methodi therapeut. cap. 2.* A laesa enim particula dicta est cephalaea, phrenitis, ophthalmia, peripneumonia, pleuritis, nephritis, ischias, podagra, dysenteria. A symptomate vero nomen acceperunt vigilia, coma, palpitatio, dyspnoea, paralyfis, ilios, tenesmus. A causa dicta sunt melancholia, cholera, aqua intercus, leucophlegmatia. A symptomate simul & parte affecta, cephalalgia, odontalgia, cardialgia. A similitudine ad aliquid extra positum alopecia, ophiafis, polypus, cancer, elephas, myrmecia, sycofis, morus, thymus, vua. Denique ut nonnulla brevi perstringam, à tempore nuncupati sunt ephemera, nyctalops, *Epinyctis*, instituti jam nostri sermonis materia; cujus & ipsum etymon diligentius est enarrandum: nimirum alii, quorum uni sunt Celsus & Galenus, ab ea, quod noctu apparet, dictam volunt; alii, quorum est Julius Pollux, Aëtius, Paulus, Plinius, ab eo, quod noctu molestiam exacerbabat.

Jam vero te non perturbet pauca haec dissensio, quod hi quidem ad nocturnos exortus, hi ad nocturnos aggressus, retulerint nomen; id enim utrumque constare potest, auctoribus Joanne Gorraeo Parisiensi, *definit. medic. τὸ E.* & Philippo Ingrassia, *comment. de tumoribus praeter naturam 34.* ac denique Ludovico Septalio, *in comment. 2. ad lib. Hippoc. de aëre atque locis. P.* Porro, quo tempore, & quibus vigentibus causis, sua primum initia novit affectio, iisdem etiam & quotidie efflorescere, ut loquitur Hippocrates, vel exaltari, quod Paracelsistae dixerunt, id est, exacerbari, verisimile est; quamquam etiam neque perpetuum est, ut ipsa oriatur noctu, sed fere apud Celsum, id est, maxima parte; ut Ingrassias explicavit. Igitur utroque complexim nomine latam *Epinyctidem* opinari licet, & quod vespere primum surrexerit, & quod hoc etiam tempore novos



semper insultus instauret; de quibus omnibus causis tum nascendi, tum invadendi, proprietatibus, posterius inquiremus.

Intetim, homonymiae dirimendae causa, non omittenda est altera *Epinyctidis* usurpatio, qua usus est Plinius, *l. 20. Natural. histor. cap. 6.* ad notandum ulcus, quo videndi acies hebetatur, in oculi angulo perpetuum humorem manante coarctatum: fortasse autem promptius hoc nomen oculi vitio accommodavit Plinius, qui legerat apud Hippocratem, *lib. 5. & 7. epidem. affectionibus: circa Oculum dolores ad noctem.* Sed enim Plinius, si recte adverteris, etiam per appellationis modum, duarum affectionum discrimen prodidit; quandoquidem oculariam *Epinyctidem* singulariter, alias vero, quae nocturnam inquietem inveniunt, numero plurium extulit: quo numero nominarunt semper Oribasius, Aëtius, Paulus, Actuarius, justam quidem huius rei mentionem professi; modicam enim Hippocrates, *lib. de aëribus, aquis, locis, n. 4. & lib. 2. prorrheticorum, n. 18.* Sunt haec de etymo, cujus etiam luculentam suam rationem audies suo loco.

## CONTROVERSIA. II.

### *De Genere morbi.*

**I**Nquirentibus rite nobis *Epinyctidis* omnem naturam, prima quae se offert, generis est quaestio; in qua re statuenda non consenserunt omnes, qui de hac re tradiderunt, sive Graeci, sive Latini. Ex his primus Cornelius Celsus, *lib. 5. rei medicae cap. 28.* retulit ad *pustulas*: atque ita etiam Plinius, *lib. 20. cap. 6.* circa principium: Itemque Julius Pollux, *Onomastici, lib. 4. cap. penultimo*: ac Synesius, *in commentariis*, ut est apud Raphaelem Volaterranum, *Physiologiae lib. 24. pag. 75.* Sed, e Graecis, Oribasius, *lib. 7. Synopses c. 37.* & post hunc Aëtius, *l. 14. c. 61.* & Paulus, *lib. 2. meth. medendi c. 11.* *Epinyctidas* dixerunt *Ulcuscula.*

Novissime vero Philippus Ingrassias, ut ejus dissensionis aliquis modus esset, videtur id iudicii interposuisse *pag. 288. F.* ut ab initio suae generationis statim *pustula* quidem sit ista; verum eadem *ulcusculum* reddatur. Sed Joannes Gorracus, *lib. de-*  
*finit.*



*finit. med. litera E.* sensit nil referre, quod illi quidem *pustulas*, hi *ulcuscula* dixerint: sunt enim & ipsae pustulae ulcuscula. Mihi vero ipse placidius res utrorumque compositurus videor; si comonefecerim Auditorem, Graecos illos auctores, neque simpliciter *ulcuscula* protulisse, verum *φλυκταινοειδῆ*, id est, *pustulosa*, seu *pustuliformia*. Praeterquam quod & Celsus, qui *pustulas* dixit, idem & *ulcerari* post haec ipsas affirmavit.

Omni- bus autem modis, utra praevaleat vis *tumoris* an *ulceris*, quaeres? mihi quidem cunctos hos interpretes observanti, neutra aut mixta ex utrisque videtur; neque admodum apud hos intererit, si- ve *ulcuscula pustulosa*, si- ve *pustulae ulcerosae*, id est, intus exulceratae dicantur. Sed Philippum Ingrassiam video saepe in id procedere, ut *tumorem* vocet: idemque placuit Ludovico Septalio, loco, quem proximo capite recitabo; quod neque displicere cuiquam debet, quando magis omnino *tumor*, quam *ulcus* videtur: testimonio autem est, quod *esserae* Arabum, quae simillimae sunt *Epinyctidibus* Graecorum, habitaeque à multis etiam ipsae; inter apostemata & exituras descriptae sunt ab Avicenna, nec non ab aliis: quin & circa hanc *pustulam* vehementis inflammatio est Cornelio, qui magnitudinem ejus fecit faba non majorem: quid, quod has duas voces parum inter se distare comperies, assiduo scribentium usu?

### CONTROVERSIA. III.

#### *De colore Epinyctidum.*

Diversam quoque coloris faciem *Epinyctidis* tribuerunt Graeci, quam Latini. Ex his enim Cornelio vel *sublivida*, vel *subnigra*, vel *alba*, esse consuevit; post quem Virum & *liventes* etiam colore proposuit Plinius. Verum Aëtio, Pauloque, *subrupta* sunt *ulcuscula*, quibus disruptis cruenta sanies effluit, quem sanguinis farctum perhibuit & Julius Pollux. Quae scribentium omnium dissentio, conspectu primo levis quidem videtur; etenim Celso color est *varius*, Aëtio, Pauloque, constitutus & unus; qui *subruber* est: ad quam sententiam accessit & Pollux.

Verumtamen hos inter se discrepantes composuit primus Joannes Gorraeus; siquidem, sub colore *subrubro*, & *subnigra* & *sublivida*



*da* comprehenduntur; omnis enim sanguis etiam biliofus, sub cutem effusus, in eos colores facile mutatur: Illud autem, quod Gorraeum torfit, est quod & *album colorem* interseruit idem auctor. Cui etiam illud additur, quod & circa pustulas vehemens inflammatio relata est: res certe sic explicatu difficilis, ut offensus, incompetenti rerum consequutione, desciverit à Graecis Ingraf-fias. Verum enim vero, de *coloris albi* discrimine dicam ego post, brevi. Interim, quod ad conciliandos auctores pertinet, nulla inde difficultas suadetur, si heterogeneous hic Tumor statuatur; siue quidem humorum concursu, siue partis affectae varia difformitate: de qua re mox plenior, atque evidentior, demonstratio parata est, si tantisper attenderis.

## CONTROVERSIA. IV.

### *De morbi Materia, secundum priorum opinionem.*

**A**D haec, & de humoribus, quorum vitio producitur *Epiny-  
ætis*, non leves sunt, aut filendi modo, memoratorum auctorum dissensus; Aëtii, siquidem, & Pauli, opinione satis apparet sanguinem esse, qui causa sit mali; tum inde, quod *subruber color* asseritur, tum quod *ulcuscula dirupta* sanie cruenta manant. Contra vero Celsus decrevit, *adaperta pustula*, mucosam intus exulcerationem reperiri: atque hanc humori, ex quo facta sit pustula, similem colore. Praeterea si *color* interdum est *albus*, pituita profecto erit, cui respondeat; & quoniam item *sublivida* facies ejusdem est & *subnigra*; bilem atram haec arguent: qui succi se produnt etiam nocturno motu; atque ut planius dicam, nocturna exacerbatione, quam ob eundem humorum nocturnum motum, atque vigorem, inferunt.

Hoc binorum hominum dissidium visum est tanti Siculo Philippo, ut enodationi diffusus, alteri parti adhaerere crediderit praestabilius, quam leves aut infirmas conciliationes comminisci: apparuit autem Cornelii definitio potior, ut quae magis sibi met ipsi constaret; qua definitione morbi opifex, aut pituita, aut melancholia videtur adstrui; qui duo succi nocturnos soli dolores movere possunt. Quantum igitur hanc ob causam Celsiana propositio Philippo probatur; tantumdem Aëtii, Pauli-  
qui,



que, refellitur; per quos sanguis effectrix causa proponitur: cuius vi & natura tantum abest, ait, ut *Epinyctis* induci debeat, id est, noctu gravans dolor, ut verius *Ephemerus*, id est, diu molestandus appellari debuerit. Est autem Philippo succus, qui praevalet ad effectum hunc excitandum, praecipuus nitrosa pituita, unde & *albus tumoris color* existit, & ob quam aperta intus *pustula mucosa*; qualis in ceriis & achoribus exulceratio reperitur. Altera post hanc atrae bilis est potio, unde *sublividus* alter sit color, aut *lividus* etiam, si plus ejus humoris affinxerit; aut postremo *subniger*, si plurimus idem accesserit.

Haec Ingrassiae sententia, & Celsianae tuitio, tam multum sibi visa est efficax; ut vanam etiam existimaverit defensionem eorum, qui vellent adstruere, posse fieri, ut Tuberculum principio quidem *subrubrum*, mox in *livens*, aut *subnigrum ulcusculum*, immutaretur; quippe firmus in eo Philippus est, ut contendat omnibus modis negari non posse, sanguineam ac biliosam exsuperantiam, aut utriusque miscelam, interdum vexatrices; pituitosam & atrabilariam, noctu graviores esse. Contra quam tamen Ingrassiae contumaciam est, quod avertere possit quispiam. Nimirum, neque *subrubra* facile sanguinem absolute coargui carnem vitio tactam, & alieno quovis appulsu succi computrescentis inflammata, *colorem* interdum *inflammationi consentaneum* indipisci: quemadmodum, scilicet, ex coryza videmus hyeme nares interne, atque externe, flagrare, ac per brumales rigores internodia manuum rubella, & gravi, pustula tentari.

Neque sit tam difficile Philippo, biliosum humorem noctu moveri, quando febres tertianae, & hemicranii paroxysmi, per noctem haud infrequenter, statis periodis, accedant. Praeterea, neque si bilis, aut calidus humor is, adstruatur, qui moveat *Epinyctidas*: propterea fit, ut noctu invadere non possit: sed satis est, ut noctu moveatur; quippe mutatis humoris sedibus & fluctuante ipso, clara Hippocratis doctrina, in *lib. de natura humana* 23. necessum est, dolorem consequi duplicem, & unde egressus humor est, & ubi redundat. Quibus addidit Galen. *text. 21. ejus comm.* hoc inprimis evenire per illos humores, qui validas habent vires; siquidem non solum multitudine particulam in quam declinaverunt, aggravantes; sed etiam qualitate dolorem inferunt, cum excalfaciant aut refrigerent insigniter.



Atqui *humor is*, quem memoramus (inquam ego Severinus) talis ad unguem est, qualem delineat Galenus; est autem haec, mea quidem opinione, *pituita nitrosa & salsa, cum plurima succi melancholici portione commista*. Quorum ego duorum humorum concursum, tum ex symptomatis jam indicatis, sed plenius etiam exponendis, conjicio: tum ex Oribasii, Aëtii, Pauli, testimonio; qui nominatim acetum & salsa in esum abstinenda monuerunt. Porro salsa talem etiam pituitam plane augent; auget etiam acetum melancholiam, aucta videlicet hujus substantia, praeterquam quod acetum & aliam ob causam damnatur, de qua nos paulo posterius dicemus.

Haec ego de humoribus *Epinyctidas* procreantibus habui; quaecumque autem adversus Ingrassiam digessimus, eadem etiam disputata putes contra Ludovicum Septalum, qui, *comm. 2. ad lib. Hipp. de aërib. aquis & locis*, suffuratum ex Philippo iudicium unum idemque protulit.

## CONTROVERSIA. V.

*Utrum calidus an frigidus sit hic affectus.*

**D**E qualitate hujus affectus non ita promptum est decernere; nam & pleraque suadent frigidum, & non desunt, quae demonstrent calidum: ex *frigidorum* esse ordine, statues utique, si spectaveris nocturnos adscivisse ortus, nocturnosque motus. Sed neque colores hujus a Cornelio relati, qui sunt albus, sublividus & subniger; praeterquam humoris subsistentis frigidi sunt facies, & indicia: quae autem affectionis diuturnitas, & adversus multas, magnasque, medelas contumacia? quae in arthritim, artuumque languores, affinitas ac transmutatio? quin, praeterquam in frigidas affectiones secedat; sui etiam ipsius natura extremas corporis partes, à coloris fonte dissitas, tentare solita est haec morbi species. Postremo Veterum auctorum curatio ad frigidiorē affectum videtur adversa, quae multa continet calida; quale mel est, brassica, ruta, centaurium, sesamum, calx cum oleo, sulphur, vinum: quae primus Oribasius & huic succedentes Aëtius, & Paulus, praeceperē.

Ex adverso, de *calore* testantur, & doloris acrimonia, & pustula-



stulatio; quae sine fervore non est; ad haec inflammatio vehemens, de qua Celsus, & color subruber, de quo Paulus, & Aëtius, retulere: quibus factum est fortasse, ut has curandas Actuarius cum phlyctenis, calidis eruptionibus, & iis, quae à fervore ingenti *perizomata* nuncupantur; item adustionibus, *libr. 6. method. medendi cap. 8.* voluerit. Sed neque febris abest semper ab hoc morbo, qui potissimum infectatur juniores hoc nostro tempore, quamvis enim Hippocrates *lib. de aëribus, aquis & locis*, *Epinyctidas* viris nominatim attribuerit: tamen in Australibus, & Meridiei suppositis, plagis id statuit; quod neque nostro placito adversatur, ac fortasse etiam adstipulatur, dum à caloris limitibus, & hypothesi, non ablegamus. Sed & crases naturaeque omnium, quas sibi subjicit morbus, ad calidiorem notam hae vergunt omnes: nocent autem his calida, nam inter caetera sol, balnea, fomenta sunt cavenda, monito Oribasii, Aëtii, Pauli: ita non dubium apparet, in calidis reponendum hunc affectum. Verum enim vero, quid, quod aliud ante fuerat suusum; an igitur in ancipiti judicio consistamus?

Philippus quidem Ingrassias deliberate professus est, *tumorem calidum*: quae quidem opinio minimum est consentanea Veteribus, neque rationi, sicuti mox apparebit: enim vero morbus hic heterogenea constat materia, nec simplices sunt humores calidi, neque frigidi, seu utriusque modi sunt, aut utramque naturam servantes; certe sanguis non deest, qui fundamentum est humorum omnium, seu secundum naturam, seu praeter naturam habentium. Deinde & alio nomine, si Graecos sequaris, quod color *Epinyctidum* subruber est, unde & apud Celsum inflammatio vehemens accenditur: verum tamen hic sanguis plurimam adustionem agnoscat oportet, qui sublividum aut subnigrum Celso colorem facit.

At, pituita ex intervenientium humorum excludi numero non debet, quae nocturnam mali generationem architectatur: quemadmodum paulo posterius explicabo. Haec autem ex aliqua parte admista colorem album, cujus apud Celsum est mentio, facit. Verum haec nocte vigens interdiu dissipari videtur: melancholia vero adusta, de qua modo dixi, persistit firmius ac longe superat; ut ex symptomatis, & cacoëthia, luculenter apparet: cujus causa Cornelius *peffimam pustulam* enunciavit, ex



qua una materia utramque qualitatem complectente ; ut supra de syphilide disputans ostendi, conflatus hic morbus tum calidus tum frigidus, aut certe neuter, veluti cancer & cancrofa struma, dici potest.

Habes jam nostram de vitii qualitate & complexione sententiam.

## PROBLEMA. VI.

### *De dolore nocturno, disputatum.*

**N**ON parum equidem anceps fui, num adsticiens *Epinyctidi* dolor, periodicus habendus esset, qui nocturno tempore protinus emicat, paratosque suos aculeos defigit obnoxiiis; verum periodi quotidiani, tertiani, quartani, aut alii, suos singuli paroxysmos indiscriminatim, tum diu, tum noctu, compliant: at vero dolor *epinycticus* nocturnum sibi privatim, & peculiariter, adsciscit; quam ob causam alia mihi hujus, quam illius recursus ratio videtur adferenda: propterea, relicta via vestigandarum periodorum communi, propriam aliam & singularem instituiam. Referam autem primum aliorum opiniones; quorum unus Philippus Ingrassias, *lib. de tumor. praeternat.* 34. causam omnem retulisse videtur ad condensationem cutis, & hujus meatuum obstructionem, quae à superveniente aëris frigore inducitur: Sic enim non expirantes, sed coacti sub cute halitus mali dolorem, seu simplici sua retentione, seu cutis aliqua distentione, movent.

Sed haec Philippi ratio non satisfacit; ad hunc enim modum & diurno tempore, quod nocturno frigidius incideret, facta ejusmodi constipatione dolor vexaturus pariter esset. Adde, quod interdiu ad pluviosos & ventosos, nivososque, aëris occurfus *Epinyctides* expositae dolitare deberent magis, quam noctu; quo tempore sub tecto, in concluso, & igne percalefacto, conclavi, contacta stragulis, & tentoriis, foventur membra. Quibus omnibus non sic obdensari atque adeo non sic affligi deberent *epinyctidibus* obsessae partes, itaque cutis densatio causa simplex ejus doloris non est, sed certe alia, quae nobis est haec.

Meministi causam mali continentem, positam à nobis, *melancholicum humorem, ex sanguine scilicet adusto*; tales enim ad unguem sunt



sunt naturae & corporaturae, quae vitium hoc incurrere consueverunt; hic quidem humor, ut nosti, fixus est: caeterum ad hunc accedit pituita non fixa; quae cum noctu cumulatur, causam doloris exhibet ad hunc modum. Notum est, aridam calcem, injecta aqua, statim exardescere atque fervere; refert autem calcem melancholia, ut quae cinis & ipsa est; Galeno saepe numero testante, tum *lib. de atrabile*, tum *aliis plerisque locis*. Praeterea refert aquam pituita, ut quae frigida est & humida, perinde ut illa: itaque si fluxa pituita, ad melancholiam nocte mota, squallorem ejus irriget ac madefaciat, fieri poterit, ut excandescat melancholia, aestuansque dolorem accersat: sed sic accidit quidem, ut accreta & mota noctu ad melancholiae sedem, nimirum ad debilem partem, accedat pituita; igitur effervescet ab hac illuvie melancholia, doloremque in epinyctica compage aciet.

Atque inde quidem est, quod usum balnei, fomentique, ad *Epinyctidum* curationem tres uno consensu scriptores Graeci, discretis verbis, omnino prohibuerunt; quin & insolationis usu interdixerunt, eam ob causam, quantum equidem opinione assequor, ut ne multus praesenti siccitate fieret accessus; materia certe mali spectata, quae sicca est & adusta. Denique voluerunt abstinendum & aceto; quippe quod ut ἀναγώγη, id est, ferveat humor melancholicus, facit Hippocrate auctore, *lib. de ratione vict. in acut.* atque etiam Galeno, magistrum hunc sequuto, tum *hoc loco*, tum *lib. 4. aphor. 21. & 23.* quod intelliges ex fermenti definitione tradita per Platonem in *Timaeo*, quae est; Fermentatio est partis terrenae motio, & in aërem conversio: ut enim per acidam substantiam attenuata ac percalefacta panis massa, sic ista circumtollitur & ampliatur. Jam igitur, ut ne ab aceto commoveatur, & exardescat humor, hic *Epinyctidis* sator, cavere jubemur unice ab aceto.

Sed enim instabis dicens, & acetum sub sulphure à Paulo Aegineta; cum sesamo vero, aut lithargyrio, ab Aëtio, proposita. Ad quod quaesitum respondeo, extrinsecus quidem acetum extenuare dissolvereque tubercula, id quod adversus lienes facit, quamquam Oribasio (quod refert Aëtius) pro aceto teritur cum vino potius. Ita jam plenis veterum omnium suffragiis, comprobatisque singulis horum traditionibus, ac nulla relictâ prorsus ambiguitate, certum, ratumque, apparet no-



strum de *Epinyctidibus* adusta natura, nocturnoque dolore, decretum.

## CONTROVERSIA VII.

### *De parte affecta.*

**P**ost haec autem vide, num in affectus sede perhibenda consenserint auctores modo omnes citati. Porro, primus Hippocrates, mox Oribasius, Aëtius, Paulus, nullam *Epinyctidibus* partem corporis praescripserunt, aut excluderunt, verum totum huic affluxui corpus patere sunt professi: sed unas tibias, ac pedes huic malo subjecit Julius Pollux. Quorum tertius, Cornelius Celsus, has pustulas eminentibus corporis partibus addixit; quam Cornelii sententiam Polluci plurimum adversantem credidit Philippus Ingrassias, qui partes eminentes interpretatus est umbilico superiores, tamquam eminentes sint, quae emineant; id est, ad summam corporis partem spectent, & caeteris incumbant; itaque, ut hos componat: id quod ad exortum nocturnum Cornelius addidit [*fere*] Philippus hoc ad eminentes partes retulit; cum magno scilicet sensus distractu, ac enormi concinnitatis injuria: piget autem Ingrassiae, viri quidem Latinarum, literarum nam neque Graecarum, non ineruditi, qui tantum elegantiae non discreverit; quae est exporrigi Graece ἐξέκειν atque extra corporis, ut ita dicam, truncum manere: id quod Celsus declarasse videtur, cum explicuit *de his raro evenientibus, in medio corpore, sed saepe in eminentibus, id est, exstantibus ramorum modo partibus.*

Sentit mecum (res, quae postmodum lecta mirum in modum placuit) eruditissimus Marcellus Vergilius, *in Comm. lib. 1. Dioscoridis cap. 122.* cujus de hac ipsa re verba ultro patieris huc afferri; quae sunt: vocatque ille (Celsus puta) eminentes partes, quae longius à medio homine discedunt, & quasi ex trunco pendunt, quales ulnae, manus, brachia, cruraque & pedes sunt. Haec ille. Quibus vides, non discrepare quidem à Polluce Cornelium, nisi quantum hic & brachia, manusque videtur comprehendisse. Rem à Polluce fortasse non negatam, sed qui tibias saepius affici compertum habebat. Jam autem hanc  
enar-



enarrationem partium nudis nominibus definitam, exactiorem nos alteram ordiemur; qua demonstretur, scilicet, particulae ratio privatae, quae in singulis iisdem artubus vim morbi suscipit.

Haec nonnullis iudicibus est perioestium propterea fortasse, quod parte tibiae anteriore, non posteriore, visatur haec affectio, simul etiam quod acerbe dolet; membranae autem sunt, quae non mediocriter dolent. Verum haec opinio facile refellitur; primum, quod dolor *Epinyctidis* minime punctorius, neque tensivus est; quin potius inflammatorius & incensivus. Deinde perspicue videntur affectae carnes pustulis roseis undique distinctae, quod si perioestia membrana vitium substitisset in principio, non spectarentur utique tubercula per carnes, musculosque, fusa: sed color pustulae subruber longe aliud declarat, quam quod competat perioestio. Jam igitur, quando perioestium exclusum est malo: nostra est opinio, partem, quae subluviei dolorumque malis influxibus subdita est, exteriorem carniū & musculorum faciem esse; cui cutis intima pars incumbit, hac intercapedine stabulatur mucosum illud & semiputre concrementum, in fabae magnitudinem coactum: quale quantumque Celsus citato loco descripsit. Quoniam autem cutis inficitur subterius, quae diaphana est, propterea nonnullam vitii speciem in se diffusam ostendit.

## CONTROVERSIA. VIII.

*Definitio ex pluribus una quae recipienda;*

**E**Xacta legitima quaeque definitio, genere proximo constat ac propria differentia: quorum utrumque cum uno plura non exstent, fit inde, ut unius naturae plures una definitiones tradere non liceat. At vero perfectae definitiones humanitus non dantur propterea, quod ultimae, sicut Philosophi loquuntur, differentiae sunt ignotae: plurimum ergo descriptionibus, id est, definitionem aemulantibus explicationibus, quae nimirum coagmentatis accidentibus conflatae sunt, uti consuevimus, quales quidem & unius rei plures esse possunt; ut in aliis, inquam, facultatibus & artibus, ita & in nostra Medicina. Itaque *Epinyctidis* non una,



una, sed multiplex ejusmodi declaratio fuit apud scribentes; quarum omnium optimam minime promptum est seligi. Sed neque omnes homines in delectu consentiunt, aut neque omnes rei enarrationes pariter sunt acceptandae: quamquam enim verum vero non dissentit, tamen non aequae singularum apparet veritas. Ideo ne mirum quidem fuerit cuiquam, si Principum nostrorum auctororum doctrinae, nunc à nobis in examen, aut in delectum ponantur, praeterquam quod cogit nos Philippus Sculus, (qui Paulum in libro 1. *ſatrapol. c. 3.* cunctorum praeter Hippocratem & Galenum optimum aestimavit) hujus nunc testimonium & auctoritatem, ut & Aëtii videtur renunciasse; quandoquidem hanc confutatam & falsi redargutam latinis praetulit, quam nos rem praesertim non ante judicatam, aut diligenter expensam, procedere non debemus pati; verum ad dexterum sensum etiam dextere non explicatas trahemus opiniones eorum, qui tradendarum nobis aut explicandarum Medicinae rerum curam sumpserunt; atque eo etiam amplius, quod ab Antiquioribus omnia sua scripta compilasse confessi sunt Oribasius, Aëtius, Paulus. Primus igitur, qui citatur ab aliis, Oribasius, *lib. 7. synopsis. c. 37.* sic *Epinyctidas* finivit. αἱ ἐπινυκτίδες ἐλκύδριά εἰσιν ἀπὸ ταυτομάτης ἐξανθῆντα φλυκταινοειδῆ ὑπέρυθρα; ὧν ἐκρυκνυμένων ἰχώρ ὑφαίμαξι ἀπώρεῖ. ταῦτα τῆς μὲν ἡμαίρας ἔκλυτον ἐνοχλεῖ, νυκτὸς γὰρ ἐπὶ ὁδυνῶν εἰσιν μᾶλλον, ἢ ἢ τοῦ ἔλκετος. Quorum is latine sensus est, *Epinyctides sunt ulcuscula sponte naturae erumpentia, pustulis affinia subrubra: ex quibus disruptis ichor subcruentus emanatur, per diem non magnopere excruciant; per noctem vero magis, quam pro ratione, ulceris dolore torquent.*

Appensam hanc definitionem sua lance reprobavit Ingrassias, quod duo adstruat; alterum quod ex sanguinis exsuperantia productus affectus sit; alterum quod noctu plusquam ulceris ratio poscit, indole scat; qui dolor ex sanguinea materia profectus interdiu potius advenire deberet. Sed nos hanc oppugnationem nullam fecimus in Controversia tertia. Itaque cum sibi res constet, quod ad hoc spectat; nam neque aliud animadvertit Philippus, caeterum superesse videtur, ut Graecorum definitio, cum ea, quae Latinorum est, & prima Celsi conferatur; quam nos rem hercle sine auctororum invidia peragemus.

Ait Cornelius; *Pessima* pustula est, quae *Epinyctis* vocatur,



ea colore vel *sublivida*, vel *subnigra*, vel *alba* esse consuevit: circa hanc autem vehemens inflammatio est; & cum adaperata est, reperitur intus exulceratio mucosa: color est humori suo similis, dolor ex ea supra magnitudinem ejus est, neque enim ea faba major est, atque haec quoque oritur in eminentibus partibus & fere noctu: unde nomen quoque à Graecis & *Epinyctis* impositum est. Haec ille: quae non eo quidem instituta videntur, ut brevi morbum finiant, sed utcumque doceant & exponant: itaque enarratio est diexodica potius, quam periodica; ac potius hypotyposis, quam *ὁρισμός*; atque adeo non cadit in numerum, & comparisonem, aliarum definitionum. Tametsi rectam hanc doctrinam, & cum Graecis utrisque consentientem, & nunc asserimus, & supra ostendimus. Verum enim vero, potest ex tot omnibus una definitio concinnari, quae sit; *Epinyctis* est pustula, vel *sublivida*, vel *subnigra*, vel *alba*; circa quam vehemens inflammatio est, & in qua adaperata reperitur intus exulceratio mucosa; perdolens supra vitii magnitudinem, oriens in partibus eminentibus fere noctu. Hanc quidem orationem videris ab Oribasiana discrepare in genere, in colore, contentis. Sed dissensus istos omnes nos ad consensum revocavimus. Atque ita liberum est cuiquam, vel hunc vel illos auctores sequi.

Sed post haec examinanda restat sententia, definitioque, Julii Pollucis, qui ait; ἐπινυκτίς πλυκταίνα ὑποπελίδν, ὕφυγε, ἐν αἵματι περὶ κῆμας ἐν νυκτί γενομένη. Quae Latine, sunt mequidem interprete; *Epinyctis est pustula sublivida, humore suffusa, sanguinem referens circa tibias, pedesque, noctu exoriens*. Hujus definitionis sensus partim tuetur id, quod Celsus de colore sublivido, invasusque nocturno, expressit: partim amplexatur sententiam aliorum, qui, de materia sanguinea, contenta perhibuerunt. Quamobrem errasse comperitur Philippus Ingrassias, qui eandem hanc cum Cornelio convenire, à Graecis vero discrepare, judicavit. Quin etiam in eo deliquit, quod hanc ex eodem Polluce recitavit, perperam interpretatam ad hunc modum; Pustula sublivida, modice extumescens, plena sanguine; in tibiis & pedibus fere noctu infestans. Porro quod τὸ ὕφυγε modice extumescens redditum sit: haec non respondent vocabulo, quod subhumida valet. Deinde quod γενομένη genita,



noctu infestans versum sit, hoc quoque falsum: in qua re magis accusandus est Philippus; qui, cum in nocturno morbi exortu consentiant Cornelius & Pollux, tamen statuit, contradixisse Celso Pollucem, qui noctu molestantem *Epinyctidem* fecerit.

Ad hunc, inquam, modum reliquit Philippus, definitionem Pollucis adferens, nontam quidem ipse, suo ipsius iudicio, quam lexicorum testimonio fretus; non minus autem lapsus est Rudolphus Gualterus eruditissimus alioqui Pollucis interpres, qui ὑποπελιδνὸν lividum transtulit, nullo inter πελιδνὸν, ἢ ὑποπελιδνὸν lividum & sublividum discrimine facto; quasi vero gratia & libidine temeraria τὸ ὑπὸ praepositum fuerit; non spectato plane, quod in definitionibus nil temere proponatur: quod magis mirum fuerit, quod τὸ ὑφ' ὑγρῶ subhumida est interpretatus, quasi vero retulerit hoc nomine τὸ ὑπὸ reddere, in altero vero nil retulerit.

## CONTROVERSIA. IX.

*Epinyctides Graecorum, Esseraene sint Arabum.*

**H**AEC controversia praeclaros habuit disceptatores; quales fuerunt Joannes Manardus, Joannes Tagaultius, Philippus Ingrassias; inter quos equidem ausus surgere non fuisset, si disputationem hanc dissimulare licuisset. Verum interpellavit me Problema majorem in modum, quam ut silentio praeterire potuerim. Referam igitur, qualis qualis sit, opinionem meam, rationibus alioqui pro hac allatis, quae displiciturae non sint, si tantum aequos ac doctos iudices nactae fuerint. Tagaultius lib. i. c. 2. disertis verbis professus est, Arabum *Esseras*, *Epinyctidas* esse Graecorum. Sed Manardus, lib. 7. suar. epistol. medicinal. 2. Graecorum *Epinyctidas* praecise contulit ad *Esseras* Avicennae: cujus illa descriptio legitur lib. 4. fen. 7. *Essere est pustula parva, lata sicut vesica, & ad aliquantulam tendens rubedinem, & pruritus faciens, & angustias; eveniens subito secundum plurimum; & accidit quandoque, ut currat ab ea humiditas, & fortasse est sanguinea, & secundum plurimum fit vehemens in nocte, & ejus angustia fit in ea vehementior; & ejus tristitia.*

Quac



Quae magnorum quidem hominum, sed levi collationis examine concepta, opinio, haud mihi diligentius expendenti probari potuit: sed neque probabitur fortasse, cui rationes hae, quae sequuntur, fuerint perpensae: quas tu quaeso purgatis auribus audi. Principio *Effere* videtur affectus ex acutorum genere, quod & modus generationis declarat, qui cito fit, ut Avicenna docuit, & cito etiam dissolvitur, ut recte notat Philippus Ingrassias; qui testatus est experimentis, tum in se ipso, tum in aliis per saepe factis, sola venae sectione, internaue ferventis bilis ac sanguinis, frigidae copioso potu, vel cujuscumque alterantis cremoris refrigeratione, sanatos; quin etiam interdum sanguinis duntaxat missione corpus adeo refrigerari periculum fecisse asserit, ut extemplo detumuerit cutis, atque ex aspera levis reddita fuerit; extincto enim (aliquanto posterius subjunxit) fervore, remotaque illius causa, continuo defervescit sanguis.

Quod si Philippi testimonium inficiaberis; en principem Avicennam, qui conceptis verbis ait, & causa est ejus *Effere*, scilicet, (quod indeclinabiliter effertur) *vapor calidus elevatus in corpore subito, aut à sanguine cholero, aut à phlegmate baurachio: baurachium* autem Dinus interpretatur *salsum*, quod est admistum cum cholera. Huc autem vide, quae de vaporis materia scripsit Nicolaus, *serm. 7. sum. 1. tract. 9. c. 19*. Et recte quidem atque constanter, inquam, ejusmodi traditur hic halitus, quando pruritum etiam invehere dictus est apud Avicennam.

Affectus igitur hic apprime calidus apparet, tum ex his, tum quod angustiam, id est, aestum vehementem, ut in variolarum eruptionibus Nicolao teste inducit, febremque tertianam accersit, materiae scilicet utrobique fervidae communitate: qua fit etiam, ut nunc praecedant hae febres, ut dictum est, nunc subsequantur, quod ex Arabum etiam sententia proposuit Ingrassias, *pag. 198*.

Atqui tot, & tam multum, calidae notae neutiquam ab ullo Graecorum attributae sunt *Epinyctidis*: quin etiam si recte perspicis, haud ita multus huic impositus fervor est; quando nulla viscerum internorum attemperatione, vel refrigerantium oblatione, curata est affectio: verum per exsiccantia & horum plurima calida, licet exteriora quibus & qualibus unis, plurimum haesisse Veteres apparet: quando & talia sunt ea, quae



praeceperunt omnia , & exsiccationem in primis nominavit primus horum auctor Oribasius, mox Aëtius, & ipse idem Actuarius, *lib. 6. meth. med. cap. 8.*

Sed extra Graecos , Cornelium Celsum etiam requiramus, qui de morbi genere videatur sensisse , ac certe contumacem, & longum professus est, *cujus colorem lividum, subnigrum, album, humori suo similem; deinde mucosam exulcerationem ad aperta jam reperiri dixit.* Id declaravit & remediis, quae adhibenda voluit: nimirum, ut qui tentatur hoc morbo vir, desudet in balneo, simulque super eas pustulas nitrum inspergat, oleoque vinum immisceat, & sic ungatur, tum descendat in solium: ulcera vero ex pustulis facta tollet, ait, argenti spuma cum semine foenigraeci mista sic, ut his invicem rosa, atque intybi succus adjiciatur, donec mellis crassitudo fiat. Haec ex Celsi doctrina *Epinyctidos* est vitiositas: quam vidit, & Joannes Manardus, id testatus in *lib. 7. epist. 2.* minime autem naturam ejusdem comprehendisse videtur Philippus, hujus auditor; cujus opinio fuit, *pustulas esse fabiformes, artubus ac toto corpore confertim apparentes; brevique, non diu, permanentes.* Chronicus autem affectus *Epinyctis*; siquidem quae *peissima pustula* est, ea melancholica: sed haec difficilis curatu semper, ac plane refractaria est.

Ex his igitur omnibus , ut ad propositum revertamur, plane perspicitur; acutum hunc *Epinyctidis* affectum, quales Arabum *Effere*, non est, sed chronicoteron; ac tum propter alia, tum quoniam in tibiis, & eminentibus tantum partibus, nascitur, & calidioribus remediis vincitur, rigidiorum. Accedit, quod nullam ejusmodi pustulam, ex qua vel sanguis, vel ichor, vel quivis alius humor manaret, conspexisse nobis aliquando permixtum est; per habitum namque sensibus occultum diffantur, ait Philippus citato jamdudum loco. Vide autem, ut mihi laborem repetendi leves, & quae idem Ingrassias de Arabum in hac re perplexitate comprehendit, *pag. 188. & 190.* etenim, & si nonnulla sensisse cum Graecis videntur, tamen in caeteris non constituisse sibi se produnt.

Jam ergo postquam *Effere* Avicennae *Epinyctis* non sunt; alios auctores exponi tibi petes. Ad quod quaesitum respondeo; Serapionem vetustissimum, inter Arabas Medicos, scriptorem, *Efferas* discrevisse in duplices; altera forma ducitur à sanguine chole-



cholericò , quam materiam atque exortum attestantur vis & acrimonia ; partes extumescentis rubor ; aestuatio magis interdiu quam noctu ; ac levamen ex refrigerantibus pharmacis , & phlebotomia. *Altera species* exoritur ex phlegmate falso *baurachino* : cujus notae sunt aestus noctu major , dilutusque tuberculi rubor ; & levamentum ex pharmacis detergentibus , & exsiccantibus , & citra sanguinis detractionem perpurgatio corporis ex medicamentis extergentibus , atque emundantibus , propria substantia. Haec ferme Serapion.

An igitur ex duabus his *Efferae* modis , posterior , qui noctu praevalet , *Epinyctis* Graecorum est ? Haec sane opinio non parum probabilem se facit his , qui sinceriores Arabum doctrinam sequi velint. Porro praeter hunc unum Virum videntur caeteri corrupto iudicio , & commentitia , scripsisse. Sed neque ab his , si modo Philippo credimus , eximitur Avicenna , qui Graecorum auctorum , & primi Serapionis , consultis aequè codicibus , res utrorumque confusit. Primum enim Serapionem sequutus , & diurnas fecit *Efferas* , & nocturnas : mox ad Graecos latus *Efferae* definitionem , partim ad *Epinyctidis* graecanicae modum concinnavit ; partim etiam de suo addidit halituosam materiam. Deinde vero Curationem , quae apud Graecos tantum externa est , spreta ejus , quae apud Arabas est , diurnae *Efferae* medicationem internam retinuit , utrique i. e. nocturnae , ac diurnae , communem ; qua quidem re quid incertius ? quid instabilius ? quid indignius Professori fideli , gravique sit , ait Philippus. Verum enim vero , non potuerunt ad Graecorum dignitatem , ac majestatem succedentes barbarae scholae castigatissime , ac limpide , ex omni parte philosophari ; necessum profecto in horum doctrinam nonnulla irreperint , quae , aut sinceritate , aut firmitudine , aut splendore defecerint , ut in anatomica , botanica , & nominum interpretatione , plana res est.



## CONTROVERSIA. X.

*Quod Epinyctides Graecorum non sint Arabum Benat noctis.*

**A**vicenna, l. 4. fen. 7. tract. 3. cap. 10. quod est inscriptum *de Benat noctis*, memoriae mandavit haec: *si quis passus est desudationem cutis & oppilationem pororum, & bonitatem digestionis, quandoque accidunt in frigore noctis pruritus, & asperitas, & Bothor parvae, quae nominantur Planta noctis; & caussa est retentio ejus, quod oportet, ut resolvatur, propter constrictionem pororum in radice, quam adjuvat, & in qua addit soliditas frigoris, & proprie in hora, in qua multiplicatur digestio; & sequitur multitudinem ejus multitudo vaporis, & aër noctis; & propter illud nominatur Planta noctis, quia plurimum accidentium ejus est in nocte: & de dispositionibus hujus passionis est, quod pruritus in ea fit vehemens, & delectat prius, deinde perducit ad dolores vehementes, quos efficit in locis pruritus.*

Hunc ita descriptum morbum Philippus Ingrassias sensit Graecorum *Epinyctidas* esse; primum indicio sumpto à nomine, quod insultum in nocte significat. Deinde argumento ducto à generationis modo, qui est per condensationem cutis; ex qua caussa, noctu existente plus hoc tempore dolor, quam interdiu, accedat necesse est. Post quae, & definitionem *Benat* non traditam ab Avicenna, ad hujus sententiam, conatur tradere Philippus; quam multo scilicet, tam irritò labore; quando gratis & ex suo cunctas definitionis particulas comminiscitur potius, quam ad Avicennae sensum accommodet. Itaque piget ambages ejus & vanam confirmationem repetere; praesertim, quando referat magis apud suum auctorem legi omnia.

Interim nos ab *Epinyctidis* opinione *Benat* longe removemus; vel hoc uno argumento, quod *peissima pustula Epinyctis* est, attestante Cornelio; cui super omnes adhaesit Philippus: *mitissimae* vero inter omne *Benat*, quod cum bona sanguinis concoctione conjunctum est. Adde, quod *Benat*, Avicenna auctore, principio quidem delectationem, mox dolorem vehementem inducit; at vero nulla unquam ab *Epinyctide* delectatio est. Praeterea multo ple-



to plenius coibit cum *Epinyctide*, vel Avicennae verbis, *Effere*, quam *Benat noctis*; est autem illa ex hoc ordine rejecta; ergo multo magis & *Benat noctis*: quare non est hoc utique *Epinyctis*.

Jam igitur quoniam incerta res est *Epinyctis*, & sic obscura nostro saeculo, ut pro morbo jam obsoleto sit habita; nitemur mox ipsi non exoletum, & obscurum, ostendere, sed eum, qui quotidie cunctis liceat observari. Rem sane difficilem ac plane incredibilem; verum ego plurimum probabilem, & certam omnino reddam, si modo Deus optimus maximus largitor intelligentiae praesit; in quam rem illud facio sermonis initium.

F I N I S.





## LIBRI PARS SECUNDA.

D E

ROSEOLIS VOCATIS SALTANTIBUS,  
CONTROVERSIA. I.*Primum autem de harum nomine.*

Ajorum nostrorum memoria, vulgo percrebuit affectus, cui *Roseolae Saltantis* nomen; quo per vulgus trito meis hisce sermonibus, quos ad Latinos homines scribo, equidem abstinerem; siquidem proprium suum, id est, à doctis impositum aliud cognoscerem; verum admitto coactus, quod expedit, ut nil relinquere videar eorum, quae ad stabiliendam comprobendamque futuram nostram sententiam faciunt; facit autem & vulgaris appellatio, seu potius per hanc notata res quaequam, affectus nempe praeter naturam; cui si nostris & amicorum doctrina praestantium fidere licet observationibus, tum quidem est *macula subrubra, faeculenta, tumoris intrinsecus non expers; sed sub indicata modo facie recondit tuberculum, quod tactu fabae vel lupini magnitudinem, ac formam, refert, dolore se declarans non mediocri, tum etiam praeter tuberculum, interdum etiam ulceratum aliquem praefert ac pustulam.* Quae triplex vitii species non una perpetuo particula corporis insidet, sed per artus omnes manus pedesque varie vagatur: sunt autem & qui testentur à minimo digito ad singulos ordinatim alios, atque ab alterutra manu in alteram propagatam; per truncum vero nunquam visam meminimus.

Quam ipsam tum formae, tum sedis inconstantiam, aliquando advertentibus nobis; ac quemadmodum licet exprimere studentibus, visum est, ut inconstantis naturae sit dicendus Abscessus,



scessus, si tamen *Abscessus* nomen non presse, sed laxius, ut in aliis observavimus, factum accipiatur. Quod ipsum nomen eo accipere debes libentius, quod ab antiqua vulgarium appellatione non discrepat. *Roseolas* enim intelligo bifariam; vel quod rosarum imaginem, & colorem, prae se ferunt; vel quod rosidas quasdam inspersiones repraesentant. Dicuntur autem *saltantes*, seu *salturiciae*, quod tibias privatim occupare consuetae, per dolorem & irrequietem faciant, ut stantes homines salturiant; id est, tibiis alterne sublatiis, aut terra pressis, crebro agitentur.

Quamquam hujus ejusdem appellationis & altera ad discernendum est imposita ratio, quam mox exponam, nempe *Roseolae* simpliciter dictae, quae manibus, pedibus, auribusque, defixae visuntur, *Perniones* sunt alias dicti Latinis; *saltantes* vero, quae indefinitis & incertis sedibus inhaerescunt, vagisque excipiuntur hospitibus. Itaque, non abs re, per vulgus hominum expertorum additum *saltantis* est *discerniculum*, quasi sint hae quidem inconstantes ac vagae; *Perniones* vero partium certarum vitia. Quas ob res aperti convincuntur erroris hi, qui *Roseolas saltantes* cum *Pernionibus* confundunt; adeoque multo maxime lapsus est Gabriel Fallopius, qui *Pernionibus* obnoxias fecit virgines, quibus suae non procedunt expurgationes menstruae; quasi vero *Perniones* interiores causas agnoscerent, quae, duntaxat, ab hyberno frigore ortum habent.

## CONTROVERSIA. II.

*Quod Roseolae non sint Chymethla Graecorum, aut Perniones Latinorum.*

**H**Is etiam si constantibus, tamen non, ut oportebat, adversis; plerique sunt nostrorum hominum, qui morbum hunc novum minime patientes, ad *Chymethla*, seu *Perniones*, retulerunt; nixi tum communi aliqua tumoris, doloris, coloris, imagine; tum quod *Perniones*, calcaneis insidiantes, *Roseolas* appellare vulgo consuevere. Quae tamen opinio se falsam prodit planis utrorumque discriminibus, causarum, & morum. Siquidem *Perniones* non aliter producuntur, quam à frigore, brumaeque rigoribus; quo tempore ad extremas corporis partes, ad inter-



nodia scilicet manuum ac pedum, ad horum calces, & ad digitorum utrorumque membrorum extrema, atque etiam ad aurium infimas pinnas, supremosque lobos, & ad omnem earumdem ambitum & flexuram, excitantur *noduli* quidam, atque Tubercula dolentia, & supra naturalem carnis colorem aliquo rubore, vel livore tincta: unde fortasse *Roseolarum*, aut *Rosellorum* vulgo dictorum, est nomen; propterea, quod hi talem aut colorem, aut figuram & formam, habent.

Ita jam apparet *Pernionum* externa privatim caussa, & non maligna: *Roseolarum* vero *saltantium* interna & maligna ex aliis, quae postmodo disputabimus, ostendetur. Interim quaenam *Roseolarum* sit natura, & ad quod ab Antiquis descriptum vitii genus sint referendae? an vero non fuerunt hae Vêteribus cognitae? difficilis profecto definitu res, ac maxime incerta: praesertim quando doctum nullum in hac re ducem habeamus, ac de nomine quidem pervia conjectura sit. Verumtamen adlaborabimus nos probabilius hac de re iudicium, ac nostrum, in re tam obscura, studium & industriam desiderari non permittemus.

### CONTROVERSIA. III.

#### *Quod Roseolae non sint Terminthi.*

**H**ippocrates, 6. *epidem comm.* 3. *partic.* 37. prodidit *mariscis* laborantes, inter caeteros morbos, non premi *Terminthis*; qui, teste Galeno, *nigrae quaedam sunt pustulae, in tibiis maxime orientes; à figurae, coloris, magnitudinisque, similitudine, quam cum terminthorum, id est, cicerum fructibus habent, appellatae.* Equidem ejusmodi nostrae *Roseolae* facile videbuntur, si *Terminthorum* accidentia singula spectentur; primum quidem hi, ad atrabilariam materiam relati, per *mariscas* exhausti desinunt, ut phagedaena, ulcus, lepra, vitiligo. Deinde, niger istorum color refertur à Gal. in hoc loco. Tertio, tibias infestare maxime soliti sunt. Quarto, cicerum figuram, colorem & magnitudinem, aequant. Quinto, universo suo perspecto caractere, gravis & contumax *Terminthorum* affectus videtur; praecipue, quod alii Graeci dixerunt hoc *phyma*, cum adnata pustula, quae cum extenuata dirumpitur,



*pitur, ulcus parit; ut nos, in lib. de novis observatis Abscessibus, explicavimus.*

Quae quidem singula non dissentiunt à natura vulgarium *Roseolarum*. Quod enim ad communem materiam, contumaciam, & sedem affectam pertinet, haud sane de his dubitaverit aliquis; caetera vero plurimum ad eam naturam accedunt, neque ego de colore ambigo; licet ambiguitatem aliquam exhibuerit Galeno, qui principio quidem statuit nigros *Terminthos*, deinde cicerum dixit colori similes, qui plurimum quidem flavi, vel, ut vulgo dicunt, albi sunt: caeterum non desunt, qui sunt nigri, fortasse igitur nigris animo conceptis, ciceres simpliciter, & absolute protulit, aut subnigros verius & nigro virides; quales Dioscorides Alexandraeus, ac Julius Pollux *Terminthos* proposuere.

Major haesitatio est de figura & magnitudine, & omnino de tumoris genere; porro, sicut aliquanto posterius ostendam, atque ut nomen indicat, *Roseolae pustulae sunt latae potius, quam Phyma ac Tuberculum; Terminthi vero Phymata sunt ac Tubercula elata, supra cutem & rotunda, non lata & fusa; suntque superne pustulata, ut Graeci definiverunt.* Qua una re jam constante, & figura, & magnitudo, & habitus *Terminthorum* non is videtur, qui *Roseolarum*. Quid autem si addideris summe repugnantem notam, quae est, *Roseolas* noctu praesertim molestissimas & acerbissimas esse? id quod utique de *Terminthis* significatum ab antiquis, aut à nobis, compertum non est. Ita jam satis apparet, argumentis interim aliis pro tempore missis, diversa plane vitia corporis *Terminthos*, ac *Roseolas* esse.

#### CONTROVERSIA. IV.

*Quod Roseolae non sint latae pustulae, ab Hippocrate memoratae.*

**A**Lterum nunc Problema se offert: quandoquidem ex pustularum latarum ordine posuimus *Roseolas*; an has expertus fuerit Simon, cujus meminit Hippocrates, l. 6. epid. comm. 2. sentent. 30. per haec; *latae pustulae non admodum pruriginosae, quales Simon hyeme habebat: qui cum ad ignem inungeretur, aut*



*calida lavaretur, juvabatur; vomitus non juvabant, puto si quis calida fomenta adhibuisset utilitatem percepturum.* Non est, inquam, admodum difficile, ut unus idemque morbus sit, atque ille fuerit; nimirum hoc suadet latae pustulae conditio, non admodum pruriginosae. Deinde, quod per hyemen vitium hoc hominem tenuerit, quo tempore vigent *Roseolae*. Tertio, quod ad ignem inunctus, & calida lotus aqua, levaretur, non autem vomitu; fortasse quod humor melancholicus, qui vitii auctor erat, per eam viam ab inferioribus tractus non vacuaretur. Praeterea monstratur humor is frigidus, & discussu contumax, ex pustularum pressula forma; quippe calidorum acuties est, & celeritas; ut notat Galenus, *in hoc. comm.*

Haec certe singula si contuleris & comprobaveris cum vulgari *Roseolarum* affectu, speciem unam utrorumque feceris. Verum enim vero laxa nimis, & infirma duorum sibi invicem simili-um est conjectura; imo vero pleraque similitudinis capita non adsunt, & illa quidem plane maxima; & quod ab igne & calidis plurimum irritantur *Roseolae*, ut quae atrabilario succo praecipuo constant; & quod deest his character inquietamenti nocturni, quo privatim ab omnibus aliis secernuntur: quare non crediderit recte quispiam, ut vulgarem hunc nostrum affectum ibi comprehenderit Hippocrates.

## QUAESTIO. V.

*De formis Roseolarum, secundum vulgarium hominum opinionem.*

**N**ON una est apud omnes *Roseolarum* forma: verum aliqui sunt, qui statuunt, macularum modo cutem supremam lambentes & efflorescentes; quorum opinantium alii requirunt dolorem in his & colorem livescentem, atque opacum; alii etiam rubescentem: sunt autem & qui florida facie, ac levi qualibet molestia, sunt contenti; hique ipsi plus loci subterius comprehendentes, plusque tuberculi, quam maculae, modum volentes: sunt autem & hi, qui putant ad suppuratum easdem venire, typumque habere strumarum; terminthorum autem fortasse dicerent, siquidem hos cognoscerent, à nobis plus uno loco descriptos; atque ita per



per universum corpus hos dicunt esse, & ad ulcerationem etiam deducunt. Praeterea, sunt & qui nominant dolores arteticos (interim articulorum, an artuum, etymo spectato) dummodo noduli quidam rubei circa manuum, pedumque digitos, & comprehensionem appareant; ac denique, reputant alii symptomatum ejusmodi comitatu calidum, alii frigidum affectum; nec desunt, qui promiscuum faciant etiam.

Hae sunt multiplices, ac vulgares, hominum opiniones de *Roseolarum saltantium* forma & natura. Verum falsi deprehenduntur opinantes, hi cuncti; quod non memorant ulli proprietatem ac diorismum, qui est invadendi noctu; quem nos tam singulariter spectamus, & quam privatam & propriam affectus conditionem affirmamus; quae autem ejusmodi non sunt, eas à verarum *Roseolarum* numero facile relegamus. Sed ipsi interim istarum formam enucleatius edisseremus.

## Q U A E S T I O VI.

### *De charactere Tumoris.*

**I**Nfinita pene, sicut in arborum malis omnibus adverterunt Botanici; sic in Abscessibus est, seu naturae fallentis, seu morbi cum suo materialium comitatu luxuriantis, varietas; formas eorum seu verius difformitates inducentis, tam multa horum genera, tot vultuum species, tot figurarum discrimina, tot colorum & maturitatis modos non tam investigarunt, quam exprompserunt utrique: quae, ut nunquam satis pro dignitate speculabitur aut comprehendet unusquispiam, sic non ad unguem, aut exponet, aut graphice delineabit. Quis enim tam solerti sit ingenio, qui singulas suas conformationes methodo comprehenderit? aut qui tam felici sit stylo, ut explicare possit, in his sessilem formam, in his extumescens globum; in aliis ambitus in rotunditatem circumacti, figuram; in aliis informem pulmonis tumorem? qui quidem à mammarum crassiore longitudine, qui à pannaceis rugis describantur; quidam corpore toto vegetius habent; quidam qua parte tantum illustrat calor, sunt tales; qua vero frigidus humor incumbit, emortui. Sunt aliqui in varicosum, gibbosumque, flexum circumducti;



aliqui panis instar coacti ; nonnulli tuberculosi ; nonnulli bifidi, trifidique ; qui pedunculo nitentes ; qui lata basi , sed in turbinem elati sese producunt extra prominuli ; videbis & reductos, fossulatos & resimos : praeterea pyramidis, coni , columellae, verrucae, scopuli, grandinis & clavi, forma : succurrunt & animalium genus aemulantes, talpa, testudo, myocephalon, polypus, ranula, myrmecia, condyloma, unguis, ala, lichenes ; & ex vegetantium ordine sycofis, uva, melon, morus, terminthi, glandulae, amygdalae, thymus, lenticula, milium, hordeum, porri ; & quis sub compendii praescripto referat omnia ?

At equidem si recte mentem & oculos per omnia conjicio ; non vulgaris & obvia, sed *insolens & singularis* apparet forma *Tumoris*, qui *Roseolarum saltantium* promeritus est nomen ; hunc equidem nulli conferam ex memoratis, nam hi omnes aperti, revulsi que propemodum e corpore ; *noster hic* non tam extra, quam *intra sua limina Tumor est*. Verumtamen observaveris *circa sua septa latiusculum*, sed *uniforme substare tuberculum* ; quin *verius tubercula plurima semet*, ut dixi, *singula suis quasi latebris occultentia* : ob id autem, quod unitate contenta non sint, ob id ipsum à majoribus nostris *Roseolae* numero plurium sunt nominatae ; sed, ut *communi suorum omnium complexu non multum exsuperantem conficiunt turgorem*, ita etiam singula pressulam referunt rotunditatem ; adeo ut recte quidem fabis contulerit Cornelius ; nos quoque lupinis aequiparavimus : itaque si nostra haec referas ad summam unam, est hoc *Tumoris* genus fustum ita, ut homines nullos lateat duntaxat peritos. *In qua ipsius circumscriptione*, si quidem oculate perspexeris, *visentur & quasi radii quidam ex albo rubescetes, quas sanguineas ego fibras existimo, per cutem humoris alluvie translucetes* : credo autem, & has insignius alterari, luculenterque turgescere, ubi per noctem dolor incurrat ; si vel intendantur ipsi, vel rem comprehendere sub maligna luce sentientium oculi possint.



## CAP. VII.

*De differentiis Roseolarum.*

**A**D haec autem discrimina *Roseolarum* sunt exponenda; ex qua una re plurimam lucem huic universo sermoni manaturam confido. Comperimus tum aliorum auditione, tum observatione nostra, *duplices* esse *Roseolas*: alter modus est nulla non anni parte molestantium, & ad plures etiam annos, etiam adversus excellentia medicamenta contumacium; quippe quae ab adusta melancholia, nitrofaque pituita proveniunt, ob utrorumque gravitatem, crura, tibiaeque, potissimum affligentes; quas private comprehendit, proposuitque nobis, Cornelius Celsus, qui colorem sublividum, & subnigrum, illis attribuit pustulis, pessimis nominatis; item quas definivit Julius Pollux, ad Cornelii sententiam maxime accedens auctor

Alter *Roseolarum* modus est lenior, brevior, & curatu facilior: imo, quae per se ipsas discedunt appetente vere, quae hyeme fuerant ortae; superiores autem partes, i. e. manuum, articulos & internodia tentare consuetae, pruriginosae, ac de uno in alios digitos, deque sinistra in dexteram manum vagae, in metacardylis vero natae, ad extremum discessum unguis ab radicibus plerumque divellunt, proprietates nimirum, quae in alteris non sentiuntur. Haec ego de utrisque discrimina & observationes collegi: quae medens, usu, tute comprobare possis omnia, si dulci quidem & accurata rerum istarum contemplatione gaudeas.

## CONTROVERSIA. VIII.

*Epinyctidas Graecorum Roseolas esse vulgi saltantes.*

**H**Ujus mihi Problematis demonstrationem, rite, recteque, instituenti, necessarium videtur, ut definitionem sive Graecorum, sive Latinorum, & horum praecipui Cornelii comprobem, nostris ad unguem *Roseolis* accommodatam: id autem non fit, nisi



nisi per expensas, collatasque, particulas ejusdem definitionis: ex his autem primum occurrit genus, quod est apud Graecos quidem *ulcuscula*, apud Latinos vero *pustula*. Haec igitur utraque appellatio nostris *Roseolis* primum congruat oportet, ut caeteram ostensionem complere possimus; atque adeo monstrandum est, duas illas voculas discriminis complecti nihil, aut parum.

Primum igitur ne displiceat, quod ἐλκύνδεια, *ulcuscula* dixerit Paulus, hoc alioqui nomine non usus exacte. Porro vocabulum aut *ulceri* significando non est allatum, aut *tubercula* denotat. Quod enim ad priorem partem pertinet, quomodo quae-so te ὑπὸ αὐτομάτῃ sponte, quod Paulus ait, ἐξανθύνται efflorescunt? nempe *ulcera* non efflorescunt: praeterea quid *subrubra* dixerit *ulcera*, quorum nulla unquam ab aliquo dicta sunt *rubra*? quin neque dici vere talia queunt, quando ruboris catigorema, praeterquam solutis sive ulceratis ipsis partibus, & carni, corio nudatae, non competit.

Attributum igitur aptius *tuberculis*, quam *ulcusculis*, rubor fuerit; atque, adhuc modum etiam, *ulcusculi* nomine videtur usus Auctor libri *de virtute centaurii* cap. 4. P. qui ait. *Juvat etiam ulcuscula, quae fiunt in capite spissa, & parva, & rubicunda, parvis papillis similia; & phygethla spissa, parva & rubicunda; permixtus cum aqua, & abrado capiti inunctus succus.* Enimvero *ulcuscula* dixit papillis similia, ac si dixisset tubercula, pustulasve: similiter & *ulcuscula* eminentia in partibus corporis dixit Galenus, in l. 5. *de compos. medicam. secundum loca* cap. 7. Quo autem modo *ulcera* emineant, quae natura non eminent, sed cava sunt & abrofa?

Praeter haec, & quo pacto calx cum oleo, aut acetum cum sesamo, aut oleo, prudenter imponatur ulceribus, quae maxime ejusmodi medicamentis irritantur? ergo non ruptis tuberculis haec instituuntur. Confirmatur autem nostra haec interpretatio, quod Oribasius, ex quo Paulus & Aëtius acceperunt, apud Aëtium scripta reliquit haec; *Postquam vero Epinyctis excoriata fuerit, emplastris liquidis utere, & cave, ne acria, & acida & salsa, adhibeas.* Quo igitur, inquam, modo calcem, aut acetum prius proposita sunt? nisi, quod haud ulceratae carni praecpta sunt; distinctum autem explicite [*postquam excoriata fuerit &c.*]



Jam vero ne te perturbet, quod *ulcusula*, quasi parva *ulcera* dixerit idem: nempe *ulcuscula* nomen numero plurium, usu Medicorum veteri & communi, positum videtur pro *tuberculis* minutis, licet *ulcusculum* singulari numero possit usurpari pro *parvo ulcere*, significetque solutionem continui, non tuberculum vere: qui sensus apparebit aperte per id, quod mox addidit dicens; *quibus ruptis, quasi non fuerint ante rupta*. Similiter, & alio hujus ejusdem libri loco; *Perniones* definivit quidem *ulcera* principio, mox ad eadem ulcerata curationem accommodavit hic Vir; ergo *Perniones* natura non sunt *ulcera*.

Sed ad Pustularum nomenclaturam veniamus, ex his, quae observamus, tum apud Cornelium Celsum, l. 5. tum apud Paulum l. 4. atque apud alios etiam melioris notae auctores, *quadruplex* apparet Tumorum omnium *ordo*. Primus, Tumorum praecipuae magnitudinis; ut carbunculus, carcinoma; & his minores struma, furunculus, phyma, phygethlon. Secundus est Tuberculorum, e quibus sunt acrochordon, thymum, myrmecia, clavus. Tertiae sunt Pustulae, de quibus mox dicemus. Quartae sunt asperitates cutis, ut scabies, impetigo, &c. Sed *pustulae triplices* sunt Cornelio, exanthemata, psyracion, *Epinyctis*, quam quidem *Epinyctidem* cum nos tuemur, vere non aliam, quam vulgares nostrorum *Roseolas*; has quid dubitamus in pustularum recensere familia? Est non evidens quidem Tumor, neque Tuberculum, sed qualia quidem lata exanthemata vocavit Hippocrates, lib. 6. *epidem. sect. 2. part.* quae est [*lata exanthemata* &c.]

Neque enim placet opinio Francisci Vallesii, qui argumentatur lata exanthemata tumores esse propterea, quod latum contrarium est acuto. Sed non vidit latum, quod adjungitur, sequi perpetuo naturam exanthematum, quae non praese ferunt; neque adstruunt tumorem, sed solam cutis ex humore superfufo tincturam; praeter quam quod neque latum adversatur acuto, sed obtusum, utcumque autem suam opinionem tueatur Vallesius: non erunt lata exanthemata tumores, sed aliquid tumoris habentia. Tales equidem ajo *Roseolas* nostras, quae neque *Pustulae* simpliciter, neque *Tubercula* absolute sint, sed mistam ex his naturam habentes. Quamquam est interdum, ut inconspicua quidem, sed acri tactu, deprehendendam, infra conti-



neant tuberculi speciem, quam lupino vel fabae fortassis aequiparaveris.

Ad hunc modum apparet non absurdum, quod *Pustulam*, id est, pressulam rotunditatem intro, forisque, delitescentem, simul & eminentem enuntiaverimus; rem quippe Veteribus non inusuetam. Sed Avicenna dixit pustulas glandulosas, *l. 4. fen. 3. tract. 2. c. 7.* & ex hujus Viri sententia Leonardus Bertapalia, *l. de apostemat. cap. proprio*; & Joannes Manardus *l. 7. epistolarum 2.* quod durum, & admirabile videri cuiquam non debet, reminiscantibus nobis; quod & Oribasius meminerit Terminthorum, qui supra Tuberculi faciem adsciscant Pustulam. Enim vero mutua duorum est affinitas & congressio: ex *Pustulis*, inquam, nonnunquam etiam *ulcuscula* fiunt; licet aridiora, & modo tantum cum prurigine, modo cum inflammatione, aut dolore, eritque aut pus, aut sanies, aut utrumque. Ita quidem Celsus de pustulis ἐλκοδεῖσι exulceratis: de contrario vero ulcusculorum in pustulas commutata testati sunt, indicato saepe loco, Graeci tres, qui ἐλκόμελα φλυκταινοειδῆ dixerunt; itaque commutatis velut hospitibus, ac vicibus, nunc *ulcuscula* transmigrant in *pustulas*, nunc *pustulae* in *ulcuscula*. Adeoque non aberraverimus à recto nos, qui *Roseolas* fecerimus *ulcuscula* simul & *pustulas*: Tuberculum quidem, quod aliquanto subterius abditumque existit, fabae vel lupini modo ex crassiore materia coactum; Pustulas vero paulo evidentiores ex tenuioribus succis conflatas.

## QUAESTIO. IX.

*Hypothesis de nocturno Roseolarum dolore experimentis comprobata.*

**E**ST primum *Roseolarum* indicium, primumque symptoma discretivum, noctu molestant dolor: quam ante omnia spectari statuique oportet, quo possit ad caeteras comprobationes fieri gradus; qui mihi labor ineundus fortasse nunc non esset, si nostrates Medicos nossem hanc rem advertisse: verum quando rem eandem, omnem & curationem, foeminis remiserunt, neque de his rebus observatio per viros doctos, ad hoc tempus, facta



facta est; necessarium profecto videtur, ut de perpetuo sub noctem *Epinyctidis* dolore differatur; imo vero, ut ejus rei per experimenta fides aliqua proferatur: quandoquidem haec tractatio magis ad observationem, quam ad subtilem disquisitionem, pertinet; quamquam non est, ut aliquam ejus rei rationem comminisci non possimus; est autem ea, me judice, quod humor melancholicus omnium Astronomorum & Medicorum consensu vespertinis horis analogus est; igitur hoc tempore vicens, & hoc etiam decumbentes exercebit accretus, qui humor in hoc affectu constando & conservando praecipuus est. Taceo, nam nil repetere necessum est, rationem, aliam, quam, *parte libri prioris cap. de nocturno Epinyctidum dolore*, produxi.

Sed haec apud alios, qui tergiversentur, nulla sint: observationes & experimenta prosequor, quarum praeterquam quod infinitas alii, super multis languentibus, facere per se ipsos poterunt, has mihi numero non exiguo collegisse, sed verius meminisse licuit: quae sunt.

Prima, inter omnes forte nominanda, Dionora Stephagnola, puella colore fuscior, habitu corporis procero, nec male firmo, decimum septimum annum natu, Parthenophylacii Spiritus Sancti, templi Neapolitani una; quae quatuor jam annos id morbi quae est sic, ut infirmas contubernales omnes, quas trecentis frequentissima puellis domus haec Sacra alit, inquietet, ac vigiles teneat secum. Surgit autem e strato dolore praeceps, & non conquiescit, nisi plurimum temporis alterne tibias commoveat sic, ut tripudiare propemodum videatur. Altera ex ejusdem Parthenophylacii virginibus, quae *Roseolis* utrisque tibiis passa est, fuit Lucretia de Castro, puella, contra quam prior, tenuis habitus, & subalbidi. Tertia, filia est obstetricis habitans in angiportu sancti Gregorii Coenobii Neapolitani, plus semel *hoc lib.* memorata: quae nocte adventante protinus acres dolores persentiscere singulis diebus solita est. Quarta puella quindecim annos nata filia Mercularii in vico, qui ducit ad portam Plagae; quam una cum doctore Medico Nicolao Angulo, ab Elisoëis ad observandum à me perducto, viro rerum nobilium curioso, observavimus. Quinta, Olympia Cytharella, Tryphonis Cytharellae Amalpaensis, auditoris in re medica nostri, soror germana; quae nocturna tempora duriora sentit, hoc vitio diu gravata. Sexta,



Antonia Moza, vivens ad moenia secus D. Mariae Gratiarum, quae *exulceratas* pariter & *tuberculosas* eas *pustulas* annum est experta, foemina coloris fusci ac prope virago. Septima, quae postrema quidem omnium se obtulit, ac dignitate prima, Victoria Purpura, magnifici viri Andreae Medatici conjux, quae decem jam annos hisce pustulis nigricantibus, secundum tibiam sinistram afflicta est; quas ego *exulceratas* hoc anno, detractis nigris crustulis, curavi. Hos ego languentes (foeminas ergo maxime vides obnoxias) e quamplurimis memoria servavi paucos. Numerabunt autem, vix numerabiles alios id morbi passos, Reverendae sanctimoniales Divi Marcellini Coenobii Neapolitani; quarum pia jam multis annis est cura, accommodatos hisce languoribus Syrupos parare: hae quippe nocturnas hujus mali vexationes, longis experimentis competere.

## QUAESTIO. X.

### *Comprobatio coloris, materiae, ac reliquorum indiciorum.*

**R**estat ad incoeptam demonstrationem postrema comprobatio reliquorum omnium adnexorum: inter quae prima seminaria sunt humorum, & inde color. Quorum hic alteros consequitur, ac refert, si verum sit, quod testatum reliquit Hippocrates, *l. de humoribus*; *similis color efflorescit humoribus, nisi intro regurgitaverit*. Verum quod ad posteriorem enunciati particulam attinet, porro sub hoc vitio se foras exeruit humor; pustulam enim fecit. Atqui haec multiplex est, quotuplex & *epinyctis* apparuit: etenim si subrubram quaesieris, qualem Graeci viri proposuerunt, & ejusmodi per initia nos eam vidimus: quo scilicet tempore nihil diffusus coloris flos (inde enim exanthemata dicta) subrubram illam rosaginis speciem conservare potuit; donec aëris occurrentis refrigeratione & contaminatione, obtusus in dies mutatusque nitor est in faciem opacior, atque aliquantulum livescens, ac deinceps in obscuriorem virorem.

Praeter quos ad nigrum accedentes colores, & albus memoratus est à Celso: qualis & ipse visitur in nostratibus *Roseolis*; ubi scilicet



cet aliqua ipsarum parte, vel recurrit humor roseus, vel non totam aequae carnem densa coloris aspergine tinxit. Ita quidem seu accedentes, seu collecti sunt uno brevi circumductu varii colorum modi. Neque Hercules injuria; siquidem humores substratos spectes; qui in sanguine plurimum abundant, pituita scilicet & melancholia: quarum quidem adustam hanc, ob pravitatem, firmumque ac longum adhaesum, nitroden illam, ob nocturnam praesertim inquietem, & ob exulceratum, quem saepe facit, opinor; sic calidum simul & frigidum affectum constituto: qualis & uterque succus est; nam pituita nitrosa bilis amarae non caret admistione: atra vero bilis, quoniam aequiparatur aceto, quemadmodum *l. de atrabile*, docuit Galenus; ob id utique utramque qualitatem servat.

## QUAESTIO. XI.

### *Dubietates aliquae discussae.*

**H**IS ostensis, aliquae nunc ambiguitates supersunt resolvendae, quae nostro huic placito suspicionem aliquam injicere possent. Una est, quod Veteres per externa dumtaxat medicamenta curandum hoc vitium professi sunt; atqui nostrae *Roseolae*, praeterquam internis expurgamentis, non eximuntur, ut alio loco monstratum fuit; qua de re malum aliud hoc, atque illud, apparet: Ad haec, aliud adversari nostrae suasioni videtur, quod nullum contra cacochymiam, aut cacoethiam remedium admolliti sunt auctores Antiqui: aequum autem fuerat, ut exactius & absolutius suam morbi curationem exposuissent; quod cum non est factum, sua est in promptu conjectatio, quod non tanti momenti morbum fecerint, quanti nos facimus; ac proinde non unum idemque se monstret vitium.

Haec quidem argumenta in speciem primam videntur rem non obscure confecisse: verum enim vero, nil plane conficiunt; enim vero fieri potuit, ut Graeci pharmaca quidem interiora silentio praeterierint, at non diaetetica tamen auxilia; quibus inter omnia maxime confisi sunt: illa autem quamvis tacuerint, tamen eodem pro confesso velut praeceptum perpetuum & universale statuerunt: quod si recte adverteris, in aliis plerisque fa-



cere consueverunt ; neque enim sic sunt hi profusi praeceptorum inculcatores , quales hodierna die sunt nostri ; sed singuli tres , ante citati , Synopses & Compendia Medicinae , ex vastis Galeni latifundiis translata , conscripserunt. Praeterquam quod superioribus istorum temporibus assueta corpora variis , ac frequentibus exercitationum generibus , exhaustu multo non habebant opus , sed natura in his libera plurimis excrementis longe validiorem ad evincenda mala se exhibebat. Quibus rebus factum est , ut optimi scriptores , & non tanti vitium aestimarint , & multum in his operae ponendum non judicarint. Quanquam neque sic genus hoc morbi vilipendit Cornelius Celsus , ut non praeceperit ambulationes , exercitationes , gestationes , abstinentiam plurimorum , sudationes in balneo , descensus in solium , atque alia ; quae si providerunt aliqui Veterum , quid adstruant ulli , quod *Epinyctidas* aestimaverint , quam nos , certe minoris ?

## QUAESTIO. XII.

### *De causis Roseolarum generatim.*

**Q**uidam , in hac re philosophantes , dum accidentium varietatem spectant , curantque , ut cunctis Problematis , per suas hypotheses , satisfieri facile sit ; e quatuor humoribus omnibus , quorum vitio morbus emergat , nullum eximunt : sanguis quidem , cujus saepe visatur color , aut ad hunc accedens maxime discolor facies. Deinde & , quod hic affectus plurimum in calidis atque humidis aetatibus , habitibus , naturis , visatur , quae maxime ad sanguineam exsuperantiam accedunt. Post sanguinem est pituita , quae non difficile congeritur in foeminis & albidis corporaturis , sed nitrosa potissimum illa est , cum glycypicra prurigo malevalentem locum incescit. At neque rejicitur bilis , quae vellicatum aliquem & acrimoniam prae se ferat. Multo vero maxime deprehenditur melancholica portio , praesertim aliqua parte retorrida : cujus & malignus mos , & fuscus color , & pertinacia , saepenumero observantur. Itaque vides in coagumentanda Paecilocace ( sic enim appellare nunc licet ) nullum excludi vitiosum humorem , sed omnes aut plurimos confluere ;  
sed



fed & multa parte ichores singulorum humorum etiam subsunt; quod sane suadetur eo argumento, quod polypodio curari consuevit hic affectus: quod si & genistae medicamento corripitur à nostris inhaerens humor; id fit propterea, quod admistum sanguini non nihil est viscidae pituitae, quo fit, ut curentur saepe non aliter, ac strumae.

### QUAESTIO. XIII.

#### *De Causis speciatim, & exactius.*

Sunt evidentiores hujus morbi causae aëres, aquae, loci; maxime sicut opinor, cum ad frigidam & humidam exsuperantiam exorbitant. Ita plerisque populis est endemius hic affectus, potissimum vero Neapoli frequens est; in qua urbe propter celsitudinem aedificiorum, quae se proxime, id est, pauca loci intercapedine spectant, minimus est solis lucisque collustratus, & in qua etiam pluviosa nimium est anni pars, & saepe austrina constitutio: quibus causis accedit & victitatio ex carne bubula & suilla, & ex omni brassicae genere, capitato praesertim; & ex falsis piscibus usitatissima. Est ex hoc genere multorum usus ferculorum, à quo morbos ubertim excitari, ex omni antiquitate, in *Nepentes* opere demonstravit Petrus La Seine, vir multis, ut docta ejus edita commentaria satis testantur. Additur & causa, labor; qui prope nullus agnoscitur pueris, & puellis; quem utrumque ordinem privatim obnoxios sibi morbus tenet: inde enim sunt cruditates, obstructions, cacochymiae, cachexiae, quarum vi pollet, excitatur, fovetur, ejus vitii cacochymia.

Taceo, quod posteaquam Venerea lues exstitit, ab illa corrupta est plurima parte sanitas, integritasque, corporum, quae progignunt; unde melancholica potissimum, & prava malorum sementis, est hodie in hac terra. Porro tam multum abest, ut *παρθένων ὀπωπὴ* sit Parthenope, vera vocabuli fide, ut cum puberem, seu dicam potius, cum vix compotem Veneris se fenderit homo, continuo cum scorticulis commisceri, ac provolutari, consuescat.

Est, & praeter haec, suppressio superfluatorum causa mali praecipua,



cupua : unde foeminis solennis morbus , quanquam pueris , ac puellis impuberibus , puberibus , qui prima generationis expurgamenta non abjecere , vel plusquam puritati conveniat , retinere ; paedarthrocace nil operata , hoc affine vitium succedit. Sed & foemellis menses desiderantibus frequentissimus hic affectus est ; qualium unam , inter caeteras , novi , filiam Obstetricis in Divi Gregorii angiportu : cognosces autem facile superfluum hanc suppressionem , quod gens haec erit languorosa , defaedati coloris , & oculis impuris omnes : quanquam non propterea sit , ut , meliore colore praeditis , non adveniat hocce malum : sic modo memorata filia Obstetricis utroque crure languebat , etiam belle colorata : sed hoc unum exemplum mihi vidisse contigit ; neque mirum quidem est , nam nihil in Medicina perpetuum , affirmavit Cornelius Celsus , *in operis prooemio*.

Aliud adhuc explicandum posces ; & quid huic affectioni sint obnoxii juniores , vel accedentes ad hos annos alii , non seniores & aetatis grandiusculae homines , hoc mali genere infestentur ? Nimirum , inquam , quod aetatis primae mutatio , cum calore vegeto conjuncta , vitium intro conceptum non potest mature non expromere , diducereque in exteriorem corporis habitum , ut in aliis quoque superfluitatibus fieri nosti. Itaque non restat haec effusio in grandioribus facienda ; quod si restat , tamen magno quopiam impedimento , sive ad expultricem facultatem , sive ad humoris crassitiem , sive ad vias spectante certus eris id evenisse : vel dic juniores huic vitio subditos & opportunos fortasse propterea , quod his primis aetatibus superfluitates sanguinis multa redundant , quas vegetus & in incremento , & in aetatis mutationibus , versans calor natus in rara corporum textura secernit , ac purgat : quod non ita facile , nec saepe , evenit senioribus propterea , quod sunt exsucciores , minusque vegeti.



## QUAESTIO. XIV.

*De modo Generationis.*

**P**Ustularum in aperto corporis generationem aperit Galenus, *in comm. 2. ad lib. 6. epidem. text. 30.* per haec : Egerminant pustulae, natura corporis altiores sedes repurgante, ut nonnunquam per excretionem, ita & per depositionem ad cutaneas partes, subtiliores siquidem, dilutioresque, succos extenuans natura discutit ; crassioribus autem cuti, sed potius pelliculae, quae epidermis vocatur, utpote densiori inhaerescantibus pustulae exoriuntur : idque magis incidit, his, qui densiore ac duriore cute sunt ; difficilis est enim per ipsam pinguiorum, tenaciorumque, succorum transitus. Haec ille.

Refertur autem excretio, quoquo pacto, ad operam naturae criticam, ac melioris valetudinis gratia institutam : neque enim prius, quam expultrix vis polleat, fieri solita est. Jam enim, quando natura viderit superfluitates istas & ichores, menstrui sanguinis reliquias in corpore congestas, quae principiis graviter incommodent, & officiant, protinus ; ut aristocratae convenit, lectissima corporis parte vindicata, quae cerebrum, cor, & hepar, sunt ; ad abjectissimas i. e. ad extremos artus inquinamentum amandat. Quo videas haud mirum esse, quod prope praecordia aut visceribus incumbens, nusquam visa sit *Rosea mali facies*.

Quoniam autem, ex internis venarum conceptaculis, prodit malum ; post majora vasa, quae sarcina levantur, sunt rami descendentes iliaci, à quibus, continuo facto pulsu, jam ad crurales deveniunt minores ; per quorum minimos furculos eructata materia per tibias, antica, postica, & omni facie perspersa, visitur. Jam vero cum & per brachia, quod rarius aliquanto fit, sese proferunt ejusmodi maculae, verisimile fit, humoris tenuitate, aut transmeatubilis, id evenire.



## QUAESTIO. XV.

*Notae discretrices à consimilibus noxis.*

**Q**Uoniam autem, cum plerisque vitiis extimi corporis conveniunt *Roseolae*, notas istarum discretivas exponam: caetera enim indicia, quae ad materiam, formam, figuram, colorem, dolorem, ac reliquas noxas, & symptomata, pertinent; jam credo me satis in prioribus hujus libri disputationibus explicuisse. Similis hic affectus est aliis multis, i. e. terminthis, latis exanthematis, esseris, *benat noctis*, glandulis; a quibus quantum distent, & per quae, jam audisti.

Restant Syphilia *Tubercula inflammatoria*, noctuque per dolentia, quae manus, pedesque, & eminentes omnes partes, corripere consueverunt; ad has accedunt maxime *Roseolae*, accedit & arthritidos quaedam fors, quae memoratas *Roseolas*, per exfuscitatos manibus pedibusque nodulos, rubeolos & adfluentes, aemulatur. Sunt hi quidem utrique tumores, ac dolores, nonnulla parte similes: verum, ut ne tibi imponant, adverte causas, quae in morbo quidem Venereo per alia symptomata se produnt; in morbo vero articulari juncturae ossium & articuli privatim tentantur, non artus medii, sicut in *Roseolis* consueverunt.

Adde, quod *Rosea morbi species* peculiaribus & propriis suis definitur signis, quae supra jam exposui; praeter quae nunc describam & alia, quae spectant partim ad tempus sui accessus, & ad aetatem hominum, qui hoc malo tentantur; partim ad corporis statum. Porro nos observavimus affectum hunc potissimum advenire pueris, sed multo maxime puellis, ac foeminis junioribus, & omnino ad florentis aetatis annos; nimirum propterea, quod impuriore sunt semper mulieres, praesertim quibus statim sui menses minus rite, recteque, prodeunt; si grandioribus id tale eveniat, apparente quidem imagine *Roseolarum*, non tamen erunt verae *Roseolae*; plurimum enim Syphilidos est hoc germen; verrucosam simul & impetiginosam vitii formam referens, ut dixi: quam ex deleteria sua causa sedulus inquisitor facile deprehendet.

Hujus ejusdem vitii stabilis ortus ad hyberna tempora, sicut equi-



equidem observo, solet esse; quanquam Cornelius Celsus, in libri V. loco alias citato, generatim ait; *pustulae maxime hybernis temporibus oriuntur; nec injuria quidem ad hyemem est earum accessus, quo tempore calor ad excernendum valentissimus est, atque humor alioqui crassiusculus diffuari per compactam cutem facile non potest.*

Ad haec, longa observatione comperimus, qui hocce malo tentantur, his omnibus esse plurimum in sanguine impuritatis ac superfluitatis, cacochymiam Graeci dicunt: qua causa fit, ut longus & pertinax sit hic affectus, ob quam eandem sanguinis impuritatem non injuria quoque fit, ut mulieres, quibus expurgatio menstrua non est, etiam grandes & bene habitae, vitium hoc incurrant, ac tamdiu detineantur ab illo, quamdiu morantur, & non effluunt iidem menses.

## QUAESTIO. XVI.

### *De re prognostica.*

**F**uturorum observationes in hoc morbo factae mihi sunt hae: Neminem ad interitus pericula perducere. Sic Hippocr. 1. epid. sect. 3. *nocturna non admodum letalis, verum longa.* Sed tamen in arthritin, & membrorum languores, saepe finisse visa est curata perperam affectio; neque me Hercules injuria: siquidem vicens & diu consistens humoris pravitas, ut ulterius procedat, tempore obtinet; processus autem à mediis artubus ad ipsos articulos, invalescente morbo, facilis est, quibus locis haeret firmiter & hospitatur imperiosius: in ulcus autem transmigrat saepe lata pustula, fomentis acerbis & falsis, fota, nisi tamen id, quod gravatum erat corpus, ope medica, mundatum sit: sunt autem morbi morae cum obseffo corpore semper longae; propterea, quod humores plurima parte frigidi, crassi, multique, dominantur.

Via salutis est, natura quidem concoquente, ac diffilante, superfluitates, in quibus nimirum corporibus ipsa praepotens est; verum tamen admodum raro visum est, ut sponte naturae sine medicamentorum auxilio, discussus fuerit vitiorum gravidus hic affectus; quae facit omnia contumax & refractaria humoris, qui



morbum fovet, natura. Ars igitur accedat oportet, quae & crassos humores attenuet, obtusosque incidat, meatus expediat & ampliet, & in summa concoquat aut discutiat; tum per interna, tum per externa, medicamenta, atque alias medendi rationes, quas brevi tradere jam instituo.

## QUAESTIO. XVII.

*Indicationes curandi, ac therapeutica ratio generalis, & particularis.*

**P**ostrema nunc cura superest recte medendi, atque omnibus, quae praeter naturam sunt, occurrendi; sic rite nobis agenda proponemus haec. *Primum* enim studium erit, ne qui molestat, affectus, in dies augeatur. *Secundum*, ut, qui coacervati jam sunt humores, naturae praegravantes, ac vitium foventes, extrudantur; & haec quidem adversus causam provisio est. *Tertium*, quoniam nos admonuit magnus Hippocrates, 2. epid. sect. 2. Abscessus veluti glandularum signum quidem eorum, quae germina habent; ob id, & quia significatur inde malignus morbus, ut Vallesius indicavit; propterea partes interiores, ac tota viscera, medicari diutius oportet, ut tum eximantur, cum castigentur. *Quartum*, discutiendum quodcumque circa particulam incubuit alienum incrementum. *Postrema* circa partem dolore levandam, roborandam, & in suo statu naturali conservandam, est occupatio.

Jam igitur, ut generales has praescriptas medendi formulas singulatim, & ad amussim exsequamur; principio cibi parcitas amplectenda; quorum ciborum est & qualitas eligenda, sic, ut hi non falsi, aromatici, acuti, non atrum succum gignentis, non frixi, non exusti, capiantur: itemque non legumina; non carnes vetulorum pecudum, non cetaceorum, aut aliorum piscium, non suilla; non pingua & oleosa, non acria, non acida, neque acetum usitetur; sed homo contentus esto carnibus juniorum, quae mactantur, avium montanarum, gallinacei generis, potius elixorum, quam assorum; ovis dudum partis; recentibus caseolis, & coacto lacte; ex oleribus esitetur in primis buglossum, vulgo borrago; post haec endivia, cichorium, atri-



atriplex, chondrilla, beta, lactuca, memoratis carniū juribus decoctae; vinum aut olygophorum esto, aut paulo vividius aqua dilutum, à grandi & nigro abstinendum; ut quod exhibet fomentum atro succo, fervorique ejusdem: cui remittendo atque attemperando refrigerante victus ratione utendum admonuit Joannes Huccherius, *l. de diaeta, ac therapia puerorum cap. de Pustulis*. Cum alimentorum observatione conjungitur & aëris usura, ficcioris quidem, quod ad patibiles qualitates; sed temperationis, quod spectat ad activas.

Accedit secundus scopus, qui bifariam expletur corporis purificatione, qui delinquentem humorum qualitatem expugnat; & sanguinis detractio, quae plenitudinem exhaurit, si ipsa sit. Sed vulgarem medentium opinionem, ac morem, non omitam referre; qui minime patiuntur, ut vena pungatur, aut quae arthritidis detrimenta, aut quotidiana molestiarum incrementa solet immittere; quam quidem idiotarum opinionem, me iudice, contemnere non oportet; sed reputandum est animo, vitium hoc haerere succis, quae potissima parte diffusi sunt à natura sanguinis, i. e. pituita & melancholia: unde fit, ut & polychronius affectus sit, quales omnes affectus venae sectione non tractarunt majores nostri, caventes, ne sanguinem amplius refrigerarent. Adde, quod venae sectio suapte natura mobiliorem & expeditiorem in vasis reddit humorem; qua causa fit saepe, ut podagra vel chiragra advocetur; quam ob causam credo factum, ut apricatum ac fomentum prohibuerint Graeci; quamquam balneum probavit Cornelius, quod pleniorē & calidiorem hic auctor statuerit affectum. Sed neque modico dissident intervallo, medicamentum universale, ac particulare; hoc quidem fomentum, illud balneum est: omnibus autem modis expertae nostrae vetulae, & obstetrices, *roseolarum* medicae, timent à sanguinis detractio; detrimenta fortassis expertae. Quibus quidem suis experimentis, & quibus nuper expositis rationibus, manus dare non oportet: verum si gracilis homo sit, qui malo vexatur, abstinendum est phlebotomo, quod si plenior corporature sit & confarctior, hanc utique semel inanire multitudinem non alienum est; ne scilicet illa facultati stimulus sit expellendi. Quod 13. *methodi therapeuticae*, ne semel quidem adnotavit Galenus. Sed & absolute phlebotome curandas *Epinyctidas* docuit Joannes



Huccherius, *in l. de diaeta, ac therapia pueror. c. de pustulis, alias citato*. Atque sic brevi controversia composita est, evacuandi locus e brachio, vel ex manu, si mas sit; e pede vero, si foemina; sunt & qui utriusque sanguinem e venis sedis eximendum velint, quae tamen vacuatio secunda sit aliis phlebotomis, oportet.

Sed, ut tertio scopo satisfacias, *Cathartica* non sunt alia deligenda, quam *Pblegmagoga* & *Melanagoga*: ex his autem praecipua sunt *mel rosatum solutivum*, & *Serapium de Polypodio*, sive apud nostros *D. Augustini*, & *Confectio catholica Arnaldi*, & *Regis Hamech*; quae pro virium, habitus, aetatis, & regionis, modo plus minus commiscueris & obtuleris: Serapiis praeparantibus ad haec ordinatis è *cortice citrei*; & *e succo fumariae, cum aqua melissae vel buglossi*. Jam autem, ut quod maximum & praecipuum est, viscera restituas, & malam his habitudinem eruderes, non una quidem ratio est. Nostri curatores omnes, e vulgo, consueverunt offerre *Genistae flores saccharo conditos*; sunt autem & qui *decoctum lenticulae cum melle* dicant satis bene fecisse. Plurima vero pars *Polypodium* praedicant optime facere; quod *Mesuéus, lib. de simplicibus cap. 5.* calidum fecit ordine tertio; ficcum secundo; quod humores crassos, lentosque, terget, digerit, ficcet; bilem atram & pituitam vel crassam, vel lentam, purgat etiam à juncturis: affectibus ob haec melancholicis prodest, ut quartanis praesertim cum *mulsa, epithymo, sale Indo*. Verum nos, ut *polypodium* probemus, tamen *exoticam sennam* minoris non facimus. Tertium vero, sed in attemperandi facultate, primum asserimus *Centaurium majus*, à divino Chirone, primo quidem Chirurgiae, at non secundo Pharmaciae magistro, inventum. Ad haec, non omittenda *smilax est aspera*, quam pro *sparto parili ipso Indico* exacte restituit Marius Schipanus, singularum Medicinae partium, & Botanicae, excellenter peritus; neque quod nodosa sit *smilax*, propterea de hac re dubitaveris. Quippe id, in quo aequiparantur nostra haec *smilax* & *rubus Indorum viticulosus*, fibrae sunt enodes ac longae, quae sunt utrisque cum lignosa interna portione pariles ac perpetuae. Sed de his apud Prosperum Alpinum, *l. de plantis Aegyptiorum* late: nos interim revertimur ad institutum.

Quibus medicamentis compositum unum *decoctum saccharo*,  
vel



vel melle conditum offeres, ad multas, tres minimum, aut duas hebdomadas hauriendum, felibrae pondo: *Centaurium* ad uncias iij. *Polyp.* ad unc. i. Senna ad unc. j. in aq. fontanae sex lib. decoquantur; primum *rhaponticum*, mox *polypodium*, extremum *senna*. Huic dispar admodum non est *Serapium* dictum *majus* & *fumaria*, cujus binas uncias tum *polypodii*, *sennae*, *rhapontici*, decocto ad duplum addito; languens hauriat ad longum etiam dierum numerum, quorum jam praescripsi.

Sed omnes compositiones superaverit ea, quam mox exponam. Sunt, ut in *Paedarthrocace* docui, *Angues*, quos à calore *Cervinos* dicunt, ad contumacium gravissimorumque morborum curationem mirum in modum accommodati; qui superfluitates corporis exsiccentes eluunt, & naturae lapsus omnes, nativa quadam virium proprietate, castigant: itaque, & ad luem Veneream efficaciter expugnandam, hoc praecipue medicamentum voluit utendum Ludovicus Mercatus, inter Hispanos omnes Medicos experientissimus. Quod ego *Serapium* sic parare consuevi.

*Anguem cervinum*, vulgo *Cervonum*, aetate media, ac bene habito corpore, in arcula ligneola, quae fursures ac salem receperit, aliquamdiu conclusum, capite, & cauda podice tenus, exsectis, excoriatum & exenteratum in multas partes concide, & coque in aqua fontana, quanta suffecerit, cum his simplicibus medicamentis, i. e.

℞. *Radici* *Centaurii majoris*, vulgo *Rhapontici succosi*, in taleolas praesectioni, unc. iij.

*Radicum Smilacis asperae*, contusarum, unc. ij.

*Polypodii quercini* unc. j.

*Radicum Buglossi*,

----- *Endiviae*,

----- *Cichorii*,

----- *Graminis*,

----- *Asparagorum*,

----- *Adiantbi*,

----- *Asplenii*, singulorum manip. j.

----- *Glycyrrhizae*, drachm. iij.

*Eupatorii*,

*Ghamaedryos*,



*Scabiosae,*  
*Pimpinellae,*  
*Coronopi,*  
*Phyllitidos,*  
*Hepaticae,*  
*Betonicae,*  
*Melissae, singulorum manip. j.*  
*Plantaginis manip. ij.*  
*Hordei, pug. ij.*  
*Uvarum passarum, exacinarum, unc. ÷*  
*Foliorum Sennae Orientalis, unc. j.*

Ferveant omnia simul, ordine competenti, & succi colatura cum *saccharo albo* condiatur modo, & consistentia, Syrupi, qui conclareseat ovi albumine despumato s. a.

*Dosis ab unc. iiij. ad unc. vj.*

Quod si partito atque multoties Decoctum confici certiore conservandarum medicamenti virium, & palati commodo libuerit; consultum huic rei fuerit, ut ante abrasas e spina carnes *Angues* ad clibani torrorem, exempto pane, pastillorum forma paululum exsiccaveris, seu mox *sacchari* & *mellis* pauci conditura obductos, eosdem conservaveris; sic ad usum eam materiam in decoctum pro ratione sumpseris & admiscueris.

Post haec, ad pustulosam partem remedia referet; quorum pars Medicamenta, pars Chirurgia est. Medicamenta quidem, ut indicavit Oribasius, exsiccantia quidem sunt, sed sine mordicatione; qualia l. 7. *synops. c. 37.* dixit *Filphii succum aqua solutum, aut Cicutam tritam; cujus ejusdem libri c. 42.* scripta reliquit haec; *Ad epinyctidas valet Apium cum Polenta tritum & illitum: brassicae folia trita imposita: Alterci folia ex Melle trita applicita. Solanum per se, & cum Cicutâ viridi, aut Olivae foliis cum aqua coctis utitor: uvas passas, ademptis acinis, tritas admisceto, easque splenio illitas imponito: Adiantum quoque ex Melle tritum facit.* His Paulus, l. 4. cap. 9. comprobatis omnibus, & integre traductis, addidit Adiantum ex melle, &, capite sequenti, argenti spumam & sulphur, ignem non expertum, pari portione cum aceto applicitum: item *Myrtus*, ait, *in laevorem redacta, sordium illitione cum oleo & vino benefacit &c.*

Sed Cornelius Celsus haec tradidit; *Epinyctis post lenticulam, recte*



*recte herba quoque sanguinali vel viridi coriandro curatur: ulcera, ex pustulis facta, tollit spuma argenti cum semine foenigraeci mista; sic ut his invicem rosae, atque intybi, succus adjiciatur, donec mellis crassitudo fiat. Haec ad Epinyctidas Antiqui. E Junioribus vero Joannes Huccherius, in l. jam pridem citato, medicamentis partim refrigerantibus ad ardorem leniendum, partim digerentibus propositis, tradidit adponendum cataplasma, ex hyoscyami foliis contusis, cum melle mistis, atque ex brassica, apio, & hordei farina concorporatis; vel ex coriandro viridi cum cymis oleae coctis. Nostri ad Roseolas, ut ipsi dicunt, fel porcinum aut bovinum adhibent, hordei farina, vel crassiore item aliqua materia, quae consentiat, exceptum; interim ad novem dies oblato plantaginis succo.*

Sed omnia Medicamenta superat longe Chirurgicum experimentum, quod est *Scarificatio*, tum ad ipsas *Roseolas*, tum ad tibi-  
biarum anteriorem faciem, semel aut amplius, phlebotomo facta; non alia ferme ratione, quam quae à Prospero Alpino, 3. *de medicina Aegyptiorum*, & à Jacobo Manno, *lib. de scarificatione*, vulgata est; à Barbaris plerisque nationibus, & Asiaticis, hodierna die feliciter exercita; & à me etiam fere quotidie, in sacro Incurabilium Nosocomio, nunquam sine fructu administrata. Hanc autem, in hoc eodem vitio curando, sentii mire proficuum, in utraque memorata virgine Parthenophylacii, & in obstetricis filia; qua, miro quodam & incredibili modo, visus est dolor sopiri, ut ne talis quidem, alias confectis rite corporis expurgationibus, persentiretur; qua vacuationis exacta opera, vix aliud erit necesse, si fuerint satis intime perpurgata. Atque haecenus de *Roseolis*.

F I N I S.



## LIBRI PARS TERTIA.

D E

## PERNIONIBUS.

## PRAEFATIO,

*De Tractationis Dignitate.*

*Pernionem* non levem affectum per id ostendit Hippocrates, quod non semel, sed 5. *epidem.* & 7. de eodem recte curando praecepto tradidit, quae paulo posterius exponemus. Satis autem id ostenditur definitione, referente vitii naturam, quae est ambustiora, ac tantum non corruptoria membro χαιμεθλοπαθῆν ad extremum saepe modum intemperato, ac propemodum extincto; adeoque non inscite, neque hyperbolicos interpretatus potest videri Macer, qui disticho cecinit,

*Esse pedum dicunt vitium, cui Pernio nomen:*

*Est à perniciæ membri patientis id ipsum.*

Nec injuria perniciem pedis *Pernionem* vocavit, quando & tumores amplivagos, & dolores acres, & torpores adusque negatos membrorum usus, ducat *Pernio*. Experimentis autem constat nostris, qui sacro Valetudinario singulis brumis inopes homines undique confluentes, consueti sumus curare, etiam gangraenas, ac necroses hujus affectus, saevitia perpeffos, quod maxime evenit anno 1624. cujus algores, inter omnes quas nostra memoria recolit, incomparabiles fuere: minimum autem est, si dixerim hos plerumque in ulcera faceffere prava sic, ut ossa nudent; sic tesseram calcanei, carne abrosa, patentem à se visam perhibet Julius Caesar Arantius; mihi vero se obtulit filia Marii de Majo, Bibliopolae in taberna libraria Josephi Pelusii, cui



cui digiti manus, absumpto perioftio, fuerant ulcerati; atque item in Valetudinario nostro alii: ergo jure, maligna *chimethla* dixit Aristoteles referente Mercuriali, quamquam haud tales sunt *Perniones* sua natura, sed ex accidenti; id est, vel quia non fuerunt homines principio recte curati, vel quia in cacochema vel cachectica, ac *δυοελκῆ* corpora inciderunt: quibus caussis fit, ut sub rigoribus hybernis, ad aestivos ardores se servant, atque etiam ulterius alteros hyemis circuitus visant, atque hoc tempore fomenta nova recipiant. Sed haec, ut dixi, labes interna corporis facit. Quae causae profecto levi quidem; aut vulgari, cura non sunt spectandae, ut feliciter his occurrere possis & contumaciam mali superare. Auget autem incommodi gravitatem, quod hunc affectum, quotannis stabiliter accidentem, pauci sunt, qui intelligant; plurimi autem minime comprehendunt, sed sic in eo vestigando hallucinantur, ut cum *Roseolis* malignioris naturae, contrariisque caussis producto vitio, confundant, evidenti sane periculo; ne auctus à fonte medela morbus infinite faciat, atque hominem ferme mutilet. Jam igitur, ut hic tam multi momenti error eluatur, suaeque languentibus medicina reddatur, necessarius profecto labor nobis, dignusque, visus est, qui sedulo susciperetur. Itaque cum aliis Abscessibus, ac Tumoribus, hunc etiam enarrare gravati non sumus, ac sic complexi, ut in eo pleraque illustrasse certo credamus. Reliquum est, ut haec tibi, lector, eo sint usu, atque commodo, qualia nos, ut essent, collaboravimus.

## C A P. I.

*De Notione.*

**P**Rincipio nomen interpretantibus admodum incerta res est, quo referri debeat origo: an enim dicti *Perniones* per syncope figuram, quasi *Pterniones* à Graeco nomine *pterna*, quod est *calx*, vitii scilicet propria sedes, unde *πτεγνῆσις* calcar, & *πτεγνοκοπεῖν* calcaneis strepitum movere, supplodereve; an vero per eandem figuram appellati *Perniones*, quasi *Peroniones*? enim vero, velut defixae in lignum peronae, & clavi capitulo quodam prominentes, apparent; qua etymo servata fieri potuit etiam, ut nuncupati fuerint *Peroniones* propterea, quod ad *Perones*, id est, fibulae



fibulae vocati ossis alterius de tibia fines, oriantur; quo loco tendo maximus implantatur.

Praeter has omnes, alia fuit etymologia Macri, herbariae rei scriptoris, qui, *capite de colubrina*, magno uno vitii spectato symptomate, quae necrosis est; *Pernionem* à pernicià dictum suafit carminibus, quae dudum recitavi.

Habes jam Latinam notionem: si vero Graecos adeas, hi nominavere κίμεθλον, seu potius κείμεθλον; quod hyeme producti visantur, auctore Joanne Gorraeo, *in defin. med. suo loco*; & hoc subinde comprobantibus Gabriele Fallopio, *lib. de tumor. particularib. cap. 36.* ac Joanne Huccherio Monspeliensi Professore, *libro de diaeta, ac therapia puerorum*, illo ipso titulo.

## C A P. II.

### *De Genere morbi.*

**H**OC jam nomine vulgatus morbus, ad quodnam generum, à Medicis constitutorum, referri debeat, haud plane discretum est; indefinita adhuc re, num *tumor*, num *ulcus* habendum sit. Porro Galeno auctore, *in l. de tumor. praeternatur.* & communi omnium consensu; *Tumor est incrementum particulae cujuspiam in longum, latum, & profundum*; atqui ejusmodi est *Pernio*. Quapropter à Gabriele Fallopio, à Philippo Ingrassia, & Julio Caesare Arantio, cum Tumorum familia censitus ac tractatus est. Verum tamen Hieronymus Mercurialis, *in sua definitione*, nuncupavit ulcus, nulla Tumoris habita ratione; propterea, quod quatenus Tumor est, eatenus nullam inferat noxam: quam rem ab eo viro creditam non admirari non possum, qui noverim à solo isto tumore, pedes aggresso, compluribus ademptum saepe, plurimum autem impeditum, incessum; manibus vero conflictis comprehensionis usum, & alias suas enchirises quasi praecisas. Caeterum ignarus non sum, ab antiquis, i. e. Oribasio, Aëtio, Paulo, dicta ulcera: sed, ut in *Epinyetide* monstravi, minus exacte, neque ad amussim; appellatione nimirum accommodata tuberculis, & fortasse non exulceratis: nam nemo diffitebitur, ad Tumorem, atque ad ulcus, promiscue se habere affectionem: verum aliqui spectavere vitium in ulcus trans-



transgressum ; aliqui citra id tempus , in cuius tamen lassitudine non inficior ulcerosum apparatus subesse , praesertim si diutius inhaeserit vitium . Est itaque liberum hoc , aut illud , opinari ; modo distinxeris tempora , i. e. vel manentem adhuc primam suam speciem , vel in ulcus mutatam : verius autem & simplicis tumoris illi ratio debetur , quando jam tum exorsus , paululumque proventus , humoris accessus , primum nanciscatur tumoris nomen ; cum vero post haec ulceratus est , jam in aliam speciem transgressus apparet .

## C A P . III .

*De Sede affectus.*

SED neque sedes affectus ab omnibus una refertur : qui nominis etymon sunt sequuti , pedum hoc vitium fecere privatum ; sed non rejecerunt ab hoc ordine manus alii , qui communem spectarunt binorum membrorum sortem , quae communis multorum opinio est . Fallopius aures addidit , ac nares , at non ita quidem arbitratus videtur Mercurialis , qui exclusit supremas corporis partes , propterea , quod influentis calidi multa collustratione participant : sed haec certe assertio falsi convincitur experimento ; siquidem nivali tempore nemo est , qui non videat multum auricularum *chimethlis* affectarum . Praeter quae membra nos , si comprobatis & nostris , & amicorum observationibus adhaeremus , non dubitabimus , & alias plerasque partes plane debilissimas , & ( quae Celsi vox fuit ) eminentes huic languori subicere : nam quomodo ab extremi frigoris vi se tueantur eadem ? Atque inde fit , ut *Roseolas saltantes* cum *Roseolis* simpliciter dictis , qui *perniones* sunt , confundant hodierna die nonnulli Medici nobiles Neapolitani ; quorum unum non multis ab hinc diebus cum Joanne Maria de Potentia , Lucano Medico , audivimus , huic opinioni sic haerentem , ut ab ea non posset plane discedere , significantibus nobis contra nostram demonstrationem . Quae quidem eo retuli non , ut alios taxarem , sed ut operae nostrae , qui haec animadvertenda suscepimus , utilitatem ac necessitatem ostenderemus .

Verum ad priorem sermonem redeuntibus jam nobis , quid



placeat in hac re, audi. Ossa membrorum omnium intima, & horum proxima cartilagineae, sunt contactae carni & musculorum offarctu; qua vero istorum expertes, cute duntaxat subjectis membranis obducuntur. Posteriores has partes omnium esse debilissimas non videt: imbecillitatem autem hanc adversus aëris injurias, praeterquam ad externos ictus nullo tempore abjiciunt; ergo ejusmodi partes omnes, praesertim, quae in extremo sunt ambitu corporis apparent, quae *chimethla* patiantur, atque adeo narravit aliquando Franciscus Romanus, Medicus amicus noster, cum brumali tempore Cisalpinam Galliam forte fortuna peragraret, *Perniones* circa cubitos & carpos, nasum & labia, partim se, partim comites suos plerosque, graviter expertos. Sed neque taceri velim sexcentorum ejusmodi hominum observatione rarissimum illud, extremorum digitorum tum manuum, tum pedum carnosa (cacumina & acinos appellavit Ruffus Ephesius) interdum etiam vellicari *Pernionibus*, quas quidem manuum partes eo malo lividulas ac torpescientes; hoc anno, cujus nulla bruma fuit, primus ostendit Joannes Ruardus Gallus, Bibliopola non ineruditus; pedum autem illas particulas in aliis Valetudinarii nostri decumbentibus vidi sic aliquando vitiatas, ut etiam ossicula metacondylorum abscefferint. Ut intelligas jam eminentibus & extremis nullis corporis partibus, parcere genus hoc ulcusculorum.

#### C A P. IV.

#### *De Pernionum causis, & ortu, Doctorum hominum sententiae.*

**D**E *Pernionum* causis & procreatione nonnullae fuerunt scribentium opiniones. Franciscus quidem Vallesius, in 5. epidem. 52. Hieronymus Mercurialis, in l. 1. de morb. pueror. F. &, post hos, Julius Caesar Arantius, in l. de tumor. praet. natur. tit. hujus ejusdem rei proprio, censuerunt *Perniones* advenire, constipatis hyberno frigore pedum manuumque particulis, qua constipatione productus fervor, atque aestus, pruriginem acrem ac perdolentem inflammatoriumque tumorem parit. Verum enim vero, ut equidem non inficiar, cutis addensationem hoc vitii



vitii capere, tamen haec causa non satis ad illud omne procreandum videtur, at neque ut tumorem excitet effatu dignum, & phlegmones concremento parem; conjunctum praeterea symptomatis sic saepe pravis, ut ossa nudet, ac fideratum ossis inducat; verum, ut tantummodo pruriginem moveat, vix autem, ut phlegmonem etiam tumore solutam producat, valere pororum constipationem affirmo; atqui Tumor, quem Pernio ducit, etiam principio dignus est effatu, confertusque mox ulteriore gradu proventus, & magnitudine non modica est, & vi graviore saevit, quam ut compacta corporis extimi textura postulet.

Sic apparet impar *Pernionum* causa densatio. Mirum autem, quod energia frigoris prima relicta, qualitatem secundam, aut quid potius hujus ambages, quam principii rectam efficientiam amplexi fuerint hi: aut quid ab exili cohibita transpiratione detrimenta potius, quam ulla constrictionis commoda spectarint; quippe mihi tam parum densatione fieri vitium videtur, ut haec etiam appareat usui summo futura, ne quid in locum obrepserit mali: sic enim unice praeccluditur via frigoris insolentiae, cujus ipsius vi propria, non eventu post ipsum alio, fit affectio. Densitatem, inquam, adversus *Perniones* fore propugnaculo declarat, quod piscatores, qui perpetuo in aqua maris obstruente versantur, *Perniones* incurrere minime videris; atque etiam si quis multo ante tempore, quam adveniant hybernirigores, vel igne, vel alia ratione densaret partes *Pernionibus* obnoxias, haec certissime defenderentur & praeservarentur à noxa; quae ipsa provisio, consiliumque curandi, fuit Dioscoridis, qui picem illivit; Theodori vero Prisciani, qui gluten & ceram appinxit. Ut non adstruere jam possis amplius ex superfluitatum coarctatione labem aliquam: nam, amabo te, quae haec, aut qualia in tam exigua comprehensione particulae? aut quomodo non aliis etiam corporis partibus, frigore densatis, accidant illa mala? Cum enim apparatus humoris praetexes, protinus erit cutis densatio vitii causa levissima.

Quod si est, tua quidem opinione *Pernionum* causa densatio, fit inde, ut hanc quasi fovere, conservareque, cum morbo voluerint antiqui Medicinae magistri, qui plurimum adstringentibus curavere. Porro Dioscorides alumen aqua inspersum, lentes,



tes, rosas ficas, malicorium, cydonium malum, myrtum, acaciam, adhibenda praecepit; nulla vero laxantia, ut producenda ad calcem tabula apparebit. Post hunc, Oribasius alumen, & farinam, paribus portionibus, in vino terit, & illinit *l. 7. Synops. c. 45.* Sed Aëtius alumen liquidum & scissum, & rotundum acetum, succum acerbae uvae, malicorium, myrteum, omphacinum oleum, rhus coriarium, atramentum sutorium, flores mali punici, medicamentis admiscet. Paulus vero lenticulam cum vino; alumen, malicorium incoctum vino; oleum lentiscinum. Sed, e Graecis ultimus, Actuarius Emplastrum e calcitide Galeni probatum ad Perniones ait *l. 6. meth. med. c. 8.* E Latinis vero, primus Cornelius Celsus imponi jubet alumen aequa portione cum ture contritum, cum vino adjecto, aut malicorium in aqua coctum, deinde contritum. Marcellus item, *l. de medicam. cap. 34.* scripsit haec: *alumine ex aceto peruncti Perniones sanantur.* Ad hos vero Theodorus Priscianus *perniones* vino styptico calido fovet, ac decocto betarum, quibus alumen scissum infusum fuerit; & cataplasma ex aluminis pulvere, cum hordei farina & vino compositum, adhibet; aut gallas cum aceto contritas, aut caduca mali granati in calidis cineribus tepefacta ac trita. Denique Plinio auctore, *l. 23. nat. hist. c. 6.* *Perniones* sanantur cortice mali punici ex vino decocti & impositi. & *l. 31. c. 9.* salis impositu. & *l. 33. c. 6.* lithargyro, myrtho, & cera. & *l. 35. c. 19.* liquido alumine. Sed & Plinius Valerianus, *l. 2. c. 51.* styptiriam coquit in vino, & ex hoc fovet pedes. Satius igitur, quam hi omnes opinatus est Gabriel Fallopius, qui dixit, tumorem hunc excitari percussu multo aëris argenti & borealis venti, quo plurimum allidente ac veluti flagris membra cedente, sanguis & spiritus eo locorum accurrat, ac multus inibi consistens tumorem exaggeret & coarcevet.

Verum de Fallopii opinione paulo posterius: nam referenda mihi mox est sententia Joannis Huccherii Bellovacii; in cujus viri doctrina Monspeliensis magisterii dignitas non obscure deprehenditur. Hic, *in lib. de diaeta ac therapia puerorum c. de hac ipsa re*, professus est, nasci *perniones* ex sanguine, in superficiem partis frigidae, doloris vi à frigore externo vehementi allecto & perfrigerato, tandemque putrefacto (neque enim ait, extincto calo-



calore suo sanguis suppurationem habeat) ut acrimonia sua ob-  
scessam partem, cutemque, erodat atque exulceret. Apud quem  
ipsum auctorem curationis scopi sunt, densatae à frigore partis  
laxatio; concretique sanguinis attenuatio, deterfio, resolutio,  
sive ichorum effusorum exsiccatio. Voluit autem & plurima,  
ut adustis, adhibenda.

Quae docti Viri opinio, ut omnium ingeniosissima est, &  
elegantissima, tamen comprehensu difficilia nonnulla compren-  
dit; primum, ut extinctum sanguinis calorem curet refrigeran-  
tibus, & his, quae ambustis occurrant? Secundum, quando vi-  
tium est à densatione vehementis frigoris, in parte item frigida,  
quo pacto tam doloris vis attrahere potis sit, ut non magis ob-  
sistat, praevaleatque frigus, quod dolorem praevenit? Crescit  
autem haesitatio magis, quod sanguinis attractio adusque super-  
ficiem adstruitur. Praeterquam enim, quod repugnat & san-  
guinis natura inter omnes humores crassissimi, & qui fusus extra  
venas est, continuo refrigeratur, & concrescit; quam refrige-  
rationem, & quod concrementum, & ipse opinionis auctor testa-  
tus est. Tertium, quod laxatio potius haec cutis, in ultima su-  
perficie admittentis fusum e venis sanguinem, quam densatio  
censenda est; contra quam ipse in scoporum enarratione propo-  
suit. Quartum, haud compertum est, ut frigus computrefa-  
ciat, potius enim, quae putrescere parata sunt, vindicat à pu-  
tredine; quam alioqui putredinem si quando parit alia quidem  
& per circuitum via est, & ratio, quam non declarat hic vir,  
sed putrescentiam istam frigori per se, aut certe simpliciter, at-  
tribuit.

Haec igitur omnia capita nonnullam offensam inurunt opinio-  
ni praenarratae, quae optarem equidem nulla, ut scitum illud  
placitum sequi possem. Quapropter alia tenenda via est, ut in-  
telligentiae satis faciamus; nitar autem quantum in me est, ma-  
xime probabilem aliquam de causis & generatione sententiam  
in medium proferre, si tantummodo praesit Minerva.



## C A P. V.

*De Pernionum caussis, & de morbi procreatione,  
Opinio nostra.*

**A**Ntequam autem aliquam demonstrationem ordiamur, proponenda sunt quaedam, tum ad effectricem causam, tum ad materiam spectantia: incipiam ab effectrice, quod omnium consensu frigus est, & bruma. Frigidum Hippocratis doctrina, *lib. 5. aphor. 20. & 22.* partibus ex sanguibus exitio est; quae res fit, scilicet, quod πολέμιον, atque e diametro adversans est calori partium nativo, quod amicum est & judicans, ut ipse ait. Jam igitur, ut praevaleat inimicum frigus, sic calorem obteret aut extinguet. Praeter hanc, altera frigidi vis est tanta, ut ad uredinem accedat; quam ustionem videre licet hyeme in plantis & herbis glacie, niveque, obductis, ventorumque rigore percussis; itaque vulgatum est apud olitores & agricolas, arbores frigido exarescere, id est, humore nativo exhauriri atque flaccescere. Tertia frigidi proprietas, est penetratio in altum ubicumque corpus ita, ut intima viscera contremiscant, convellanturque, frigore: quas tres omnes frigidi qualitates mirus uno versu comprehendit Virgilius, qui ait;

*Acrior, aut boreae penetrabile frigus adurit.*

Sed & malorum experti referunt, inter causas *Pernionum*, hanc non postremam; si quis hyberno frigore post summum partium extremarum perfrigeratum, ac madidatum, ad immodicos ignis adhacsus se referat; aut contra ab ignis adhaesu ad crudum frigus, qui duorum extremorum, subinde succedentium sibi ipsis, usus naturam non torquere non potest.

Haecenus de efficiente; nunc enarranda tumoris est materia, quam Fallopius, *in tract. de ulceribus cap. de ulc. non modo, & l. de tumoribus c. 39.* dicit sanguinem purum; quod hercle si nos admittimus, simul etiam admissuri sumus, quod esset haec phlegmone; atque adeo apostema aliquando suppurabile; nunquam autem suppuratos aliquos, ut vero turgidos semper aut exulceratos vidimus *perniones*: cum autem exulcerati sunt, adeo pus non



non reddunt, ut sint perpetuo sicci; quod advertit item Hieronymus Mercurialis.

Sed nostram nos opinionem exponamus. Per habitum omnem illius partis, quam obnoxiam malo nominatim ostendimus, sunt perpetui quidam affusi, persperisque, rores sanguinis, i. e. flores ejusdem, & vividissima portio; hos rores, aura glacialis adhaesu plane tristifico corruptos, primum exhaurit atque absumit; qua confecta re, qui novus accurrit sanguis, & hujus ejusdem ros, ut particulae conglutinentur, huc perlatus, tum à contrectatu malo partis affectae, tum ab appulsu corruptivi frigoris labefactatur; quod cum fit in dies, praeterquam quod doloris vis non potest succos praesertim calidos non attrahere, exaggeratur idem tumor; excocta veluti per ambustionem, parte, quo factum est, ut ambusta haec Latine reddiderit Theodorus Gaza, apud Aristotelem illud Problematis interpretatus. Qui succi, quaeve superfluitates, huc omnes advecti male dominati à natura transmigrant in ulteriorem intemperantiam, ac putredine jam concepta pariunt ulcus; inde fit, ut utiles ac puri liquores, qui primum occurrunt, prima sint morbi materia, post hos autem interiores ac viliores alii.

Habes jam nostram de vitii causis & generatione sententiam; quam si cum Fallopiana contuleris, profecto videris illa probabiliorem atque exactiorem. Primum enim quid naturae consentientius, quam partes sanguinis efflorescentis substantia tenuiores, & exteriores, primum dissipari, mox reliquum crassamentum in parte relictum computrescere? computrescit, inquam, sanguis, subinde vivida roriorum portione tabescente atque corrupta, qua ipsa incolumi persistere, tota integra substantia, & cum inimico frigore depugnaret invicta; veluti vinum, quod dum spiritus suos incolumes servat, non corrumpitur, sed postquam isti desiere, sic acescit aut vapescit. Ad haec, potior expositio nostra, quae rationem rei totam aperit ac enucleat; potior est altera, quae laxius expositis causis, accidentia magis, quam rem ipsam persequitur. Sed & firmam nostram opinionem volens nolens approbavit Fallopius, qui non inchoatos adhuc, neque existentes, *perniones* voluit medicamentis roborantibus antevertendos atque cavendos, reprehensis acriter iis, qui jam confirmatos curant inutiliter & infrugifere. Enim vero pro-



curantur, inquam, partes obnoxiae principio, priusquam vitium aliquod obrepserit; singulari ac evidenti, quam indicavi, ratione atque consilio tuendorum roriorum sanguinis; qui postquam labefactati frigore fuerint difficillimam curationem recipiunt. Quid quod inexcussi saepe medicamentis *Perniones*, vere propinante, sponte delentur? scilicet instauratis iisdem roribus, ac tempore nativo, partis integre restituto. Tertium indicium illud est, quod sanguinea suppurabilis alioqui substantia non suppuratur, quod fit nimirum, quia sanguinis calor extinctus est, ac vigor excussus.

Verum enim vero, quid dicamus ad Julium Pollucem? cui *Onomastici* l. 4. c. penult. dictae sunt ἐλκώδεις φλεγμοναὶ inflammationes ulcerosae? sed ab hac quidem viri sententia non discrepat nostra traditio; qua statuuntur tubercula inflammatoriam & ulcerosam affectionem, referentia. Verum, quo pacto cum inflammatione conjuncta sit extinctio caloris in sanguine, hoc explicandum fortasse fuerit nobis; qui non profiteamur emortuum sanguinem; ut in gangraenis & omni necrosi: verum, ut in morticinis pedum clavis, spiritus vividiores & plusculos absumptos asserimus; exemplo sit carnosae particulae contusio sive contritio, cui maxime similis *pernionum* est natura; ab hac quidem excussa plurima pars est spirituum & vigoris à sanguinis flore venientis: unde languens ac stupens pars collisa restat, verum non sic, ut vitae detrimentum extremum experta sit, haec enim absoluta gangraenae, ac interitus, esset calamitas, à qua natura contusionis est longe, si quatenus ipsa est, concipiatur. Similes igitur contusis, quae ad semiexanimem naturam accedunt, sunt *perniones*, quantum ad hoc caput spectat; si tamen adjunxeris inflammatoriam affectionem & ulationem, quam in carnibus, frigore percussis, nemo non videt.

Sed hujus utriusque effectus causam & rationem audire si requisieris, hanc ego tradiderim. Est frigus extremum, communi philosophantium consensu, adversus omnia quidem corpora, sed animantium potissime, contractivum ac densativum sic, ut partes, quoquo pacto diffitas nimium, attrahendo pervellat ac mordeat; unde mordentia frigora dixit naturae scientissimus Virgilius, seu quicumque fuit is auctor, in *Rosa*; hoc igitur immo dico raptu partes adducendo, & harum poros adstringit hiantes,



tes, & earumdem calorem conculcat in se ipsum coactum, qui propter hoc nihil exhalans, atque repressus, acervat substantiam, fervet ac aestuat, praeter suum naturae modum accensus; quo fit, ut carnes à quibus hospitatur, ipsas reflexus discoquat, ac veluti flamma quadam exurat. Aliud etiam, quod observavi, referam; sic extenuari, rareque fieri, percoquendo partes ab huiusmodi calore, ut prope diaphanae reddantur, si ruborem tamen non excluderis. Ita post multos suorum effectorum circuitus, crudum & immite frigus objectos mortalium artus inflammatur atque exurit, per antiperistasin nimirum, ut dicunt, calorem exaggerando, quae res, praeter nostros physicos, neque Servium grammaticum latuit; qui *secundo Georgico. super memorato Virgilii loco*, dixit; & frigus esse caloris initium, & summum calorem frigoris esse principium, unde quasi unus effectus est frigoris atque caloris. Quibus omnibus ad summam contractis apparet, ut inflammati, non inflammati vero; corrupti non corrupti; extincto sanguinis calore, non extincto, sint genus hoc difforme tumorum & ulcerum, quos *perniones* appellamus; non consueta scilicet & calida interiorum affluxionum causa, neque in totum ignavo, & inerte, frigore productos.

## C A P. VI.

*Pernionum Definitio, & de quorundam affectuum discretionem.*

**H**AEC quidem omnia, si placet, ad Definitionis formam redigere sic possis; *Perniones sunt tubercula in pedibus, manibusque, inflammatoriam & ulcerosam affectionem referentia*; quae fit abolitis primum in his particulis ab hyberno frigore roribus sanguinis, mox à vi doloris attracto conculcatoque sanguine semicorrupto. Hac porro descriptione multos à *Pernionibus* affectus discreveris; videlicet intertriginem, paronychium, tophos podagricos, clavos, callos; de *bugantiis* autem vulgo dictis non adeo certus sum, nam hae licet quidem apud Cisalpinos, atque alias Italas nationes, hodierna die sunt iidem, qui *Perniones* tamen Gulielmo de Saliceto, veteri Chirurgo, sunt calli, duraque pedum tubercula, qui excisione tolluntur; quamobrem ipse acu



per bugantiam transmissio, & per filum, quod acu ducitur, multoties comprehenso, perque manum sublato; quidquid acui subjicitur, scalpro rescindit; quae curatio longe videtur alia, quam quae *per nioni*; congruat aut accommodari possit. Quae te nosse volui tum, ut nomina rerum; tum, ut res ipsas sine errore discernas, & scripta prudentum secundum ipsum animi sui sensum accipias.

## C A P. VII.

*Qui, qualesve, sint ad hoc vitium suscipiendum parati; simul & in hac in Problemata discussa plura.*

**O**pportuna huic vitio partes excarnes, & eminentes, in disputatione de sede affectus ostendimus; cujus rei causa non est ad summam alia, quam extrema debilitas: sic adolescens quidam Consentinus, rei Medicae studiosus, qui per vulnus inferiore carpo senserat jam manus atrophiam, expertus est hac hyeme alioquin tepida, *Roseolas* in digito minimo privatim; quae pars inter omnes maxime sustinuerat ictum, aut, ut accommodatius in rem loquar, ab hoc ipso noxam, quae stupor & aliquando sensus private fuit. Parata quoque inter omnes est aetas puerilis, quam rem & Cornelius, in l. 5. c. 26. testatus est. Deinde patet hisce molestiis adolescentia propterea, quod laxiores ac molliores istorum hominum particulas nullo negotio penetrat, exsuperatque, vis insolens brumae.

Neque vero memoraveris etiamnum contra, calidum istorum maxime vegetum & uberrimum, siquidem obtruserim eo tempore totum intro conversum, praeterquam quod molliusculum est illud, & uti copiosum, non item robustum ac statum; contra virorum firmitus est, velut antiquum vinum, etsi copia minus est: puerorum vero calor, quale mustum est, halituosum atque commistum. Haec mihi sane ratio videtur, qua pueri maxime in hunc affectum incurrant. Ut nequaquam sit audiendus Mercurialis, qui propterea pueros huic vitio fecit obnoxios, quod omnium minime se tueantur à frigoris injuriis, sed his prope se subjiciant ultro ipsi. Ad quam puerorum naturam acce-



accedit & ea, quae foeminarum est; praeter quas impuberum ac puberum aetates, & alia paulo superior exors ejus mali non est, si corporis habitus ac temperamentum ad utrorumque modum accesserint. Hic naturalium ordo est; quod vero ad non naturales alteras pertinet, climata Septemtrionalium regionum, ut quae hyemi plurimum respondent, cum primis obnoxia sunt huic noxae: quapropter epidemicos & vulgares istarum gentium *perniones* retulit Olaus magnus, in *historia de hisce populis*; dum tamen adverteris & graviolem *pernionum* vim ac furorem adversus has nationes, eosdem magis, quam nostros Italos, affectioni resistere; nimirum propterea, quod his incommodis assueti ac magis obfirmato sunt corpore adversus eadem.

Post haec, quod equidem observavi, referam, graviter expendendum: etiamsi communem ex aequae patente causa, quod frigus est exsuperans, *pernionum* affectionem constituerimus, tamen obliviscenda aut contemnenda non est corporaturae proprietas; qua sunt aliqui ad promptius suscipiendum accommodati sic, ut nullo non anno *perniones* quicquam omni studio vitaverint, licet non asperrima interdum, sed mitior bruma contigerit; alii vero resistunt causis, neque meminerunt quidquam incommodi se expertos, qui maximis se rigoribus exposuere. Itaque spectat non parum ad cooperaturas hominum, atque ad partium temperaturas his causis obfistere vel prompte cedere.

Quarum rerum explicationem, ex me tradente, dum accipis, revoca primum in memoriam eum, qui spectat ad primam partium compositionem, primarum, secundarumque, qualitatum complexum. Deinde considera texturam cutis aliquos adscivisse fibrosam ac duram, viros inquam potissimum, assiduis laboribus exercitos; aliis eandem esse minime fibrosam compactamque, sed laxam & mollem; veluti si languor aliquis attigerit, talis foeminis & pueris, ac male habitis hominibus visitur. Jam igitur, quam non satis calido, sed frigidiori atque humidiori, qualitatum complexui conjuncta laxitas atque mollities, itemque cutis solutior & cessilis est, haec partium habitudo lubricam se exhibet, ut promptus in ea *pernionum* fit lapsus.

Aliud etiam quibusdam adverti peculiare, quod frigoris extremi sensu fuscescunt, ac tantum non livescunt, manus; quibusdam



busdam illud autem fit, ut facile intelligis, ut caloris infiti parcitate, ut melancholiae naturalis exsuperantia. Hos autem homines molliore carnis habitu videris omnes, ac subfrigido & subhumido, tum hyeme, tum aestate, manuum contactu semper. Contra vero, qui calidiori, ficciorique, temperamento donatas partes, ac fibrosas firmasque tum natura, tum usu, nacti sunt, maxime repulerint, ac minime senserint, hanc eandem noxam. Haec, à nobis saepe comprobata, tute tua observatione verissima comperies.

Haec ad aegrotandum partium habitudo est, ad solidam suam substantiam spectans. Similis, ut minima noxa frigoris praevalet, spissitas requiri sanguinis seu portionis humidae: contra vero, ut vis frigoris χεῖμερλόφορος<sup>9</sup> insinuetur, spissitudinis defectus faciet. Voco autem spissitudinem, in parte quidem solida, texturam compactam; in humido vero genere, coactam hujus substantiam, cogitur autem & conspissatur humor ab interno congenitoque opifice, qui calor est seu coctionem praeparantium, seu perficientium viscerum naturalium; hic quippe, quo valentius vi propria subiectum humorem exercebit, atque pulsabit, eo pressior & crassior hic evasurus est, & minus dilutus solutusve; quemadmodum exemplo mustum, quod quanto majorem ac diuturniorem sustinuerit ignis versuram, eo consistentius tenaciusque reddetur.

Dices autem, & quo pacto statuimus percoctum, firmumque, sanguinem obsistentiorem futurum *pernionum* causis; dilutum vero atque solutum eisdem magis obnoxium; nimirum, inquam, propterea, quod illo concocto, & per calorem elaborato, qualitates activae terminant passivas, & dominantur; passivae vero terminatae sunt ac dominatae. Quemadmodum Aristoteles docuit, in *l. 6. meteor.* initio, atque alibi. Signum autem, quod concocta & modificata omnia magis resistent alienis injuriis, monstrat inductio in plerisque succis, fero, lacte, atque aliis ejusmodi fluidis corporibus, quae ignem experta se diutius incorrupta conservant, ac vero non percocta minus se vindicant à putredine: sic igitur & de sanguine cogita, sive cui calor validus incubuerit, sive quem imbecillior coctionis agitatio crudiores reliquerit: porro, cum ab exterioribus humor inalteratur, facile crudior proditur; cum vero persistat in-

teger,



teger, & statu suo nativo inexcussus, per hoc perfectus & commodatus declarari videtur. Itaque cum adversus offensas frigoris incolumem se tuetur, probatae substantiae modum habebit; cum vero prompte labefactabitur ab eodem, vitiosa protinus se ostendet systasi, quod ad hunc affectum pertinet; atque adeo non constantes ad detrimenta sanguinis hospitati spiritus, etiam ipsi, languescent ac exsolventur. Quibus omnibus vides omnes ex triplici substantia portiones, solidam, humidam, spirituosam perpeti sub *pernionibus*, & quo ordine.

## CAP. VIII.

*Notae Pernionum.*

**P***ernionum* indicia primus, inter Latinos, exposuit Cornelius Celsus verbis, quae certe immutare fas non sit; ita brevi pleneque rem exprimunt, quae sunt, scilicet. Rubor cum inflammatione mediocri est; interdum pustulae oriuntur; deinde exulceratio; dolor autem modicus; prurigo major est; nonnunquam humor exit, sed non multus, qui referre vel pus, vel saniem, videtur. Haec nos Celsi singula leviter exponeamus, ex *Commentario quem in hunc auctorem conscripsimus*, traducta. Primum enim, quod rubor & inflammatio sit tumori, qui frigore productus est, ne difficile quidem videtur; nimirum frigus est calidi, calidorumque causa est per accidens, illud enim, cum crebro quasi ictu feriat; continui facit solutionem; inde dolor, ab hoc fluxio & humorum illapforum acervatio, post prohibita transpiratio, mox putredo & à putredine inflammatio. Rubor autem à confluxu sanguinis est. De pustulis majus est negotium; sed hae possunt excitari fervore ichorum prodeuntium quidem extra poros, sed ab habitu cutis compactiore conclusos, atque cohibitos. Equidem comperi plus semel hoc Anno 1624. in nostro Nosocomio, cum *pernionibus* excitatas ampullas, phlyctænasve, quam maximas; ita ut comparari potuisset vitium ambustis ab igne; quod tamen ex una fervoris conditione proficisci mihi visum est consentaneum. Sed de prurigine quid censeam? id scilicet, quia confarcti per poros ichores, nullo exspiratu computrescentes, & acriores reddit, fibras vellicant,



& naturam sentientem exstimulant. Illud nunc restat unum, & quid causae sit, ut parum saniei, & haec portio neque etiam semper emittatur ab ulceratis *perniuncalis*. Ad quam rem ajo, paritatem hanc humoris respondere suae siccitati partium, quae & exsanguis sunt, & à vi frigoris prope redditae retorridae, aut, sicut loquutus est Aristoteles, asperae.

## C A P. IX.

*Pernionum proprietates ac mores.*

**P**Raeter autem frequentissimas, & communes, jam enarratas *Pernionum* conditiones, audi nunc & alias in hominibus plerisque privatas, quas equidem fideli multorum laborantium enarratione collegi.

I. Rigores aliquibus, ac febres plurimum, *Perniones* exacerbati movent, ac nonnullam quoque maciem atque pallorem certis personis invehunt, quas res credo fieri, cum acerbitem aliquam graviolem adferunt; nam quibusdam etiam ungues quotannis excutiunt, novis inductis: sed & membranas ossibus circumpositas vitiant interdum, praeterquam quod phagedaenam, gangraenam, & necrosin, ut dixi, concitant saepe.

II. Videbis nunc in pedibus nasci vitium, quod non tentaverit manus; nunc manus infestare, quod pedes reliquerit incolumes; atque hoc quidem frequentissimum est, ac exploratum à me perpetuo: qui tamen haud dubito, redundantis & varii succi materia posse superiores, inferioresque, partes acque corripere.

III. Manuum *roseolae* noctu plurimum turgescere consueverunt, seu quod decubitus contactura, foventisque lanei strati

*Calor iste vias, & caeca relaxat*

*Spiramenta, novus veniat qua succus in ulcus.*

Seu quod, ut aliis placet, hi, qui nocturno cutis addensatu prodituri fuerant, halitus repressi conferveant, carnemque laxent ac tollant.

IV. Alios usu manuum solvunt, aliis vero manus neque plurimum extumescences ad operam impediunt; quamquam inertes maxime persequi difficultas haec motus videtur.

V. Pe-



V. Pedes calceis laneis contactos plerisque non petunt: quod idem defendendi studium manus nonjuvit alios; de quibus unus est Octavius Beltranus, Thurius, conterraneus meus Typographus Neapolitanus, nulli secundus.

VI. Nonnullis grandioris aetatis accessu pepercerunt, alii vero saepe medicamentis deleti recurrerunt.

VII. Ad hunc quoque locum spectat, quod narravit mihi Tryphon Cytharella Amalphensis, ex oppido Majori, adolescens septemdecim annos natus, auditor meus apprime diligens & studiosus, se tres jam annos, quos Neapoli transegit, laborasse primum manuum *roseolis*, quas ante hac in patria nunquam fuerat expertus. Contra vero religiosus vir Theatinus Joannes Maria Scaranus retulit Neapoli, nativo solo, multis jam annis hyeme *pernionibus* infestatum; qui profectus ad Siculos quindecim annos per hyberna tempora nil mali sentiit; mox ad suos lares reversus hoc Anno 1631. qui minime frigidus inter omnes fuit, haec mala rursus expertus est: sic aëres, aquae, loca, luculenter in has affectiones conferunt.

VIII. His eadem medicamenta conducunt, his non conducunt; nam quibus lixivium probefacit, quibus furfurum fomentum; aliis ex impuberis lotio cum aurantii mali medulla confricatio; aliis ex percalefacto porcino veretro, perfricatio fuit usui non poenitendo.

IX. Ad summam difformis admodum haec vitii species videtur, neque perpetuam in omnibus rationem laedendi servans; à causa nimirum externa, & incertis saepe corporum naturis, variata atque producta. Singula autem, quae accidunt, à Medico describi non possunt, auctore Hippocr. in *l. de articulis*, & *alibi*.

X. Frigidum humidum infestius plerisque quam frigidum siccum.

## C A P. X.

### *De curandi ratione.*

**P***ernionum* methodica curandi ratio, per auctores omnes sic explicata non est ad hanc diem, ut scopos medendi certos  
digno-



dignoscas; adeo quidem, ut non satis exturbari contrariis appareant, aut si curentur, his utrisque gaudeant applicamentis: siquidem Aristoteles id supposuit, *lib. 1. problem. 55. & 56.* calidis hos aeque ac frigidis curari. Dixi jam Philosophi iudicium in hac re. Sed e nostris Hippocrates, & aquae fomento, & igne, curari solitos, per Pythoclen contemporaneum Medicum, approbavit *l. 5. & 7. epidem.* qui ait; *Perniones pertundere oportet & calefacere ita, ut quam maxime excalefacias igne & aqua*

Sed & Cornelius Celsus, optimus Hippocratis imitator, *Pernionibus* non adaperitis, aes, quam maxime calidum quis pati potest, admovendum praecepit: quem ignis usum cum non approbat inter manus idiotarum Fallopius, videat quaeso quam id inique faciat, quamve immemor sit, qui sanatos sibi *perniones* calidis cineribus, praecepto matris admotis, testatus est.

Sic apparet contra quam instituerint Medici, censuisse problematum conditorem. Hic enim frigida, sicut & calida *Pernionibus* conducere; calida tantum nostri volunt. Quae Philosophi sententia tam difficilis est visa Mercuriali, ut cum Medicis sentiens ipse, qui maximus semper problematum Aristotelis fuit admirator & observator, tamen huic viri Stagiritae placito visus est nuncium remisisse. Verum enim vero, mea quidem opinione nil absurdi continet Aristotelea haec hypothesis: etenim eo constituto, quod Petro Aponensivisum est, *Pernionibus* mederi frigidam, quod haec immodicum humorem ab extrema parte repellat, & abigat, nimirum ad interiora transpositum; haec quippe opera non improbatur à nostris Medicis, imo vero facienda praecipitur initio tumoris; quo scilicet tempore procedit ad membrum humoris affluxio. Quae transpositio conducibilis amplius esse potest, si sanguis influens sit purus ac probus, qualem constanter opinatus est Fallopius; ad hunc enim modum non peccat aliquid, nisi nimietas, quae rite recteque repellitur ab unoquoque frigido.

Jam vero cum Hippocrates & Celsus, & horum aetate Medici, calidam aquam, & ex igne petitas medelas, admovent, haec faciunt desita jam fluxione, collectaque tota materia tumoris, ut haec efficaci calidorum vi dissipetur & exhauriatur:

con-



constante vero fluxione, neque nostri parcunt refrigerantibus medicamentis, etiam quae adstringunt admittis; sic gallas cum aceto contritas, sic vini faecem imponi laudat Octavius Horatianus, sive, ut altero codice nominatur, Theodorus Priscianus *l. 1. ad Euporistum cap. 28.* Aëtius vero succum admovet hyosciami; quem ab inflammatione ac doloribus vindicare prodidit Paulus. Sed e posterioribus Fallopius, & aquam rosatam frigidam, & ceratum quoddam impense frigidum, commendavit, quod

℞. *Succi Rosarum,*

*Solani,*

*Plantaginis, singulorum unciam j.*

*Cerussae,*

*Lithargyri, singulorum uncias ij.*

*Aceti acerrimi,*

*Olei Omphacini, uncias iij.*

Mista in mortario plumbeo subigantur ad Linimenti consistentiam: quo saepius usitato, adfirmat auctor, rem optime successisse. Sic quidem ille.

Sed Joan. Huccherius velut ambusta *Perniones* curavit; neque aliter Arantius, in operis de tumoribus, capite peculiari. Sed isthaec omnia superat, quod Guido Cauliacus, vir sane consultissimus, frigidam aquam laudavit, tractatu 6. doct. 2. cap. 8. quod est inscriptum de doloribus & mulis; sunt autem *Mulae*, interpretibus Laurentio Jouberto, Joanne Huccherio, Joanne Manardo, & gallicis Lexicographis, *Perniones*. Postremo sunt, & qui nivem applicitam ferunt remedio fuisse. Has ob res omnes verum apparet, quod Problematographus enunciarat, calidis ac frigidis aequae *Perniones* deleri, si tantum distinguantur usus opportuni tempora.

Qua composita veterum auctorum contradictione, aliam, quae inter juniores est ambiguitas & perplexio, nunc enarremus. Mercurialis quidem, nullo proposito certo scopo, curationem *Pernionum*, ut intertriginis dicit instituendam, qualem tamen neque postmodum exsequutus est, verum apprime diversam. Jam autem aliorum omnium, qui vitii summam ad cutis unam constipationem retulere, pars laxationem & deterfionem, ut Huccherius, pars calefactum atque discussum, ut Fallopius; pars



utrumque censuit exsequendum, ut Arantius. Sed Franciscus Vallesius, in *comm. ad l. 5. epidemiorum* super ea sententia, quae de *Pernionibus* tradita est, ait; *Perniones quoniam cutis refrigeratione ac densatione fiunt, proinde calefactione ac laxatione curari; verum adhibenda haec alternatim, nam aqua sola nimium laxat ac mollit, at solus ignis exsiccatione vehementi constringit & cogit: jam vero cum sibi mutuo succedunt haec, igne calefaciente & aqua laxante, atque ustionem prohibente, dissolvetur materia, laxabitur cutis, ac temperabitur pars.*

Haec alii, nos horum opiniones ad examen, si licet, referamus: ergo quod inter omnes convenit, pro certoque habitum est; laxandam eam, quae malum sustinet, partem, non placet. Primo, quod non ad sententiam summi Hippocratis; imo multo diversa est enarratio: deinde, quod non ex legitima indicatione, sed nocua haec medicatio est: quod (ut inde incipiam) ostenditur hac ratione; neque enim quod fiat addensatione vitium, propterea fit ab hac simplici causa, neque etiam si concedatur: ideo sequitur, ut sit laxandum. Quippe si curatio est per contraria, contrarietas haec medicamentorum spectat ad morbum, qui curationem indicat; non ad causam, quae curationem vere non indicat. Sed praeservationem Galeno teste, in *8. meth. med.* Quae si vera sunt, ut sunt plane verissima; laxatio, quae suadetur à Vallesio, praeter legem est Galenicam & nocua parti: nam tumor Chimethlodeis, si credimus Aristoteli, peculiari problemate jam indicato, laxatio quaedam est, nec non laxis hominum corporaturis advenire sueta, quod jam ostendimus; ergo laxantibus adaugenda sit potius, quam relevanda.

Jam igitur, quoniam, ut apparuit, *Perniones* quaedam sanguinis est affusio, sub cutem, de venarum osculis per vim frigoris expressi, mox semicorrupti; ob id exhaustiendus est seu medicamentis, seu prompta & manifesta vacuatione: sic usum calidorum applicamentorum, & scalpri, praecepit Magnus Hippocrates; longe aliter nimirum, quam interpretes Vallesius commentus est, qui legit sic Hippocratis enunciatum; *Perniones* dissolvere, tepescere, pedes; hoc modo praecipue, calefacere igne & aqua; quae lectio, versioque, non convenit cum ulla multorum aliorum translatione, neque cum codicibus Graecis sive Basiliensi, sive



sive Aldino, qui ambo *l. quidem* 7. sic habent: χιμέθλων κατασ-  
 πᾶν, κατασχᾶν restituit Anutius Foësius; ἀλεαίνειν Aldino, ἀλε-  
 είνειν vero Basiliensi τὰς πόδας ὥδε μάλιστα ἐκθερμαίνειν πυρὶ καὶ  
 ὕδατι. Quae Janus vertit ad hunc modum; *Perniones pertunde-  
 re oportet, & calefacere ita, ut quam maxime excalefacias igne &  
 aqua.* Sed Anutius Foësius sic; *Pernionum medela est scarifica-  
 tio, tepefactio, ita ut pedes quam maxime igne, & aqua excalefa-  
 cias.* Quibus utrisque prior, Fabius Calvus transtulit haec ita,  
*perniunculos pertundito, scalprove scarificato, pedes igne & calida  
 aqua valde calefacito.* Quod si fortasse *codicem libri* 5. Graecum  
 adeundum volueris, atque legendum, quem locum ipse Valle-  
 sius explicabat; is quidem tum ex Aldina, tum ex Basiliensi  
 editione ad hunc modum habet, χιμέθλων κατασχᾶν ἀλεαίνειν  
 τὰς πόδας ὥς μάλιστα ἐκθερμαίνειν πυρὶ, καὶ ὕδατι: quae vertens  
 primus Calvus reddidit per haec; *Perniones mulgebat, vellebat-  
 que, pedes igne, & aqua, maxime calefaciendo.* Sed mox accedens  
 Janus ait; *Perniones pertundendi, & calefaciendi sunt pedes sic, ut  
 maxime excalefacias igne & aqua.* Post hos autem, tertius Anu-  
 tius vertit hoc pacto; *Pernionibus medeberis scarificando, & pe-  
 des calefaciendo sic, ut maxime igne & aqua excalefacias.*

Itaque si Graecos ipsos codices, si Latinos primos omnes in-  
 terpretes, consulueris, falsa & commentitia Vallesii translatio  
 reperietur. Nec minus improbabilis videbitur ejusdem enarra-  
 tio, qui deduxit ex Hippocratica dictione alternum ignis & aquae  
 usum; quam aquam & ad laxandum propositam interpretatur,  
 neutrum enim consentaneum rationi videtur; nam neque ad  
 laxandum aqua capi debuit, cujus usus enucleate traditus est ad  
 maxime calefaciendum: deinde vero similis est, loquutum Hip-  
 pocratem de aqua marina, quae usu praecipuo semper, & maxi-  
 mo, fuisse constat ad *perniones*; priscis, praesertim Oribasio,  
 Aëtio, Paulo, *locis citatis*, & Octavio Horatiano, sive Theo-  
 doro Prisciano, *l. 1. ad Euporistum cap. 28.* nimirum ob multam  
 exsiccandi vim, quam habet haec aqua, propter falsam exsu-  
 perantem portionem: qua de re piscatores, qui nudis perpetuo  
 pedibus exercentur juniores & grandiores, equidem adverti mi-  
 nime *chimethla* perpeffos. Confirmat demum aquae marinae con-  
 jecturam, quod solenne fuit antiquis, scarificatis continuo mem-  
 branis aquam falsam affundere, ut ne grumi sanguinis protinus  
 occlu-



occluderent vulnuscula ; aut etiam , ut ne haec simpliciter coalescerent ; distinet porro coalitum sal inter omnia plurimum , ut , *in commentariis nostris de inermi Chirurgia* , monstravimus. Quod si aquae potabilis omnino retinetur opinio , etiamnum apparet , non ad ignis alterne contemperandi usum , quem opinatus est Vallesius ; verum ad eliciendum , laxandumque , sanguinis effluxum institutam eandem.

Jam autem , quod ad alternum illum binorum praesidiorum usum spectat , neque hic necessarius est ; tum propter praedicta , tum , quod probabile fit , duo illa simplicia [ ignis & aqua ] proposita in sensu composito , quasi diceretur percalefacta igne & aqua , aut si disjuncta volueris utraque capienda ; dicam Hippocratem ea sententia comprehendisse calidum in sicco , & calidum in humido , quorum hoc infirmius alterum valentius sit ; ut statuendum sit denique , calefacientia ab Hippocrate probari praesidia non laxantia , si consideres plurimam partem semicorrupti , ac propemodum exstincti , sanguinis exauriri per punctiōnem , efficacitate tanta , ut nihil sit praestantius ad prompte demerendum de nostris hisce languentibus. Quam ego , duce Hippocrate , exsequutus in plerisque egenis mire frugiferam comperi ; quippe quae causam ipsam , mali fomitem , in promptu detrahit , & naturam partis diu gravatura sarcina cito levat ; sic in Joanne Dominico Fusco ; sic in Tryphone Cytharella meis auditoribus , quos curatos viderunt admodum R. P. Marcus Antonius Russus e Societate Jesu , Medicus scientissimus ; & Franciscus Sparanus , Medicus e Collegio Neapolitano consultissimus : sic in Reverendo quodam Cappucino ; sic in Clerico Theatino ; sic in aliis Valetudinarij nostri decumbentibus , qui fuere propemodum innumeri : exiit autem semper ex vulnusculis sanguis primo tenuior , deinde ater & crassior ; mirum autem quod aservato , refrigeratoque jam , eidem cruori serum ullum non exstitit.

Dixi jam de simplicibus ; restant *composita Medicamenta* referenda. Quorum duplex est series ; nimirum altera praeservantium , altera vere curantium. *A pernionibus* , inquit Aëtius , *l. 4. serm. 2. c. 73. praeservat sal cum melle tritum , manibus ac pedibus assidue inde perfriētis*. Aliud non modo praeservans , sed productos etiam *perniones* curans , *citriorum magnorum internam*  
par-



*partem acidam, rejectis seminibus, diligenter terito, & cum adipe suillo vetusto ad Cerati compagem redigito; & ad hyemis initium quotidie illinens ex eo digitos, utitor. Aliud Oribasii; sulphur vivum cum melle cocto imposito.*

*Aliud Perniones imminentes arcens;*

*℞. Atramenti sutorii,*

*Florum mali Punici sativi, singulorum drach. iiij.*

*Alum. scissi unc. iiij.*

*Myrrhae, Turis, singulorum unc. ij.*

*Cerae unc. iiij.*

*Adipis suilli unc. viij.*

*Olei Myrtei quantum satis est. Haec ex Amideno auctore.*

Post quae referuntur & *perniones* curantia jam eductos; ex his alia fluida, alia solidiora. Ex fluidis primum est apud Celsum ex multa calida aqua fomentum, in qua rapae decoctae sint: aut si ea non sunt, aliquae verbenae ex reprimentibus decoctum, vel lenticulae, vel crui, vel hastulae regiae radices probavit Paulus; sed rapae summum perhibuit Aëtius. Ex fluidis epithematibus decoctum betarum, quibus alumen scissum infusum est, proposuit Octavius Horatianus; post quod fomentum cera liquata linire convenit, idem ait; qui addidit cerae & picis resolutae solam unctionem curationi valuisse, & gluten solutum in aqua liniendo profuisse; quod glutinis & cerae linimentum usui praeservandi potissime conducibile probarim equidem. Sed ex Paulo sunt haec; in rapae sativae radicem excavatam conjicitur cerae sextans, olei lentiscini quantum sufficit; cocta in duplici vase ex marina aqua, aut muria, aut lupinorum decocto, hoc quidem superfundito; ceratum vero in rapa liquefactum frigidum imposito. At in exulceratis *pernionibus*, turis, aluminis scissi, minii, resinae, terebinthinae, singulorum par modus, adipe suillo diluta inducuntur. Verum si inflammatio exulceratos *perniones* male habeat, medicamento utendum hexapharmaco, quod recipit olei uncias novem, adipis, fellis taurini, & singulorum libram, argenti spumae uncias sex; colophoniae uncias quatuor; mellis uncias sex.

Haec isti; ante quos omnes Dioscoridi comprehensa sunt haec;  
*Tus cum suillo adipe, aut anserino impositum.*



*Pix liquida inuncta. Acacia illita.*

*Myrti seminis decoctum fotu adhibitum.*

*Ficus crematae cum cerato impositae.*

*Cancrorum fluviatilium cinis, cum decocto melle illitus.*

*Pulmo marinus recens concisus, & impositus.*

*Asininae ungulae cinis, oleo maceratus, illitus.*

*Ursinus adeps inunctus.*

*Umbilici Veneris succus impositus.*

*Lentes cum meliloto, siccis rosis, malicorio, cydonio malo, & rosaceo, adhibitae.*

*Orobi decoctum fotu impositum.*

*Raporum decoctum fomenti modo.*

*Betae decoctum appositum.*

*Dracunculi majoris folia, ex vino decocta & imposita.*

*Oleum ex incavata Asphodeli radice decoctum, illitum.*

*Cyclaminis decoctum fotu adhibitum; quin etiam oleum cum pauca cera in ejus excavata radice fervefactum, illitum.*

*Scilla cremata imposita.*

*Ranunculi decoctum adhibitum.*

*Arction ex vino additum.*

*Alumen aqua adpersum.*

Haecenus ex Anazarbaeo Viro multa, post quae referam experta mihi Medicamenta: quae sunt ad non ulceratos quidem Perniones, suffitus ex cinnabare contrito, & in ignitos carbones coniecto, mane, vespereque, ad multos dies, sub tensis panniculis accommodate recipiendus: mox ex decocto cyclaminis lotura. Tertio ex liquore destillato cerae, vel ex hoc simul, & pomata, inunctio cum confricatu. Ad exulceratos vero, ex eodem oleo cerae, succo cyclaminis, adipe taurino, & pinus resina, vel pice, colophonia, Ceratum, secundum artem, confectum. De tota Pernionum inquisitione & curatione sint haec jam satis.

### *De Glandulis vulgo Thureis appendicula.*

**M**edicina, sicut Cornelius Celsus ait, in operis sui primordio, nusquam non est. Siquidem etiam imperitissimae gentes herbas, aliaque prompta in auxilium vulnerum, morborumque, noverunt. Ita-



Itaque foeminae, tum quia peculiari quodam naturae munere humanitatis, & hospitalitatis, officiis maxime sunt comparatae, tum quia minus curarum habent, atque otio abundant, pleraque observare possunt, ad commentandum alioqui non ineptae. Quam Medicinae speciem rudem, scilicet, & ineruditae suis sensibus congruentem, aut ipsae sibi confinxerunt, aut perperam ab eruditae comprehensam reservaverunt, obstetrices maxime, & hae vetulae, quae solertiam aliquam aut aetate, aut Medicorum consuetudine, compararunt: quarum rerum exemplis mediocrem numerum exsuperantibus enarrandis, ne nimius sim, supersedeo; si memorare non omittam non esse rem istius gentis omnino contemnendam; quando Plinius à Lai, Elephanti, Salpe, obstetricibus, pleraque describere medicamenta, dedignatus non est, l. 28. c. 7. & Marcellus, Imperatoris Theodosii Medicus, etiam ab agrestibus, & plebejis, accepta remedia fortuita atque simplicia, quae experimentis probaverant, operi, quod edidit *de Medicamentis*, inferere non erubuit. quid, quod audiendos vulgi medentes monuit Hippocrates alicubi technicorum operum, gynaeciaque plurima ex foeminis accepit.

Itaque istae matronae morbum invexerunt *Tule*, tersius *Tole*, appellatum, Latine *Tolles*; propterea, quod tollantur ac tumeant, cujus diminutivum *tonsillae*, *parystbmia*, quae sunt in homine, sicut *glandulae* in lue, cum tumor fauces occupat; quae verba sunt Ambrosii Bergomatis in *lexico*. Sed alii pronunciant *Thurea* fortasse, quod ad thuris grana, figurae, magnitudinisque, similitudo accedit. Scire autem licet, oboriri vitiosas istas *glandulas*, & eментitos adenas, in artubus, ac praesertim in brachiis, patte supina, quae supra carpum est, in devaricationibus tendinum lacertorum. Materies autem est lenta pituita, quae, laxato ac rarefacto prius per calorem corpore, mox succedente frigore cogitur & conglobatur in eam, quam dicunt glandularum, aut granulorum, formam. Has istae sic curant, ut obverso pollice duriter comprimant, sic crebro affricu finiantur tum ipsae, tum aliae, quae substant parystbmiis glandulae, fortasse communicato concalescentu: ob diversionem vero fieri credidit Gulielmus Rondeletius, in l. 2. *suae nosotherae cap. 4.* quo loco & ipse morem hunc vulgarem cu-



randarum *tonsillarum* retulit. Similis tuberculi meminit Avicenna, *lib. 4. fen. 3. tr. 2. c. 6.* cum ait; *generatur in quibusdam membris apostema glandulosum, sicut avellana nux, & minus eis; & est in principio taliter, quod cum super ipsum fit compressio, superatur, deinde redit multoties & multiplicatur, &c.* Quod tuberculi genus ab Avicenna memoratum crediderunt aliqui, Joanne Costaeo relatore, *Ganglium*: quod tamen notas ganglii vere non habet, ut probat idem Costaeus; verum mea quidem opinione sunt notatae *glandulae*, quas ad sententiam foeminarum vulgarium enarravi; quod confirmatur communitate curationis: etenim, quod attritus auxilium praecipit Avicenna *glandulis*; idem Medicae nostrae faciunt, tum quidem *tonsillas*, tum *tolles* excutiendo: *tonsillas* quidem rumpunt collo patientis, mira celeritate, per utraque manus circumrotato, brachii vero *glandulas*, ante descriptas, obverso pollice vehementer proterunt, ut jam exposui. Quae de *Thureis glandulis* pauca, libentius equidem, in hunc locum retuli, quod complicati folii vacuitati complendae sum ansam nactus.

*Peroratio, ac de Abscessus nomine per nos usurpato  
Comprobatio.*

**H**Aec ego de exquisitis *Abscessuum* generibus Neapoli meditabar, ad usum, & meliorem frugem, rei Medicae Candidatorum in nostra schola, dum universam addiscentium, profitentiumque, rem summa cum prudentia, parique vigilantia, regit & administrat Perillustris & Reverendissimus D. Joannes Salamanca, Regentis quondam integerrimi Salamancae, spectabili pariter virtute, filius: cujus cum auspicatissimo nomine suam denique coronidem nostrum opus habeto, Anno Christi trigesimo primo supra millesimum sexcentesium, quo conflagran-tem Vesuvium vidimus, ac vicina plurima tum rura, tum oppida, vi ignis ac terrae motus everfa.

Caeterum, nemo me reprehendat oportet, quod *Abscessus* nomine donarim pleraque vitia, quos *tumores* appellare vulgus Medicorum hoc tempore consuevit. Porro, non insuetum Hippocrati fuit, tum *Abscessus*, tum *Ulceris*, nomenclaturam late extendere; quam rem si nos hoc extremo loco explicaverimus, &  
rite



rite se assensum, & non sine fructu, cognoscet lector: audiat autem velim priorem de *Ulcere* demonstrationem. Scriptum est, *commentario 3. de fracturis, particula 34. Nisi quis dicat alios quoque morbos esse Ulcera, quod quodammodo probabile est.* Hic loquendi modus nulla non ambiguitate plenus est, tum quia novus & insolens, tum quia paradoxus; praesertim quidem apud Hippocratem, qui rata, & hominum opinioni consentanea, cuncta proposuit; sed enim nobis persuadere non possumus, sine magna ratione, proditum hoc à Divino Viro fuisse.

Galenus igitur, duobus in locis, hujus rei meminit, & *libro de inaequali intemperie cap. 6. & particula lib. de fracturis* ante citata. In quorum priore quasi durum, id est, persuasum difficile nominavit Hippocratis enunciatum: in altero vero probabile solum, & non nisi cum moderatione intelligendum dixit, quod sint in eo, quae rationi non omnino consentiant. Verum tamen & [*quodammodo probabile est*] voces duas maxime modificantes interposuit Senex, praeterquam quod non ex sua ipsius opinione, sed aliorum certe sensu, videtur haec attigisse. Omnibus autem modis veram hanc doctrinam Galenus probavit, illa primum proposita morborum divisione. Morbi alii dolorem adferunt, alii secus: si dolore sociati sunt, hi admodum probabiliter *Ulceribus* adnumerari possunt: dolor enim & ab evidenti solutione, cum aliqua pars secatur, extenditur, contunditur; & ab intemperie simul est, cum caloris, aut frigoris, excessus eandem capit. Et qua quidem parte à solutione continui dolor est, liquido confirmatur, morbum omnem dolorosum esse de genere *Ulceris*; siquidem omnis solutio continui corporis est *Ulcus*, & omnis morbus dolorosus est solutio continui. Qua vero parte proficiscitur ab intemperie dolor, similiter & de *Ulceris* est genere: quandoquidem omnis intemperies, siue calida, siue frigida, solvit continuum etiam: quippe constat, calidum substantiam solidam penetrare, erodere, incidere, colligare, mollire, extenuare, ut 21. & 22. *lib. 5. aphor.*; frigidum vero tum constipando, tum introrsum impellendo, nunc quidem exprimere, nunc comprimere potens est: ut 20. *aphorism. libri quinti.*

Haftenus si perdolentes morbi sint, monstratum fuit, hos esse *Ulceres*. si vero sint indolentes, cum intemperaturam in-



volvant, similiter haec habet solvere continuum. Quamvis enim manifestam continui solutionem haec non adferat, tamen ratione contemplabilem sine dubio recondit. Neque in exposita utraque hypothese subest alia diversitas, praeterquam latentem hic, evidentem ibi, patitur homo solutionem. Effectum enim intemperamenti semper adsit oportet, sicut intemperamentum ipsum adest; quas ob res sint, non sint, morbidoloriferi, protinus erunt de *ulcerum* genere.

Aliter etiam, quod ad intemperiem pertinet, confirmari potest eam quaecumque sit, *Ulcus* esse propterea, quod scriptum est ab eodem Hippocr. *libri de hominis natura*, *contextu* nisi fallor *octavo*, suscitari morbos omnes per *Abscessionem* non consentientis in unitatem & symmetriam humoris: disgregationem interpretatur Prosper Martianus, *in adnotationibus ad l. de humoribus*.

Ad hunc modum jam vides, Hippocrati longe latissima significatione fuisse *Ulcus*. Similiter & *Abscessus* enarratore Galeno, *l. 1. de officina Medici particula 25.* atque *abscedere* dicta sunt, quaecumque corpore integro cum aliis quidem partibus conjungebantur; mox adversa valetudine suam unitatem & contactum amittere: atqui unitas abest omnibus fracturis, *ulceribus*, fissis; contusis; contactus vero *Abscessibus*, sinibus, inflationibus, *Tumoribus*. Taceo, quod *Abscessus*, apud Hippocratem, *est omnis emigratio, seu separatio rei cujuscumque ante consistentis*: veluti qualitatuum, affectuum, spirituum, humoris, carnis, ossis, & alius cujusque particulae: quemadmodum explicavit Joannes Marinellus *in commentario*. Sed neque novum est, *Tumores* ab Hippocrate vocatos *Abscessus*, qui *l. 6. de morb. popul. 2. sect. sub init.* notata reliquit haec; *Abscessus*, veluti glandularum tumores, signum quidem sunt earum partium, unde germina habent, sed & aliarum, maxime vero circa viscera. Sed & Arabes, Barbarique, scriptores *exituras*, id est, *Abscessus* dixerunt omnes eruptiones, quae formis omnibus extimo corpore apparent; & contra, legitimos *Abscessus* appellavere communi modo *Tumores*, & sicut ipsi loquuntur, *apostemata*. Quare confusa & promiscua, si recte perspicias, *Tumoris* & *Abscessus* interdum est appellatio.

At neque offendi debebis aequivoco, multiplicique, nomine; quando legeris apud ipsum Galenum, *lib. de tumor. praeternat.*  
*tumo-*



*Tumoris* nomen fuisse ad significandos *Abscessus*, empyemata, sinus, fistulas, herpes, nigrores, phagedaenas, achores, hernias & peritonaei rupturas. Itemque Cornelius Celsus, *lib. 5. rei medicae*, pleraque de *tumorum* genere miscuit cum *ulceribus*: neque aliter factitarunt Gabriel Fallopius, in *libris de tumoribus & ulceribus*: & multo maxime Philippus Ingrassias, & novissime Julius Caesar Arantius, in *opere de Tumoribus praeter naturam*. Ex qua una re, credo equidem, orta est tam magna perplexitas & ambiguitas de finienda, deligendaque, forma *Tumoris* apud Hieronymum Fabricium, *initio libri de Tumoribus*. Quid, quod spectando maxime consilio, neque nostris sermonibus, accommodatum *Tumoris* erat nomen, quod solum extrinsecus apparentem ac materialem, ut ita dicam, praese fert conditionem affectus. Atqui rem nobis supra communem, & vulgatum scriptorum nostrorum, morem gravissime instituentibus, recondita *Abscessus* forma fuerat exprimenda.

Quo loco subit non aliena quaestio, & quid aliquem nobis de *tumoribus* commentarium non reliquerit Hippocrates? qui & de vuln. & ulcer. & luxatis, & fractis legaverat. Et statuendum est, duplices omnes à summo Praeceptore factos *Abscessus*; alios à simplici affluxu, alios à transmutatione; ita fere Galenus, *com. 2. lib. 1. prorrh. text 21*. Judicium autem & mens Hippocratis ea videtur fuisse, quod *Abscessus* ab affluxu minoris sunt momenti, quam ut suo calamo tractari debuerint; quapropter hos sprexit, alteros vero, qui sunt metastasis vi, perpetuo cum antecedente morbo complexos magnificavit, ac per omnes suos aegrotos expendit.

*Primo*, quia sunt hi vel ad salutis finem vel ad mortem, utpote decretorii, & magno cum naturae molimine tentari soliti.

*Secundo*, ad haec insignis est his magnitudinis accessus; magni autem sint oportet, ad hos vi & causa morbi tota prope modum abeunte.

*Tertio*, sunt ad cavitates partium nobilium, & ad intercapedines musculorum; plurimum autem occupare consueverunt articulos; quippe qui laxi, cavi, debiles, & ad repellendum invalidi sunt.

*Quarto*, non raro revertuntur, velut in Ancilla Polemarchi



chi, apud eundem Hippocratem, 2. *epid. sect. 2. constit. 3. Fine.*

*Quinto*, quod succedant ad alios morbos. sic Avicenna, l. 4. f. 3. *tract. 3. cap. 3.* docuit, Ulcera successu aliarum aegritudinum esse mala; quoniam, inquit, natura expellit ad ea residuum corruptionis superfluitatum.

*Sexto*, quod Abscessibus plerumque cruditas comes est: quare doctos nos voluit idem Hippocrates, lib. 6. *epidem. sect. 1. sent. 13.* tubercula foras extumescencia, & acuminata, in turbinemque gracilescentia, aequaliter maturescentia, non circumdura, declivia, & non bifida, meliora; contraria vero mala; & si quae plurimum contraria, pessima.

Aliam etiam ad curationis incommoda rationem addere licet; quod plurimum obscuri tum visu, tum tactu, deprehenduntur *Abscessus*; nimirum cum & alte se condant sanies, & multa carnis incumbat crassitudo, monente Hippocrate, libr. 6. *aphor. 41.* quamquam, ut verum non dissimuletur, exercitato scientique Medico difficultas haec nulla est, ut sermone de *frigidis Abscessibus* monstravi.

Atque has mihi rationes omnes, aut plurimas, spectanti visum est praestabile; ut omnis haec nostra tractatio nomen adscisceret *Abscessus*, quo velut emphasi quadam significatur motus materiae necessarius, ad transmissum de loco ad locum, impellentibus causis. Quanto autem evidentius vim, impetumque, humoris ad extima erumpentis *Abscessus*, quam Tumor, exponit. Sic mihi quidem libuit, ac jure licuit, saepe *Tumoris* abjecto nomine, altero *Abscessus* uti. Quae te scire, Lector, ad extremam operis clausulam volui, ut nostra de *Abscessibus* inscriptio nulla ex parte culpabilis videretur. Quibus jam omnibus exactis, vale; ac si quem ex universis hisce libris fructum cepisti, debita mecum auctori Deo Paena concinnas quaeso.

F I N I S.



## ΠΑΙΔΑΓΧΟΝΗ ΛΟΙΜΩΔΗΣ

Seu

D E

PESTILENTE , AC PRAEFOCANTE  
PUEROS , ABSCESSU ,  
DIATRIBA SINGULARIS,*Quae secundae huic Editioni novissime accessit, formatque,  
hujus de selectis Abscessibus Operis, Librum  
Octavum;*

EODEM SEVERINO AUCTORE.

*Ad ingenuum Lectorem Praefatio.*

Nter omnes animantes, quae à Deo Opt. Max. Conditor primo, prodire, nulla fuit Homine vel dignitate celsior, vel amplitudine major, vel formae decore probatior, vel ornamentis omnibus cumulatior. Argumento est, quod in humani opificii creationem, & conformationem, summus ille Architectator in consilium, operisque societatem, Sacrosanctam Trinitatem adhibuerit. Declarat autem & praestantiam procreationis ordo: quippe fuit editus in lucem homo post cuncta; ac si maximum quidpiam & supremum, plenae praerogativae numeris, efficiendum fuisset. Docet & exemplar, ad cujus ideam efformatus fuit idem: quandoquidem est microcosmus hic fictus ad archetypum macrocosmi, in quo coelestia, terrena, & media, velut in parva picturae mappa, inexplicabili prope compendio, continerentur omnia: quo factum

T t t

est,



est, ut summae cuiusdam rei, divinique miraculi, loco sapientes omnes habuerint hominem; qui solus immortalem Dei portionem obtinuit; qui rationem, orationem, versatilem ingenii dexteritatem, futurorum providentiam, societatem civilem, hospitalitatem, pietatem, sanctitatem, fidem, & quas non virtutes, exercet & colit? qui principatum in omnia mundi viventia & non viventia, quive imperium pro libitu voluntatis in omnia concreta corpora, divinitus exercet.

Cuinam enim motu perpetuo cientur coeli? cui Luna noctu lucent & astra? cui Sol modo accedit, modo recedit, ab Oriente latus ad Occasum? à polo arctico ad antarcticum, à capricorno ad arietem, à cancro ad libram? nimirum invecturus temporum vicissitudinem, aestus & frigoris, & horum medias stationes, lucem & tenebras, pulchram formarum productionem, & necessariam rerum corruptionem. Ad haec, cui tenuis aëris substantia fluit refluitque? cui pelagus & flumina pisces alunt? cui vegetantium tot species, metallorum varietates, bestiarum & jumentorum ordines, serviunt? Finiam denique sermonem, si dixerim Opificem mundi sapientissimum, ab omni naturae fabrica tum demum manum summovisse, ac vacuisse, cum in medium productus est homo; perinde ac complementum, absolutio, & summa rerum omnium, evenisset. Verum, en felicitatis humanae levitatem! divino huic mundi miraculo, rerum omnium ornamento, finique, subito, suo uno praevaricatu multi subinde suscitati sunt hostes, & nulla ex omnibus fuit creatura, quae, velut livore percita, adversus unum hominem non exsurgat ac pugnet. Enimvero nostri malignorum siderum aspectus, influxus eorundem nostri; post quos obstant, coinquinatus cometis aër; noxii terrarum halitus; elementorum transcursus; pestilentiarum excursus; stirpium venena; fossilium miscelis infectae aquae; ferarum morsus; terrae motus; infesti venti; pluviarum madores; sub syrrio squalores; brumae rigores; variae denique coeli permutationes, nedum indies, sed interdum in horas, quarum omnium vi & inevitabili insolentia languescat, & aegrotescat, discrimen subeat & oppetat, homo. Quod exitium, & quae mala, ubi humorum quaternio non invexerit, dissidentium assidue sub venis, praeter haec extra stagnantes alii, velut in lernaean palude, multiplices & horrendas eruptiones, & monstra, produ-  
ducunt,



ducunt, quibus exosam perpetuo vitam miser transigat homo.

Sed innumerabiles alias hominis calamitates quis memoret satis? Unam ex tot omnibus commemorabo potissimam, quae dicta nobis est *ἀγχόνη λοιμώδης*, *Tonsillae pestilentes*; ab aliis vero nostris aut *strangulatorius faucium Affectus*, aut *Carbunculus pestilens*, aut *Laqueus gutturis*; à plerisque *Passio anginosa* Barbare & inscite: quibusdam aut *Ulcus Syriacum* Aretaeo, aut *Tonsillae Pestilentes*, Aëtio Amideno. Posset vero, siquidem insolentiam & diritatem hujus vitii spectes, nominari Dei vindicis ira, flagellum augescentis e merito mortalitatis, sacra lues, dirum supplicium, furiale venenum, persephones gladius, charontis vectura, limbus exsaturatus, & aliis ejusmodi notis notari. Enim vero, ex hujus unius pestis vi, plus millium praeceptos de matrum gremiis, de parentum complexibus querimus, quam fuerint in bello Trojano furore gladii jugulati. Porro Deus Opt. Max. antiquitus indignatus humanae gentis criminibus, hanc aquarum illuvionibus, & igni, dederat perdendam: nostro vero aevo, me hercules, execrando teterrimae huic pestilentiae laxas dedit, habenas, ut non facinorosos & perditos, verum innocentissimos hominum & malefaciendi nescios, & sceleris puros, pueros, commutatis quasi vicibus, & inversis, inperscrutabili certe fato, cunctos absumeret & averruncaret. Quod sane malum, durior sit cauti- bus, saevior hyrcanis tygribus, homo, qui serio non lugeat, ac totis animi sensibus non commiseretur. Theodatus vero, qui commiseratus humanitati, miseris tempestive succurrat & opitule- tur. Utinam igitur liceat quandoque nobis quampiam comminisci rationem, quae futura sit usui; profectam videlicet ab eo fonte, unde & morbum modo dixi profectum. Porro vel apud Ethnicos exstat, bina Jovi pro pedibus esse dolia, alterum boni condum, alterum mali. Quoniam igitur, ab Jove arbitro rerum expectare maturam opem, haud in nostra facultate reponere, debemus, anne subsidium ab ipso desides & ignavi maneamus? Verum huc nos monuit alicubi Maro,

*Alitur vitium, vivitque tegendo:*

*Dum medicas adhibere manus ad vulnera Pastor*

*Abnegat, aut meliora Deos sedet omina poscens.*

Quamobrem allaboremus, & vires nostras omnes intendamus. Nam facientes adjuvat Deus, auctore Varrone, Latinorum om-



nium doctissimo. Sic fortasse futurum est, ut nostris humanitatis miserae promerendae studiis adesse velit dignitatum Numen. Age igitur ad rem cominus accedamus: primum autem de praescripta nobis lege, ac competenti demonstrationis modo dicamus.

Aggressurus ad disputationem mihi primum ipse praescribo modum, nec non rationem philosophandi constituo, qua fines medicos non exorbitem investigando, sed intra quos laxitatem omnem inquirendi contineam; ne quando aliter agens, quam ex munere debeam, minime spectantis ad rem officii reprehendar. Quippe ex unaquaque facultate, in qua est quaestio, non aliunde ducenda sunt argumenta; atque adeo de rebus medicis medice, deque physicis physice disputandum est, quantum rei subjectae natura petit, ut haec indagetur, sumendo, scilicet, non probando. Quid autem ex aliis facultatibus, quae genere non communicant, neque principia habent syngenea, petantur argumenta? Porro, magnus Hippocrat. in l. de principiis, scripta reliquit haec initio. *Ego ad hunc usque sermonem communibus sententiis utor, tum aliorum, qui me praeceperunt, tum etiam eis. Necesse enim est commune principium sententiis supponere eum, qui velit hanc de arte medica tractationem componere. Verum de rebus sublimibus, in aëre ac coelo, neque opus habeo dicere &c.*

Qui idem Vir, & libri de natura humana principio, praefatus est: *quicumque de natura humana amplius differentes audire consuevit, quam ejus ad Medicinam pertinet, huic commodum non est hunc meum sermonem audire. Tertio etiam, in l. de veteri medicina, monuit, oportere arte tradere vulgo nota, γυναικὶ λέγειν τοῖσιν δημήτηζιν: quod & alibi solenne, ac frequens, summi Dictatoris praeceptum ego spectans, in hac mea, de pestilente ac strangulante pueros Abscessu, disputatione servabo. Itaque abstinendum judico Astronomicis, Metaphysicis, Divinis, & hoc omni genere alieno. Quamquam obtrudes fortasse, quod idem Hippocr. in l. de aëre, aquis, & locis, disertis verbis dixit, sane non minimam partem conferre in re medica consultam Astronomiam. Verumtamen quid ipse senserit Astronomiae vocabulo, declaravit protinus, cum ait; *quum una cum temporibus & ventriculi in hominibus commutentur.* Nimirum Astronomia est, Hippocrati, certa ratio mutandarum tempestatum, à siderum ortu & occasu, & à com-*

motis



motis ventis, & aëre inalterato, nascens; non ab astrorum, ut dicunt, aspectibus & configurationibus, quae damnata semper, ut Seneca prodidit in *apocolocyntide*. Huc quidem causarum investigatione gaudeant, utanturque, quicumque velint; nos medica tantummodo lance pendemus omnia, quae incidant in rem istam.

Aliud quoque praescriptum sapientissimus idem, seu contemplandi, seu scribendi, Dictator imposuit, *libro de carnibus* antecitato, dicens; se thesin aliquam ostensurum aliorum sententiis in hypothesein uti suetum: quem vulgarem ego morem, ut ferrem, necesse est, nisi actum agere debeam. Quare cum scriptores praestantissimi de hac eadem re pleraque comprehenderint, à conjunctis jam recepta & vulgata haec, ut recipiam, supponens, & non inculcem, jure fiet, quae sunt haec. *Primum* historia mali cum circumstantiis omnibus accurate descripta, quia monstratur, & ab Anno 1618. erupisse insuetum inter nostras gentes affectum, qui homines, potissime pueros, extincto vel praeccluso spiritu, novissime interimeret. *Deinde* velim apud istos eosdem auctores legi, quae praecesserint constitutiones, sive austrinae atque humidae; sive, ut aliis placuit, squalidae & siccae, propter cometas. Video autem plures, & prudentiores, auctores in priorem accessisse sententiam, quam & ego sequor.

*Tertio* non insumam anxium laborem in declinanda sede affectus, aut vitio ipso, cum universa descriptione interni, externique, characteris, cumque infinitis plane modis & accidentibus ejusdem; quae res & nulli non compertae sunt, & ad stomachum usque expositae, per omnes quos dixi. Verum contentus ego sola diagraphae veterum auctorum, quae communis ad unguem est vitio, quod in praesenti visitur. Hypotyposis autem morbi nostra esto haec.

## P A R S. II.

### *Descriptoria & Semiotica.*

**M**Orbo huic τὸ θείον, quod Hippocrates primus adstruxit, nos divinum dicere consuevimus, esse nemo dubitavit ad



hanc diem; sive quod Dei provisoris vindiciis immissus, ut initio praefati fuimus, sive quod aëre communicetur, sive quod occultae sit naturae: quae tres effatus divini sunt interpretationes Medicorum communes. Nimirum hunc, An. Christi supra MDCXIX. in nostram gentem ingressum, antecessit boum annua lues; qua mirum in modum strangulati concidebant. Cum enim primum homines incescit iniqua lues, demirati satis non sunt tam Medici, quam naturae interpretes omnes, immanem tum afficiendi, tum conficiendi, modum. Exstant de hac re propria & peculiaria Aretaei Cappadocis monumenta; quae, quoniam brevia, compendiosa, luculenta, accommodata, rata, & gravitatem & majestatem Hippocratis referunt omnia, praestiterit semel integra, quam concisa saepius ac disiecta produci: tum ut antiqua morbi idea, quantum hodierna coëat, perspicui possit; tum ut suo quasi *πρωτότυπον*, & exemplari norma, ad exercitationem hanc omnem parato, nobis liceat uti. Interim autem audieris summum Virum quasi vices nostras loquentem, c. 9. l. 1. *de causis & signis morborum*, in hunc modum versione Junii Pauli Crassi; *Ulcerata tonsillis fiunt aliqua mitia, familiaria, non laedentia: aliqua aliena, pestifera, necantia. Mitia quidem sunt munda, exigua, non alto descendunt, non inflammata, dolorem non excitantia. Pestifera sunt lata, cava, pingua, quodam concreto humore albo, aut livido, aut nigro, sordentia. Id genus ulcera Aphthae nuncupantur. Quod si concreta illa sordes altius descendit, affectus ille Eschara est, atque ita Graece vocatur, Latine crusta. Crustam vero circumveniunt rubor excellens, & inflammatio & venarum dolor, quemadmodum in carbunculo & exiguae raraeque pustulae, quas Graeci Exanthemata vocant, orientes, hisque aliae supervenientes, in unum coalescunt: atque inde latum ulcus efficitur. Id si interius in os depascendo serpit, ad columellam usque pervenit, ipsamque exedit, & linguam etiam occupat, & gingivas & frena, id est, dentium alveolos; dentesque inde labefactantur, & denigrescunt. In collum etiam phlegmone erumpit; atque isti, haud ita multis diebus post, phlegmone, febribus, foetore, inediaque, consumpti intereunt. At si in pectus per arteriam id malum invadat, illo eodem die strangulat. Pulmo enim & cor neque talem odoris foeditatem, neque ulcera, neque saniosos humores, sustinent, sed tussis spirandique difficultas enascitur. Causa maleficii tonsillarum est frigidorum, asperorum, calido-*



lidorum, acidorum, adstringentiumque, devoratio: quandoquidem haec partes pectori ad vocem, spiritumque, edendum inserviunt, & ventri ad alimenti transmissionem, & gulae ad ejusdem devorationem, obsequio sunt. Internis vero partibus si quod contingat incommodum, ventri videlicet, gulae, & pectori, ad isthmum & tonsillas, & loca ibi posita, mali consensus & eructationes perveniunt. Quapropter pueri usque ad pubertatem maxime hoc morbo tentantur: praecipue namque pueri multum frigidum aërem inspirant; quoniam in his plurimum caloris inest, & ad cibos intemperantes sunt, & varia concupiscunt, & frigidam potant, & excandescunt, ac ludentes, altius vociferantur. Puellis quoque usque ad menstruae purgationis tempora haec vitia usitata sunt. Regio Aegypti horum affectuum plane foecunda est; aër enim spirando siccus adducitur; varios praeterea cibos suggerit. Radices enim, herbae, atque olera, ibi large proveniunt, & acria semina, & potio crassa, utpote Nili aqua. Sibi vero Aegyptii ex hordeo & ex floribus, scilicet vinaceis, potiones acres conficiunt. Syria quoque maxime illa, quae Coele, i. e. cava nominatur, hujusmodi morbos procreat, unde Aegyptia, & Syriaca, ulcera id genus appellant. Modus vero mortis quam miserrimus accidit; dolor quidem acer & calidus, qualis in carbunculo; spiritus vitiat, exhalant enim maximae putredinis odorem, eundemque vehementer in pectus spirando adducunt. Immundi adeo sunt, ut neque suum ipsorum odorem ferre queant. Pallida his, seu livida, facies, febres acutae, sitis, ut igne accensi videantur: Potum, veriti dolores, non admittunt: tristantur enim, cum tonsillae comprimuntur, aut potius in nares resilit. Cumque decumbunt, surgunt, ut sedeant, decubitus non ferentes; quod si sedent, quiete carentes, iterum decumbere coguntur. Plerumque autem recti stantes obambulant, nam quiescere nequeunt; solitudinem fugiunt, dolorem tollere dolore tentantes. Inspiratio magna est, frigidum enim aërem ad refrigerationem desiderant; exspiratio vero parva. Nam veluti igne exusta ulcera cum sint, à calido praeterea spiritu incenduntur, raucitas adest, vox nihil significat. Atque haec in pejus ruunt, cum subito in terram collapsos anima deficit. Haec Aretaeus: quae nos quidem, quantum tractatuli brevis angustia permittit, enarrare primi experiamur. Exorditur Auctor τὴν διαίρετικὴν τῶν μεθόδων, à discriminibus tonsillarum, summa, scilicet, & prima tractandi omnium hypothesis; sine qua luce, aut duce, neutiquam bene processisset ὁ Ἀρέτιος & quasi ὁ ἀληθ-

ἰός.



δοι. αὐτῆς: *Aliqua aliena pestifera necantia alterum membrum.* Finita autem si recte dicta percipimus, utraque non laedentis lethaliter uno, & necantis altero, termino. Mitia igitur non laedens genus rite sequitur, utque minime crudum, sed coctionis particeps est, à fructibus & pomis ducta similitudine, & vocabulo. Proprie enim, quod coctum & dulce est gustabili cuiquam, id mite est pomis, si quando dictum est Poetae, *Sunt nobis mitia poma.*

Vise autem, quae de miti vocula differuit Ludovicus Duretus. Jam vero mitium classem & comitatum infra accensebit Auctor. Interim, amice, advertis his tractari, proponive, tonsillas eatenus, quatenus ulcerosae vel ulcera sunt, haud vero, uti tubercula; quippe post unam inflammationem in haec non consistentes pergere consueverunt in ulteriorem Abscessum: quinimo, ut *in c. 9. lib. 1. de morb. acut. curatione* ait; Illitiones acrium medicamentorum faciendae sunt, neque enim ulcera quiescunt, neque crustae in superficie fiunt, q. d. sed intimis glandulis familiaria. Sunt quippe *tonsillae* plerisque inquilina & consuetudinaria, ut puellae cuidam e Caracciolis, & Marchioni Mirabellae, quod fit, scilicet, propria & privata capitis & cerebri crassi & conformatione. Quemadmodum enim externo collo luunt strumas, qui compressis utrimque temporibus, latis genis, & maxillis, sunt homines, Arnoldo Villanovano; ita & interno gutture, sub male constructo capite, debent incurrere *tonsillas*: alii fortassis autem, quod familiare est Aretaco, illud est, quod spectavit Aëtius, dicens, aliquando fieri *tonsillas* consuetis inflammationibus, familiaribus autem tonsillis ἀντισπρίφοντα respondentia sunt, quae mox subdidit auctor *aliena*.

[*Pestifera necantia.*] Latinis hominibus eadem fere sunt haec utraque laxius scilicet usurpato pestiferi nomine. Verum non ita quidem apud Physicos & Medicos, qui pestiferi vocem volunt pressius esse, id quod est à Peste: haec vero, quoniam non perpetuo necat cunctos, verum hanc plerique seu natura, seu arte praeterfugiunt: ideo subditum aliud, [*necantia.*] Noto autem gradatim haec proposita aut potius disposita: quandoquidem ab alieno gradu ad Pestem itur, ab hac vero ad interitum. Pergit autem καὶ τῷ σφωτέρῳ σαφηνίαν noster auctor, exponitque



que initium ordinem, quae sunt [*Munda*] id est, pauca & exfortia fordoris, de qua non longinque dicturus est. Attinet autem hoc ad habitum & qualitatem. Caeterum quod ad τὴν ποσότητα ἢ τὸ ποσὸν attinet, adscribit & exigua: porro exilitas si quo in vitio laudabilis est, in *tonsillis*, & locis alioquin isthmi μικροκοσμάδης laudabilis est cum maxime; praeterquam, quod exilitas tumoris una prae se fert vitii mendicitatem sua natura; quamquam haud ignoro saepissime fieri, ut sub pusillulo tuberculo, & vitii cicerculo, latitaverit, & conclusa fuerit, vis veneni magna: quam equidem ad creperis miculam, ferociae dissonantiam, ostendi luculenter in perdolentibus impressuris condi. l. 4. *de recond. Abscess. nat.* recte hoc, inquam, fieri. Verum exilitatem probari per Aretaeum, quae accedat ad puritatem etiam, & ad τὴν ἐπιπολὴν καὶ τὴν ἐπιφανίαν; ubi videlicet ulcera non sunt alte descendencia; adde, neque inflammatione, neque dolore septas; quibus utrisque affectibus expertia non sunt tubercula, quae ambitu minimo ingentem complectuntur malitiam, & quibus utrisque affectibus tonsillae, vel quae mites fuerant, efferantur.

Pestifera posthaec describit à latitudine atque altitudine, excavata, quasi dicat per omnes spatii dimensus extensa putredinis infrenis depastu, quae *nome* dicitur Graece, ab auctore nostro paulo posterius exponenda; eo quidem futura deterior, quo se in exsangues & spermaticas particulas, id est, in nervos solidos & in membranas, ne dicam in ossa descenderit.

[*Pinguia*] non natura me hercules, sed putredine, quae in ossa defixa haec etiam pinguia reddit, auctore Cornelio l. 8. cap. 3. Est autem pinguitudo ista resoluta substantia per vim caloris extranei. Postquam enim calidum ἐμφυτον elisit atque exterminavit, vinculo, quod partes exhausti corporis colligabat, abactō, secedunt eadem & nullo praesidio fotae secedunt in limosam quamdam substantiam, quae pinguedinem refert; & refert quidem potissime pinguedinem colore subpallido, vel inter pallorem & alborem medio: sic notat hanc Auctor.

[*Concreto quodam humore albo*] Quamquam & albo colore, qui minus invisus est, praetergresso, in lividum primum, mox in nigrum abit haec sordes, quam malo depinxi; pessima scilicet ulceris sorte, quemadmodum Hipp. l. 2. *prorrh. nota* 17. nos docuit.



[ *Id genus ulcerum Aphthae nuncupantur.* ] Elicit ex dictis *aphthae naturam*, quasi definierit *aphtham ulcus latum, cavum, pingue*, ex concremento quodam humoris albi, aut livido, aut nigro, sordescens. Cui definitioni refragari videtur auctor definitionum medicarum, cui *aphtha* est ἑλκασις ἐπιπωλαίῃ ἐν σώματι γιγνομένη. ἐπιπολάζει δὲ αὕτη ἡ ἑλκωσις μάλιστα παιδίοις. Quae Latine sunt; *Aphtha est exulceratio superficialia in ore puerorum*. Accidit autem haec secundum superficiem ulceratio maxime pueris. Refragantur, inquam, ei quod dixit [*cava*] haec, quae Graece sunt ἐπιπόλαιῃ ἢ ἐπιπολάζει. Verumtamen ut hunc nodum dissolvas, meminisse te oportet, quod sermo est Aretaeo de *aphthis* pestilentibus & malignis: alteri vero definitori obversatae sunt animo *aphthae* levissimae, & nulla cum putrescentia vel proserpentia conjunctae. Advertis autem, quod Aretaeo genus *aphtharum* ulcus fuit; definitori vero secundo exulceratio: distant autem intervallo non modico τὸ ἑλκῶς, ἢ ἑλκωσις. Nempe exulceratio minime perfectum ulcus arguit, neque numeris omnibus absolutum; quamquam contra est Aëtius, qui l. 8. c. 39. dicens; *porro si in putredinem aphtha vertatur, non convenit amplius aphtham eam affectionem appellare*. Verum huc ego, inquam, ecquis nominum imponendorum inhibeat, praescribatque, rationem? praesertim cum, anxiam nominum curam sapienti viro abundat Galenus quam saepissime.

[ *Quod si concreta illa sordes altius descenderit, affectus ille eschara est, &c. usque ad exanth. verbum:* ] Quoniam quidem hanc crustam carbunculo comparat Aretaeus, delineatam hanc accipe ex uno Cornelio, qui l. 5. rei medicae cap. 28. quod est de carbunculo, scripsit haec. *Circaque quasi crusta est; eaque inflammatione cingitur. Neque in eo loco levare cutis potest, sed inferiori carni quasi adfixa est. Idque vitium, subteraetis quasi quibusdam radicibus, serpit, interdum celerius, interdum tardius. Supra quoque procedens inalbescit, dein lividum fit; circumque exiguae pustulae oriuntur. Et si circa stomachum faucesve incidit, subito spiritum saepe elidit.* Haec quidem Celsus; quorum enarrationem si capis, hanc in nostro super hunc auctorem commentario habebis.

[ *Orientes hisque aliae supervenientes in unum coalescunt, atque inde latum ulcus efficitur.* ] Calore ad putredinem primum agente  
te



DE PESTILENTE AC PRAEFOCANTE PUEROS ABSCESSU. 523  
te, concurrentes pustulae complures in unum dissolvuntur; deinde nomen, id est depasum moliente latum ulcus redditur.

[*Id si interius in os depasendo serpit ad columellam &c.*] No-  
mae ferinae vi nimirum; quam & l. i. de curandis acutis mor-  
bis c. IX. F. describit etiam per haec: quibusdam & columella us-  
que ad palati os exesa est, quin etiam tonsillae ad basin usque & epi-  
glottidae, ac propter cicatricem devorare neque solidum quidquam  
neque liquidum poterant, sed & ipsum, quod bibebat, interdum re-  
percutsum hominem fame necavit.

[*At si in pectus per arteriam id malum evadat illo eodem die strangulat.*] Pulmo enim & cor neque talem odoris foeditatem,  
neque ulcera, neque saniosos humores sustinent. Haec ab Are-  
taeo reddita causa mortiferae destillationis. Cui tamen adver-  
santur experimenta, quod pulmo quidem vomicas & tubercula  
diuturna, & usque etiam ulcera sustineat, persistente vita homi-  
nis ad decades annorum etiam una plures. Cor vero, ut osten-  
dimus hoc eodem opere, vitia pleraque, hoc est, tubercula, scli-  
romata, ulcera, concrementa multigena & horrenda, patitur;  
quamquam autem ejus facti multiplicis plenam & satisficientem  
ibidem exposuerimus rationem; nihilominus placet magis ea  
ratio, quam idemmet protulit auctor in l. de curatione acuto-  
rum, cap. 9. per haec; *Verum si ab his, tonsillarum ulceribus*  
*puta, sanies ad interiora destillet, celeriter partes etiam, si integrae*  
*sint, ulcerantur, celerrimeque ulcera interius depasendo serpunt,*  
*atque hominem perdunt.*

[*Causa maleficii tonsillarum est frigidorum, asperorum, calido-  
rum, acidorum, adstringentiumque devoratio.*] Aretaeus quidem  
causam maleficii demonstrare volens, pravam victus rationem  
compluribus adstruit argumentis. Cujus universae argumenta-  
tionis capita, & propositiones, cum non sint declaratae satis, ne-  
que explicatae, praesertim secundum nostram inscientiae exi-  
gentiam, pace gravissimi Viri, difficile sit attendentibus, aut de-  
prehendere primum, sententiam ipsius, aut vim rationis, atque  
universam demonstrationem comprehendere. Itaque ne tanti  
Viri scriptis usi fuerimus gratis: ejus usuram dare conabimur  
cum fructu sic, ut aliquando operae pretium fecisse videamur.  
Igitur, ut intelligatur Aretaei dissertatio, proponendum est ante  
nobis, ejus propositum primum, & universus progressus grada-



tim animo percurrendus. Primum pestilentium tonsillarum vitiosus victus est caussa demonstranda; statueris paristhmia faucesque complexim sumptas pro alibilibus, simul & spiritualibus, viis, januam esse plerisque subeuntibus in corpus, tum egredientibus, substantiis, quae nihil quidem exasperando, nil pariter etiam laedunt transitu partes, cum vero exasperant & labefactant, in promptu concitatum tonsillae senserint malum. Atque pleraque sunt, quae exasperant, tum quidem per se particulam, tum internis partibus incommodando; quae tum postmodum incommoda refundunt in eandem partem, vicissitudine quadam facta. Exasperant, inquam, alimenta praetereuntia, dum subeunt in ventriculum, frigida nimirum, aspera, acria, quae vocat calida, acida, adstringentiaque. Quo facit illud Archigenis, apud Aëtium hoc sermone, c. 47. occultae anginae causam esse in quibusdam nervos, qui ad stomachum feruntur, dum male afficiuntur, & post inferioribus membris, pulmone, inquam, & cordi respirandi principium inflammant; arteriis vero, quas carotidas appellant, itemque aliis adjacentibus, inde inflammationem transmittant. Cum hoc autem in omnibus aetatibus promiscue fiat, potissimum in pueris fit saepissime, quibus inspirandi frigidissimi aëris usus multus est, ut qui calore multo exaestuent. Deinde sua ipsorum vivendi intemperantia & ciborum varietate labefactantur, & corrumpuntur succi, qui accessu suo partes pariter labefactant atque corrumpunt. Tertio, quia frigidam potant, quarto, excandescences, & ludentes, altius vociferantur.

Dixit hoc genus vitio pueros & puellas impuberes obnoxios: mox dicit & Regionem Aegyptiam, & Syriam vallosam, eadem malo comparatam esse propterea, quod incolis aër spirando ficcus adducitur. Deinde varietate ciborum, olerum multorum, item variorum seminum, id est, leguminum, quibus & Alexandrinis pravae gigni succos observaverat Galenus. Item aquae Niloticae potione crassa; nec non ex hordeo, & vinaceis, confectis potionibus acribus, biliosus creatur sanguis, qui ad tonsillas nempe laxas, & imbecilles, delatus, has inficit & conterit facile. His sic per nos dispositis & enucleatis, vides jam, Lector, *tonsillarum pestilentium* binas in universum causas, sive pueris, sive certae genti, perpetuas esse; aut exasperatis, inquam, aut ali-



alimenti vitio varie corruptis, partibus. Itaque caussa primum redditur universalis, mox puerilis aetatis & regionum peculiaris.

[*Modus vero mortis quam miserrimus accidit.*] Suspendio nimirum similis, & quod non aliter, quam laqueus praefocans interficiat: nam Graeci *anchones* suspendia vocaverunt; quae ferme verba sunt Aureliani *lib. 3. acut. cap. 1.* quod est de cynanche: exosa, inquam, moriendi fors, adeo hoc moriendi pavore consternati fuerunt magnanimi Heroës; apud Homerum, Laodamus; apud Virgilium, Aeneas, de quo cecinit Poëta:

*Extemplo Aeneae solvuntur frigore membra,  
Ingemit, & duplices tendens ad sidera palmas,  
Talia voce refert: ô terque quaterque beati,  
Quis ante ora patrum Trojae sub moenibus altis,  
Contigit oppetere.*

[*Dolor quidem acer & calidus*] Incensivus Avicennae more, *l. 1. doct. 1. sum. 1. c. 1.* rectius autem incendiosus; late undique exspirante igneo fervore, qui inseparabilis est aphthis, quas exulcerationes, habentes in se quiddam igneae caliditatis dixit Aëtius *l. 8. c. 39.*

[*Spiritus vitiatus*] Dixissem equidem potius halitus, *baleine* Gallice. Exhalant enim maxime putredinis odorem; id quod fit quidem certe pestifera corruptione; verum is foetor uberissime nanciscitur caussam ex conditione partium affectarum, quae sunt adenes, carnes, puta, humidissimae & flavissimae; in angulo praeterea loco conclusae; quae inter omnes minime possunt respirare.

[*Eundemque vehementer in pectus spirando adducunt.*] Ut gaudet porro spiritalis, vitalisque, praecordiorum natura, puro limpidoque aëris attractu: Sic contra tetro & coinquinato tristatur. Jam audi diligentiam & emphasin Aretaeam; namque addidit quasi cogi naturam, ut abunde attractum aërem foedum cogatur attrahere; attrahit autem abunde in tanto aestu, in quanto sunt anginosi, praecipue pueri, natura calidissimi, ut praemonuerat dudum.

[*Immundi a. s.*] Exaggerat immunditiem, quae est tanta, ut neque ipsi suarummet carnum foetorem ferre possint, q. d. quando igitur gravius ferant adpropinquantes.



[ *Pallida seu livida facies* ] Vitio praecordiis incumbente , à pulmone praesertim , qui de proxima vicinia , qualis ipse est , tales & genis refundit colores.

[ *Febres acutae , sitis , ut igne accensi videantur.* ] Facta compressione , & putredine inita , partium respirationi dicatarum ] & saepe etiam praecordiorum ipsorum. Id equidem per initia fieri vidi , rarior autem caussos febres nostro tempore : quin , ut vere dicam , videntur tepetiores , atque ut capite septimo vocat hic idem auctor , ignavae , molles , nihil proficientes.

[ *Potum.* ] Et hic emphasis etiam est ; quippe quod maxime avent per sitim , idem per alia incommoda refugiunt & exhorrent : adeo praeponderant haec incommoda frigidi , humidique , appetentiae. Sunt autem incommoda duo gravissima , & potu tonsillas comprimente , & eodem per nares à faucibus fluente.

[ *Cumque decumbunt.* ] Pergit Emphasis , quod , quum maxime adpetant , & consulturum sibi credunt componendum corporis modum , hunc experti continuo renuunt ; atque uno eodemque tempore decubitum cum sessu commutato , mox sessum cum decubitu commutant ; & rursus , neutrum experti commodum , recti deambulant domo , quietem odentes , quae ambulatio offensa inquietas est continuo. Adeo nullus corporis continendi commodus usus est.

[ *Solitudinem fugiunt.* ] Consuetudines hominum consequuntur , in qua cum doloris pars sit , se solos cernere gravatos , nihilominus hoc dolore priorem dolorem repellere tentant , sed sine fructu.

[ *Inspiratio.* ] Magna est frigidi aëris usu & inopia ; sed nihilominus ample inspirati , non tanta identidem est respiratio , q. d. ( ἐμφατικὸς γεφυρὸς est ) ingressus & egressus ratio par , monstrante Gal. in l. de respir. at ne respondet tamen regressus ingressui propterea , quod plus attrahunt refrigerandi aestus studio , quam reddere possint , non reddant autem mali cujusdam fuga & concepta omnino cautela , ne retorrída ulcera retorreant insuper efflatu fervido.

[ *Raucitas.* ] Est alluvione humoris .

[ *Vox.* ] Nihil significat , corruptis & perversis eloquii particulis effectricibus plerisque , quae sunt gargarion.

[ *Atque*



[ *Atque haec in pejus ruunt.* ] Sic cum status languentis semper in pejus ruat, neque nocentis luis ullus modus sit, pessum-datis & prostratis virtutibus, repente spiritus deficit miseros.

Cappadoci successit scriptor Amidenus, cujus & e re nostra fuerit, pleraque ordine imitata, huc transferri. Crustosa & pestilentia tonsillarum ulcera ut plurimum nullo praecedente tonsillarum fluxu incipiunt; aliquando à consuetis fieri inflammationibus maxime efferatis perficiuntur. Fiunt autem frequentissime pueris, atque etiam aetate jam perfectis, maxime his, qui vitiosis humoribus abundant, in his, quae vere contingere solent pestilentibus constitutionibus. In pueris vero, oris ulcere, quod aphtham vocant, praecedente omnino perficiuntur. Sunt autem partim alba, maculis similia, partim cinereo colore, aut similia crustis, quae ferro inuruntur. Accidit autem aegris siccitas in transglutiendo, & suffocatio coacervatim incidit; maxime quum rubor subeat mentum, aut ubi haec acrimonia praeterierit. Nome, quae depascitur, locos excipit, succeditque una putrefactio. Cui Graecanicae morbi figurae dispar haud est Italica nostra, nisi quod paulo auctior per symptomata capitis, quae minime recensita veteribus hisce scriptoribus visuntur, non infrequenter in nostris hominibus male affectis; praesertim viris, & foeminis natu jam grandibus. Equidem inter caeteros notavi duos, qui non sine comate, stupore, caribaria, atque aliis hoc genus occubuerunt. Neque enim saeva Proserpina pepercit capiti Medici, credo, quadragenario majoris, cui nomen Philippo Lucano; cujus & Medicorum suorum, ut complurium aliorum, inertiam non possum non accusare. Altera fuit Laurentii Pharmacopoei conjux, quae delira per morbum saepe apparuit, morbo commortua. Excretionibus e naribus consuetas, putridas, pituitosas ichorodis, aliquando cruori commistae, aliquando dumtaxat cruentas merae: Qua de re audi nobiles Historias.

Puella nubilis in Parthenophylacio Spiritus Sancti, eodem adfectu dire gravata, cum exitum e strangulatu exspectaret, ex subita haemorrhagia profusiore praesentaneam opem sensit; postremo vero ex malo ori venefico servata, incertum, qua nova morbi vi fuit inopine sublata. Verum ea fortasse causa, quam ab Aëtio traditam paulo posterius exponemus. Interim  
scire



scire licet, unum e tribus pueris, qui pessime habuit inter caeteros, & nervorum languore relictum cruribus adprime inbecillum, atque oculo strabum transvoratum, verum sic impeditum à diu praeterito adfectu, ut vix emollitum humore panem dimittere valeret: quamquam duriusculas panis offas, & solidas molles fabas, ingereret commodiuscule. Quorum duorum paradoxorum symptomatum, problematumque, rationem gravissime declaravit Andreas Caesalpinus in *l. 2. controvers. med. c. 13.* Referentem hunc quia mihi referre non vacat, adi. Qua eadem sanguinis per nares excretionem facta puero decenni Joan. Laurentii Bozavotrae filia salus perfecte reddita est: quamquam hic jugularis venae sectione fuerat egregie levatus: observata haec Mutio Capalbo Medico, qui ad Galenicam medicinam, Hermeticam peritiam belle addidit. Indicant haec porro non obscure superiorem tonsillis loco adfectam sedem, quae cerebrum est.

Cui nostrae suasioni favet Anatome complurium corporum vi morbi enectorum, in quorum capitibus exsectis reperti grumi sanguinis lato schemate diffusi, sub maximos sinus membranae crassioris.

Observationes. *Paedanchone*, in cadavere septennis pueri Valetudinarii incurabilium dissecto, observata 1642. mense Novembri. Sterno resoluta & costis utrisque dissectis, exstitit pulmo latis maculis praelividus & prope niger; auricula cordis dextra grumis sanguinis plena, venae omnes pulmonis & cordis distentae, vena cava infectu suo adaperata sanguinem atrum & grumos reddidit, sic & ventriculi abunde saturi sanguine: in capite una cum facie praetumido facta dissectione, reperta inter cutem & musculos temporarios pituita mucosa citrina, longo ad malos usque discursu. Ossis testa reclusa, venae membranae tenuis distentae undique sanguine, sic item & omnes sinus crassae membranae, sic & rete mirabile; vasa ad summum omnia gravida sanguine, quae cerebri basin emensa medullam nutrire fuerant parata. Pervestigata larynx crustacea quadam pituita, facie exteriori contacta, citra ulceris speciem.

Mortuus est puer octennis, septimo post die, anhelus & anxius, recto plurimum capite cubans: mihi quidem angina illa sicca visa est Hippocrate descripta *l. prognost. com. 13. part. 16.* & ab Aretaeo *l. acutorum*; de quo supra.



Accedit & quod in duobus filiis Jacobi equitatoris, extra portam Regalem, pueris provectioribus; & in Dionysio Severino, quinquenni puero, dira lues nares utrasque compleverit putridis & praealtis aphthis, quae viru putidissimo manabant. Quid? quod cum putrilaginem reddere visae sunt nares, ut cerebri substantiam retulerint, testante Joh. Baptista Ferrario, Medico nostrate, ingenii singularis. Sed & illud silentio non involvendum, quod etsi *Tonsillas pestilentes*, & *Ulcus Syriacum*, hocce vitii vocitemus; nihilominus observatum est saepe supra strangulatum, & puris jam ulceribus sublato pueros morbo, qui liberi fuerant reputati. Quinimo post triginta dies, & quadraginta, jam praerepti morbi furoribus, praeter omnium opinionem, ex improvviso sunt extincti. Adeo, scilicet, latitans & recondita veneni vis est.

Sed cum his etiam morem morbi venemur praecipuum; est enim & aliud discrimen nobis observatum, apertis formis, quarum altera est acuta & ferme furiosa; altera prope sedata & lenta: quas utrasque fortasse determinat temperatura corporis, humor praevalens, habitus, sensus, mos; & haec quidem in eadem urbe, oppido, pago: cacterum, in longinquis & dissitis locis. Binos hos duos morbi mores definiverunt quoque, constitutio & tempus anni, aër, aqua, loci, victus, & caeterae quaedam occasiones, aut causae. Acutus quidem morbi mos, & ferventioribus symptomatis, & febre ipsa, septus est, acriori: contra vero, lentus & serotinus mos sedatioribus, & est motionibus, transcurfibus, ad tempora. Reliquum vero, quod concitator inflammatione & acrimonia non sit; nihilominus neque sua deficit nocendi vi & virulentia, si quis sit, qui sagaciter & oculate dijudicare vitium, per leves suas conversiones & imutationes, norit. Porro dolor altius nutrit, & tacitam improvidae naturae perniciem struit. Ita fit plerumque, ut, puris apparentibus locis ulcerum, & crustarum, opinionem boni faciens, tamen exfugit vivificum genio nectar, & ceu falsus Dux vitam in praeceps deducit: quem in multis ludificatum superiore nos sermone retulimus. Quamquam & in hoc saepe transcurfui innocens, & infraudulentus, est idem morbus: quam sinceritatem etiamnum agnoscere, ac deprehendere, debet is, qui dextre curat; ne, suspicione malorum adductus, pleraque faciat,



quae fuerant minime facienda ; tam quidem adversus creditam vitii vim pugnans chirurgia & medicamentis gravissimis, tum ne natura competenti victu fovens & laxans, ubi licet. Verum haec ad medendi providentiam, & ad cautiones, pertinent, de quibus suo loco. His adde per nostros omnes scriptores observatum, nostra magis quam interdum gravare decumbentes : & horum plerosque recta cervice respiratum capere, cum patore, ut Scribonius loquitur, majore narium & diductione. Praeterea collum, & glandulas, & per se fotum extumescere, quin & ad superiorem thoracem excurrere latum oedema. Quae autem in sporade Angina indicium erat boni, extumescencia, hoc pestilentis argumentum est certissimum, saniem, & cruore confusas pustulas nigras, hoc illo loco, parvas ; ectymata & pustulae publicum morsus referentes ; lumbricos, vomitus, febrem ; postque omnia servatus homo restat languidus, stupens, & in multum tempus imbecillis.

### PARTICULA. III.

#### *Disquisitoria caussarum seu aetiologica.*

**I**Am vero majore labore dire depopulantis affectus naturam, ac τὸ τί ἐστι, pervestigemus, de qua re nostri omnes certant, & adhuc sub judice lis est. Constitutum est apud universos ab aeo Philosophos, ubi rei cujuscumque est abdita natura, hanc à suo proprio, & inseparabiliter assidente conditione, venandam & cognoscendam esse : hanc unam & singularem in obscuris investigandam viam esse. Atque si propositi mali vel vere proprias, vel proprii locum obtinentes conditiones, acri mentis indagine perscrutemur, facile deprehendemus, & contagiosum, & pestilentem, affectum hunc esse. Quod autem ad contagium attinet, hoc tum communi omnium consensu, atque experimento, evincitur, tum etiam comprobatur ratione triplici, à priori nimirum & à posteriori. Ratio quidem à priori paulo posterius exponetur : interim contenti simus à posteriori illa, qua docetur, insigni & tetra putredine, septos morbos omnes contagiosos esse. De quorum numero sunt expendendae conditiones, quae doctis



doctis omnibus, & Hieronymo Fracastorio, recensentibus numero sunt tres. *Prima* est, quod contagium nititur, & sese promovet seminariis, quae calida sunt, & humidae particulae putres divaporantes a subiecto corpore: neque autem, inconsulto, binæ istae ad infectionem qualitates conjugari ponuntur. Humidum enim partes ejus corporis, in quo est, emollit & laxat, ad facilem harum separationem quasi praeparando; calidum vero sursum attollendo separat eandem: quas ob res craseos totius, seu mistionis, resolutio sequitur calido innato, innatoque humido, effluentibus. Sic certa jam est seminariorum, duarumque qualitatum in his coeuntium, necessitas. Praeter qualitates autem has primas sunt & aliae, tum secundae, tum tertiae, seminariis. Porro compactam admodum mistionem habent, cum qua lentor quidam glutinosus conjunctus est, & tum lentor tenuis, acrisque vis putredinis unius ministerio profecta. Qua quidem acrimonia ac tenuitate substantiae fit, ut isthaec seminaria facile penetrare, propagarique, possint in aliena corporis. Penetrationis autem modi sunt tres. Unus per vim analogiae; secundus per attractionem aëris, sive inspirationem; tertius per arteriarum & venarum dilatationem, quem dicunt transpiratum.

*Secunda* seminariorum proprietas est, quod in constituta, certaque, subiecta, nutum quemdam & propensionem habent, quae dicta Graecis analogia est. Haec autem est multiplex, & secundum superiora genera, mediasque species, & secundum infimas etiam; nimirum nunc ad arbores & ad sata, nunc ad certas animantium species, & ad hominem spectat; & ex humana specie partim ad sexus, partim ad aetates, partim ad certos humores, & ad certa membra occupanda, naturaliter comparata est.

*Tertia* seminariorum proprietas est, quod sordidam, conclusamque, putredinem habent. Sordidam intellige, in qua non superficialis, sed profunda, & secundum totum, fit putrefactio evaporatioque corporis putrescentis. Conclusam autem dico, non abeuntibus à corpore, quae evaporant, sed sese agitantibus & fervescentibus intime. Cujus quidem rei causa est lentor & tenacitas materiae putrescentis, qui lentor adhaesu firmo non finit quidpiam extra mitti.

Haecenus de *contagii* complexu & propriis conditionibus;



nunc ad pestilentem morbi conditionem, brevibus enarrandam, accedo. Atque haec etiam plana est per definitionem à probatissimis auctoribus traditam, & sub tribus, ut vocant, additamentis comprehensam; quorum prima est epidemiae mentio; secunda, putrescentis aëris ambientis; tertia, funesti exitus à malignitate. Haec, inquam, omnia subsunt in proposito malo, quare jam *pestilens* idem fit oportet.

Quibus jam constantibus, accedo propius ad rei caput, & primum ad morbi procreationem; & quoniam, inquam, monstratum est, luem per analogiam ad aetatem, ad certas partes, certosque humores, spiritu attractos, insinuari: dico labis istius analogiam spectare ad puerorum naturam, ad sanguinem crudum, & ad cerebri domicilia. Haec singula accommodata & propria pestilenti malo nostro esse videntur.

Analogia quidem ad puerorum naturam longa observatione certa est; ratio vero incerta. An enim fortasse fit, ut sic comparati pueri sint, propter excedens calidum & humidum; temperaturam, nimirum, ad putredinem & ad pestem concipiendam, ut Mercurialis notavit, quam maxime accommodatam. An vero huic affectioni sunt obnoxii pueri propter naturalem impotentiam, obsistendi causis istis morbificis? praediti scilicet, imbecillo, tenero, laxo, spongioso, corpore, & multo maxime cerebro. An fit inordinati victus & vitae causa? qua subinde sanguis redundat crudus, atque adeo coinquinatus hic & impurus fit paratior ad putredinem, & exinde ad luem recipiendam, Quo loco dicam tempestive de analogia, quam lues haec habet ad eundem, crudum, coinquinatumque, sanguinem. Analogia, inquam, non aloga, id est, irrationalis, sed certe consentanea: quandoquidem in habentia symbolum facilis est transitus. Atqui habent haec symbolum, seminaria scilicet calida & humida, in sanguinem item calidum & humidum, & impura in impurum.

Restat exponenda analogia, peculiarem sibi vindicans partem, necessaria quadam lege praescriptam, ut disertissime demonstravit G. Fallopius, *l. de morbo gallico, c. 36.* quae, mea quidem opinione, cerebrum est his argumentis. Nam eo primum supposito, quod probatissimorum omnium auctorum consensus docuit, contagium ad distans, atque omnem pestilentiam, com-

mu-



municari per aërem coinquinatum: porro aër Hippoc. *l. de morbo sacro*, primum admittitur à cerebro, relinquens in ipso suum ipsius vigorem: si enim, inquit, in corpus primo adveniret, & posterius in cerebrum, dignotione aut judicio in carnibus & venis relictæ; ad cerebrum calidior jam existens perveniret, & non sincerus ac purus, sed admixto humore à carnibus & sanguine. Haec ille: quibus accedit, quod cerebrum ad patiendum, & ad suscipiendum, maxime imbecillum & minime obfistens, molle, scilicet laxum, ac praesertim humidum, glutinosum, est; quod unice facit ad concipiendam labem humidam & glutinosam. Ad haec cerebrum est glandulae consimilis, nisi nos fallat Hippoc. *l. de glandulis n. 7.* atque glandulas apprimè corripit pestilentia; nimirum parotidas, alas, inguina, quod experimento quotidiano docemur.

Postremo constat sanguinem foedum, putridum, putidemque, manare sub ista lue de naribus, & vocem rancidam ex his prodire: quod partim humorem, ut dixi, crudum, partim affectam sedem, ostendit. Atque haec de generatione sint satis. Quae cum demonstrare voluerim, naturalibus adductis causis manifestariis, non est tamen, quod occultae morbi formae fuerit oblitus.

Generationis nunc modus tractandus sequitur, qui sic habet. Deductus aër putris per canales priorum sinuum cerebri, pervenit ad retiformem plexum arteriarum & venarum. Ibi primum corrupto sanguine mox secedit, & penetrat corpus cerebri: quod corruptum restat à postremo contagio, quo tempore consummatur status & forma, sive idea, morbi. Haec enim, inquam, sphacelismus est, & corruptio cerebri, ex qua deinde sequuntur affectus alii, ac symptomata omnia. Quod corruptio autem sic cerebri, ne quid te moveat, audi Hippocratem, qui *l. 2. de morbis n. 1.* *Corrumpitur, ait, cerebrum, cum aut nimium calefactum, aut perfrigeratum, biliosum, aut pituitosum, plus solito factum fuerit.* Et. *de coacis pag. 177. col. 1.* *cerebro corrupto alii in tribus diebus, alii in septem moriuntur; hos vero si effugerint, servantur.* Cujus est similis sententia, in *aph. 51. l. 7.* quo loco Galenus corruptionem non accipit vulgari modo; sed, ut docet Marinellus, nativi caloris exsolutionem à materia praevalente. Ad quam quidem opinionem si accedimus, non mirabile fiet,



quod morbi quidam & laesiones cerebri non consequuntur perpetuo, ut apoplexia, catalepsis, & ceterae passiones; quae obveniunt secundum nervos, & sinus ductusque, cerebri. Haec alioquin passio fit secundum cerebri substantiam aequaliter; quemadmodum autem ab hectica febre non agnoscitur dolor, aut alteratio aliqua praecellens: & sine his etiam ad mortem itur sic, & in re nostra non est cerebro praecellens officialis aliqua laesio, praesertim exordio, sed conclusa illa & profunda labes, cujus memoriam ante fecimus; tacito quodam exitio perdit omnem ejusdem crasin, quae dum fiunt, communicatur & subjectis partibus vitium, id est, vicinae tracheae, pulmonibus, ac subinde cordi. Postremo, quibus omnibus ordine propositis, facile patet natura affectus universa; facilisque etiam fit inventio definitionis; quae fuerit, si placet, haec. *Morbus hic, quocumque tandem nomine indicetur, nominandus autem facile à promptiore symptomate Tonsillae crustosae, est fideratio cerebri pestilens, contagiosa*, à seminariis impense putridis, delatis cum aëre per ventos praesertim australes, ad glandulosas puerorum partes analogia. Ex qua definitione seu mavis descriptione, & ex qua prior nostra enarratione, subinde comprehensae sunt & causae omnes, praeter unam finalem, quae medica in contemplatione non existat. Formalis, inquam, causa est fideratio pestilens, contagiosa. Efficiens vero seminaria impense putrida, delata cum aëre per ventos australes. Materia vero fiderationis sunt humores seu succi pendentes, ut Aretaeus vocat, intra corpus subjectum puerorum; & sanguis eorum crudus, pesti maxime obnoxius & accommodatus; propter eam, quae commemorata jam fuit. Possunt & facile per haec enodari problemata quam plurima ad singulas omnes causas, & ad generationem, generationisque modum, attinentia; quae problemata, propositi nostri non est, hoc tempore explicare. Interim tamen non obliti ceterarum disputationum, quae cum hac epidemia coire solent; harum quaedam intra nos saepe, aliae & longe plurimae sunt extra nos positae, quae potissimum etiam à nostris omnibus sunt commemoratae. Illarum, quae intra nos existant, aliae permanentes, aliae mobiles. Harum exempla apud Aretaeum l. 1. *de acutis affectionibus cap. 9.* fuerit fortasse, quod puellis, usque ad menstruae purgationis tempora, haec vitia usitata sunt. Earum vero,



vero, quae in nobis sunt permanentium, exemplo sunt, endemicae tonsillae; quae, Aëtio auctore, in *Tetrab. 2. serm, 4. c. 45.* frequentissime inflammationem incurrunt; calidi & humidi cum sint earum loci. Item quod hac affectione corripuntur sic maxime, qui plurimo abundant sanguine, ac pueri, utpote crassin teneram habentes. Tertio. quod à consuetis fieri inflammationibus, maxime efferatis, producuntur pestilentes tonsillae. Ita quidem, hi bini scriptores, quibus non addimus aliam à nullo notatam, sed à natura ipsa clare docente non dicente dictatam: quae causa est prava capitis constitutio. Nimirum cum existente magna capitis prominentia postica, deest antica, cum compressis tempore lateribus ac syncipite: quibus meatibus coarctatis, cum non habeat effluxum humor per transitus & emissaria anteriora, recurrere cogitur in posteriora, & ad glandulam pituitariam, unde vitium in fauces traducitur demum. Ad haec est debilitas capitis nativa, his praesertim pueris, quibus diu manserunt inconsultae futurae, & incommissae commissurae. Insuper est impuritas corporis & adhaesus superfluitatum pinnarum, à parentibus relictarum; quae superfluitates educuntur maxime per exanthemata variolarum & morbillorum. Horum igitur inexpurgatae materiae, & adhuc fotae corpore, nonnihil adjuvant hoc morbi genus, de qua in nostra Paedarthrocace fuisse traditum est. Adjuvat & cachexia, sive semine parentum, sive lacte nutricis, inducta: cum hac autem deprehensa velim & corpora languidis visceribus instructa, quae dicta sunt Hippoc. 2. *prorrh. κακόςπλαγχνα*. Adjuvat & cacochoymia. Ad summam, debilitas sive imbecillitas; praesertim quae fit propterea, quod ex vetulis parentibus geniti fuerunt apoplecticis, epilepticis, rheumaticis, podagricis, cachecticis, &c. Quas interne latentes causas, si quis inspicere norit, mire discreverit profecto difficillime servandos à facilius evasuris. Equidem, quod ad me attinet, maximum istorum discriminum & hujus physiognomiae usum indies medendo nactus sum. His adde strumosos & tineos, & quibus vitiata pars est tonsillarum, ab alio vitio fuit: ut aphthia, ulcere columellae, carie Syphilia &c. Succedunt extra nos causae, e quibus una sum est fidus coeleste, quod astronomi taurum statuunt, dominans huic parti peculiariter, infensum pro tempore. Secunda causa est regio calida & humida,



mida meridionalis, ventis perflata australibus & calidioribus. Quod miris confirmatur experimentis. Nimirum Hispania, primum adnotantibus suae gentis scriptoribus, primo & doctissimo Johan. Alfonso Fonseca, mox etiam Andrea Tamajo, in *tractatu de Garotillo, q. d. de strangulante funiculo per vecten intorto*, prima fuit, quae mali vim hujus acerbe sentit: post haec Melita, Sicilia, Sardinia, Hydruntum, Apulia, Calabria, Latium, tota denique ditio Neapolitana, cui post annos viginti duos, mordicus sic adhaeret, ut plerique credant, post longa etiam secula non abscessuram luem. Quod autem ad ventos attinet meridionales; quia lues haec per intervalla, perque statuta tempora, insurgit, observatum à nobis est, sub austrinis constitutionibus ejus maxime saevitiam praevalere. Ad has, caussae aliae sunt, ut Aretaeo placuit, refrigerationes magis, exustiones minus, plagae frigidae, potus, ebrietates, saturitates, & mala à respiratione prodeuntia. Ab Aëtio vero nominantur, & tempestas frigida, rigidaque, fervidae & aestuosae succedens. Ita quidem ille, quibus equidem addo, venatus matutini, pernoctatio sub dio, praesertim sub Lunae radiis; ventosa & frigida, aquosa, palustris, hospitatio; fungorum abliguratio. Post haec victus ratio est; de qua, sicut jam legimus, Aretaeus. Addunt & Spagyrici, e quorum numero primus Theophrastus est, l. 2. *Chirurg. Magn. cap. 1. sub. F.* ex majore mundo in minorem deductam *prunellae* caussam suo ipsorum sermone vulgatam, quae est *arsenicum* & *realgar resolutum*; de qua re lege *Chirurg. Spag. S. 1. cap. 9.* Johan. Petr. Fabri, Doct. ipsi Medici, Philochymici praeclari.

Cacterum sunt aliae caussae à principibus nostris scriptoribus assignatae, maligna inquam & epidemica destillatio; quam nitrosam voluisse Hippocratem, certa suadet conjectura, de cujus usu & atrociam vide l. 1. *epidem. sect. 7.* & enarratorem Galenum. Videtur & alia caussa producta à Theophrasto, qui, cum constituerit tres Pestis ideas, *unam à resoluta sale arsenicali*, à quo est *Pestis* communiter dicta; *aliam à sale ogertino, i. e. auripigmento*, cujus vitio fit *Pleuritis pestifera*; *tertiam à sale vitriolato*, per quam est *Prunella*, sic istam definivit, *quod sit passio principalis cum paroxysmo proprio, existens in caloribus, ducens originem ex salibus vitriolatis.* Ad hanc autem *prunellam* cum maxime analogia



loga sit nostra *paedanchone*, haec similiter ut *prunella* causam agnoscat sal vitriolatum, extra regionem, propter subtilitatem de sua testa, alias ab Iliado resolutam, ut in *fragmentis c. proprio p. 306.* quae fragmenta fac videas compendii, nostri gratia, Lector.

## PARTICULA. IV.

### *Praesagitoria.*

SED jam tempus, ut cautiones aliquot & judicia lectioniora proponamus. Qua in re mutuabor, quae tradiderit Cappadox oraculum primum *l. 1. acutorum, cap. 7.* Tumor, foras in sublime elatus, à pulmonis inflammatione liberat: intus vero abditus, anginam patientibus perniciosum malum est. Quamquam autem id de consuetudinaria non pestilenti angina prolatum sit; nihilominus ad pestilentem transferri quid vetat? Quidve etiam vetat, ut illud, quod capitis principio proposuit, huc transferamus? Anginae, quae, compressis & submissis paristhmio adjacentibus partibus, id est, lingua, gurgulione, palato, sed interius compressione majore, inflammatione, & strangulatu, fit, quam celerrime succurrendum; quod hac aegrotantes celerrime rapiantur. Audi vero Coelium Aurelianum, *acut. morb. l. 3. c. 2.* si pejus increverit, linguae ultra dentes ad exteriora prolapsio; ariditas sive siccitas faucium; articulorum gelidus torpor; pulsus celer, densus; jacendi difficultas, & magis in supino schemate, vel in latere; frequens etiam sedendi cupiditas, item loquutio non articulata, sed confusa, atque cum dolore. At si in exitium passio coeperit ferri, livor vultus, vocis amputatio, gutturis atque pectoris stridor, & recursio sive recursus poti liquoris, pulsus defectio, quam Graeci ἀσφυξίαν vocant, & quibusdam caninus vocis sonitus, quibusdam oris spumatio: tunc etiam necessario mortis effectus. Nunc autem ex Aëtio judicia & cautiones audi, dicente, *c. 466. p. 482.* Sunt quibus etiam corroduntur gurguliones, atque ubi diutius perstiterunt, ulcerationes & in profundum proserpserint, cicatrice jam inducta adstrictiorem vocem edunt, reflectiturque ipsis potus in ipsas nares. Nam & ego puellam novi, quae post



quadagesimum tandem diem consumpta est, cum se jam à morbo recolligeret. Verum ad septimum usque diem plurimi periclitantur. Concordat Aretaeus *l. i. de cur. acut. morb. c. 9. p. 80.* Jam autem quae antehac proposuerat idem Aëtius, referre non gravabor: sunt autem haec. Febrium quoque curam habere convenit; vehementes enim incidere solent, atque in repurgandis, explanandisque ulceribus, maxime sollicitum esse. Convulsionem enim infantes plurimi passi sunt in ulcerum repurgatione: aliqui vero, via transglutiendi exsiccata, sunt strangulati. Admonuit autem & de metastasi advertenda funesta idem auctor, *c. 47. F.* quae est haec. Valde autem magna sollicitudine & contentione opus est, etiam tum, cum malum remittere videtur. Etenim ea, quae jam ex profundo corpore circa fauces attracta sunt, ex improvviso in pulmonem transferuntur, si negligantur, atque ita repente mors aegro infertur. Verum eadem ulcera cum modo memoratis, aut cum compluribus ipsorum, mala; & praeterea, si cum insigni putredine, putore, nigrore, pessima: facile passio haec ex occasione parva recurrit. Aurel. *l. iii. c. iii.* Recidiva autem inflammatio sub hoc modo malum, quod se prodit tum experimento. Verum tum testimonio Avicennae, qui *l. 4. fen. 2. tr. i. c. 20.* *Pejor*, ait, *est recidiva sua radice*; cuius rei rationem reddit, *c. 25.* dicens, *quod recidiva sua virtute debili.* Contra vero tonsillarum ulcera citra pustulam albam, nigram putredinem, putorem, febrem, dispnoeam, oedema, salutaria.

Hunc & usque etiam ad taedium, & dissidentiam, durare probatissimis medicamentis tractatam, & sedulo provisam, foedam & tetram escharam, malum; cito & quibusque lenissimis medicamentis, gargarismis & contractibus dissolvi ctustulam optabilius est, & melioribus aegri rebus: praesertim, si non recurrat eadem. Respiratum homini extenuari, remitti, naribus elatis trahi, per has vero recurrere sorbile vel potabile, ad strangulatum opprimi, gargarisatu destitui, ingestum & appetitum alimenti prorsus abjici, tumorem ab altera ad alteram auriculam extendi, aestuare interne, frigescere externe, corde dolere, nullis cumque modis concedere, medelae vitium vigorem omnem absumi, funesta ora atque etiam plerumque singula.

Prae-



Praeter haec sunt & alia, quae, ex antiquis, antecedente sermone tradita, possunt huic praesensionum parti servire; quibus tuo ipsius iudicio, Lector amice, usus, dum ego necessaria prosequor, solum dextere utaris licet.

## P A R S. V.

*Indicationum inventoria.*

**H**AEC de externis internisque causis, de iudiciis, deque universa affectus peruestigatione ac dignotione, jam ad factis: quare jam ad solemnem atque expetitam usu curationem aggrediamur. Quae nostra medendi ratio, tametsi plurimum à vulgata dissenserit, nihilominus rationi atque experimento probatior, non dubito, apparebit. Cujus haec sunt fundamenta:

I. Morbus hic nos oppugnat pravitate, non plenitudinis excessu; ergo remediis pravitati obsistentibus abigendus. Alexipharmacis quippe, quae vitii vim ex adverso frangunt.

Quoniam autem humores puerorum corporibus mali subsunt; hi propugnandi sunt catarcticis; quorum, Auctore Galeno, *com. 12. lib. 1. aph.* proprium est, succos malos à bonis secernere.

II. Verum, quia fordes putrescentium humorum densa nimis, & alte haerens, est substantia; exegit haec catarcticorum vim valenter commoventem, & de partibus omnibus extrahentem, & tam, inquam, ex inferioribus, tam ex superioribus.

III. Quoniam autem morbus cacoëthes est, ne transcurrat malitia, nulla plane mora differendum est catarcticum; verum continenter exhibendum.

IV. At quia affluxus iste sanguinis in cerebri membranas, ex proprio & peculiari suo remedio; tollitur, quae sanguinis est detractio, haec etiam est administranda.

V. Verum quia affluxus hic properus est, fitque ad partem principem; haec confertim est providenda, levandaque, primordio, quae primordio sanguinis hoc accursu gravatur. Etenim indiget, Aurelianus ait, passio repentina sanguinis detractio, ob celerrimum laxamentum.



VI. Quoniam autem mora diu tracta periculum est, ne continuo praegravetur eo confluxu; haud est e partibus longinquis avocandus sanguis per venas pedum & manuum, sed à parte viciniore, quae jugulum est; adeoque ex jugulari vena, quae cito, & abunde, & efficaciter, exhaurire sanguinem profluentem valet, interceptione & avocatione quadam facta. Confirmatur & ea insuper ratione phlebotome haec, tum propter antedictam adjuvandi vim, tum quia caeterae phlebotomae & visae sunt per vigennalia amplius spatia nil juvasse; ac praeterea nocent, quia calorem nativum & vires mollium alioquin puerorum dissipant & evertunt. Satiùs ergo per unam & efficacem, quam per multas & inefficaces, imò nocentes, fieri evacuationem. Efficax, inquam, adeo est phlebotome jugularis, ut miraculo levasse tres pueros Laurentii Bozavotiae, carpentarii Neapolitani; pone forum charitatis, visa fuerit novissime Mutio Capalbo, Medico probatissimo, Neapolitano.

Praeter autem experimenta, & rationes modo recensitas, sunt & testimonio primorum rei medicae auctorum, qui, tum ad perniciosos omnes pectoris, & capitis, morbos profligandos confidentissime descenderunt ad hujus venae sectionem, tum etiam praecise medentes huic affectui praevocanti, tum Arabes & Arabistae, tum Latini, tum Graeci primi ordinis, secundi, tertii; usque etiam Aegyptii, nostro aevo, noverunt hujus praesidii praestantiam; deducto fortasse more ac disciplina ex primo Hippocrate, quemadmodum opinatus est Prosper Alpinus, *in tomo primo de medic. Aegypt.* atque etiam ejus gentis esse fidem certissimam retulit mihi Joannes Veslingius, rei Botanicae & Anatomicae Patavii Praeceptor eximius, qui & ad ea loca diu peregrinatus est, & nationis linguam adeptus. Praeter hos autem favere sententiae nostrae videtur, & inopinato, Theophrastus, qui, *Chirurgiae minoris l. 3. c. 15.* quod est *de Alcola*, monuit haec: *Venarum ductus atque meatus deflectendi sunt per transversum secundum regionem, & postmodum hoc unguento fuerit inungendum, alias frustra curabitur.*

℞. Realgaris praeparati,  
Succi Chelidonii, q. s.  
M. f. Unguentum.

VII. Ad haec autem, quoniam excutienda, & effundenda,  
modis



modis omnibus, est malignitas, humoribus, ichoribusve, putridis & corruptis, tum per pestilentia seminaria, tum per pravam vivendi rationem, inducta; & quoniam via nulla potior, quam per halitum & per sudores: eapropter sudorifica, & per habitum corporis divaporantia, sunt administranda continuo, donec vis morbi finiatur. Quanto autem haec gratiora, praviora mole, tenuiora, vividiora, eo meliora. Talem, putes necesse est, *Aquam terrae Sanctae*, per Martinum Rulandum feliciter administratam, in *Cent. 4. Curat. 41.* item decoctum Cardui benedicti, *ad lib. dimid.*

VIII. Caeterum & ulcus privatis suis medicamentis tractandum & percurandum est. Et quia cacoëthe est, cavendum est omni studio, ne proserpat, neve, ut auctores duo nos monere, destillet in subjectas partes: quandoquidem inde gravissimum suffocandi periculum. Quoniam igitur tumores omnes malefici, scribentium omnium praecepto, scarificatu maxime castigantur; equidem scarificandae sunt & Tonsillae, cum Zaccuto in *prax. med.* & cum Mercato in tonsillis, cum Carnevali, neotericorum doctissimo, dicerem & urendas, si vel puerilis importunitas, vel necessariorum protervia, concedat. Nam nil putredini repugnantius igne: quod autem Aretaeus refragatus videatur, declarat se inficiatum propter isthmum. *p. 50.*

## PARTICULA VI.

### *Curatoria.*

SIC eodem, quem ante produximus, ordine cuncta persiciemus. Primo quidem, quacumque se hora morbus prodiderit, aut sui suspicionem fecerit, non observabimus contra catartico. Suspicionem autem si principio fuerimus accersiti, per ea, quae consequuntur indicia, comprehendemus. Sequitur autem eos, qui passione tentantur, querela sine ulla ratione, atque difficilis motus collo & gutturis subdolens faucium sensus, cum asperitate sensibilis; item difficultas transforandi liquoris soliti, salivarum more collecti; tum spirationis velut impedimentum, tumque obstantis crassioris humoris. Verba sunt Aureliani, prima cynanches initia demonstrantis, quae communia videri possunt, & prodeuntis jam jam anginae pestilentis. Haec igitur, ubi cognoveris, aut similia, continuo pares velim *Aquam*



*benedictam Martini Rulandi*, Medici, me hercules, experientissimi, commemoratam ab eo *Cent. 2. Cur. 62.* cujus Aquae apparandae ratio, quamvis ab auctore isto diligenter omnes celata, nulli unquam revelata, & sibi soli servata, nihilominus DEO Opt. Max. qui bona omnia vult diffundi, rescita demum est certissimis conjecturis, & nobis etiam agnita, quae sit. *Stibium venale, pellucidum, contritum, cum parinutri purgati modo conflagratum*, (hepar antimonii vocant) *in aquam puram, quantum digito lato superet pulverem, conjectum & agitatum sinitur, usque dum inclarescat aqua. Haec vase reclinato leniter abstracta, aut per spongiolam absorpta, & in alios usus servata: pulvis residuus exsiccatus denuo in aquam cardui benedicti conjicitur, & toto die sinitur. & inde clara accepta aqua, unciae triente vel quadrante, datur. Stomacho, cibis degravato. Brevi corpus ἀνώθεν ἔν κατώθεν expurgabit moderate, nec cum aliqua naturae noxa. Assimilis est calix Hermetice paratus ex vino diluto infuso, quem quanto cum fructu quotidie praebeam, Neapoli fama est jam vulgata: approbatum etiam à Rulando, Cent. 27. Curat. 628. Interim paratis ad rem gargarismis refrigerantibus, & adstringentibus, saepe fauces, quae revomitiones senserint abluendae. Gargarisnata autem fuerint haec principio, quae*

*℞. Aquae Plantaginis & aquae Nucum viridum exstillatarum, ana lib. ℥.*

*Acet. ros. unc. ℥.*

*M.*

*Hoc saepenumero, diu, noctuque, gargarisatum capiet aegrotus.*

Postridie per clysmum alvo exonerata sanguis de vena jugulari subtrahitor ad ℥. unius quadrantem aut trientem, usque ad semissim: aut eo demum modo, quem possit homo ferre. Dejectum nempe virium & vigoris nativi nolimus. Porro quod nos monuit Aëtius hoc eodem sermone c. 47. licet in anginae non pestilentis cura praescriptum non pigebit adscribere. Curandum etiam, ut modica fiat diductio venae. Nam quum in aliis, tum in magnis venae deductionibus acervatim animi defectus irruit: neque tamen angustiolem facere venae incisionem convenit, ne sanguis velut percoletur, & crassior ejus pars intus remaneat; quae causa hujus affectionis existit.

Si



Si in tonsillis acri vestigatu perspectis, quid displiceat, aut putre, aut sordidum, aut prave coloratum patet, tumidum impenſe aut habitu quocunque malo circumſeptum: utraſque lentus non fueris acuto ſcalpro perpungere, nimirum ut quidquid in ſe contineant virulenti, revomant ac deponant; quae poſtea quam cruorem viroſum, ſatque, reddiderunt, *phlegmate vitrioli, vel aqua nucum ſtillatitia*, ſunt eluendae. Tertium hoc opus dextre aggreſſus eſto. Cum quo commemorari licet & ſimile ſcarificatus auxilium, quem ſecundo & tertio debemus non ſolum gutturi vel tonsillarum vicinitati, quem Graeci *Anthereona* vocant, & nervis majoribus cervicis, quos *τένοντες* appellant, ſed etiam occipitio, & palis, & interſcapuleo, quod Graeci *μετάφρενον* appellant, & pectori, verba ſunt praecinentis Aureliani, in c. 3. p. 168. Per nervos autem ſitum intellige, non partem perpungendam.

Opus aliquanto ſubtilius fuerit unum quodpiam, quod complectatur ſudorificum ſimul & alexipharmacum, ac plurima quoque parte ſuperfluitates per halitum divaporans. Triplici huic operi unice accommodatum *Bezoarticum metallicum*, quod parare docuit Joſephus Quercetanus, in *Pharmacopoea dogmaticorum reſtituta*, à xv. ad xxi. granula, cum aqua Cardui benedicti in calido, vel conclavi, vel aeſtuario, decumbenti praeſtandum; quod Bezoarticum mane ac vesp̄ri offerendum, ad ſudorem quidem evocandum ſemel, ſi bis inaniendum corpus vereariſ. Caeterum alio tempore ad tutandum à vi venenata hominem & roborandum. Frequentius autem utariſ licet, atque etiamnum tantisper dum fracta viſ vitii videatur. Mira quippe noſtra & Joſephi Donzelli, Jatrophaarmacopoei noſtra in civitate ſolertiſſimi, ſunt experimenta, quod vel conclamatos jam aegrotos ſublevet & confirmet hocce genus Bezoartici: quod ipſum & infantibus, & lactantibus ex lacte ipſo vel juſculo exhibet commodè granorum v. vel vj. quemadmodum & animalis Bezoartici, pondo: commodum, inquam, infantibus, tum quatenus aphthae, tum quatenus inimicae lui contranitur. Verum cum ulceris cauſſa adminiſtratur, aptius tu *rhodomelite*, vel *infuſ. roſ.* excipitor, *terram ſanctam* in aqua potabili ad unc. v. miſcuit Martinus Rulandus, cent. 4. curat. 41. quod tamen medicamenti genus à ſe non expoſitum, ſed ſub velo repoſitum in-

com-



compertum est nobis , nisi divinantes velimus esse apparatus quempiam , & uti dicam *eviratum Stibii* , qui fit igne in ipsum , & commixtum nitrum , saepius immisso , quod *Antimonium Diaphoreticum* Hermeticae scholae viri vocarunt. Usus est autem alias aqua cardui benedicti , cujus & *sal Rhodostagmate* , vel conserva quacumque alia , commistum efficacius est. Verum de sudorificis nos fuisse in *diaetetico Chirurgico* nostro differuimus.

Restat ministerium curandorum ulcerum malignorum , quo minus partim constat usu medicamentorum beneficientium , plurimum officientium nihil , ac tum omnino adversantium vi morbi cum consulentium naturae partis ; constatque simul usu manus etiamnum beneficae. De quibus quidem manus officiis ex cautelis dictum jam fuit , de medicamentis vero inter praesidia.

Sunt *Cucurbitulae* à nullo non auctore probatae. Verum enim vero locorum situs , & morbi tempus cum primis & attente sunt discernenda : ineunte quippe aut progrediente usus est alius , quam in progressu & confirmato affectu. Sub progressu enim facile judicari esse de supernis ad inferna trahendum , ac tractorias cucurbitas imponendas : irruente vero ad supera sanguinis copia , de inferioribus ad superiora disponendas easdem arbitror cum Aëtio ; qui , ex Aretaeo , praecipue cucurbita primum infra umbilicum adhibeatur , mox ad latera , dorsumque , & scapulas ; in admotione vero ex supernis locis deorsum trahatur : sentioque cum his , qui apud Aurelium primo quidem inguinibus , tum praecordiis , tum supra mammas cum scarificatione , de hinc gutturi atque collo , ejusque partibus voluerunt infingendas. Jam vero cum mammas dico , & alas adjicio , per quas cum reptitet axillaris vena , de hujus ipsius deductu conscendentem sanguinem plurimum utile fuerit retrahere. Illud porro crediderim indicasse Hippocratem ipsum , cum in *l. i. de morbis cucurbitas mammis agglutinandas sanciebat* : estque hunc fortasse secutus Aretaeus , qui egregium dicit Medicum , qui *cucurbita* affixa malum in pueris detrahit , aut *sinapin* ossibus pectoris accommodat.

*Cucurbitulas* sequitur adjumentum à Coelio Aureliano propositum , qui ait : si passio perseverarit , atque aeger ad perferendam



DE PESTILENTE AC PRAEFOCANTE PUEROS ABSCESSU. 545  
dam curationem fuerit mollis, ut ferri cuspidē metu se contin-  
gi prohibeat, sanguisugas, quas Graeci *bdellas* appellant, ap-  
ponemus, ut perfecta, sanguisugarum vulneratione rapta, cu-  
curbitae detractio compleatur.

Quoniam autem *sinapi* mentio modo facta est, memini nunc  
ejus diversivi, seu derivativi, praesidii cujuscumque ab Aretaeo  
propositi, quod est; si partibus juxta maxillas, quam cavitatu-  
lam auriculae interpretor, lacunas aurium dixit Aurelianus, im-  
ponens *sinapi* Medicus ulceret, difflationem moliatur. Quem  
usum, ac fortassis etiam Aretaei placitum, acute videntes Hi-  
spani Medici, Madritenses apud Andream Tamarium in libro de  
*Garotillo*, c. 3. secus utramque auriculam imponere consueve-  
runt basilici cerati tantillum cum cantharidibus tritis commix-  
tum.

Praestantissimum etiam, licet acerbum, invalescente inflam-  
matione praesidium est *vinculum*, Aretaeo auctore, injiciendum,  
supra talos & genua. Optima quoque sunt *vincula* supra brachia-  
lia versus cubitos, & supra cubitos, versus humeros adstricta:  
quarum vim cum expendimus, certe peregregiam & effica-  
cem aestimaverimus adjuncti doloris in spiritus ad se sanguinem,  
& humores omnes, & ichores, attrahentem: quare hac retracta  
undique materia, atque huc conversis liquoribus corporis, exi-  
mitur multo sanguine locus phlegmone correptus, atque adeo  
flaccescit & confidet plurima parte, quod opus *vinculi* adstrictu  
fuerat quaesitum.

Hujusmodi quoque pacto & *dolorificae fricationes* fuerunt, &  
hae, quarum meminit Symphorianus Campegius l. 3. *praxeos*  
*medicae* c. 1. sic ajens: *Est ingenium vulgare cum fricatione com-*  
*pressiva facta, in parte sylvestri brachiorum prope juncturam ma-*  
*nus, ubi inveniuntur quidam parvi admodum nervi, qui tamdiu fri-*  
*cantur, quousque videantur deleta: quod fieri non potest absque dolo-*  
*re, & sic cum dolore divertunt.* Approbavit & hanc revellendi  
rationem Guil. Rondelet. in lib. *meth. curat.* l. 2. c. 2.

Hujus ferme generis sunt *setacea* sub inion defixa, quae Me-  
dici quipiam Hispani, Madritenses, testante Andrea Tamario,  
ad patriam hanc luem elevandam usu probarunt. Id vero haud  
probarimequidem, nisi post exacto tempore fluxionum & inflam-  
mationum: sed neque etiam hoc tempore, quo minus necessa-



rium videtur. Satius autem existimaverim, id remedii genus affigi sub axillis, non igne tamen, sed scalpro ancipiti adunco, transfossis cutis per digitos sublatae particulis.

Idem Symphorianus, eodem ipso loco, proposuit & aliam divertendi rationem, quae fit per *aquam calidam*, in qua detenta extrema corporis membra, continenti manu, confricantur.

Inter haec filenda nobis aut medentibus omittenda non sunt *clysmata* sive *enemata* dicta, de quibus velim accipias, quae scite prodidit Aurelianus disertis hisce suis verbis: *At si venter officium non agnoverit, etiam clystere utemur, injicientes aquam calidam cum oleo nunc solum, nunc admixto melle: etenim, surgens ex isto liquore vaporatio colla laxat tumentia, & egestus venter facilia facit spiramenta, non solum synanchicis, sed etiam hominibus sanis.* Manens enim alienitas, hoc est, excrementorum aliena & superflua faex gravat; atque expressione quadam acerrimas facit corporis exhalationes, quibus tumentia provocentur, caput impletur.

Auxilium sunt medicamenta in functione medica duplicia, id est, partim solida, partim fluida, ex quibus conflantur & mista. Sub *fluidis* autem comprehendas licet & *vaporabilia* *cujusque generis*; capias omnia; fugienda sunt, inquit Caelius, quae usque ad sensum veniunt mordicationis. Siquidem, tumoribus provocatis, fluor quoque humorum crassescit. E *solidis* sunt *pulveres*, qui per *fistulam* calamaceam, arundineam, sambuceam, metallicam, *immissiles* spiritu insufflato; de quibus Aëtius *serm. citato, c. 46.* Hujus generis sunt, *tritum finus canis ossibus pasti*, item *lupi*; *cinis pullorum hirundinum terrestrium, cochlearum nudarum*, Galeno *Chelcitidis*; *sal Armoniacus* Alexandro Benedicto; *sal prunellae* Theophrasto, Rulando, Mullero; *sal fuliginis, eupatorii, plantaginis, hyperici, persicarum, asari, syderitis*, Fido Justo Reineccero, atque ex aliis arte paratis; aut ex herbis, herbarumque partibus; ut *glandis, rhois, antherarum, olivae frondium contritis*, de quibus maxime Jatronicus tom. i. suo loco. E *fluidis*, *spiritus calcanthi, sulphuris, nitri, salis* vel per se cum pura, exiguntur, vel succis, serapiis, decoctis aquis, commisti. Quamvis autem *ol. Oli Mysochymici* exhorrent quidam, in hoc uno continenter adquieturos certus sum.

Quam-



Quamquam & A. Caesalpinus *in arte medica*, & L. Quertaeus in hoc etiam approbarunt: dat & cum aqua foliorum quercus Euonymus *part. 2. th. 378*. Ruland. *cent. 4. cur. 34*. Oleo ligni *Heracii*, ad colluendas crebro fauces, & partem omnem affectam usus est salutarie Rulandus, *Cent. III. cur. 90*. & *Cent. VII. curat. 92*. & *Cent. VIII. curat. 9*. Succedunt aquae, e quibus prima est aqua *inextractionis auri*, aqua *juglandum*, commendata per Alexium Pedemontanum; atque etiam in potum per Euonymum Philiatrum *parte prior thesauri p. 6*. Hic autem & *l. 2*. qua de oleo laudavit & hoc, quod

℞. *Aquae ardentis unc. j.*

*Aq. Scabios. l. i.*

*Ex hoc madida lintea externis applicentur, saepius iterando. spatio trium horarum praestat juvamentum. Aquam cardui benedicti* persaepe usitatam Martino Rulando leges, *cancrorum cinere infectam aquam, mox percolatam & calefactam; gargarisatu commodam sic perhibet Aëtius, ut per hanc crassa educi multa, ac relevari confestim aegrum testificetur. Ex omnibus mihi usu consuetum, & frugiferum, expertum est balsamum Arsenici; cum sale nitro & tartaro deflagrati, & multoties aqua copiosa abluti; quemadmodum à Philippo Mullero provide apparatus leges: quam materiem approbasse visus est Theophrastus l. de apostem. c. 15. quod idem cum conf. scorzonerae scrup. ℞. voratam salutarem comperi saepe.*

Haec jam plurima medicamentorum & genera, & species, & modos, cum protulerim; illud mihi video reliquum, ut admoneam demum Auditorem meum, haec aut ejusmodi alia diligenda, adhibenda, miscenda, temperanda, gargarismata, collyria, delinctus, intinctus, pulvisculos, vaporatus, iussitus, & alias quascumque medicaminum formas languentium viribus, aetate, sensu, pro morbi vi & pertinacia, ulcerum puritate aut impuritate, colore vivido, emortuo; sic & pro putredinis modo, pro crustulae adhaesu, refixu, facili recidiva, pro modis aliis, quae quidem singula nobis difficile describi, ab assessore Medico discerni facile queunt. Alterum adnotabo, quod Cataplasmata non adscripsi propterea, quod in hoc anginae genere praesertim primum sunt nervosa; deinde humida corpora possunt putridum hoc vitium fovere, monente vel ipso Hipp. *l. de*



*Medico.* Tertio, multa in his recte administrandis requiritur fedulitas, & providentia, ne tum longiore hac vitiosi corporis contage, tum corruptibili suo ipsorum vitio abalienata, rancorem aut acorem concipiant; quod non paucae offensae, ac detrimento foret ulceribus, ut monuit Caelius l. 3. de acutis c. 3. p. 164.

Postremum ordine, sed usu primum, remedium est *victus* ratio: quam fieri potest maxime tenuis, & praeparca. Sic igitur Alexander Trallianus in lib. 4. calce. *victu utantur aegri omnium mulsa aquosa, quae universa praestare potest; nempe extenuare & purgare, partim etiam per urinas, partim per ventrem.* A tertio die etiam *cremor ptisanæ* offerendus, qui & ipse omnem facultatem obtinet: quippe abstergit, incidit, nutrit, & inflammationum fervorem refrigerare potest. At inflammatione jam extenuata, & moderatione facta, necesse est *lutea ovorum molissima*, non autem multa exhibere. Nam, copioso alimento, statim angusta premuntur, & rursus strangulata periclitantur: quare inflammatio ut magnum malum in his vitari debet: non enim tantum ex parcissimo cibo quantum à copiosiore periclitantur. Sed & inedia perpetua visi sunt nulli non sanati. Nimirum Alex. Bened. l. 7. de cur. morb. c. 19. narravit de synanchio, qui citra sanguinis missionem inedia plurium dierum sanatus est, quia sanguis alimentum corpori subministravit. Ego vero Severinus novi puellam undecim annorum natam, quae cum nullis vel cibis, vel potibus, per paristhmiorum obturatum uti posset, & octiduo majorem *ἀστίαν* (inediam) passa, non aliis medicamentis restituta est: quae decimo sexto aetatis suae anno nupta, geminos mares peperit viventes, nunc utrosque filios, cui Gratiae Feulae nomen.

His de curatione sic dictis nemo mihi vitio det velim, quod ad *anginam hanc pestilentem* pleraque quae Veteres ad non pestilentem curandam praeceperint, detorta traduxerim. Nimirum facile deponent accusationem; siquidem audierint Aretaeum in libr. 1. de curatione acutorum c. 7. de pestilentium in faucibus morborum curatione dicentem haec; *Horum vitiorum curatio cum aliis tonsillarum affectibus, quae communis, quae propria. In inflammatione & strangulatu, purgatio per clysteres, venae sectio, irrigationes, cataplasmata, fots, deligationes, cucurbitae, omnia demum eademque in his conveniunt, &c.*



## P A R T I C U L A. VII.

*Satisfactoria.*

**N**Unc , quae dilatae fuerant in locum commodiorem ambiguitates , ab aliis omnibus expediti expediamus. Difficile sit plerisque, quod caput & cerebrum propriam morbi sedem fecerimus, quae censenda potius fuerat internus thorax ; qui febrili malignitati, aëriae pestilentiae, & symptomatum affinitate ac pluralitate , videtur capite morbi hospes accommodatior. Atqui caput ab his omnibus , quae retuli , longe alienum apparet, nec symptomata sua exhibet , nisi raro. Verum enimvero, si recte rem aestimaveris , ac profunde perspexeris , non aliam sane, quam cerebrum differis morbi domicilium. Nam quod plerosque suos affectus ostendit thorax maturius, id fit loci intolerantia, substantiae tenuitate , & functionum acrimonia : qualia non sunt quidem cerebro, quod citra nervos & ventriculos est hebes, & obstupidum, utpote, quod frigidum & humidum, crassae substantiae & viscidae, concrementum somni sedes, cordi ἀντίσπορον , & pituitae plurimae conceptaculum ; quare defluxibus frequentibus & catarrhis obnoxium. Quae sua crassi ac systasi fit, ut hospitetur aequius mala, diutiusque ferat habitu, praesertim exteriori. Quin & interiore concameratu duodeviginti aquae concretae libras Colonienfes , quae viginti quatuor forent ex nostris, sustinuisse puerum hydrocephalo languentem testatus fuerit, qui mortuum insecuit Guil. Fabric. Hildanus, *Cent. 1. observ. Chirurg. c. 12.* Quid? quod & excisis cerebri segmentis vixisse homines , tum ipse Hildanus, tum Jacobus à Carpo, atque alii probata fide auctores, perhibuere. Quae constanti sua hebetudine, ut ad rem redeam, susceptum aërem pravum, qui per nares perque palatum delatus fuerit, admittens facile non remittit , neque vincit aut dissipat , sed acervat in sese volens libensque; cum vero per causas exteriores humoribus & superfluitatibus gravatur, non obsistit, sed circa se retinet non gravate, etsi gravatum. Ita fit demum , ut in horas labefactatus labem mali concipiat, & ut dixerat Hippocrates, corrumpatur: hoc est, eversa temperatura in alienum modum transmutetur,



qui sphacelos alias appellatur. Atque illud quidem sub longiore morbo accidit. Caeterum, in breviori brevius etiam venenis vis vigoris sui numeros absolvit, nihil refragante cerebri obtusitate, vel fungæ substantia: triveneficæ quippe pestilentiae

*Quod non mortale resistit.*

Quamquam autem multae & magnae demonstrationes proferrantur, de obseptis, de vitiatis, de corruptis, spiritui destinatis visceribus; haec quidem omnia posse fieri, ac interdum facta non inficior: possunt enim haec sub atroci pestilentia, sub immani veneno pura, intaminata, integra se tueri? Pessum quidem in pestilentibus eunt omnia: verum quod origo & scaturigo malorum per cerebri sit vitium, longe plura nos evincunt persuasionis momenta, quam quae producuntur ab adversae opinionis amicis. Profecto tam insolens, tam enormis, tam abdita forma haec est affectionis, ut non inepte etiam plerique profiteantur, febrem malignam, quae septa suo viru sic in hominis perniciem, ut fuscè descriptum est, faceffat.

Alii malignam veneni facultatem, quae per abolita seminaria in spiritus nostros, & corpore, aëre attracta est, & variè ducta, suo modo; vel prout partes primo, aut secundo, receperint & viam concesserint; sic has ordine, vel potius sine ordine, apprehendere, laedereque; & quia partes debiles, laxae, molles, frigidae, immobiles, adenosae, minime resistunt, & facile cedent: hae propterea primae corripuntur, mox aliae atque aliae juxta modum, quo plus aut minus pertrahi se sinunt, aut obluctantur. Tamen plurimae conteruntur & corrumpuntur, donec ventum fuerit ad praecordia, quae maxime omnium vigent, & ad ipsam regiam cordis, qua contacta demum & male affecta peritat animal.

Sunt hae quidem & similes omnes sententiae non improbabiles, nec impune rejiciendae, praesertim in re tam occulta, quam est pestilentia. Ita provisorii Deo placeat, quandoque, aut malum avertere, aut mentes nostras medentium illuminare; quatenus & intimam morbi formam agnoscere, & suam huic medelam, quadrate, adaptare potes simus. Cui sic titubantis hominis, ut confirmetur, nec vinci se sinat argumento, ita respon-



sponderim, Sphacelum huic morbo terminum & consummationem esse. Ubi, scilicet, natura, vel ars, sui utriusque ope, & auxiliis, hanc contranitenti morbo non antevertat, atque praecludat, scilicet in contrarium ambae paratae sunt. Verum quum uterque conatus naturae, inquam, & artis evicerint illa crisi- bus, sudoribus, eruptionibus, haemorrhagiis; haec vomitibus, dejectionibus, inanitionibus & abstractionibus; sic retro- labens labes hominis vitae concedit ipsa. Porro, sic compara- ta sunt pleraque venenatae naturae morbi, & siphylis, nostro aevo adhuc permanens, ut nisi effluvium quaquā nanciscantur, ad absolutionem projecta utraque mortales perdant.

Qui sphacelos cum morbo essentialis à nobis cum statuatur, & illud propterea fiet multis difficile, quomodo sub corrupto- rio affectu cuncti prorsus non moriantur, sed hi quidem jugu- lentur, hi velut praeripiantur orco.

Alia difficultas est, quod torpescentem & desidem adeo cere- bri naturam fecerimus, quae, calvaria per ictum percussa, si san- guis super aut infra membranas suffundatur, cruoribus vel tan- tillum innatante sic aegre fert, ut obruatur continuo doloribus, vigiliis, phrenitide, febre, vomitibus, convulsionibus, erysipe- latis sic, ut plerumque non levata ope magistra fatum oppetat suum aeger! Verum huic difficultati volo sit occursum, eadem demonstratione nostra, quam ad historiam *de angue bisido flagelloso*, diuturno cordis hospite, subjecimus; docente, quod vulnera vel exigua, partibus nostri corporis praecipuis illata, e vestigio tol- lant hominem: earundem vero partium abscessus atque ulcera diutius aegrotantes trahant. Vide & in hanc rem Fortunati Fi- delis *praecellentem dissertationem contemplationis medicae, capite po- stremo, descriptam*.

Jam autem, quia mentio incidit sanguinis, quaesiverit opor- tune quispiam, unde, & qui, fiat ista eadem sanguinis effusio? Quibus utrisque quaesitis occurro, quod ad locum, unde fluat, dicens, illum esse mea sententia furculos rami jugularis inter- nae protensos & protractos sic, ut in venulas abeant membra- nae tenuioris: effundendi autem sanguinis rationem & modum esse hunc; quod offarcta nimia plenitudine vasa jugularia (qui mos est & usus expultricis facultatis, & nictus humorum alte aggestorum) refunduntur haec in furculos minores. Si autem



in minimos, qui cum capere tandem immoderationem humoris non possent, distracta atque diducta revomunt circa se fluorem superfluum, & inde eductus hic stagnat, frigefactus & grumefactus subinde.

Ad haec haesitabunt etiam inexperti & pavidum quidam consuetorum tantum rituum amici, non assentientes medicamentis per superiora purgantibus, sed negantes per affectam, quod magis exasperari possit, humores malos pertrahendo. Verum tamen non ego responderim his, quod Aurelius Celsus l. 4. 11. ad linguae resolutionem curandam crebris utitur vomitoriis: sed in hac ipsa causa dico, non nostram hanc solum sententiam, neque nostra emetica noxam illatura faucibus; quin etiam his supra quam lectissima κατὰ cataractica bene factura. Quod spectat ad suffragantes & auspices: Aëtius est unus, qui dicto lib. c. 57. disertis verbis professus est haec; *maximum autem remedium, inquit Archigenes, purgatio frequentior existat per pharmaca fortiora, & vomitus, à radicibus, per intervalla suscepti.* Et inferius: *mirum in modum autem efficax est, quod ex elaterio constat, & octaobolon appellatur. Elaterii aereolos 11. spumae nitri obolos tres; synapis drach. j. haec in aqua diluta in octo catapotia informo, manequae duo, tantumdemque vesperi, exhibeo. Purgat enim citra molestiam superne, aliquamdiu quidem permanens & solvens. His vero, qui robustiores sunt, post trium dierum spatium rursus exhibeo.* Sunt autem haec orthopnoeis, anhelosis & aegre spirantibus proposita; quod si velis ad anginam dictata vomitoria; idem ipse cap. 47. *Archigenis remedium, quo utor, inquit, ad occultas anginas, mirabiliter etiam conducit anhelosis. Elaterii oboli dimidium, spumae nitri obolos tres, sinap. drach. j. contere cum aqua & informa. Movet autem vomitum elaterium cum oleo aut melle tritum, & penitissime illitum.*

Ita quidem ille, qui & post multas ibidem propositas formas vomitoriorum prodidit & illud Martiani, quod & ad operas & manifestas anginas prodest. *Præexige, inquit, mercedem.*

℞. *Aeris usti drach. XII.*

*Atramenti sutorii drach. XIII.*

*Myrrhæ drach. j.*

*Elaterii, drach. j.*

*Spumae*



*Spumae Nitri drach. j.**Fellis Taurini drach. iiij.*

Excipe Melle, & cum pinnula quam penitissime illine. Ita quidem in capite isto. Verum in antecedente 17. multo luculentius scriptum reliquit: *utilia etiam his sunt ea, quae vomitoriam vim obtinent, maxime illis, quibus gravitatis sensus circa ventrem haeret: quae confirmat, & aliis quibusdam experimentis, quae subdidit ibidem Auctor. Haec Aëtius & antiqui alii. Quibus isti non acquiescentes fortasse producent, quod nihilominus oblaedentur hae partes transitu biliosorum, & corruptorum, humorum. Verum ô imprudentes, ergo praestiterit, inquam, asservari biliosos & corruptos humores in stomacho & hisce locis, quam e proxima vicinia, unde fit Anathymiasis, educi semel. Anne audistis Aretaei Cappadocis oraculum, qui vos monuit, e gula, & partibus aliis, refundi malum in paristhmia? Si quis vero displicens sensus ex rejectis adhaeserit faucibus, has utique licebit protinus gargarismate sublui; quemadmodum & offensa dejectionibus infima intestina clysmis idoneis absterguntur; aut laceffit catapotis acribus ventriculus, juscule aut apozemate suaviore restauratur. Sic nihil fit noxae residuum, & multum Vomitorii emolumentum. Accessit & in Veterum sententiam Symphorianus Campegius, l. 3. med. praxeos c. 1. Item Amatus Lusitanus, Cent. 7. cur. 90. atque etiam Martinus Ruland. cent. 11. cur. 62.*

Haftenus jam excussimus offendicula Vomitoriorum. Altera nunc controversia nascitur de phlebotome jugulari, quam nedum non profuturam, verum etiam obfuturam, adstruunt nonnulli, quod ad supremas partes facta phlebotome advocatura sit sanguinem potius, quam avocatura; propterea, quod rapi eo sanguinem credant, unde scissura facta promanet idem. Verum libere fatear, pigere me laboris in re patente, tum secundum naturam, tum secundum experimenta, tum secundum placita Clarissimorum Auctorum, qui & nihil improbarunt hocce praesidii genus, & singulariter etiam approbarunt: non improbarunt, neque inhibuerunt, exordio faciendum; quia, quod velint homines isti, primo revulsoriam in pedibus & brachiis instituendam, mox de proximis vasibus evacuandam, illud neque Avicenna servavit, qui lib. 3. f. 9. tr. 1. c. 11. ait, & non postponatur phlebotomia venae,

Aaaa

quae



quae est sublingua, imo oportet, ut aperiatur illa eadem die. Sic Am. Lusitanus, *Cent. 7. observ. 90.* nulla interposita mora, aut vacatione, alia posthabita sub lingua venam secuit, & hominem servavit. Sic Rondeletius. Secundae tamen sunt venae sub lingua eadem die, ad materiae derivationem, quae facile fluit & locum replet; unde dispnoea, & saepissime suffocatio: haec ille, *l. 3. meth. med. morb. intern. c. 5. p. 325.* Sic Camerarius, apud Joh. Schenckium, *in observ. l. 2.* „ Patavii, meis temporibus, quidam Scholasticus Graecus, oriundus ex praecipua familia, „ sanguineus, unica nocte in Anginam acutissimam incidit, una „ cum tumore linguae maximo, ut statim loquendi facultas adimeretur illi. Cumque tam celeriter Medicorum, & Chirurgorum, opera uti non posset, ipse praesente animo, linguam acuto cultello decussatim incidit, ac satis multum sanguinis effluere permisit, quo facto, rursus loqui coepit. Medicus postea accersitus pauca universalia, & totum corpus respicientia, adhibuit, praescripta recta victus ratione; linguae vero vulneratae pulveres ex *Ture*, *Bolo*, & similibus siccantibus, inspergi iussit, & ita intra paucos dies convaluit. Sic interdum fortuita remedia aliis sunt efficaciora. Et praeterea, si recte interpretemur, id Prisci sanciverunt in morbis non excellenter peracutis, & in adultis. At vero in pueris, quibus monito Galeni, *in l. 11. meth. c. 14. & lib. de therap. per sanguin. mission. c. 17. § 4. acut. 25.* fas non est exhaustire sanguinem, si necessitatis & urgentiae vi phlebotomom tangamus eosdem semel, & vix in morbo venenoso, verum efficaciter tangamus oportet: praesertim, quin miras tot & singulares de hac phlebotomia praerogativas praedicarunt, Soranus primum Ephesius, *Isag. med. c. 21.* Alexander Trallianus, *l. 4. c. 1.* Razes, Mesuëus, Avicenna, Hali Abbas, Albucasis, Auctor *lib. de anat. vin.* Prosper Alpinus, *l. 2. de medicina Aegyptiorum, c. 9.* Andreas Caesalp. *l. 6. art. med. c. 3.* Joh. Heurn. *lib. de morb. cap. 23.* Riolanus *in medendi methodo part. c. proprio*, ac Doctor Zacutus, novissime, *in Principum Medicorum Historia*, 76. quem legas velim, multo plures, quam nos, auctores huic praesidio suffragatores recensentem. E quibus omnibus audi Actuarium, *l. 3. meth. medicinalis, c. 1.* perhibentem, etiam in causa nostra proficuum hanc evacuationem, his suis verbis. *Sunt qui venas colli*



colli incidant, verisimileque est, eas juvare, cum sanguis copiosior ad caput confluit, atque idcirco inflammationem in cerebro excitat. Comprehendis jam, quam egregie per hujus Viri sententiam congruat jugularis pertusio nostro malo. Vin plura? sed vise, quae apposite ad hanc rem ingenio pari, ac judicio, refertissimus Andreas Caesalpinus *l. 2. quæst. med. c. 12.* prodidit, demonstrans, suffocationem in *angina* fieri magis oppletis venis jugularibus, quam clauso laryngis osculo. Id quod scilicet, in hoc Anginae genere praesertim exitiali ac ter acuto fieret facile, nisi, quod ad superiora transcurrit. Post quos omnes Auctores mira nos beneficia ex hac inanitione deprehendimus, admirati Medici, qui noverunt; aegroti sentierunt in se ipsis; tum quod adspecta jugulari degravatum plenitudine cerebrum, tum quod fervidi caloris ventilatus excessus. Sic quod nedum non obfutura, sed profutura maxime sit haec phlebotome, jam vides. Caeterum, quia non usitatae alioquin Chirurgiae administrandae ratio est ignota; de hac ego in opere *efficacis Chirurgiae*, qua & *angiologia*, proprio suo loco, fusius explicavi. Quoniam autem in manus administratorum tonforum recidit haec actio; optimum, si Petrum Paulum Magnum *lib. de venis recte secandis, c. 2.* adierint, vel Centhii Amathi, Neapolitani, observatoris nostri Novissimam *praxin*. Quamvis autem dubitatum à plerisque sit, de non attingendis scalpro venis colli, seu propter infrenabilis proflui sanguinis, seu propter vinculi subjiciendi metum: nihilominus eundem ostendi in priore parte *efficacis Chirurgiae*, qua de *angiotome venarum*, & nullum sanguinis superfundendi metum esset, & inanem prorsus vinculi formidinem, cujus utique usus necesse non est.

Post haec offenduntur & nostri, quod antecedere catharticum sanguinis detractioni voluerim: cum inverso Galenus & Galenici omnes ordine consueverint praesidiis hisce uti. Verum istorum dissensus est mihi sedare facile. Porro meminerint sanguinis emissiones, sed venenatis & pestilentibus vitiis haud probari doctis, nimirum quod inanitis vasibus possit vis venenata recurrere ad interiora; atque etiam quod huic affecto generi virium imbecillitas adjuncta sit. Quare ne mirum quidem est, quod Galenus in *lib. de cibis euchymis & caco-chymis*, audaciae taxat eos Medicos, qui non dubitarint in pestilenti febre venam



secare; atque ex adverso commendat eos, qui pestilentibus in affectibus abstinuerint à sanguinis detractione: qua eadem prudentia, & cautela, magnus Hippocrates, si credimus Petri Sallii *l. de febre pestilente*, demonstrationibus, ne venam quidem attigit: ita quidem antiqui dictatores nostri, à quorum decreto non discessit Heurnius, in *libro de peste*: Joh. Vieri quoque, in curanda febre maligna, abstinuisse se venae sectione professus est, quod hanc infelicitate cessasse animadverterat. Ex adverso tamen est Joh. Forestus, qui *libro 6. observat. 3. de morbo epidemico* in fauces, guttur, pulmones, irruente scribens ad Jacobum fratrem, dicit, experimento non inutilem atque detrimentosum, sibi compertam sanguinis e vena detractionem, neque etiam hanc damnavit; sed approbavit Avicenna, ubi de febris pestilentis curatione tradidit: inter quas binas sententias se quasi medios facientes Hieronym. Fracastorius, *l. de contagio morborum*, Ludovicus Mercatus, in *consil. medicor. 24.* & Hieron. Mercurialis. *l. de peste c. 2.* censuerunt constantibus viribus, & plenitudine suadente, mittendum esse sanguinem. Verum tamen in affectus principio, duntaxat; namque, hoc elapso tempore, sanguinem exhaurire est languentes perdere. Cui nos placito adhaerentes & semel, & morbi initio tantum, sanguinem minui volumus; e binis autem praesidiis catharticum praemitti placet, quod tutius & praestabilius id videatur. Quis enim non enucleate videt, & pestiferi vitii vim sic elui citius, & hujus foetores succos abstrahi proinde. Quamquam vero nostrae huic assertioni quidam refragari, nosque corripere conentur, quod primo quoque tempore catharticum, & illud vehemens propinari doceamus; quod est contra normam expectandae coctionis, & contra monita sapientum, ne quietos humores perturbemus, & crudos frustra moventes irriteremus. Quibus tamen responsum volumus, quod cogamur inter peracuto & pestifero morbo solliciti & festini esse, praesertim ita suadentibus & Galeno *l. 6. de medicis localibus compon. cap. 3.* Itemque Alexand. Trall. *l. 4. rei medicae c. 1.* ac novissime Zacuto Lusitano, acuto & experientissimo aetatis nostrae viro, in *l. de princ. med. histor. c. 75.* quam Lusitani viri Clarissimi disputationem adeas, Lector.

Objiciat quis, qui audeam equidem scalpro tonsillas pertundere,



dere, quia facile sic exacerbantur. Verum, inquam, non obtrudo his, quod Cornelius Celsus *l. 4. c. 4.* satis altis plagis palatum incidit, itemque Paulus *l. 3. c. 17.* itemque Cael. Aurel. *l. 3. c. 3.* ipsamque linguam, & fauces, & palatum tenui ac longiori phlebotomo scarificat. Etenim, inquit, in locali sanguinis detractione tumentia relaxantur. Non haec, inquam, obtrudo similia, verum tuendum affirmo decretum nostrum, quod Tonsillas vitio tactas crebris ictibus concidit Hippocrates, *l. 2. de morb. l. decimo, & l. de affectionib. num. 4.* & Corn. Celsus *l. 6. rei medicae cap. 10.* Et Caelius Aurelianus, *l. 3. morb. acut. cap. 34.* Tamen post scarificationem mitibus gargarismis utendum voluit & Oribasius *l. de scarif. c. 20.* & Isaacus *9. Pract. c. 41.* & hunc sectatus Constantinus Afer, Chirurgicus, *c. 38.* & Gariopontus, *l. 1. Passionarii c. 23.* & Hieronymus denique Mercurialis, *l. de morb. puerorum c. 12.* Andreas Tamajus, & Medici omnes Palatini Madritenses in Hispania. Ita scilicet scarificatus tutus & frugiferus tonsillis extumescens visus est doctissimis omnibus: non ita quidem adactus cum lancinatione digitorum appressus, quae uti saepe vulgares Medici crustulam elidentes uti consueverunt. Quo divinitus & *αἰτίως* vere spectavit Aëtius, *eodem isto sermone. c. 46.* dicens, conandum autem est, in universum ne digitum quidem locis admoveamus, aut leni saltem tactu manuum admoliamur. Etenim inscii, ad quos maxime in rebus dubiis homines confugiunt, vehementius illinunt, simulque inflammatum locum comprimunt, simulque crustam detrahunt, quod minime facere convenit, priusquam elevatam & vix innitentem crustam conspiciamus. Quod si enim adhaerentem adhuc crustam aggrediamur, ulcerationes in profundum magis & procedunt, & inflammationes consequuntur, augentur dolores & in ulcera serpentina proficiunt. Secutus hoc Aëtii monitum est Paulus, *l. 3. cap. 26.* sicut in cunctis adsolet. Compendiose autem & nobis *de pestilente & praefocante pueros Abscessu* dictum sit, ad hanc horam vespertinam 22. Januarii, An. XLII. supra M. DC. Deo litemus Auctori gratias.

*Operis de recondita Abscessuum natura*

F I N I S.

Aaaa 3

INDEX



*[Faint, illegible text, likely bleed-through from the reverse side of the page.]*

*[Faint, illegible text, likely bleed-through from the reverse side of the page.]*



# I N D E X

## RERUM ET HISTORIARUM,

### Locupletissimus.

A.

In **A**bscessibus prognosticatio pertinet ad probatum, & exercitatum, Medicum. 1.

Abscessus totius corporis Valetudinem aut Mortem, vel Vitam, decernunt. *ibid.*

Abscessus vocabulo *homonymia* multa inest. 2.

Abscessus nomen quare huic Operi datum. 512.

Abscessus & Tumoris confusa & promiscua interdum appellatio. 510.

Abscessus acceptio multiplex & varia fuit Antiquis. 3, 4.

Abscessus nomine, potius quam Tumoris, cur utatur Auctor. 512.

Abscessus vox, in *Hippocr.* operibus, frequentissime recipitur. 1.

Abscessus quid apud *Hippocr.*? 510. nempe rei cujusdam emigratio, seu separatio ante consistentis. *ibid.*

—— *Hipp.* proprie mutatio morbi in alium. 4.

—— dicitur *Hipp.* pro transitu, & transmigratione, humorum morbosorum. 9.

—— secundum *Hipp.* pro quocumque Tumore saepe usurpatur. 3.

Abscessus, post inflammationem qui suppurati sunt, non ita tradit *Hipp.* quam cum crisi legitima, aut imperfecta factis. 5.

Abscessus quid sit secundum *Galenum*. 3.

Abscessus non excipitur a Crisi, *Galeno*. 16.

—— atque abscedere *Galeno* quid. 510.

—— etiam pro suppuratione dicitur *Galeno* &c. 3.

—— *Latinorum* respondet Apostemati *Graecorum*, exquisite. 2. ad 3. horum vocis significatio. 3.

Abscessus a *Graecis* quo nomine indigiti. 121.

—— ab *Arabibus* Exiturae dicuntur. 426.

Abscessus vox a *Celso* praecipue. 2.

—— nominis vis *Severino*. 512.

—— nomine donat *Severinus* pleraque vitia, quae *Tumores* appellari vulgo solent. 508.

—— ratio interior egregia. 13.

—— forma quid vocetur? 12.

Abscessus tam universalis quam particularis dari videtur. 19.

Abscessus differentiae quae? 15. ad 19.

Abscessuum differentiae quae, & a quibus desumendae. 510.

Abscessus potissime distinguuntur quatenus Critici vel Symptomatici. 15.

Abscessuum differentia, praeterquam quod vel Critici vel Symptomatici esse possint, a plurimis adhuc procedit. 17. ad 19.

Abscessus omnes duplices, vel ab adfluxu, vel a transmutatione, facti ab *Hippocrate*. 511.

Ab-



# I N D E X

- Abscessus adenosus inexcussus** quinam dicatur? 192.
- Abscessus tractat Auctor** qui cum efflu-  
xu, seu cum decubitu, & ab aliis  
caussis quam ab inflammatis tumo-  
ribus fiunt. 5.
- Abscessus simpliciter dicti**, ut **Abscessus**  
legitimi, differunt. 510.
- legitimi idem ac Tumores,  
seu Apostemata. *ibid.*
- sunt cum tunica, vel sine  
ea. 3.
- cum tunica sunt Cystici & A-  
nomali, *Severino. ibid.*
- sine tunica Suppurationes vo-  
cantur, *Plinio, C. Celso, & Severino.*  
*ibid.*
- Abscessus de Tumore** dicitur utroque  
modo; siue fuerit tunicae interven-  
tu aliena corpora continentis, siue  
absque ea, modo non amplius se  
contingant, quae se contingebant  
corpora. *ibid.*
- Abscessus secundum rectum** quid. 10.
- Abscessus fugaces** qui? 24.
- Abscessus ineuntis circumstantiae**. 6.
- perfecti circumstantiae. *ibid.*
- materia est ex Humorum ge-  
nere. 8.
- saepe a superiori-  
bus ad inferiora movetur. 6.
- Abscessus ex metastasi seu materiae**  
transpositione, cur magni fecerit *Hip-  
pocrates*, plurimae rationes. 511. *ad*  
512.
- Abscessus per ὑπόθεσιν**, quid. 15.
- qui ὑπὸ ὁρατοῖς apud *Hippocr.* &  
suos Observatores quid. 3. & 121.
- Abscessus duo sunt termini**; superior  
unus, inferior alter. 9.
- termini ut noscantur. 11.
- Abscessus juxta Hippocr.** ponunt duas fe-  
des, unam ex qua, aliam in quam,  
termini vocantur; & deinde inter-  
medias vias, pro transitu humo-  
rum. 9.
- Abscessuum formae variae**, unde? 193.
- in Abscessibus aequae ac Tumoribus  
contactus abest. 510.
- Abscessus universim expensi** duo sunt  
tempora, duoque modi consideran-  
di. 5.
- Abscessus soli** quodam naturae privi-  
legio finem utilitatis quemdam ad-  
scivere. 14.
- a natura excitati salutiferi a  
morbo vero producti lethales censentur.  
7.
- quos natura instituit non  
sunt impediendi & cur. 227.
- graviore malo corpus libe-  
rant &c. 14.
- fiunt a natura repetente sae-  
pius quod crisi persolveri non potuit.  
13. *ad* 14.
- notae bonae ex forma. 12.  
*ad* 13.
- malae ex forma. 12.  
*sed praesertim.* 13.
- Abscessus optimi** qui. 35, 36.
- optimus criticus quas requi-  
rat condiciones. 85.
- D. Joannae Riberiae potius  
a morbo, quam a natura, concilia-  
tus. 57.
- Abscessus salutaris** condiciones quae.  
32, 33, 34.
- Abscessus mali**, qui. 37, 38, 39.
- aegre curabiles, qui. 37.
- lethales ex Hippocratis do-  
ctrina qui. 88.
- quando morbi recidivam  
ostendant. 32.
- Abscessus expectandus** in febre conti-  
nua, nunquam intermittente. 24.
- Abscessus in febre**, quando longitudi-  
nem morbi indicant. 37.
- in convalescentibus quando  
expectandi. 30.
- quando in articulis expectan-  
di. 28.



## RERUM ET HISTORIARUM.

Abscessus dum generantur quatuor nanciscuntur causas. 6.

\_\_\_\_\_ ex phlegmone quomodo generentur. 121.

\_\_\_\_\_ nulla praecedente phlegmone saepe generantur. *ibid.*

\_\_\_\_\_ salvare a morbo possunt. 87.

\_\_\_\_\_ per quas vias & quando adjuvandi. 42.

\_\_\_\_\_ quomodo incitandi ac proritandi. 42, 43.

\_\_\_\_\_ extrorsum erumpentes sunt boni. 36.

\_\_\_\_\_ ad crura in Peripneumonia salutiferi. 7.

\_\_\_\_\_ post aures perpetuo sunt suspecti & quare. 41.

\_\_\_\_\_ qui accidunt leviter syderatis juxta aures, mali. *ibid.*

\_\_\_\_\_ cum dolore quando magis infernis partibus expectandi. 29.

\_\_\_\_\_ cum febre continua maligni, omnes sunt exitiosi. 38.

\_\_\_\_\_ omnes magni proferunt mala symptomata vel mortem. 309.

\_\_\_\_\_ magni circa dorsi spinam omnes mali. 112.

\_\_\_\_\_ ab adfluxu *Hippocratis* calamo non digni. 511.

Abscessus ab adfluxu, cur minoris est momenti, quam a *metastasi*? *ibid.*

\_\_\_\_\_ ad effluxum unde, & loca ad quae deinde primo, deducatur. 9.

\_\_\_\_\_ per effluxum calidum humorem pro causa agnoscit. 20.

Abscessus omnes aliquando materiam nanciscuntur copia, aliquando vitio quodam, culpabilem. 8.

\_\_\_\_\_ ex adfluxu materiam nanciscuntur interdum sola quantitate culpabilem. *ibid.*

\_\_\_\_\_ per effluxum plus in morbis acutis, quam diurnis. 22. & quam in biliosis. 23.

Abscessus per defluxum emissaria quae-

nam sint. 9.

\_\_\_\_\_ per effluxum vel per decubitus dignoscendi modi. 25.

Abscessuum per *effluxum* & per *decubitum* signa distinctiva. *ibid.*

Abscessus per decubitum definitio. 20.

\_\_\_\_\_ per decubitum sedes utraque multiplex & indefinita. 9.

Abscessus cum decubitu frigidos habent & humidos humores pro causa. 20.

\_\_\_\_\_ ex decubitu vitiatos ac superfluos semper agnoscunt succos. 8.

Abscessus per decubitum non levat a copia, sed a vitiosa scaturigine proficiscitur. *ibid.*

Abscessus, per excretionem si non succedunt, fiunt per decubitum. 25.

Abscessus per *decubitum*, quando expectandus. 20, 21.

Abscessus per decubitum partes recipientes quasnam proprietates habere debeant. 9, 10.

\_\_\_\_\_ partes recipientes quatenus proprie sunt. 10.

Abscessus per decubitum termini sunt partes principes unde, & viliores quorsum. 9. ad 10.

Abscessus per decubitum tantum in longis, non biliosis, morbis. 22.

Abscessus Anomalous quid? 125.

Abscessus Anomali definitio. *ibid.*

Abscessuum Anomalous notae a *Paulo Aegineta* quae traditae. 146.

\_\_\_\_\_ tumores possunt s. n. dici, & quare. 122.

\_\_\_\_\_ materiae, toto genere praeter naturam sunt. 148.

Abscessus Anomali Galeno sunt, toto genere p. n. 123.

\_\_\_\_\_ Natae etiam dicuntur. 122. 138.

\_\_\_\_\_ Phymata vocantur. 145.

\_\_\_\_\_ Phymata dicti, non semper spontanei, verum & a  
B b b b causas



# I N D E X

- caussis exterioribus saepius oriuntur. 145.
- Abcessuum Anomalorum proprietates quatuor.** 125.
- Abcessuum Anomalorum auctio stirpium & animantium productionem agnoscit.** *ibid.*
- Abcessus Anomali an secundum naturam nutriantur.** 123.
- inter animata & alienam conditionem mediam, quare retineant naturam. 124.
- magnam plerumque molem, & varias quandoque formas vegetabilium, nanciscuntur. 140.
- foetabuli modo quibusdam venis suppositis nutriuntur & augefcunt. 125.
- Abcessuum Anomalorum Vasorum nutrientium exortus & natura.** 138. & 139.
- seu *Phymatum* tuniculas quomodo natura procreat, *Hippocratis* sententia? 138. *H. Fabricii* sententia? *ibid.*
- Abcessus Anomalos arteriis carere secundum** *Aquapend.* *ibid.*
- Abcessibus Anomalis tunicam aliquando denegat** *Galenus.* 162. rei exempla. *ibid.*
- Abcessus Anomali fibras nerveas & cartilagineas, quibus ac radicibus adhaerent, saepe habent.** 155.
- Abcessuum Anomalorum plerumque nerveis, & cartilagineis fibris, haerentium Historiae variae.** *ibid.*
- Abcessus Anomali quomodo ex percussu nascantur?** 145. *ad* 146.
- Abcessuum Anomalorum forma varia semper observata.** 130.
- Abcessus Anomali corpora haeterogenea plura, ut pilos, ossa, &c. continent.** 141. 142.
- saepe animalculis & vermibus referti. 141.
- Abcessus Anomalus ovum continens.** 142.
- Abcessus Anomali perpleni, atque interlunia acriter dolent, atque effe-  
rascunt.** 148.
- saepe graveolentes. 141.
- aliquando suppurabiles sunt; & unde noscatur. 147.
- seu Tubercula, nulli corporis parti parcunt. 145.
- ad caput frequenter haerent. 142, 143.
- Abcessuum Anomalorum materia causalis triplex.** 137. *ad* 138.
- curatio quomodo, vel evidens, vel obscura? 161. unde triplex. *ibid.*
- Abcessus Anomali per medicamenta ut curentur, quomodo proponit** *Galenus, Aëtius & Paulus Aegineta?* 162.
- Abcessuum Anomalorum curatio prophylactica fit unctione Arabica.** 161. hujus curationis per *Severinum* aliquot exempla. *ibid.*
- curatio efficax vel a ferro, vel a putrefacientibus, expectanda. *ibid.*
- curatio per Medicamenta semper longa, per Chirurgiam vero brevis. 147.
- Abcessus Anomali in crure reperti.** 145.
- in inguinibus. 144.
- si relinquantur infecti multas adferunt molestias. 149.
- Abcessuum cysticorum ressecandorum operatio describitur.** 165. *ad* 166.
- Abcessum per Congestionem esse unde noscatur.** 102.
- Abcessus omnes a congestu cum cachexia adjuncti, periculosi.** 112.



## RERUM ET HISTORIARUM.

Abscessus Criticus quid. 15. 16. 20. 84.  
ejus conditiones. 85.

Abscessuum Criticorum notio exquisita, quibus Medicinae partibus utilis? 1. quatenam inde discamus. *ibid.*

Abscessus Critici vel per effluxum vel per decubitus fiunt. 25.

———— qui per decubitus, ab Auctore potius pertractantur. 26.

———— tum ad acutos, tum ad chronicos morbos spectant. 1.

Abscessus Critici raro in biliosis morbis. 23.

———— qua occasione fieri possint, 25.

Abscessuum Criticorum cognitio Hippocratica doctrina tantum elicitur. 1. & 2.

Abscessus Criticus. 15.

———— non est proprie Crisis. *ibid.*

Abscessus Critici a natura sunt excitati, ut morbo corpus liberet. 7.

Abscessus Critici causae. 20. 21.

Abscessus an Criticus vel Symptomaticus fuerit Nobili puellae? & quo sensu Criticus & Symptom. 86, 87.

Abscessus Critici & Symptomatici qui differant. 15. *ad* 17.

Abscessus Criticus a Symptomato quomodo dignoscitur. 16. & 17.

Abscessus, Criticum praeter & Symptomaticum, tertius an detur? 7. *ad* 8.

Abscessus Symptomaticus quid in sua natura. 84.

Abscessus Symptomaticus ex quibus deprehendendus. 16, 17.

———— quomodo a Critico differat & dignoscatur. *ibid.*

———— a Critico per solos peritos Medicos discernitur. 16.

Abscessus Symptomatici a morbo con-

citantur, & sunt effectus morbi. 7. & 16.

Abscessus enim Symptomatici a morbo, non a natura auxiliante producuntur. 7. & quomodo? 16.

Abscessus Symptomatici materia quatenam? 17.

———— quis auctor. 16. *ad* 17.

———— indicia sunt, atque effectus, naturae acris morborum praevaletis. 7.

———— materia non omnino cocta & subacta, ad suppurationem inepta est. 17. neque transposita est. *ibid.* sed epigenesi producta. *ibid.* neque solvit morbum. *ibid.* nec etiam oportuno est. *ibid.*

Abscessus Symptomaticus cunctis perfectae crisis indiciis caret. 17.

Abscessus cystici mobiles sub cute facile eruuntur. 165.

Abscessus cystici sunt, qui carnosam quamdam substantiam prae se ferunt. 182. Exempla vide. 183.

Abscessus carniformis definitio. 180.

Abscessus carnosus seu carniformes, ante Auctorem non descripti. 179.

Abscessum carniformem F. Platerus, A. Benivenius, M. Donatus, J. Schenckius, non intellexerunt. 180.

Abscessus carniformis differt a Sarcomate, Sarcocoele, & Strumis. *ibid.*

Abscessus carniformis creatio. 180. *ad* 181.

Abscessus carniformis sub aure & inferiore maxilla, curatus. 182.

———— pone carpum dimidiati ovi anserini magnitudine. 181.

———— in Cervice, curatus. *ibid.*

———— in supremo Femore. 181, *ad* 182.



# I N D E X

- Abcessus** carniformis in extrema nate, curatus. 182.
- Abcessus** capitis subcutaneus, post male purgatas variolas &c. 366.
- Abcessus**, sub collo vesicae absconditus, repertus & curatus. 192.
- Abcessus** ad Crura quibus inflammationibus utiles? 36.
- Abcessus** ad crus dextrum ex empyemate. 72. *ad* 73.
- Abcessus** septi transversi per urinam expurgantur. 62.
- Abcessus** ad septum transversum quando expectandi. 63.
- Abcessus** suppurati multo minus dolent, quam crudi. 416.
- Abcessus** suppurati curatio quare hic omittatur. 44.
- Abcessuum** genera, quae sine phlegmone nascuntur, quot. 122.
- Abcessus** omnes in longis affectibus non sunt interturbandi. 43.
- Abcessus** quae indurant, ut diruptus impediatur, sunt *refrigerantia*. 417.
- Abcessus** a naturae facultate instituti, nullum exposcunt extrinsecus praesidium. 44.
- diuturni raro sunt sine febre, & quam ob causam. 112.
- Abcessibus** sustinendis senibus juvenes sunt promptiores. 26.
- Abcessus** qui diebus non criticis decumbunt mali & insalubres. 38.
- Abcessus** circa aures in morbis diuturnis quando necent? 41.
- Abcessus** cum rigore biliosae materiae dominium arguunt. 23.
- Abcessus** cum multis signis conjuncti nunquam boni. 39.
- Abcessuum** maturorum in morbis judicantium signa quae? 35.
- Abcessus** per excretionem quot sint necessariae opportunitates. 24.
- Abcessus** hyeme potius cur accidunt, & quare tarde desinant. 22.
- Abcessus** Forulati quid? 307.
- Abcessuum** Forulatorum curatio. *ibid.*
- Abcessu** femoris ejectum Ovum majusculum. 133.
- Abcessus** flatulentus inter aliquot horas mire dissipati. 230.
- Abcessuum** flatulentorum exempla. *ibid.*
- Abcessus** Mucocarnei cur ita dicti? 183.
- Abcessuum** Mucorcarneorum descriptio. *ibid.*
- Abcessus** Progermini ex qua materia producta, secund. *Severinum*. 173.
- quibus corporis partibus praecipue innascantur. *ibid.*
- Horum curatorum Historiae aliquot. *ibid.*
- Abcessus** Progerminus librarum novem, curatus. 179.
- in facie ingens. 173. *ad* 174.
- (seu Germen) in palato, curatus. 179.
- Abcessus** putredinosi ex quibus concitentur. 21.
- Abcessus** ossis sunt sine dolore. 374.
- Abcessus** ossium causae sunt saepe hereditariae. 345, 346.
- Abcessus** ossium generatio tum per influxum est, tum per congestum. 347.
- Abcessus** ossium in Paedarthrocace familiaris est pueris. 345.
- Abcessus** sanguiflui, Aneurisma dicunt, definiti. 195.
- Abcessus** sanguiflui, & Aneurismatis, differentia. 206.
- Abcessu** sanguifluo disrupto, mors secuta, 198.
- Abcessus** sanguinei Casus & Historiae. *ibid.*



# RERUM ET HISTORIARUM.

Abscessus submucidi genuum a *Soverino* visi, quomodo tractati? 185.

Abscessus Teretis, quasi trunculati Historia. 228.

Abscessus in Thorace non maturandus ex *Hollerio*, & quare 415. ad 416. sed callositas inducenda. 416. refutatur, *ibid.*

———— ventricosus Mammae ingens. 209.

Abscessus umbilici hepar, & corpus, in annos expurgantes. 226.

Acetum cur Epinyctidibus qui laborant interne nocuum? 445.

———— varia & imperfecta exerit effecta. 274. ad 275.

———— extrinsecus applicatum dissolvit Tubercula. 445.

———— pro curandis Epinyctidibus a Graecis quare improbetur. *ibid.*

Aceti qualitates & operationes quae. 274.

Adiposa Steatomatis materia aestivo saepe tempore resolvitur. 126.

Aegri cur intereant apparente in Abscessibus concoctione. 35.

———— quamplurimi a lue Venerea liberantur per extimam corporis defoedationem. 283.

Aegrotus in sectione Abscessuum Anomalorum, quomodo collocandus. 165.

Agrotus si fuerit timidus puer, vel foemina, manibus ad dorsum retractis religandus & quomodo? *ibid.*

Aegyptii Valgi. 422.

Aegyptius & Syria morbi strangulatorii foecunda. 519.

Aematomphalon, quid? 227.

Aër frigidus frigidus parit Abscessus. 21.

Aër, aquae, & loci Roseolarum causae evidentiores sunt. 471.

Aetas puerilis cur Pernionibus maxime obnoxia. 494.

Aëtius Amidenus pro Abscessibus A-

nomalis curandis, quare sine Chirurgia, hoc facere proponit? 162.

Aëtius multa medicamenta pro Steatomatis ac Meliceridibus resolvendis, ut taediosa proposuit. 163.

Aëtii medicamentum commendatur pro extirpandis Meliceridibus. *ibid.*

Aëtii de Osse capitis abradendo, excisis tuberculis, sententia *Severino* explicata. 168.

Aëtii medicamenta pro curandis Pernionibus, quae. 488.

Aëtii sententia de tunicis excindendis in Abscessibus cysticis. 167.

Ἀλγήν λοιμώδης variis notatur notis. 515.

Ἀλγὴν λοιμώδης variae denominationes. *ibid.*

Alimenta quae & qualia noceant faucibus. 524.

Altheben venae quatenus sint. 138.

Ambrosii Paraei medicamentum ad Valgos & Varos. 433.

Analogiae certitudo in Paedanchone est ab experientia, non vero ratione. 532.

Analogia, secundum tamquam contagii requisitum, est multiplex. 531.

Anatomica observatio Abscessus faucium. 219. in qua auriculae Cordis ingentes & cartilagineae repertae. 220. Intestina fibris distincta. *ibid.*

Anchore, quid Graeci vocent? 525.

Aneurisma quid secundum *Sylvaticum*. 196.

———— *Arabibus* dicitur & Emborisma, Aphorisma, Hyporisma. 195.

———— inter sanguifluos Abscessus numeratur. *ibid.* & seq.

———— an ex venoso fieri possit sanguine? 196, 197.

———— fieri ab effusione sanguinis arterialis, quibus rationibus probatur. 195, 196.

———— aequae ex Venis quam Arteriis oriri posse putat *Severinus*. 197.



# I N D E X

Aneurisma exulceratum unde fit ut sanguinem non fundat? 205.

Aneurismate extinctorum Exempla varia. 206.

in Aneurismate Arteria diffracta quomodo obducatur? 205.

Aneurismatis definitio ex *Sylvatico* & *Platero*. 196.

———— Abscessus, aliter *sanguiflui*, definitio & Etymologia, & natura. 195, 196.

———— & Abscessus sanguiflui, differentia. 206.

———— arteriae internae descendens, Historia mirabilis. 325.

———— causae, juxta variorum sententias. 195. *ad* 196.

———— cum ingenti tumore sanguifluo, a *Severino* curati Historia, *Francisco de Natali* narrata. 199. &c.

Aneurismatum Casus. 206. *ad* 207.

Anginae una species ex *Gibbere*. 383.

———— species lethalis ex *Gibbere*. 397.

Angina quando periculosa. 537.

———— nullis medicamentis cedens suspecta, & contra. 538.

———— sine tumore aëque in pestilenti ac alio genere lethalis. 537.

———— pestilens, pueros potissimum exitialiter, tempore *Severini*, corripiens. 417.

Angina pestilente decumbentium, haemorrhagia parium servatorum, Historiae aliquot. 528, 529.

Anginae maxime obnoxii pueri ob quadruplices causas. 524.

Anginae occultae causae sunt interdum nervi sexti paris, qui ad ventriculum feruntur. *ibid.*

———— pestilentis in universum binae sunt causae. *ibid.*

———— variorum symptomatum enarratio. 525, 526.

Anginae siccae *Hippocratis* Casus. 528.

in Angina pestilenti paristhmiorum duresces vituperatur. 417.

in Anginosi quare spirandi regressus ingressui impar? 526.

Angues Cervini quinam. 479. eorum facultas *ibid.* medicamenta ex iis. *ibid.*

———— & Viperarum propter succum, quem ex terra hauriunt, commendabiles. 367.

Anguis flagellosus est potius Phyteumatis species. 331. & 332.

———— hic in vegetabilium ordine quare collocandus. *ibid.* Quare Planta potius quam talis Anguis vocandus. *ibid.* Ortus ejus unde. *ibid.*

Ani vitia quae? 232.

Animae quo tempore implantentur principia operationum, & virtutum, juxta *Haly Rhodam*? 398.

Animalcula in nobis ex putri materia, 330. *ad* 331. qualia? *ibid.*

Annui morbi per quae concitentur. 57.

Antiquorum remedia pro extirpandis Roseolis. 480. 481.

Aphorisma idem quod Aneurisma. 195.

Aphorismus 46. Sect. 5. *Hippocr.* quomodo legendus. 401.

———— 31. l. 6. *Ludovici Dureti* & *Hollierii* explicatio. 251. 252. Ejusdem vera expositio. 253. Perperam haecenus est intellectus. 249.

Aphthae definitio. 521. 522. Definitionis examen & reconciliatio. *ibid.*

Aphthae *Aëtio Amideno* descriptae. 527.

———— *Aretaeo* quomodo descriptae. 518.

———— aliter descriptae. 522.

Aphtharum putridarum in naribus, Casus duo. 529.

Ἀποπνόμενα medicamenta quid? 368.

Ἀποσκήρμα quid *Galeno*? 4.

Ἀπόσκηψις, quid *Hipp.*? 4.

Ἀποσάσεως ἢ Ἀποσυσίας nomen, cujus usus secretior, apud *Hippocratem* & alios. 3. & 4.

Apo-



## RERUM ET HISTORIARUM.

- Apoſtema glanduloſum, qualis nux  
avellana ſola compreſſione diſcuſ-  
ſum. 508.
- Apoſtema quid circa articulos aut ner-  
vos praenunciet? 113.
- Apoſtema magnum quid circa doſſi  
ſpinam portendat. 112.
- Apoſtema ſecundum *Averrh.* quomo-  
do generetur. 96.
- Apoſtema vox Graecor. Abſceſſui La-  
tinorum reſpondet. 2. ad 3. harum  
vorum ſignificatio. 3.
- Apoſtemata, ac Tumores, idem ac  
Abſceſſus legitimi. 510.
- Apoſtematum diviſio ſecundum *Avi-  
cen.* 105.
- Apotheſis quid. 4.
- Appendices oſſium, Valgитatis & Va-  
ritudinis objecta. 428. *ad* 430.
- Appendicis uſus quis oſſibus? 343.
- Aqua in hydropicis per umbilicum  
plerumque effluxum habet. 226.
- Aqua mirabilis* cuncta mala ubivis in  
corpore naſcentia tollens, quomo-  
do paranda ad Meliceridem. 164.
- Aqua falſa per *Hipp.* ad curandos Per-  
niones non autem potablis propo-  
nitur & cur? 503. 504.
- Aquae benedictae *Martin. Rulandi*  
compoſitio. 542.
- Aquae potabilis, calentis, uſus pro cu-  
randis Pernionibus improbat. 504.
- Aquae marinae uſus ad partes ſcarifi-  
catas Veteribus ſolennis. *ibid.*
1. *Argenterii* de *Tumoribus* per Conge-  
ſtum ſingularis ſententia, qua hunc  
refert ad Affluxum. 95.
- opinio de congeſtione re-  
futatur, ſimulque illius ſolvuntur  
argumenta. *ibid.*
- Argenti vivi Spiritus praeparatio à  
*Quercet.* optimè deſcribitur. 296.
- Ariſtot.* curatio per frigida, ad Pernio-  
nes curandos, à *Mercuriali* non re-  
cipitur. 500.
- Ariſtot.* via per quam pus è thorace ex-  
purgatur, multis oppugnatur argu-  
mentis. 71.
- Arsenicum & Realgar à Chemicis Pae-  
danchones cauſſa ſtatuitur. 536.
- Arteriaſe ſanguine egent ad ſpiritus  
conficiendos. 204.
- in Arthritidem, ac membrorum lan-  
guores, Roſeolae ſaepe transmigrant.  
475.
- Articuli Paedarthrocace affecti quo-  
modo deprehendendi. 362.
- quomodo ſuperflua ad alias  
partes tranſmittant, & quomodo  
eadem ex aliis eliciant. 423. *ad*  
424.
- oſſiumque juncturae, articu-  
lari morbo privatim tentantur; ar-  
tus vero medii Roſeolis. 474.
- Articulorum languores quibusnam  
proprii. 424.
- Articulorum naturalis conſtitutio quae.  
426.
- Articulorum vitia ſaepe Medicis do-  
ctis illudunt. 364.
- ad Articulos, aliasque debiles partes,  
applicita repellentia detrimento ſunt.  
372.
- Artuum Abſceſſuum ſuppuratio diffi-  
cile ab ignaris Chirurgis dignoſci-  
tur. 229.
- Aſthma ac tuſſim eſſe Gibbi cauſſam,  
perperam *Hipp.* tribuitur. 388.
- Adſtringentia medicamenta Pernioni-  
bus debentur, Veterum iudicio. 500.  
501.
- Adſuetudo humoris fluentis praevalet  
ſaepe Medici providentiae. 193.
- Aſtronomia ad Medicinam ſpectans  
quaenam ſit, *Hippocr. de aëre, aq.  
& loc.* 516.
- Aſtronomorum ſententia de Gibberum  
cauſſis quae. 389.
- Atheroma carunculas, ex muco llu-  
teo, continens. 142.



# I N D E X

Atheroma curatur, vel putrefacientibus, vel exsectu. 161.  
 — foetens enormiter, quod 19. ann. clausum fuerat. 141.  
 — nodosum, 174.  
 — quomodo ex ictu, & percussu, nascatur. 145. *ad* 146.  
 — crustulas disquamatiles, & ovorum testulas molliores, continens. 142.  
 — in aure. 143.  
 Atheroma post aurem. *ibid.*  
 Atheromata quatuor in cervice. 149.  
 Atheroma in cervicibus semipugni. 143.  
 — in cubiti flexura. 144.  
 — in dorso, artocreae veluti materiam albam, foliatam, continens. *ibid.*  
 — super ensiformi cartilagine a Severino curatum. 167. *ad* 168.  
 — in fronte, aestate frigans. 148.  
 — in fronte media. 143.  
 — in genu, curatum Severino. 153,  
 — supra genu. 142.  
 — sub lingua. 143.  
 — in manus media vola, grani Indici modo. 144.  
 — pone oculi canthum. 143.  
 — thoracem penetrans, Severino curatum. 193.  
 Atheromata de tonsillis extracta. 143.  
 Atheroma in xyphoide, pectus perforans. 149.  
 — quibus a Meliceride differt. *Aëtio.* 146.  
 Atheromatis definitio ex *Aëtio.* *ibid.*  
 — in genu sectio quomodo instituta. 153.  
 — tunica non semper integre revellenda, juxta Severinum. 167. sed quomodo tractanda. *ibid.*  
 Atheromati duntaxat exsectus & cor-

ruptoria conveniunt. 161.  
 Atheromatis & Steatomatis major, & admirabilior, differentia quae? 128.  
 Atheromata quid, secundum *Aëtium.* 146.  
 — Steatomata & Melicerides, fiunt per congestum. 99.  
 — Steatomata & Melicerides, nisi tunicis per abscissionem prorsus ablatis, faciunt recidivam. 126. *ad* 127.  
 — & Steatomata solidam continent substantiam, Melicerides vero fluidam. 128.  
 — inveterata, facile, facta erosione, ad cava viscerum penetrant. 148. *ad* 149.  
 Aures cur fluxionibus obnoxiae. 254. 255.  
 Auricula Cordis dextra ingens & cartilaginea, &c. 220.  
 Aurium Abscessus quomodo fiant & concitentur. 254. 255.  
*Avicennae* divisio tam Efferae, quam Epinyctidis, non recipitur. 453.

## B.

Bajulatores cur gibbosi. 385.  
 Balnea naturalia quae dicantur. 92.  
 Balnea Aenariae, pro exsiccando ulcere Illustrissimae D. Joanne, optima. *ibid.*  
 Balnea Gurgitelli, è Fontana, pro curanda Illustrissima Joanna, probantur. *ibid.*  
 Balnei & fomenti usus in Epinyctidum curatione, à tribus Graecis scriptoribus prohibetur. 445.  
 Balneum pro Roscolarum curatione probatur à *Celso.* 477.  
 Balneum adversus Epinyctides à *Celso* probatur. 452.

Bal-



## RERUM ET HISTORIARUM.

Balsami Arsenici, cum sale Nitro & Tartaro deflagrati, commendatio in levanda Paedanchone. 547.

Batrachium ad quam Abscessuum speciem referendum. 131.

———— quare fuerit recidivum in quodam Clerico. 132.

Baurachium, quid? 451.

Bdella Hippocratis. 218.

Bdellas seu sanguisugas apponere in Paedanchone. 545.

Benat noctis Arabum descriptio ex *Avicenna*. 454.

———— quomodo differat ab Epi-nyctide. *ibid.*

Bezoartici Metallici *Quercetani* dotes. 543.

Bezoarticum minerale efficacissimum est diaphoreticum in Paedanchone. *ibid.*

Bilis & sanguis Abscessum pariunt per effluxum, pituita vero per decubitus. 20.

Bilem esse causam Roseolarum, quomodo accipiendum? 470.

Bothor. 454.

Boum annua lues praegressa Paedanchonen. 518.

Brochi qui. 422.

Bronchocelae ad quod Abscessuum genus referendae sint, 131.

———— Abscessibus frigidis adnumerantur. 194.

———— cum effuso sanguine casus. 198.

———— multifidae glandulas praerubras ac praeduras plerumque continent. 194.

———— quomodo excrescant & au-geantur. 131.

———— triplici Abscessuum anomalorum substantia continentur: auctore *Fallop.* & *Aëtio.* 131.

Bronchocelas plerasque, cum super-vomitum vasorum complexas, putat

*Severinus.* 198.

Bronchocele pulsans, & quare? 194.

Bronchocele quid? ejus definitio. 193.

Bronchocele, in opifice quodam Inauratore totum undique collum occupavit. 194.

Bronchoceles materia observata semper varia. 193. *etc.*

———— praefectae Struma librae unius pondo fuit. 194.

Bronchocelis subjecti Inauratores. *ibid.*

———— quatenam saepe inhaerent. 193.

———— contenta singularia. 194.

———— materia carboni similis quando? *ibid.*

Bubo mulieribus grandibus ex mensium mora nasci suetus, criticis accensendus. 298.

———— pestilens, ad inguina naturae benignitate promotus, saepe per diaphoresin, ab illa institutam, exsolvitur, maximo hominis emolumento. 333.

Bubones Venereos aliquando natura per sudores avertit. *ibid.*

C.

**C**achexia Abscessibus materiam plerumque subministrat. 103.

———— adjutrix est Paedanchones generandae causa. 535.

———— & cacoehymia &c. Roseolarum sunt causae. 471.

———— ossium abscedentium causa effectrix promixa est. 346.

———— vel corruptio quando per Abscessus timenda. 25.

Cacoehymiae causa Roseolarum affectus longus, ac pertinax, redditur. 475.

Calculi sub lingua procreati. 302.

———— ex Tonsillis excisi. 143.

Calculorum maximae quantitatis ex-  
Cccc cre-



# I N D E X

- cretorum Historiae duae. 465.
- Calor a frigore conculcatus quomodo intendatur, & frigus sit caloris initium. 493.
- Calvaria quomodo tractanda post Folliculi absumptionem ac exstirpationem. 168.
- Cancer est Elephantiasis particulae peculiaris Medicis. 186.
- mammarum ex quibus gignantur succis. 220.
- Candentia ferramenta quibus Abscessibus competant. 165.
- Capitis improba conformatio quae testetur. 402.
- pars antica plus continet cerebri quam postica. 212.
- ——— quasi vere Cerebrum continet, non postica. *ibid.*
- prava constitutio non minima Paedanchonae causa. 535.
- structura quid faciat ad *παιδανχον*. 535.
- Caprae non solum ore & naribus, verum & auribus, spirant. 256.
- Caput ad defluxus maxime patulum, quia quasi minime resistens pars. 213.
- pituitae Metropolis. 58.
- Caput roborantia quae. 92.
- Carcinoma, Carbunculus &c. inter primum Tumorum ordinem recensentur. 465.
- Cardani sententia de cito secandis Abscessibus. 116.
- Caries potius corrosio quam corruptio, *Galeno*. 358. *Razae* utrumque conjunctim, videtur. *ibid.*
- quae nobis, *Galeno* est *πυρρὸν*. 358.
- Carnei concrementi causa & figura quae. 257.
- Carnes aliaeque partes ad carnis naturam accedentes, maxime omnium a morbo Venereo se tuentur. 350.
- Carniformis Abscessus ex qua consist
- materia. 181.
- ——— haecenus a nullo cognitus. 179.
- Carniformis Abscessus substantia quae? 180.
- Carniformium Abscessuum Historiae variae. 181. 182.
- Carnis frustum, instar spongiae *h* unius, ex Aneurismate excisum *Severino*. 201.
- superfluae generatio quomodo & ex qua materia fiat. 239.
- Viperinae vis, superfluitatibus corporis absumendis maxima. 367.
- Carnosa in Abscessibus materia reperiata. 141.
- Carnosam substantiam prae se ferentes Abscessus quidam habentur pro Cysticis, 182. hujus rei exempla. 183.
- Caro super osse corrupto quare non restauratur. 358.
- Carthusianorum corpora feracissima *Tumorum in articulis nascentium*. 156. & quare? *ibid.*
- Cartilagine senum aequae compactae, ac puerorum ossa. 353.
- Carunculae putres & concretae saepe in Abscessibus a congestu visuntur. 109.
- Casus, videantur *Historiae*.
- Cataplasma ad Perniones *Theodori Prisciani*. 488.
- Roseolis resolvendis accommodatum. 481.
- Cataplasmata in Paedanchone quare intermittenda. 547.
- Cathartica hermetica, in Bubone Syphilio, optima *Severino*. 334.
- Catharticum quare in Paedanchone praemittendum? 555.
- quando exhibendum in eadem. 541.
- Causa, unde oritur Abscessus, a Medico debet agnosci. 1.

Causa



## RERUM ET HISTORIARUM.

Caussa Pernionum efficiens & materialis, opinione Auctoris, quae? 490.  
*etc.*

———— non est cutis ad-  
densatio. 487.

Caussa Congestionis efficiens ad al-  
teratricis facultatis vitium refertur.  
102.

Caussae Gibberum externae quae,  
& internae. 383. *etc.*

———— morbi D. Joannae elegan-  
ter explicantur. 56. *etc.*

———— Paedarthrocaces effectrices.  
362.

———— quaedam affatim irruentes  
mortiferae erunt, quae sensim in-  
sinuatae, non nocuae. 329.

———— vitiiati ossis perpetuo sunt  
credendae internae. 362.

Caussas ossis corrupti sub Paedarthro-  
cace occultas sibi quidam falso per-  
suaserunt. 354.

*Celsi* medicamentum curandis Pernio-  
nibus accommodatum. 500.

———— opinio de Epinyctidis natura.  
440.

———— sententia de morborum eventu  
quae? 90.

———— de Anomalorum Ab-  
scessuum eventu. 147.

———— iudicium de parte affecta in E-  
pinyctide. 446.

Centaurei succus quatenus capitis ul-  
cuscula curet. 464.

Centaureum majus attemperandi facul-  
tate probatissimum. 478.

Ceratum, ad Meliceridem, ab *Ar-  
chigene* excogitatum. 164.

———— ad Perniones, praeservans &  
curans. 504. ad 505.

———— *Oribasii*. 505.

———— arcens, *Aëtii*.  
*ibid.*

Cerebri gyrorum & spirarum usus,  
secundum *Severinum*. 212.

———— ob Hydrocephalon, diductis cun-  
ctis capitis futuris, praeter lambdoi-  
dem per diaphanam cutem eviden-  
tissime perspecti, Historia. 212.

Cerebrum est Glandulae confimilis.  
533.

———— in Paedanchone quare sta-  
tuatur pars affecta. 532, 533.

———— non posse apostemari cre-  
didit *Serapion*. 339.

———— quare Catarrhis & fluxibus  
obnoxium. 549.

Chaeradae quare dictae Strumae. 188.

———— seu Strumae, *Throd. Pri-  
sciano* improprie dictae. 191.

in Chemosi Variculam in Oculo posse  
contingere. 216.

Chimethla maligna quo jure *Aristoteles*  
vocat Perniones. 483.

Chinae decoctum ad febrem & ma-  
ciem utile. 91.

Chinae & Sarsaparillae decoctum sum-  
mopere ad fluxiones dissipandas  
commendatur. 270.

Chirurgica Anomalorum curatio ab  
omnibus Medicis approbatur. 149.

———— curatio  
nostri seculi Medicis neglecta. 148.

———— Abscessuum curatio facilis,  
tutaque, existimatur. 149.

———— adjumenta, pro perfecta  
Gibbosi curanda, ab *Ambrosio Paraeo*  
proposita. 409.

———— curatio Ossium vitiis neces-  
saria censetur. 370.

———— in Gibbis curatio quae, a  
quibus probata? 419.

———— in tunicatis Abscessibus cu-  
ratio a *Celso* probatur. 164.

———— operatio Roseolis extirpan-  
dis efficacissima. 481.

Chirurgus in curandis e congestu Ab-  
scessibus ac Tumoribus qualis requi-  
ratur. 116.

———— qui in curandis Abscessibus  
Cccc 2 dor-



# I N D E X

dormitat, in magnum discrimen languentes adducit. 116.  
 Cibus in Roseolarum curatione qualis & quantus requiratur? 476.  
 Circinus idem ac Zona. 223.  
 Color modo niger, modo albus, in Roseolis apparet. 468.  
 Compernes qui? 422.  
 Concoctiones in Abscessibus salutem pollicentur. 35.  
 Confectio Catholica *Arnoldi*, & *Regis Hamech*, ad Roseolas probatur. 478.  
 Congestiles Abscessus omnes frigidi, & cur? 101.  
 Congestio quid sit? 95.  
 — ab *Argenterio* non admittitur & quare. *ibid.*  
 — ab *Aristotele* admittitur. 96.  
 97.  
 — a *Galeno* admittitur aliisque Viris auctoritate probatis. 96.  
 — secundum *Fernelium* quomodo fiat? *ibid.*  
 — potest ex quocumque succo suscitari. 102.  
 Congestionis causa efficiens quae, ex *Galeni* sententia. 102.  
 — creatio an pilorum generationi comparanda. 106.  
 — differentiae quae. 107. 108.  
 — materiam esse pituitosam superfluitatem multi crediderunt. 100.  
 — materia plerumque spirituo-  
 sa est substantia. 101.  
 — modus duplex. 107.  
 Congestorum suppuratio à paucis cognita. 111,  
 Congestus indicia quae? 110.  
 Congestus tumorem dat sine inflammatione. 374.  
 Consilii Medici jocosa descriptio. 157.  
 Contactus partium abest in Abscessibus aequae ac Tumoribus. 510.  
 Contagii requisita tria. 531.

Contagii seminaria tribus modis penetrant in corpora. 531.  
 Contagium quid? 273.  
 — per aërem coinquinatum communicari. 532.  
 — primo afficere Cerebrum, juxta *Hipp.* & *Severin.* 533.  
 Convulsio ac tremor quando Abscessum circa aures arguant. 40.  
 Cordis lacertae Sanguinem attenuando, effluxum promouent. 181.  
 — ventriculi saepe continent productionem quasi praelongae vaginae. 332. talis in Hydropico. *ibid.*  
 Cordis sinister ventriculus sine pravorum symptomatum copia, vitae discrimine, purulentam materiam non admittit. 69.  
 Corniculum in fronte repertum. 296.  
 Cornua, lapides, pili &c. saepe in Abscessibus inventi. 141.  
 Corpora ad rejiciendam labem Veneriam quae prona. 289, 290.  
 — Carthusianorum quare multorum morborum feracia? 156.  
 — & Natura, superioribus temporibus propter frequentiora exercitationum genera validiora. 470.  
 — nonnulla, ob proprietatem quamdam, Pernionibus sunt obnoxia. 494.  
 — quae sint obnoxia Gibbosi? 394.  
 Corporis gerendi mala consuetudo Gibber parit. 385.  
 — incrementum quamdiu fiat, juxta varios. 397.  
 Corpus animale civitati comparatur. 27.  
 Corpuscula ejusmodi quare plures reperiantur in arteriis quam venis. 326.  
 Corpuscula tria comperta in arteriae magnae descendents divaricatu ex-  
 pituita concreta. 326.  
 Corrodens & Corrosio. 349.

Cor-



# RERUM ET HISTORIARUM.

Corrosio ac Terebinto quid? 349.

Corruptio ossium quomodo procreetur? *ibid.*

———— quomodo secundum *Cardanum* se influet in vitae fontem. 404.

Corruptum, putridumque omne, primum auferendum, deinde ulceris obductio procuranda. 370.

Costae collisae quare in principio inuendae? 192.

Cranii substantia in infantibus. 212.

Crisin quaenam bona insequantur. 14.

Crisis quid? 13.

———— est Naturae, morbum soluturæ, triumphus. 13.

———— duplex, excretionem, vel abscessu. 25.

———— cum excretionem quo tempore fiat, & in quibus potius. *ibid.*

———— futuræ signa. 13.

———— imperfecta non obtinet ea, quæ perfecta. 14.

———— ponit materiæ coctionem plurima parte, & naturæ vigorem. *ibid.*

———— per vacuationem melior quam per Abscessum. 16.

———— probata quando fiat. 14.

———— quaenam expetat, ut fiat. 13.

———— ubi non rite absolvitur, natura oppido repetitas facit, unde Abscessus. 13. *ad* 14.

———— perfectæ conditiones. 16.

———— simpliciter dictæ conditiones. 13.

Criticus Abscessus fit *apothesi*, i. e. transpositione, symptomaticus vero *epigenesi*, i. e. novi effectus additione. 17.

———— ——— semper est cum coctionis signis, per conferentes vias. *ibid.*

Cubitorum flexura sublata, ex Abscessu in iis. 366.

Cucurbitulae quando & ubi in Pæ-

danchone applicandae. 544.

Curatio Anomalorum Abscessuum per scalprum si negligatur, multa hominibus parit incommoda. 148.

Cutis infectione diligenter excorianda, ut folliculus eximatur. 165. 166.

———— quando ad figuram literæ X conscindenda. 371.

———— quomodo tractanda folliculo sublato. 168, 169.

Cyrtomata. 229.

## D.

**D**ecoctum ex Angue cervino, quomodo paretur. 480.

Democritus Abderita Hippocrati philosophiam docuit. 377.

Dentes cum infante conati. 210.

———— inflammationem patiuntur, teste *Ludov. Dureto*. 340.

———— non sunt ab Apostemate immunes. 338. *ad* 339.

———— quando à vinculis exsolvantur. 257.

Dentium exortus convulsiones & febres quandoque movent. 260.

Destillatio maligna & epidemica, ac nitrosa, Paedanchones causat. 536.

Destillationis mortiferae causa, ab *Aretæo* posita, veritatis trutinæ subjicitur. 523.

Diaphoretica in Padanchone utilissima, quæ & qualia? 541.

Diaphragma duplici constat tunica. 62.

Diaphragmatis situs secundum partem anteriorem, ac posteriorem, quis? 404. *ad* 405.

———— peritonæique intercapedo hætenus à nullo observata. 76.

Differentiæ Paedarthrocaces ex quibus fontibus hauriendæ. 361.

Digitus, inguina, caeteraëque debiles partes, Anomalis Abscessibus tentari fuit. 144. *ad* 145.



# I N D E X

Dignotio Abscessuum per *effluxum* & per *decubitus*. 24.

Dionysisci quinam vocentur? 214.

*Dioscoridis* medicamenta pro Pernionibus. 487. *ad* 488.

Disputandi in qualibet facultate *Severini* modus. 516. & convenit cum *Hippocr.* 517.

Distorsio in Varis perperam dicitur luxatio. 428.

Distorsionis causae quae? 422. 423.

Divaricatio & repanditas quid? 381.

Dolor epinycticus an periodicus habendus? 444.

Dolor Epinyctidis non est punctorius aut tensivus, at inflammatorius & incensivus potius. 447.

————— quomodo & à quibus causis concitetur iuxta Auctoris opinionem. 445.

Doloris causa solutio continui. 509. hinc dolor de genere *ulceris*. *ibid.*

————— in Epinyctide quae, secundum *Philip. Ingrassiam*? 444.

Dolor è rerum p. n. numero, ad producendos Abscessus maximarum est virium. 21.

————— incendiosus Aphtharum pestilentialium est inseparabilis comes. 525.

————— in Pernionibus quomodo suscitetur? 497.

————— in Roseolis solâ scarificatione à *Severino* sublatus. 481.

————— interiorum partium quid portendat. 29.

————— noctu excrucians primum Roseolarum indicium, ac symptoma, est. 466.

————— saepe est causa Abscessus potissima. 21.

Doloris Venerei vis à *Fracastorio* pulcherrimè describitur. 280.

Dolorosi aurium Abscessus qui mali?

42.

*Dureti* sententia de symptomatico & critico Abscessu. 87.

Dyscrisiae per Abscessum maximè fiunt autumno. 21.

Dysenteria intempestivè suppressa Abscessum parit, aut circa costas vel viscera, aut articulos. 30.

E.

**E**fflorescere *Hippocrati* idem ac exaltari *Paracelsistis* est: & proprie est exacerbatio affectionis alicujus. 437.

Effluxus, à natura concitati, melioris sunt conditionis aliis. 8.

Effluxus bonus quia levat a copia. *ib.* *Εκκρεσις* quid? 4.

Elephantia quid? ejusdemque causae. 268. Ejusdem curatio ab Auctore probatur. 270. In eadem curanda quae advertenda? 270. & 271.

Elephantiasis particulae peculiaris, est Cancer Medicis. 186.

Elephantici Satyris aequiparantur. 214. τὸ *Ελκὺς* καὶ *ἑλκωσις* multum differunt. 522.

Emborisma, idem ac Aneurisma. 195.

Emmota quae frigidis Abscessibus imponuntur qualia esse debeant. 118.

Emphysemata. 230.

Emplastra pro dissolvendis Anomalis Abscessibus quae optima? 161.

Emplastrum de pelle Arietina ad Hernias celebris. 103.

Ephemeræ pestilentes febres internos solent concitare Abscessus. 21.

Epilogus, & Paedarthrocaces a se ordinatae *Severini* recognitio. 373.

Epinycticus dolor nocturnum paroxysmum sibi peculiariter adsciscit. 444.

Cujus



## RERUM ET HISTORIARUM.

- Cujus causa a condensatione cutis ex superveniente aeris frigore, juxta *P. Ingrass.* rejicitur; & alia proponitur *ibid.* & *seq.*
- in Epinyctide quae pars affici soeta. 446. 447.
- Epinyctides ab Esseris differunt. 451. 452.
- \_\_\_\_\_ an sint ulcuscula, ut *Paulus Aegineta*, & alii putarunt. 438.
- \_\_\_\_\_ esse affectum frigidum, quibus argumentis probatur. 443.
- \_\_\_\_\_ esse affectum calidum, quid arguant. 443.
- \_\_\_\_\_ & Esserae confunduntur ab *Avicenna*. 453.
- Epinyctides Graecorum an Esserae sint *Arabum*. 450.
- \_\_\_\_\_ simillimae Esseris *Arabum*. 439.
- \_\_\_\_\_ esse *Benat noctis Arabum*, opinatus est *Philippus Ingrassias*. 449.
- \_\_\_\_\_ Esseras esse *Arabum*, quamplurimi crediderunt. 450.
- \_\_\_\_\_ non sunt *Arabum Benat noctis*. 454.
- \_\_\_\_\_ Roseolas esse vulgi *saltantes*, praeclaris rationibus ostensum. 463. 464.
- \_\_\_\_\_ cur balnea & fomenta respuant. 445.
- Epinyctides *Celso* quid sint. 448. 449.
- \_\_\_\_\_ pustulas dixit, dein vero ulcerari ipsas, affirmavit *Celsus*. 439.
- Epinyctides *Oribasius* quid sint. 448.
- \_\_\_\_\_ quid *Julio Polluci*. 450.
- \_\_\_\_\_ Veteres non minoris aestimasse quam nos. 470.
- Epinyctidibus Graec. seu *Roseolis saltantibus*, praepriis obnoxiae foeminae. 468.
- Epinyctidis affectum Esseras non esse *Arabum*, accurate demonstratur. 452. 453.
- \_\_\_\_\_ effectus non acutus sed chronicoteros. 452.
- Epinyctidis colorem quidam sublividum, quidam album, alii subrubrum dixerunt. 439. 440.
- \_\_\_\_\_ definitio juxta *Severinum*. 449.
- \_\_\_\_\_ genus an *Tumor* an *Ulcus*? 439.
- \_\_\_\_\_ an referatur ad pustulas ut credit *Celsus*? an ad ulcusculum? an prius pustula, ulcusculum vero dein? juxta plurimos. 438.
- Est autem pustulosum seu pustuliforme, *Severino*. 349.
- \_\_\_\_\_ materia per *Philippum Ingrassiam* quae. 440.
- \_\_\_\_\_ materiam esse sanguinem *Paulus* & *Aëtius* suaserunt. 440.
- \_\_\_\_\_ nomen à tempore nuncupatum. 437.
- Epinyctidum color secundum Graecos subruber est. 443.
- \_\_\_\_\_ definitio ad *Celsi* sententiam à *Severino* concinnata. 449.
- \_\_\_\_\_ cura ex *Celso*. 452.
- \_\_\_\_\_ dolores nocturni unde? 467.
- Epinyctis male intellecta *Plinio*. 438.
- \_\_\_\_\_ vesperi primum invadit & exacerbatur. 437. ad 438.
- \_\_\_\_\_ unde differt a *Benat noctis*. 454.
- \_\_\_\_\_ utrum sit affectus calidus, an frigidus? 442. 443.
- Επινυκτις* merito inter Abscessus reponendum. 299.
- Epistola J. B. *Capueii* Historiam Abscessus innominati curationis, *Severino* institutae, continens. 155.
- \_\_\_\_\_ *Severini* ad *J. Houghton* Anglum. 329.
- \_\_\_\_\_ Tuberculorum in Puella Historiam miram continens, D. N. *Larchei* ad Auctorem. 177.



# I N D E X

- Erodentia auxilia quando Anomalis competant. 169.
- Erysipelas ab Igne sacro discernitur uno *Celfo*. 224. aliis confunduntur. *ibid.*
- ad interiora reversum, si Peripneumoniam producat, quid sperandum? 23.
- faciei vulgo dicta, an non potius oedema. 213.
- multis est Ignis facer. 224.
- Eschara quid? 518.
- definitio, ex *Avicenna*. 451.
- Efferae Arabum inter Apostemata ac Exituras connumerantur, ab *Avicenna*. 439.
- simillimae sunt Epinyctidibus *Graec.* 439.
- quid ex *Avicenna*. 450.
- ab Epinyctidibus differunt. 451, 452.
- aestum & febrem caussant, quod non faciunt Epinyctides. 451.
- Efferae causa an sit vapor calidus, ut sibi quidam persuaserunt? *ibid.*
- divisio secundum *Serapionem* quae. 453.
- & Epinyctides confunduntur ab *Avicenna*. 453.
- ex acutorum genere videntur. 451.
- duplices, juxta *Serapionem*. 452. *ad* 453.
- noctu insurgentes, an Epinyctides *Graecorum*. 453.
- quid sint *Menardo*. 450.
- sola venae sectione aut frigido potu curatae. 451.
- Effere, cum sit affectus impense calidus, febrem tertianam saepe accersit. 451.
- noctu subiens an Epinyctis sit *Graecorum*. 453.
- Eschara tonsillarum Carbunculo comparatur. 518.
- Exaltationes Medicorum in oculo quid 216.
- Exanthemata cito diffugientia, maligniora. 38.
- lata tumores non, vel vix, sunt, contra *Fr. Vallesium*. 465.
- Exanthematum Variolarumque materia, cum perperam expurgatur, Abscessum parit; & cur? 104.
- Exarcosis ex ulcere nata, praesertim ab ossis carie. 179.
- Exarthrema. 427.
- Excrementum hominis omne falsum. 212.
- Excretiones faciles probatam & optimam crism inducunt. 14.
- Exiturae sive Abscessus, quid? 510.
- Exostoses contagiosae in ulcus solent abire. 214.
- quibus locis fiant in lue Venerea. *ibid.*
- Exostosis secundum *Galenum* quid sit. *ibid.*
- vexat *Severinum*. *ibid.*
- Excindantur qua methodo Abscessus cystici? 165. *ad* 166.
- Exsectus, ex Anomalis Abscessibus, Steatomati tantum competit. 161.
- Exussio, siccitas, saepe cum humore pingui os vitante est conjunctum. 354.
- Eventus morbi bonus, vel malus, per quae sit arguendus. 18, 19.
- salubris quando sit in Anomalis expectandus. 147.
- Eustachii Rudii* opinio de congestione. 109.

F.

**F**acultas de bilis frigido gravata humore, nec excretionem nec Abscessum sublevatur. 24.

*Fallopium* allucinatio de narium vitiiis. 217. *ad* 218.

Fal-



## RERUM ET HISTORIARUM.

- Fallopia* sententia de caussa effectrice congestionis 102.
- medicamenta tam calefacientia, quam refrigerantia, procurandis Pernionibus approbata. 501.
- medicamentum ex *Damocrate* descriptum, pro Meliceride curanda probatur. 163.
- Faucium Abscessus verendi sunt omnes, & quare? 218.
- Affectus strangulatorius, idem ac Anchone. 512.
- ex Febre maligna crudi Tumores, quas Parotidas vocant, concitantur. 7.
- in Febre salubri protracta, & non soluta, Abscessus indicatur. 27.
- in Febris circa maxillas & articulos maximè Abscessus timendi. 29.
- Febricula cum Abscessibus è congestu conjuncta semper mala. 112.
- Febris ab Epinyctide non semper abest. 443.
- quomodo possit Gibbosin excitare. 384.
- vacuitas in Abscessibus bonum. 113.
- Fermentatio quid sit. 445.
- Fermentationis definitio ex *Platone*. 445.
- Ferramenta candentia Gibbosi curandae apta qualia. 419.
- Ferrum candens in Abscessibus cysticis ubi oportunissimum. 165.
- Fibrae nervae & cartilagineae Abscessibus anomalis, saepe radicum loco, inserviunt. 155.
- Fili adstrictione exscindenda Nata pullanimis. 169. 170.
- Fistula quando sit exile malum? 113.
- Fistulae sunt triplicis generis. 304. *ad.* 305. earumdem discrimen. 305. congenitae quando, & quare, non curandae. 306. hujusrei Historia, *ibid.*
- Flatulenti Abscessus agnoscendi plurima difficultas. 230.
- Flatus cerebri tam per nres, quam per aures discutiuntur. 256.
- Flores Genistae saccharo conditi curandis Roseolis usitati vulgo. 478.
- Foeminae cur saepe rei Medicae expertes. 507.
- gestationis tempore insolentia appetunt edulia. 346.
- grandiores ob mensium moram Roseolis obnoxiae. 474.
- quam tumoris specie potissime laborent? 185.
- Varae pleraeque. 422.
- Foetabulorum Abscessus à quibus succis procreantur. 132.
- materia quae. 135.
- omnium communitas quae. 128. 133.
- Folliculi portio, in sectione relictæ, quibus tollatur. 167.
- substantia in *anomalis* qualis. *ibid.*
- Folliculorum in Abscessibus origo, & causae quae. 125. 126.
- Folliculus recens potest medicamentis resolvi, inveteratus vero nequaquam. 127.
- Fonticulus ad Gibbos curandos, ac praecavendos, probatus. 420.
- Erysipelati avertendo frustra applicatus. 193.
- in inguine pro Elephantia curanda probatus. 271.
- Forma Abscessuum in artubus qualis. 229.
- ossium abscedentium est corruptio non corrosio. 349.
- Roseolarum vulgarium hominum sensu. 460.
- Fricationes in Paedanchone. 545.
- Frigidi proprietates quae. 490.
- Frigidum ex sanguibus partibus exitio est. *ibid.*



# I N D E X

Frigus est calidi, calidorumque, causa, per accidens. 497.

— extremum omnibus viventibus mirificè adversatur. 492.

Fungi reperti in Abdomine cujusdam, ex Ascite defuncti. 321.

## G.

**G**alenica inrerpretatio ad Hipp. *aph.* non recipitur. 66.

*Galen*i contradiçtio de Meliceride curanda. 161. *ad.* 162.

— doctorum calculo, operosa via existimata, per quam materia in thoracis cavitate collecta, per urinam duci possit. 67.

— expositio *tex.* 31. *aph. lib.* 6. quae. 250. *ad.* 251.

— loca inter se pugnancia, de Meliceridis curatione, quomodo concilianda. 161. *ad.* 162.

— medicamenta pro Meliceride curanda. 163.

— opinio de Congestione. 95.

— de effectrice Congestionis causa probatur. 102.

— de Phlegmones generatione. 100.

— de sanie è thoracis cavitate expurganda, per arteriam pulmonis ac finistrum cordis ventriculum, confutata. 67. & *seq.*

— sententia de causa Gibberum. 388

— — de Meliceride curanda, nullam involvit contradiçtionem. 161. *ad.* 162.

— — *lib.* 14. *cap.* 12. quomodo revera intelligenda. 161. *ad.* 162.

— — tradita 14. *methodi cap.* 12. de tunicatis Abscessibus, perperam ab omnibus intellecta. 161.

*Galenus* Gibbi pocreationem ad vertebrarum Tubercula retulit. 386.

— — miraculum in natura nullum admisit. 68.

*Gallae cum aceto* permistae ab *Octavio Horatiano* curandis Pernionibus commendantur. 501.

Gallici morbi virulentia, per omnes ductus corporis, foras à natura propellitur. 282.

Ganglia ex ictu saepe produciuntur, notantibus jam Græcis. 145.

Ganglium, Atheromati consimile Tuberculum, in carpo, ex ictu oriri. 145.

— — in inguine. 140.

— — pueri caput aequans. *ibid.*

— — viginti quatuor librar. *ibid.*

Gangraena ex affluxu quomodo fiat secundum *Fallopium*. 208.

— — ex ossis vitio progressa, juxta *Severinum*. *ibid.*

— — ob vitiatos infra tendines, nervosque, occulta quadam humoris antipathia, saepe generatur. 209.

— — tam mollibus quam solidis partibus, puta ossibus &c. excitatur. 208.

Gangraenae causa, & descriptio, juxta *H. Fabricium*. *ibid.*

— — idea *Severini*. *ibid.*

Gangraenam ab influxu quoque factam, & non semper inflammationis sequelam, putat *Severinus*. 209. tum a vitiatis infra tendinibus & nervis. *ibid.*

Gargarisma ad Tonsillarum tumorem inflammatorium. 542.

Genistae flores, saccharo conditi, curandis Roseolis usitati vulgo. 478.

Germen (seu Abscessus progerminus) in palato, curatum. 179.

Gibber quid. 381.

— — ad anteriora raro, & cur? *ibid.*

— — ad exteriora frequentissime fit. *ibid.*

— — aliquando ex materia sensim influente,



# RERUM ET HISTORIARUM.

- fluente, secundum *Cardanum* & *Severinum*. 383.
- aliquando secundum naturam. 383.
- solvitur per metastasin. *ibid.*
- varices & haemorrhoides. 410.
- ex plenitudine quomodo. 384.
- quid veteribus Medic. investigatu difficile. *ibid.*
- omne vel contra naturam, vel sec. naturam. 383. in quibus sec. naturam? *ibid.*
- primae vel secundae vertebrae cervicis, quid efficiat. 382. *ad* 383.
- quomodo ficcitas, ex febrili aestu, producat? 384.
- tam ex ficcitate quam plenitudine fit. *ibid.*
- unde lethale, *Galeno*. 397.
- Gibberis appellationes & species multae. 380. *ad* 381.
- definitio ex *Mercuriale*. 382.
- differentiae plurimae, ratione incrementi & effectus. 383.
- fundamentum, & sedes, spina dorsii, & testudo pectoris. 379.
- in vesicam sinuati Casus ex *Galeno*. 383.
- natura quae secundum *Mercurialem*. 382.
- soluti per metastasin Histor. ex *Hippocr.* 383.
- spinae modi. 381. *ad* 382.
- ejusdem modi secundum partes corporis. 382.
- Gibberorum qui diu adhuc vixere, Historiae. 396.
- singulorum effecta singularia. 382. *ad* 383.
- Gibbi causa secundum *Herculem Saxoniæ* quae? 387.
- essentialis causa. 399.
- Gibbi ex asthma cur ante pubertatem intermoriantur? 395.
- de Gibbis *Hollerii* opinio refutata. 417.
- curandis *Hollerii* sententia maximas subit difficultates. 416.
- Gibbi qui ex interna causa proficiuntur, plurima ex parte sunt insanabiles. 414.
- si fiant per casum aut ictum incurvi, non resolvuntur. 391.
- fiunt, qui in septima parte Arietis habent Horoscopum, *Julio Firmico*. 389.
- Gibborum curatio per externa auxilia. 419.
- Gibbosi ad lateras, & in spiras, qui tentantur. 413.
- aliquando quidem boni Cantatores. 401.
- non semper asthma, aut tussi, laborant. 401. hujus Historia mira. 403.
- qui difficultatem perspirationis non perpetiuntur, quinam. 402.
- Gibbos fieri in asthma, non autem ex asthma opinatus est *Thadaeus Florentinus*. 399.
- Gibbosis ex repletione quibus auxiliis curetur. 414. *ad* 415.
- hereditaria est insanabilis. 394.
- lumbariae transpositus cur aliquando fiat ad inguina? 420.
- materies juxta *Rhazen*. 393.
- *Avicennam*. *ibid.*
- per se habet tantam vim, ut extremum fatum accersat. 401.
- per se nullam aut tussim, aut spirandi difficultatem adfert. *ibid.*
- quae lethalis existimatur ab *Ambr. Paraeo*. 394.
- spontanea ab humorum fit defluxu. 410.
- vetus & confirmata insanabilis habenda. 414.
- utrum funestior, externo principio producta, an interno? 407.



# I N D E X

Gibbositas cur praecipue lethalis? 406.  
ad 407.

Glandulae, ac pleraque hujusmodi loca, ad levanda contagio Venereo viscera, sunt maxime accommodatae. 283.

———— in artubus quo pacto per Foeminas curentur. 507.

———— mammarum a Strumis ut differant. 220.

Glandulae spongiformis Casus in Foemina. 222. ad 223. in Viro. 223.

Glandularum tumores quando in febribus sunt deteriores. 38.

Glandulas & strumas *Guido Cauliacus* solus diversas facit. 187. quomodo autem cum omnibus concordat. 191.

Gorgia Leontinus *Hippocrati* Oratoriam artem docuit. 377.

Gracilibus, imbecillis, & squallidis, majore cumulationeque respiratione opus est. 402.

Graeci, aliique Veteres auctores, cur in Roseolis curandis interna pharmaca silentio praeterierint. 469.

*Guidonis Cauliaci* medicamentum ad Perniones, aqua frigida. 501.

Gummata qua ratione in adfectu Venereo suscitentur. 350.

Gummi Venereum in capite quid laedat. 149.

Gutturis tumores, praesertim ampli, periculum non leve minantur. 147.

## H.

**H**aemorrhoides narium carunculae, papillis mulierum similes, sunt. 217.

———— cur sic vocatae, variae Opiniones. *ibid.*

———— quibus notis à Polypo differant. *ibid.*

Haemorrhoidum narium, Casus. 218.

Haly Rhodoam gibbositatem, quae duodecim mensibus perduravit, se praedixisse fatetur ob Lunae cum Marte conjunctionem. 389.

*G. Harvaei* arbitrio linquitur, num Anguis flagellosus Planta vel Animal sit? 333.

*Herodicus Selymbrianus*, Hippocratis praeceptor in Medica arte. 377.

Herpes, & Ignis sacer, aliis distinguuntur, aliis confunduntur. 224.

Herpetis duplex genus. 224.

Hiatus plagae parvus agglutinantibus gaudet. 168. ad 169.

*Hieronymi Fabricii* sententia de vena Abscessuum nutricula. 124.

*Hieronymi Fortunati* Medici Neapolitani opinio de Gibbositatis causa, licet satis ingeniosa, non recipitur. 388.

*Hippocrates* a Foeminis remedia quam plurima accepit. 507.

———— de Tumoribus praeter naturam cur nullum reliquerit commentarium. 511.

———— quae loca peragravit. 377. ad 378. & in quem finem. 378.

———— mire detegit morbum *Regis Perdiccae*. 378.

———— Gens praeclara enumerata. 376. ad 377.

———— Praeceptores. 377.

*Hippocrati* quid Venarum Supervomitum sit. 197.

*Hippocratis* ad Perniones curandos remedia. 500.

*Hippocratis aph.* de Gibbis extra asthma, & tussim, ita est legendus, loco  $\xi\xi$  complendum est  $\xi\xi\omega$ . 400.

———— *aph.* 34. l. 4. expositus à *Severino* luculenter. 384.

———— de Abscessibus doctrina à paucis intellecta, & qua causa factum. 2.

Hip-



# RERUM ET HISTORIARUM.

*Hippocratis* Doctrina egregie exposta. 376. &c.

———— indoles honores & divitias spernit. 377.

———— iudiciorum de Gibbis interpretationes. 410.

———— sententia de Pernionibus curandis quomodo intelligenda? 503. ad 504.

———— sententia de Pernionum curatione perperam à *Vallesio* intellecta, & à *Severino* explicata. 502. & seq.

———— sententiae inter se discrepantes accurate conciliantur. 253.

———— praedictionis de oculorum vitiis interpretatio. 248.

———— verba de Pernionum curatione, *Fabii Calvi*, *Iani C.* & *Anutii Foessii* interpretatione. 502. ad 503.

Hirquitalli quid sint? 297.

Historiae & Anatomicae Observationes in cadavere Marcelli Sacchetti institutae. 312.

———— *Abscessuum Anomalorum*, plerumque nerveis, & cartilagineis fibris, haerentium, variae. 155.

———— quamplurimorum, varias capitis partes aggressorum. 143. &c.

———— auris subcutaneorum quamplurimae. 255.

———— Abscessus, in costis superioribus dilatentis, curati. 192.

———— de Abscessu carniformi cuiusdam Cappucini inveterato, incurabili propter debilem senectutem. 181.

———— in cervice Joannis Antonii Badi Romani. 181.

———— cum ossis corruptione laborantium quamplurimorum. 116.

———— ex Congestu, ma-

ximo, in Jesuita. 108.

Historiae Abscessuum faucium & Palati. 218.

Historia Abscessus Innominati, sine folliculo, curationis a Cl. *Severino*, institutae, Epistola *J. B. Capucii* contenta. 151. &c.

———— pessimi, in genu cuiusdam Carthusiani, *Severino* egregie percurati. 156. & seq.

———— de Abscessu manus foetidissimo cuiusdam puellae. 175.

———— Abscessus perdolentis Sacerdotis à *Cavio*, cum primis mira. 237.

———— Abscessus progermini, in umbilico, novem librarum, 179.

———— Abscessum progerminum perpeffi cuiusdam. 173. ad 174.

———— de Abscessu progermino mirabili Catanei e Cataneis. 174.

Historiae Abscessuum Progerminorum curatorum. 173. 174. 175. 179.

———— qui in partes solidas putredinem invexerunt, aliquot. 308.

———— qui vel sua vi, vel sua mole peremerunt. 308. ad 309.

———— & Casus Sanguineorum Abscessuum. 198.

Historia de Abscessu suppurato & latente, sub homoplata in *Caroli Francisci Mirabilis* filio. 116.

———— Abscessus Teretis quasi trunculati. 228.

———— Abscessus secundum Vertebrae superiores. 116.

———— de Abscessu Vesicae putrido & calloso cuiusdam sodalis *Franciscani*, anatomica. 320.

———— de Abscessu utriformi ad crus Joannis Baptistae Valli. 185.

Historiae Aneurismate extinctorum



# I N D E X

- variae. 206.
- & Casus Aneurismatum. 206. *ad* 207. & 198.
- Historia Aneurismatis arteriae internae descendens mirabilis. 325.
- cum ingenti tumore sanguifluo, curati. 198. *ad* 199. & Aneurismatis hujus causae externae & internae. 204. 205.
- Historiae aliquot Angina pestilente decumbentium, haemorrhagiarum servatorum. 528. 529.
- Historia Anginosi sibi met linguam de-  
cussantis, & curati. 554.
- Anginae siccae ex *Hippocr.* 528.
- Anguis bifidi, flagellofi in sinistro cordis sinu reperti. 281. de hujus Anguis generatione, & veritate, opinio Medici Angli *Joannis Houghton.* 284. Judicium Auctoris. 286. 287.
- Ascite mortui, in cujus abdomine dissecto fungi reperti. 321.
- de Atheromate cum crassa duraque cysti cujusdam Cappucini. 153.
- de Atheromate in dorso Lucretiae Cacacis sanctimonialis. 144.
- de Atheromate supra genu Abbatis Spiritus Sancti. 142.
- Atheromatis in genu. 153.
- de Atheromatis interni corporis. 322.
- Atheromatis in Tyberio Coppula. 141.
- a Bronchocele pervasta strangulati cujusdam, qui oppetiit. 198.
- Historiae duae Calculorum maximae quantitatis excretorum. 302.
- de Cancro in mamma Aureliae ab Alexandro singularis. 222.
- de Carie in malleolo Mariae Caracciolae, a *Severino* curata? 347.
- de Carie malleoli in Thoma Adulcio. 369.
- de Carie sphacelum minitante in Josepho Florillo. *ibid.*
- concrementi veluti, in disseci hominis corde reperti. 321.
- concrementum carneum, oculo dextero subnatum. puellae gestantis. 177.
- de dentis genuini eruptione Decii Favillae. 260.
- de dentium affectu quamplurimae. 259. 266. 261.
- Historia de dolore ingentissimo in Antonio Lombardo. 238.
- de Enterocoele vastissima in abdomine cujusdam inopis. 266.
- de Epileptico quodam, Vidi Vidii Florentini. 288.
- Epinyctidum seu Roseol. saltant. in puella. 467. 468.
- ex Epiphora a *Severino* per uisionem sanatae honestissimae foeminae Mariae Garziae, in aedibus Consilarii D. Gregorii de Angulo. 420.
- Folliculi de gena extracti cum inserto ovo pusillo. 142.
- *Galen.*, de Stepani inter musculos infimi ventris, contra alios Medicos, Abscessu. 52.
- Gangraenae ex osse tali male habito ortae, in Ill. Viro, D. Arithmanno Pignono a *Severino* curatae. 208.
- Gibberibus magnis affectorum, qui senectutem attigerunt, quamplurimorum. 395. 396.
- de Gibbere horrendo ac magno in cervice Antonii Santori. 403.
- Gibbi ex Aneurismate red-  
diti. 207.
- mire Gibbosi, cui nulla difficilis respiratio? 403.



# RERUM ET HISTORIARUM

- a Gibbo liberati pueri Francisci de Pompejis, hocque solo naturae beneficio. 431.
- Glandulae spongiformis, in foemina. 222. *ad* 223. in Viro. 223.
- de Haemorrhoidibus narium. 218.
- Hydrocephali incomparabilis in quodam turnario. 210.
- Hydrocephali memorabilis. *ibid.*
- Historiae de Hydrocephalis G. F. Hildano. l. 1. *Observ.* 10. *relatae*, enucleatio. 211.
- Hydropici intra uterum infantuli, auditu digna, 309. *ad* 310.
- Historiae Impressurarum perdolentium curatarum variae. 238. *ad* 239.
- de inflammatione coli mirabili. 320.
- *Illustrissimae D. Joannae Riberæ Ducis Alcalaeorum filiae suavisimae.* 47. *ad* 50.
- Historia, ex Ischii dolore, motus convulsivos miros proponens. 412.
- Lepidosarcomate cujusdam affecti hominis. 261.
- de Lue Venerea Amethi Barbari. 282.
- manus prodigiosae. 375.
- manus tuberosae cum corruptione totius metacarpi. 176.
- Meliceridis in mammis. 160.
- de Meliceride in mamma sinistra Honofrii Stranerii. 160.
- ————— curata in mamma Petri Antonii Ruffi. 160.
- de Meliceriola Adami Marchii, Medici. 144.
- mira restituti ab excelso delapsi juvenis, intra triduum, ope crustarum more Aegypt. excitatum. 513.
- de motu ex lumborum intrusione perperdito, Matthaei Copulae Patricii Neapolitani. 412.
- de Myxosarcomate praeputii Joannis Olivae Neapolitani. 183. *ad* 184.
- de Oedemate in mento R. D. Petri Benedictini. 101.
- Omphalocalem expertae vastissimam Isabellae Carbonae. 265.
- ossis corrupti &c. *vide* corrupti.
- de Ossis pectoris corruptione, ac curatione, pueri Marylli. 371.
- Historiae ossium Pernionum vi denuclatorum. 482. *ad* 483.
- Paedanchones in adultis 527. 528.
- Historica Paedanchones in pueri cadavere dissecto, observatio. 528.
- Historia Paralysis crurum vertebrae lumborum intrusis. 413.
- Pericardii pure putrido pleni Phthisin caussantis. 68. 69.
- de Pernionibus devastantibus ad periossteum usque, in filia Marri de Majo. 482. *ad* 483.
- Pernionibus affectorum, qui per calefacientia medicamenta fuerunt a Severino curati. 504.
- de Pernionibus, quibus Neapoli quot annis infestabatur Joannis Mariae Scarani, quique ad Siculos profectus nil mali sentiit. 499.
- Phthisici cujusdam per intervalla patientis varios extimo pectore Abscessus. 103.
- Phthisici, ex putrido pure intra pericardium. 68. 69.
- de pure in cor penetrante ex vomica rupta, Fernelii. 69.
- resoluti, propter casum a sublimi loco, dimedio corpore, Scipionis Pulsioni, quique a Severino mirabiliter triduo est sanatus. 413.
- de Roseolis correpta Obstetricis.



# I N D E X

- tricus cujusdam filia, propter mensum defectum. 471.
- de Roseolis saltantibus correpta Lucretia de Castro. 467.
- de Roseolis saltantibus in Dionora Stephagnola, 467.
- Sanguinis fluxus per omnes corporis meatus ex terrore, in foemina quadam religiosa. 197.
- de Sclirofarcomate gingivarum Persiae Peregrinae. 258.
- de sensus ac motus depravatione, ob ingentem lumbarium spondylium contractionem, Camillae Scargiatae. 413.
- de spina reflexa ad modum literae S. a *Cardano* relata. 381.
- de Steatmate supra ensiformem, Dominici Riccardi. 144.
- Steatomatis, supra mammam. 154.
- de Sterni corruptione magna, ex Galeno. 365.
- Strumis cum folliculis, in Hieronymo Caphorio Calabro. 131.
- de Strumis mammarum cujusdam foeminae Lucanae, lectu dignissima. 222.
- Historiae Synanchorum sine V. S. fanatorum. 548.
- Tuberculorum Abscessus progermini dictorum. 173. &c.
- de Tuberculo atro & molli, in filio D. Flaminii Constantii, cum vita abscisso. 262.
- Historia Tuberculorum in capite & facie puellae mire natorum, epistola comprehensa D. *Larchei* ad Auctorem. 177.
- de Tuberculo dimidiati ovi magnitudinis vetustissimo, in brachio dextero Vespasiani Praenestini. 181.
- carniformi Pan-cratii Mustavoli Turracusiensis. *ibid.*
- Historia de Tuberibus progerminis Hieronymi Damiani. 174.
- de tumore sanguifluis tibiae Josephi Palumbi, fatum accelerante. 198.
- de Tumore vasto in brachio Hispani cujusdam aneurismatico. 207.
- Tumoris in septo transverso. 79.
- Historiae Valgi sponte naturae curati undecimo aetatis anno. 431. 432.
- Valgitalis ex madore ad articulos. 429.
- Hollerii de Gibbis opinio refutata. 417.
- sententia de Gibbis curandis maximas subit difficultates. 416.
- in *Aphor.* de Gibbis explanando, refellitur. 396. ad 397.
- Homines mali habitus saepe Zona tentantur. 225.
- plerique Gibberum incommoda non gravate ferunt & curant. 401.
- venales mercium arculas bajulantes, ut plurimum gibbosi redduntur, 385.
- Homo est stirps inversa 232.
- quousque augescere possit, juxta *Haly Abbas* & *Haly Rhodoam*. 397.
- Venerea labe affectus quando salutem sperare possit, 285.
- Hordeoli materia novissime observata. 215.
- quomodo ex palpebris exprimatur. *ibid.*
- Hordeolorum Casus. *ibid.*
- Hordeolum à Veteribus neque cognitum, neque bene curatum. *ibid.*
- Huccherii* medicamenta pro Roseolis resolvendis. 481.
- sententia de Pernionum causis, etsi satis ingeniosa, non tamen



## RERUM ET HISTORIARUM.

tamen approbatur. 488. *ad* 489.

Humani corporis substantia triplex. 348.

Humidum ex triplici substantia corporis una. 348.

Humor Abscessus anomalos procreare comparatus, varius à *Galeno* existimatur. 132.

———— à capite in asperam arteriam illapsus, potest per urinam & alvum expurgari. 77.

———— crassiusculus, ubi per compactam cutem facile diffili non possit, pustulas ciet. 475.

———— crudus praeterquam transmissioni est ineptus, naturam irritat. 32.

———— distortionem membrorum fuscitans, non unus aut simplex, sed varius ac multiplex, existimatus. 424.

———— in Meliceride qualis. 166.

———— melancholicus, Astronomorum, ac Medicorum, consensu versutinis horis analogus est. 467.

———— melancholicus una cum pituita, causa sunt doloris in Epinyctide 444. *ad* 445.

———— Phymata excitans, fere crassus est, & cur? 137.

———— qui ossis vitium invehit excrementitius omnino credendus est. 354.

Humores acuti penetrantes in os, Spinae Ventosae sunt causa, secundum *Avicennam* 358. *ad* 359.

———— à natura alieni, Tumores per Congestum possunt excitare. 101.

———— Epinyctidem inducentes, calidi vel frigidi non sunt simpliciter, sed misti. 443.

———— nostri corporis, qua ratione peccare possunt. 8.

———— omnes esse Roseolarum causas, quibus argumentis adstrua-

tur. 470.

———— tenues ad superiora, crassi vero ad inferiora, facile contendunt. 28.

———— venenosi si in partem aliquam confluant, nativum extinguunt calorem, Gangraenamque concitant. 208.

Hydroceles praeputii causae, & curatio. 231.

Hydrocephalon an cuidam sexui magis commune? 210.

———— est proprius Puerorum affectus. *ibid.*

———— grandiores aetate nonnunquam tentat. *ibid.*

———— in Infante. 211.

———— ingens. 210.

———— in Viro quodam. *ibid.*

Hydropicae suppunctus venter non aquam, sed dilutum sanguinem effudit. 324.

Hydropicorum aquae per urinas expurgantur. 77.

Hydrops per umbilicum evacuatus. 226.

Hyporisma idem quod *Aneurisma*. 195.

### I.

**I**chores ex crassis humoribus deducti, possunt tum consistere, tum adhaerere. 101.

———— humorum ad externum corporis habitum propulsi, graves, & contumaces, affectus parere consueverunt. 101.

———— singulorum humorum Roseolarum causas esse. 471.

Ignis actualis curandis Ossium vitiis summopere probatus. 369.

———— Sacer ab Erysipelate discernitur uno *Celso*. 224.

———— cum *Herpete* aliis confunduntur, aliis distinguuntur. *ibid.*

E e e e

Ignis



# I N D E X

Ignis Sacer idem ac *Zona* seu *Circinus* seu *Zoster*. 224.

Ignis Sacri nomine loco *Erysipelatis*, quinam usi? *ibid.*

—— usus, ubi sanguinis profusio imminet, opportunissimus. 165.

—— praestantissimus in Aneurismate, ejusque virtus exaltata. 205. & 206.

—— pro curandis Pernionibus à *Fallopio* perperam, & cum contradictione, refutatur. 500.

Imbecillitas in Varis, unde oriatur. 423.

Impressura perdolens supra Vesicam, aliis praesidiis frustra adhibitis, igne curata. 239.

Impressurae quid, & cur ita dictae. 238.

Inauratotes Bronchocelis quare subiecti? 194.

Incurvi & Repandi cur non resolvantur. 391.

Indicationes curandarum Roseolarum quae. 476.

Inflammatiō in Pernionibus exulceratis quibus praesidiis tollatur. 505. 506.

*Ingrassiae* (*Philippi*) perversa sententia de *Benat* noctis, quasi Epinyctides essent. 454.

Inguina, & alae, saepe tentantur Abscessibus. 186.

—— in puerulis Hirquitallis sponte intumescunt, hujusque intumescētiāe causa. 297.

Inguinum cum lumbis spectata sympathia jubet saepe, in inguine, excitare crustas vel Setacea applicare. 420.

Intemperatura calida plerumque mala, & cur. 58.

Intemperies frigida plerumque causa est, ut Abscessus revertatur. 113.

—— quibus corrigatur. 113.

Intemperies inaequalis quomodo Gibbosim pariat. 384.

Intestina fibris luteis distincta. 220.

*Joannis Heurnii* hallucinatio in exponendo *Hipp. aph.* 31. l. 6. 66.

*D. Ioannae Riberæ* Abscessus Criticus non fuit, & quam ob rem. 84. 85. 86.

—— Abscessus fuit per Congestionem creatus. 83.

*Joannis Ruardi* Bibliopolae probati Perniones. 486.

Iuniores cur maxime Roseolis obnoxii? 472.

## K.

**K**αταγματικά medicamenta, quid? 369.

Κερχείδιον quid? 216.

Κήδματα quid *Hippocrati*? 4.

Κίμεθλον seu Κείμεθλον Perniones cur dicti. 484.

Κύρτωσης quid? 381.

Κυφοί quinam? *ibid.*

Κύφωσης quid. *ibid.*

## L.

**L**achrima à *lema* quomodo distinguatur. 245.

Laminae ferreae deligationis, spleniorumque fulcientium. usus, Valgis curandis, & corrigendis, confert non parum. 433.

Lapideondi Abscessus ad quod genus Abscessuum referendi. 302.

Lapillus corylifomis è batrachio tractus. 301. Similis excisus ex angulo linguae subdito, nuclei dactylaris formam prae se ferens. *ibid.*

Lapidearum materierum in Abscessibus duo sunt modi. *ibid.*

Laqueus gutturis, idem ac Anchone. 512.



# RERUM ET HISTORIARUM.

*D. Larchei* Epistola ad Auctorem ,  
Historiam Tuberculorum , in pu-  
ella natorum , ponens. 177.

Laryngotomia *Severino* jure proposita,  
& aliis rejecta male. 219.

Laxantia atque attenuantia medica-  
menta in Valgatum vitiis curan-  
dis non probatur; & cur? 432.

Laxantium medicamentorum usus ad  
Perniones curandos perperam à *Val-*  
*lesio* excogitatus. 502.

Leges Abscessus laudabilis quae? 32.  
*etc.*

Lenticulae decoctum pro curandis Ro-  
seolis multum probatur. 478.

ad Lepram, Pestem, omnesque vene-  
natos affectus, Medicamentum ac-  
commodatum. 1. *Quercetani*. 367. ad  
368.

Lignum Quercinum in cotem lapi-  
deum mutatum. 193.

Limosa, fungaeque, Concrementa quo  
pacto proveniant. 178.

Linimentum pro Varis & Valgis. 433.

Liquantia & exsectus, ex anomalis Abs-  
cessibus uni Meliceridi competunt.  
161.

Loca corporis laxa ac debiliora pro-  
germinis Abscessibus sunt obnoxia.  
173.

Locus ad quem consuevit tendere hu-  
mor, aliquantulum certior est quam  
is unde proficiscitur. 9.

—— affectus *Illustrissimae D. Ioannae*  
*Riberae* quis? 58.

—— anomalis Abscessibus obnoxius  
plurimum est caput. 142. 143.

—— unde primo deducitur ad ef-  
fluxum Abscessus, nequit definiri. 9.

Lordosis. 393.

—— quid sit? 381.

Lotium per umbilicum aliquando red-  
ditur. 226.

a Lotura capitis, Abscessus abortus a-  
denosus sub ala sinistra, ovi gallinae

similis. 192.

Lue Venerea vexatis, quibus locis fi-  
ant Exostoses. 214.

Lues Venerea est universale corporis  
intemperamentum, praecipue hepa-  
tis. 350.

Luis Venereae curatio cum *Fonseca* &  
*Quercetano* absolvitur. 93.

—— Venereae duo sunt status. 284.

—— Venereae tertius sive medius sta-  
tus. 285.

—— Venereae absolutae status ac si-  
gna. 284.

Lumborum cum inguinibus spectata  
sympathia, jubet, saepe, in ingui-  
ne excitare crustas vel setacea ap-  
plicare. 420.

Lupia octo libr. ab *Ambrosio Paraeo*  
comperta in cervice, capitis magni-  
tudine. 146.

—— sexaginta libr. ab *Antonio Beni-*  
*venio* exsecta. *ibid.*

## M.

**M**ador perpetuus laxis partibus in-  
cumbit, in pueris & ejus aeta-  
tis affinis. 429. Hunc deducere,  
vi, appendices ossium putat *Seve-*  
*rinus*. *ibid.*

Mammarum adenae in juvenculis quan-  
do & quare extumescant. 297.

—— Strumae per quae differant  
à Scirrhis. 220. 221.

—— quomodo exi-  
mantur. 221. ad 222.

Manus tantum, non alia inferiora, ob  
colli vertebrarum luxationem re-  
solvuntur, & cur. 390.

Manus tuberosae Historia & Figura.  
375.

Manuum Roseolae noctu plurimum  
turgescere solent. 498.

*Marini* error in *Hippocratis aphor.* in-  
terpretando. 66.



# I N D E X

Mariscis laborantes cur Terminthis minime corripiantur. 458.

Materia Abscessus defluxionis necessitatem, inter duos oppositos terminos, agnoscit. 8.

———— ut salutem promittat, quanta sit oportet. 32.

———— Abscessuum aliena per quae dignoscatur. 111.

———— anomalorum haud facile ante sectionemprehenditur. 146.

———— anomala Phymata excitans etsi superflua plurima, tamen ejus pars nutritoria censetur. 137.

———— Apostematum quomodo à parentibus non Apostemosis, ad filios derivari possit. 104.

———— Atheromatis quae? 132.

———— cruda & incocta quid praemonstret. 32.

Materiae coctio requiritur ad Crisin. 14.

Materia Epinyctidis haeterogenea. 443.

———— nitrosa, est pituita cum melancholici succi portione permixta. 442.

———— extra venas existens, saepe in corporis profundum abscedit. 77.

———— in thoracis cavitate collecta saepe tussim non inducit, & cur? 54.

———— juncturarum dolentium in catne subest; Spinae ventositatis in offe. 359.

———— morbosa, partem principem infestans, ubi a Natura inde abducitur, expellitur dein per sinus & cavitates naturales foras; vel de loco uno corporis in alterum transfertur. 3. ad 4.

———— ossium abscedentium quae. 350. 351. 352.

———— Steatomatis crassissima, Meliceridis fluxilis, Atheromatis ficiissima à Galeno indicatur. 132.

Materia vi naturae, non excluditur, ubi coctio non bona fuit. 14 sed transfertur modo. *ibid.*

Materiam crassam in *Illustrissimae D. Ioannae* Abscessu, pet urinam educatam pus fuisse. 75.

Medicamenta composita quae defendunt à Pernionibus. 505.

———— ex animalibus facta nostrae naturae plus consentanea. 367.

———— externa Gibberis corrigendis quae probata. 412.

———— frigida ad Perniones curandos à *Fallopio* proposita. 501.

———— in curandis Roseolis eadem interdum conducunt, interdum fecus. 499.

———— pro labe Venerea praestantissima excogitata. 294.

———— *Rhazae*, pro curanda Gibbosi ficca. 409.

———— *Severini* experimento curandis Pernionibus probata. 506.

———— Valgorum vitiis extirpandis optima quae. 432.

Medicamentum compositum ad Roseolas. 459.

———— *I. Quercetani* accommodatum ad Lepram, Pestem, omnesque venenatos affectus. 367. ad 368.

Medicatio Anomalorum obscura per quae declaretur. 161.

Medico gravi scitu quanam digna? 1. ad 2.

Medicorum error post Abscessus sectionem apertissimus. 117.

Medicus efficiendi socius tantum. 371.

———— exercitus prudensque sit oportet in anomalis Abscessibus curandis. 168.

———— quibus conditionibus tantum Medicus, alias veneficus. 377.

Mel Rosarum solutum pro resolvenda Roseolarum materia probatur. 478.

Melancholia adusta in Epinyctide maxime



# RERUM ET HISTORIARUM

- mē succorum omnium abundat. Meliceris in pollice. 144.  
 443.  
 Melancholiam esse. Roseolarum caus-  
 sam, quibus indiciis deprehendatur.  
 470.  
 Melancholicus humor calcem refert.  
 445.  
 — succus, quamvis crassus,  
 per exiles stomachi venas discurrit.  
 70. ad 71.  
 Melicerides in Metacarpo. 166.  
 — in metacarpi flexura saepe  
 nascuntur. 144.  
 — non raro ab externis causis  
 in articulis excitantur. 145.  
 — sub carpo ex ictu nasci. *ibid.*  
 Meliceridem sibi ipsi Auctor excindit.  
 166.  
 Meliceridi an sit necessarium involu-  
 crum. 126.  
 Meliceridis curatio per medicamenta  
 fallax plerumque visitur. 162.  
 — descriptio, *P. Aeginita*. 146.  
 — descriptio, *Aëtio*. *ibid.*  
 — humor qualis. 166.  
 — in mammis Historia. 160.  
 Meliceris aliquando tunicam habet  
 aliquando non. 162. rei exempla.  
*ibid.*  
 — curatur vel digerendo, vel  
 putrefaciendo, vel excindendo. 161.  
 — ex Abscessibus cysticis, u-  
 na curationem per discutientia sibi  
 praerogat. 162.  
 — in carpo nata, aliquando a  
 nonnullis habita pro Scirrho, &  
 quare? 166.  
 — in carpo sine folliculo. 166.  
 — in digito. 144.  
 — pro Ganglio habita. 166.  
 — in indice extremo. 144.  
 — in mamma. 160.  
 — in metacarpi flexura. 144.  
 — in palpebra superiore inti-  
 ma. 143.
- quomodo ex percussu na-  
 scatur. 145. ad 146.  
 — ut ab Atheromate differt.  
 146.  
 Membra, ad quae terminus fluxionis  
 improprius esse solet, quae. 9.  
 — quibus praesidiis à Pernio-  
 nibus defendi possint. 504. ad 505.  
 — & aetates maxime Pernio-  
 nibus obnoxiae, quae. 493. 494.  
 495.  
 Membrorum debilitas unde oboriatur,  
 quaeve partes revera debiles dicantur.  
 486.  
 Menstruorum, aliorumque superfluo-  
 rum, suppressiones, Roseolarum caus-  
 sa praecipua. 471. ad 472.  
*H. Mercurialis* de causa gibbositatis  
 opinio. 386. refutatur. *ibid.* & *Hip-  
 pocratis* sensui opposita. *ibid.* & 387.  
 — interpretatio super *Hippocr.*  
*aphor.* de gibbis rejecta. 399.  
 — inrerpretatio *text.* 31. *lib.* 6.  
*aphorism.* refelliitur. 250.  
 — levitas & hallucinatio in sco-  
 po curandorum Pernionum institu-  
 endo. 501.  
 — opinio de Gibberis ortu con-  
 vellitur. 386.  
 — opinio de sedibus Pernio-  
 num propriis angusta censetur. 485.  
*Μερίστis* quid. 4. ejus requisita. 31.  
 ad 32.  
 Metamorphosis Syphilidae delineatio  
 graphica fatis. 291.  
 Miliolum Tuberculum quod aut qua-  
 le. 215. ad 216.  
 Mite. quid. 520.  
 Morbi quid *Severino*. 14.  
 Morbi conatus & Naturae diametro pu-  
 gnare solent. 7. Eorumque opera  
 sunt adversantia. *ibid.*  
 — affectus *Severino*. 15.  
 — in alios mutati, fere necant,  
 Eccc 3 &



# I N D E X

- & cur. 39.
- omnes contagiosi cum tetra putredine. 530.
- perdolentes sunt Ulcera. 509.
- indolentes itidem, *ibid.* & 510.
- quando per excretiones judicantur. 26.
- qui dolorem adferunt, inter ulcera quo pacto connumerari possunt. 509.
- qui futuri sint longi. 475.
- venenati nostro aevo nisi effluxum sortiantur mortales perdunt. 551.
- Venerei affectus omnes recensentur. 273. 278.
- — perfecti sedes quae. 286. *ad* 287.
- Morbis nomina imposita a *laesa parte*, vel a *Symptomate*, vel a *Causa*; vel a *Symptomate & parte affecta*; vel a *similitudine ad aliquid extra positum*; vel a *tempore* quo irruunt vel decedunt. 437.
- in Morbi mutationem quare unice spectare debet Medicus? 4. *ad* 5.
- in Morbo longo quae terreant. 88.
- Morborum contagiosorum seminariorum conditiones tres. 531.
- D. *Joannae Riberæ* primordia. 47. 48.
- finis non bonus. 14.
- Morbus symptomaticos Abscessus admolitur. 7.
- acies suas Naturæ opponit. *ibid.*
- cum praefens, quid producat in corpore. *ibid.*
- est sanitatis corruptio. *ibid.*
- est aliquid *ὅθεν φέρειν*. *ibid.*
- quae incommoda sunt corpori machinatur. *ibid.*
- *Illustriissimæ D. Joannæ* cur Abscessus, non autem Ulcus appellandus. 82.
- — cur lethalis existimatus. 88.
- Morbus nullus est ita desperatus, qui salibus *Viperæ* non edometur. 368.
- quando à *Natura* superaturus. 31. *ad* 32.
- Venereus Elephantiasis non est; & an totius substantiae sit affectus 272.
- — & articularis per quae differat à *Roseolis*, 474.
- — quid sit auctoribus Chymistis, Spagiricisve. 278.
- Mucocarnei Tumores qui, quaeve ipsorum materia. 183.
- Mulae quid sint. 501.
- Mulieres, quibus expurgatio menstrua non est, in *Roseolarum* vitium incurrunt plerumque. 475.
- Munus generosi Medici quodnam sit *Galeno*. 57.
- Musculi inter cunctas partes in repellendo sunt validissimi. 355.
- masseteres cur saepe tentantur Abscessibus. 260.
- in Mutationem morbi quare unice spectare debet Medicus? 4. *ad* 5.
- Mutationes graves, & non occultae per quae concitentur. 105. *ad* 106.
- Myxosarcoma monstrosum praeputii trium librarum, abscissum. 183. *ad* 184.
- vulvae alarum à *Severino* praeseptum. 184.
- Myxosarcomati convenit Sarcocoele *Pauli Aeginetae*. 184. nec non inflatio carnea Chiragra dicta juxta *Guidonem* *ibid.* & 185.

## N.

- N**apa seu Nasda, in nate, immanis. 148.
- Naphtharum procreatio. 137. *ad* 138.
- Nares atque aures etiam Pernionibus tentantur, *Fallopio*. 485.
- Nasda seu Napa, in nate immanis. 148.
- Nata



## RERUM ET HISTORIARUM.

- Nata in humero. 140.
- septem librarum, vasta. *ibid.*
- sexaginta libras pendens, enormis. *ibid.*
- sextarium aequans. *ibid.*
- non a figura nomen accepit. 140.
- quid sit? an de Meliceridis genere? an pertineat ad Steatoma? & an peculiarem requirat curationem? 169.
- refertur ad Meliceridem, *Severino* & quare? *ibid.*
- — ad Steatoma a *Jō. Tagaultio*. *ibid.*
- Natae generatio & origo quae & unde? 138.
- quae vasa habeant nutricula? *ibid.*
- multiplex etymon. 122. *ad* 123.
- nomen incertae est originis. *ibid.*
- non simplex apertio, sed amputatio & circumsectio, competit. 169.
- sunt Abscessus anomali. 140.
- de Natarum exortu opinio *Philipp. Ingrass.* probatur. 138.
- Natura Abscessus criticos ad vindicandam corporis Valetudinem excogitavit, ut Morbo liberet. 7,
- ad iliacas venas, per phrenicas, transmittit, quaecumque fundo thoracis ac diaphragmatis haesere. 72.
- ad optimam Valetudinem restituendam, criticos Abscessus excogitavit. 7.
- a materia morbi valentiore, saepe cogitur ita, ut Abscessus producantur Symptomatici. 16. *ad* 17.
- commodo corporis fervida semper. 15.
- corporis tutatrix sedula. *ibid.*
- corrigit & castigat mala ex morbo. *ibid.*
- cum partes a morbo liberat, materiem vel extra corpus expellit. 3. vel ad partes viliores transfert. 3. 4. & 305.
- etiam si concoctionem non aequatur, non propterea desistit; sed per omnes vias materiam crudam evincere tentat. 15.
- ex partibus obsessis saepe transfert humorem ad partes viliores. 3.
- in homine quid sit? 6. Illa uti in sanitate diligentissima est tam corporis, quam sui, conservatrix; sic in adversa Valetudine aequae sollicita est, ut illud a Morbo vindicet. *ibid.* Et quomodo illud peragat. 6. *ad* 7.
- materiam, partem Principem infestantem, suo labore, vel totam vel pro parte, inde saepius transfert. 3. & 6.
- in parva universitatis imagine majoris est aemula. 331.
- materiis expellendis alienis novas adinvenit vias. 11.
- miro modo custodit, cui praefert. 15.
- Morborum Medicatrix. 43.
- morbosos omnes affectus concoquere ac modificare continuo studet. 15.
- Morbos superat, ni materia morbosa prorsus repugnet. 6.
- morbum abigere, tempore valetudinis malae, curat. 15.
- non patitur nocua & aliena, quaecumque Principes occupant partes. 7.
- nullam viam relinquit intentam, ut morbis oppressos adjuvet. 282. *ad* 283.
- partem Principem obsessam levare semper tentat. 3.
- — — — — levatura, humorem infestantem aliorum abducit. 3. Quenam partes quorsum illam materiem totam, vel pro parte, transmittit? *ibid.*
- per morbos ita est in vitio propelt-



# I N D E X

- pellendo sollicita, ut per angustiores vias crassissimos expellat succos, adeoque Abscessus molliatur etiam per ossa. 11.
- quae salutaria sunt corpori procurat. 7.
- quibus facultatibus, viribusque, conservationem animantis tueatur, tum bonae, tum malae, Valetudinis tempore. 14. *ad* 15.
- quando intense languida existimatur? 39.
- secundum singulas morbi species, per propria emissaria Materiae molitur evacuationem. 13. *ad* 14.
- studet continuo concoquere humorem morbosum. &c. 15.
- superioribus temporibus, propter exercitationes corporis frequentiores, validior. 470.
- tam in bona, quam in adversa valetudine mire sollicita est pro corporis bono tuendo. 6.
- ubi foras quod nocuum est expellere nequit materiem morbi deponit, eam transponendo. 15.
- ubi humorem morbosum concoquere non potest, quid peragat in corpore commodum? *ibid.*
- ubi humorem morbosum transponere nequit, alium morbum excitat. *ibid.*
- ut animal levet, aliquando omnem lapidem movet, & omnem conditionem accipit. *ibid.*
- ut corpus humanum ab insidiis morbi vindicetur, utitur duobus praesidiis, spiritu & calore. 6.
- ut nocentibus affluxus detur, paratiorem locum acribus ichoribus pertundit ac fistulat. 15.
- ut totum fervet incolume, partis commodum nullo loco interdum habet. 15.
- valens, deorsum & procul ab affecta parte molestos succos propellit. 28. *ad* 29.
- Vis est infinita corpori, quae ut in sanitate totius illius est conservatrix, sic in statu morbooso a morbo & morte, omni molimine, illud vindicare tentat. 6. ejus praesidia sunt spiritus & calor. *ibid. vide etiam.* 7.
- Vitae rectrix. 7. non patitur nocua & aliena potissime circa partes principes. *ibid.*
- Naturae conatus & Morbi e diametro pugnare solent eorumque opera sunt adversantia. 7.
- finis in procreandis Abscessibus anomalis, quis? 133.
- frustrati finis causa quae? 15.
- in affectibus morboosis, crudis humoribus haerentibus, agendi studium quale? *ibid.*
- labore, partem Principem infestans materies, vel tota, vel pro parte, inde transfertur saepius, 3.
- praesidia dum operatur sunt spiritus & calor. 6.
- providentia, in lue Venerea profliganda, plane mirabilis. 281. *ad* 282.
- quaedam proprietates. 14.
- Vigor & materiae Coctio requiritur ad Crisin. 14.
- in omni tamen Crisi adest. *ibid.*
- vis, & humoris habitudo, plurimum valent ad distortos dirigendos ac resolvendos. 431.
- Nicolai Florentini Serapium pro curandis D. Ioannae affectibus probatum. 91.
- Nodi quid sint Auctoribus? 132.
- Nome quale ulcus. 521. 527.
- Nominum morbis imponendorum ratio diversa. 437.
- novorum in populosis comm-



# RERUM ET HISTORIARUM.

merciis inventio prompta. 336. *ad*  
337.  
Notae calidae, non tam insigni modo  
sunt Epinyctidibus tribuendae, qua-  
les *Philippus Ingrassias* opinatus est.  
451.  
Novae adeo rerum facies, tam va-  
riae, in humano corpore, unde?  
331.

## O.

**O**bservationes de Meliceridis sectio-  
ne, sine ullo periculo facienda,  
quamplurimae. 166.  
—— Anatomicae Paedanchones.  
528.  
Obstetrices ac vetulae, Roseolarum Me-  
dicarum, quam ob causam timeant à  
Venarum Sectione. 477.  
Obstipitas quid. 381.  
Occasio scribendorum *Illustrissimae D.*  
*Ioannae* affectuum quae? 56. *ad* 57.  
Ocreae pro Valgis & Varis infantibus.  
433.  
Oculi ab internis causis facile pertur-  
bantur, & quare. 243.  
—— vasa fiunt morbo conspicua.  
216.  
De oculorum Abscessibus iudicium qua-  
le. 245. *ad* 246.  
Oculorum candida pars exilibus appri-  
me venulis nutritur. 216.  
—— variculae in quibus visun-  
tur. 216.  
Oeconomiae corporis animalis com-  
munitas quid efficiat? 213.  
Oedemofarca cruris descriptum. 185.  
*ad* 186.  
Oesophagus, septo annexus, potest in-  
ter membranam aliquam pituitam  
eructare. 62.  
Olea & emplastra, ad materiam in Spi-  
na contentam auferendam, quae.  
419.

Oleum artificiale ad Meliceridem, ju-  
nioribus probatum. 164.  
—— ex Mercurio utrum valeat Ve-  
neream labem per sudorem discute-  
re. 296.  
—— ex Quajacamo extractum, pro  
Syphilidis vitiis curandis, percom-  
modum habetur. 295.  
Ophthalmiae curatio secundum *Gale-  
num*. 250. *ad* 251.  
—— ficcae per quae praenosca-  
tur. 247. *ad* 248.  
—— ficcae praesagium. 246.  
in Ophthalmia varicula in oculis posse  
contingere. 216  
Opinio *Ambrosii Paraei* de cysticorum  
Abscessuum procreatione. 134.  
Opinio multorum de propria Conge-  
stionis materia quae. 100.  
Opiniones nonnullae, inter se variae, de  
termino & ampliatione ulceris *Il-  
lustrissimae D. Ioannae*. 49.  
—— variae de generatione, na-  
tura, & loco, Strumarum. 187.  
—— de parte affecta in  
*Illustrissima D. Ioanna* languente. 52.  
—— vulgare hominum, de Ro-  
seolarum forma & natura permulta.  
460.  
Opinionum conciliatio de Strumarum  
natura. 189. *ad* 190.  
*Oribasii* Medicamentum pro praefer-  
vandis membris à Pernionibus quo-  
modo paretur. 505.  
*Oribasius* in definitione Epinyctidis le-  
viter ab *Ingrassia* taxatur. 448.  
Os candenti ferramento quando sit in-  
urendum. 371.  
—— corruptum quando deradendum,  
vel terebello perforandum. 370. 371.  
—— totum, secundum *Galenum*,  
est excindendum. 371.  
—— in Paedarthrocace primum, deinde  
carnem occupari, scitissime osten-  
sum. 344.



# I N D E X

Os in spongiosa posse inflammari parte. 353.  
 — longo saniei contagio corrumpitur, & vitiatur. 148.  
 — putrescere ab inflammatione, *Severino*. 353.  
 — spongiosum circa articulos, juxta *Severinum*, quare? *ibid*.  
 Ossa affecta terebello pertundenda, jam docuit *Severinus*. 371.  
 — non aequae sed paulo saevius, quam carnes, inflammantur, & cur. 352.  
 — partes cum sint debilissimae, cunctas à carne rejectas superfluitates in se recipiunt. 350.  
 — posse apostemari quomodo probatur. 338. *ad* 339.  
 — quidem Apostemate non tentari, quibus rationibus suaderetur. 239.  
 — quomodo a pravis succis vitentur. 342.  
 — quomodo inflammentur ac subeant Abscessum. 353.  
 — secundum *Avicennam* admittunt Apostema. 339.  
 — utrum suapte natura subeant Apostema. *ibid*.  
 Ossibus longis artuum ternae sunt partes. 428.  
 Ossis Abscessus sunt sine dolore. 374.  
 — capitis abradendi, exsecis tuberculis, *Aëtii* sententia, *Severino* explicata. 168.  
 — corruptio in anomalis quando formidanda. 164.  
 — — Medicos multum fatigat. 364.  
 — — tanto gravior est, quanto durior est ejus substantia. 344.  
 — inflammatio quandoque Spinae Ventositas à quibusdam appellatur. 353.  
 — pectoris corrupti in puero, & excisi, cum effectu sanationis, Hi-

storia, ex *Galeno*. 365.  
 — terebrationem in carie jam docuit *Severinus*. 371.  
 — vitiatio cur faciliior sit in pueris. 353.  
 — — universa divisio triplex est. 342.  
 Ossium Abscessus potius per congestum, quam per defluxum procreantur & cur. 347. *ad* 348.  
 — — Apostemata à quolibet succo possunt concitari. 342.  
 — — longorum fines, qui cum aliis articulantur, molissimi ac succulenti sunt. 343.  
 Ovum majusculum ejectum ex Abscessu femoris. 133.

P.

**P**aecilocace. 470.  
 Paedanchone ad *Prunellam* est analoga. 536. *ad* 537.  
 — — convenit cum *Prunella Paracelsi*. *ibid*.  
 — — contagiosus & pestilens est affectus. 530. *ad* 531.  
 — — cur ad pestilentes affectus referendus. 532.  
 Paedanchone divexati quare potum fugiant? 526. Eorundem irrequietus decubitus unde? *ibid*.  
 in Paedanchone febris acuta & fitis unde? *ibid*.  
 Paedanchone laborantium deplorandus status ex *Aretaeo*. 519.  
 — — pressorum facies quare pallida? 526.  
 in Paedanchone spiritus vitium unde? 525.  
 Paedanchone tamquam corruptorio affectu laborantes quare non cuncti moriantur. 551.  
 — — est acuta vel lenta. 529.  
 — — non plenitudinis excessu, sed pravitate, peccat. 539.

Pac-



## RERUM ET HISTORIARUM.

- Paedanchone quasnam praecipue Re-  
giones infestet. 519. & 535. *ad* 536.  
\_\_\_\_\_ quod sit pestilens, probatur.  
530. & 531.  
Paedanchones causae duplices exter-  
nae & internae. 534.  
\_\_\_\_\_ causa formalis, efficiens &  
materialis. *ibid.*  
\_\_\_\_\_ causae externae earumdem-  
que examen. 523.  
\_\_\_\_\_ internae causae sunt variae  
& multiplices. 534. Totidem & ex-  
ternae. *ibid.*  
\_\_\_\_\_ Contagii probatio. 530. *ad*  
531.  
\_\_\_\_\_ Definitio. 534.  
\_\_\_\_\_ duplex mos. 529.  
\_\_\_\_\_ Generationis modus. 533.  
\_\_\_\_\_ matetia in pectus per arte-  
rias delapsa, quare eodem ipso die  
interficiat. 518. & 523.  
\_\_\_\_\_ signa pathognomonica &  
prognostica. 530. 537.  
\_\_\_\_\_ prognostica pessima  
varia. 538.  
\_\_\_\_\_ sedes quae? 528.  
\_\_\_\_\_ sedes affecta quare asserta  
caput & cerebrum. 549.  
\_\_\_\_\_ morbi sedes est Cerebrum,  
*Severino*. 532. & 549. 550.  
Paedarthrocace ab ossis inflammatione  
fit. 353. patet ex tumore. *ibid.*  
\_\_\_\_\_ an Veteribus graecis nota?  
357.  
\_\_\_\_\_ Arabum, seu Ventositas spi-  
nae forte *πεγνδον* veterum Graeco-  
rum. 357.  
\_\_\_\_\_ cur pueris facilius. contin-  
gat. 352.  
in Paedarthrocace corruptiones ossium  
sunt ex male purgatis exanthema-  
tibus. 357.  
\_\_\_\_\_ ut & lue Venerea, quare  
ossa potius inficiantur carnibus. 350.  
Paedarthrocace Abscessus quis, aut  
quid? 356.  
\_\_\_\_\_ est Abscessus. *ibid.*  
\_\_\_\_\_ est Abscessus exostosi Sy-  
philiae similis. 350. 366. *ad* 367.  
\_\_\_\_\_ est Abscessus quidem, qui  
& per influxum, & per congestum;  
sed maxime per congestum. 347. *ad*  
348. & 350.  
\_\_\_\_\_ est sine dolore. 373. 374.  
\_\_\_\_\_ & Spina Ventosa unum &  
idem, *Pandolphino*. 359. differt. *Se-  
verino*. 360.  
\_\_\_\_\_ etiam Antiquis cognita. 358.  
\_\_\_\_\_ inficit os primo quam pe-  
rioosteum. 374.  
\_\_\_\_\_ luxati ossis ignaris speciem  
praebet. 363.  
\_\_\_\_\_ Pueros, & qui incunabu-  
la excefferint, tentat. 345. & ulte-  
riori aetati contingit, uti variolae  
morbilli. 347.  
\_\_\_\_\_ pueros, non ratione ulceris,  
sed cachexiae, enecat. 364.  
\_\_\_\_\_ quando periculum inferat.  
365.  
\_\_\_\_\_ quare Spina Ventosa habita  
*Avicennae*. 364.  
\_\_\_\_\_ ut ab Arthritide & luxatione  
distinguat. 363. *ad* 364.  
\_\_\_\_\_ vitium ossis verum *P. ab Ar-  
gillata*. 345.  
\_\_\_\_\_ verum ossis vitium, *Avi-  
cenna*. *ibid.*  
\_\_\_\_\_ *A. Florentino*. *ibid.*  
\_\_\_\_\_ *I. Langio*. *ibid.*  
\_\_\_\_\_ vitium tertiae coctionis est.  
367.  
Paedarthrocacen non solum incurrunt  
pueri, sed etiam adulti. 347.  
Paedarthrocaces a Spina Ventosa diffe-  
rentia. 359.  
\_\_\_\_\_ causa est excrementitia,  
ex reliquiis Variolar. Morbill. &c.  
354. cui humori adhaeret exustio, ut  
in fuligine turis &c. *ibid.* & 355.  
Ffff 2 Pac.



# I N D E X

Paedarthrocaces caussa, praeter dictas,  
ab habitu corrupti & languidis pa-  
rentibus. 347.

caussae, ex seminali utriusque  
parentis materia. 345. *ad* 346. tum  
cachexia, seu gignantium, seu pro-  
genitorum hereditaria labes. 346.

caussa putredinis ferment-  
tum, quod ab inflammatione. 353.

caussae solemnes sunt, tra-  
duces parentum contagēs & horum  
reliquiae morbilli & variolae. 365.

differentiae ex subjecto,  
vel ex forma in subjecto. 361. In  
subjecto occurrit crasis corporis, aet-  
tas, &c. *ibid.* *ad* formam in subje-  
cto consideratur quantitas, locus,  
motus, tempus. *ibid.* & 362. caussae  
internae quae varietatem inducunt.  
362. Quomodo ratione effectuum  
differat. 362. *ad* 363.

ementitae, vel non consum-  
matae, Historiae. 365. & 366.

in pueris a Variolis, & a-  
liis exanthematibus, non repurga-  
tis. 364.

mutilationem membri saepe  
inducit. 365.

potius est de natura cor-  
ruptionis & fiderationis, quam cor-  
rosionis, *Severino*. 349. & 459. nisi  
incipiens sit de genere corrosionis,  
& postea corruptio. 360.

sententiae Auctorum va-  
riae. 359. *ad* 360.

Paedarthrocace Veteribus ignotum vi-  
detur utcumque, sed non omnino.  
357. *ad* 358. verum a sexaginta annis.  
*ibid.*

Paedarthrocaces vitii praeservatio quae?  
366.

ulcuscula quo tempore fi-  
ant. 263. unde fiant. *ibid.*

Paeti qui. 422.

*Paedarthrocaces* caussa formalis. 534.

efficiens. *ibid.*

definitio ex caussa. *ibid.*

Palati scarificatio in faucium morbis a  
Veteribus instituta. 557.

*Pandolphini* error in Spinae Ventosita-  
te detegitur. 359. *ad* 360.

Pararthrema. 427.

Parencephalon quid? 212.

Paristhymia & fauces compleximump-  
ta pro alibilibus & spiritalibus viis,  
janua sunt plerisque subeuntibus in  
corpus & egrediuntibus. 524.

Parotides quando pravae, lethales vel  
suspectae? 41.

salutares quae? 40.

Parotidis terminatio, & in principio eu-  
ratio, quae? 44. *ad* 45.

Pars affecta in Epinyetides quae, secun-  
dum *Iulium Pollucem*? 446. quae, se-  
cundum Auctorem? 447.

certa, quae in Paedanchone ab-  
analogia expetitur, est. *cerebrum*.  
532.

à Pernionibus affici sueta quae?  
485.

Partes Pernionibus obnoxiae quae?  
486.

superiores à Pernionibus, secun-  
dum *Mercurialem*, quare tentari non  
possint? 485.

Particulae debiles Abscessibus obnoxiae  
quae? 110.

Particula quo pacto ab huiusmodi mor-  
bo praeservetur. 113.

Partibus pudendis Virorum & Foemi-  
narum idem affectus advenit. 184.

Partis imbecillitas Abscessuum caussa. 21.

Passio anginosa idem ac *Anchone*. 512.

Pastilli ex Viperis. 368.

Pastillis pyroticis quando in vitiatissimis  
sibus utendum. 371.

Pastinacae marinae aculei puncturâ  
Meliceris curata. 127.

*Pauli Aeginetae* medicamentorum ad  
Perniones praeparatio. 505.

*Pauli*



# RERUM ET HISTORIARUM.

- Pauli Aeginetae* opinio de Epinyctidis materia. 440. *ad 441.*
- Paulus Aegineta* Anomalorum notas ac judicia brevissime descripsit. 146.
- Pectoris Gibbera cum magis pernicioſa. 401. *ad 402.*
- Pedes ex Anarrhoe alimentis contabefacti. *fig. ad pag. 177.*
- Penetrationis modi in contagio ſunt tres. 531.
- Perinaei natura & huius Abſceſſum cauſae quae? 266.
- Abſceſſus curatio. 267.
- Perioſteum, in Epinyctide ſedes affecta, quibuſdam falſo credita. 447.
- in Paedarthrocace non inficitur primo, ſed contra. 374.
- Peripneumonia, Angina, Empyema & Cacochymia, quomodo per urinae vias expurgari poſſit. 72.
- crurium Abſceſſu ſaepe finitur. *ibid.*
- Peripneumonia ſaepe liberantur, materia in Crurum Abſceſſus rapta. 67.
- Perizemata quid. 443.
- Perniones à doctis viris inter tumores reſenſiti. 484.
- an contrariis curentur? 500.
- an ſint ulcera? 465.
- apprime ſimiles contuſionibus. 492.
- *Chimethla* maligna quomodo vocat *Ariſtoteles*. 483.
- cur hyberno tempore ſuſcitantur. 486.
- cur non incurrant Piſcatores. 187.
- curantia Medicamenta, *Severino* experta. 506.
- differunt à Roſeolis ſaltantibus. 457.
- exulcerati quibus medicamentis fovendi. 505.
- idem ac *Roſeolae*, ſimpliciter dictae ſunt. 485.
- in quibus corporis partibus reperiuntur & qua forma. 457. *ad 458.*
- interiores cauſas non agnoſcunt. 457. ſed tantum a frigore. *ibid.* Roſeolae ſaltantes contra. 458.
- in ulcerum genus à *Mercuriale* relati. 484.
- non alia cauſa quam frigore producuntur. 457.
- perpetuam laedendi rationem minime ſervant. 499.
- ſunt *Roſeolae*, ſimpliciter dictae. 485.
- utrum ſolorum pedum ſint vitium. *ibid.*
- utrum inter tumores aut ulcera ſint annumerandi. 484.
- Pernionibus ſaepe oſſa nudata ac ſiderata. 487.
- Pernionis nomen unde? 482.
- Pernionum cauſa quae? *Fallopio*. 488.
- cauſa non eſt cutis addenſatio. 486.
- cauſa, omnium conſenſu, frigus eſt. 490.
- cauſam materialem non eſſe ſanguinem, diſputatum adverſus *Fallopium*. 490.
- efficax medela Scarificatio. 502. *ad 503.*
- externa cauſa eſt benigna; Roſeolarum vero interna & maligna. 458.
- etymon a *pterna*, graeco vocabulo, fluxit. 483.
- methodica curandi ratio ad hanc diem minime per auctores explicata. 499.
- natura paucis comprehenſa atque intellecta. 484.
- natura quae? 492. *ad 493.*
- notae. 497.
- vera curatio ſanguinis ſemi-



# I N D E X

- micorrupti evacuatione absolvitur.  
*Hippocrate.* 502.
- Pestiferi, & necantis, vocabuli differen-  
tia quae, & qualis. 520. *ad* 521.
- Pestilens aëris constitutio adenosos ag-  
glutat Abscessus. 21.
- Pestilentia apprime corripit glandulas,  
juxta *Severinum.* 533.
- omnis per aërem coinqui-  
natum communicatur. 532. *ad* 533.
- Pestilentiam afficere primo Cerebrum,  
juxta *Hippocr.* & *Severin.* 533.
- Pestilentium affectuum tria requisita.  
532.
- Pestis ideae tres *Paracelso.* 536.
- Petri Apanensis* opinio pro curandis  
Pernionibus ut intelligenda. 500.
- Pharmaca pro curanda *Illustrissima D.*  
*Joanna* fuerint peropportuna? 91.  
*ad* 92.
- Philippi Ingrassiae* opinio de Epinycti-  
de, quod sit morbus calidus, non  
recipitur. 444.
- opinio de materia  
Epinyctidis rejicitur. 441.
- de modo quo gene-  
ratur in Epinyctide dolor, rejicitur.  
444.
- historia de offis Ab-  
cessu. 341.
- Phlebotomiae jugularis Venae prae-  
stantia. 540.
- Phlegmone per congestum raro fit.  
100.
- Phthistici saepe tuberculis in interno  
pectore tentantur, & quare? 103.
- Phthisin citra pulmonis exulcerationem  
advenire facile ostenditur. 311.
- Phygethlon observata *Severino.* 192.
- Phyma est Tuberculum. 234.
- Phymata anomala cur ob plenitudi-  
nem oboriantur? 137.
- vocantur *Abscessus anomali.*  
145.
- Abscessusve anomali, non  
semper spontanei, verum & a caus-  
sis exterioribus oriri possunt. 145.
- Phymata quando ex venenis conciten-  
tur? 103.
- Phymatum causae efficientes quae? *ib.*
- Pilulae ex Viperis. 368.
- Pingue quid in ulceribus? 321.
- Pituita inter humores excitantes Epi-  
nyctidem adnumeratur. 443.
- inter ventriculum & sep-  
tum transversum posita, si ad vesicam  
deducatur, solvit morbum. 63.
- in venas effusa crassitie &  
copiâ, easdem obstruens, pueros in  
morbo sacro perimit, 299.
- nitrosa Epinyctidis est ma-  
teria, secundum *Philip. Ingrass.* 441.
- nostra aquam refert. 445.
- quomodo post sanguinem  
sit Roseolarum causa. 470.
- vero modica effusa eosdem  
in vita relinquit, nota, *ἐπιονυγία* dic-  
ta, relicta. 299.
- Plagae an consuendae tunica absces-  
sus exempta. 168.
- Planta noctis. 454.
- Plateri* observatio de glandula cerebri  
supra corpus callosum. 180.
- Plinii* Epinyctidis vocis usurpatio. 483.
- medicamenta pro curandis Per-  
nionibus proposita.
- Podagra & Chiragra à sanguinis mis-  
sione cur advocentur? 477.
- Polypi & Haemorrhoidarum narium  
differentia. 217. inter hos discri-  
men, juxta varios. 218.
- Populi Septentrionales, cur magis  
quam Itali, frigoris ac Pernionum in-  
juriis resistent? 495.
- Praeceptores Hippocratis. 377.
- Praeputii virilis & alarum foemina-  
rum *idem* usus. 184.
- Praesidiorum, quibus natura ad cor-  
pus humanum à morbificis insidiis  
vindicanum utitur, officium. 6.
- Pro-



## RERUM ET HISTORIARUM.

- Progermini Abscessus caussa humoralis quae. 173.
- Proprietates Abscessus quae? 22. 23. 24.
- Proptosis oculi. 217.
- Prunella quid secundum *Paracelsum*? 536.
- unde oriatur juxta eundem *ibid.*
- Prunellae *Theophrasti* correspondet Paedanchone, ratione suae causae. 536.
- ad 537.
- caussa, juxta *Paracelsum*, arsenicum & realgar resolutum. 536.
- ad Prunellam maxime anologa Paedanchone. 536. ad 537.
- Pseudocephalon quid? 212.
- in Pterygio variculam in oculo contingere posse. 216.
- Ptolomaei* opinio de causis Gibberis quae? 389.
- Pubertas quousque extendatur. 397. & 398.
- Pubertatis annus secundum *Gal.* & *Hipp.* quotus? 397.
- Secundum *Ptolemaeum*, & alios, quotus? *ibid.*
- Pudenda, tum viri, tum foeminae, mucocarneos Abscessus saepenumero experiuntur. 184.
- Pueri cur ad pestem & putredinem concipiendam accommodati, juxta Mercurialem? 532.
- cur distortionibus obnoxii. 429.
- cur frequentissime tententur Abscessibus. 89.
- cur Spinae ventositate tententur. 345.
- ex Asthmate ac tussi Gibbi, secundum antica & postica, diu vixerunt, & cur? 395.
- puellae ac juniores foeminae cur maxime Roseolis obnoxii. 474.
- quare ad Paedanchonen prona? 532.
- quare Paedanchonen indicant, causae. 535.
- quidam à Paedanchone liberi reputati nihilominus sunt sublati. 529.
- Puerorum excretiones plurimum a prudentioribus Medicis non cohibentur. 346.
- vitia ad articulum, an ulcera sint appellanda? 338.
- Valgorum affectus, ope naturae saepe solvitur. 430.
- Pueruli Valgi, Varique, ab incessu abstinendi. 433.
- Pulveres callum inducentes. 371.
- sarcotici. *ibid.*
- Pulvis ad ossis callum inducendum accommodatus. *ibid.*
- Pulsus Aneurismatis perpetuus est comes. 203.
- quare interdum aboleatur. 205.
- Purgantia pro curandis Roseolis optima, quae. 478.
- Puris collectionem *Illustrissimae. D. Joannae* non esse in thoracis cavitate, quibus argumentis probetur. 61. ad 62.
- de cavitate thoracis expurgandi via, à *Galeno* excogitata, non recipitur. 69. ad 70.
- viam per quam materia è thorace cum urinis educitur, à *Severino* excogitatam Neapolitani Medici quamplurimi admisere. 71.
- Vomica Pulmonis disrupta, via usque in vesicam. 67. & 329.
- Purulenta materia extra venas existens perpetuo per exteriora educitur. 74.
- Purulentam materiam *Illustrissimae. D. Joannae* fuisse extra venas exquisite probatur. 75.
- Pus, ab Abscessibus copiose manans, quid praemonstret? 112.
- è thoracis cavitate quomodo revera per urinam educatur. 70. ad 71.



# I N D E X

Pus extra venas collectum potest à natura per venas expurgari. 77.

— in Abscessibus cur non semper à tangente percipitur. 111.

— in thorace collectum per venas phrenicas deduci ad vesicam, quibus argumentis probetur. 70. *ad* 71.

— in thoracis cavitate collectum, nonnunquam per urinam educitur. 53.

— non posse per sinistrum cordis ventriculum expurgari adversus *Galen*i placita demonstratum. 69. *ad* 70.

Pustula lata fomentis acribus, falsisque, fota, saepe in ulcus transmigrat, nisi corpus medicamentis diluatur. 475.

Pustulae cur hybernis temporibus maxime suscitentur. *ibid.*

— distinguuntur triplices *Celso*. 465.

— latae quomodo Roseolae videri possint. 459. *ad* 460.

— — — — — quamvis inter Roseolas *Hippocrati* numeratae, tamen utraque differunt in multis. 459. *ad* 460.

— quo pacto in Pernionibus excitentur. 497.

Pustularum & Ulcusculorum est affinitas; & vicissim haec in illa mutantur. 466.

— generatio sit natura repurgante altiores corporis sedes, & ad cutem transmittente. 473.

— species quot sint *Celso*. 465.

Putredini nihil repugnantius est igne 541.

Putredo cum Syphilide conjuncta, non sola mali causa est effectrix. 277.

— duplex est. 273.

Putrefaciens causa quid Auctori? 349.

— & corrodens cunctas humani corporis partes invadunt. 348.

Putrefactio quid & putrefaciens. 349.

Putris materies animalcula in nobis gignit. 330. *ad* 331.

Q.

**Q**uaiacini aqua quomodo extrahatur per retortum vitrum; item ejus usus atque utilitates quae. 295.

— spiritus virtus, pro luis Venerae concrementis extenuandis, quae. 294.

Quantitas materiae, ut salutem promittat, ab *Hipp.* est determinata. 33.

— Abscessus pauca, semper ab *Hippoc.* mala existimatur. 37.

Quercinum lignum in cotem lapideum mutatum. 193.

R.

**R**axae decoctum ad Perniones, *Celso* propositum. 505.

— praecepta, ac auxilia, pro ossium vitiis extirpandis. 372.

— praesidia, pro vitiis ossium depellendis, improbantur; & cur? *ibid.*

Realgar & Arsenicum, a Chemicis, Paedanchones causa statuitur. 536.

Recidiva inflammatio in Angina, mala. 538.

Rectitudo quid sit *Hipp.* 10.

Refrigerantium effectus. 417.

Religiosi Caenobitae cur Abscessibus anomalis frequenter tententur. 145.

Remedia fortuita interdum aliis efficaciora. 553.

Repellentium usus ad Perniones ut probetur. 500.

— — — — — cur Tumoribus à congestu improbetur. 114.

Repanditas & Divaricatio, quid. 381.

Res n. non n. & p. n. quid valeant ad producendum Abscessum? 21.

Re-



# RERUM ET HISTORIARUM.

Respiratus difficillimus in Angina maxime suspectus. 538.

Revellendi modus in Paedanchone qualis? 545.

Revulsio quando Abscessibus utilis. 43. ad 44.

Rhagades seu Rhagadia quid? 279.

Rigores & febres ab exacerbatis Pernionibus saepenumero excitantur. 498.

Rimae, seu Rhagades, Venereae contagis, manus praeprimis occupant. 279.

Rimosus Venereae contagis affectus quas occupet partes. *ibid.*

Rosa capitis quid sit Severino. 242.

Rosae capitis curatio ac observatio. *ibid.*

Rosea malifacies cur prope praecordia aut viscera nunquam visa sit. 473.

Roseolae, a nonnullis, ad arthriticos dolores referuntur, sed male. 461.

\_\_\_\_\_ per quae differant à Terminthis. 459.

\_\_\_\_\_ ad Syphilia Tubercula inflammatoria noctu perdolentia plurimum accedunt. 474.

\_\_\_\_\_ affectio Abscessus dici potest. 456. ad 457.

\_\_\_\_\_ an sint Terminthi. 458.

\_\_\_\_\_ an Venae sectionem ferant. 477. ad 478.

\_\_\_\_\_ an Veteribus cognitae. 458.

\_\_\_\_\_ an Ulcera? an Pustulae? an Tumores? 465.

\_\_\_\_\_ apud antiquos non fuerunt tanti momenti, quanti nos facimus. 470.

\_\_\_\_\_ bifariam considerantur. 457.

\_\_\_\_\_ calidis & igne irritantur. 460.

\_\_\_\_\_ cum Syphilidis Tuberculis utcumque conveniunt. 474.

\_\_\_\_\_ cur endemiae, ac Neapoli frequentes. 471.

\_\_\_\_\_ cur difficiles sint curatu. 475.

\_\_\_\_\_ saltantes dictae. 457.

\_\_\_\_\_ e pustularum latarum ordine. 459.

\_\_\_\_\_ & Ulcuscula, & Pustulae, esse possunt, & Tubercula. 466.

\_\_\_\_\_ ex adusta melancholia, ac nitrosa pituita, procreatae contumaces, & malignae, censentur. 463.

\_\_\_\_\_ hyeme vigent. 460.

\_\_\_\_\_ ita dictae, quia Tuberculum ex pluribus constans est. &c. 462.

\_\_\_\_\_ Latinis Pustulae, Graecis Ulcuscula sunt. 464.

\_\_\_\_\_ neque simpliciter Pustulae sunt, neque Tubercula absolute, sed mistam ex his habent naturam. 465.

\_\_\_\_\_ nodulis & Arthritidi sunt aliquo pacto similes. 474.

\_\_\_\_\_ non sunt latae Pustulae, ab Hipp. memoratae. 459.

\_\_\_\_\_ non ad Tuberculum proprie, sed potius ad Exanthemata. 465.

\_\_\_\_\_ nostrates internis tantum medicamentis eximuntur. 469.

\_\_\_\_\_ per initia subrubrae apparent. 468.

\_\_\_\_\_ Pustulae latae sunt potius quam Phyma ac Tuberculum. 459.

\_\_\_\_\_ quamplurimis in nosocomio decumbentibus, feliciter à Severino per chirurgiam curatae. 481.

\_\_\_\_\_ quomodo per chirurgiam curandae. *ibid.*

\_\_\_\_\_ raro natura, verum arte, curantur. 475. ad 476.

\_\_\_\_\_ scarificationem primario exigunt. 481.

\_\_\_\_\_ simpliciter dictae, idem sunt ac Perniones. 485.

\_\_\_\_\_ sine medicamentorum opo raro recedunt. 475.

\_\_\_\_\_ sunt maculae subrubrae faeculentae. 456.



# I N D E X

Roseolae videntur inconstantis Naturae Abscessus. *ibid.*

———— unam perpetuo particulam minime occupant, sed per omnes artus, manus, pedesque, vagantur. *ibid.*

———— vulgares nostrates in Pustularum familia recensentur. 465.

Roseolae saltantes a causa interna, unde a Pernionibus differunt. 458.

———— artus medios praesertim adficiunt, unde ab Arthriticis speciebus differunt. 474. licet dein aliquando procedant ad articulos. 475.

———— cum Pernionibus perperam confunduntur. 457.

———— saltantes cum Roseolis simpliciter dictis, perperam à nostris confunduntur. 485.

———— differunt a Pernionibus. 457.

———— pueris potissimum, maxime puellis, ac foeminis junioribus, adveniunt. 474.

———— quid. 456.

———— cur appellatae. 457.

Roseolarum causae quae. 470. & 471.

———— character seu vera forma quae. 462.

———— differentia duplex. *ibid.*

———— affectio per externa medicamenta exacerbatur. 469.

———— natura cur valde incerta sit ac difficilis. 458.

———— observationes & experimenta. 467.

———— ortus praesertim tempore hyberno. 474. *ad* 475.

Roseolarum saltantium curatio foeminae relicta. 466.

———— tumor est singularis, non multum exsuperans, & pressus instar fabae. 462.

———— stabilis ortus ad hyberna tempora: & quam ob causam. 475.

Roseolarum unde nomen. 457.

Roseolis quare non molestantur seniores & aetatis grandiusculae? 472.

———— qui maxime obnoxii. 473. in Roseolis via salutis quae. 475.

Rosulae saltariciae falso *Tubercula*. 336.

Rubor cum inflammatione essentialia Pernionum signa *Celso*. 497.

Rusci decoctum pro urinis educendis, à *Dioscoride* summopere commendatum. 93.

## S.

**S**al Ammoniacum, est sal concoctorum nostrorum humorum. 212.

———— cum Melle tritum, ad manus ac pedes assidue perfrecta, istos à Pernionibus defendunt. 504.

———— vitriolatum extra regionem de sua testa resolutum, Paedanchones est causa. 537.

Sale utitur *Severinus* ad impediendum coalitum vulnusculorum, in Hydrocele praeputii &c. 231.

*Sanctorelli* remedia proposita, pro curanda *Illustrissima D. Ioanna*. 92. *ad* 93.

Sanguis, admistione pravorum succorum, quo pacto ad diversas corporis partes effundatur. 197.

———— cur diversa Tumorum genera pariat. *ibid.*

———— & Humores labe Venerea infecti, graviter corrupti redduntur, & qua causa. 350.

———— in Aneurismate non corrumpitur, & cur? 196.

———— in Parotide quando mittendus. 44.

———— lue Venerea confirmata infectus, Abscessus frequenter suscitare solet. 103.

———— ex meatibus omnibus corporis

cf-



## RERUM ET HISTORIARUM.

- effluxus, prae terrore. 197. idem ex nimio usu Brassicae marinae. *ibid.*
- menstruus vitiosus & immundus, quo foetus in utero nutritur, multorum affectuum est causa. 345. *ad* 346.
- purus an sit materialis causa Pernionum. 490.
- venarum eget vivida luce & actu perpetuo, ne corrumpatur. 204.
- Sanguiflui Abscessus qui. 195.
- Sanguinem esse praecipuam causam Roseolarum, quibus argumentis ostensum. 470.
- Sanguinis detractio curandae Gibbosi ex siccitate, *Razae* proposita. 409.
- in gibbosi à repletionem, *Razae* probata. 414.
- Sanguinis effusio unde & quomodo fiat in Paedanchone. 551.
- exundantis causae quae. 197. *ad* 198.
- fluor cur potius in junioribus expectetur. 20. *ad* 21.
- fluores quibus in aetatibus secundum *Hipp.* magis fiant. 21.
- missio curandis Roseolis an necessaria? 477. *ad* 478.
- Roseolis cur advesertur. 477.
- Roseolis quando conducatur. 477. *ad* 478.
- è manu quidem in maribus, & è pede in foeminis, pro curandis Roseolis, quando conducitur. 478.
- resolutionis causae. 198.
- supervomitibus quibus modis reddatur probabilis. 197.
- Sanguisugae in Paedanchone. 545.
- Sanies cur ex abdominis compressione minime ulcerosi resultarit, ex *D. Ioannae Riberiae* affectu? 54.
- quomodo compressis naribus ex auribus educatur. 256.
- Sanitas est Naturae effectus. 7.
- integritasque corporum, plurima parte, nostris temporibus, contagio Venereo corrupta est. 471.
- Sapientiae dens, seu *Sophonister* quando erumpat. 260.
- Sarcocele *Pauli Aeginetae* convenit Myxosarcomati. 184.
- Sarcoceles species quomodo curet *P. Aegineta*? *ibid.*
- Sarcoma & Sarcocele, quid? 180.
- in penis glande extrema. 182.
- oculo dextero Puellae subnatum. 177.
- Σαρκοννοι* pulveres. 371.
- Satyris Elephantici aequiparantur. 214.
- Scabies, impetigo &c. quarto Tumorum ordini adnumerantur. 465.
- Scalprum curvum seu Smilion perfectione ubi laudatur. 165.
- Scarificatio ad Roseolas summum Chirurgicum Medicamentum. 481.
- curandis Roseolis efficaciae maximae. *ibid.*
- in Paedanchone ubi administranda. 541. 543.
- palati in morbis faucium a Veteribus instituta. 557.
- Scirrhi mammarum a Strumis & Glandulis ut differant. 220.
- quinam humores, ex *Galeno*. 189.
- Scoliosis cur & quando ita dicta. 381.
- Scoliosin *Graecorum* obstipatis nomine extulere *Latini*. *ibid.*
- Scopi ad vitiata ossa curanda quot, & qui. 370.
- pro curandis Roseolis proponuntur. 476.
- Scopus curationis in Anomalis quotuplex sit? 161.
- Scorpio in sinu cerebri repertus. 331.
- Scriptores de re medica & Chirurgica, in quod vitium plerumque incurrant. 94.



# I N D E X

- Scrotum multis vitiis est obnoxium. 231.
- Sebel vel Zebel quaenam sint Venae. 138. & 139.
- Sectio Steatomatis quomodo secundum *Aëtium* facienda. 167.
- Sectionis situs, magnitudo, ac figura, atramento sutorio notatur, in anomalis. 165.
- Sedes affecta in Valgis quae. 428. *ad* 429.
- Señis Galeni* quid. 382. huic pueri obnoxii. *ibid.*
- Semen agitatum, & non emissum, in durum scroti tumorem abit. 284.
- Semen & sanguis menstruus, ex quibus foetus conflatur, si morbofi ac vitiosi fuerint, ossium pariunt Abscessum. 346.
- Senes cur omnes Gibbosi reddantur. 385.
- Seniores cur minus obnoxii sunt Roseolis. 472.
- Seniorum aetas magis accommodata ad Syphilidem retinendam. 290.
- Senum Cartilagine compactae ac puerorum ossa. 353.
- Serapium ex Angue Cervino quomodo paretur. 479. *ad* 480.
- Setacea cur inguinibus in affectibus circa lumbos, saepe applicantur. 420.
- in Paedanchone. 545.
- Severinus* exostosi vexatus. 214.
- Severini* nostri sententia de Epinyctidis materia. 442.
- Sicci natura quae. 348.
- Signa Abscessus boni vel mali. 12. 13.
- Abscessus ex tactu, colore, &c. 13.
- Abscessuum anomalorum. 146.
- Abscessuum qui perfecte judicantur quae. 35.
- futurae crisis per Abscessum in febre mitiore, & diuturniore, quae. 27. *ad* 28.
- gibberis ex frigidis & crudis succis. 392.
- Gibberis ex luxatione, quae? 391.
- Gibberis *Galeno* quot? 390.
- fecernentia Paedarthrocacen ab arthritide, & luxatione. 363. *ad* 364.
- Sinapismus in Paedanchone. 544. & 545.
- Sinapismus ubi in Paedanchone applicandus. 545.
- Sinus quid. 82.
- Sinu magno exfectis anomalis agglutinato, periculum est ne fornice aliquo remanente suo fine frustretur. 169.
- Situs aliquando expectatur in transferenda Abscessuum materia. 10.
- Smilax aspera Roseolis conducibilis. 478. & 479.
- Somnus cum capitis dolore quando arguit parotidem. 30.
- Sophronister, seu sapientiae Dens, quando erumpat. 260.
- Spadones Vari. 422.
- Sphacelos *Hippocrati* Ossis corruptio. 358.
- Paedanchones terminus. 551.
- Spina *Avic.* tumor est ex acuto sanguine sine pulsatione. 337.
- dorsii *S* literam referens. 381.
- Ventosa ab *Avicenna* omnium primo descripta. 358.
- & Paedarthrocace, unum & idem *Pandolphino*. 359. differt *Severino*. 360.
- Veteribus Graecis aliquo pacto fuit nota. 357. *ad* 358.
- unde ita dicta. 353.
- Spinae dorsii ictus non minora ducunt pericula, quam percussum caput. 408.
- luxatio quae incurabilis, & neutiquam attrectanda. *ibid.*
- perversio triplex. 381.
- Spinae



# RERUM ET HISTORIARUM.

Spinae dorsi situs inversi varii, horumque effectus. 382. *ad* 383.

Spinae medullae intrusio perniciosissima censetur, & cur. 408.

— Ventosae a Paedarthrocace differentia. 359.

— — nomen unde fluxisse credatur *Severino*. 358.

— — vitium ossibus secundario advenire, quamplurimi falso crediderunt. 344.

Spinae ventositas, falsa denominatio est. 336.

— — quibus a Paedarthrocace differat. 359.

— — quibus populis endemion. 373. an inter nos oriatur? *ibid.* confunditur cum Paedarthrocace, *Pandolphino. ibid.*

— — quid sit, *P. ab Argillata*. 345.

— — unde dicta. 353.

Spirandi difficultas simplex ad letalem in gibbo noxam, non est satis. 401.

Spiritus difficulter & cum sono fertur in Gibbere dorsi, vel pectoris. 393.

— Mercurii praeparatio quae, 296.

— naturalis in limen cordis si penetrare non valet, multo minus purulenta materia. 69.

Steatoma an ex ictu, ut Atheroma, nascatur? 146.

— Costas medias testudinis terrestri majusculae magnitudinis occupans. 144.

— de jugulo rescissum. 143. cuius Historia & figura. 152.

— erutum sine ferro, per causticum. 143.

— in genu. 144.

— in Gena, mali infani magnitudinis. 149.

— in Poplite. 145. cuius Historia & figura. 151.

— non suppuratur. 130.

— sub maxilla inferiore. 143.

— sub scapula. 144.

— super ensiformi cartilagine. *ibid.*

— supra mammam. 154.

— tantum exsectu tollitur. 161.

— trium librarum parvum aestimatum. 139.

Steatmate abscisso, quomodo tollendae reliquiae. 167. quod tamen in lato tantum contingit. *ibid.*

in Steatmate secando animadversiones. 221.

Steatomatis definitio, ex *Aëtio*. 146.

— descriptio, *P. Aeginetas. ibid.*

— liquor lucidior crystallo atque adamante, visus est *Fallopio*. 126.

— materia perpetuo fere diversa. *ibid.*

— substantia quae. *ibid.*

Sternutamenta tinnitibus aurium resolvendis maxime conferunt. 256.

Strangulati nedum mortui quando ad vitam revocari possint. 401.

Stragula triplicia, ac tegmina superiora cubilis, excussu summo, pulsationibusque, in corpore aneurismate laborante, continenter sublevata. 203. & quare? 205.

Struma ex *Aëtii* sententia. 187. & 188.

— pediculis referta. 141.

— quomodo excindenda? 221.

— ut a Cancro distinguitur? *ibid.*

Strumae apud *Celsum* sunt sanguinis sanieiue concrementum. 173.

— Chaeradae quare dictae. 188.

— seu Chaeradae, *Theod. Prisciano*, inproprie dictae. 191.

— describuntur. 187. &c.

— dupliciter considerantur *Celso*, profundae sc. & superficiae. 191.

Gggg 3

Strumae



# I N D E X

Strumae ex *Celsi* sententia. 187. 188.  
190. & quare unius harum tantum  
speciei meminit. 191. & in lateri-  
bus juxta illum nasci, observat *Seve-*  
*rin.* 192.

———— ex *Galen*i sententia. 187.  
et 188. ad 189.

———— Glandulae quasi *Celso* quare  
vocantur? 190.

———— in artubus omnibus nascun-  
tur, secundum *Severinum. ibid.*

———— in mammis saepe visuntur.  
221.

———— in mammis canceri, ab in-  
doctis, existimantur. 220.

———— juxta *Galenum*, tum juxta  
*Celsum* plane diversa corpora. 189.

———— mammarum ut a Glandulis,  
& Scirrhis differant. 220. 221.

———— membrana involvuntur,  
juxta *Paulum Aeginetam.* 187. &  
*Aëtium.* 188. et 189. & quare. 190.  
ad 191.

———— non Phlegmonae, nec faci-  
le suppurantur. 188.

———— num de foetabulorum or-  
dine sint? utrum inter anomalos  
Abscessus adnumerandae. 130.

———— pediculus membranaceus  
difficile extirpatur, unde facile ma-  
lum refurgit. 191.

———— quasnam habeant proprie-  
tates, *Severino.* 190.

———— quid sint secundum *Gale-*  
*num* & *Celsum*, *ibid.* modo Athe-  
romatum intra tunicam continentur:  
item ut illae curentur. *ibid.*

———— quo sensu ab *Hippocrate* tan-  
genti velut lanæ, positæ? 188.

———— secundum *Severinum* quo-  
modo variari possunt. 187.

———— Scirrhi sunt de genere in  
Glandulis, juxta *Galenum*, non in  
corporibus glandulosis. 189. con-  
trarium ponit *Celsus.* 190.

Strumarum curatio non succedit, nisi  
universa membranae potio eximatur.  
130.

———— curatio per chirurgiam, à  
probatis viris, commendatur. 221.

———— natura à *Celso*, *Galeno*, *Aë-*  
*tio*, singulis diverso modo explica-  
tur. 187.

———— species, juxta *Aëtii* senten-  
tiam, *Severino* observatae. 191. ad 192.

Strumas & Glandulas *Guido Caulia-*  
*cus* diversas facit solus. 187. quo-  
modo tamen cum omnibus concor-  
dat. 191.

Studentium corpora cur fiant tenuio-  
ra. 313.

Substantia partis nulla tam multum est  
dura, quin sicut alitur, non possit  
etiam augeri praeter naturam. 340.

Substantiam crassam *Illustrissimae D. Io-*  
*annae* per urinam excretam, non pu-  
ris, plerique sunt arbitrati. 80.

Succi quibus dura Tubercula constant,  
glutinosi, crassique, sunt. 411.

Suffitus ex cinnabare pro curandis Per-  
nionibus probatum. 506,

Suffocatio in Angina, unde, juxta *A.*  
*Caesalpinum.* 555.

Sulphur vivum cum melle coctum prae-  
servat à Pernionibus membra. 505.

Superfluitatis species quot sint. 100.

Supervomitibus venarum quid *Hippo-*  
*crati?* 197.

Suppuratio dicitur *Severino* Abscessus fi-  
ne tunica. 3.

———— extrinsecus accidens quando  
optima, vel pessima, sit putanda. 36.

———— interne erumpens quando  
optima, & prope canales tutior cur  
fit. *ibid.*

———— quomodo dignoscatur se-  
cundum *Hipp.* 112.

Suppurationem in gibbosis Tuberculis  
esse fugiendam, monet *Jacobus Hol-*  
*lerius.* 415. ad 416.

Symp-



# RERUM ET HISTORIARUM.

- Symptomata Gibberis quae. 389. &c.  
 ————— initio Paedarthrocaces ap-  
 parentia. 363.  
 ————— Paedarthrocaces secundum  
 varia morbi tempora ordinate tra-  
 duntur. *ibid.*  
 ————— Pernionum quae. 487.  
 Symptomatici Abscessus acris materiae  
 praevalentis sunt indicia. 7.  
 Symptomatici Abscessus a morbo con-  
 citantur. 7. 16.  
 Symptomaticus Abscessus à critico, per  
 solos peritos Medicos, discernitur. 16.  
 ————— Abscessus cunctis per-  
 fectae crisis indicia caret. 17.  
 ————— Abscessus ex quibus  
 deprehendendus. 16. & 17.  
 Syphilidis summae facultates quae, &  
 quot, sint. 289.  
 ————— virulentia per easdem vias,  
 per quas advenit, à natura saepe  
 propellitur. 280.  
 ————— vis ita praepotens est, ut  
 in satyricam usque formam homi-  
 nes immutet. 290.  
 Syphilis inchoata neque morbus est ne-  
 que certam habet sedem. 286. *ad* 287.  
 ————— in pates spermaticas antipathi-  
 am exercet. 273. *ad* 274.  
 ————— instar aceti varias exerit opera-  
 tiones. 274. *ad* 275.  
 ————— per inexplicabilem antiphatiam  
 symptomata plane contraria produ-  
 cit. 276.  
 ————— quid revera sit. 272.  
 ————— revera morbus est non causa,  
 ut opinatus est perperam *Capivacci-*  
*us*. 273.  
 Syphilis calvariae Abscessus periculo  
 vacat, & cur. 288.  
 Syrupi praeparantes, pro curandis Ro-  
 seolis qui qualesve delecti. 478.  
 Syrupus ad Roseolas praestantissimus,  
 & experimento probatus. 478. & 479.  
 ————— de Polypodio pro curandis  
 Roseolis probatus. 478.  
 ————— ex Angue Cervino. 479.

## T.

- T**alparia, ut caput laedat. 149.  
 Taridon idem ac Teredo. 358.  
 Tempora quibus angusta, Bronchoce-  
 li subiecta. 194.  
 Terebratio Ossis cariosi jam traditur  
 a *Severino*. 371.  
 Teretis Abscessus causa atque Histo-  
 ria. 228.  
 Τερήδων Veterum Graecorum forte Pae-  
 darthrocace Arabum, seu Ventositas  
 spinae. 357. *ad* 358.  
 Terminthi duo tempora, exulcerati,  
 & non exulcerati. 233.  
 ————— Phymata sunt, ac Tuber-  
 cula elata supra cutem &c. 459.  
 ————— sunt pustulae nigrae, in ti-  
 biis maxime nascentes. 458.  
 Terminthorum color, magnitudo, &  
 figura, quae. 459.  
 ————— descriptio. 458.  
 Terminthus aliis habetur Tuberculum,  
 pustula, excrefcentia. 234.  
 ————— cur malignus; ejusdem causae,  
 dignotio, judicium, & cura-  
 tio, 233. &c.  
 ————— curatu contumax affectus.  
 458.  
 Terminus Abscessus inferior facile, su-  
 perior vero, & viae, difficile co-  
 gnoscuntur. 11.  
 Terra Sancta *Martini Rulandi* quid sit  
 dubitatur. 543. *ad* 544.  
 Thadei *Florentini* interpretatio super  
*Hipp. aphor.* 398.  
 Terra figulina, aqua commassata, ap-  
 plicata, quomodo suppurationem  
 internam ostendat. 112.  
 Thoracis figura cur talis. 404.  
 ————— figura ovalis ab *Hieronymo Fa-*  
*bricio* tributa. *ibid.*

Tho-



# I N D E X

Thoracis laesio morbosa, secundum loci angustiam, ex Gibbosi. 404. *ad* 405.

———— ex distortionem partium contentarum, a Gibbosi. 405.

———— seu perturbatio, propter tracheae conformationem vitiata, a Gibbosi. 406.

Thorax cur a natura costis tam mire colligatus. 403. *ad* 404.

———— cur longior à capite tracheae ad infimos angulos septi transversi, quam a dextro latere ad sinistrum. 404.

Thurea sunt Glandulae morbosae. 507. *ad* 508.

———— quomodo haec curent foeminae. *ibid.*

———— describuntur ab *Avicenna*. *ibid.*

Thymus, acrocordon &c. in tumorum ordinem relati. 465.

Tole, seu Tolles, seu Tule, sunt Glandulae morbosae. 507. *ad* 508. quomodo has foeminae curent. *ibid.* descriptae ab *Avicenna*. *ibid.*

Tonfillae crustosae idem ac pestilentes. 527.

———— unde fiant. 534.

———— in collo abortae, quibus remediis curari foeminis suetae. 508.

———— in Paedanchones tractatu proponuntur non ut Tubercula, sed ut ulcerosae partes vel ulcera. 520.

———— pestilentes. 529.

———— *Aërio* descriptae. 527.

———— *Aëtio* quid vocentur. 512.

———— & Ulcus Syriacum, idem. 529.

Tonfillae ulcera plerisque consuetudinaria. 520.

Tonfillarum pestilentium binae causae universales. 524. *ad* 525.

Tonfillarum ulcera quae salutifera. 538.

Tonfillas qui facile incurrant? 520.

Tophacei Abscessus materia, generatio, & curatio, quae. 231.

Topica frigidorum Abscessuum calida sunt. 118.

Tò *Θείον Hippocr.* triplici notatur effatu. 517.

Tractus in Congestis censetur inutilis. 114.

Transpositio in Abscessibus per quae probetur. 114. *ad* 115.

Tuber seu Atheroma in genu. 153.

Tubera adenosae nullo remedio eruenda 192,

Tuber adenosum ex capitis lotura *Severino* abortum. *ibid.*

———— hominis bicipitis specie, magnitudinis capitis humani, in Cervice. 140.

Tubercula ad articulos, quibus in febribus excitentur. 26.

———— circa aures evanescencia, quando faciant recidivam. 41.

———— in febribus ardentibus, quando necant. *ibid.*

———— evanescencia malam indicant morbi judicationem. 37.

———— ex concremento carneo in Steatomatis specie multoties reperiuntur. 182.

———— gravissima quae. 39.

———— juxta aures quando ab alvi profluvio solvantur. 40.

———— lata cur mala, acuminata vero bona. 12.

———— quando bona vel mala. 36. 37.

———— sanie plena, quae talia non aparebant. 192.

———— seu Abscessus anomali, nulli corporis parti parcent. 145.

———— Steatomatis speciem repraesentantia, reperta sunt concremento carneo naturali impleta, venulis & arteriis feta. 182.

Tu-



## RERUM ET HISTORIARUM.

Tuberculi *Illustrissimae D. Ioannae* forma quae. 48.

Tuberculis aptius rubor, quam Ulculis tribuitur. 464.

Tuberculorum, Abscessus progermini dictorum, Exempla. 173. ad 174.

Tuberculorum atrocruentorum, & labio inferiori agglutinatorum, Historiae. 303. Horum causa & curatio. *ibid.*

Tuberculum carneum, repertum in extrema penis glande, nucis avellanae instar. 182.

Tuberculum est Phyma. 234.

\_\_\_\_\_ lapidicondum, instar castaneae, pone jugularia vasa inventum. 301.

\_\_\_\_\_ seu Steatoma supra mammam. 154.

Tule, seu Tole, seu Tolles, sunt Glandulae morbosae 507. ad 508.

Quomodo curantur a foeminis. *ibid.* ab *Avicenna* descriptae. 508.

Tumor a congestu est sine inflammatione. 374.

\_\_\_\_\_ durus quando ignito ferro curetur. 45.

\_\_\_\_\_ globosus Paedarthrocaces initium arguit. 363.

\_\_\_\_\_ in Angina quando bonus, quando malus? 537.

\_\_\_\_\_ in vulneribus quomodo fuscitur, secundum *Petrum Aponensem*. 97.

\_\_\_\_\_ nunc accensus, nunc densus, non bene Erysipelas dicitur. 213.

\_\_\_\_\_ per Congestum *J. Argenterii* singularis sententia, refertur ad affluxum potius. 95.

\_\_\_\_\_ per Congestum, licet a *J. Argenterio* denegetur, tamen a *Galeno Fernelio* & aliis Medicis & Philosophis absolute ponitur. 96.

\_\_\_\_\_ per Congestum quid sit secundum *Duretum*. *ibid.*

Tumor per Congestum quid secundum *Aristot.* *ibid.*

\_\_\_\_\_ *Averrhoën.* *ibid.*

\_\_\_\_\_ ut a *Fernelio* describitur. *ibid.*

\_\_\_\_\_ quid sit *Galeno*. 484.

Tumores à Congestu, ferro candente tuto aperiuntur. 115. ad 116.

\_\_\_\_\_ ab *Hippoc.* Abscessus vocantur. 510.

\_\_\_\_\_ ac Apostemata, idem ac Abscessus legitimi. *ibid.*

Tumores anomali ex superfluitate copiosi spermatis concitantur. 136.

\_\_\_\_\_ diuturni & longi ex qua materia generentur. 79.

\_\_\_\_\_ hypochondriorum duri, ac dolorifici, quando mortem denuncient. 59.

\_\_\_\_\_ quando lethales. *ibid.*

\_\_\_\_\_ mobiles sunt tutissimi. 147.

\_\_\_\_\_ non mediocris periculi qui. 39.

\_\_\_\_\_ omnes, ac pleraque alia vitia, comprehensi sub Abscessus nomine *Severino*. 510.

\_\_\_\_\_ per Congestum nec calidi, nec frigidi, sed private creantur. 94.

\_\_\_\_\_ sunt obscuri. *ibid.*

\_\_\_\_\_ per influxum sunt frigidi. *ibid.*

\_\_\_\_\_ proprii è Congestu, qui. 99.

\_\_\_\_\_ quando indicant morbi recidivam. 37.

\_\_\_\_\_ quando Morbi, quando vero Symptomata vocandi? 300.

\_\_\_\_\_ seu Abscessus molles confidentius curantur. 165.

Tumoribus aequae ac Abscessibus contactus abest. 510.

Tumoris è Congestu curatio probatissima, quae. 116.

\_\_\_\_\_ & Abscessus confusa, & promiscua, interdum appellatio. 510.

\_\_\_\_\_ nomen ad Abscessum & alia



# I N D E X

lia mala significanda, exhibitum apud *Galenum*. 511.  
 Tumoris nomen apud *Galenum* multiplices significat affectiones. 510. ad 511.  
 — obdurati nec suppurantis incommoda. 418.  
 Tumorum è Congestu loca quae. 105.  
 — genera cum Ulceribus plures Auctores miscuere. 511.  
 — ordo quotuplex sit. 465.  
 — praeternaturalium varietas, ex natura ejus quod influit, juxta *Galenum*, 173.  
 — quadruplex ordo. 465.  
 — varietas unde oriatur. 173.  
 Tunica anomalorum quomodo procreatur. 137.  
 — in Atheromate non semper integre revellenda, juxta *Severinum*, 167. sed quomodo tractanda. *ibid.*  
 Tuniculae Abscessuum anomalorum, quomodo a Natura procreantur, *Hippocratis* sententia? 138. *H. Fabricii* sententia. *ibid.*  
 Tunicarum in Abscessibus cysticis exscindendarum, sententia *Aëtii*. 167.  
 Tussiculae quando circa aures submovent Abscessum. 40.  
 Tussis quare non semper adfit in affectionibus pectoris. 54.  
 Typoceles quid? 23.  
 V. *various*

**V**algi qui. 422.  
 — qui dicuntur *Ambr. Paræo*. 433.  
 — recenter nati, & infantes, quomodo restituendi. 433. & 434.  
 — suavii. 422.  
 Valgitalis & Varitudinis definitio. 430.  
 Valgitas in pueris plurimum ex madore circa processus & appendices eos, quasi divellente, & divaricatum in-

ferente inter ossis partes. 429. & 431.  
 in adultis autem ex Abscessu, vel corrupto humore, in has partes incurrente. *ibid.*  
 — seu Varitudo quid sit. 430.  
 — Viros raro, praeterquam uno latere attingit. 429.  
 Valgorum causae quae. 422. ad 423.  
 — eventus ex quibus petatur. 430. & 431.  
*Vallesii* remedia ad Perniones. 502.  
 Vari dicuntur hi, qui crura vel pedes introrsum habent obtortos. 422.  
 — nomen quid significet. *ibid.*  
 — prima causa quae. 423.  
 — recenter nati, quomodo restituendi. 433. & 434.  
 — in utero *Ambrosii Paræo*, sunt aliquando. 433. Vel post uterum vitio nutricum. *ibid.*  
 Varices crurum aliquando gibber solvunt. 410.  
 — cruribus accedentes, gibbo si infra septum transversum solvunt. *ibid.*  
 Varicula oculi a *Severino* primo, & a nullo priorum, comperta, quid? 16.  
 — capillum muliebrem tantum magnitudine aequat. *ibid.*  
 Variculae curatio quibus absolvatur. 217.  
 — oculorum, in Valetudinario Incurabilium, quamplurimae observatae: & Casus varii horum. 216. ad 217.  
 — si perperam curentur graviora adferunt mala. 217.  
 — Venti insolentes *Celso* & *Fabricio*; & quare? 227.  
 — Ventris historia. *ibid.*  
 Varis & Valgis Linimentuum applicandum quale. 433.  
 Varitudinis & Valgitalis definitio. 430.  
 Vasa Natae nutricula ab *Aquapendentia* attributa disputantur. 138.

Vasa



RERUM ET HISTORIARUM.

Vasa hæc an sint veræ venæ & ar-  
teriae? 138. ~~mens~~ mens  
—; Oculi fiunt conspicui morbo.  
216.

Vasorum ejaculatoriorum, & glandularium, Abscessus Syphilios expertorum Historiæ. 324.

Vaticinii qui. 422.

Vatii qui, *ibid.* 1021273

ῥβοι quinam. 381.

Vena, seu Venosum vas, Anomalum  
Abscessum nutriend, quomodo a na-  
tura formetur. 138.

Venae Altheben quatenam sint. *ibid.*

Venae in oculis citra inflammationem  
extumescences, Variculae nuncupan-  
tur. 216.

Vena jugularis à Veteribus in capitis  
& pectoris vitiis, confidentissimè fuit  
secta. 553. Hujus incisio approba-  
tur & contrariorum opiniones reji-  
ciuntur. 554.

**Venae jugularis incisae conveniens Unguentum. 540.**

sectionis in Paedane  
chone efficacia & energia. *ibid.* ea-  
dem quando instituenda? 553.

Sectionis praestantia;  
& apud Graecos, Latinos, Arabas,  
Aegyptios, & *Paracelsum*, hujus ex-  
istimatio. *ibid.*

Venae phrenicae per septum ad costas distentum reflexae, nunc pus, nunc humores ad externum corporis habitum expromunt. 65.

— Sebel vel Zebel quatenus sint Arabibus. 138. & 139.

Venae Sectio an in Roseolis conveniat. 477. ad 478.

— cur ampliore incisione faci-  
cienda juxta *Aëtium*. 542.

& quo in loco celebranda? 540.

in pestilentibus & venenatis vitiis non instituitur. 554. &

quare? 555. ad 556.

Venae Sectio mobiliorem reddit humorem in vasis. 477.

— — — quando in morbis vene-  
natis & pestilentibus locum habeat,  
& quando non. 555. *ad* 556.

— semel & efficaciter evacuans, plus prodest quam multae inefficaces, imo nocentes. 540.

Venae sectionem refrigerare corpus.  
451. & 477.

Venae sub linguae Sectio praesens re-  
pertum in Angina praesidium. 553.

Venarum jugularium pertusio in faucium inflammatione, quam maxime commendatur. 555.

— sanguis eget vivida luce &  
actu perpetuo, ne corrumpatur. 204.

Veneræ lue vexatis, quibus locis fi-  
ant exostoses. 214.

Venereae luis exortus integritatem corporum, quae gignunt, corrumpit. 471.

Veneream luem novum morbum non  
videtur habere *Severinus*. 172.

Ventofitas spinæ à quibus humoribus  
excitetur. 359.

~~inter~~ inter Tumores è  
Congestu numeratur. 102.

quare dicta. 353.  
quibus populis

endemion. 373. nobis non ita. *ibid.*  
Ventositatis Spinae naturae levis de-

scriptio. 102.  
Ventriculus primus pituitae fons. â Ga-

*leno vocatus.* 58.  
Vermes quando, & ubi, facile gene-

Vertebrae primae, aut secundae cer-

vicis divaricatio valde letalis est. 394.  
~~quatuor~~ quatuor luxantur modis.

391.  
Vertebrarum ossa à Tuberculis per se

neque pervertuntur, neque pertrahuntur. 385.

— tam superiorum quam in-  
Hhhh 2 inferiorum



- feriorum situs laesus quaenam phaenomena ptoducat. 393.
- Verticillum ani. 182.
- Verticillum ani a Fungo ut differat? 232.
- ex caussa simili condylomatum. *etc.* 232.
- ex quo humore. 232.
- ferro curatur. 232. *ad* 233.
- potius Tuberculum quam Ulcus, contra *Celsum*. 232.
- Veteres, ad Roseolas curandas, nullum remedium contra cacochymiam admoliti sunt. 469.
- Via a *Fallopio* excogitata, pro materiis per urinae vias è thoracis cavitate repurgandis, quae. 67.
- à *Severino* excogitata, pro educenda materia per urinam è thoracis cavitate, quae. 72.
- per quam materia alimentalis tumoris carniformis ad locum affectum transmittitur. 178.
- puris, ex Pulmonis Vomica disrupta, usque in Vesicam. 329.
- Victus ratio ad Roseolas qualis secundum *Huccherium*. 477.
- in Paedanchone qualis? 548.
- Vid. Vidius* in Paedarthrocace laudatus. 372.
- Vinacea pro curandis Valgis probata. 432.
- Vincula corpori applicata in Paedanchone. 545.
- Vinum medicatum ad luem Veneream. 293.
- pro curandis Roseolis quale esse debeat. 476. *ad* 477.
- Viperæ ad lepram, pestem, & venenatos affectus. 368.
- & Angues aethereum imbrem & nectar sub terra exhauriunt, unde commendabiles. 367.
- medicamenta exhibent natura nostrae amica, & labem quamcunque emendare comparata. 415.
- praeparationes quot & quales. 367. *ad* 368.
- sal ad morbos desperatos omnes, *Aëtio*. 368.
- Viperarum carni virtus peculiaris inest roborandi tertiae coctionis. 367.
- praeparatio, ex *Quercetano*. 367. *ad* 368.
- & Anguium vires in Dyspnoea, Phthisi, Elephantiasi, lue Venerea, arcanum. 367.
- Viscera cum repurgant servant rectitudinem. 10.
- naturalia *Illustri viri Marcell. Sacchetii* in cadaveris sectione admodum vitiosa reperta. 314.
- Vitia ossium interna nonnunquam pariunt Abscessum. 103.
- Vitiati ossis caussa materialis interna quae. 362.
- Vitiosa genitura cur Phymata natis infinet. 104.
- Ulcera & Tubercula differunt. 520.
- ex pustulis oborta quibus tollantur. 481.
- mala quae. 305.
- prava saepe ex Pernionibus excitantur. 482.
- quando in Ophthalmia expectanda. 248.
- quando non sunt cicatrice obducenda. 226. *ad* 227.
- tonsillarum multiplicia, mitia sc. pestifera, &c. 518, *etc.*
- Ulceribus ambustis praesidia quae opportuna. 118. *ad* 119.
- Ulceris Paedarthrocaces signa & differentiae. 363. *ad* 364.
- Ulcus cum osse corrupto praesagia. 364.
- loca licet interdum pura appareant, non tamen semper fidentum. 529.



## RERUM ET HISTORIARUM.

Ulcus cur saepe abit in Fistulam. 118.  
 — est solutio continui. 509. *Dolor* est etiam solutio continui, hinc est de genere *Ulceris*. *ibid.*

— ex strumis excitatum, quando facit recidivam. 131.

— quando sentiat recidivam. 371.

— Syriacum quod, *Aretaeo*. 512.

— — idem ac Tonsillae pestilentes. 529.

Ulcuscula, & Ulcusculum; quid ea nomina, & quid sint. 465.

— in Poedarthrocace quando visantur. 363.

Ulcusculorum & Pustularum est affinitas, & vicissim haec in illa mutantur. 466.

Ulcusculum continui solutionem potius quam Tuberculum significat. 465.

Umbilici Abscessus quomodo fiant. 226.

— structura *Severino*. *ibid.*

Umbilico Hydrops evacuatus. *ibid.*

— urinae redditae. *ibid.*

Unguentum attrahens & discutiens in ossis affectione. 369.

— *Paracelsi* in affectibus faucium, post Venae sectionem.

in Ungula Variculam in Oculo posse contingere. 216.

Unitatis & contactus amissio distinguuntur. 510.

Urina alba, & aquosa, Abscessum circa aures solet praemonstrare. 40.

— multa, crassa, & alba cum apparet, articulorum Abscessus solvit. 35.

— per umbilicum reddita. 226.

— tenuis & cruda quid portendat. 29.

Urinae laxitas a vertebrae ex lapsu laevis. 413.

Urinam pellens Rusci Decoctum, ex *Dioscoride*. 93.

Ustio fuit *Hippocrati* usu frequenti. 45.

— in malignis tumoribus, etiam crudis, praestantissimis viris approbata. *ibid.*

Uterus ad articulos, debilioresque partes obnoxias, quomodo transmittat succos. 424.

ex Volvulis male olentibus Abscessus circa aures oborti necant. 41.

Vomitoria quomodo & qualia in Paedanchone conducant? 552.

Vulnera principibus partibus illata subito necant, non idem earumdem abscessus & Ulcera. 551.

— Spinae dorsi aequae periculosa ac capitis. 408.

— spinalis medullae cur etiam atque etiam lethalia sint. *ibid.*

Vulneris labia quando constringenda secundum *Aëtium*. 168. ad 169.

Vulnus, Ulcus, & Fractura, Abscessus plerumque accersunt. 21.

### Z.

**Z**aratana quid? 221.

— Zebel vel Sebel quaenam Venae. 138. & 139.

Zona a Graecis dicitur Herpes. 224. cur ejus appellatio implicata. *ibid.*

— a Latinis ignis sacer dicitur. *ibid.*

— ab antiquis curata. *ibid.*

— ad *Severini* tempus usque non bene descripta. 223.

— Herpetis species, *Scribonio*. 224. ad 225.

— idem ac Circinus. 223.

— Ignis sacri h. e. Erysipelatis species, *Plinio*. 225.

— in posteriore thorace, & lumbis, non minus, quam in aliis partibus, oboritur. *ibid.*

— quando lethalis *Plinio*. *ibid.*

— quomodo instar cinguli, & quo loco se ad corpus accommodet. *ibid.*

— in palma. *ibid.*

H h h h 3.

Zonae



# INDEX RERUM ET HISTORIARUM.

Zonae quinam subjiuntur. *ibid.*

*gio. ibid.*

— qui meminerint, Latinorum sententiae expenduntur. 224. *et.*

— cinguli *Plinio. ibid.*

— seu Zosteris quare non meminit *C. Celsus. 225.*

— quomodo repertus *Severina. ibid.*

Zoster genus Ignis sacri, idem ac Zona, seu Circinus, 224.

— situs instar fasciae circuitus *Lan-*

F I N I S.

## Errores Typothetarum quidam.

Pag.	lin.	30.	lege	incautum
4.	I.			<i>incautum</i>
10.	22.			dexteræ
	28.			ris sit;
11.	30.			humorum
19.	29.			jam
31.	19.			homo
132.	28.			Steatomati
174.	24.			simili
284.	33.			certe
352.	13.			saevius
364.	12.			quam
405.	23.			ab
407.	29.			ab

Pag.	lin.	5.	lege	perizemata
443.	24.			esse
452.	24.			esse
465.	14.			cuam
468.	14.			comperere
475.	20.			languorem
480.	26.			Sylphii
485.	I.			latitudine
486.	5.			nemo non videt
494.	10.			in hac Problemata
533.	20.			fuerim
537.	3.			resolutum
549.	33.			labefactatum
Ubi loco quodam reperies juxon lege inion.				



# CATALOGUS LIBRORUM,

Aliquot MEDICORUM,

qui in Officina

K E R C H E M I A N A ,

Reperiuntur & Venduntur.

- A** Imeloveen Aphorismi Hippocratis, 24.  
Almarius de Longitudine, Lond. 8.  
Alpinus de Praefagienda Vita & Morte, 4.  
- - - de Medecina Aegyptiorum, 4.  
- - - de Medecina Methodica, 4.  
*André Generation des Vers.* 12.  
Baglivii opera Lugd. Gal. 1710. 4.  
- - - opera. 2 voll. 8. 1719.  
Barchousen Elementa Chemiae. 4.  
Barbette Opera Omnia, 4.  
Bellini opera. 2. voll. 4.  
Bayle Institutiones Physicae. 3. voll.  
Benner Theatrum Tabidorum, 8.  
Beringarius de Fractura Cranii, 8.  
Blancardi Lexicon Medicum, 8.  
Boerhaave Institutiones Medicae, 8.  
- - - Aphorismi, .  
- - - Materia Medica, 8.  
Boneti Polialthes. 3. voll. Folio.  
- - - Sepulchretum Anatomicum. 3. voll. Folio.  
Bohn Dissertationes Chemicæ, 8.  
- - - Circulus Anatomicus, 4.  
- - - de Renuntiatione Vulnerum, 4.  
Borellus de Motu Animal, 4.  
Buranus de curandis Febris. 8.  
Castelli Lexicon Medicum, 4.  
Chesneau Observationes Medicae, 4.  
*Le Chirurgien d'Hospital, par Bellosse,* 12.  
Clerici Historia Naturalis. 4.  
Cockburn Virulentæ Gonorrhoeæ Symptomata. &c. 8.  
Couwper de Glandulis, 4.  
Dale Pharmacologia, cum Supplemento. 2. voll. 8.  
*Descriptions des Os par Monsr Petit.* 110.  
Diemerbroek Opera Omnia, Folio.  
*L'Emery Cours de Chymie.* 8.  
Eugalenus de Scorbuto, 8.  
Eustachii Tabulae Anatomicae, Folio.  
Fabricii ab Aquapendente Opera Anatomica, Folio.  
Freind in Hippocratem. 4.  
- - - Emmenologia, 8.  
- - - de Purgantibus, 8.  
- - - Operationes Chemicæ 8,  
Foessii Hippocrates, Folio.



Gaukens Praxis Medica, 8.  
 Gulielmus de Salibus, 8.  
 Graaf Opera Omnia Anatomica, 8.  
 Hamelton de Febre Miliari, 8.  
 Harris de Morbis infantum, 8.  
 Heisteri Compendium Anatomicum,  
 Hercules Saxoniae Opera, Folio.  
 Hollerius in Aphorismos Hippocratis, 8.  
 Kerckringii Opera Omnia, 4.  
 Langii Opera Omnia, 3. voll. Folio.  
 Leeuwenhoek Opera Omnia, 4. voll. 4.  
 Lamminii Observationes Medicinales.  
 - - - de Curandis Febris, 8.  
 Louwer Tractatus de Corde, 8.  
 Malpighii Opera Omnia, 4.  
 Mangeri Bibliotheca Pharmaceutico Medica, 2. voll. Folio.  
 - - - - - Chemica, 2. voll. Folio.  
 Markgravii Materia Medica, 4.  
 - - - - - Prodromus, 4.  
 Morgagni Opera Omnia, 4.  
 Muntingii Phytographia, Folio.  
 - - - ejusdem de Nota Herba Britannica, 4.  
 Mathioli Opera Omnia, Folio.  
*Mauriceau Maladies des Femmes Grosses &c.* 2. voll. 4.  
 Musgrave de Arthritide Anomalo, 8.  
 Nuk Opera Omnia, . voll. 8.  
 Pecklinius de Purgantibus, 8.  
 Pharmacopea Leidensis, 8.  
 Pitcarnii Opera Omnia, 2. voll. 4.  
 Petiti Observationes Medicae, 8.  
 Pisonis Observationes & Concilia, 4.  
 Ramazini Opera Omnia, 4.  
 Reditus de Insectis, 2. voll.  
 - - - de Animalibus, 4.  
 Riverius de Reformatus, 2. voll. 8.  
 Rohaultii Tractatus Physicus, 8.  
 S. Sanctorii Medecina Statica, 12.  
 S'Gravesande Physica, 2. voll. 4.  
 - - - - - Institutiones Newtonianae, 8.  
 Scheffeler, Miscel. Curiosa Decuria Secunda, 4.  
 Sylvii de ie Boe Opera Omnia, 4.  
 Seydenham Opera Omnia, 4.  
 Swalve Querelae Ventriculi, 12.  
 Swammerdam Ureri Muliebris Fabrica, 4.  
 Theophrasti Historia Plantarum, Folio.  
 Thesaurus Secretorum Curiosorum, 4.  
 Tulpii Observationes Medicae, 8.  
 Valsalva de Aure humana, 4.  
 Veslingii Anatomia, 4.  
 Volkamerus, Flora Norenburgensis, 4.  
 Wepferi de Cicuta aquatica, 4.  
 Zachiae Quaestiones Medicae &c. 3. voll. Folio.  
 Et multi insuper alii Libri in Omni Facultate.























